



Ex Libris Ferdinandi

Frosij.

Monte Baio. 20.



13. 5. 6. 35











1871

TRACTATVS
DE CON-
FESSIONIBVS MA-
LEFICORVM ET SAGA-
RVM SECVNDÒ RECOGNI-
tus, & auctior redditus.

An, & quanta fides ys adhibenda sit?


AVCTORE PETRO
Binsfeldio Suffraganeo Treuirensi
Doctore Theologo.

*Adiungitur Commentarius, eodem Auctore, in Tit. C. lib. 9. de
Malefic. & Mathematicis, Theologia & iuris scientiæ, secun-
dum materiæ subiectæ naturam, accommodatus, iam primum
reuisus & auctus.*

In fine adiunguntur Bullæ & extrauagantes Pontificum
successu temporis emanatę contra Astrologos, Diui-
natores, Magos, Maleficos & alios supersticiosos.


Exod. 22. cap.

Maleficos non patieris viuere.



AVGVSTAE TREVIRORVM,
Ex Officina Typographica Henrici Eock,
ANNO dñi. 15. XCVI.

Cum Priuilegio Cesar. Maiest. ad decemium.



A D M O D V M

REVERENDO DO

MINO IOANNI BALLAE

celebris Monasterij S. Huperti

Ordinis D. Benedicti in

Ardenna Abbati,

amico suo,

Petrus Suffraganeus

S. P.



V M præsens in seculum omnium vitiorum colluies eruperit, & de die in diem mundus in deteriora flagitia ruat, Admodum in Christo Reuerende Pater, rectè quod antiquitus Horatius cecinit, deplorare licet:

Æt as parentum peior auis

Tulit nos nequiores, mox daturos

Progeniem vitiosorem.

Ea de causa princeps tenebrarum

(:) 2 nunc

E P I S T O L A

Gregor.
Hom. II.
in Ezech.

nunc maioribus viribus, & grauiori tyrannide, quàm vnquam miserum genus humanum inuasisse videtur: ita vt nunquam dormiendum dormitandumque ei sit, qui custodit Israël: Cùm leo rugiens, iuxta Apostolicam doctrinam, semper circumiceat querens quem deuoret, nec dormiat, aut dormitet, qui hominis salutem impugnat. Deus enim Optimus Maximus prauis mortalium operibus irritatus, malis spiritibus qui à se pessimam in nos habent voluntatem, permittit, vt suam etiam exercent potestatem, & machinentur omnia mala in perniciem non solum animæ, sed etiam in interitum corporis & totius substantiæ ordinatæ in conseruationē generis humani. Verè enim quidam dixit: Iustus & omnipotens, cùm præcedentibus peccatis irascitur, permittit vt cæca mens etiam in alijs labatur. Quoniam autem hoc tempore scientia Dei plurimis deest: aut si Deum cognoscunt, non vt Deum timēt & venerantur, sed sequuntur sua desideria, voluptates seculi, concupiscentiam carnis, & superbiam vitæ, Deus multos

tradit

DEDICATORIA.

tradit in reprobum sensum, permit-
tendo Dæmoni, vt suum in cos exer-
ceat tentandi officium, & inducantur
ad faciendum ea, quæ non cōueniunt,
repleti omni iniquitate & malitia. In
quorum numero supremum sibi ven-
dicant gradum ij, quos propter facino-
rum magnitudinem vulgus maleficos
appellat. Quo hominum genere nul-
lum nequius, nullum damnabilius,
nullum Deo ingratius, nullum reipub-
licæ perniciosius, & Dæmonibus pro-
pinquius inuenitur. Quæ de causâ leges
ciuiles naturæ peregrinos, & generis hu-
mani inimicos nominant. Quando-
quidem autem effectus sunt signa na-
turæ, & ex fructibus arbor qualis sit, co-
gnosceitur, libet paucis ob oculos pone-
re opera maleficorum, quæ frequentius
contra diuinam maiestatem, hominū
salutem, & publicam vtilitatem perpe-
trare non verētur: Deum in primis ab-
negant, suscepto Baptismatis Sacra-
mento renunciant, fœdus cum morte
& inferno ineunt, Dæmoni cultum re-
uerentiamq; exhibent, eiusq; perpetuo
ministerio non rarò se deuouent, Dæ-

cap. Nec
mirum.

26. q. 3. L.

Nemo.

C. de ma-

lefic. &

Math.

I. Multi.

I. Edl. C.

de malef.

& math.

E P I S T O L A.

monibus incubis & succubis abutuntur, iisdemque euehentibus, per aërem ad longinqua loca de nocte transportantur, vbi conuenticula celebrant & conspirationes faciunt aduersus communem omnium prosperitatem, vt nimirum suis incantationibus, sortilegijs & diabolicis coniurationibus elementa concutiant, tempestates & coeli iniurias moucant, terræ & arborum fructus destruant, homines iumentaque interimant, partus humanos suffocent, suffocatos igne in cineres resoluant, & sic resolutis vtantur in nephan-
dis suis maleficijs, viros impotentes reddant ad generandum, & mulieres ineptas ad concipiendum, nec non alia plurima horrenda & abominanda operantur, quæ mens humana recti conscientia memoria comprehendere erubescit, vt Pontificum, Patrumque decretis, legibus, rationum firmamētis, proprijs maleficorum confessionibus, iudicum testimonijs, plurimis experimentis exemplisque; tam in hoc tractatu de maleficorum confessionibus, quàm in commentario in tit. Cod. de malefic. & mathem.

DEDICATORIA.

them. adiuncto contra multorum errores, ac perniciosas falsasq; opiniones declaramus, demonstramus, & vsq; ad satietatem omnium oculis subiicimus. Cùm autem malefici tam enormissima crimina, vt nemo sanæ mentis dubitare potest, committant, & perditionem alios perdere non desinant, seducti alios in errorem & malitiam seducere tentent, non immeritò secundum legem diuinam humanamq; morte mulctandi, & ab hominum societate tollendi sunt. Indecens & indignum est eis relinquere vitam, qui multorum vitæ insidiantur, & crudele est eis parcere, qui iniuste etiam in insones sæuiunt. Innocentes enim tradit exitio, qui parcit multorum exitia cogitantibus. Longo tempore hoc crimen latuit, secretumq; fuit, prout eius exercitij natura est, quippe quod magnam communionem habeat cū principe tenebrarum, qui odit lucem, & amat noctem, & sic longè lateq; suum virus diffudit, ita vt non sine molestia, labore, & difficultate aliqua ex parte extirpari valeat, sicut experientia rerum omnium magistra

E P I S T O L A

edocemur, publicis argumentis & iudicium quotidianis querelis cognoscimus. Querunt autem multi, qui plus æquo misericordia erga hoc pessimum hominum genus mouentur (sit tamen misericordia dicenda sit, quæ impenditur eis, qui humanitatis expertes sunt, & infantium non misereantur) quando sit tandem futurus finis incendiij in maleficos & sagas. Quibus absque longis ambagibus respondetur: Tam diu esse locum pœnæ, quàm diu culpa non cessat. Interest enim rei publicæ ad conseruandum illæsum suum statum, prouinciâs purgari hominibus malis. Cesset ergo culpa, & cessabit pœna, quæ culpæ mensuræ respondet. Quemadmodum enim, quàm diu fures & publici latrones inuenientur, manebit usus furcæ & rotarum: Sic, quanto tempore malefici & sagæ modo humano & iuris ordine reperientur, tanto incendium perdurare necesse est. Cum feruore, ait Propheta, Gladius ad Chaldeos, gladius ad diuinos, gladius ad fortes illius: cum zelo iustitiæ, & salute rei publicæ præsides prouinciarum, quàm diu malefici sunt,

L. Con-
gruit. ff.
de offic.
præsid.

Hier. 50

DEDICATORIA.

sunt, sententiam proferre possunt: Ignis ad maleficos, ignis ad sagas, ignis ad magos. Sed vt finem his faciam, quia hoc vitium plurimum, prohi dolor, inualuit in diuersis nostræ Germaniæ Prouincijs, & multi Iudices nunc experientia malorum excitati, diligētius inquirunt, Priores tractatus nostri de maleficis editiones omnes diuenditæ & distractæ sunt, & passim tam in nundinis Francosurdienlibus, quàm alijs officinis, vt multorum relatione didicimus, plura exemplaria expetuntur, sepositis alijs negotijs, statuimus publicæ vtilitati laborem nostrum accommodare, & hanc tertiam editionem cæteris auctiorem operæ Typographi subijcere, quæ etsi non tam perfecta (quamuis Prouerbio tritum sit: Omne trinum perfectum esse) quin possit esse perfectior, tamen plurima prioribus addit, quæ maximè faciūt ad clariorem multorum lucem, & lectorum eruditionem. Ne autem huic nostræ editioni fautor & patronus deesset, Admodum Reuerende Domine, te meritò delegi protectorem contra Zoilum, qui frequen-

(:) s quen-

E P I S T O L A

quentius oblatrare solet contra offensionem maleficorum & noctiuagarum strygun, maximè quod etiam occasionem augendi librum dederis superiori hyeme Treuiris, cùm à Typographo venalia exemplaria postulasses, nec habuisses propter omnium distractionem, & tum temporis spem dederim iterum breuiatius excudendum. Mouent etiam ad hoc singularia beneuolentiæ amicitiaque officia, quibus me Tua admodum Reuerenda Paternitas sibi deuinxit in Monasterio vestro S. Huperti, cùm ante aliquot annos locum illum miraculis multis clarum, & religione cōspicuum peregrinationis causa visitassem. Præterea etiam idem suadent humanitatis & obseruantia argumenta, quæ sæpè alibi mihi in conuentu magnorum, & honoratorum virorum ostendit. Grato ergo æquoq; animo hunc nostrum, quem dedicamus & offerimus laborem accipito. Precamur interim summis votis DEVM Optimum Max. vt Tuam admodum Reuerendam Paternitatem diutissimè in spiritus & corporis valetudine robustam,

con-

DEDICATORIA.

conferuet, vt valeat foeliciffimè fuum
monafterium antiquum & valdè cele-
bre iniuria horum infœlicium tempo-
rum incendio dirutum, vti prosperè
cœpit, in religione fancta D. Benedicti,
fub quo militat, & edificijs erigere, & ad
finem optatum perducere. Treui-
ris, Calend. Septemb. Anno
Domini 1596.

(.:.)



CARMEN CONTRA MALEFICOS.

Ad beneuolum Lectorem.

Vltima quis dubitet versare volumina cœlos,
Quando et ex Orco monstra luesq; ruunt?
Illic et adofurens sceleratiz militat armis,
Destruit & pura religionis opus.
Hic & in anplexu ditis venit impia Saga,
Fodiat & horrendo membra torumq; stupro.
Itaq; cum Christo cum Sanctis fœdera soluens
Ferreâ conuulq; cum Styge pacta ferit.
Hinc amor hinc faciles aditus hinc murus usus,
Hinc ad nocturnos dextera vincti choros.
Hinc tot aquis clades populis tot funera surgunt,
Dum mala que Deorum suaferit illa patrat.
Si uel et huius tristes membris infundere morbos,
Ictû parat tacitu hæc acouita dolis.
Si imbet hic denso fruges subverttere nimbis,
Hæc pluuia Stygio carmine coquit aquas.
Si imbet hic terram syluasq; boare conitru,
Ifficit & montes rumpere posse putat.
Quò magis indoleat, vereatq; Numinis iram,
Tantè et patronus crimina iura suos.
Qui scelo ingenuæ titulus hoc artis olumbrant,
Vnde vetant merita igne piare striges.
Sed nihil iniusta prodest defensio causa,
Bunsfeldi docta præfulis arte cadit.

Damo-

*Dæmonis hic fraudes pandens caligine tectus,
Publica, qua scribit, per monumenta probat.
Quæq; dat infelix Plutonis damna propago,
Hæc sophia & Patrum detegit arte, fide.
Adjicit antiquo pœnas his iure dicatas,
Tartaream fugiant hac ratione necem.*

Ex nouo Collegio, seu Semina-
rio Metropolitano Treuirensi,

A. v. Bruec, S. Th. D.



TRA-







TRACTATUS QVÆSTIONIS,

AN FIDES SIT HABENDA
Maleficorum Confessioni?

DRO intelligentia sensus quæstionis
cognoscendum est, maleficos confi-
teri, se quædã opera fecisse, & dama-
na intulisse, quæ facultatem hu-
manæ naturæ, ingenijq; nostri captum supe-
rare videntur: quare à multis, qui rerum na-
turas suo cerebro, & non veris fundamentis
metiuntur, somnia & meræ phantasiæ credun-
tur. Deinde malefici de se confessi, de alijs cõ-
fitentur, eosque tanquam criminis participes
denunciant. Duo ergo membra quæstionis *Diuisio ope-
ris.*
pertractanda erunt. Primum, præsuppositis
aliquot præludijs, quæ vniuersæ materiæ ali-
quod lumen cognitionis adferant, resoluet
veritatem operum mirabilium, quæ fateatur
se fecisse & facere. Secundum, in quo nodus
difficultatis consistit, aperiet, an maleficorum
confessioni contra socios & participes crimi-
nis aliquid fidei tribuendum, & quantum in
ordine ad torturam: per decursum dubijs in-
eidentibus satisfiet, & tandem argumenta in
oppositum dissoluentur.

Maleficia sic
vi certū esse.

I. Præludium. Certissimum est, & nulla ratione dubitandum, maleficia propriè dicta, siue opera diabolica, mediāte hominum auxilio, in rerum natura fieri, & hoc secundum sacras literas, canones, leges ciuiles, & rectam rationem.

Maleficij varie significatiōe.

Dictum (maleficia propriè dicta) quia apud antiquiores Iuris peritos & leges, maleficium generaliter accipitur pro omni crimine, hîc autem sumitur pro opere malo ope diabolica perfectō, singulari modo, & ad singularem effectum.

Probatur nunc Præludium, Exod. 22. Maleficos non patieris viuere, Leuit. 19. Non declinetis ad magos, nec ab ariolis aliquid sciscitemini, vt polluamini per eos: & c. 20. Vir siue mulier, in quibus Pytholicus, vel diuinationis fuerit spiritus, morte moriantur, lapidibus obruent eos. Deut. 18. Nec inueniatur in te, qui lustrat filium suum, aut filiam, ducens per ignem: aut qui ariolos sciscitetur, & obseruet somnia, atq; auguria, nec sit maleficus aut incantator, neq; qui Pythones consulat, nec diuinos. Omnia enim hac abominatur Dominus, & propter istiusmodi scelera delebit eos in introitu tuo. In iure Canonico, in titulo de frigidis & maleficiatis, & 26. per totam quæstion. & 33. q. 1. cap. si per sortiarias. In iure Ciuili, C. de maleficis & mathematicis. Hinc argumentum firmissimum sumitur: cur enim sacræ literæ tam seuerè maleficia, incantationes, & opera magica damnant, si nullius sunt virtutis

tutis & efficaciz? Cur canones & Pontificum decreta prohibent? Cur leges ciuiles capitales in maleficos & incantatores statuunt pœnas? An fortè istas leges Christiani instituerūt, quibus artes magicę puniuntur, secundum quem alium sensum, nisi quod hæc maleficia generi humano pernitiōsa esse non est dubium? Sic enim arguit S. Augustinus lib. 8. de Ciuit. Dei, cap. 19. Veneficia ergo & Magia, non vanum nomen sortita sunt, sed vim quandam possident, vt rectè ait Michael Psellus in lib. de Dæmonibus. Accedit etiam ratio. Reperiuntur aliqui effectus, & reperti sunt in rerum natura vt dare responsa de occultis; ferri peraera ad remotissima loca, &c. qui non possunt referri ad cauſas naturales, sed Dæmones. De his legendi S. Augustinus lib. 18. de Ciuit. Dei cap. 17. & 18. & lib. 15. cap. 23. & lib. 2. de doctrina Christiana à cap. 20. & lib. 3. de Trinit. à cap. 5. S. Thomas lib. 3. contra Gentiles à cap. 104. S. Bonauent. in 2. sentent. d. 7. & 8. & in 4. d. 34. cum Magistro sentent. Alexander Halen. 2. parte, q. 43. Franciscus Victoria in relectione de arte Magica. Alfonso à Castro lib. 1. de iusta hæreticorum punitione, à cap. 14. Malleus maleficorum. à par. & alij, qui in progressu allegabuntur.

Ex dicto præludio infero, hæreticum esse, & à fide Christiana alienum, qui cum pertinacia asserit, maleficia nihil aliud esse quàm somnia & imaginationes. Nec talis hæresis noua est, sed antiqua, vt est videndum apud S. Thomam &

bonauent. in 4. d. 34. & Ioan. à Turrecre. in 33. q. 1. cap.
Si perfortiari. Procedit autem hic error ex alia
 maiori infidelitate, nempe qua creditur: Dæ-
 mones non esse, nisi in opinione vulgi. Fuit
 Democriti, Alexandri, Simplicij, Auerrois, &
 Aristotelis secundum communiorē senten-
 tiam, nec non aliorum Peripateticorum opi-
 nio, nullos esse Dæmones. Putata autem Auerr.
 in Epistola de Resurrectione, persuasionem &
 opinionem de existentia Dæmonum inde in-
 uectam, quod viri sapientes hæc terriculamē-
 ta commenti fuerint ad arceudos & terrendos
 improbos à sceleribus, quasi post hanc vitam
 supersint ultores malorum, quos nos Dæmo-
 nes appellamus. Huius inuenti Simplicius in
 libr. de Anima, primum inuentorem tradit
 fuisse Pythagoram. Et quamuis Augustinus
 Eugubinus libr. 8. de perenni Philosophia,
 ca. 26. contendat docere, Aristotelem sensisse
 Dæmones esse. Communior tamen senten-
 tia est, secundum Philosophiam Aristote-
 lis, nullos esse Dæmones, cum nullas noue-
 rit substantias separatas à materia, præter mo-
 tores orbium, quod in 12. suæ metaphysicæ
 libro demonstrare contendit. Ex hoc fun-
 damento originem trahit error Hermetis
 Trismegisti, & aliorum Philosophorum, refe-
 rentium omnia opera magica in virtutes &
 causas naturales. Saduccei quoq; vt in Actis A-
 postolicis apertū est, spiritum & angelum esse
 nega-

negabant. Hos secuti sunt quidam heretici dicti Dositheani, quos ex Simonis Magi schola prodijisse Theodoretus putat. Horum opinionem impietate plenam adhuc nostro seculo quidam secuti sunt, quos confutat Franciscus Feuardentius lib. i. aduersus hæreses, in verbo Angeli. Similem errorem Origenes tribuit medicis, tract. 3. in Matth. verba 17. cap. Domine miserere filio meo, quia lunaticus est, & malè patitur. Primò autem quæramus, ait, quid est, quod sequitur: quia lunaticus est, & malè patitur? Medici loquuntur, quæ volunt; quia nec immundum spiritum arbitrantur, sed corporalem aliquam passionem, & dicunt humida moueri in capite secundum aliquam compassionem ad lumen lunare, quod humidam habet naturam. Nos autem qui Euangelio credimus, dicemus hanc compassionem immundum spiritum operari. Obseruat enim quædam schismata lunæ, & sic operatur, vt ab obseruatione lunæ pati homines mentiantur, & per hoc culpabilem Dei creaturam ostendat. hæc Origenes. Ad idem accedit, quod Michael Psellus antiquissimus Philosophus Platonius, sed Christianus, in lib. de Dæmonibus refert, se conuersatum cum homine in Chersoneso Græciæ contermina, solitariam vitam agente, cui nomen Marcus erat, qui in primis Dæmonum studijs adhæserat, deinde palinodiam cecinit, verisq; nostris dogmatibus ad-

hæsit. Cum hoc homine multa contulit de natura Dæmonum, vt ex libro clarum est, & inter cætera de Dæmonum operationibus in arrepticijs & alijs, obijcit Marco in hæc verba: Sed ego, ô Marce, inquam, retentiora quædam sapere nos medicorum sectatores adducunt, asserentes passiones eiusmodi nō esse effectus Dæmonum, sed humorum, vaporumque, & venti malè sese habentium. Itaq; pharmacis & dieta, & non carminibus incantantium, expiationibusq; curare hæc aggredi solent.

Tum Marcus respondit. Nihil mirum est hæc medicos dicere, qui nihil nouerint præter sensum, sed corporibus tantum incubuerint cognoscendis. Illa fortasse decebat malorum humorum putare incommoda capitis somniferam grauitatem, atq; bilis angustias, phrenesis deliramenta, quæ lauacris, potionibusque, vel euacuationibus, vel emplastris sedare consueuerunt. Inspirationes autem, occupationesq; quibus, qui obsessus est, agere nihil potest, non intellectu, non ratione, non phantasia, non sensu. Aliud verò est, quod moueatq; ducit, dicitq; insuper, quæ non nouerit occupatus, & futura nonnunquam prædicit: quæ inquam pacto dicemus hæc esse erraticas materiæ motiones: A Philosophorum & antiquorum Medicorum falsa & impia opinione non videtur nostris temporibus etiam aliqui Physici esse alieni, qui ferè omnia, quæ Dæmonum
ope-

operatione, circa hominem aguntur, vt contingit in enegumenis, obsessis, maleficis & incantatoribus, referunt in humores melancholicos, complexionem corruptam, perturbatam phantasiam, aliasq; causas naturales: & fortasse etiam cum superioribus animo verè sentiunt, neq; Dæmones esse, neq; infernum, sed animam simul cum corpore interire, licet verecundia & timore impediti non prodant. Quam impiam doctrinam aliqui etiam Itali medici & physici ex Philosophia quorundam Ethnicorum hauserunt nostris temporibus.

Sit ergo.

2. Præludium. *Fides Catholica firmiter tenet esse Dæmones.*

*Dæmones est
scilicet est fides.*

*Probat*ur Iob 1. Cum venissent filij Dei ante faciem Domini, adfuit etiam inter eos Satan. Leuit. 19. Prohibetur immolatio Dæmonibus fieri, & Deut. 32. & alibi, & in nouo Testamento Christus saepe eiecit à corporibus obsessis Dæmonia, & s. Paulus ad 1 phez 6. ostendit periculofum certamen, quod cum rectoribus tenebrarum habemus.

Math. 8. 9.

Luc. 9. 11.

Marc 9.

Si ergo sunt Dæmones, necesse est eos operari, cum non sint otiosi, sed semper circumeant quærentes, quem deuorent.

Ad maleficiū
tria cōcurre
re, & quæ.

3^o Præludium. *Vt maleficium fiat, de quo hic agimus, tria concurrere necesse est: Diuinam voluntatem permittentem, Diaboli potestatem perficientem atq; instigantem, & hominis malefici voluntatem liberè consentientem.*

Cùm enim Deus rerum omnium, quæ cœli terræque ambitu continentur, prima sit causa, Principiumq; mouens, in ipso sumus, viuimus ac mouemur, nec non omnia per ipsum facta sunt, & fiunt, & sine ipso factum est & sit nihil: ideo cuncta diuinæ prouidentiae subduntur, vt nec capillus capitis pereat sine ipsius nutu; id quod probat in suorum consolationem, dum ait: Nonne duo passeressasse uenerunt, & vnus ex illis non cadet super terram sine patre vestro? Vestri autem capilli capitis omnes numerati sunt. Nolite ergo timere, multis passeribus meliores estis vos. Si ergo Deus non uiderit, diabolus cum omni sua potestate nihil poterit in terra nocere hominibus. Permittit autem Deus, hanc Dæmonibus & maleficis potestatem: tum ad manifestandum hominibus altitudinem diuitiarum suæ sapientiæ, & scientiæ, quæ etiam nouit ex malis elicere bonum, tum ad declarandum iustitiam in eos, qui peccant, & non agunt pœnitentiam: tum ad cognoscendum, quod illi, qui contempta veritate ad patrem mendacij conuertuntur, iustè decipiantur, & in varios errores perducantur. Dicit quispiam: Quare
Deus

Deus permittit, vt etiam in sanctos & innocē-
tes diabolus suam exerceat potestatem, vt con-
stat ex historijs Iob, S. Anthonij, Hilarionis, a-
liorumq; sanctorum Patrum? Certissimum
est, quod ratione malitiæ & demeritorum,
maior conceditur Dæmonibus potestas in
malos, quàm bonos: quia mali meruerunt
peccatis subijci tanquā vilissimi serui: à quo
enim quis superatus est, eius seruus est. Super
bonos autem Dæmon non habet potestatem
ad perdendum, sed tantum ad probandum,
*Iob. 2. Ecce omnia quæ habet, in manu tua sunt: verum-
tamen animam ipsius serua. Et Tob. 12. Quia acceptus
eras Deo, necesse fuit, vt tentatio probaret te.* Adhæc
Deus Opt. Max. qui suauiter omnia disponit,
permittit vt boni aliquando maleficijs affici-
antur: partim in argumentum meritorum,
quæ augentur ratione tribulationis patienter
toleratæ: partim in custodiam humilitatis,
dum enim huiusmodi Dæmonis exercitijs se
cognoscunt subiectos, humiliantur, cum igno-
rent, amore nean odio digni sint: partim vt
reuocentur ad frugem melioris vitæ, maiori
studio & diligentia rebus diuinis, sacramen-
tis mysterijsq; nostræ salutis incumbant, quæ
sunt oportuna arma ad euertendas aereas po-
testates. In horum confirmationem pulchra
adferuntur à S. Augustino in Psal. 77. in illum
versiculum: Misit in eos iram indignationis
sue, &c. In filiis diffidentia, inquit, tanquam

*Quare Deus
maleficia per-
mittat.*

2. Petr. 2.

in suis mancipijs operatur, quemadmodum homines in pecoribus suis: Et illic tamen quantum Dei iusto iudicio finitur. Sed aliud est quādo potestas eius etiam suis sicut ei placet, tractandis maiore potestate prohibetur: aliud quando ei potestas etiam in eos, qui ab illo alieni sunt, datur. Sicut homo de pecore suo pro humano captu facit, quod vult, nec sanè facit, si prohibeatur à potestate maiore. De alieno autem pecore vt faciat, expectat sibi potestatem dari ab illo, cuius est. Ibi ergo potestas, quæ fuerat, prohibetur: hic autem, quæ non fuerat, tribuitur.

Demon non plus potest, quā Deus ei permittit.

4. Præludium. *Permissione diuina præmissa, Demon operatur tantum, quantum ei conceditur, & non plus.*

Patet in Iob. Ecce in manu tua est: verumtamen animam illius serua. & in Apocal. 20. Angelus catena ligauit Dæmonem. & in Exod. cap. 7. & 8. Magi Pharaonis serpentes fecerunt, & alia similia, vbi ad Ciniphes, quæ sunt muscæ minutissimæ, ventum est, defecerunt malefici, & dixerunt ad Pharaonem: Digitus Dei est hic, vt rectè notat S. Augustinus li. 3. de Trinit. cap. 7. & 9. A bonis etiam angelis, quibus orbis & hominum custodia commissa est, aliquando Dæmones impediuntur, ne possint omnia, quæ cupiunt, in effectum deducere. Quando Dæmonis potestas apud Doctores dicitur ligata ad sensum Scripturæ,
non

non ita intelligendum, quod per mortem Christi ita sit religatus in infernum, vt non possit ad nos accedere tentationis & vexationis gratia, vsq; ad aduētum Antichristi, quando eius potestas soluetur, vt malè Franciscus Ponzinibius in tractatu de Lamijs & excellentia vtriusq; iuris, num. 56. videtur intelligere. Hoc enim argumento vtitur contra translationem realem. Diabolus ligatus est in inferno: Ergo non potest exire ad tentandum & portandum sagas. Sed hic sensus sapit hæresin, vt probè ostendit Barth. Spin. in Apologia 2. c. 5. contra Ponzinibium, cum sacrę literę contrarium doceant. 1. Petr. 5. Aduersarius noster diabolus tanquam leo rugiens circumit, quærens, quem deuoret. & Ephes. 6. Non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritualia nequitię in cœlestibus. Vbi præmisit Apostolus hæc verba. Induite vos armaturam Dei: vt possitis stare aduersus insidias diaboli. Et Christus Apostolis reliquit potestatem eiiciendi Dæmonia. Tandem experientia compertissimum est, multos indies vexari, tentari, & non raro possideri à Dæmonibus. Quare non omnes Dæmones sunt ligati in inferno, sed magnus numerus eorum habitat in aere isto caliginoso, iuxta Apostoli Petri doctrinam. De qua re Magister sententiarum &

Docto.

Doctores in 2. d. 6. tractant. Et præclare Guil-
helmus Parisien. scribit in 2. part. de vniuerso.
Cum doctrina, inquit, Christianorum habeat
euidenter in æris parte caliginosa Dæmones
quasi in carcere habitare vsq; ad diem iudicij:
queritur qualiter inde tam liberè exeant, & in
multitudine tanta? Aliquando enim totam
terram quasi occupasse videntur in templis &
statuis, ac receptaculis alijs, in domibus ac pe-
netralibus, limitibusq; agrorum ac syluis, in
fontibus atq; fluminibus & locis amœnis, in
quibus colebantur & respondebant. Aut ergo
paucissimi remanebant in aëre: aut incredibi-
liter numerosa est multitudo eorum. Vnde
videntur liberum habuisse, imo adhuc habere
egressum, cum ad incantationes, inuocationesq;
magorum, & Necromanticorum mox
veniant. Quid etiam dicam de opere maioris,
minorisq; circuli, in quibus tanta eorum mul-
tudo apparet, vbi & quatuor reges eorum à
quatuor mundi partibus cum exercitibus suis
innumerabilibus venire dicuntur? De exerci-
tibus quoq; nocturnis, quid de fatis ac domi-
nabus nocturnis, quarum principem vocant
Abundiam seu Satiam ab abundantia & satie-
tate, quas largiri creduntur domibus, quas
frequentant, præsertim à mulieribus, quæ ani-
libus deliramentis intendunt, cum hæc omnia
maximè maligni spiritus videantur? Quo mo-
do ligati aut incarcerati censentur, qui ita dis-
cur-

currunt? Nam & Euangelium protestatur in vno homine legionem vnam fuisse. Veruntamen ob hæc nullatenus debes de veritate doctrinæ Christianorum præactæ ambigere. Quod si reminiscaris sermonis eius, qui dixit, quod tot legiones in vnoquoque separatarum ordine substantiarum consistunt, quot sunt personæ in vna legione: videbis in vnoquoque ordine esse sex millia, & sexcentas, & sexaginta sex legiones. Vnde nequaquam putandum est, quod ad libitum possint scire in homines. Nec sine permissione prouidentiae creaturis egredi queunt, & nostram habitationem intrare: imò iusto Dei iudicio illudunt, & penas varias infligunt iniquis, in quibus omnibus creatoris intentio sancta & recta est, utpote decor iustitiæ, correctio peccatorum, punitione medicinalis culparum, exercitatio electorum. Hæc Guilhelmus. Sed nunc ad propositum reuertamur, alligata est potestas Dæmonis non ita ut tentare non valeat, sed ne tantum tentet, quantum tentare desiderat, ut S. Augustin. lib. 20. cap. 8. de Ciuit. Dei docet, cum ait. Sed alligatio diaboli est, non permittere exerceret totam tentationem, quam potest vel vi, vel dolo ad seducendos homines, in partem suam cogendo violenter, fraudulenterue fallendo. Per aduentum CHRISTI & mortem eius ligata est potestas Dæmonis, quia aperta est ianua paradysi, quæ ante clausa erat

erat cunctis, & nunc aditus mundis animabus
patet ad cælum per redemptionem Saluatoris
nostri, & vbi abundauit delictum, superabun-
dauit & gratia. Non tamen negandum est, quin
ex parte tentatorum, Dæmonis potestas respec-
tu aliquorum magis sit soluta, quam ratione
aliorum. Quod S. August. in ser. 197. de temp.
qui est sermo secundus de Dominica pri-
ma post Trinitatis docet: Ante aduentum
Christi, ait, fratres charissimi, solutus erat dia-
bolus: veniens Christus fecit de eo, quod in
Euangelio dictum est: Nemo potest intrare in
domum fortis, & vasa eius diripere, nisi prius
alligauerit fortem. Venit ergo CHRISTVS, &
alligauit diabolum. Sed dicet aliquis. Si alliga-
tus est, quare adhuc tantum præualet? Verum
est, fratres charissimi, quia multum præualet:
sed tepidis & negligentibus, & DEVM in ve-
ritate non timentibus dominatur. Alligatus
est enim tanquam innexus canis catenis, &
neminem potest mordere, nisi eum, qui se
illi mortifera securitate coniunxerit. Iam vi-
dete fratres, quàm stultus est homo ille, quem
canis in catena positus mordet. Tu te illi per
voluptates & cupiditates seculi noli coniun-
gere, & ille ad te non præsumet accedere: la-
trare potest, sollicitare potest, mordere om-
nino non potest, nisi volentem. Non enim
cogendo, sed suadendo nocet, nec extorquet
à nobis consensum, sed petit. Ex dictis con-
stat

stat maiorem concedi potestatem Dæmoni in peccatores, & maximam in eos, qui maxima crimina commiserunt: cū gratia DEI, quæ Dæmoni resistit, & ei manus ligat, longe à sceleratis hominibus sit. Quare falsum quoq; est quod Pözinibius arbitratur, Deum non permittere, vt diabolus portet sagas: Cū omniū iniquorum, maximè tamen maleficorū princeps & caput sit diabolus, & ipsi sint membra eius; qui Deo permittente, potest eos mouere, non est ambigendum, cū peccata eorum maxima maximè iram Dei prouocent, Deum permittere: qui enim permisit filium suum, in quo nullum vestigium peccati vnquam extitit, à dæmone in montem duci, & ad pinnaculum templi constitui, necnon à membris suis Iudæis flagellari, & crucifigi, quomodo non permittet sceleratos maleficos & magos, vexare & mouere? Prædictæ doctrinæ admodū conforme est, & in sequentibus magis elucescet, quod pro verissimo habeo, in crimine nefando maleficorum & sagarum cōtra quorundam hominum ignorantiam, qui sæpius admirantur, quomodo homines minima data occasione in tam graue & horrendum crimen incidant, maxima crimina antecedere casum. Exempli gratia, vt ex quotidianis maleficorū confessionibus percipimus: mulier ex aliqua desolatione redditur pusillanimis, statim aggreditur eā Dæmon: aut vir aliquam displicē-
tiam

tiam concipit aduersum propriam vxorem, voluptateq; accenditur in aliam, in cuius forma se offert mille artifex & vincit. Vel iuuenis aliquis voluit obambulans solus cogitationes in animo turpes de rebus venereis, in promptu apparet traditor in specie formosissimæ scēminæ, & his habitis leuibus occasionibus, Dæmon statim proponit consilium, & promittit quod velit facere voti compotes, si Deo abrenuncient, & castra sua velint sequi, his propositis miseri morem traditori gerunt, de his omnibus exempla plurima sunt in processibus nostrorum iudicum. Dico ergo has leues occasiones & causas proximas, quæ Dæmoni portam aperiunt, multo grauiora peccata præsupponere, quæ diuina sic exigente iustitia, demeruerunt casum in tam abominabile facinus. Quia & diuinis literis, & doctissimorum virorum auctoritate comprobatur, quod præcedentia peccata quandoq; sint causa aliorum. Sic Paulus Rom. i. Quia non probauerunt Deum habere in notitia, tradidit illos Deus in reprobum sensum, vt faciant ea, quæ non conueniunt, & in desideria cordis eorum. Esai. 6. Excæca cor populi huius, & aures eius aggraua. Sap. 2. Excæcauit enim eos malitia eorum. Sic etiam in sacris DEVS dicitur excæcare & aggrauare aures, vt videntes non videant, & audientes non intelligant. His accedunt Doctores, S. Gregor. homil. ii. in Ezechielem.

Iustus

Iustus & omnipotens DEVS, cū præcedentibus peccatis irascitur, permittit vt cæca mens etiam in alijs labatur. S. August. in lib. 83. questionum. q. 79. S. Thom. 1. 2. q. 79. art. 3. & q. 87. art. 2. & alij alibi. Quare omnes, qui vident, quando diabolus Dei abnegationem proponit, & abrenunciationem eorum, quæ in Baptismo promittuntur, desiderat, (quod Dæmonis negotium sit) necesse est, quod excæcati non videant: quis enim nisi cæcus tam oculis corporis quàm cordis, si audiat sibi proponi Dei abnegationem non exhorrescat? quis tam à mente alienus, si adhuc scintilla veræ lucis irradiet, metu non concutiat, si tale scelus obijciat? Certum ergo videtur, talia præcessisse scelera, quorum pœna est, vt videntes non videant, & audientes non intelligant. Atq; hoc singulare est inimici & hostis studiū, nec Dei prouidentia permittit, quod animam inuadere possit, quæ peccatis & sceleribus prius se nō priuauit amicitia & gratia Dei. Sic Cassian. in collationibus Patrum, collat. 8. quæ est Abbatris Sereni ex collatione S. Anthonij, probat & definit, nullatenus Dæmonem posse mentem cuiusq; vel corpus inuadere, nec habere facultatem in cuiuslibet animam penitus irruendi: nisi eam primò destituerit omnibus cogitationibus sanctis, ac spiritali contemplatione vacuum nudamq; reddiderit. Quod idem re-
ctius suo more similitudine ostendit D. Chry-
sost.

cost. lib. 2. de Prouidentia Dei. Quemadmodum, inquit, hi, qui parietes suffodiunt noctis tempore extincto lumine, & furari opes, & earum dominos cum omni facultate iugulare possunt: Ita & hic (intellige Dæmonem) per cæcæ noctis errorem ac tenebras merorem offundens, cogitationes omnes, quæ ad munimen nostrum esse possunt, subducere prius ac furari nititur, vt desertam ac sine adiutorio animam inuadens, plagis innumeris cõfodiat. Ad idem facit Glossa Matth. 4. in illa verba. Si cadēs adoraueris me, cūm infert. Ergo qui adoraturus est diabolum, ante corruit. Si quis obijciat: Deus Optimus Maximus in Iob, Anthonium, aliosq; viros sanctos etiam reliquit Dæmoni, ad tentandum & vexandum potestatem. Ergo ratione peccatorū non permittit Deus tentationem & deceptionem. Facilis est ad hoc Responsio: Concessa est in viris sanctis Dæmoni potestas ad exercitium & coronam, in læsione & vexatione aliqua corporali sine ullo animæ vulnere: vt patet in Iob. Ecce omnia in manu tua sunt, veruntamen animam eius serua. At respectu maleficorum est concessa potestas ad interitum etiam animarū, quia dæmon tam animam eorum sibi vendicat per consensum in tam immane scelus, quàm etiam in corpus dominatur, quod verberibus quoque subijcit, si maleficus pro suo beneplacito seruitutem ei non impendat. Sunt enim malefici

fici & sagæ quasi asini diaboli, ipsum quasi portant, & ab eo deferuntur, & tamen ex permissione diuina id demerentibus peccatis, In tanta sunt cæcitate, quod videntes non vident, & audientes non intelligant. Quod si quis obijciat contra dicta illud Apocalypseos cap. 20. Cùm consummati fuerint mille anni, soluetur Sathanas de carcere suo, & exiet, & seducet gētes: quod erit tempore Antichristi, quādo erit tanta tribulatio, vt etiam, si fieri possit, electi moueantur: Ad quam auctoritatem videtur alludere Ponzinibius loco citato. Respondeo cum Magistro & alijs in 2. d. 6. quod cū hæc de Lucifero intelligantur, siue in infernum demersus sit, siue non: credibile est, eū non habere potestatem tantam accedendi ad nos, quantam habebit tempore Antichristi, in quo fraudulenter ac violenter operabitur. Et ideo tunc dicitur soluendus, quia maiore ei potestas propter maiorem hominum malitiā, & incredulitatem dabitur à Deo ad tētandum homines, quāmodo modo habeat. De hac autem alligatione & solutione diaboli latè agit S. Augustinus lib. 20. cap. 8. de Ciuit. Dei, quem studiosus lector videre poterit.

5. Præludium. *Ad maleficium præter diuinam permissionem, & diaboli potestatem, requiritur hominis libera voluntas, quæ ex malitia consentit in maleficium, quæ*

In maleficium etiam maleficium liberè consentire debes.

diabolus tanquam instrumento vititur ad effectum.

Affectat enim diabolus in suis maleficijs quandam imitationem diuinorum operum: Vnde sicut Deus in mysterijs nostræ salutis & sacramētis, hominum salutem eorundem ministerio operatur, etsi de absoluta potestate non sit alligatus sacramentis & visibilibus signis: ita diabolus in perditionem, maleficorū opera, suam malitiam diffundit, quamuis etiam Deo permittente, per se possit hominibus nocere, vt patet in Iob, Anthonio, & alij: tunc tamen non est maleficium, sed purum diaboli opus. Accedat ergo consentiens hominis liberum arbitrium ad perfectionem maleficij, necesse est, quod quidem arbitrium potest diabolus, vt rectè Cyrillus ait, *Catechesi 4. Illuminatorum*, incitare, cogere autem præter voluntatem omninò non potest. Subijcit tibi scortationis cogitationes, si vis, probas: si nolis, improbas. Quàm diu ergo homo in statu præsentis vitæ est, cum liberi arbitrij permaneat, à Dæmone cogi non potest ad malum, sed tantum persuadendo, vel terrendo moueri. Dei enim omnipotentis solum opus est, efficaciter voluntatem hominis impellere, iuxta illud, *Prouer. cap. 21. Cor regis in manu Domini. Ex hoc fundamento error multorum imperitorum in vulgo confutatur, qui censent haud fieri*

*Malefici cō
uerri possūt,
si volunt.*

fieri posse, vt malefici iterum cōuertantur ad
 saniozem mentem, quando semel Dæmoni
 sua nomina dederunt, & Christianæ fidei ab-
 renunciârūt. Sed hic error cū sit falsissimus,
 à Concionatoribus ab humanis mentibus ex-
 tirpandus est: multos enim trahit in despera-
 tionis peccatum, qui ad Christum redirent;
 tollit libertatem arbitrij, gratiā Dei extenuat,
 & diabolū potentiozem facit ad perdendū,
 quā Christum ad saluandum, contra verita-
 tem ab Apostolo traditam. *Rom. 5. Vbi enim abun-*
dauit delictum, superabundauit & gratia. Videmus
 etiā, quod aliqui se voto religionis solemni,
 corpore & animo in perpetuum Deo conse-
 crârūt, ipsiusq; castra multis annis secuti sunt,
 qui quādoq; in fine vitæ Dæmonis suggestio-
 nibus impulsī, apostatæ fiunt, & suauē Christi
 iugum derelinquunt. Quanto magis, qui in-
 fœlicis Dæmonis sodalitiū sequuntur, etiā si
 eius obsequio se deuouerint, poterunt gratia
 Dei adiuuante, quæ omnibus petentibus da-
 tur, ad communionem fidelium, si velint, re-
 dire, & duram diaboli seruitutem excutere, &
 hæc doctrina hoc infœlici tempore sæpius po-
 pulo inculcanda est.

6. Præludium. Præcedenti affine.

Omnia opera maleficorum effectum sorti-
antur ex pacto expresso, vel tacito cum Dæ-
mone, ita vt semper, quando vult maleficius

Omnia ma-
leficorum o-
pera fieri ex
pacto cū Dæ-
mone tacito
vel expresso

R 3

opera



*operari, expresse vel tacite inuocet Demone-
nem in auxilium, vt concurrat ex pacto.*

Hoc praludium, cum tota opera magorum & maleficorum fundetur in pacto & quasi condito cum Daemonibus, vt attestantur Doctiss. in Theolog. Franciscus Victoria in Relect. de arte Magica, & Iosephus Angles, in 1. par. Florum qq. Theologicarum in 2. in q. de eadem materia, latius quam in priori editione est extendendum, maxime cum Ioannes VVierus celebris in medicina, & vir varie lectionis. qui ferè totam machinam maleficorum & Sagarum in phantasmata, melancholiam & illusionem refert. hoc fœdus etiam & pactum imaginariū, & impossibile iudicet, & satius congruè ad suum propositum: Quia destructo fundameto. quæ ex ipso sequuntur, destructa censentur: & cum dictus Doctor Medicus in ipso fundamento cecidit. sicut etiam in quibusdam alijs principalibus pñctis huius materia, habeatq. aliquos suæ opinionis discipulos: fusius doctrina de pacto Magorū & maleficorum stabilienda est, vt firmo iactofundameto, ædificium firmitus stet Impugnat dictus auctor pactum hoc & fœdus præcipue in lib. de Lamys ca. 7. & 8. & 23 & de prestigijs Daemonum lib. 6. cap. 27. & in d. cap. 23. non constare dicit de pacto, nisi ex propria stupidarum delusarumq. anicularum confessione. Et in d. ca. 27. argumentis impossibilitatem pacti arguit, quæ infra soluentur.

Vera & Catholica doctrina est intercedere posse pactum, & de facto interuenire in operibus Magorum & maleficorum. Probat in primis ex illo Esaie 28. Dixistis, percussimus fœdus

foedus cum morte, & cum inferno fecimus pactum. Quod ad præsentem sensum, allegârunt S. Thomas 2. 2. q. 95. art. 4. in corpore. Alphonsus Castren. lib. 1. de iusta hæreticorum punitione, cap. 14. Mart. Nauarr. de pœnitentia d. 1. cap. Nunquid Cain. Paulus Grilland. lib. 2. de Sortilegijs, q. 3. Atq; hæc Esaiæ verba ad propositum etiam accommodant Pontifices, Ioannes 22. in extrauag. incip. Super specula edita contra Magos & magicas superstitiones. Et Sixtus V. in Bulla contra Astrologos, incantationes, diuinationes & sortilegia. Quare non rectè Censor noster tam pactum, quàm hunc sensum vel horum Esaiæ impugnavit. Quandoquidem sacra Scriptura non solum vnum habet sensum, sed etiam plures. Clarius idem probat illud Euangelij Matth. 4. Iterum, inquit scriptura, assumpsit eum in montem excelsum valdè, & ostendit ei omnia regna mundi, & gloriam eorum, & dixit ei: Hæc omnia tibi dabo, si cadens adoraueris &c. Tunc dicit ei Iesus. Vade Satana. Scriptum est enim, Dominum Deum tuum adorabis, & illi soli seruiēs. Hic percunctor, an hæc non sit species & forma pacti: Hæc omnia tibi dabo, si cadens adoraueris. Quis enim Iuris peritorum dubitauit pacta fieri hoc modo, per si, dabo hoc, vel tantum, si hoc feceris. L. hoc iure. ff. de donationib. L. Labeo scribit, si mihi Bibliothecam. L. Iuris gentium. ff. de pactis. Baldus in

Tract. de pactis, à num. 20. Ioan. Baptista Cacialupus in Tract. de eadem materia, q. 6. & alij in ll. allegatis. An non etiam forme contractus innominati sunt, secundum leges & omnes Doctores hæ? Do vt des, do vt facias, facio vt facias, facio vt des. ff. de præscriptis verbis: & in factum actionib. L. Naturalis meus, Glossa & DD. ibidem. Angelus, Syluester, Aurea Armilla, & omnes sum mistæ in verb. Cōtractus. Quid ergo aliud sonant secūdum legitimū, naturalem & verum sensum hæc verba. Hæc omnia tibi dabo, si cadens adoraueris me, nisi pactum? dabo, si exercueris actum adorationis, do, si hoc feceris: hoc modo etiam semper nostros maleficos & sagas in primis aggreditur. Si Deo & suis abrenunciaueris, mihiq; adhæseris, liberabo te à tali desolatione, aut tribulatione, aut paupertate, dabo diuitias, aut offeram voluptatem ad libitum, aut faciam te voti compotem, &c. Vt nō modo percipimus ex confessionibus stupidarum anicularum, sed etiam virorum doctorum vtriusq; status, Ecclesiastici & ciuilis, hominum, iuuenum & senum, (quod sanè dolendum) imò etiam cōuersorum & pœnitentium. Deinde ad probationem dictæ veritatis accedit canon. 26. caus. 1. q. 2. cap. Illud: ex August. in hæc verba: Omnes artes huiusmodi, vel nugatoræ, vel noxiæ superstitionis, ex quadam pestifera societate hominum & Dæmonum, quasi pacta infidelis,

delis, & dolosæ amicitia constituta, penitus sunt repudiandæ & fugiendæ Christiano. Nec abhorret lex civilis hoc pactum. C. de malef. & mathem. in l. multi: dum ait, manibus accitis, id est, secundum Glossam, Dijs infernalibus, quomodo vocati veniunt Dæmones, nisi ex pacto? Certè humana potestas, cùm sit inferioris ordinis, & longè infirmioris virtutis, Dæmonem ne minimum quidem cogere posset vt accitus compareret, nisi pactum intercederet. Sed plura pro explicatione istorum verborum adducimus in Commentario intitul. C. de malefic, & mathemat. in d. l. Multi: quem præsentì tractatui statim subiicimus. Comprobat etiam hoc pactum communis Theologorum sententia. D. Cyprian. in li. de duplici martyrio attestatur, quod qui magicis artibus vtuntur, tacitè Christum abnegeant, dum cum Dæmonibus habent fœdus. S. Augustin. li. 2. de doctrina Christiana, à ca 20. cuius verba relata in d. cap. Illud: S. Thom. in 2. 2. loc. citat. & in quæst. 96. sæpè. S. Anthonin. 2. part. titul. 12. Guilhelmus Parisiensis in tract. de fide & legib. fol. 45. col. 2. in edit. Parisiensis de Anno Domini 1516. Scotus in 4. dist. 34 Gabriel. in 2. d. 8. q. 2. art. 4. dub. 2. Syluest. & Angel. in verb. Superstitio, & maleficium. Ioan. Gerson in 1. parte, in Triologio Astrologiæ Theologizatæ. Martinus Arles in tract. de superstitionibus, à num. 85. Ioannes Trittemius

B s

dere-

de reprobis & maleficis ad quæstiones propositas à Maximiliano Cæsare. Franciscus Victoria, Castrensis & Iosephus Angles loc. citat. Ioan. à Turrecremat. in d. c. Illud: 26. q. 2. Martin. Nauar. in manuali confessoriorum, cap. 11. nu. 25. & alij communiter alibi. Consentiant Iurisperiti Paul. Grillan. in d. q. 5. de Sortilegijs. Iodocus Damhauderus in cap. 61. Practicę criminalis. Ioannes Bodinus lib. 2. cap. 3. & 4 de Demonomania Magorum, & in confutatione opinionis VVieri, pag. 440. in editione Basiliensi de Anno Dom. 1581. accedit Thomas Erastus Medicus in Dialogo de Lamijs, qui doctissimè confutat opinionem VVieri, ad propositum, tacito nomine. Atq; hanc Catholici sententiam determinauit Vniuersitas Theologica Parisiensis Anno Domini 1398 19 Septemb. damnando errores aliquos circa materiam superstitionum. Hos autem articulos ponunt Gerson in 1. parte suorum operum: & Bodinus in initio sui libri, & alij alibi.

Tertius articulus ad nostrum intentum talis est. Quod inire pactum cum Dæmonibus tacitum, vel expressum, non sit idololatria, vel species idololatriæ, error. Et intendimus esse pactum implicitum in omni obseruatione superstitiosa, cuius effectus nõ debet à Deo, vel natura rationabiliter expectari. hæc in d. articulo.

Non desunt apud Scriptores præclara patrum

etorum explicitorum exempla, quæ ad ædificationem & instructionem lectorum placeat ascribere. S. Amphilochius in vita Basilij Magni, quam inserit Laurentius Surius tomo primo, refert, quendam infimæ sortis adolescentem Protherij Senatorij ordinis viri filiam deperisse, qui quod se humili & obscuro genere natum cognosceret, Magum adiisse, promittendo ei multam auri vim, si eius opera puella possit potiri. Magus hominem ad Dæmonis voluntatem paratum animaduertens, cum literis ad diabolum mittit, quas ille ea noctis hora & loco, vt incantator constituerat, in ærâ tollit, simulq; operam Dæmonis alta voce implorat. Literarum autem talia erant verba: Quandoquidem, mi domine, non cunctanter in eam curam mihi incumbendum est, vt à Christiana religione homines abstraham, & tuæ adiungam voluntati, quo tua pars fiat auctior: En mitto ad te hunc qui præsentem perferet literas, puellæ cupiditate inflammatum, petoq; vt liceat ei adipisci quod appetit, vt & in illo glorietur, & cum multa alacritate congregem alios, qui placeant tibi. Mox adsunt Principes potestatis tenebrarum spiritualis nequitiae, & lætabundi apprehensum miserè errantem ad diaboli conspectum ducunt, monstrantq; cum illi in sublimi throno sedentem, vallatumq; vndiq; turbis malignorum spirituum. Accipiens autem ille literas à mago

mis-

missas dixit ad miserum, Credis in me? At ille inquit, credo: Et abnegas Christum tuum? respondit, abnego. Tum diabolus, manu tua scriptas mihi exhibe literas, quibus Christo tuo & Baptismati ultro renuncies, meq; sponte in æternum profitearis, & quod in die iudicii preparatas pœnas sempiternas mecum libens sis subiturus, & ita confestim efficiam te rei optatæ compotem. Scripsit ille manu propria ad diaboli petitionē. Statim fornicationis spiritus mittitur, ut puellam perditū iuuenis amore inflammeret, iussis obtemperat, atq; tantam mox in puellæ pectore amoris ignem excitauit, ut se morituram diceret, nisi de parentis consensu famulus sibi matrimonio iungeretur. Basilus deinde hominem diabolo deuotum, Christo reconciliauit.

Nota est etiam historia de Theophilo, quam Metaphrastes descripsit ex Eutychiano Patriarcha Constantinopolitano, qui testatur se scribere ea quæ à Theophili lingua audiuit, & eam historiam adiunxit suis etiam Surius tom. 1. ex Simeone Metaphraste. Meminit eius etiam breuius S. Anthoninus 4. parte tit. 25. cap. 45. §. 6. Hic Theophilus, cum esset in oppido Ciliciæ Adana Ecclesiæ Oeconomus, vel ut S. Antonin. ait, Archidiaconus, iniuste per amulorum calumnias administratione siue dignitate exutus, impatiens tantæ iniuriæ, Iudæi insignis magi in eam urbem auxilium implor-

plorat. Qui cum admonet, ne viso prodigio,
aut aliquo percepto sonitu, signū crucis for-
maret, & sic in cōdicta nocte accepit eum ma-
gus in hippodromum ciuitatis, vbi viros plu-
rimos lanis indutos cum multitudine lam-
padum & satellitum conspiciatur, atq; in corū
medio principem tenebrarum confidentem
cum affeclis suis: mox ad Iudæum hæc profe-
rentem verba. Quod nam possum ei dare au-
xilium, qui seruit Deo suo: sin autem vult re-
uera meus esse seruus, & in meorum numerū
referri, ego opem ei seram, vt plūs quā ante
possit facere, & omnibus imperare. Neget ita-
que filium eius qui dicitur Mariæ, & illam ip-
sam, & illorum negationem ac renunciatio-
nem mihi scriptis mandet, & quæcūq; vult à
me impetrabit. Tunc protinus Theophilum
ingressus est Sathanas, & pactus cum diabolo,
negauit Christum, & sanctissimam Dei paren-
tem, & cū scriptis mandasset suam negatio-
nem, cera obsignauit, & principi tradidit, &
cū se inuicem essent amplexi, ambo recesser-
unt à principe, Theophilus quondam Oeco-
nomus, & proditor ex hippodromo, magna
affecti lætitia propter suum interitum. Sequē-
ti autem die Episcopus qui Theophilum offi-
cio priuauerat, pœnitentia ductus, eundem
cum omni honore restituit, Theophilus et-
iam memor sui discessus à Deo, intercessione
B. Mariæ Virginis, cum pœnitentia rediit ad
Deum,

Deum, à quo defecerat, & tandem charta ab-
iurationis cum bulla ceræ Theophilo reddi-
tur.

Nec huic multum dissimile est aliud rela-
tum à Cæsario Heisterbacensi monacho in
libr. illustrium miraculorum & historiarum
mirabilium, quem scripsit circa annum 1212.
per modum dialogi, in lib. seu distinct. 2. cap.
12. Vbi sic incipit & persequitur: Infra hoc
quinquennium, iuxta Floressiam cœnobium
Ordinis Præmonstratensis, in Diœcesi Leo-
diensi, adolescens quidam nobilis habitauit,
cui pater moriens, utpote vir magnus & po-
tens, multas diuitias reliquit. Factus miles i-
dem iuuenis, ut gloriam sibi conquireret
temporalem, breui ad magnam deductus est
paupertatem: causa laudis humanæ tornea-
mentis totus deditus erat, histrionibus sua
larga manu tribuebat, & quia ad tales effu-
siones redditus annui minus sufficebant, hæ-
reditatem paternam vendere compellebatur.
Erat autem in proximò manens miles qui-
dam diues & honestus, ministerialis tamen:
huic iuuenis iam dictus allodia, siue feuda
sua partim vendebat, partim in vadimonio
expendebat. Et cum iam non haberet quod
venderet, vel exponeret, cogitabat exulare;
tolerabilius iudicans, inter extraneos mendi-
care, quàm inter notos & affines egestatis con-
fessionem sustinere. Habebat autem villi-
cum,

cum, hominem quidem malignum, nomine,
non re Christianum, & dæmonum ministe-
rio totum mancipatum. Vicens hic domi-
num suum tristem, & tristitiæ non ignorans
causam: dicebat ei: Domine, vultis diues
fieri? Respondit, libenter diues fierem dum-
modo diuitiæ esse possent cum DEO. Et vil-
licus: Nolite timere, sequimini tantum me,
& bene erit vobis. Statim secutus est mise-
rum, tanquam serpentis vocem Eua, quasi
sibulum aucupis auicula, in laqueum diabo-
li celerius deponendus. Et duxit eum in
ipsa nocte per quoddam nemus, in locum
palustrem, & cœpit quasi cum aliquo habe-
re sermonem: cui iuuenis, cum quo loque-
ris? Respondit domino suo villicus ille ini-
quitatis: Tacete tantum vos, nec sit vobis
cura cum quo loquar. Cumque secundò lo-
queretur, & iuuenis iterato sciscitaretur, re-
spondit, cum diabolo. Et cœpit iuuenis ni-
mis horrere. Dicebatque villicus diabolo:
Domine, ecce virum hunc nobilem, domi-
num meum adduxi gratiæ vestræ, maiestati
vestræ supplicans, vt vestro auxilio pristinis
honoribus, atque diuitijs restitui mereatur. Ad
quem diabolus: Si mihi deuotus & fide-
lis esse voluerit, dabo ei diuitias magnas:
Insuper addam gloriam & honores, quales
non habuerunt patres eius. Respondit villi-
cus, libenter vobis obsequiosus erit & fide-
lis, si

lis, si talia fuerit consecutus. Et ille, si voluerit illa à me consequi, abrenunciare debet in instanti altissimo. Quod cum iuuenis audiret, & facere renueret, dicebat homo ille perditionis: Quid timetis proferre verbulum vnum? dicite, abrenuncio. Tandem miser iuuenis à villico persuasus, creatorem suum ore suo negauit, manu exfestuauit, diabolo homagium faciens. Hoc scelere perpetrato, diabolus adiecit: Adhuc opus imperfectum est, etiam abrenunciare debet matri altissimi: illa enim est quæ maximum nobis adfert damnum: quos filius per iustitiam abijcit, mater, quia nimis misericors est, ad indulgentiam reducit. Sibilauit iterum serpens in aure adolescentis, ut domino suo in hoc obediret, ut sicut filiū ita etiam & matrem abnegaret. Ad quod verbum iuuenis nimis expauit, turbatusq; supra modum, respondit: Hoc nunquam faciam. Quare, inquit villicus, fecistis quod maius est, facite nunc quod minus est: maior est creator quam creatura. Et ille: Nunquam negabo eam, etiam si me oportuerit ostiatim mendicare per omnes dies vitæ meæ, & non acquirere. Sicq; infecto negotio ambo reuersi sunt, nihil quidem honoris consecuti, sed maximo peccati pondere grauati, villicus suadendo, iuuenis contentiendo. Hæc ille. Deinde subiungit, iuuenem merito & intercessione B. Virginis contritum de peccato & liberatum,

nec;

nec non tandem honestissimo matrimonio donatū, quo mediante, sub nomine dotis omnia sua bona recuperavit: Et adijcit auctor hæc verba: Adhuc, ut puto, vivit, viuunt & scereri, post quorum mortem, eorum hæreditas ad ipsum reuertetur. His etiam addere possumus factum D. Cypriani, qui etiam ante conuersionem suam magiz deditus, chyrographo se obstrinxerat Dæmoni, ut ex eius actis colligitur. Verū hīc paucis moueri potest dubium: An Cyprianus martyr & Episcopus Carthagenensis fuerit ante conuersionem magus: vel alius. In primis certum est ex probatissimis historijs, duos fuisse eiusdem nominis martyres: Alterum Cyprianum Episcopum Carthagenensem, & scriptorem præclarissimorum operum. Alium martyrem Necomediensem, vbi martyrium subiit. Nunc ad dubium. Cyprianum Episcopum Carthagenensem Magum fuisse, aperte sentiunt Niceph. li. 5: hist. Eccles. c. 27. Greg. Nazianz. in orat. in laudem Cypriani mart. Prudent. in hymno de S. Cypria. Metaphrastes apud Lypomanū to. 6: de vitis Sanctorum, & Lauren. Surium tom. 5: in mense Septemb. & ceteri græci, ut attestatur Cæsar Baronius in notat. ad martyrologium Roman. 14. Septemb. Nec video, ex antiquis etiam quis Latinorum in contrarium eat, nec Baronius aliquem allegat. Non fuisse hūc Cyprianum Magum, sed alium Necomedien-

sem contendunt ex recentioribus Pamelius in
 vita S. Cypriani, ante eius opera, Pamelij o-
 pera edita, leui argumento motus, & diligen-
 tius Cæsar Baronius, vir vitæ sanctitate, eru-
 ditione, indefesso labore in annalium Eccle-
 siasticorum scriptiõne, & matura senectute ce-
 lebris, in notat. ad d. martyrologium 14. & 26.
 Decemb. & breuius se referendo ad prius di-
 cta tom. 2. annalium ecclesiasticor. sub Anno
 Christi 250. pag. 439. in editione prima Planti-
 niana, & alij quidam iuniores. Hanc sententiã
 apud antiquos non puto reperiri. Nec refert,
 quod Pontius Diaconus, qui vixit cum D. Cy-
 priano Carthaginensi Episcopo, eiusq; vitam
 conscripsit, quæ à Surio to. 5. 14. Septem. inseri-
 tur, non dicat Cyprianum magum fuisse: Quia
 Pontius, vt satis constat ex initio vitæ ab eo
 descriptæ, eius acta tantum repetitã conuer-
 sione, & tempore quo cœlesti curiẽ inscriptus
 est: Quem ordinem etiam D. Hieronym. licet
 breuissimè de scriptorib. Eccle. de S. Cypria-
 no insecutus est. Fatendum sanè est, auctori-
 bus antiquioribus multum fidei tribuendum
 in re tam antiqua. Si enim ea inspiciantur, quæ
 Lypomannus tom. 6. de vitis Sanctorum, ante
 gesta & vitam martyrum, Cypriani martyris
 & Iustinæ, & auctor annotat. in orat. Gregorij
 Nazianz. in laudem D. Cypriani, post Scholia
 maxima oritur difficultas circa huius historiẽ
 veritatem, & difficilimum est conciliare au-
 ctorum

etorum scripta, nisi ponatur utrumq; Cyprianum fuisse Episcopum Carthagenen. ut etiam Aloysius Lypomann. fatetur. Nec usque adeo laboriosum videtur dissolvere ea, quæ Baronius adfert ex dictis à Lypomanno, & Metaphraste, si altius omnia considerentur: Verùm historiæ scriptoribus hæc exactius consideranda relinquimus. Hæc à nobis adiecta sunt propter quendam Censorem scripti mei postremi, in quo tribus aut quatuor verbis secutus antiquorum sententiam, significaveram, Cyprianum Carthagenen. Magiæ fuisse cultorem: Quæ cum Censor animadvertisset, annotavit, atq; etiam alijs simplicioribus tanquam ingentem ignorantie labem, ad diminuendam meam auctoritatem, ingessit: & quia fortasse latius Censoris mentio incidet, paucis aperiam rei seriem. Cum enim Anno Dom. 1591. aucti is prodisset scriptum meum de Confessionibus Maleficorum & Sagarum, quidam etiam Theologicæ facultatis (quem honoris gratia nominare nolo) tractatum in libros distinctum scriptis concepit, & ad describendum alijs tradidit, descriptum prælo tradidit. Alij quibus folijs iã impressis, Typographus Colonienfis imperio magistratus fuit impeditus, ne pergeret, ut ipsemet in literis manu propria impressoris scriptis legi. Finis scripti erat ostendere, (quod tamen nullis apparentibus argumentis, sed solùm splendidis verbis & di-

sterijs præstitit) omnia quæ dicuntur de maleficorum & Sagarum Confessionibus & operationibus, esse vana, falsa, & somnia, ideoque magistratum summo scelere, & maximo peccato perstringi, qui huiusmodi personas persequitur. Ad persuasionem huius intenti, librum multis verborum ambagibus, adiunctis etiam nonnullis iniurijs, ac alijs erroribus, etiam contra fidem Catholicam, & communem omnium DD. Theologorum certissimam doctrinam, onerauerat. Tamen quia filius Ecclesiæ erat, errores recantauit, ad commissiorem Reuerendissimi & illustrissimi Octauij Episcopi Tricaricen. Nuncij Apostolici, & veniam de iniurijs deprecatus est. Hæc scripsisse sufficiat in gratiam eorum, penes quos vel in albeolis, ac chartis, vel in memoriæ cellulis adhuc aliquæ illius libri reliquæ resident. Sed his omisis ad institutum redeamus.

Dicet aliquis: Quare seruant huiusmodi pacta & promissa Dæmones, cum tamen sint mendaces & fallaces? Dico in primis, quod nec semper seruant, nec seruare possunt, cum non sit in eorum potestate. Hinc Christo promittebat Matt. 4. dare omnia regna mundi & gloriam eorum, quæ tamen non erant in eius potestate. Vnde Remigius in illum locum. Miranda est diaboli dementia: illi promittebat dare regna terrena, qui suis fidelibus dat regna cælestia, & gloriam mundi, qui est cælestis gloriæ Domi-

nus. Et Hieron. in eadem verba, tom. 9. Arrogans & superbus de iactantia loquitur. Non enim potest omnia dare, cum sciamus plerosque sanctos viros à Deo reges factos. Alludere ad idem Euangelij videtur Michael Psellus in li. de Dæmonibus: quando dicit: Et si Dæmonia diuitias nobis & gloriam promittunt, nihil tamen ex se tradere possunt: Quippe cum imperium nullum habeant, sed visum tantum quædam inania suis cultoribus afferunt, varia prorsus & instabilia. Sic innumerabilibus processibus constat, quod maleficis in principio subuersionis pecunias argenteas, sicut etiam S. Anthonio Sportam argenteam ostendebat, promittat, ostendat, & det. Quas cum putant se habere, & eis volūt uti, pecuniæ resolutæ sunt in stercora equorum, aut aliam vilem materiam. Non tamen negandum, Dæmonem aliquando veras pecunias dare, ut sua mancipia confortet in malo, ne si ipsum semper mendacem inueniant, fidem non habeant, scit enim illud commune pronunciatum, Mentiri solito, verum non creditur vlli. Huius rei exemplum libet hinc inferere de fœmina nota Treuiris, Colonię, & in locis vicinis Ex cuius processu iudiciali & criminali Authentico manu notarij scripto, coram iudice & scabinis, aliqua puncta ad instructionem congruis locis inferemus præsentī editioni: Quare altius cursus rei repetendus est. Fuit fœmina satis diues in

Pago distantia Treuirensi Ciuitate paruo miliari, nomen Pago Rouer, & Fœminæ Meitenbeins Anna. Hæc cum multorum sue sectæ virorum & mulierum denunciationibus, & alijs indicijs in vehementem venisset maleficijs suspicionem, ab incolis Pagi Rouer apud officiatum siue præfectum loci accusata tanti criminis, clàm se subtraxit, & aliquot septimanis in locis vicinis delituit. Tandem à nobili & valido viro Ioanne Piesport, Officiato Abbatris monasterij S. Maximini extra & prope muros Treuirenses, cuius iurisdictioni ratione domicilij subdebatur, requisita & monita ad comparandum & purgandum super indicijs. Requisitione non obstante, criminis conscia mulier, adhuc ætatis mediæ, prima habita opportunitate, nauigio in flumine Mosella Coloniae se recipit. Deinde temporis successu, Deo sic disponente, vt occulta & nefanda crimina prodantur & puniantur, dicta rea ab alijs pluribus, imò à proprijs filijs & filiabus, quæseriantanti sceleris; & aliorum grauissimorum participes reddiderat, vehementius adhuc delata. Seduxit enim duos proprios filios, & duas filias: alter filius, & vna filia ante capturam matris, in magna pœnitentia cum multorum in cerore, vitam laqueo fœiuerunt, & corpora igne consumpta: alius filius, & filia adhuc impuberes in custodia detinentur, & instruantur. Deus det ipsis bonam mentem,

& constantem conuersionem. Cùm autem maior natus filius, cuius infra aliquoties mentionem faciemus, cui nomen proprium fuit Ioannes Cundo, sententiã criminalem in confessu Officiati, Prætoris & Scabinorum, coram Tribunali acciperet, vehementer & impensè, zelo salutis maternæ, vt pium decebat filium inflammatus, rogauit iudices, vt studio cogitarent, & industria laborarent, si qua ratione & via matrem ream comprehendere possent, vt tandem in hac vita conuersa ad Deum, per pœnitentiam, temporali ignominia, & momentanea morte æternum & infinitum redimeret, supplicium tantis criminibus debitum & præparatum, si in hac vita pœnitentia non expientur. Iuuenis, honestissima, & plenissima misericordiæ petitione, necnon etiam scelerum multitudine magnitudineq; , quæ rea mater commiserat, dictus Officiatus rectè excitatus, Senatui Colonienſi, & bonis amicis Colonix, qui negotium promouerent, proprio & ad rei expeditionẽ exercitato nuncio scripsit. Amplissimi & nobilissimi Senatus prouidentia, & diligenti dispositione, Rea Colonix inquisita, & cùm subinde ædes & domicilium mutasset astutia, vt non facilè inueniretur, tandem reperta, & missa Officiato S. Maximini prædicto, comitantibus tribus, aut quatuor fortibus & armatis custodibus, & sic 3. Octobris Anno Domini 1590. adducta, &

tradita in custodiam Monasterij S. Maximini. Octaua eiusdem mensis, Officiatus reprodu-
cta copia indiciorum coram prætore & scabi-
nis, eorum consilium & iudicium requisivit:
Qui iudicârunt, quod rea beneuolè & seriò
interrogaretur, & nisi veritatem sic fateretur,
moderata tortura adhiberetur. Et sic factum
est, prius constanter negauit, adhibita tortura,
confessioni initium dedit, & paulatim conti-
nuauit. Inter reliqua confessionis pûcta, con-
fessa fuit, quod cum à proprio marito durius
tractaretur, & vnus prolis mors subsequere-
tur, grauius commota cogitare cœpit, se à Deo
derelictam esse, animumq; abiecit. Quas cogi-
tationes & similes cùm mente volueret, Dæ-
mon in forma viri nigris vestibus induti, no-
cte prope lectum apparuit, & dixit: Si Deo, à
quo deserta esset, vellet abrenunciare, sibi que
adherere, & operam addicere, quod pacem se
procurante esset habitura. Sic excacata statim
fidem Dæmoni dedit, Deo, B. Virgini, quam
Latam malus spiritus appellabat, atq; omnibus
sanctis abrenunciavit, & dixit: Deus, ex quo
auxilium ferre recusas, intermitte. Statim a-
masius, qui se *Jedderhang* nominabat, frõtem
tetigit, ac si crisma eradicaret, pedes habebat
a sinipos. Cùm Dæmoni deceptionem obij-
ceret, eumq; mendacem assereret, pro conso-
latione dedit ei duplicem ducatum, verum,
legalem & bonum, quem in marsupium repo-
suit.

fuit, & alijs pecunijs adiunxit. Hæc mulier 20. die mensis Octob. Anno Dom. 1590. viua igni tradita est, & bonum vitæ finem habuit. Deinde, vt ad propositum reuertamur, secundum Scotum, & Gabrielem locis citatis, & alios alibi, Dæmones seruant pacta & promissa, non quia veraces, sed vt alij eis adhæreant, quia si nulla pacta seruarent, nulli homines eis seruirent.

Annotandum etiam, quod quemadmodum secundum leges & Iurisperitos, duplex est pactum; Tacitum & expressum. L. Labeo. L. Item quia conuentiones. ff. de pactis. Barth. Bald. Iason & DD. ibidem: Ita etiam duplex intercedere potest pactum inter hominem & Dæmonem: Tacitum & expressum. Tacitum est, quando aliquis contendit facere aliquid per causas, quæ nec virtute naturali, neque ex diuina aut Ecclesiastica institutione possunt illud efficere, vel quando huiusmodi causæ tanquam necessariæ adiunguntur alijs, quæ possunt talem effectum producere, vt explicat Nauar. in manuali Confessariorum cap. ii. nu. 25. & satis colligitur ex d. artic. Parisien. Si tacitum pactum ineunt quandoq; viri ex curiositate, quando vident suas vxores se vngere, vt ad cursum & congregationem nocturnâ proficiscantur, ipsi eodem vnguento se vngunt, & sequuntur. Cuius rei exempla Grillandus & alij referunt. Quia enim fidem habent, quod

Duplex pactum potest esse inter hominem & Dæmonem.

tali vnguento vis insit, tacite consentiunt in opus diaboli, qui accurrit, & auxilium fert. Pactum expressum est, quando consensus exprimitur per verba, nutus, aut signa. Cuiusmodi est illud, quod vt plurimum malefici faciunt, quando Deo abrenunciant, & Dæmoni in seruitutem se tradunt. Grillandus in d. q. 3. Damhauderus, Castrensis & alij duplicem etiam distinguunt Sortilegorum professionem. Tacitam & expressam. Tacita professio est promissio quædam, quam quis facit alteri professo de obseruando, quæ sibi mandauerit sub promissione, quod grandia faciet, & mirabilia in vita sua, cognoscet futura, & multa alia his similia: dummodo fidem Catholicam abijciat, & omnia Ecclesiastica Sacramenta contemnat & repudiet, atq; adhæreat cultui & obediētiz sui magistri, & hæc professio dicitur tacita, quia non fit propriè cum Dæmone, sed cum eius ministro: nec interueniunt solennitates extrinsecæ, quæ interuenire solent in expressa professione. Expressa est, quæ fit cum proprio Dæmone: & ista adhuc duplex est. Vna quæ dicitur sollemnis siue publica: & altera priuata. Solemnis est illa, quæ fit cum Dæmone, dum publicè residet in folio Maiestatis, more principis, quâdo fiunt vniuersales congregationes certis nocturnis horis, & quatuor anni temporibus. Solent enim, vt nostri malefici & sagæ referunt, in quatuor anni temporibus

*Sortilegorum
professio duplex.*

Abus nocte quæ intercedit inter diem iouis & veneris celebriores habere conuentus: in quibus multi coueniunt omnis sexus & conditionis homines. Priuata est, quæ fit cum ipso Dæmone pacto expresso, citra tamen solemnitates & hominum multitudinem. Hanc solent facere statim, quando transeunt in societatem Dæmonis. Tunc relinquunt prius Deum, abnegantes eius nomen & baptismum, & reliqua sacramenta Ecclesiæ. Deinde adhærent Dæmoni, eidemq; perpetuam obedientiam spontanea voluntate promittunt, ita vt penitus subditi Diaboli efficiantur. Et sicut veri Christiani secundum Scripturam admonentur, vt omnia opera sua bona faciant, & incipiant in nomine DEI, & ad eius honorem dirigant: ita hi Diaboli clientuli iubentur omnia facere & incipere in nomine Dæmonis, & ad eius cultum dirigere. Nunc ponenda sunt fundamenta d. Doctoris, quibus pactum hoc impugnat, quod fieri nequeat. Primò, ratione personarum: naturarum diuersitas non patitur, quia cum nulla communio sit inter Dæmonem & hominem, nullum potest esse pactum, aut contractus, 2. Ratione rerum: Quia quæ dari fieriue non possunt nec de iure, nec naturaliter, eorum nulla est penitus obligatio. 3. Ratione conditionis adiectæ stipulationi, pacto uic: Quia nec in stipulantium est potestate, nec ita in casu posita, vt natura sit possibilis. 4. Ratio-
ne for-

ne formæ: quia non ea fit, quæ dat esse rei, cuiusq; omisio vitiata actum. 5. Ratione dissensus: Quia semper de aliò & aliter sentit Dæmon, quàm homo. 6. Et postremò non nisi imaginarium est vniuersum negotium. 7. Præterea aniculæ, quæ plerunq; lamia dicuntur, circumueniuntur dolo, fraude, astu, ignorantia & errore: ergo non potest esse contractus & pactum. Hæc argumenta ponit lib. 6. de præstigijs Dæmonum cap. 27 pag. 779. In lib. de Lamijs cap. 7. aliter improbat pactum. Dæmò cum spiritus sit, carnem & ossa non habet, quare extensa manu, firmaq; stipulatione lamiam recipere non potest, vt tractatur & dicitur de professione sagarum. Præterea dolosa hæc stipulatio, in perniciosum finem confecta, contra DEI voluntatem, sitantum habebit momenti, vt nulla queat rescindi ratione, & necessariò eius virtute alter alterius voluntatem sequi, illiusq; præcepto morem gerere compellatur: Cur pactum illud prius in Baptismo, ex peculiari Dei voluntate & mādato, solemnibus verbis verè sancitum, & quidem interpositis fidei iussoribus, tanquam prærogatiua, non præponderabit? Alii profecto contractus est firmitas inter Deum veracem & sanę mentis homines. Quicquid ille stipulatur, & in suo verbo addicit, hoc fideliter, & indubitatè præstat, nec data manu præstigiola deludit, non saltat, nec conuiuatur, vel similibus rebus ludicris

dicris, quibuscum paciscitur, nequiter fallit, dementatue, quemadmodum hic commentio carnali corpore amarius. Disparitatem hic qui negauerit, nescio quid veritatis hic sit admissurus. Hæc ibidem ille Doctor.

His argumentis facile est respondere, si clarè & dilucidè res intelligatur, & distinguenda distinguantur. Pactum enim definitur esse, Duorum, vel plurium in idem placitum & consensus. L. i. ff. de pactis, & dicitur à pactio-
ne, id est, pacis actu. Pacisci enim est actus concordie: Sic potest dici pactum, quasi ad pacem habendam factum. Panorm. in ca. i. de pactis. Vnde pacta diriguntur ad cōseruationem pacis, concordie & societatis. Hinc optimè intelligitur Caietani doctrina, super 2. 2. S. Thomæ, q. 95. art. 4. quod pactum initum cum Dæmone dupliciter intelligitur. Vno modo, pro conuentione cum Dæmone facta: vt, faciam hoc, vt facias illud, &c. Alio modo pro sociali actu cum Dæmone: Et licet pactum & fœdus propriè sonent conuentionem, tamen etiam in materia superstitionum, & Sortilegiorum accipiuntur & intelliguntur secundo modo: & tunc pactum tacitum intelligitur, sicut inuocatio tacita. Deinde pacta distinguuntur à *quo modo pacta distinguantur.* iure & Doctoribus, in vtilia, vel, vt aliqui vocant, valida: & inutilia, siue inualida, vel nulla. Et sic pacta vtilia ab inutilibus distinguuntur per essentiam. Nam vtilia pacta habet esse.

Inu-

Inutilia non. L. Iuris gentium §. pactorum, & §. si ob maleficium. ff. de pactis & L. pacta quæ contra C. eod. tit. & in reg. Quæ contra ius, de reg. iuris, in 6. Caccialup. in tract. de pactis, q. 6. Bald. in tract. de eadem materia. & in d. l. Iuris gentium. Bartol. Alberic. Iason & alij in d. §. Si ob maleficium Ad quam materiam multas adfert allegationes Bertachinus in Repertorio Iuris, in verbo Pactum, vers. Pacta inuvalida. Hanc distinctionem si perpendisset dictus auctor, vidisset argumēta sua, quæ ponit, nihil probare. Probāt enim hoc, quod omnes concedimus, & iure tam canonico, quàm civili probatur: pacta, quæ fiunt cum Dæmone, non esse vtilia, sed inuvalida, nulla, turpia, contra legem diuinam & humanam, nullam inducere obligationem, repudianda, & rescindenda. Quia pacta contra bonos mores, & ob maleficia perpetranda inita, cū sint turpia, contra legem Dei, sunt inuvalida, & nulla. De talibus pactis tractant DD. Iuris in d. §. Si ob maleficium. Quare auctor rectē dixit: de paritate qui negauerit inter pacta, quæ fiunt inter Deum & hominem, & inter maleficum & amicum, nescio quid veritatis licet admittitur. Pacta enim, quæ fiunt Deo, fiunt de rebus ad salutem animæ & corporis spectantibus, ideo quæ sunt vtilia, valida, & habent essentiam, inducunt obligationem. Quæ verò maleficis cum Amasio, sunt in perditionem animæ & corporis.

*Disparitas
est inter pa-
cta hominis
cum Deo, &
hominis ma-
lefici cum
Dæmone.*

corporis, diuinam maiestatem lædunt, & sunt in fauorem inimici Dei & hominum. Atq; hîc si bene aduertisset, in argumentis proprijs contrarietatem admittit, cùm dicat, disparitatem naturarum arguere impossibilitatem contractus & pacti, & tamen probet contractum & pactum inter Deum & hominem esse: & sacræ literæ ita esse clarissimè attestantur. Quia cum Abraham, Moyse, & alijs patribus Deus habuit pacta & fœdera. Genes. 9. Recordabor fœderis mei, quod pepigi vobiscum Et iterum ibidem: statui pactum meum vobiscum. Gen. 17. Ponam pactum meum tecum, & eris Pater multarum gētium. Deut. 5. Deus noster pepigit nobiscum fœdus. & 7. cap. & alibi. Si ergo propterea repugnat fieri pactum inter Dæmonem & hominem, quia naturarum est diuersitas, cùm homo sit corporeus, Dæmon spiritalis: quomodo non magis repugnat fieri cum Deo, cùm maior disparitas, si verum sit fundamentum, arguere debeat maiorem repugnantiam? Maior enim est disparitas quantum ad compositionem hominis ad Deum, quàm ad spiritualem creaturam. In Deo nulla omninò compositio admittenda: At in spiritali creatura licet non sit compositio physica ex materia & forma, siue corpore & anima, est tamen metaphysica ex actu & potentia. Vnde liquidum est, quod homo cum spiritu potest pacisci, & quod nihil disparitas prædicta impe-

impediat. Est enim similitudo & communicatio inter spiritualem & corporalem creaturam, quantum ad intellectum & voluntatem, quarum potentiarum actus cōcurrunt ad pactum, vt ex definitione pacti clarum est, quā definitur esse duorum vel plurium, intellige, personarum, in idem consensus. Consensus spectat ad volūtatem. Voluntas autem in spiritali creatura etiam est. Membra corporea; non tam requiruntur ad essentiam contractus & pacti, quā ad eius expressionem & manifestationem, vt noster cōsensus alijs, cum quibus volumus pacisci & consentire, innotescat. Quare sicut spiritalis creatura in corporibus assumptis nobiscum conuersatur, sonum vocalem, articulātū, & quasi humanum format: ita etiam potest consensum & pactum exprimere, & cum homine conuenire. Nam si Dæmon Christo verbis expressis, vt Euangelica historia clavis verbis loquitur, pactum obtulit: quid obest, quo minus alteri idem offerre possit? Et si tamen verum est, quod homo debeat dissentire à Dæmon: tamen tanta est Dæmonis astutia, & hominis tum infirmitas, tum malitia, vt liberè ei consentiat sæpius in multis, vt omnibus ratione vtentibus constat. Nec etiam quicquam ad rem facit, quod dicatur, sagas dolo, astutia & errore decipi: & ideo non esse pactum: sed tantū arguit tale pactum non esse seruandum, sed rescindendum: Dolo malo,

Matth. 4.

malo, ait prætor, pactum se non seruaturum. Dolus autem malus fit ex calliditate & fallacia. L. Iurisdictionum conuentiones. §. Pactorum autem. ff. de pactis. & dicitur iniquum dolo factum & fraudandi causa. ibid. §. Sed si fraudandi. Quod etiam dicitur non nisi imaginarium esse vniuersum negotium. Qua facilitate asseritur, eadem etiam reiicitur: nec solum constat propria anicularum illularum confessione, sed etiam Doctissimorum in Theologia & Iure auctoritate, & innumerabilium vtriusq; sexus & status hominum testimonio, qui tale fœdus non dormientes, sed vigilantes, solutis sensibus, cum Dæmonibus inierunt in Germania, Italia, Gallia, & alijs locis. Quæ autem omnia imaginaria & phantastica opinatur, quæ sacræ literæ, graues Doctores, & mille hominum expertorum testimonia confirmant, multum phantasia perturbatus est. Quod verò plurimi vtriusque sexus homines confiteantur, quod in abnegatione fidei, quando fœdus initur, Dæmon malefico aut sagæ Chrismae fronte eradicare contendat: id sanè intelligendum, quia Dæmon, qui ubiq; suum lucrum & humanæ salutis interitum quærit, hic etiam Christianis hanc vult suggerere superstitionem, vt credant, aliquem effectum hanc eradicationem habere, & se minus hoc modo potentes fieri ad resipiscendum à tam infœlici statu, & ad rumpendum fœdus iniquum.

D

quum,

quum, per pœnitentiam & veram ad Deum
conuerſionem. Chriſma, quo Chriſtiani mo-
re Catholico in Baptiſmo vnguntur, in corpo-
re & fronte amplius non hæret, ſed diu aqua i-
dem deterſit, nec tam chriſmate vngimur ob
corporis commodum, quàm animæ ſalutem.
Chriſmatis virtus animam afficit. Vnde era-
dicari Diaboli vngulis nõ valet. Qua de cauſſa
nec de nouo Sage chriſmate inunguntur, ſicut
nec baptizantur, quãdo ad cor redeunt, & ſuo
creatori corde contrito & humiliato reconcil-
liantur. Character, qui ſecundũ Conciliorum
& Theologorum Catholicam doctrinam effi-
cit, ne ſacrum Baptiſma reiteretur, indelebili-
ter animæ inhæret, corrumpi nequit: Cũ
quicquid corrumpitur, ad corruptionem
ſubiecti intereat, aut à contraria qualitate ex-
pellatur. Character autem inest animæ tan-
quam ſubiecto, quæ corruptioni non eſt ob-
noxia, nec etiam characteri quicquam contra-
rium eſt, à quò expelli queat. Nec puto quod
omnes maleficos aut Sagas in fronte vngulis
tangat, ſed tantum minus inſtructos in fide, &
ſuperſtitioſos, qui ea laborant perſuaſione,
quod talis eius tactus in fronte aliquem for-
tiatur effectum.

Modus co-
gnoſcendi, quo
aſq; malefi-
corum opera
ſe exiẽdant.

7. Præludium. *Vt cognoſcamus, ad que
maleficorum opera ſe exiẽdant ex permiſ-
ſione*

si ne diuina, necesse est intelligere, quæ operationes Dæmonis potestati subiectæ sunt.

CVM autem tanta eius potestas sit, vt nulla vis super terram comparetur ei, attestante Iob cap. 41. impossibile est hominem scire, quid possint Dæmones per naturæ suæ conditionem facere, nisi per donum Dei iuxta Apostolum dicentem 1. Cor. 12. *Alia dyudicatio spirituum, vt S. August. docet lib. 3. de Trin. cap. 9.* Si autem ex sacris literis cõstet, aliquid Dæmonum potestatem excedere, id nullatenus credendum est, maleficos, aut magos posse efficere. Ex hoc fundamento dicitur, Maleficos & magos multa posse ope diabolica facere, quæ homini imperito impossibilia videtur, cum proportionem nostri intellectus superent, nec sub sensus & phantasmata cadant, à quibus nostra cognitio initium sumit.

8. Præludium. *Firmum illud, ad multas difficultates tollendas in hac materia statutum est pronunciatum, cum D. Dionys. de diuin. nominibus, c. 4. approbatum à S. Thom. 1. part. q. 64. art. 1.. In Dæmonibus dona naturalia nequaquam mutata, sed integra & splendidissima mansisse.*

*Dæmones re-
tinuerunt post
lapsum dona
naturalia.*

CONSENTIT D. Gregorius super Iob lib. 34. moral. cap. 13. exponens illa verba Iob

41. cap. Non est super terram potestas quæ cõparetur ei. Potestas eius, ait D. Gregor. statim in initio cap. super terram cunctis eminentior perhibetur: quia et si actionis suæ merito infra homines cecidit, omne tamen humanum genus naturæ angelicæ conditione transcendit. Quamuis enim internæ fœlicitatis beatitudinem perdidit, naturæ tamen magnitudinem non amisit, cuius adhuc viribus humana omnia superat. Atq; hoc Dionysij dictum communiter apud Theologos tritum & receptum est, licet illud sine ratione reiecerit Cœsor noster, tanquam in multis suæ intentioni contrarium. Rationem illius Dionysij doctrinæ S. Thomas, altissimus rerum diuinarum scrutator resoluit in simplicitatem substantiæ angelicæ, à cuius natura aliquid subtrahi non potest, vt sic per subtractionem naturalium puniatur. Hinc Dæmonis potestatem non dicunt diminutam, sed ligatam Theologi. S. August. lib. 20. de Ciuit. Dei, cap. 8. Alexand. Alensis in 2. part. q. 112. per tot. Alij Scholastici in 2. d. 6. & 7. latè Ioseph. Angles in Floribus Theologic. qq. post d. 11. in q. vnica de Dæmonibus, art. 2. & alij alibi.

Quare tanta est eorum pura naturalis cognitio, & operandi potestas, quanta Augelorum. Subiecta autem est materia horum inferiorum Angelis tam bonis quàm malis, quantum ad motum localem, idq; ex naturali rerum ordi-

ordine, quia cū natura corporalis infra spiritualem sit, tanquam imperfectius sub perfectiori, nata est moueri in ordine ad locum vnde Aristo. 12. Metap. posuit cælum moueri ab intelligentijs, quas nos Angelos dicimus, numerumq; intelligentiarum, tanquam ex nobiliore numero motuum, in corporibus cælestibus inuestigauit.

9. Præludium. *In operibus maleficorum quædam ma-
quædam adhibentur, quæ naturalem actio-
nem ex rei natura habent, in ordine ad effe-
ctus, quos producere intēdunt: exempli gra-
tia, venena ad interficiendum, herba ad sa-
nandum, vel occidendum: Quædam verò
tantum sunt signa & characteres, nihilq;
habent virtutis ad effectus producendos, sed
operatio sequitur ex pacto cū Damone, so-
lum consensum præbente malefico, & signum
adhibente.*

*quædam ma-
leficis operi-
bus adhibita
naturaliter
operantur;
quædam ex
pacto cōtinua-*

DELECTANTVR enim Dæmones mul-
tum signis. cū imitari studeant Deum,
qui mediantibus signis sacramentalibus, salu-
tem operatur in terris, quam ipsi, pro eorum
nequitia multiplici, adminiculo signorum, e-
uertere conantur. Quod patet hinc S. Augustin. lib. 21.
cap. 6 de Ciuit. dei innotantia verba: Dæmones adiciun-
tur per varia genera lapidum, herbarum, lignorum, a-
nimalium, carminum, rumorum, non vt animalia cibis, sed

*ut spiritus signis, in quantum scilicet hac eis exhibentur, in signum diuini honoris, cuius ipsi sunt cupidi. Ex prædicta rerum, quæ in maleficijs assumuntur, diuersitate, ad cautelam hominum obseruandū, periculosius esse opus maleficorum, quando veneno alijsq; rebus naturalibus vtuntur, quā quando tantū signis. Quia naturalia naturali modo applicata, effectum sortiuntur tam in bonis, quā in malis, secundum proportionem actiuorum & passiuiorum, nec valent impediri, nisi miraculosè ab eo, qui dixit de discipulis: *et si quid mortiferum biberint, non eum nocet*. Itaq; nec cruce, nec reliquiæ, nec sacramentalia naturalium rerum cursum impedient, nisi ipse præter naturam, qui omnium motuum est primum efficiens, effectum causæ particularis suspendat. At in alijs alia ratio est: quia spiritualibus armis sæpissimè Dæmonum insultus propulsantur, & actiones impediuntur, ne effectum sortiantur.*

Sic Epiphanius contra hæresin 30. de incantationibus, quæ maximè verbis, signis, characteribus, alijsq; rebus similibus perficiuntur, quæq; nullam causalitatem in ordine ad effectum habent, ait, huiusmodi incantamenta contingere simplicibus, & idiotis hominibus, qui per præceptorum negligentiam non sunt muniti doctrina. Sic & ibidem ostendit exemplis per signum crucis in nomine Christi virtutem diaboli & incantationis impeditam, & postea

postea infra in confirmationem mysteriorum nostræ religionis, Iudæorum incantamenta & prætigitia, aqua benedicta in nomine Iesu Nazaræi cum signaculo crucis dissoluta tradit. Nec solum Epiphan. sed etiam alij Patres docent, aquam benedictam salutarem esse contra diabolicas & magicas artes & operationes. D. Hieron. in vita Hilarionis, ubi Hilarion aspersione aquæ benedictæ, gētilis aurigæ magicam molitionem dissipauit. Pulchrè Theodoret. lib. 5. histo. Ecclesiasticæ, cap. 21. Beda do gestis Anglor. lib. 1. cap. 17. & Alexand. primus in cap. Aquam de cōsecra. d. 3. & alij alibi. Vnde constat antiquissimam hanc esse traditionem, contra Nouatores.

10. Præludium. *Sicut inter angelos beatos, sic inter Dæmones est ordo & prælatio, & id fide tenendum ex sacris literis.*

In Dæmonibus ut S. In gelis, est sub ordinatio.

Job. 41. Ipse est rex super omnes filios superbia. Matth. 12. & Marc. 3. In Beelzebub principe Dæmoniorum eiecit Dæmonia. Ad Ephes. 6. Non est nobis collatio aduersus carnē & sanguinē sed aduersus principes & potestates, aduersus mūdi rectores tenebrarū harum. Hinc Christus in Euangelio regnum Sathanæ attribuit. Luc. 11. Matth. 12. Si enim Sathan Sathanā eiecit, quomodo stabit regnū eius? Hic autem ordo, naturæ est, non gratiæ. Nam naturæ dona retinuerunt, gratiæ autem amiserunt. Sicut autem Dæmones natura sunt superio-

res & inferiores: sic eorum actiones etiam sibi inuicem subordinantur: qualis enim ordo inter causas, talis quoque inter effectus. Hinc superiores Dæmones non omnia per seipsos exequuntur, sed inferioribus non raro sua committunt officia, & prouincias disponunt, qui libenter se subiiciunt in perniciem generis humani, sicque eorum ordo & concordia non ex amicitia, qualem nullam inter se habet, sed ex nequitia, qua homines communi studio odio prosequuntur, & Dei regnum impugnare moliantur, procedunt. Talis autem ordo inter Dæmones post vniuersale iudicium cessabit, quia tunc finis ipsius nullus erit, qui est hominum tetratio, & ad malum inductio. Quod confirmant verba illa Glossæ. Cor. 15. super verba Apost. *Cum euacuauerit omnem principatum, &c.* *Quamdiu, inquit, durat mundus, Angeli angelis, homines hominibus, & Dæmones Dæmonibus præsent.* Videntur aliqua obstare huic ordini, quæ mouet Guilhel. Paris. 2. part. principali, p. 2. c. 14. & 15. de vniuerso. Vbi pax non est, ibi non est concordia, iuxta illud Sapientis: Inter superbos semper iurgia sunt. Spiritus autem illi maligni sunt superbissimi, cum etiam diuinæ maiestati renuerint subesse: cum autem vnus superbus iugum alterius abijciat, quomodo superbissimi spiritus patiuntur sibi aliquem præsidere: aut inuiti faciunt, aut voluntarij. Si inuiti, igitur semper sunt rebelles pro viribus præ-

præsertim cū ex superbia equè appetāt principatum ac dominationē, sicut superior. Aut eum iam deiecissent millesies à suo principatu, si viribus prævalerent; aut necesse est, quod ipse omnibus sic præualeat, quod singulos & omnes potētia superet: quum ex eadem causa omnes simul contra ipsum moueantur ad rebellionem. A ratione autē alienū est, quod ipse superior potentia & viribus, tot, & tam multa milia fortissimorum spirituum superet: quum in rebus eiusdem speciei non inueniatur vnum indiuiduum, quod naturali perfectione & potentia vincat omnia alia simul coniuncta. Sic vnus homo naturali virtute & fortitudine non potest multos superare, nec vnus equus fortior est alijs multis simul aggregatis: Si quis dicat: Vn^o rex in regno omnibus imperat. Respondetur hoc nō prouenire ex natura, aut naturali regis potentia, eo qd^r rex sit, sed ex voluntate & obedientia subditorum, vt constat experientia, quando obedientia dissoluitur, & rebellio sequitur, rex non magis ex viribus naturalibus, quàm homo priuatus valet, imō non rarò minus est exercitatus ad pugnandum, quàm gregarius miles sit. Si voluntarij principi subiiciuntur: quomodo ergo iugum suaue potentissimi creatoris ferre recusauerunt, cuius potentia etiam omnes simul resistere non potuissent? nec hoc ipsi serat ignotum ex viribus naturæ.

Amplius, si sauisſimi Tyranni ſui principis imperio voluntarij ſubſunt: quomodo non ſemper inter eos ira & odium, cū ſuperbia eorum aſcendat ſemper, vnde continua rebellio ſequitur? Ad horum clariorem reſolutionem conſiderandum eſt, ordinem in angelis eſſe naturalem, & à Deo cum natura inditum. Qui enim magis accedunt ad perfectionem primi & ſummi principij, alijs ſunt potentiores & ſuperiores in naturalibus. Sic Doctores tradunt primum gradum inter omnes ſpiritus tenuiſſe Luciferum. Deinde, vt ſupra inſinuatum, concordia Dæmonum eſt ex comuni nequitia, qua homines perſequentur. Eſt enim proprium impiorum, vt eis ſe adiungant & ſubijciant ad propriam nequitiam exequendam, quos potentiores eſſe viribus cognoscunt. Sic licet hæretici non rarò inter ſe ſint diſcordes, tamen omnes conueniunt ad impugnationem Eccleſiæ Catholicæ. Sicut autem ordo in Dæmonibus eſt naturalis, ſic prælatio etiam, quæ naturæ ordinem comitatur, eſt naturalis. Quare argumentum ſumptū ex humanis, non valet ad propoſitū: Quia homines natura ſunt pares in naturalibus, & ſecundum naturalia nullus inter eos ordo eſt. Quod autem in Dæmonibus inferiores ſuperioribus ſubdantur, non eſt ad eorū ſcilicet ſuperiorū bonum, ſed magis ad malum. Quia cū maleficere maximè ad miſeriam pertineat, præſſo
in ma-

in malis, est esse miserum. Atq; hic etiam notandum ex Magistro Sententiarum, in 2. d. 6. quod secundum modum & gradum scientiæ maioris, sunt etiam gradus in præsidetia. Quidam enim vni prouincię, alij vni homini, aliqui etiam vni alicui vitio præsunt. Sic Lucifer superbię, Mammon auaritię, Asmodæus luxurię, Sathan irę & discordię, Beelzebub gula, Leuiathan inuidię, Beelphegor accidię præest, & quisq; horum præsidentium maxime ad illud peccatum inducere nititur, cui præsidet, & à quo nōminatur. Quando autem dicitur, quod vnus alicui vitio præsit, non est putandum, vt ait Glossa super Iosue II. quæ est sumpta ex sermone Origenis, in illa verba: Omnes bellando cepit: quod vnus fornicationis spiritus seducateum, qui in Britannia fornicatur, & eum qui in India seu alijs locis: neq; vnum duntaxat esse spiritum irę, qui in diuersis locis diuersos exagitat homines: sed potius fornicationis esse spiritum vnum superiorem, atq; innumeros, qui ei in hoc vitio pareant. Similiter iracundię principem vnum esse, innumerosq; sub eo, qui homines diuersos ad huiusmodi peccatum sollicitent, & sic de ceteris vitijs: De diuersis Dæmonū studijs doctissime Cassian. in collat. Patrum, coll. 7. Abbas Sereni c. 32. Tot aut esse, ait, immundos spiritus, quot in hominibus studia nō dubiè comprobantur. Nam nonnullos eorum, quos etiam

*quomodo di-
uersi d.emo-
nes diuersis
vitijs præsine.*

fau.

faunos vulgus appellat, ita seductores & ioculatores esse manifestum est, ut certè quæq; loca seu vias iugiter obsidentes: nequaquam tormentis eorum, quos prætereuntes potuerint decipere, delectentur, sed de risu tantummodo & illusione contenti, fatigare potius eos studeant, quàm nocere. Quosdam verò solummodo in nociuis incubationibus hominum pernoctare: alios ita esse furoriarum truculentiarum deditos, ut non sint contenti illorum tantummodo corpora, quos supplereunt, atroci dilaceratione vexare, sed etiam irruere super e minus transeuntes, quales illi in Evangelio describuntur, ob quorum metum per viam illam transire iam nullus audebat. Alios reperimus non solum studere mendacijs, sed etiam blasphemias hominibus inspirare. Cuius rei etiam nos testes sumus, qui audiuius Dæmonem confitentem, per Arrium & Eunomium, se impietate sacrilegi dogmatis edidisse. Quod etiam in 3. Regum lib. vnum ex eisdem ipsis manifestè legimus prædicantem. Egrediar, inquit, & ero spiritus mendax in ore omnium prophetarum eius. Esse autem alia dæmonum genera, id est, mutorum & surdorum, Evangelia testantur. Incensores etiam libidinum atq; luxuriæ quosdam spiritus propheta commemorat. Spiritus fornicationis decepit eos. Nocturnos quoq; diurnos ac meridianos dæmones similiter scripturarum auctoritas docet.

2. 7. 2.

ose. 4.

cet. De quorum diuersitate longum est, si volumus omnia scripturarum volumina perscrutantes sigillatim percurrere. Qui per Prophetam Onocentauri, qui pilosi, qui serena, qui lamia, qui vlula, qui struthiones, qui ericij designatur: Qui aspis, qui Basiliscus in Psalmo, qui Leo, qui Draco, qui uic Scorpius in Euangelio nūcupetur. Qui princeps mūdi huius, qui rectores tenebrarum harum, qui spiritualia nequitia ab Apostolo nominetur. Quæ vocabula non casu, aut fortuito indita illis debemus accipere, sed significatione istarum ferarum, quæ apud nos vel minus noxia, vel magis perniciosæ sunt, illorum rabies ferocitateq; distingui. His ad eruditionem & delectationem lectoris lubet annotare, quæ ad idē propositum faciunt, & ea tradit Guilielmus Parisiensis Doctor grauissimus in 2. parte de vniuerso. Dico, ait, iuxta verisimilitudinem, non iuxta certitudinem, quod sicut omnipotens bonitas creatoris permittit hominum Principes impios, diuersos ordines in principatibus ac ditionibus collocare, qui & malos solent exaltare, ac bonos deiicere, imò indignissimos & pessimos in dignitatibus potestatibusq; statuere: Ita permittit & principi malignorum spirituum iuxta suæ puerilitatis malignitatem alios de malignis spiritibus sublimare, varijsq; opëribus malis præficere, alios ab eisdem officijs remouere. Quod Deus permittit

Colla. 3. c. 16.

mittit propter innumeras vtilitates, quas inde elicit. Cuius lignum est, quod in Collationibus Patrum narratur. Apparuit quippe cuidam sancto viro princeps malignorum spirituum, in solio sedens regali, & ante eum horribilium multitudo spirituum, qui de singulis venientes regionibus, interrogabantur, quid perpetrassent: & quos modicum mali iudicauit egisse, flagellari præcepit, quorum cum vnus retulisset se quendam sanctum heremitam per quadraginta annos tentasse, & in ipsa nocte in fornicationis facinus deiecisse, cum ingenti gaudio & festiuitate ab illo receptus est; ita quod cum iuxta se collocârit, & proprii capitis coronam deponens, Dæmonis illius capiti imposuerit. Etenim sicut ab initio ambitionis simè affectauit a similari altissimo, ita nunc vsq; regnum suum tenebrosum ac sceleratum contendit inanissima impietate, conformare regno ac militiæ creatoris, deputando angelos tenebrarum diuersis iniquitatis obsequijs, secundum quod angeli sancti deputata habent ministeria pietatis: Sic & Ecclesiam malignantium suam, a similare conatur Ecclesiæ sanctorum, quatenus sicut Deus & Saluator in Ecclesia sua constituit veros Apostolos, veros Prophetas, sanctos martyres, fidelissimos confessores, virginesq; mundissimas: Sic & ipse habere satagit pseudopphetas, falsos Apostolos, martyres vanos, fictos

con-

confessores, ac virgines fœtuas. Enimuerò qui ab exordio fuit signaculū similitudinis, plenus sapientia, & perfectus decore, factus est simia ridiculosæ ac deformis imitationis: sic & totum regnum ipsius sua vanitate, ambitione & iniquitatum congerie versum est velut in simiam quandam Ecclesiæ electorum, quæ verè est regnum Dei. Hæc Guilhelmus.

Nec dissimilis est historia, quam narrat D. Gregor. lib. 3. dialogor. cap. 7. de Andrea Fundanæ ciuitatis Episcopo; nec etiam res est dubia, ait Gregor. quia penè tanti in ea sunt testes, quanti & eiusdem loci habitatores existunt. Hic namq; venerabilis vir (intelligit Andream Episcopum) cum vitam multis plenam virtutibus duceret, seq; sub sacerdotali custodia in continentie arce custodiret: quandam scitimoniam fœminam, quam secum prius habuerat, noluit ab Episcopij sui cura repellere, sed certus de sua, eiusq; continetia, secum hanc permisit habitare: ex qua re actum est, vt antiquus hostis apud eius animum aditum tentationis exquireret. Nam cœpit specie illius oculis mentis eius imprimere, vt illectus nefanda cogitaret. Quadam verò die Iudæus quidam ex Campaniæ partibus Romam veniens, Appiæ carpebat iter: Qui ad Fundanam glebam perueniens, cum iam diem vespescere cerneret, & quo declinare posset minimè reperiret, iuxta Apollinis templum fuit.

fuit, ibiq; se ad manendum contulit. Qui ipsum loci illius sacrilegium pertimescens, quāvis fidem crucis minime haberet, signo tamen crucis se munire curauit. Nocte autem media ipso solitudinis pauore turbatus peruigil iacebat; & repente conspiciens vidit malignorum spirituum turbam quasi in obsequium cuiusdam potentis præire: eum verò qui cæteris præerat, in eiusdem gremio loci confedis-
 se, qui cæpit singulorum spirituum obsequen-
 tium sibi causas actusq; discutere, quatenus
 vnusquisq; quantum nequitie gessisset, inue-
 niret. Cumq; singuli spiritus ad inquisitionem eius exponerent quid operati contra bonos fuissent: vnus in medium profiliit, qui in
 Andreæ Episcopi animum per speciem sanctimonialis femine, quæ in Episcopio eius habitabat, quandam tentationem carnis commouisset, aperuit. Cùm verò malignus hoc, qui præerat spiritus in hianter audiret, & tanto sibi factum lucrum grande crederet, quanto sanctioris viri animam ad lapsum perditionis inclinaret: ille spiritus qui hæc eadem fatebatur, adiunxit: quia vsq; ad hoc quoque die præterito vespertina hora eius mentem traxerit, vt in terga eiusdē sanctimonialis femine blandiens, alapam daret. Tunc malignus spiritus, atq; humani generis antiquus inimicus ad hortatus hunc blandē est, vt perficeret quod cœpisset, quatenus ruinæ illius singula-

rem

rem inter ceteros palmam teneret. Cumque Iudæus qui aduenerat, hoc cerneret, & magnæ formidinis anxietate palpitaret: ab eodem spiritu qui cunctis illic obsequentibus præerat, iussu ut requirerent, quisnam esset ille, qui iacere in templo eodem præsumpisset. Quem maligni spiritus pergentes & subtilius intuentes crucis mysterio signatum viderunt: mirantesq; dixerunt: Væ, væ: vas vacuum & signatum. Quibus hoc renunciantibus cuncta illa malignorum spirituum turba disparuit: Iudæus verò qui hæc viderat, illic surrexit, atque ad Episcopum cum festinatione peruenit. Quem in Ecclesia reperiens, seorsum tulit, qua tentatione vrgeretur, inquisiuit: Cui Episcopus verecundia ductus, noluit tétationem reuelare. Cùm autem Iudæus omnia quæ viderat, & audierat in conuentu Dæmonum, referret, veritatem confessus est, atq; non solum sanctimoniam, sed etiam omnes formidines à sua habitatione remouit. Deinde etiam ipsum Iudæum ad fidem CHRISTI & salutem perduxit.

De præsidibus spirituum malorum, eorum nominibus, natura, numero subiectorum, formis apparendi, plurima curiosa, & minus vtilia tradit quidam libellus inscriptus, liber officiorum spirituum, vel de principibus & regibus Dæmonum; & à quodam Pseudomonarchia Dæmonum: In illo libello

E. multi

multi principes & præfides numerantur, quibus quidam 50. aut 60. aut pluribus legionibus præfident, & dominantur. Legio autem continet 6666. Curiosum est his rebus multum adhærere, periculosum & superstitiosum eisdem fidem tribuere, cum nemo scire possit citra diuinam reuelationem, qui non didicerit à Dæmone, à quo cognoscere non licet. Hoc loco considerandum est, quòd cum Dæmones ordinatam & disciplinatam nequitiam habeant, vt ex dictis constat, prout Cassian. in collat. 7. cap. 18. loquitur, instituunt talem ordinem & disciplinam inter suos subditos maleficos & sagas. Sic Bodinus lib. 2. cap. 4. rectè attestatur teneri quemq; maleficum suorum malefactorum rationes exponere, aut cædi, nisi fecerit, grauissimè. Hòc mihi, ait, Bodinus Castelli Russi præfectus, Biturigum nomine delegatus apud Blosenses, affirmavit. Magam se iudice crematam fuisse, quam filia accusauerat, quod ipsam in conuentus deduxisset, & diabolo instituendam obtulisset: hæc inter alia scelera istud confessa est, se saltasse in hirci ambitum, & tandem singulas rationes rerum à postremi cætus tempore gestarum reddidisse, & qua in re puluerem occupassent: hic à se infantem enectum aiebat, alter equum, ille arborem. Vna autem nihil ab eo tempore fecisse comperta est: hæc frequentes ictus accepit baculo ad plantam pedum, & ab alijs omnibus deri-

derisa est. Hæc Bodinus. Et sic comperimus etiam multis confessionibus, quod sagæ, quando alijs nocere nequeunt, sibi ipsis damna inferunt. Certissimum etiam est, si quis nequissimam disciplinam in cursu non seruet, vt nomen IESVS casu nominet, aut DEVM, aut crucem faciat, cæditur, & alijs disparentibus domum ire cogitur. Hoc se expertam confessa est Meisenbeins Anna/ de Rouer, de qua supra: quæ cum fortuito DEVM semel in cursu & conuentu nominasset, coacta fuit pedibus ire domum, cum delata eò fuisset à diabolo in forma hirci. Quæ de causa quod disciplinam transgressa fuisset, nominando Deum, verberata est ab alia N. superioris ordinis: quæ ante hanc etiam flammis consumpta est. Idem contigit cuidam Mariæ ex pago S. Matthiæ, quæ Anno Domini 1588. 10. Nouem. incinerata est, & detenta in custodia monasterij S. Matthiæ prope ciuitatem Treuirens. Hæc cum in primis ad conuentum delata fuisset, à superioribus & principalioribus tractatum extitit, & propositum de perditione fructuum nascentium, & simul vuarum, & quæcunq; persona consensum præbebat, bibebat. Cum autem ordo bibendi & consensum dandi ad ipsam deuenisset, apud se dixit: Ah IESV, perdemus frumenta & vinum, qua ratione ergò pauperes meos pueros sustentabo, statim prolato nomine IESV, euanescente lumine, in densissi-

mistenebris sola in loco mansit. Manè circa
 horam quartam, superior, comitantibus dua-
 bus alijs aduenit, & grauitè ipsam percussit,
 eo quod nomen Dei nominasset, & conuen-
 tum dissipasset. Quo factò auolârunt. Maria
 autem pedibus domum redijt. Multa in huius
 rei confirmationem confessus est Ioannes Cu-
 no filius dictæ Annæ de Rouer, iuuenis natu-
 ralibus dotibus ornatus, decem & octo annis
 natus, qui iam Treuiris, & Musiponti in Lot-
 taringia literis operam impendit, & eos pro-
 gressus fecit, vt iam Poësi & literis humaniori-
 bus studeret: Hic iuuenis nono suæ ætatis an-
 no à matre propria seductus fuit, denunciatus
 tanti criminis à propria sorore, & alio fratre
 adhuc superstite in custodia. Cum detinere-
 tur, & indicia proponerentur, sine tortura a-
 ctuali veritatem confessus est, & sacramentis
 Ecclesiasticis præmunitus, sacrifq; exhortatio-
 nibus instructus, maxima pœnitentia ductus,
 scelera sua detestatus est, & pœnam tempora-
 lem pro peccatis maluit pati, quàm præsen-
 tem cum periculo animæ ducere vitam, & sic
 Anno Domini millesimo quingentesimo, no-
 nagesimo, altera Visitationis Mariæ, vitam
 foeliciter, licet in pœna, finiuit. Imò cum Offi-
 ciatus & omnes misericordia ducerentur, eo
 quod magnam contritionem in eo aduerte-
 rent, sicq; vellet & offerret ei pœnam gladij,
 recusauit, & voluit comburi cum alia saga,
 quæ

quæ simul supplicio afficiebatur; eo quod talis poena suis sceleribus digna esset, & sic prius strangulatus, flammis in cineres redactus est. Confessionem huius adolescentis latius in primis, vt debuit, iudicialiter Notarius excepit, deinde ipsemet iuuenis proprijs manibus per puncta descripsit germanicè, additis & permistis verbis latinis & tradidit. Ex propria eius scriptura sunt, quæ præsentibus inferimus. Ocasio casus eius hæc fuit. Cùm enim amore carnali incenderetur erga filiam quandam illius pagi, oblata oportunitate, commercium cum ea habuit. Deinde Dæmon in forma illius puellæ apparuit, quem personam amatam existimauit, & ei in auri specie quatuordecim coronatos dedit, quam pecuniam tandem conuersam in putredinem reperit, vt eius formalibus verbis vtar. Quamprimum factum matri significauit, & conquestus est de casu. Mater verò, quæ iam Dæmoni se subdiderat, maleficij & rei gestæ conscia, eum consolata est dicendo, fili, cōsolare, res ad bonum statum dirigetur. Sub principium noctis, mater filium scopis insidentem, camino eduxit, ante ianuam hircum reppererunt, cui insederunt in nomine diaboli, & delati sunt ad locum planum & latum, dictum Hehenroderheide/qui distat à Rouer fortè miliari, vbi frequentissimi sunt conuentus Maleficorum, præsertim celebriores, & quasi provinciales. Cùm verò

ad dictum locum venissent, mater diabolum, iuuenis seductorem aduocauit, eiq; dixit. Hic est filius meus Ioannes Cuno, vti promisi. Tunc matre impia verba predicente, abrenunciavit Deo & omnibus sanctis. Expedita abrenunciatione, hilares extiterunt, & quasi nuptias cum eo celebrarunt. Tunc tamen Dæmon in alia forma apparuit, quàm primo tempore seductionis. Postea Dæmonem succubam habuit, qui & ei vnguentum dedit ad exercenda veneficia Cuius vnguenti virtutem probauit in matris porcello, quem vnxit in collo, & mortuus est. Dæmon suus rosam se nominauit, atq; adolescentem capri barbam. Confessus quoq; est, matrem propriam & alias duas ligas, in conuentu & congregatione, coram Dæmone presidente, & toto cœtu in *se* *berhendt* iactabundam prædicasse, & hoc maleficiū exposuisse, quod patrem suum, id est, maritum dictæ Annæ, veneficijs interemissent. Consentit mater in sua confessione, sicut in præcedēti puncto de seductione. Singulis quatuor anni temporibus ad congregationem & cursum venire debent: Aut si quis in persona realiter impeditus comparere nequit, Diabolum suum substituere debet, præbendo ei consensum in omne malum quod in congregatione tractatur & concluditur, ibiq; se gloriaturum de quibusdam horribilibus carnalibus vitijs, quæ hîc non est opus enarrare.

testa-

testatus est Cœtus siue totus conuentus in tres gradus siue ordines distinctus est. In maiores, mediocres, & minores. Ipse consistebat inter mediocres. Semper quando conueniunt, habent propositum, & tractatum de destructione alicuius rei. In cursu quoq; sunt fistulatores, cui exercitio ipse aliquando vacauerat, & lucratus erat in bona pecunia tres aut quatuor batzios. Si quis autem non esset soluendo, in pœnam, in honestum actum, qui saluo honore nominari non potest, subire tenetur. Sacramentum Eucharistiæ ter aut sæpius vix sumere potuit, & quando confiteri hoc voluit, Dæmon suus digito inhibebat, atq; etiam ipsam percutiebat, si quid boni faceret. Tandem in conuentu & cursu habent censorem morum, quem latinè legis mandatorem vocât. Hic legit & iubet, quo pacto quis se gerere debeat erga Dæmonem, & quod singulis quatuor anni temporibus præcipuè cum cæteris conueniendum in loco destinato, & consensus dandus ad omnia maleficia. Hæc ex adolescentis confessione. Alia adhuc commodis locis inferuntur. Ex his clarissimum est, quo ordine & malitia Dæmon regnum suum stabilit, & multos mortales, Deo iustè permittente, miserè in laqueum ducat. Ex hoc ordine deducitur, quomodo Magus quandoq; Dæmonem possit cogere. Si enim pactum vel fœdus habeat cum superiore & potentiore, ad imperium

eius inferior morem geret, non autem æqualis, qui voluntariè concurret quasi coactus videatur suis incantationibus ad coniurationem Magi. De hac re legendus Franciscus Victoria in relectione de arte Magica, à numero 15.

11. Præludium. *Licet apud antiquiores Doctores res dubia fuerit, an angeli & Dæmones sint corporei, necne: tamen nunc temerarium videtur asserere esse corporeos.*

PRIMA pars certa est ex August. lib. 21. cap. 10. de Ciuitate Dei, qui fatetur multos doctos in ea fuisse opinione, quod sint corporei, & præterea addit. Si quisquam nulla habere corpora Dæmones asseuerat, non est de hac re aut laborandum operosa inquisitione, aut contentiosa disputatione certandum. Aliquando iuxta Apulei & Platoniorum sententiā subtilia corpora habere videtur opinari. Accedunt Origen. lib. 2. Periarchon. cap. 6. Lactan. Firmianus lib. 2. diuinarum institut. cap. 15. & alij alibi. Secunda pars confirmatur: scriptura huic parti maximè fauet. Ephes. 4. Non est nobis colluctatio aduersus carnē & sanguinem, id est, aduersus res corporeas. Psal. 103. angeli vocantur spiritus. Qui facit angelos suos spiritus: Luc. 24. Spiritus carnem & ossa non habet, sicut me videtis habere. Et Marci 5. Legitur in vno homine Legio fuisse Dæmonum.

Quo-

Quomodo in vno corpore humano tot corpora latere potuissent? His accedunt Symbolum Nycænum, quod DEVM creatorem visibilium & inuisibilium pronunciat: Conciliū Lateranense sub Innocentio tertio, cuius verba habentur in cap. Firmiter credimus, de summa Trinitate. Creator omnium visibiliū, & inuisibilium: Spiritualium & corporalium: qui sua omnipotenti virtute simul ab initio temporis vtramq; de nihilo condidit creaturam, spiritualem & corporalem: angelicam videlicet & mundanam: ac deinde humanam, quasi communem ex spiritu & corpore constitutam Communis Doctorum sententia etiam consentit. D. Dionys. de diuin. nominib. cap. 4. Damasc. lib. 2. de fide, cap. 3. Grego. Nazianz. lib. 2. sue Theologiæ in fine. S. Chrysost. hom. 22. super Genes. S. Thom. 1. par. q. 50 art. 1. & 2. S. Bonauent. in 2. d. 8. q. 1. Gabriel. Scot. Richard. Dionys. Carthusian. & communis in 2. d. 8. Alexand. Halen. 2. p. q. 34. memb 1. & hæc est communissima sententia, cui contradicere non caret temeritate. Aristoteles etiam 6. metaphys. t. 2. & in lib. 2. de Anima, & in 12. metaphys. & alibi tradit, intelligentias re & ratione à materia esse separatas, & in hæc nulla apud Philosophos est controuersia.

12. Præludium: *Damones possunt assumere corpora, & in ipsis apparere hominibus.*

E 5

Hoc

*Dæmones as-
sumere cor-
pora & in ijs
apparere pos-
sunt.*

Hoc docent Magister in 2. Sentent. d. 8. & ibidem S. Bonauent. S. Thomas, Scot. Ricard. Capreol. Durand. Gabriel, Dionys. Carthus. & reliqui omnes. Alexand. Alen. 3. par. q. 30. memb. 3. art. 1. & alibi. S. Thom. 1. part. q. 51. art. 2. & ibidem eius commentatores. S. Antonin. 2. part. tit. 4. cap. 7. & 2. nec est qui in hac re dubitauerit vsq; ad nostrum Censorem, qui simpliciter negauit tēpore Christi Dæmones corpora assumere, & ita hanc Theologorum veritatem reiciebat, & satis acerbis & duris verbis Scholasticorum doctrinam de assumptione corporum damnabat, nihil tamen omnino præter verba pro sua negatiua sententia adducebat. Preludium nunc probatur. In primis vt ex octauo patet. Naturalia māserunt integra in Dæmonibus, sicut bonis Angelis. Sed boni possunt assumere corpora: ergo & mali, licet ad diuersos effectus. De bonis clarum est.

Gen. 18. Abrahæ apparuerunt tres viri, id est, angeli in conualle Mambre. Tob. 5. Tobias inuenit iuuenem splendidum cinclum. & ignorans quod angelus Dei esset. salutauit eum, & 9. cap. vocauit Tobias angelum, quem hominem existimabat. Genes. 19. Venerunt duo angeli Sodomam, quibus Lot dicebat: Domini, declinate in domū pueri vestri, & lauate pedes vestros, &c. Quod etiam Dæmones corpora assumant, constat Genes. 3. apparuit in forma serpentis, secundum Cyrillum lib. 3. aduersus Iulianum. & Matth. 4. Christo corporaliter apparuit. 2. Cor. 11. Angelus Sathana transfiguratur.

gurat se in angelum lucis. Idem patet ex vitis sanctorum, ut Athanasius in vita S. Anthonij ait. Nam & bestiarum & serpentum formas induentes, omnia, ubi vir sanctus agebat protinus impleuere phantasia leonum, taurorum, luporum, aspidum, serpentum, scorpionum, nec non pardorum, atq; visorum, & hac singula secundum suam frendebant naturam. S. Martino apparebatur in forma viri, purpura & diademate ornati, ut testatur Sulpicius in vita ipsius. S. Hilari in forma pueri, ut refert Hieronymus in vita eiusdem.

Magno Iacobo, visus est Dæmon in forma nudi Aethiopis ignem ex oculis emittentis, ut auctor est Theodoretus in religiosa historia sanctorum Patrum, cap. 21. & ibidem ipsius viri Iacobi imaginem & formam induebat: ut vir Dei ibidem refert sequentibus verbis. Sed me rursus clanculum perpetua afficiebat molestia. Nam aquam, quæ mihi bis in hebdomada infèrè afferebatur, ei qui afferebat, occurrens, & meam formam imitans accipiebat, & illum iubens recedere, fluentum effundebat. Idque cum non solum bis, sed etiam ter fecisset, me sitis perpessione validè oppugnauit. Cum ergo valde angerer, rogaui eum, qui solebat ad me afferre, cur iam quindecim diebus ad me aquam non tulisset? Is dixit, se iam ter & quater attulisse & me accepisse. Et ubi, inquam ego, à te eam afferente accepi? Ille locum

cum ostendit. Et si millies, inquam ego,
 me illuc accedentem videris, ne vas de-
 deris, donec ad hunc locum vengris. Et pau-
 lo post ibidem eidem sancto apparuit in
 specie duarum mulierum de monte descen-
 dentium. S. Benedicto in mulo medici ob-
 viam factus est, cornu & tripedicam ferens.
 Quem cum sanctus pater requisisset, dicens:
 Quò vadis? Ille respondit: Ecce ad fratres va-
 do, potionem eis dare. Itaq; perrexit venera-
 bilis pater ad beati Ioannis oratorium ad ora-
 tionem, qua completa, concitus redijt. Malignus
 verò spiritus vnum senioremonachum
 inuenit aquam haurientem: in quem statim
 ingressus est, eumq; in terram proiecit, & ve-
 hementissimè vexauit. Quem cum Benedi-
 ctus ab oratione rediens tam crudeliter vexari
 conspiceret, ei solummodo alapam dedit, &
 malignum spiritum protinus excussit, ita vt
 ad eum redire vltius non auderet, vt testis
 est S. Gregor. lib. 2. Dialog. cap. 30. Dæmon S.
 Vincentio ordinis Prædicatorum Valentiz in
 specie senis venerabilis cum barba ad genua
 proluxa & nigerrima se representabat, simu-
 lans se vnum esse ex veteribus Patribus AEgypti,
 & in alia nocte in figura vasti AEthiopis,
 vt videre est in vita S. Vincentij lib. 1. cap. 8. &
 9. apud Surium tom. 2. 5. April. S. VVilhelmo
 DuciacComiti Pictauorum, ac Eremitæ, cum
 in nocte multis Dæmonum diuersis vocibus

in vi-

In vigilijs & orationibus molestia afficeretur,
ex omnibus illis vnus ceteris clarior, & virtu-
terobustior apparuit in specie proprii geni-
toris, & ad eum cum vociferatione clamoris
dicere cœpit:

Cerne senescentem fili VVilhelme parētem

Exi continuo patre rogante tuo.

Germine non humili genitus, me respice fili,

Nec mea despicias vota, precesq; piās.

Exi VVilhelme: tu namq; resumere per me,

Terras & dotes, pradia, regna potes.

Iam sat seruisti, superest tibi gloria Christi:

Pramia non poteris perdere, saluus eris.

Iam patrem sequere, iam iamq; tui miserere

Ad tua regredere, viscera mota gere.

Engeneris soboles nostri stat, turbaq; fratrum,

Cum quibus in theatro ludere sæpē soles:

Fratres cum cuneis notorum respice tristes:

Exi, ne distes, associandus eis.

Illis iungeris pompa, solioq; fruēris:

Cinget te generis turba, beatus eris.

Armigerorum turba decorum glorificabit.

Seruorumq; chorum copia larga dabit.

Cernēdum mæstum te spectat turba nepotum,

His saltem presta, quæsumus, antidotum.

Fili mi quid habes animi leuitate cadendo?

Magnanimi non est, perimi se velle latendo.

Quo.

*Querere vilia, spernere gaudia, tenere mor-
denti? (dent.*

*Ecce placentia sunt tibi tristia, prospera for-
Ferrū, cauma, fame, frigus fers atq; ligamē,*

Nec florens et aste mouet, aut pietas.

Postpositis igitur furijs, mihi sanus obedi:

Ne tardes ergo, concitus ipse redi.

Miles CHRISTI protectus fortitudine
DEI verba deceptorum paruipendebat, ac ni-
hil ad hæc penitus respondit.

Hæc ex vita huius sancti, cap 19. apud
Surium tomo 1. ex Theobaldo Episcopo.
S. Tryphon Dæmonem, qui filiam Gordia-
ni Augusti inuaserat, expulit, & Gordiano,
alijsq; præsentibus videndum ad ipsius Gor-
diani petitionem exhibet: Tibi dico, ait S.
Tryphon, in nomine IESV CHRISTI, ap-
pare eis, qui adsunt, & eis ostende tuam
turpitudinem & imbecillitatem. Simulat-
que hoc dixisset, ecce tanquam canis aspectu
deformis, niger colore, oculos habens tan-
quam ignem emittentes, & caput humi deli-
xum, coram omnibus apparuit. Sic Simeon
Metaphrastes in vita S. Tryphonis martyris
apud Surium tomo primo de probatis San-
ctorum historijs. 1. Februarij. Pluribus hu-
iusmodi exemplis abundant Ecclesiasticæ
historiæ, & acta Sanctorum Patrum. Cen-
sor

for noster cū videret huiusmodi apparitiones & visiones sibi obstare, incidit in Scyllam, cupiens vitare Charybdim, aliumque errorem longè intolerabiliorem scripto etiam inseruit, nempe Dæmones in natura sua sine assumptione corporis posse videri ab homine in hoc statu. Qui error tam nostræ fidei; quàm rectæ rationi repugnat: Notum est enim omnibus Symbolum Nycenum: Credo in vnum DEVM, Patrem omnipotentem, factorem cœli & terræ, visibilem & invisibilem: & aliud in capit. Firmiter. de summa Trinitate & fide Cathol'. Creator omnium visibilem & invisibilem: spiritualium & corporalium. Præterea potentia nostra videndi cū sit affixa organo corporeo, non potest ferri nisi in corpus: Vnde spiritus non cadit sub visum: Quare apparitiones spirituum in corporibus assumptis fiunt ad hoc, vt spiritualis creatura homini possit communicare in conuersatione prout diuinæ placuerit dispensationi. Hinc sanctitati S. Tryphonis tributum fuit, quod ad eius imperium dæmon in corpore se videntum aliorum obtutibus exhibuerit, vt supra insinuatum. Præludio nostro fortissimè obstare videtur vna auctoritas Epiphaniij contra hæresin 26. pag. 4. ante finem, dum ait: Quomodo potest Dæmon, qui spiritus est
inmun-

immundus & incorporeus, corpora assumere? Respondetur, prout notissimum est ibi ex antecedentibus & consequentibus, Epiphanium loqui de modo assumptionis corporum per operationem corporalem, eamq; vitalem, qualis est conceptio animalis per susceptionem corporalis seminis. Consutat enim in illo loco fabulam hæreticorum Gnosticorum, qui dicebant vnā ex dæmonibus genuisse liberō ex Helia. Et ita statim post relata verba, in hunc modum Epiphanius subiungit. Si verò etiā à corporibus assumit ac concipit, non amplius est spiritus, sed corpus. Quum autem corpus est, quomodo est inuisibile & spiritus? & multa est stoliditatis ipsorum absurditas, &c.

Et si angeli boni humanam, eamq; virilem induant speciem, quando hominibus apparent: tamen maligni spiritus varias prouentus, quæ in hominum perniciem moluntur, varietate formas assumunt: Nunc virilem nunc muliebrem, nunc quadrupedum, nunc reptilium: vt exemplis iam positis satis clarum est. Id tamen obseruatum à quibusdam, quod non appareat Dæmones vnquam effigiem ouium induisse, cū Christo domino placuerit se pastorem, & familiam suam oues nominare. Sic in Euangelio oues statuit à dextris, hædos autem à sinistris. Oues enim sunt animalia fructifera, mansueta, humilima & patientia.

lentissima, quæ proprietates conueniunt o-
uibus CHRISTI. E contra verò Dæmon ple-
runq; apparet in forma hirci, vt relatione præ-
sertim eorum, qui maleficam sectam sequun-
tur, cognoscimus. Hircus enim est animal
mento & cornibus terribile, truculentum ca-
pite, & suo tempore satis fœtidum, quibus
proprietatibus mores Dæmonum, & malefi-
corum designantur. Hanc similitudinem o-
uium & dissimilitudinem hædorum latius o-
stendit Dominicus Sotus in 4. Sentent. d. 47.
q. 2. art. 5. Sed nec in specie columbæ legitur
malus spiritus apparuisse, quod diuinæ pro-
uidentię congruit: cum in tali forma spiritus
sanctus apparuerit. Columba enim est avis
munda, candida & pulchra, quare in tali for-
ma Spiritus sancti operationes designantur.
Malus autem spiritus cum sit deformis & fe-
rox, nigra delectatur forma. Sic S. Machar. in
specie nigri Mauri, alteri in corui, alij in nigri
canis figura obuiam factus est: multis sagis in
specie nigri hirci apparet, præsertim quando
defert eas ad congregationem. Tradunt quo-
que Doctores, quod Dæmones nonnunquam
se repræsentent in corporibus mortuorum,
sed nō bonorum, in quibus spiritus sanctus si-
bi præparauit habitaculum. Quoniam DEVS,
in cuius manibus corpora Sanctorum sunt, id
Dæmonibus non permittit. Dubium hic esse
potest, vtrum Angelus Sathanæ transfigurans

se in speciem siue formam Christi, absq; peccato possit adorari? *Tractant Alexand. Halen. 3. par. q. 30. memb. 3. art. 1. S. Bonauentura in 3. sent. d. 9. q. 6. Gabriel super canonem missæ, Lect. 50. in lucra R. Bartholomæus à Medina in 3. par. S. 7. hom. q. 25. art. 3. Iosephus Angles in Florib. Theologicarum question. in 2. sent. par. 1. dist. 8. difficul. 14. Dicendum: Qui existimat vel aduertit esse Dæmonem sub forma Christi, & adorat, committit crimen idololatriæ, quia sciens & prudens adorat Dæmonem, & ipsi tribuit cultum diuinum, quod est pessimum scelus idololatriæ. Si autem quis sit dubius, sitne verus Christus, vel Dæmon qui apparet, & adorat, mortaliter peccat, quia exponit se probabili peccandi periculo: quod qui amat, peribit, in illo, suspendendus ergo in tali casu actus, vel adoratio facienda sub conditione. Si tu es Dæmon, non te adoro: & à Deo cognitio precibus petenda, pro veritate. Sic S. Petrus cum videret Christum, ignorans eum esse, dicebat: Matth. 14. *Si tu es Christus, iube me ad te venire super aquas.* Si quis verò ita esset ignorans & simplex, ut inuincibiliter ignoraret esse Dæmonem, talem excusari adorando, iudicat Medina, & tantum materialiter committere idololatriam. Alij verò sentiunt ignorantiam non excusare, quia ut hoc peccatum caueremus, præmonuit ipse Christus Matth. 24. *Multi venient in nomine meo dicentes, quia ego sum, & seducunt multos. & Paulus: Ipse**

• Satha-

*Sathanas transfiguratur se in Angelum lucis. Deinde talis habet orationis remedium, & si petat à DEO, non deseretur, quia promissit, dicens: Quicquid petieritis patrem in nomine meo, dabit vobis. Quare in tali casu, qui adoratur, & prius non oratur, non adhibet debitam diligentiam ad evitandum ignorantiam requisitam. Deinde cum huiusmodi apparitiones sint multum periculosæ, non facile sunt admittendæ, sed probandi spiritus, an ex Deo sint. Exemplum ad confirmationem huius rei non desunt: In primis Beatissima Virgo cum ab angelo salutaretur turbata in sermone, priusquam consensum præberet, cogitabat qualis esset ista salutationis. & 1. Reg. 3. Samuel, secundò, tertio & quarto vocem Domini vocantis audiuit, tunc tandem respondit: *Loquere Domine, quia audis seruum tuum.* Sic & S. Lucianus presbyter revelationem sibi factam per Gamalielem Pauli discipulum, non statim acceptavit nec credidit, sed dubius perstitit, donec præmissa oratione visio tertio sibi manifestaretur. Non ergò in his facile credendum: nam locum habet illud: *Qui facile credit, facile decipitur, & levis est corde.* Habuerunt ergò sancti Patres semper suspectas huiusmodi visiones. S. Martinus, cum diabolus sub forma Christi ornamentis aureis præfulgidi appareret, respondit: Christum nunquam vsum aureis ornamentis, & se nolle eum adorare. Alius quidam Pater, cum se Dæmon*

in forma Christi offerret, clausis oculis dixit: se nolle Christum videre in hac vita; sed in cœlis. Alius sub simili specie apparenti, obiecit: *Vide ad quem mittaris: neq, enim u sum, qui Christum videre merear.* Gerson in tractatu de spiritibus discernendu admonet cum Petro dicendum: *εἰπά μοι Κύριε, quia homo peccator sum.* Quando autem Deus per visiones vult aliquid reuelare, talia dat signa & documēta, quibus cognosci potest veritatem esse reuelationem: ut patet de reuelatione facta Beatissimę Virgini, & visione Pastoribus in natiuitate Saluatoris, & alia, Marię Magdalenę apud monumentum manifestata. &c. Itē in exemplo de Samuele allato, Cū autem in huiusmodi visionibus & apparitionibus multi sæpē decipiantur, probandę sunt secundum sacras literas, doctrinam sanctorum, & experientiam hominū discretorum. Quare ex hac parte sæpissimē scēminę decipiuntur à diabolo: cū enim sint curiosę & molles complexionis, facillē recipiunt impressiones à spiritibus; & multum eis delectantur, suam sanctitatem hinc metientes, & sic turpiter sæpē in laqueos persecutoris incidunt. Statim ut insolita & ignota visio appareat, muniendū est cor signo sanctissimę crucis, & mens erigenda in Deum; cum inuocatione salutaris nominis Iesū, quod Dæmonibus terribile, fidelibus autem fortissimū scutum est contra æreas potestates. *Regulas discernendi huiusmodi visiones*

Visiones periculosę: ideo hęc probandę, & quid ijs occurrentibus facienda.

visio-

visiones, & spiritus qui legere voluerit, videat Gersonem in d. tractatu, & Bartholomeum Medinam loco citat. & eundem in l. 2. S. Thom. q. 22. artic. vlt. prope finem.

Quæret hic quispiam, ex qua materia tam Bre-
ui tempore corpora assumunt, & quomodo
ad nutum euanescent? Communis opinio
Do&orum docet, quod corpora assumant aë-
rea. S. l. hom. 1. par. q. 51. art. 2. ad 3. S. Bonauen. in 2. d.
8. artic. 2. q. 2. Nam licet aër in sua raritate ma-
nens, nec colorē nec figuram habeat, conden-
satus tamen & figurari & colorari potest, vt pa-
tet in nubibus, & aliquando etiam figurę & vi-
siones pugnantium in aëre conspiciuntur.
Aërea etiam corpora citò disparent, propter
raritatem, maximè si virtus agentis & disper-
gentis fortis sit, vt in Dēmonibus. Huiusmodi
tamen corpora à Dēmonibus assumpta, nec
habent veram formam, aut organizationem,
vt phyfici loquuntur, completam, sed solum
effigiem, quę potius artificialis, quàm natura-
lis est. Ex hoc fundamento verum apparet,
quod malefici alijq; fatentur, esse facile cog-
noscere Diabolum è manibus vel pedibus.
Item non esse difficile, discernere ex mem-
bris & corporis constitutione, quando con-
sortes criminis sint in persona, vel representa-
tione, in cursu & tractatibus.

*Materia cor-
porum à Dē-
monibus as-
sumptorum*

*Vnde Diabo-
lus in assum-
pta corpore
cognoscatur.*

Atq; vt id quod certissimum est, latius de-
olarem, sicut iuxta prouerbum, leonem ex
vnguiculis iudicamus: ita Dēmonem quando

in humana specie apparet, ex pedibus & inferiori parte discernere licet à vero homine. Alexander ab Alexand. libr. 4. genialium dierum, capit. 19. pulchram refert historiam ad hoc propositum. Sed ne cui, inquit, hæc vana, vel ficta sermonibus videantur, auctor est Thomas monachus, homo minime malus, cuius ego fidem probitatemque pluribus in rebus expertus didici, qui serio mihi retulit, quod cum in monasterio & sacris ædibus, quæ in lucanis montibus sunt, cum pluribus iurgatus foret, & post immodica conuicia & rixas, animo perturbato inde se proriperet, cum per nemora iter solus intenderet: speciem hominis, vultu tetro, nigra barba, promissis tunicis, vultu aspectuque deformi & suo obuiam habuisse: quem cum appelleret, quid ille solus per devia errabundus incederet, dixit equum, quo vectabatur, amisisse, atque in proximos campos illum euasisse credere: Cumque per sinus inuios equum vnà questum pergerent, ad perfluentem, in cuius aluogurgites magni & formidabiles redundabāt, deuenisse. Et cum monachus, ut aquam traiceret, calceos sibi eximere appararet, illum magnoperè coëgissem, & tandem peruicissem, ut super spatulas suas ascenderet, potiusque à se, qui corpore maior erat, vectaretur. Qui acquiescens, cum super illius spatulas, ut succollaretur, monachus, ascenderet, illeque iam aquam

ingre-

Ingredi appareret, dum vada exquirat, illius pedes non humana, sed tetra & deformi specie conspexit. Quo animaduerso, horribili terrore percitus, Deum vt sibi præstò adesset, acclamauit. Mox Dæmonem & diram illam speciem, diuino audito verbo, stridore querulo, & vi maxima, quanta dici potest, ita è conspectu abiisse dicit, vt imminentem quercum ingenti impetu colliserit, ac perfractis ramis funditus euerterit. Hæc ex Alexandro. Meisenbeins Anna/dixit suum Amasium, qui se Fedderhans nominabat, a sininos pedes habuisse. Pari modo quædam N. detenta in custodia Monasterij S. Matthiæ, ex pago eidem proximo confessa est, quod non semper in propria persona vadant ad congregationem, sed si venire non possint, dent consensum, & tunc Amasius eas repræsentet. Ex hac autem differentia hoc cognoscendum. Cùm alium vel aliam repræsentat, in superiori parte similis est homini, quem ex consensu eiusdem repræsentat, in inferiori autem parte pedes habet bouinos, equinos, aut alterius bestię. Hæc malefica Anno Domini 1589. 14. Iulij incinerata est. Atque vt nemo putet hæc esse à veritate aliena, quæ pluribus confessionibus confirmantur, consideret Dæmonem non sine causa nominari à Propheta Esai. 34. cap. Onocentaurum, lamiam, & simili modo. Vbi Glossa, Beda, Dionys. Car-

thus, & alij ad propositum exponunt. Quod Onocentaurus sit animal monstruosum, superius habens effigiem hominis, inferius autem similitudinem asini. Et similiter lamia animal monstruosum, habens in parte superiori speciem mulieris, in parte autem inferiori pedes equinos. Atq; etiam ita callidus mille artifex est, quod formam inferiorem cautius abscondat, nisi quis bene aduertat, aut eiusdem artis sit peritus. Aliquando satis longo tempore potest conuersari, ita quod verus homo putetur. Lepidam ad hoc propositum historiam refert Ludouicus Cælius Rhodiginus lectionum antiquarum lib. 16. cap. 5. ratione illius Adagij. Serpentem foues, & te serpens. Quod Prouerbiū etiam nostris maleficis & sagis accommodari posset. Fuit, inquit, Menippus Lycius, annos natus quinque & viginti, ingenio haud inscito, corpore item multa exercitatione valido, ita vt formosi athletæ, liberalisq; speciem præ se ferret. Hunc peregrinæ mulierculæ pleriq; amoribus irritum putabant. Ea verò, vt tum videbatur, speciosa quidem erat, & permollicula, nec nõ diuitijs vbertim fulta. Cæterum ea omnia ostentationem modò exhibebant, veri suberat nihil. In eius verò familiaritatem ad hunc modum insinuasse ferebatur. Pergebat quandoque Menippus Corintho Cenchreas solus. Ecce phantasma quoddam illi occurrit, quod
se in

se in mulieris speciem conformauerat. Atq; ex manu apprehendens Menippum, iam pridem inquit, se illius amore teneri implicitam. Esse verò se genere Phœnissam, & in suburbano iuxta Corinthum habitare, idq; etiam digito monstrans, vt illuc veniret, hortari cœpit. Quod si, inquit, feceris, intentam muscis inuenies me, & vinum bibes, quale non sæpè aliàs, nec te riualis vlla vellicabit suspicio: Pulchra siquidem pulchro contenta viuiam, & moriar. His blanditijs adolescens delinitus, etiam si Philosophiæ haud expertus, amoribus tamen obniti, obluſtariq; non valens, vesperti ad mulierem pergit, ac frequenter deinceps, perinde ac ad suas delitias; nec dum enim, cuiusmodi phantasma esset callebat. Id cùm esset intuitus vir quidam, vt ipse interpretor, Magus, aut Philosophus, vt tum creditum est, & summe grauitatis ac prudentiæ, primò statuarij instar Menippum inspectans, hominem expendebat, contemplantaturq;. Vbi verò rimatus abundè est visus: O formose, inquit, & à formosis expetite mulieribus. Ὅφιν δ' ἀλπεις, καὶ σέ ὄφεις. Serpentem confoues, & iste. Cùm in eis mirabundum animaduerteteret Menippum: hoc proinde inquit, dixi, quoniã mulier est tibi, quæ vxor non est. Sed rogo te, ecquid te ab illa amari putas? Per Iouem, inquit Menippus, & quidem eximiè. An igitur, inquit is, eam in matrimonium ascisces? Equidem, ro-

spondit. Quid enim iucundius, quàm aman-
tem ducere? Quādo inquit ille, futuras opina-
ris nuptias? Citò, ait, vel fortasse cras. Id cū
vir ille inaudisset, obseruans conuiuij tempus
cū iam vocati prætò forent, vbi illuc & ipse
perrexit. Vbi nam, inquit, mulier est, cuius
caussa conuiuium celebraturi conuenistis?
Tunc Menippus, propè adest, inquit. Tunc is,
argentum hoc & aurum, cæteraq; domus hu-
ius ornamenta, tuāne an mulieris sunt? Mulie-
ris, inquit, ac semilaceram & pilarem omninò
vestem ostendens. Tales mei, inquit, cultus
sunt. At ille ad eos, qui aderant, conuersus:
Tantali, inquit, hortos videtis, qui, sicuti ab
Homero proditum est, speciem quidem præ-
ferunt aliquam, cū tamē nihil sint. Eiusmo-
di verò ornatum hūc omnem conspiciatis li-
cet. Neque enim materia, quæ videtis, vlla est,
sed simulachrum modò est, ac imago. Quod
vt verum sciatis, Bella hæc sponsa vna est ex
Empusis, quas lamias & Mormalycias pleriq;
existimant. Hæc dictus auctor. Fuit enim bel-
la sponsa Dæmon sub forma humana, quod
magus alijs oculatiores prospexit, & sic benè la-
mia appellata, iuxta Esai. cap. 34. citatum.

Dicet iterum aliquis: Quomodo ergo Dæ-
mones loquuntur & conuersantur cum ho-
minibus, si non sunt vera corpora? Responde-
tur, si propriè loquamur, non loquūtur, quia
vera locutio est operatio corporis actu vitam
haben-

*De locutione
Dæmonum
cum homini-
bus maleficiis*

habentis, & animati anima rationali. Tale autem corpus non est, quod à spiritibus assumitur. Formant autem improprie locutionem, quatenus producunt sonum in aere humanis vocibus similem, non secus atq; si quis summo artificio in tuba sonum instar vocis humanæ redderet.

Et in hoc sensu sæpè Dæmones loquuntur etiam in rebus sensu & voce carētibus, ut exemplis etiam ex Ethnicorum scriptis deductis S. Cyrillus li. 3. contra Iulian. ostendit: Porphyrius vitam describens Pythagoræ, narrat, cum Pythagoras multis comitatus flumē Causum transiret, audientibus cunctis, flumen ei locutum esse, & salutantium more dixisse: Salus Pythagora. Philostratus qui Apollonij nomen, latè scripta eius vita & factis illustrare voluit, lib. 6. cap. 5. narrat, quod cum Apollonius venisset ad Gymnosophistas, principis eorum Thespesionis iussu, arborem vlmum, propè quam confederant, humana voce salutasse Apollonium; & hanc quidem vocem articulatam, tenuem tamē ac muliebri similem. Traditum præterea est, Dodonæam quercum, per quam olim reddebantur oracula, humanas voces edere solitam. Quin etiam Isigonus Cithiensis in Rhodo insula dicit, Iouis tauri humani sermonis expertem non fuisse. Dæmō igitur per equum (intelligit enim equum, ut ex præcedentibus satis constat, quem Homerus

merua

merus prodit indita sibi loquendi facultate, Achilli prædixisse mortem) taurum, flumen, & arbores, humanas voces fingere potuit, cur incredibile Iuliano visum est, potuisse eum per serpentem cum Eua loqui? Sic Cyrill.

Quando in antecedentibus dicitur, non esse vera corpora, in quibus spiritus apparent, id sano modo intelligendum est, ne in errore eorum incidamus, qui dixerunt, angelos nunquam assumere corpora, vt refert S. Thomas in 1 par. q. 51. art. 2. sed omnia quæ in scripturis diuinis leguntur de apparitionibus, in visione imaginaria contigisse, vel in prestigijs. Sed hoc repugnat intentioni Scripturæ. Illud enim quod imaginaria visione videtur, est in sola imaginatione videntis. Vnde non videtur indifferenter ab omnibus, sicut Angeli apparentes Abraham, visi sunt ab eo, & tota familia, & à Loth, & ciuibus Sodomorum. Similiter Angelus, qui apparuit Tobiz, ab omnibus videbatur. Et malus spiritus primis parentibus apparuit in vera forma serpentis, & non in imaginatione, aut prestigijs, vt Doctores attestantur. Et CHRISTO Domino in Euangelio in forma humana reali, vt euidenter colligitur ex textu & Doctoribus ibidem. Quando ergo dubium incidit, an sint vera corpora quæ à spiritibus assumuntur, vt in eis appareant, id sub distinctione intelligendum est. Non sunt vera corpora quæ ad veritatem corporis, quod

quod denotatur, vt humani, vel animalis: sed sunt vera & realia quantum ad materiam, ex qua formantur, veram enim & solidam habet corporeitatem. Et licet non sint talia corpora in prædicamento substantiæ, quatenus sic efformata, & quasi artificialia, sunt tamen verè ærea. Si autè vera essent corpora humana, aut bestialia; vera esset caro, vera ossa, membris & nervis distincta & coniuncta, quæ nec ita statim fierent, nec subito euanescerent, quemadmodum nostra corpora post mortem permanent. Corpora autem spirituum ad eorum voluntatem in præiacentem, vt DD. loquuntur, resoluntur materiam. Si quis autem obijciat quod legatur in narrationibus patrũ, Dæmonem discessisse relicto intolerabili fœtore: id quod etiam refertur nonnunquam factum, quando exorcizando eijcitur ab homine obsessio: fœtoris autè emissio verum corpus significare videtur. Respondetur ad hoc, Dæmonem huiusmodi fœtorem in suo discessu producere in ære rebus oportunitis, & tali effectu necessarijs. Quod si quis iterum obijciat: si verum est corpus à Dæmone assumptum, quomodo non semper ab omnibus videtur? Aliquando in loco torturæ Dæmō videtur à malefico, aut saga; ita vt el signum det, ne confiteatur: Aut etiam in itinere concomitatur, & alij assistentes nō vident. Respondetur, huiusmodi apparitiones dupliciter fieri possunt:
aut

aut solum in imaginatione & visione, vt in Prophetis cōstat, quibus solis visio fiebat. Daniel. 10. Vidi aut ego solus visione, aut in corpore assumpto. Quod si spiritus in corpore assumpto appareat, est in eius potestate, vt ab vno, vel pluribus longè vel propè videatur. Quia eadem potestatem, quam animæ beatorum super corpora propria glorificata habebunt, habēt & angeli mali in corpora ab eis assumpta. Anima autem beata talem potestatem habet in corpus suum, vt appareat vni vel pluribus, & non ab alijs videatur, vt patet exēplo Christi, Acto. 9. quādo Saulo apparebat in via, quem Saulus videbat. Viri autem, qui comitabantur, stabant stupefacti, audientes quidem vocem, neminem autem videntes. Sic respondet Ioseph. Angles in florib. Theolog. qq. in 2. sent. part. 1. q. vnica de Dēmonib. Quomodo angelus vni appareat & non alteri: audiatur ab vno, non ab alio licet astante. Respondet Albert. in lib. de quatuor cōsuis, & super sententiarū lib. Quod vnus percipit voces angeli apparentis, non alius, ideo est, quia locutio illa extat mirabilis. Qemadmodum enim nō profertur per materialia organa secundum naturam: ita nec circulariter immutat medium, sicut vox naturalis. Huius etiam caussa est, quia locutio angeli fit conuersione & ordine ad eū, cui loquitur, idcirco non sonat, nisi apud illū. Idem de apparitionibus est dicendū. Richard.

in 2.

In 2. d. 8. magis Philosophicam reddit rationē.
Diabolus potest facere, vt res quæ præsens est,
lateat visum, operādo extra corpus nostrum.
Quia vt asserit Damascen. lib. 2. visus videt se-
cundum lineas rectas, quæ à visibili proce-
dentes, tendunt in conum, atque constituunt
angulum in loco iudicij virtutis visus. Pro-
pter quod idem visibile non videtur per eas-
dem lineas à duobus hominibus iuxta se posi-
tis, nec à duobus oculis eiusdē hominis. Dia-
bolus autem potest aliquam in medio facere
dispositionem, quæ lateat visum, impediē-
temq; transitum linearum à visibilibus diffu-
sarum. Cumq; talem facit dispositionem op-
positam lineis venientibus ad oculum alium,
videbit idem homo oculo vno, quod videre
non poterit oculo alio. Simili modo poterit
facere, quod id, quod videtur ab homine vno
non videatur ab alio homine astante, & item
quod duorum visibilium iuxta se positorum
homo videat vnum, nō aliud. Si quis obijciat,
quod secundum Philosophum, sensus proprio-
rum semper est, & quod potentia circa pro-
prium obiectum non erret, & quod sensibile
proprium est per se notum, ergo visus non de-
cipitur circa suum obiectum. Respondetur:
hoc verum est per se, nisi fiat aliqua corruptio
circa organum: aut ponatur impedimentū in
medio, aut ex parte obiecti, vt cōtingit in præ-
stigijs, Dæmonum illusionibus & apparitioni-
bus.

Nunc

NVNC PAVLO LATIVS
 ALIQUA MONENDA, QVAE
 in dubium venire possunt circa
 apparitiones in hac
 materia:

I. DVBIUM.

*An anima defunctorum appareant
 etiam, & immisceant se operibus magorum
 aut Maleficorum.*

DIFFICULTATEM facere videtur, quia
 Phytonissa animam Samuelis reuocauit.
 1. Reg. cap. 27. Anteresolutionem praecognos-
 cendum est, quod frequenter Demones simu-
 lant se esse animas mortuorum, ad confirman-
 dum errorem gentilium, qui credebant, quod
 hominum animae, qui mortui sunt, Demones
 fiant, ut meminerunt S. Chrysost. hom. 29. in
 Matth. S. Augustin. lib. 10. de Ciuitat. Dei, c. 11.
 S. Thom. 1. par. q. 117. art. 4. ad 2. Et Iamblichus
 in lib. de mysterijs, commemorat opinionem
 Porphyrij, dicentis omnia vaticinia nobis in-
 fundi à malis Dæmonibus, quorum natura sit
 subdola, omniformisq; atq; versatilis, qui De-
 os & sublimes Dæmones, & animas defuncto-
 rum simulent, ut hac fallacia nobis occurren-
 tes, praesagia præbeant. Fuerunt & alij illius
 erro-

erroris, quòd crederent se artibus magicis & diabolicis posse animas ab inferis, aut aliàs reuocare, vt se præberent oculis humanis videntas, loquerentur, aut futura prædicerent. Cuius rei meminerunt Lactant. lib. 7. diuinarum institut. cap. 13. Tertullian. in lib. de anima, & alij. Hinc apud Plutarchum in vita Cimonis, Magus consulitur pro reuocatione animæ defunctæ.

Ferunt, inquit, fœminam quandam Byfantiam Cleonice nomine, clarissimo genere ortam, à Pausania in libidinem accersitam parentes verò vi pauoreq; consternatos, pudicam sibi virginem prostituissse. Hanc Pausaniæ domum nocte obscura ingressam, sumpto ab his, qui thalami foribus præerant, lumine, silentio ad cubile accedentem incautè cespitasse, euersamq; lucernam cum strepitu sopitum iam Pausaniam excitasse. Is hostilibus se insidijs circumuentum arbitratus, stricto gladio inscius in virginem ruens, eam cõfodit. Cleonices deinde manes omnem Pausaniæ quietem adimere atq; turbare, eiusque vmbra frequenter sibi per somnium visa iratè dicitare Heroicum illud. Is iuriste pœna vocat, mortilibus horror. His ita gestis cùm indignitate sceleris, tum virginis pietate concitati in Pausaniam, socij illum, sollicitante Cimone, Byfantij obsident: eumq; mox vrbe deiiciunt. Is tunc inde defugiens, virgineis manibus admo-

dum vexatus, in Heracleam ad Necromantiscum se oraculum contulit: vbi reuocata Cleonices anima, supplex infestæ virginis iram lenire nitebatur. Quæ in conspectum adueniēs, confestim, inquit, his malum liberatum fore, cū in Spartana vrbe constiterit. Ea sermonis ambiguitate visa est hominis mortem prædixisse. Multi profectò hanc rerum scriptores historiam tradidēre. Sic Plutarchus, pro resolutione huius dubij sit his præmissis.

Prima Conclusio. Sine dubio animæ beatorum non se immiscēt operibus magorum aut Maleficorum.

QUIA cū sint in manu DEI, iuxta illud Sapient. cap. 3. Iustorum animæ in manu Dei sunt, nec tanget illos tormentum malitiæ: ad inuocationem & incantationem magorum, aut maleficorum non egrediuntur, nec in minimo subsunt imperio Dæmonum, quorum opera Magi vtuntur in suis operibus. Egrediuntur tamen animæ beatæ aliquando liberè ex propria voluntate, & particulari permissione diuina, ob causas salutem humanam promouentes. Exempla refert S. Grego. li. 4. Dialog. Prædictam Conclusionem docet S. Chrysost. loco citato.

Secunda Conclusio. Anima in purgatorio commorantes, etiam non egrediuntur

sur, ut se immisceant operibus magorum & Maleficorum.

Quia non est in eorum potestate egredi, cum diuina voluntate & potestate ibidem in pœnam suorum peccatorum detineantur. Et cum sint in charitate, suam voluntatem diuino beneplacito conformant, nec tam peruersis operibus, quæ etiam in vita detestata sunt, desiderant interesse. Si tamen quandoq; animæ purgatorij permittuntur exire, ex speciali Dei dispensatione, id fit at ad petendum viuorum suffragia, aut ad procurandum aliquod humanum bonum.

Tertia Conclusio. Anima damnata, & in inferno existentes, neq; se immiscere operibus magorum & maleficorum possunt, neq; hominibus prodesse aut obesse.

Tales enim animæ perpetuo carceri sunt mancipatæ, neq; vlla arte magica euocari possunt, ut patet ex illo Euangelij de diuio Epulone, qui non est permissus redire ad mortales, ut fratres proprios salutis admoneret, ne in locum illum tormentorum venirent: quanto magis potestas denegatur redeundi ad scelera & deceptionem hominum? Hæc Conclusio est S. Chrysost. & S. Thomæ loco citato. Francisci Victorix in relect. de arte magica, num. 17. Iosephi Angles in Florib. in 1.

in q. de eadem materia art. 2. diffic. 6. Ex dictis elicitur, quod si quando legantur, aut referantur fuisse apparitiones mortuorum, aut falsæ sint: aut si veræ sint, fiant à Dæmonibus, qui frequenter simulant se animas mortuorum, ad confirmandum errorem gentilium, qui hoc credebant, vt DD. citati attestantur.

Ad illud de Samuele respondet S. Thom. 1. par. q. 83. art. 8. ad 2. & 2. 2. q. 95. art. 4. ad 2. iuxta sententiam Augustini lib. 2. ad Simplician. q. 3. quod non est absurdum credere, aliqua dispensatione permissum fuisse, vt non dominante arte magica, vel potentia, sed dispensatione occulta, quæ Pythonissam & Saulem latebat, se ostenderet spiritus iusti aspectibus regis, diuina eum sententia percussurus; vel non spiritus Samuelis à requie sua excitatus est, sed aliquod phantasma, & illusio imaginaria Diaboli machinationibus facta: quam scriptura Samuelem vocat, sicut solent imagines rerum suarum nominibus appellari. August. lib. de cura pro mortuis agenda c. 15. & in lib. 8. qq. ad Dulcitium vtrunque quoq; sensum lectioni conformem probat, sicut etiam ad Simplicia. At in lib. qq. veteris & noui testamēti, q. 27. videtur sensum cap. Nec mirum. 26. q. 5. apprehendere. Tertull. in lib. de anima, & Cyrill. de adorat. spirituum. Guilhel. Paris. in 1. part. 2. principal. de vniuerso cap. 80. in fine. & Turrecr. in d. c. Nec mirum. putant fuisse phantasma,

ma, secundum posteriorem sensum. Sotus lib. 8. de iustitia & iure q. 3. art. 2. Alphons. Castren. lib. 1. de iusta hæreticorum punitione cap. 14. & alij alibi vtrumq; sensum etiã amplectuntur cum S. Thom. & August. locis cit. Hoc tamen annotauerim cum Alphonso, quod si quis eum sensum amplecti velit, ita vt intelligatur anima Samuelis ex Dei permissione reuocata, cauere debet, ne credat, aut suspicetur animam illam proprio corpori, aut alteri restitutam, vt eam informauerit, sicut antea, ita vt verus homo fuerit compositus ex sua materia & forma informante. Talem enim coniunctionem non potest dæmon efficere ex viribus suis etiam Deo permittente. Fuit ergo talis forma non vnita per informationem, sed solum assistens, vt motrix illius. Nisi velimus dicere, talem animæ cum corpore vnionem factam ab eo, qui quatrduanum Lazarum resuscitauit à mortuis.

DVBIUM II.

Quid iudicandum de apparitionibus nocturnis, tumultibus aut spectris molestantibus certas edes, aut loca? An huiusmodi vexationes referenda in Demones, aut magos & maleficos?

QUANTVM ad talium rerum veritatem, quod aliquando contingant, nemo sanæ

mentis dubitare potest, nisi velit sensus & Doctissimorum virorum auctoritatem contemnere, vt ex sequentibus clarum euadet.

Prima Conclusio. Certissimum est. huiusmodi illusiones, & nocturnas in domibus vexationes non fieri à bonis spiritibus, quos nos angelos vocamus.

QVONIAM hi sunt deputati in hominum salutem & custodiam, & non ad illusionem & deceptionem: & indignum est beatis spiritibus, tam vilibus & nugatorijs operibus vacare.

Secunda Conclusio. Ab animabus purgatorij & damnatis non sunt huiusmodi delusiones & vexationes.

QVIA, vt ex dictis manifestum est, non possunt exire, nisi ex speciali DEI permissione, & ad aliquem finem bonum.

Tertia Conclusio. Huiusmodi illusiones & nocturni tumultus quandoque possunt fieri magorum, aut Maleficorum opera.

PROBATVR ex illa regula Theologorum. Quæcunq; possunt Dæmones, possunt etiam magi & malefici eorum opera. At Dæmones posse huiusmodi tumultus excitare, nemo dubitat, & infra latius patebit. Ad idem facit quod

quod refertur in collationibus Patrum, collat. 8. cap. 18. ex mente duorum Philosophorum, qui magicis artibus inertiam, fortitudinem & suā nequitiam Dæmonum frequenter experti erant. Hi despicientes B. Antoniū velut Christianum hominem, & imperitum sine literis, volētes eum de cella, cū amplius non possent, magicis artibus, & circumuentione Dæmonum perturbare, spiritus ei nequissimos immiserunt ad impugnationem. Cumque illo nunc quidem imprimēte pectori suo, frontiꝑ; signaculum crucis: nunc verò ad orationem simpliciter incubante, ne appropinquare quidem dirissimi Dæmones eidē prorsus auderent: atq; ad illos, qui eos direxerant, absq; vllō reuerterentur effectu: & alios in nequitia vehementiores, rursus immitterent: itidemq; ipsis incassum suas expendentibus vires, atq; inaniter redeuntibus: potentiores nihilominus, aduersus militem Christi victorem iterum destinati, nihil penitus præualeant: eò profecerunt tales tantæq; eorum indiciæ tota arte magica quæsitæ, vt per hæc euidentissimè comprobarent, magnam professioni Christianorum inesse virtutem. Vnde non est dubitandum, quandoque ope magorum posse fieri perturbationes. & tū multus nocturnos, quando Deo disponente non amplius possunt hominibus nocere.

Quarta Conclusio. *Talia spectra, illusiones, tumultus & perturbationes nocturnae ut plurimum fiunt à Dæmonibus.*

Conclusio constabit ex dicendis.

Quinta Conclusio. *Hac spectra, illusiones, & nocturni tumultus in certis quibusdam locis contingunt, & non in alijs, & ita plerunque loca & non personas sequuntur.*

HANC Conclusionem tradit Didacus Co-
uarru. clarissimus Iurisconsultus lib. 4.
variarum resolutionum ca. 6. Probatur Con-
clusio. D. Grego. lib. 3. Dialogorum cap. 4. re-
fert, quod cùm Datus Mediolanensis Episco-
pus caussa fidei exactus ad Constantinopoli-
tanam urbem pergeret, Corinthum deuenit.
Qui dum largam domum ad hospitandum
quereret, & vix inueniret, aspexit eminus do-
mum congruentis magnitudinis, eamq; sibi
præparari ad habitandum iussit. Et cùm incolæ
loci dicerent, eum in ea habitare non posse,
quia iam multis annis eam Diabolus inhabi-
taret, & ideo eam vacuam remansisse: Episco-
pus Datus respondit. Ideo hospitari in do-
mo eadem debemus, si hanc spiritus malignus
inuasit, & ab ea hominum habitationem repu-
lit. Eam sibi parari præcepit, securusq; anti-
quæ

qui hostis certamina toleraturus intrauit. Itaque intempestæ noctis silentio, viro DEI quiescente, hostis immensis vocibus, magnisque clamoribus cœpit imitari rugitus leonum, balatus pecorum, sibilos serpentum, porcorum stridores. Tunc Datus bestiarum vocibus excitatus, contra hostem magnis cepit vocibus clamare, dicens: Bene tibi contingit miser. Tu ille es, qui dixisti: Ponam sedem meam ad Aquilonem: & ero similis altissimo: Ecce per superbiam tuam porcis, & soricibus similis factus es, & qui imitari Deum indignè voluisti: Ecce ut dignus es, bestias imitaris. Ad quam eius vocem deiectione suam malignus spiritus erubuit, & eandem domum ad exhibenda monstra, quæ consueuerat, vltimus non intrauit. Et postmodum domus fidelium habitaculum facta est, quia dum eam vnus veraciter fidelis ingressus est, ab ea protinus mendax spiritus atque infidelis abscessit. Haud dissimile exemplum narrat Alexander ab Alexandro Iurisconsultus Neapolitanus lib. 5. genial. diæ. cap. 23. Nota & vulgata res est, ait, ædes quasdam Romæ, quas ego incolui, euidentissimis ostentis ita infames ut nemo illas incolere ausus fuerit, quin assiduis umbrarum illusionibus, & tetris imaginibus, noctibus serè singulis inquietentur, in quibus præter nocturnos tumultus, quos medio serè noctis silentio audiebamus, & horrendos fremitus cum

eiulatu, striduloq; vocis sono, quibus lachry-
mari, & tremere videbatur, speciem hominis
squalida facie, vultu minaci, nigro corpore, &
aspectu formidabili, nomen suum exprimen-
tem, & opem implorantem cernebamus. Sed
ne quis hoc fabulosum, aut commentitium
putet, auctor est NICOLAUS TVBA, vir mul-
tæ & expertæ fidei, qui cum rei explorandæ
gratia, cum nonnullis doctis iuuenibus, pri-
ma facie ad nos aduentassent, cupido inces-
sit animo, hæc quæ à me promebantur, vero te-
stimonio experiri, & an vera essent, intueri.
Et ne quid inexpertum relinquerent, noctem
peruigilem egere mecum, ut rem notam ex-
ploratamq; haberent, neq; eos opinio fefellit.
Nam cum incensis luminibus peruigiles sta-
rent, haud procul hæc species dira, terribili-
que facie & vultu tetro repræsentata est, quam
ipsi tumultuari, & diris nos vocibus agitare
videbant. Cumque omnia clamore & tumul-
tu streperent, post multa oculorum ludi-
bria tantum formidinis pauorisq; intulit, ut
territi & trepidi vix mente incolumi satis con-
starent, & cum totæ ædes gemitu funesto mis-
cerentur, singulisque cubiculis pestis illa im-
portuna obseruaretur, dum propius accede-
remus, illam retrocedere, & querula voce lu-
men effugere cernebamus. Demum cum mul-
tū diuq; tumultuata fuisset, haud multò post,
ubi multum noctis processit, visio illa omnis
dila-

dilapsa est. Sed præ cæteris, quæ ibi expertus sum, non omittam miraculum ingens, quod mihi planè vigilianti maiore aliquanto trepidatione haud multò post obuenit. Nam cum tenebris obortis, cubiculi fores obserassem firma sera, iacerèq; in lectulo nulla adhuc quiete composita, lumine accenso, horribilem illam speciem foris iam tumultuari, & cubiculi fores manibus pulsare sentiebam. Nec multò post simulachrum illud opertis additisque foribus, per commissuras & rimas in cubiculum se intromisit: quod sub lectulo meo iacens, cum Marcus alumnus & cliens meus, utpote qui è conspectu cubabat, tetra & dira facie aspiceret, paudre subito consternatus, luctu & gemitu omnia opplebat, ipsamque intromissam non sine formidine clamabat: Id quod mihi, cum clausum cubiculi ostium aspicerem, vix credibile videretur: interim dirum illud simulachrum, quod sub lectulo iacebat meo, manum & brachium portendere, lumenq; quod iuxta erat, extinguere vidimus: Quo extincto, libellos & quicquid rerum erat, querula voce miserè, ac omnia euertere non destitit. Mox cum ad tumultum exciti socij, eò se contulissent, lumenque intromissuri obseruaretur vestibulo, interim ipsam, opertum cubiculi ostium manu aperire, & foras effugere vidimus. Erat enim ipse species, ut planè perspeximus, simulachro
homi-

hominis nigerrimo non ablimilis. Illud vtiq;
mirum fuerit, dignumq; memoratu, figuram
illam, dum nobiscum sic luctaretur, cum fo-
res cubiculi referasset, ab his, qui lumen intro-
misere, minimè cōspectam: sed cū primū
cubiculi fores exiuit, elapsam ex oculis, ilicō
discessisse, & in auras euanuisse. Plinius lib. 7.
Epist. Epistola ad Suram, recenset Athenis do-
mum fuisse spaciosam, pestilentem tamen, &
infamem, quod nocte sonus ferri, strepitus
vinculorum longius primò, deinde proximè
reddebantur, mox apparebat idolon, senex
facie, & squalore confectus, proluxa barba,
horrenti capillo, qui cruribus compedes, ma-
nibus catenas gerebat, quatiebatq;. Deinde ob
terrorem spectri illius domus ab hominibus
relictā fuit. Proscripta tamen extitit publicè,
si quis emere aut conducere vellet. Atheno-
dorus Philosophus quidem, cui vitia domus
comperta erant, eam conduxit. Cumq; noctis
silentiō animo ad scribendum intento, ima-
ginem illam vidisset, minimè territus fuit, i-
mò eam vocauit, & secutus est, donec in aream
domus dilapsa, comitem deseruit. Philoso-
phus signum loco posuit, & postero die ma-
gistratum adijt, defossoq; eius mandato loco,
inuenta sunt ossa implicita & inserta catenis,
quæ corpus æuo terraq; putrefactum nuda &
& reliquerat vinculis, quibus ossibus col-
lectis & publicè sepultis, domus postea ritè

conditis manibus, spectris & terroribus liberata exitit. Sic etiam historijs proditum est, Tamesam Locrensiū Italiz urbem à genio quodam mirificè perturbatam, ita vt ciues, quo eam pestem effugerent, sæpè patriam relinquere cogitauerint, donec responso Apollinis accepto, placare Dæmonem iussi sunt vnius virginis oblatione, quam in templo genio illi dicato deuoueant. Tandem Euthymi cuiusdam fortitudine & magnanimitate genius deuictus urbem reliquit. Hinc natum prouerbiū vt dicerent: Cauendum ne Temesiū genius immineret. Meminere huius rei Aelianus lib. 8. de varia historia, & Strabo lib. 6. & alij, quos refert Couarru. loco citato. Simile adfert D. August. lib. 22. de Ciuit. Dei, cap. 8. de quo infra. Sed & ipse noui domum Confluentiz, in cuius superiori parte spiritus modicas motiones exercet, non secus ac si frumenta mensuraret, ea modio imponderet, & effunderet, vt ante decem annos ipse audiui. Tanta autem erat motio, vt circa medium primæ in nocte è somno excitarer, & nescirem quid rei esset, imò iam diem aduentasse existimabam, & homines tumultum mensurando frumenta excitare. Vigilans verò & illusioni attendens, primam horam audiebam, ne tum cessabat spiritus, & sic cepi rem habere suspectam. Manè familiam domus interrogauī: dixerunt spectrum consueuisse sic facere, nihil etiam

etiam plus mali machinari. Imò frumenta & omnia in suo loco semper manere. Sed & aliā noui, vbi nocte solet dormientes quandoque inquietare, & si quasi insequi velint spectrum, retrocedit, vt de suo etiam refert suprā Alex. & si lumē adferatur, fugit. Occasione spectrorum apud Iurisperitos difficultas mouetur, An liceat conductoribus à conductis ædibus migrare, ex eo quod huiusmodi spectris & tumultibus inquietentur, ita vt non teneantur soluere mercedem ab eo tempore, quo domū inhabitârunt. Et concludunt licitum esse, & pro hac parte semel atque iterum iudicatum fuisse in regio prætorio Granatensi Didacus Couarr. loco citato attestatur.

Sexta Conclusio. *Quare huiusmodi perturbationes fiant in his locis, & non in illis, ratio certa non semper reddi potest.*

COVARR. loco citato. Quia cū Dæmones nihil operari possint sine permissione particulari Dei, cuius iudicia occulta sunt multa, iniusta nulla, vt dicit S. Augustin. li. 18. de Ciuit. Dei. Aliquando huiusmodi Dæmones mittuntur in pœnam peccatorum, aliquando ad exercitium: Aliquādo ob causam aliquam occultam, quam nimis anxie inquire non debemus.

Septima Conclusio. *Aliquando huiusmodi spiritus & spectra sanum illusiones & ioculationes exercent sine ullo damno, aut saltem magno.*

CONCLUSIO probatur ex collatione septima cap. 32. vbi diuersa studia Dæmonum explicantur, & dicuntur nonnulli ioculatores, qui certa quæq; loca iugiter obsident, neq; tormentis eorum, quos prætereuntes potuerint decipere, delectentur: sed derisu tantummodo & illusionem contenti, fatigare eos potius studeant, quàm eis nocere. Guilhelm. Parisiensis in 2. part. 2. partis principalis de vniuerso, cap. 8. testatur se vidisse loculatorem, cum quo ludebat quidam ex huiusmodi spiritibus. Permittebat enim eum intrare lectum, non patiebatur eum quiescere, aut dormire: aut enim tumultu, quem lapidibus ad parietes allisis, aut vasorum collisione inuicem concitabat, quietem huiusmodi, aut somnium impediabat: aut raptum cooperatorio, & in linteis ipsum in lecto vexabat: aut extracta vehementer culcitra, de lecto eum detrucebat: & in mediam domum projiciebat, læsionem verò nullam aliam ei inferbat. Præterea dicit ad se adductam mulierem, quam spiritus paruus lapidibus petierat, læsiones modicas ei inferendo. His addi potest, quod Michael Psellus in lib. de Dæmonibus

bus refert, proprium esse Dæmonum subterraneorum lapides in occurrentes iacere, sed ictibus irritis.

Octaua Conclusio. Quidam sunt spiritus, qui maiorem molestiam Deo permitte hominibus inferunt, grauius quandoq, lædunt lapides proyiciendo, aut percutiendo, aut aliqua frangendo.

CONSTAT Matth. 8. In regione Gerasenorum occurrerunt Christo Domino duo habentes Dæmonia, de monumentis exeuntes, sæuimimis, ita vt nemo posset transire per viam. Sic spiritus malignus concutiebat quatuor angulos domus Iob. Et in collatione dicta multa ad idem proba dum adferuntur. Sic Abdias Babylonice Episcopus lib. 3. historie Apostolicæ scribit, in Nicæa ciuitate, septem Dæmonia inter sepulchra delituisse, quæ prætereuntes lapidibus impeterent & interficerent, quæ cò adueniens D. Andreas, à populo rogatus, præcepit in loca arida & infructuosa abire, nèue vlli nocerent.

III DVBIUM.

Quomodo Dæmones, cùm nec manus, nec apta instrumenta habeant, ianuas aperiant, claustra referent, lapides proyiciant, & corpora moueant?

CER-

CERTVM est ex sacris litteris, historijs & experientia, talia fieri: sed nunc est videndum de modo. Tractât hoc Theologi S. Thomas quodlibeto 6. art. 2. Ioan. Capreolus in 2. d. 7. q. 2. Durand. ead. dist. q. 5. Guilhelm. Parisiens. prima part. secundæ principalis ca. 125. de vniuerso & alij alibi.

Dux in hac re sunt sententiæ. Prima est Aureoli & aliorum apud Capreolum, ponentium in angelis, aut Dæmonibus præter intellectum & voluntatem, quandam potentiam motiuam distinctâ, quæ dicitur executiua imperij volûtatis, quæ exequitur motum, quem voluntas imperat. Secunda sententia communior S. Thom. Capreoli & aliorum est, quod angelus moueat per imperium voluntatis. Quia omne agens operatur per aliquam potentiam. Cùm autem in Angelo non sit alia potentia, præter intellectum & voluntatem, oportet vt per vnam istarum operetur. Sed non operatur per intellectum, cùm hæc potentia non sit operatiua, sed cognitiua. Neq; etiam Deus ad extra, vt Theologi loquuntur, executiuè sciendo operatur, sed volendo: iuxta illud Psalm. 113. Omnia quæcunq; voluit fecit. Ergo sequitur, quod per voluntatem operatur angelus. Quamuis autem non sit alia potentia præter voluntatem, quæ mouendi vim habeat, non tamen omnia corpora mobilia ita spiritualis substantiæ voluntati plenè subiunguntur.

ciuntur, vt moueantur quando & quomodo libuerit Hoc enim diuinæ & omnipotēti voluntati competit, quæ nullis terminis concluditur, cū infinita sit, & sicuti ubique est, ita ubiq; operatur pro suo beneplacito. Spiritu-
alis autem creaturæ essentia finita est, & ita etiā eius potentia motiua limitata est, nec se extendit ad omnia corpora mobilia, sed tantum in diltātia sue virtuti proportionata. Requiritur enim coniunctio; vel vt aliqui dicunt, firmitas mouentis & mobilis, & quædam quasi assentia operantis ad operatum, sicut nauis ad nauem. S. Thom in q de potentia Dei, q 6. art. 3. sic allegante Capreolo, asserit sententiam si dei esse, quod substantiæ separatæ moueāt suo imperio localiter non solum cœlestia, sed etiā alia corpora, Deo ordinante & permittente. Quod si quis obijciat articulum Parisiensem, qui dicit, quod Angelus moueat corpora per intellectum & voluntatem solum; error. Respondet Durandus, quod non est contra articulum. Quia licet Angelus non habeat aliam potentiam motiuam nisi voluntatem, non tamen subijcitur voluntati suæ ad actum mouendi, quicquid ei subijcitur, quoad actum volendi: vnde non potest mouere quasque res, nec qualitercunq; vellet, sed determinato modo, secundum gradum & proportionem naturæ, & sic in spiritali creatura quamuis voluntas non distinguatur realiter à poten-

ta motius, ad plura tamen se extendit volendo quàm mouendo. Quia actio voluntatis limitatur secundum modum essentiae determinatum. Est ergo intentio dicti articuli Parisiensis, quod voluntas angelica non sit efficax ad mouendum, quicquid potest, velle mouere, & qualitercunque vellet mouere, vel in quacunque distantia, sed requiritur proportio debita inter agens & patiens. Quare rectè Guilhelm. Parisiensis loc. citat. ait. Nec intendo per hoc sic omnia plenè subdita, ut quātumlibet magna corpora mouere possint, in quamcunq; partem voluerint, & quātumcunque voluerint: quando potius verisimile est, limitatam esse ac determinatam, vel à natura, vel ab ipso creatore virtutē earum in ista parte. Nōdum enim peruenit ad me, aliquam ex huiusmodi substantijs totam terrę molem, motu, qui terrę motus dicitur, cōcussisse, neq; totum mare: licet particulares huiusmodi cōmotiones eas fecisse manifestum sit, ex narrationibus certissimis quæ de miraculis Christianorum, apud eos inueniuntur. Ex libris etiam historicis & magicis multa huiusmodi colligi possint, & saxa enim ingentia, & montes eos prorupisse, tempestates cōcitasse, nauesq; submersisse, narrationū huiusmodi scriptores scripserunt de huiusmodi substātijs. In corpora verò cœlestia nullā habere potestatem videtur, neq; aliud apud me huiusmodi auditum.

De 14

est, quòd in ea fuerint operatz. Hæc ille. Non tamen mihi probatur, quod dictus Guilhelmus sentit de angelo bono, qui prophetam Abacuc arreptum in vertice capitis, in Babylonem portauit, quando existimat quod præter virtutem motiuam angelicam adfuerit noua virtus superaddita creatoris, cuius iussu hoc factum narratur. Non enim putat, quod capilli capitis tantam vim naturaliter haberent, vt pondus corporis Prophetæ ferre potuerint, neq; etiam ipsi capilli adeo tenaciter adhærebant capiti ipsius, vt tanto tactu & pōdere non auulsi essent ab ipso. Hæ rationes mouent Guilhelmum ad dicendum virtutem superadditam ibi fuisse. Sed nulla propter dicta est necessitas ponendi istam virtutem, cū virtus naturalis angelica à creatore indita, sufficiens fuerit ad portandum Prophetam, & huic doctrinæ concordat textus Scripturæ, cū dicit. Et apprehendit eum angelus Domini in vertice eius, & portauit eum capillo capitis sui, posuitq; eum in Babylonem super lacum in impetu spiritus sui: ergò non in virtute de nouo addita. Ad motiua. Iussio Dæ nullam vim de nouo impressit, aut angelo, aut capillis Abacuc, sed tantum diuinam voluntatem significauit. Etsi angelus apprehenderit capillis, pondus tamē corporis non ita depresse, vt vim capillis, aut dolorem capiti inferret. Quia licet ad oculum apprehensio fue-

rit

rit tantum capillorum, virtus tamen motiua se extendit ad totum corpus. His consentit Dionys. Carthus. in c. 14. Daniel. Angelus, inquit, In assumpto corpore, se ostendens similitudine manus, apprehendit Prophetam in vertice capitis, & solos capillos, vel vnum duntaxat crinem capitis eius tenuit manu, ad insinuandum, quam facile eum ferre potuerit. Virtus autem angelica non tetigit pilos duntaxat, sed totum Abacuc corpus, mouens illud facillime, cum & angelici spiritus coelestia moueant corpora rapidissimo motu: quorum comparisonem tota terra est tanquam punctum. Itaque apprehenso Abacuc per capillum, ille capillus non tulit corporis grauitatem, sed virtus angelica fluxit in illud, & tulit (Impetu spiritus sui) id est, celerissima actione sue spiritualis potentiae.

Ex huius dubij resolutione colligemus, quo Simon Magus efficiebat, vt statim mouerentur, fores vestibus & claustris probe communitae & oclusae ad ipsius dictum aperirentur, vincula ferrea disrumperentur. Auctore Nicephoro lib. 2. historiae Eccles. cap. 27. Hosce enim effectus sine dubio non Simon efficiebat, sed Dæmones ad eius voluntatem ex pacto inuisibiliter operabantur per applicationem voluntatis & virtutis propriae.

Nona Conclusio. *Secundum prædicta, iudicium sumendum de spiritibus, nocte, per modum exercitus & bellantium apparentibus, & exercentibus hastiludia, ut vocant.*

AD huius conclusionis comprobationem facit, quod in sacris literis legitur etiam bonos angelos apparuisse in specie exercitus & pugnantium. 4. Reg. cap. 6. Cùm minister Elisei vidisset exercitum in circuitu ciuitatis, & equos & currus aduersariorum, nunciavit Eliseo dicens, Heu heu Domine mi, qui id faciemus. At ille respondit: Noli timere: plures enim nobiscum sunt, quàm cū illis. Cumq; orasset Eliseus, ait: Domine, Aperi oculos huius, ut videat. Et aperuit Dominus oculos pueri, & vidit, & ecce mons plenus equorum, & curruum igneorum in circuitu Elisei. Iosue 5. Iosue vidit virum stantem contra se euaginatū tenentem gladium, perrexitq; ad eum, & ait: noster es, an aduersariorum? Qui respondit. Nequequam, sed sum princeps exercitus Domini, & nunc venio. Vir tenens euaginatū gladium, erat Angelus Domini. Hoc ergo modo cū boni angeli ad bonum finem quandoque apparuerint, non est negandum malos etiam quandoque Deo permittente sub tali forma posse apparere ad malum finem, quem semper intendunt. Aduertendum tamen, quod quando arte magi-

et instructi faciunt apparere numerum militum, ut quandoque narratum est, aut sunt prestigiz, aut Dæmones sub forma militum eunari ex pacto, quod Magus habet cum superiori Dæmone, cuius imperio alij subsunt. Nec etiam tales equites aut milites tam damabili arte in campum ducti vulnerant, aut vulnerantur. Quia si nocere possent, ut Guilielmus Parisiensis in parte vltima de vniuerso, cap. 22. ait, nulla turris, nulla munitio posset homines tueri ab huiusmodi hostibus, cum nec muro, nec valle quantumcunque fortiter arctari & prohiberi possit, saltem aliqua hora, qua homines dormierint, aliquos jugulassent.

DVBIVM TERTIVM

principale.

Quid remedij esse potest, quando aliquis locus ita molestat, aut vexatur à spiritibus, an aliqua potestate valeant pelli?

PREMISSO eo, quod certissimum est: dæmonem nihil posse sine permissione Dei, in cuius potestate est eum soluere & ligare, præfens dubium per conclusiones plenius resolutionem erit.

Prima Conclusio. *Quæ remedia valent ad expulsionem Daemonis à corporibus obsessis, ea etiam prosunt ad expellendum à loco, Quia est par ratio.*

Secunda Conclusio. *Oratio, ieiunium, Eleemosyna, & alia penitentia opera valent ad expellendas huiusmodi molestationes.*

CONSTAT Matth. 17. & Marc. 9. Hoc genus non eiicitur, nisi per orationem & ieiunium. & cap. Si per fortiaras. 33. q. 1.

Tertia Conclusio. *Sacrificio Corporis Christi, quod Ecclesia Catholica ab initio vsque in præsens tempus, Missam vocauit, huiusmodi vexationes quandoq; pelluntur.*

EST S. Augustini lib. 22. de Ciuit. Dei. ca. 8. Vir tribunitius Hesperius, qui apud nos est, inquit, habet in territorio Fussalensi fundum Cupedi appellatum, vbi cum afflictione animalium & seruorum suorum, domum suam spirituum malignorum vim noxiam perpeti comperisset, rogauit nostros, me absente presbyteros, vt aliquis eorum illò pergeret, cuius orationibus cederent. Perrexerit vnus, obtulit ibi sacrificium Christi, oras quantum potuit, vt cessa-

ut cessaret illa vexatio, Deoq; protinus miserrante, cessauit. Idem conuincit ratio. Non est enim conuentio lucis ad tenebras, secundum Pauli sententiam. At in sacrificio missæ introducit lux vera: pellit ergo principem tenebrarum. Cùm enim fortior ille superueniens vicerit eum, vniuersa arma eius auferet, in quibus confidebat. Ad idem confirmandum facit consuetudo Ecclesiæ, cuius meminit S. Chrysost. hom. 3. de incomprehensibili Dei natura contra Anomæos, quod agitati Dæmonij tempore Missæ adducantur, & hom. 4. ibidem eiusdem consuetudinis meminit. Quare eadem consuetudo adhuc hodie magna cum laude & fructu seruatur apud S. Hubertum in Ardenña, qui locus omnibus Dæmonibus terribilis est, cùm plurimi ibidem expelluntur. Tempore sacri, Energumeni ad Ecclesiam deferuntur, & ibidem relinquuntur, donec sacrificium absoluitur.

Quarta Conclusio. Reliquia sanctæ posita in loco, aliquando etiam pellunt tales vexationes & perturbationes.

AVGVSTINVS loc. citat. Quare subiungit, dicendo. Acceperat autem ab amico suo terram sanctam de Hierosolymis allatam, vbi sepultus est CHRISTVS, die tertio resurrexit, eamque suspenderat in cubiculo suo,

ne quid mali etiam ipse pateretur. At ubi domus eius ab illa infestatione purgata est, quid de terra illa fieret, cogitabat: quā diutius in cubiculo suo reuerentiæ causa habere nolebat. Fortē accidit, ut ego & collegae tunc meus Episcopus Synicenis Ecclesiæ, Maximinus, in proximo essemus, ut veniremus rogauit, & venimus. Cumque nobis omnia retulisset, etiam hoc petiuit, ut infoderetur alicubi, atque ibi orationum locus fieret, ubi etiam possent Christiani ad celebranda, quæ Dei sunt, congregari. Hæc Augustin. & Act. 19. sudaria & semicinctia Pauli posita super languidos, spiritus nequam pellebant. S. Chrysostom. in lib. contra gentiles de vita S. Babylæ martyris & Antiocheni Episcopi post multa, ait. Ea est enim sanctorum potestas, ut illorum superstitum dæmones, ne umbras quidem, aut vestes ferre possint, vita autem sanctorum loculos quidem reformidant. Ad idem propositum adfert alia hom. 66. ad populum Antiochenum. & in serm. in adorationem venerabilium catenarum & gladij S. Apostolorum principis, Petri, & in serm. de virtutibus & vitijs. Hieronym. contra Vigilantium sacrarum reliquiarum hostem. Gregor. Nazianze. orat. in laudem S. Cypriani martyris. Huc referri potest quod historiarum scriptores tradunt, quod cum Iulianus apud Pythium Daphnæam responsa peteret de Parthici belli Victo-

fla, Dæmon responsa dare nequibat. Sacerdotes Dæmonis silentij causam reddunt: Babylæ martyris sepulchrum propè assistere: & ideo responsa non reddi. Sic Iulianus iussit corpus transferri. Huius historiæ meminerunt, Eusebius lib 10 historiæ Ecclesiasticæ cap. 35. Tripartita lib. 6. cap. 31. Theodor. lib. 3. cap. 11.

Simeon Metaphrastes apud Surium tom. 2. in vita S. Theodori Archimandritæ meminit hunc sanctum ad instantiam Theodori ducis regij, cuius ædes maximè ab immundis spiritibus vexabantur, ita ut cùm domestici pranderent, aut cœnarent, lapides super mensam iacerentur, tantaq; molestia Dæmonum sub murium & serpentium forma domus afficiebatur, ut præformidine in eam ingredi nō auderet, in hunc modum ab illa perturbatione & diabolica vexatione liberasse. Domum seruus Dei ingressus, totam noctem psallendo & Deum obsecrando traduxit: & aqua, cui benedixerat, totam domum aspergens, eam à Dæmonum tentatione liberauit.

Quinta Conclusio. *Exorcismis siue exorcizatione Dæmones etiam effugantur, & expelluntur.*

EXorcizare autem nihil aliud est, secundum August. lib. 1. de vita beata, quam per diuinam

uinam virtutem immundum spiritum adiuvando expellere. Probatur Conclusio Luc. 10. discipuli septuaginta duo à prædicatione reuerſi, cum gaudio Saluatori dixerunt: Domine, etiam Dæmonia ſubijciuntur nobis, & hoc etiam Chriſtus Marc. ult. promiſit futurum. In nomine meo Dæmonia eiicient. Luc. 11. Si ego in digito Dei eiicio Dæmonia: filij veſtri, in quo eiiciunt? & Actor. 19. Idem determinatur in cap. Si per ſortiarias. 33. q. 1. Auguſt. lib. 10. de Ciuit. cap. 22. ſtatim à principio. Vera pietate homines Dei, æream poteſtatem inimicam contrariamq; pietati exorcizando eiiciunt, non placando, omnes tentationes aduerſitateſq; eius vincunt, non orando ipſam, ſed ſuum Deum aduerſus ipſam. Non enim aliquem vincit, aut ſubiugat, niſi ſocietate peccati. In eius ergo nomine vincitur, qui hominem aſſumpſit, egitq; ſine peccato, vt in ipſo ſacerdote & ſacrificio fieret remiſſio peccatorum, id eſt, per mediatorem Dei & hominum, hominem Chriſtum Ieſum. Atq; hoc eſt quod in Euangelio dictum, in nomine meo Dæmonia eiicient. Sic legitur Ioannem Euangelistā Dæmonem è Diane templo, qui iam ducentis & quadraginta nouem annis ibi habitauerat, propulſaſſe. his verbis. Interdico tibi in nomine Ieſu Chriſti Nazareni, ne vltrā hīc habitēs & conſeſtim reliquit locum. Laſtantiuſ lib. 2. de erroris origine, cap. 16. exorcismi & adiura-

tionis in nomine Dei vim in expellendis demonibus fatetur. De exorcismo autem, qui Baptismo præmittitur, scribunt sancti Patres, August. lib. 2. de nupt. & concupisc. cap. 18. & 19. & lib. 4. de Symbolo ad catechumenos, c. 1. Chrysost. in hom. de Adam & Eva, Dionys. c. 2. Ecclesiastica hierarchia. Raban. lib. 2. de institut. clericor. cap. 27. Isidor. lib. 2. de officiis Ecclesiast. cap. 20. S. Thomas 3. part. q. 71. art. 2. & 3. & alij alibi.

Sexta Conclusio. Verba exorcismorum non habent ita infallibilem vim & efficaciam ad cogendum & arcendum Demones, ut semper suum effectum consequantur.

RATIO esse potest: Quia verba & signa ex sua natura non habent talem efficaciam, sed virtute diuina. Deus autem lege ordinaria non alligauit potestatem suam ita sacramentalibus, ut infallibiliter operentur, sed operatur ad gloriam suam, & vtilitatem credentium. Matth. 17. & Marc. 9. Accesserunt discipuli ad Iesum secretò, & dixerunt: quare nos non potuimus eijcere illum? Dixit illis Iesus: Propter incredulitatem vestram, &c. & Act. 19. Quidam de Iudæis exorcistis inuocabant super eos, qui habebant malos spiritus, nomen Domini Iesu, dicentes. Adiuro vos per Iesum, quæ
Pau-

Paulus prædicauit. Respondens autem spiritus nequam, dixit eis. Iesum noui, & Paulum scio. Vos autem qui estis? Et insiliens in eos homo, in quo erat Dæmonium. Super hac conclusione videndus Victoria in relectione de arte magica.

Septima Conclusio. *Quod exorcismi non consequantur suam vim, quandoque prouenit ex mala dispositione & defectu fidei in exorcizante, quandoq; ex praua affectu igne Dæmonium sustinentis.*

HANC conclusionem docent Petrus Cluniacensis lib. 1. de miraculis cap. 6. & cap. 14. & 16. Doctores Mallei maleficarum. 2. part. q. 2. cap. 6. Iosephus Angles in q. de arte magica diffic. 5. dub. 5. & alij alibi. Prima pars constat ex locis Scripturæ in sexta conclusione citatis. Secunda probatur. Matth. 19. increpauit Saluator incredulitatem offerentium lunaticum: Et redditur ratio Conclusionis à Petro Cluniacensi. Tabæ latente interius, vnguentæ exhibita extrinsecus nihil proficere possunt. Tabes hîc dicitur peccatum mortale. Quod quàm diu in latebris conscientiæ latuerit, nullius exterioris sacramenti perceptio effectum consequitur.

Octaua

Octaua Conclusio. Interdum permittit Deus Dæmonem operari.

AD exercitium bonorum, vt in fide confirmantur, & in virtute patientiæ confortentur, ne grauius iudicium sustinere cogantur. Augustinus Tractat. 7. in Ioann. Hinc non voluntas eius, cuius potestas in bonos datur, sed eius voluntas, à quo hæc potestas conferatur, charissima esse debet. Occulta sunt etiam quandoq; iudicia in his operibus.

Nona Conclusio. Ab angelis bonis etiam quandoq; coguntur Dæmones.

VICTORIA in Relectione de arte Magica num. 22. Quia angeli boni virtute diuina prævalent, & Angeli ex superioribus etiam potestate naturali vincunt multos Dæmones inferiores. Quare vt S. Thomas tradit in qq. de potentia Dei q. 6. ad ordinem potestatum spectat, Dæmones cogere. Et hoc pacto angelus tutelares & custodes non raro arcent dæmones à suis clientibus: & præsides prouinciarum frequenter impediunt, ne nocumenta inferant certis locis in agris & fructibus, & alijs bonis.

Decima Conclusio. Magi virtute diabolica possunt aliquando Dæmones cogere, & à suis sedibus expellere.

Con-

CONSTAT Conclusio, Dæmones Deo
 permittente possunt, vt apertum est ex il-
 la calumnia Iudæorum. Luc. 11. In Beelzebub
 principe Dæmoniorum eijcit Dæmonia. Hec
 autem coactio Magorum, non ascribenda est
 virtutis alicui naturali, aut verbis Magi : quia
 verba huiusmodi, & signa cum sint de genere
 rerum inferiorum, non habent vllam potesta-
 tem in Dæmonem, cui nulla potestas in terris
 potest comparari. Magi autem sic cogunt,
 quando habent fœdus & pactum cum supe-
 riori Dæmone, qui fortitudine & naturali
 virtute vincit inferiorem. Ad imperium for-
 tioris inferior morem gerit, & locum relin-
 quit. Quod autem superior & fortior spiritus
 inferiorem cogere possit, & expellere per im-
 perium, docent Cassianus in collatione 8.
 cap. 14. S. Augustin. lib. 83. quæstion. q. 79.
 S. Thom. in 3. part. q. 43. art. 2. ad 3. Albertus
 Magnus, & Dionys. Carthus. in Luc. 11. Ioan. à
 Turrecrem. in qq. Euangel. q. 1. Domin. 3. in
 Quadragesima. Francis. Victoria in relect. de
 arte mag. Iosephus Angles in Florib. in 2. sent.
 1. part. d. 11. in q. de eadem materia. Benedictus
 Pererius li. 1. de magia, cap. 5. & alij alibi. Huic
 autem verissimæ doctrinæ obstare videtur
 argumentum Saluatoris nostri Matth. 12. &
 Luc. 11. Si Satanas Satanam eijcit, aduersus se
 diuise est: quomodo ergo stabit regnū eius?
 Respondetur, Christum loqui de perfecta
 eiectione.

eiectione Dæmonis ab homine, hoc est, tam ex corpore, quàm ex anima: vel de expulsiōe nata ex odio Dæmonis, & studio euertendi imperium quod habet in homines. Atq; secundum modum huius Conclusionis videtur magus Dæmonem expulisse, de quo Lucianus in Dialogo Philopseûdenarrat, Corinthi domum quandam habuisse Eubatidem, in qua nemo auderet habitare ex ea causa, quod habitatores spectris quibusdā tetrīti à Dæmone quodā ita molestarētur, vt eam præ nimio terrore & periculo ingredi non fuerint ausi, donec Arignotus quidam Platonicus Magicis & Aegyptijs quibusdā carminibus Dæmonē illum in locum quendam detruserit, à quo primū exierat. Arignotum varijs imaginibus territare conatus, quandoq; vt canis, nunc vt leo, vel taurus ipsum inuadens, quo quidē loco die sequenti desosso, corpus hominis mortui repertum est, eo quē alibi sepulto, domus illa libera deinde ab huiusmodi elusionibus permansit. Hic dubium resolui potest.

An Dæmones à corporibus obsessis, vel à vexatione possint propelli virtute melodia, herbae alicuius, aut lapidum?

TRACTANT Nicolaus Lyranus in cap. 16. primi Regum. Paulus Burgen. ibidem in additionibus, Ioan. à Turrecr. d. 1. can. Voluit
I sent,

sent. 6. Denique vt perspicuè. Guilhelm. Paris. in 2. part. par. 2. principal. de vniuerso, cap. 20. Ioseph. Angles in q. de arte magica, diff. 8. & alij alibi. Pro resolutione sit.

Vndecima Conclusio. *Dæmon non potest à corporibus obsessis expelli, aut à vexatione excludi melodia, herba aliqua, aut lapidis, alteriusue rei sensibilis virtute.*

RATIO est, Dæmon est substantia separata à materia & corpore, eiusque potestas altior & fortior est omni corpore. Minor autem potestas non habet vim agendi in superiorem. Quare nullares sensibilis & corporalis virtute sibi à natura indita, potest cogere Dæmones. Hanc Conclusionem tenent Lyrannus, Turrecrem. Iosephus Angles loc. cit. Pelbartus in aureo Rosario Theologiæ, in verb. Dæmones 4. 6. 83. Albert. super Luc. 9. Quod verò Richardus de media villa in q. 3 q. 8. existimat tam paruam posse contingere Dæmonis afflictionem, tantamq; esse lapidis aut herbe virtutem, vt non solum mitigare, sed prorsus etiam tollere possit Dæmonis afflictionem: Id verum puto, si intelligatur de vexatione exterius impugnantis, & non obsidentis. Si enim mania, aut melancholia, vt contingere potest, impugnatis, aut vexantis malitiâ promoueat, si naturalibus medijs talis indispositio tollatur,

latur, non est absurdum, quod etiam omnino possit cessare vexatio.

Duodecima Conclusio. *Melodia, herba, lapis, aut aliqua res sensibiles possumus Demonis vexationes indirecte mitigare, & leuiiores reddere, ita ut vexationes minus sentiant.*

HAEC Conclusio est communis Doctorum citatorum. Hoc autem non est difficile. Dæmon tanquam peritissimus medicus corporum complexiones perspicit, & eis perspetis, conuenientes vexationes obijcit. Reperit aliquem mania, aut abundanti melancholia laborare, eum inuadit: cum homines talis complexionis apti sint ad vexationem. Si ergo naturalia remedia adhibeantur, quæ complexionem superantem ritè disponant, & ad æqualitatem reducant, mitigabitur vexatio, non quidem ex parte Dæmonis vexantis, cum non sit modus naturalis agendi in eum, sed ex parte dispositionis subiecti. Si cogitationes dissipentur, & abstrahantur aliqua dulci melodia, non sentitur in tanto gradu afflictio, ac quando sensatio sibi præsens est, sic etiam, si purgationibus & medicinis sanguis purgetur, aut cerebrum confortetur, non est debium, quin fiat aliquis alleuiatio. Dæmon enim cum non informet corpus, quod obcedet, non est totus in toto, quemadmodum anima rationalis.

thara canebat. Sic etiam Tob. 6. de iecore piscis posito super carbones legitur. Non enim fumus iecoris expulit Dæmonem, sed meritū orationis Tobiz, quod per fumum significabatur, & Angeli Raphaelis virtus. Ex vltima conclusione à contrario infertur, Dæmonem posse etiam aliquando in homine virtute lapidum, aut herbarum, Deo permittente, tentationes accendere & efficere. Quia cum dispositionem tentati cognoscat potest per contactum lapidum aut herbarum, in quibus magna virtus est, quam perspicacissimè nouit, tentationi fomenta præstare, sicut enim de Smaragdo & Topazio dicitur, quod libidinis ardorem mitigent. Ita fortasse à contrario erit etiam lapis, qui æstum libidinis augeat. Sic tradunt Alphons Castren. lib. 14. contra hæreses, in verbo Tentatio. & Ioseph. Angles in q. vnica de Dæmonibus. 1. part. in 2. sentent. artic. 6. dub. 2.

DVBIUM IIII.

Quid sentiendum de apparitionibus, & mirabilibus operationibus aliquando contingentibus circa corpora mortuorum?

SUNT autem huiusmodi apparitiones, exēpli gratia: Conseruatio corporum ab incineratione post mortem, augmentum vnguū, & harbz, & capillorum in mortuis, Emanatio sanguis

Sanguinis de corpore occisi ad occisoris presentiam. Exhumatio corporum, &c.

Huiusmodi enim mirabilia referenda sunt in Deum, aut spiritum, aut hominem, aut ipsam naturam rebus inditam.

Prima Conclusio. *Factiones mirabilium huiusmodi arte magica, aut malitia malorum hominum aliquando possunt procurari.* August. lib. 21. de Ciuit. cap. 6.

Secunda Conclusio. *Mira quadam circa mortuorum corpora ad naturales causas referri possunt, ut ad virtutem loci, unguenti: aut alterius rei corporalis adhibita, ut corpus cōseruetur à putrefactione*

SICUT è contrario omnibus constat, qui Romæ sunt & fuerunt, quod corpora sepulta in cœmiterio Campi Sancti, breuissimo tempore, id est, ut dicunt, in 24. horis consumantur, quamuis non in profunda terra sepeliantur, ut in alijs cœmiterijs contingit, sed tantum leuiter solo tegantur, ut etiam articuli pedum parum eminere aliquando conspiciantur, quod ipsemet vidi.

Tertia Conclusio. *Vnguium & pilorum in mortuo corpore accretio potest etiam reduci in naturalem causam, scilicet morientis complexionem, in cuius materiam*
post

post mortem aliqua forma imperfecta vegetatiua inducitur.

SIC Iosephus Angles in d.q.vnica de arte magica in 2. senten. part. 1. art. 2. diffic. 8. qui dubium præsens mouet.

Quarta Conclusio. Conseruatio corporis aliquando in diuinam potentiam referenda, & pro miraculo habenda.

QVIA DEVS in testimonium singularis sanctitatis & innocentie corpora aliqua quæ excellentissima templa Spiritus Sancti extiterunt, & mundissima à carnis & peccati corruptione remanserunt, incorrupta conseruat, iuxta illud Psalmi. Non dabis Sanctum tuum videre corruptionem.

*Quinta Conclusio. Corpora malorum aliquando Daemonum astutia procu-
rante incorrupta manent, ut hoc merito
vita eorum tribuatur, atq; ita mala, quæ
fecerunt, pro bonis approbentur, ut vulgus
facile credens ad eorum inuocationem in-
ducatur. Ioseph. loc. cit.*

*Sexta Conclusio. Circa corpora &
sepulchra mortuorum à Necromanticis plu-
rima fieri non est negandum.*

QVIA omnium iudicio eorum facultas circa hæc verlatur.

Septima Conclusio. *Exhumationes plurimorum corporum, præsertim infantum sunt à maleficis & sagis.*

CONSTAT Conclusio. Hoc enim Iudices Italiae, Galliae & Germaniae omni tempore obseruârunt, & confessiones sunt liquidæ, & oculari inspectione verum esse compertum est, vt alibi latius tractabitur. Exhumant enim corpora, & eis ad nefanda scelera abutuntur. Sic Iacobus Cuiacius Iurisconsultus ait, Rubricam de sepulchro violat. Statim in C. subiungi post titul. de maleficis & math. eo quod malefici sæpè sepulchra violent, & abutantur corporibus mortuorum.

Octaua Conclusio. *Emanatio sanguinis occisi ad præsentiam occisoris videtur soli diuino miraculo in horrorem & detestationem tanti criminis tribuenda.*

GENES. 4. de sanguine Abelis dicit Dominus ad Cain: Vox sanguinis fratris tui clamat ad me. Iurisperiti ita verum hoc statuunt quod cadauer occisi emittat sanguinem coram occisore, vt ponant indicium sufficiens ad torturam. Boerius in decisione 166. Paris de puteo in tract. Syndicatus, in verbo Tortura, cap. An stetur dicto torti. Allegat ad hoc illud Apocal. Posthæc vidi animas intersectorum, clamantes ad Deum, & dicentes: Vsq̃ue quò

quod Domine non das iudicium, & vindicas sanguinem nostrum de interfectoribus nostris. Menochius li.2. de arbitrar. iudic. qq. cas. 270. & Boërius plures auctoritates & experientias adducunt. Marsilius in practica criminal. §: diligenter. num. 181. videtur causam referre in diuinationes & incantationes, cum ait. Ex istis diuinationibus & incantamentis sapè animus hominis inclinatur & inducitur ad credendum aliquid esse, vel non esse: & sic ait. Memini me alias tempore iuuentutis meæ vidisse rem mirabilem & stupendam; dum eram gubernator ciuitatis Albinganæ in partibus Ianuensium ultra Sauonam per 30. miliaria. Nam fuerat mortuus quidam homo nocturno tempore, & nesciebatur à quo: Attamen multi erant suspecti de morte sua, & quidam homo senex dixit mihi: Domine gubernator, si vultis scire veritatē huius homicidij, faciatiscorā vobis portare cadauer illius mortui, postea faciatis vocare illos, q̄ suspecti sunt de illo homicidio, & veniat vnus post alium, vbi est cadauer illud, tunc cum superuenit verus homicida, vulnera ipsius fluent sanguinem de nouo: Quo audito feci coram me portare illud cadauer, & feci vocare illos suspectos de vno in vnum, & cum superuenit verus homicida, vulnera illius cadaueris inceperūt effluere, & emittere sanguinem, de quo summè fui admiratus: Attamen nihil dixi, non præstans

fidem tali rei, quæ nullibi probatur: Attamen ex post per plures dies reperta sunt indicia sufficientia ad torturam contra illum verum reum, quem capi feci: qui habita copia indiciorum, absq; tortura confessus fuit se occidisse illum hominem, &c. Dicit autem Boerius de Hippolito Marsilio, quod hoc indicium in exemplo relato nullibi dicit probari, ed fortè quod Doctores non vidit. Multi autem Doct. sunt pro hoc indicio, quos refert Boerius. Causa autem non videtur nisi referri posse in diuinam dispositionem, iuxta Conclusionem politam, quam approbat Iosephus loc. citat.

*An maleficus
illata damna
restituere te-
neatur.*

13. Præludium. *Cùm in hoc peccato concurrant homicidia, cades animalium, & damna in temporalibus, aliæq; iniustitiæ species, nascitur obligatio restitutionis, quæ Reus facere tenetur, si potest, & eius rei confessorius eum admonere debet.*

HOC Præludium resoluitur ex eis, quæ Doctor Nauarrus in Manuali Confessoriorum cap. 15. num. 25. interrogatus à quodam Patre Illustrissimi ordinis Societatis Iesv, respondet: An homicida, latro, aut alius reus, quem Iudex puniuit, teneatur ad solvendum damnum, quod parti intulit: & rectè respondet, quod teneatur. Quia lex naturalis & diuina obligat ad restituendum dam-

num

num parti, antequam à iudice puniantur. Et illa punitio, quæ in vindictam publicam irrogatur, est compensatio iniuriæ reipublicæ illatæ, cap. Vt famæ; de sentent. excommun. L. Ita vulperatus ff. ad legem Aquil. quæ non liberat à debito, quo parti tenetur. Quia qui duobus res diuersas debet, non liberatur soluendo vni, quod ei debet, à debito alterius. Ex quo sequitur, qd' hæredes eius, qui decollatus est, aut incineratus per sententiam, si bona defuncti ad eos peruenerunt, obligentur ad refarciendum damnum parti illatum, sicut ad alia debita. Imò & Fiscus, si bona confiscata fuerint, tenetur prius satisfacere de damno dato. L. Non possunt. Et L. In summa, de Iure Fisci. Confirmo latius dictam doctrinam, c. in literis, secundum communem DD. sententiam, & textum clarum, de Raptoribus & incendiarijs, statuitur, vt incendiario mortuo, cōpellantur eius hæredes satisfacere damnis datis per incendium, aut alio modo, contra iustitiam. Ad idem propositum est cap. fin. de sepult. His accedit communis opinio Canonistarum tenentium, hæredes ex delicto defuncti teneri ad damni illati compensationem. Communem attestantur Panormitan. in d. cap. In literis, & cap. fin. de sepult. Aretin. in Rub. ff. de acquiren. hæredit. Anthon Burgensis in cap. 1. de Emptione & vendit. Didacus lib. 3. variar. Resolut. cap. 3. Julius Clarus lib. 3.

lib. 5. sent. 6. fin. q. 51. num. 16. Syluest. in verbo Hæreditas 3. & alij alibi. Sicut enim hæres tenetur in conscientia satisfacere debitis defuncti, sicut etiam damnis ab eo datis, iuxta Glossam receptam in Regula. Peccatum, de Regula. Iuris in 6. & res ita manifesta est ex d. Regula. Peccatum, ut nulla indigeat probatione, ut rectè Couarr. ait. Et iure manifestissimum est, eodem attestante, quod damni illati proximo à defuncto restitutio, inter verè debita computanda sit. Nemo autem quacumq; occasione si sit soluendo, liberatur à debito restitutionis. Et hoc aduertendum, quod aliud est restitutionis obligatio, siue debitum: aliud est pœna. Pœnæ enim regulariter tantum tenent suos auctores, nec grauant hæredes, nisi in aliquibus delictis. At debitum transit, sicut onus cum honore. Simile est aduertere in sacramento pœnitentiæ: Non per hoc, quod quis adimplet satisfactionem siue pœnam à Confessario impositam, absoluitur à restitutione debitorum, & compensatione damnorum datorum. Communiortamen est opinio DD. quos citat Couarr. loc. d. num. 8. quod hæres in his etiam non confecto inuentario, non teneatur ad plus, quàm ad ipsum peruenit, ut possit contingere in criminibus, in quibus locum habet confiscatio. Tunc enim Fiscus, ut traditum est, obligatur, aut Dominus succedens in acquisitione bonorum. Quia bona restitutioni obno-

obnoxia, non fiunt eius, qui succedit, sed ante
ea spectant ad creditores & damnum passos.
Atque hæredes possunt compelli à Iudice Ec-
clesiastico, ad huiusmodi damnorum restitu-
tionem, & coram eodem conueniri, vt pro-
bant canones in d. cap. in literis, & c. fin. de se-
pult. Panorm. ibid. & in c. A nobis 2. cum Ho-
stien. Anthon. de Butrio, & Ioan ab Anania, &
communis in d. c. In literis. Anthon. Burgenf.
c. 1. de empt. & vendit. nu. 14. & alij alibi. Qua
de causa consului superiori tempore mona-
sterium quoddam posse conuenire coram Iu-
dice Ecclesiastico, hæredes cuiusdam malefici,
qui satis notabilem substantiam reliquerat, eò
quod sanguine sibi iunctam monialem, vene-
ficijs ita infecerat, & debilitârat, quod inutilis
esset monasterio, & damna in idem satis gra-
uia redundarent, eò quod semper fere necessa-
rium esset alere personam pro necessitate mo-
nialis beneficio infectæ: atq; dictus maleficus
confessus fuit, se damnum consanguineæ in-
tulisse ex quodam odio. Tales enim hæredes
in conscientia tenentur ad recompensationem
damni illati, vt dignè satisfaciant pro salute a-
nimæ defuncti, ex d. c. In literis. & communi
sententia ibidem. His adiungo, contra quo-
rundam praxim, qui magis quandoque suæ
bursæ, quàm saluti animæ defuncti fauent,
iniusta lucra & damna restituenda, antequam
legata expediâtur, vt tradunt Syluest. in verb.
Hære-

Hæreditas 3. q. 11. Vdalricus, Hostiensis, Glossa, Raimundus, ab eo citati, & alij alibi. Et si hæredes prius satisfacere velint legatarijs, protrahendo damnum & iniuriam passos, non absoluentur, in foro conscientia, vt idem Syluester rectè dicit. Si autem esset ignorantia, excusarentur. Similis est ratio, si legatarij prius venirent, & hæreditas sufficeret ad satisfactionem omnium, & non esset dolus, quod vellēt sine causa protrahere cum iniuria aliorum. Præterea dico in maleficorum crimine, hæredes non solum de iure canonico, & in conscientia teneri, sed etiam quandoque de iure civili, ad restitutionem damnorum Reipub. illatorum, quando videlicet ex damno illato resultat commodū eis, vt est textus clarissimus, & DD. consentiunt. C. Ex delicto defunctor. l. 1. Vbi sic definitur. Post litis contestationem, actiones ex delicto defuncti transeunt ad hæredes, & tenentur in solidum. Alioquin in quantum ad eos peruenit, conueniri iuris absolutissimi est, ne alieno scelere ditentur. Hac ratione dico etiam de iure Civili quosdā Dardanarios, qui aliquando sectæ maleficorū adhærent, vt hoc in sceleratissimo tempore experimur, obligatos esse ad restitutionem magnæ partis suæ substantiæ relictæ, quam hæredes eis succedentes acquirunt, & sic obligantur etiam ad restitutionem non solum iure canonico, sed etiam civili, iuxta L. d. Sunt autem
tales

ales hi, qui congregationi maleficorum ad-
sunt in cursu & conuentu, & proponunt
tractatum & cōsiliū de perditione frumen-
torum, & nascentium terræ: vt, pro dolor,
non rarò fieri plurimis confessionibus disci-
mus, aliosque inducunt ad consentiendum,
quamuis Deo disponente, rixas miscendo
aliquando re non confecta discedant. Dar-
danariorum autem intētio in tali consilio est,
quando agitur de destructione frumento-
rum, vt quoniam ex eorum improba nego-
ciatione, horrea sibi frumento abundant, &
cellaria vino plena sunt, fiat penuria in Re-
pub quæ cū annorum sterilitate, & nascenti-
um destructione inducta est: Ipsi sua hor-
rea & cellaria aperiunt, vendunt maximo,
quo possunt, & quali volunt pretio, & paucis
annis, præter iustum rerum cursum suas for-
tunas augent, & citius quàm humana & mo-
ralis prudentia dictet, magnas diuitias acqui-
runt. Voco autem Dardanarios hoc loco cum
Vlpiano & DD. in l. Annonam. ff. de extraor-
din. criminib. qui annonam mercesq; coemp-
tas & collectas tantisper supprimunt, dum ca-
rius eas vendendi occasio se offerat, tunc ven-
dunt pretio quàm maximo possunt. Ab his nō
longè absunt ex eadem l. Locupletiores, qui
suos fructus quis pretijs vendere nolunt, mi-
nus vberes prouentus expectant, ab vtrisque
annona oneratur, & eorum exercitium aua-
ritia

ritia efficit ex d. lege. Dardanarij autem dicti
sunt à Dardano Mago contaminatissimo &
pessimo, à quo etiam magicæ artes vocantur
Dardaniæ à Columella. At si nulla valet me-
dicina repellere pestem, Dardaniæ veniant
artes: Huius magi, & eius scriptorum meminit
Plinius lib. 30. histor. natural. cap. 1. Dardana-
rios autem eos videntur vocare leges, qui ita
supprimunt annonam coemptam, quia arte
magica Dæmoni coniuncti per pacta, ab eo-
dem, qui ob subtilitatem suæ naturæ melius,
quàm ullus Astronimus, potest cognoscere
constitutionem caussarum naturalium, & re-
rum copiam vel inopiam, quasi cognitionem
sterilitatis hauriant, ut sic in tempore congre-
gent & coemant, ut deinde carius vendant &
pauperum inopia ditentur. Damnanthorum
mercimoniam & negociationem leges in d. l.
Annonam. & ff. de pœnis. in l. In Dardanarios,
& alias l. ad huc finem allegat Bonifacius Vi-
tallinus in tract. maleficorum, in Rubrica. Ad
l. Iuliam de Annona. Sunt autem Dardanarij
puniendi pœna arbitraria, pro rei qualitate,
exercitij frequentia, & damni quantitate, ut
tradit Menochius de arbitrar. Iudic. qq. casu
384. Quod autem Dæmon tanquam perspicu-
cissimus Astronomus, possit prævidere rerum
fertilitatem: aut terræ sterilitatem, & suos cli-
entulos admonere, confirmat illud lepidum
de Talete Milesio Philosopho, relatum à Dio-
gene

gene Laertio in eius vita, & ab Aristotele lib. r.
 Polyt. ca. 7. Cùm enim dicto philosopho obij-
 ceretur philosophiæ studium, quasi inutile &
 infructuosum, prospexisse illum ferunt per
 Astrologiam, oliuari sterilitatem futuram.
 Cumque coegisset parum pecuniæ, hyeme
 adhuc vigente, oleum in Mileto & Chio emit
 pro paruo admodum pretio, utpote nemine
 plus offerente, & arras dedit. Anno sequenti,
 multis subito quærentibus oleum, ipse vendi-
 dit, quanti voluit, cùm alij non haberent, ac
 magnam vim pecuniarum lucratus est, quam
 amicis ostendit, significans perfacile esse Phi-
 losophis ditari, si vellent, sed hoc non esse illis
 curæ. Sünt enim aliqui Dardanarij ita auaritia
 exæcati, ut sordidilucri odorem more scara-
 bæorum in rebus vilissimis & sordidissimis
 sectentur, & quærant. Nunc, ut ad propositum
 reuertar, quando Dardanarij sectam malefi-
 corum sequuntur, & sunt principales in con-
 uentibus, quando tractatur de fructuum per-
 ditione, ut ipsi lucrum consequantur, & Res-
 publica damnum patiat, si eorum confes-
 sione, & experientia constat effectum subsequen-
 tum: secundum legem naturalem, diuinam,
 & canonicam tenetur ad restitutionem dam-
 norum, quæ obligatio etiam transit ad hære-
 des, si aliquid ad eos peruenit. Quod etiam lo-
 cum habet in hoc casu de iure ciuili ex d. l. i. C.
ex delicto defunctorum: ob rationem legis.

Ne alieno scelere ditentur. Et magis corrobora-
 ratur: turpia lucra ab hæredibus sunt extor-
 quenda. ff. de calum. l. In hæredem. ff. de dolo.
 l. In hæredem & ff. Quod metus causa. l. vide-
 mus. At quis dubitat huiusmodi bona esse
 turpia lucra, quæ cum alieno damno, & pro-
 prio scelere acquiruntur? Cùm autem huius-
 modi damna redundant in singula membra
 Reipublicæ proportionaliter, & sit difficilis
 modus restitutionis, restitutio esset facienda,
 si prudentia diceret in singulari fieri nõ pos-
 se singulis damnum passis, ad aliquod opus
 publicum, aut pium, ita vt resultaret commo-
 dum etiam ad membra singularia Reipublicæ.
 Malè ergò faceret Dominus, aut Iudex, si in
 suum proprium vsum reseruaret, quod ex cõ-
 muni damno prouenit, & singulis membris
 esset distribuendum, pro compensatione &
 proportionem damnorum. His omnibus addo
 id, quod Nauarrus loc. cit. tradit: Quod si pars
 læsa vellet, vt delinquens per pœnã corporale
 non solum Reipub. sed etiam sibi satisfaceret,
 cessaret obligatio restitutionis, arg. l. i. ff. Qui
 satis dare coguntur. & l. Si rem. §. Omnis. ff. de
 pignor. act.

De foro com. 14. Prælud. *Crimina maleficij, sortile-*
petenti maleficiorum, Magiæ & similia sunt cõmunis fori.
 De foro com. 14. Prælud. *Crimina maleficij, sortile-*
petenti maleficiorum, Magiæ & similia sunt cõmunis fori.
 V T tradunt Panorm. in c. i. de sortilegijs &
 liij Doct. Alphons. Castren. lib. i. de iust. hæret.

hæret. punitione. ca. 16. prope finem. Iul. Clar.
li. 5. §. hæresis. verſ. Successiue quæro. Qua par-
te enim maleficia spectant ad hæresim, vel fa-
piunt hæresim, cognitio ad Ecclesiasticum
iudicem spectare potest, vt patet ex lib. 6. de
hæret. c. In fidei fauorem, & cap. Accusatus. §.
fanè. & ex praxi Ecclesiæ, & Bulla Innocentij
VIII. præfixa Malleo maleficorum. Quatenus
verò admiscetur homicidia, cædes anima-
lium, tractatus contra bonum Reipublicæ,
damnaq; contra iustitiam & communem pa-
cem, immittere se possunt ad inquirendum &
puniendum iudices sæculares. Et ita nunc
consuetudo ferè ubiq; obtinuit. In aliquibus
tamen locis inquiruntur ab Ecclesiasticis, &
post cognitionem traduntur brachio seculari
sicut in crimine hereseos fieri consuevit. Quā-
do autem sortilegia, diuinationes, maleficiaq;
sapiant hæresim manifestam, vel spectent ad
hæresim, legendi sunt Panormitanus loco ci-
tato, numero 4. Petrus Ancharan. in eod. Tit.
cap. Ex tuarum. nu. 6. Paulus Grillan. lib. 2. de
Sortilegijs latissimè q. 10. num. 7. 10. & 18. Fran-
cisc. Squillacens. in tractatu de fide Catholica,
à cap. 8. qui habetur in 3. vol. Oceani iuris, fol.
III. Odradus de ponte, consil. 210. num. 2. in-
cipiente, Regularis habet traditio. Philippus
Francus in l. 6. cap. Accusatus. §. fanè. de hæret.
Geminian. & alij ibidem. Ex horum Docto-
rum opinione & sententia certum est, quod

manifestam sapiant h̄eresin, abrenūciare Deo, sacrificia offerre diabolo, eundem adorare, obedientiam eidem præstare, expressa pacta cū eo inire, &c. Peius enim est, vt docet Grilland. loc. cit. nu. 18. adorare diabolum, quàm esse h̄eticum. Sic etiam committitur h̄eresis in abusu sacramenti Eucharistiæ, iuxta Gloss. in d. 6. sanè. Quare euidentissimum est, communiter ea, quæ nostri malefici operantur, manifestam sapere h̄eresim, & compræhendi sub d. c. Accusatus, 6. sanè. Dicit aliquis, cū hoc crimen ad h̄eresin referatur, vt constat ex dictis, & etiam pro p̄na eius, vt patet ex l. 3. C. de malefic. & mathem. Confiscatio bonorum sit statuta: quomodo bona non confiscantur? Respondet Iulius Clarus & tradit loco, citato: hanc p̄nam de consuetudine non seruari, & sic in iudicio praxim esse. Possumus nōs dicere sic in hoc crimine, sicut in alijs multis, abrogatam esse iustissimè Constitutionibus Imperialibus Caroli V. cōfiscationem bonorum, vt est videre in artic. penult. Sed sicut in omnes constitutiones etiam iustissimè, ad obuiādum fraudibus & iniustitiæ, inuectas, humana avaritia dolos inducit: sic etiam in executionem caussarum criminalium. Quidam enim iudices cū ex confiscatione bonorum nihil habere possint, sub alijs coloribus vel expensarum vel vacantiarum aut laborum in rei veritate, quod abominandum est, & contra iustitiam

tiam & æquitatem, ita confiscant Reorum bona, vt pupilli & viduæ non rarò ad summam necessitatem redigantur. Quare cum honore, rebus temporalibus, omnique consolatione priuentur, noua præbetur diabolo ad tentandum occasio. Quibus autem tales ludices cõparentur, qui pro executionibus sic sub cæcò titulo pauperes emungunt, quamq; iustè faciant, videat, qui voluerit, in Constitutionibus Criminalibus Caroli Quinti, in articulo 205.

Vlt. Præludium. *De causis dispositi-*
ois ad crimen maleficorum.

*Generalis
 causa dispositi-
 uis in De-
 monibus, &
 diu Dei &
 hominum*

PRIVS QVAM hæ causæ in specie attingantur, præsupponendum, Dæmones esse infensissimos humani generis hostes, & quicquid moliantur quocunq; colore vel arte, dirigere in perniciem hominum. Huius autem odij principales duæ sunt causæ. Vna, odium Dei, cuius acerrimi sūt inimici, vtpotè à summa fœlicitate, peccatis exigentibus, detructi in perpetuam miseriam. Cùm verò diuinæ Maiestati nihil nocumenti inferre possint, hominē ad similitudinem Dei creatum crudeli odio insectantur; non secus, vt Basilus ait, ac panthere, quæ cùm inamāni odio in homines à natura incensæ sint, in hominum simulachra furibundè irruunt, nec aliter eorum effigiem,

quàm homines ipsos, dilacerant. De hoc odio Ioan. in Apocal. Vt terræ & mari, quia descendit diabolus ad vos, habens iram magnam. Altera causa est, quia cognoscunt homines assumendos ad celestem beatitudinem, quam ipsi perdiderunt, inuidēt hominibus tantum bonum: quare omni modo eos impedire conantur, ne illud consequantur.

Tandem cū eius sint naturæ dæmones, vt nunquam dormiant aut dormitēt, semper discurrunt quærentes quem deuorent, cautè perlustrando complexiones, naturas, affectus, curas, consuetudinesque vniuscuiusque vt singulorum complexionibus, affectionibus & moribus, oportunas & affines tentationes accommodent, more peritissimi & expertissimi medici, qui antequam remedia adhibeat, pulsū infirmi tangit, membra contrectat, lateribus manus admouet, linguam inspicit, oculorum colorem attendit, omniaque alia aut sanitatis, aut morbi indicia perscrutatur, vt cognita infirmi complexione, aut morbi natura, conuenientes medicinas præbeat. Sic Diabolus lætis luxuriæ; cupidis auaritiæ; tristibus iracundiæ vel inuidiæ, ambitiosis inanis gloriæ; curiosis perniciosæ scientiæ facès admouere consuevit. Sic attestatur Gregor. super Iob. 38. cap. in illa verba: Diuiditur æstus super terram. Prius enim, ait, complexionem vniuscuiusque antiquus aduersarius per-

perspicit, & tunc tentationis laqueos appo-
nit. Alius namque lætis, alius timidis, moribus
alius elatis existit. Quò ergò occultus aduer-
sarius facile capiat, vicinas conspersioibus
deceptiones parat. Quia enim lætitiæ volu-
ptas iuxta est, lætis moribus luxuriam pro-
ponit. Et quia tristitia in iram facile labitur,
tristibus poculum discordiæ porrigit: Quia
timidi supplicia formidant, pauentibus ter-
rorem intentat. Et quia elatos extolli lau-
dibus conspiciat, eos ad quæque voluerit, blan-
dis fauoribus trahit. Singulis ergo hominibus,
vitijs conuenientibus insidiatur: Et S. August.
lib. 21. de Ciuitate Dei, cap. 6. his breuibus ver-
bis. Maxime autem possident (loquitur de
Dæmonibus) corda mortalium, quæ potissi-
mum possessione gloriantur, cum se transfi-
gurant in angelos lucis. Illustrat hoc diaboli
studium apparitio illa, de qua in vitis patrum,
vnde eam narrat Marcus Marulus lib. 5. de ra-
tione bene beateque viuendi, cap. 7. Appa-
ruit B. Machario in specie medici malignus,
multas habens vitreas ampullas circum se pen-
dentes: & interrogatus quò pergeret, quidque
sibi vascula illa vellent: Ad proximum mo-
nasterium iter se habere respondit, vt fra-
tribus singulis offerret potiones pro eorum
appetitu, quas si haurirent, sibi obnoxios red-
deret. Non multò post, Macharius inde reuer-
tentem conspiciens, quid legisset, quæsiuit.

Cui ille respondit, vnum tantum, nomine Theodosium, ampullæ veneno delinitum. Macharius statim monasterium adiens, veritatem rei inuenit, & effecit vt frater totum, quod venenum imbiberat, medico tam infausto propinante, medicina salutari sumpta à sancto viro euomeret, seq; emendaret. Nunc de causis particularibus, quarum:

*Particularis
1. causa dis-
positiua est
cleri infirmitas
Ose. 4.*

Prima sit, vt à summa incipiamus. Ignorantia in ministris Ecclesie, qui salutem hominum promouere debent.

ATQVE hanc indicat Oseas, dicens: Quia non est scientia Dei in terra, ideò maledictio, & mēdadium, & homicidium, & furtum, & adulterium inundauerunt: Vbi certè Prophetā loquitur de ignorantia Sacerdotum, nam statim subiūgit: Quia tu scientiam repulisti, repellam te, ne sacerdotio fungaris mihi. Quod & Christus in Euangelio innuit, Matth. 6. Si lumen, quod in te est, tenebræ sunt, ipsæ tenebræ quantæ erunt? Atq; vt hæc causa intelligatur, sciendum, vt possimus stare, secundum Apostolicam doctrinam. Ephes. 6. & rei veritatem, aduersus insidias diaboli, spiritualia nobis necessaria sunt arma. Quoniam non est nobis colluctatio aduersus carnem & sanguinem, sed aduersus principes, & potestates, aduersus mundi rectores tenebrarum harum,

harum, contra spiritualia nequitia in ecclesiis.

Cum igitur hostes, cum quibus nobis assidua pugna est, sint spirituales, corporalibus armis laedi non possunt: spiritualia ergo arma comparanda. Quod idem Apostolus cum prosequitur, significat. Propterea, inquit, accipite armaturam Dei, ut possitis resistere in die malo, & in omnibus perfecti stare: state ergo succincti lumbos vestros in veritate, & induti loriceam iustitiae, & calceati pedes in preparationem Euangelij pacis: in omnibus sumentes scutum fidei, in quo possitis omnia tela nequissimi ignea extinguere, & galeam salutis assumite, & gladium spiritus, quod est verbum Dei: haec Paulus. Ex his patet, gladio verbi Dei & S. Scripturae in hac militia spirituali hostem esse feriendum. Verbum enim DEI detegit fallaciam & mendacia, quibus mortales fallere, in suos laqueos perducere, in falsam spem, perniciosam incredulitatem suam, superstitionem, tristitiam aut desolationem, aliasque eius generis affectiones pertrahere solent. Cum itaque haec armatura ex sacris literis, doctoribus atque mysterijs nostrae fidei petenda sit, ignota est indoctis & ignavis Ecclesiae ministris. Quomodo enim praestantiam mysteriorum fidei, virtutum praeclaros effectus, sacramentorum efficaciam, ac sacramentorum salutarem usum, quae omnia sunt arma contra

aëreas potestates, rudi & simplici populo explicabit, proponetq; rudis in sciëntia sacrarum literarum? Atq; sic contingit, cùm ignoti nulla sit cupido, nec appetitus noster nisi in bonũ ab intellectu cognitum feratur, quod simplex populus nullum ex spiritualibus rebus percipiat fructum, nec earum vsu salutifero delectetur: & sic margaritæ sparguntur ante porcos.

Ad hæc sicuti exercitatissimi ducis in militia est, explorata habere hostium consilia, eorum nouisse fortitudinem, copias, & strata gemata, vt suis possit præuidere de securitate, & inimicis pro opportunitate occurrere, aut insidias declinare: sic spiritualis Imperatoris munus est spiritualium inimicorum callere, insidias, potentiam, crudelitatem & in pugnando peritiam, vt suos oportunis armis, & ad pugnam aptis instruat, ne cum vitæ periculo se tradere, aut desperatione de victoria concepta, turpi fuga sibi consulere cogantur. At hæc scientia longè abest ab indoctis sacerdotibus, qui ne quidem à limine salutârunt sacra eloquia, & Sanctorum Patrum monumenta, ex quibus cognitio diaboli fraudes discernendi hauritur. Quis etiam ita à sensu alienus est, qui non animaduertat, ex tenebris ignorantiae in sacerdotibus, sequi etiam opera tenebrarum in conuersatione & moribus? Ex quo fonte fluit, vt rudes ex populo, quando ten-

do tentationibus inimicorum pulsantur aut vincuntur, pudore & timore suffundantur, nec audeant secreta suorum interiorum aperire: vel certè si aperiant, ignorantia efficit, vt congrua remedia & salutis consilia habere nequeant. Atq; hanc ministrorum Ecclesiasticorum ignorantiam astutissimus artifex studio sè procurasse videtur, vt eò melius contra simplices triumphet, dum inermes sunt, & ad certamen inepti. Hoc Dæmonum stratagemata diuina historia significat: Philistæi in lib. Regū. *1. Reg. 15.* callidissimè curarunt, ne esset faber ferrarius in Israel, qui arma fabricaret: quare effectum est, vt cū Philistæi instructa acie ad pugnandum contra filios Israel procederent, solus Saul & Ionathas eius filius armati inuenti sint. Simili arte instructi spirituales Philistæi nostris temporibus curarunt, vt non sint fabri, id est, legum interpretes & Doctores in populo Dei, qui arma cudant quibus fideles muniti, hostes profligent. Fabri rectè intelliguntur Doctores, vt pulchrè secundum mysticum sensum tradit Pagninus in Isagoge ad mysticos S. Scripturæ sensus, lib. 3. cap. 1. Ex his causis sequitur, vt in scientia & moribus in pluribus locis, sicut populus est, sic & sacerdos, vt Propheta prosequitur.

Secunda causa. *Somnus in magistratu diuturnus.*

*2. causa
magistratus
negligentia.*

DVM

DVM Magistratus dormit in vtramq; aurem, & oculis clausis pertransit maleficia, tanquam somnia nihili reputans, sed negligēs, inimicus homo superseminat zizania, & regnum suum dilatat. Officium enim Præsidentium tam ex lege diuina, quàm humana est, inquirere scelera & maleficia, vt Respublica purgetur à malefactoribus, ex L. Congruit. ff. de offic. præsid. & gladium magistratus portat in vindictam malorum, laudem verò bonorum. Quem finem si non attendit, sine causa gladium portat, & seuerissimum diuinę maiestatis in se concitat furorem, cùm numerus impiorum crescat, bonorum verò societas diminuat, scandalum patiatur, atq; peruertatur, præsertim cùm maleficorum secta cum diabolo in hominum subuersionem conspiret, & sicut annulus annulum, ita malefica sociam trahit, vt ex ipsarum relatione & factis discimus. Hinc videmus aliquando integram familiam infectam, & quod horredum dictu, matres quandoq; Dæmoni consecrare infantes necdum natos. Ex puniendi tarditate, & dissimulatione quomodo Deus maximè in hoc crimine offendatur, ex sacris literis clarissimè, si oculos aperiamus, perspicimus. Sic enim, cùm fornicatus esset populus cum filiabus Moab, & adorasset Deos earum, & Principes punire dissimulassent, furore concitatus Dñs dicebat ad Moysen: Tolle cunctos principes

Rom. 19.

Mat. 15.

tipēs populi, & suspende eos contra solem in patibulis, vt auertatur furor meus ab Israël, & occidat vnusquisq; proximos suos. Quibus auditis Phinees zelo diuino correptus, vltione sumpta Dominum placauit, & cessauit plaga à filiis Israël, cū perijissent viginti quatuor milia hominum: quanto quæso, furore Dominus concitatur? quantis plagis afficiemur? (quamuis etiam maximas, vtpote sterilitatis, depopulationis agrorum, famis, pestilentie, & plurimorum periculorum pœnas oculis nostris cernamus) quod Magistratus dissimulet multis in locis fornicari multos cum diabolo, eiq; sacrificia offerre: Deum verum cōtēnni, & nefandis sceleribus irritari, aliaque plurima flagitia, quæ nemo cogitatione comprehendere, nisi à Dæmone instructus sit, potest, committi.

Ad hæc, si Dominus præcipit Iudici, vt falsum Prophetam & somniatorem seducentem populum post Deos alienos, sine mora interficiat, & filios Belial cum assecclis suis gladio & ignibus persequatur, & sollicitè inquirat, ad euertendum furorem suum: Quomodo ira nō commouetur Deus, quod multi iudices somniatores nostros, Magos & maleficos, filios nō solum Belial, sed etiam socios Beelzebub, Beemōth, Astaroth, aliorumq; mōstrorum, multos non solum ex vrbibus, sed omnibus locis seducētes ad dæmones, & eorum miseram serui-

seruitutem, somnolentia oppressi desinane
inquirere? Atque cum verba Deuteronomij
maximam vim & Emphasim ad præsentem
materiam quasi diuino nutu accommodata
habeant, placet ea subiungere. Si audieris, in-
quit, in vna vrbiũ tuarum, quas Dominus
Deus tuus dabit tibi ad inhabitandum, dicen-
tes aliquos. Egressi sunt filij Belial de medio
tui, & auerterunt habitatores vrbs suæ, atque
dixerunt: Eamus & seruiamus Dijs alienis,
quos ignoratis, quæ re sollicitè, & diligenter rei
veritate perspecta, si inueneris certum esse,
quod dicitur, & abominationem hanc opere
perpetratam, statim percuties habitatores vr-
bis illius in ore gladij, & delebis eam, omniaq;
quæ in illa sunt, vsq; ad pecora, &c. Congrega-
bis in medio platearum, & cum ipsa ciuitate
succendes, &c. Et non adhærebit de illo ana-
themate quicquam in manu tua, vt auertatur
Dominus ab ira furoris sui, & misereatur tui,
multiplicetque te, sicut iurauit patribus tuis.
Hæc summi legislatoris verba iudices attentè
considerent. Audiunt, & experientia cogno-
scunt, filios Belial & aliorum Dæmoniorum
frequentissimè egredi de medio populi, & a-
uertere multos habitatores, atq; inducere ad
sacrificandum Dæmonibus, & in conuentibus
alia abominanda perpetrare, & inueniunt cer-
tum esse, quod dicitur, & tamen non sollicitè
sed negligèter inquirunt: nec statim, sed tardè

ad executionem iustitiæ procedunt, & ex contextu notandum, ad auertendum furorẽ Domini necessariũ esse, ita tales extinguere & delere, vt ne reliquię quidem maneat: tunc Dominus miserebitur, & multiplicabit bona.

Tertia caussa est, *Infidelitas.*

QUAE innuitur in c. Epil. 26. q. 5. Quando enim mentem, inquit, per infidelitatem sibi subiugauerit, per multa deuia deducit. Fides enim est scutum, quo mediante homo Christianus potest omnia tela nequissimi ignea repellere: hanc infidelitas, & falsa credulitas labefactant, & dæmonibus portum tentandi aperiunt. Ad infidelitatem reducere possumus superstitionẽ, quæ infidelitatis quædam protestatio est, per cultum exteriorem: sicuti religio, qua Deo debitum cultum impendimus, fidei veræ signum est. Quare rectissimè S. Bonauentura docet, quòd sicut in fide intellectus captiuatur: sic in superstitione errore inflatur & eleuatur. Nec mirum videatur, quod superstitio præludium & quædam dispositio ad maleficia sit, cùm nulla sit superstitionis species, quæ non procedat ex quadam pestifera & dolosa societate cum Dæmone. Qui autem tam infælicem societatem contrahit, quomodo non decipietur? Callidissimus est Dæmon, non procedit ab extremo ad extremum, sed à minimis incipit, & pau-

& paulatim ad maxima perducit. Sic per superstitionem in primis mentem eò impellit, vt sibi fides habeatur, & veræ fidei fundamentum infirmius reddatur. Atq; cum materia superstitionum affinis sit maleficio, aliquid latius de superstitionibus adijciendum.

*De supersti-
tione, quid
sit, quot eius
species.*

Idololatria.

Superstitio est peccatum contra primum præceptum Decalogi, quo præcipitur religio quæ homines ordinat ad colendum & honorandum Deum debito modo, tanquam primum supremumq; principium creationis & gubernationis: Superstitio autem inducit homines ad reddendum Deo cultum perniciosum, vel superfluum, vel ipsi creaturæ, tacite vel expresse. Quatuor sunt superstitionis species, quas ponit S. Augustin. lib. 2. de doctrina Christiana cap. 20. & explicat S. Thomas 2. 2. q. 92. art. 2. Idololatria, Diuinatio, Indebitus Dei cultus, & vana obseruantia. Idololatria est, quando alteri quàm DEO, diuinus cultus exhibetur, & est grauissimum peccatum, vt patet passim ex libris veteris testamenti. Hanc malefici & sagæ exercent, quando dæmonem adorant, vel ei sacrificium offerunt, aut homagium præstant. Ex dicta definitione elicitur non esse idololatriam, sanctis cum Christo regnantibus honorem debitum impendere, quia ipsis inferior cultus, & non diuinus exhibetur.

Diuinatio.

Diuinatio, est rerum occultarum, vel futura-

turarum, quæ via humana sciri non possunt, per virtutem Dæmonis, eiusq; auxilium, cognitio, vel prænunciatio. Ad hanc speciem pertinent præstigium, Somniorum observatio, Necromantia, Gæomantia, Hydromantia, Aëromantia, Astronomia illicita, Augurium, Omen, Chiromantia, Spatulantia, Sortilegium. &c. de quibus videndi sunt Isidorus li. 8. Etymolog. cap. 9. & S. Thomas 2. 2. q. 95. artic. 3.

Indebitus Dei cultus est, quando homo colit Deum modo indebito, & est duplex. Falsus, vt si quis nunc Deo offerret sacrificia veteris legis, vel in diuinis vteretur cæemonijs infidelium: & superfluous, qui perficitur cæemonijs, quæ neque ad Dei gloriam, neq; ad hoc, vt mens Deo subijciatur, aut carnalis concupiscentia refrenetur, secundum Dei & Ecclesiæ institutionem approbatam, ordinantur.

*Indebitus
Dei cultus*

Vana observantia est, in qua semper tacite inuocatur Dæmon, quando videlicet causæ vel media assumuntur ad effectus producendos, qui nec virtute diuina, nec naturali, aut Ecclesiastica institutione habent ordinem ad tales effectus. Ad hanc spectant ars notoria, observantia scitatum, Incantatio, observantia futurorum effectuum, &c.

Vana observantia

Cum superstitiones sint laqueus & insidie antiqui hostis, quibus genus humanum decipere

L. pere

*Exempla su-
perstitionū.*

perenit'ur, vtrefertur 26. q. vltima, cap. Ad-
moneat: placet exemplo S. Augustini lib. 2. de
doct. Christ. cap. 20. qui sui temporis multas
enumerat, nostri etiam aliquas oculis subijce-
re, vt boni cognoscant & euitent: mali verò
videant, quibus vñculis ligentur, & fraudi-
bus decipiantur. Hi sequentes omnes sunt su-
perstitiosi, nec solùm exercentes, sed etiam fi-
dem habentes. Nam similes illis fiunt, qui fa-
ciunt, & omnes qui confidunt in eis.

1. Qui dæmones adorant, sacrificium eis of-
ferunt, honorem impendunt, expressè, vel ta-
citè inuocant: consilium, auxilium, aut fauo-
rem ab eis quærunt.
2. Qui futura prædicere volunt, vel magos
accedunt, aut Ariolos, aut incantatores, vt oc-
cultas cognoscant, vel secreta reuelent, vel cō-
siliū præstent.
3. Qui aliquam virtutem somnij tribuunt,
vt quia somnium habuerunt tale vel tale, fœ-
licitatis aut infortunij, quippiam euenturum,
credunt.
4. Qui per inspectionem membrorum, aut
partium animalium, futura prædicunt, aut de
rebus futuris, ex euentu præcedentium, pro-
nunciant.
5. Qui accedunt ad vagabundos illos, quos
Galli Aegyptios, Itali Cingaros, Germani
gentiles appellant, vt ex figuris manuum, fa-
ciet

ciel constitutione, vel corporis statura fortunam faustam, vel infaustam annuncient.

Qui obseruant dies aliquos certos Conuersionis Pauli, Vincetij, Urbani, Martyrum, vel aliorum, in quibus si pluat, vel cælum serenum sit, serenitatem, fertilitatem, sterilitatem, vini copiam, vel inopiam, vel per spaciū aliquot dierum continuam pluuiam prædicunt. Quæ de causa superstitiosi sunt versus illi, de festo Conuersionis S. Pauli.

Clara dies Pauli bona tempora denotat anni,

Sinix, aut pluuiæ designat tempora cara;

Si fuerint venti, designat præliæ genti;

Si fuerint nebula, pereunt animalia quæq;.

Qui colligunt herbas in die S. Ioannis Baptistæ, ad singulares quosdam effectus, credentes tales esse maioris virtutis: vel inserunt arbores ipso Annunciationis Mariæ, existimantes hoc melius: Aut in festo S. Stephani, ex eadem causa diminuunt sanguinem equorum: & de similibus simile est iudicium.

Qui oblationes faciunt sanctis ex bonis Eleemosyna petitis, credentes eas maioris esse virtutis ad consequendum effectum: aut crucem S. Bernardi temptam ex Eleemosynis, sanctiorem putant: aut offerunt in honorem sanctorum cæram, vel aliam rem coniunctam criminibus animalis ægrotantis.

Plum autem est, & ab vniuersali Ecclesia receptum, in templis post impetratam signita-

tem oculorum, aut pedum, aut manuum, aut animalium, aliarumque rerum simulacra suspendere ex auro, argento, cera vel alia materia confecta, ad laudem & gloriam Dei & sanctorum, ut sint adeptæ sanitatis manifesta indicia. Gratissimè namque accipit Dominus eorum qualiacunque sunt dona, nec exigua, nec vilia dedignatur: quippe quia pro ferentis facultate metitur. Hæc itaque omnium spectaculo exposita, testantur morborum depulsionem, cuius ipsa certissima signa sunt à sanitatem consecutis allata. Hæc, sepulcorum ibi martyrum quæ sit virtus, ostendunt, ut optimè tradit Theodoretus Cyrensis Episcopus, lib. 8. de curatione Græcarum affectionum.

9. Qui observant quosdam dies faustos, aut infastos ad ingrediendum iter: aut constituunt differentiam, an quis manè surgens dextro vel sinistro pede in primis terram tangat, aut quem postponat aut anteponat, egrediendo limen ædium. Ad hunc ordinem referre possumus eos, qui observant modum capiendi Sagas, ut eas vel in lecto capiant, vel elevent in altum, ne terram calcant, quicquid quidam doceant: cum, ubi eadem ratio militat, idem ibi ius statuendum sit.

10. Qui vel quæ submergunt imagines in aqua pro pluvia habenda, vel faciunt quasdam ligaturas & diabolicas cæremonias, ne lac integro

regro anno vaccis subtrahatur opera maleficarum : aut certis diebus summo diluculo scopis olera tangunt, ne cruce, ciniphes, vel alia imperfecta animalia oleribus & herbis nocumenta inferant.

Qui, cum herbas colligunt medicinales, & eas vulneribus adhibent, fiduciam ponunt in modo ligaturæ, vel numero partium, vt numerus par vel impar sit: vel in herbis colligendis obseruant, vt ante solis ortum id fiat, vel certo die; vt die veneris, aut solis, vel tacendo colligant, &c. Quod autem medicus herbas colligat potius in Maio vel Aprili, quàm in Augusto, aut hyeme, id non superstitionis sed medicinæ est: quia tam ratio naturalis, quàm medicina dicat, quibusdam anni temporibus, virtutem in herbis esse potentiorē ad naturales effectus.

Qui certam fiduciam constituunt in quibusdam nominibus scriptis, vel verbis etiam sacris, aut characteribus, vt non vulnerentur, mutilentur, aut occidantur: aut qui (quod horrendum dictu est) in die Parasceues sancto ad eunt crucem aliquā in biuio, vel triuio, & bombardam post terga in crucem emittunt, vt deinde quemcunque velint scopum attingant: aut in nocte S. Ioannis certas quasdam herbas diabolicis caeremonijs colligunt, quibus ad detestabiles effectus vtantur.

Qui metiuntur cingulum ægrotantis, vt
L 3 cognos-

cognoscatur, quis sanctus sit honorandus, ad consequendam sanitatem, certis adhibitis ritibus: aut bipenni stramen diuidunt, ad curandum tumores manuum & digitorum, aut ad sanandos certos morbos animalium, impellunt gregem in ignem ex singularibus lignis instructum, vel per circulum ducunt, & tunc animal, quod primum fortè fortuna sortitur locum in transeundo, offerunt in honorem sanctorum. His accedunt, qui pro quibusdam capitis doloribus & similibus morbis curandis, ad porcorum lintrem, in nomine Patris, & Filij, & Spiritus Sancti, collum applicant.

14. Quicumque credunt maiorem virtutem inesse aquæ benedictæ Dominicis sequentibus quatuor tempora, quàm alijs, ad speciales quosdam effectus: aut nolunt die Veneris ungues præscindere, aut Sabbato filare, & interim ab alijs seruilibus operibus non abstinere.

15. Qui fidem adhibent probationi ferri candentis, vel aquæ frigidæ in maleficis cognoscendis, de quibus prope finem infra latius: Nec non etiam qui admittunt & fidem tribuunt, quod quidam tortores siue carnifices quosdam potus ad eliciendum confessionem maleficorum adhibent.

16. Quicumq;, cùm audiunt picam vociferantem circa ædes alicuius, mortem prædicunt
breui

brevi imminere: aut quia canem audiunt vlu-
lantem, pestem irasciunt: aut quia obuiam
venit lepus, malum aliquid instare ominantur.
Similes & alias multas vanas superstitiones &
magicas artes silent exercere, qui artem vena-
toriam sequuntur.

Huiusmodi & similes artes nugatoriz, vel
noxiz superstitiones ex quadam pestifera so-
cietate hominum, quasi pacta infidelis & do-
lose amicitia constituta, penitus sunt repudi-
andæ & fugiendæ Christiano, vt decernitur
26. q. 2. cap. Illud ex August. Atq; hoc addide-
rim, superstitiones tanto esse periculosiores,
quanto plures res sacras adhibentur. Qui hoc
Diabolus maxime intendit, vt vel sub specie
pietatis decipiat: aut res sacras ad humanam
salutem ordinatas, in peruersum vsum re-
digat.

Dicit aliquis: Eueniunt tamen aliquan-
do effectus in dictis operibus. Quandoque
enim futura prædicunt, aut ægris sanitatem
restituunt, &c. Respondetur in cap. Nec mi-
rum 26. q. 5. ex August. hoc fieri permissione
DEI, vt ipsi, qui hoc audiunt, vel vident, pro-
bentur, & appareant, quia fide & deuotione
sint erga Deum, an etiam facillè moueantur &
sequantur Deos alienos, sicut in Deuterono-
mio Moyses ex verbo DEI populum instru-
xit, cum inquit: Si surrexerit in medio tui
Propheta, &c. De varijs superstitionibus

obseruationibus dierum, collectionibus herbarum, diuinationibus, augurationibus auiũ & incantationibus: ex August. 26. q. 7. ca. Non obseruetis, dicitur: Qui aut talibus credunt, aut ad eorum domum euntes, aut suis domibus introducunt, aut interrogant, sciant se fidem Christianam & Baptismum preuaricasse; & vt paganum & apostatam, id est, retrò abeuntem, & Dei inimicum iram Dei grauiter in æternum incurrisse; nisi Ecclesiastica pœnitentia emendatus, Deo reconcilietur.

Quoniam his addi possent, iuxta D. August. doctrinam lib. 2. de doctrina Christiana c. 20. & quotidianam experientiam, milia inmanissimarum superstitionum, nec facilè cognoscantur à multis, placuit ex Doctorum sententia regulas subiungere, quibus dignoscatur, an aliquid sit superstitiosum, vel non: quarum sit

Regula dignoscendi superstitiosa à non superstitiosa.

Prima. Quoties aliquis effectus rei tribuitur, qui non conuenit ei secundum suam naturam inditam, si per Ecclesiæ definitionem, sacram Scripturam, aut laudabilem consuetudinem non constat fieri à Deo; vt accidit in sacramentis & sacramentalibus: Habendum erit tanquam superstitiosum.

Secunda. Si effectus naturalis tribuitur aliqui rei, quem constat habere ex natura rei, non est superstitio. At si attribuitur aliquibus rebus, vt signis, vocibus, vel characteribus, aut
si si-

si fides postulatur ad productionem effectus
superstitio iudicanda est.

Tertia. Si res naturales vel artificiales, vt
imagines, signa, vel characteres adhibeantur
ad productionem supernaturalium effectuum,
vel motum liberi arbitrij flexendum, vel di-
uinandum, aut ad efficiendum spirituales ef-
fectus tam in nobis quam alijs, nisi fiat modo
in prima regula significato, secundum sacram
Scripturam, Ecclesię definitionem, aut appro-
batam consuetudinem: superstitiosum erite-
nendum.

Quarta. Quando quis vitur verbis sa-
cris, aut etiam orationibus, alijsque pijs ope-
ribus, in rebus vanis, neque ad diuinum hono-
rem & cultum pertinentibus; est superstitio,
quia callidus serpens, miscet vanis & malis bo-
na & pia, vt simplicibus cautius sub specie pie-
tatis imponat.

Quinta & vltima Regula. Quando quis exer-
cet aliquod opus, ad aliquam abstinentiam, vel
corporis exercitium pertinens, videndum est
vt refrenet carnalis concupiscentię motum,
modo virtuti congruo, secundum Ecclesię ri-
tum & moralem doctrinam:

De materia superstitionum legendi sunt.
S. Augustinus lib. 2. de doctrina Christiana à
cap. 20. S. Thomas 2. 2. à q. 92. per aliquot qq.
Ioannes à Turrecremata super decreto, 26.
caussa cum textu. Syluester Prieras in summa.

verb. Superstitio, Incantatio & maleficium. Martinus Arles in Tractat. de Superstitionibus, qui habetur in Oceano Iuris, vol. 10. Martinus Nauarrus in Manuali Confessariorum, cap. II. à num. 22.

4. causa dispositiua, curiositas.

Quarta causa dispositiua ad maleficiam est *Curiositas*, quæ his portentis illuditur per *Demonum fallacias*, quando id imprudenter appetit scire, quod ei nulla ratione competit inuestigare. ex d. cap. Nec mirum.

HAEC potestas immundis spiritibus idedatur, vt peruersos sibi aptent, hoc est, prauos homines seducant, illos scilicet, qui spernunt veritatem, & credunt mendacio, nec sanam doctrinam ferunt, sed ad sua desideria coaceruant sibi magistros prurientes auribus, & ad fabulas conuertuntur, onerati peccatis ducuntur varijs desiderijs, semper discantes, nunquam ad scientiæ veritatem peruenientes, iuxta Pauli sententiam. Hinc in d. cap. Nec mirum, in ministerio Dæmonis in primis à Chaldæis traditur inuenta magia, eo quod ipsi cæteris essent magis curiosi. Et Augustin. lib. 10. de Ciuitate, cap. 9 incantationes & carmina nefariæ curiositati tribuit. Ac clarius lib. 2. de doctrina Christiana, cap.

21 & 23. quod ita incipit. Hinc enim sic, ut oc-
cuso quodam iudicio diuino, cupidi mala-
rum rerum homines tradantur illudendi &
decipiendi pro meritis voluptatum suarum,
illudentibus eos atque decipientibus angelis:
quibus ista pars mundi infima secundum pul-
cherrimum ordinem rerum, diuinæ prou-
identię lege subiecta est. Quibus illusionibus
& deceptionibus euenit, ut isti superstitiosi
& perniciosi diuinationum generibus multa
præterita & futura dicantur, neq; aliter acci-
dant, quàm dicuntur, multaq; obseruantibus
secundum obseruationes eueniant, quibus
implicati, curiosiores fiant, & sese magis ma-
gisque inserant multiplicibus laqueis perni-
ciosissimi erroris, &c.

Consentit his pulchrè Guilhelmus Pa-
risiensis in lib. de Legibus, folio 35. colum-
nâ 2. Scito, inquit, quia omne genus pec-
cati idololatriam prouexit: Sicut euiden-
ter apparet de curiositate, quæ est libido
sciendi non necessaria. Tanta namquæ li-
bido sciendi futura, & alia cordium occulta,
quorundam hominum inflammavit ani-
mos, ut huius scientiam, execrabili anima-
rum suarum commercio, à Dæmonibus mer-
carentur. Propter quod & ipsi naturæ hu-
manæ inimicissimi Dæmones, sacrilega o-
pera excogitauerunt, eisque se placari, &
induci posse hominibus suggesserunt: Im-
pera.

petrariq; posse ab ipsis scientiam futurorum & aliorum occultorum. Inde processerūt nefandissima illa opera, quæ etiam vulgò nominatissima sunt: videlicet inspectio speculi, inspectio spatulæ, inspectio vnguis, videlicet vt furta, & alia occulta inuenirentur, in quibus omnibus Diabolicorum sacrificiorum impietas partim latet: & partim omnibus manifesta est, si perfectè scripta inueniantur. Ex hac eadē peste curiositatis processit liber maledictus, & execrabilis, qui dicitur liber sacrat. Similiter & alius, qui dicitur (speculum) ab omnibus, in quibus præterita, præsentia & futura videri ipsi auctores eorum Dæmones promiserunt. Sunt & aliæ huius pestis innumera, per quas curiositatis initium stragem animarum inæstimabilem fecit: hæc Guillelmus. Atq; occasione curiositatis arbitror non rarò doctos & magnos ingenio capi à Dæmone. Tentat enim eos curiositate, vt velint cognoscere, videre, & experiri noua, inusitata, & rara. Quare Apostolus admonet Rom. 12. non plus sapere, quam oportet. Curiositati adiungi potest latens in multis cordibus intolerabilis superbia, quæ Domino Deo in summo gradu displicet, & Dæmonibus maiorem in modum placet.

3. Causa est
curiositas.

Quinta causa est: *Insatiabilis amor
congregandi diuitias.*

QVAM.

QUAM satis superq; S. Paulus indicat, cum
 ait: Qui volunt diuites fieri, incidunt in
 tentationem, & laqueum diaboli, & desideria
 multa inutilia, & nociua, quæ mergunt homi-
 nes in interitum & perditionem. Radix enim
 omnium malorum cupiditas, quam quidam
 appetentes, errauerunt à fide, & inseruerunt se
 doloribus multis. *Hæc apostolus.* Avaro enim ni-
 hil scelestius, qui etiam propriam animam ve-
 nalem exponit, vt pecunias congreget: Quod
 Dæmoni optimè constat, atq; sic insatiabili
 appetitui tentationem congruam obijcit, vt
 in laqueum eum pertrahar. Inueniuntur qui-
 dam ita auaritia exæcati, & miseri, quod mā-
 monē Deo nummorum sacrificent, vt diuites
 efficiantur, quorum meminere Ioannes de
 Friburgo in summa Confessoriorum li. 1. tit.
 11. q. 25. & Paulus Grillandus lib. 2. de Sortile-
 gijs, q. 17. nu. 25. Auaris & alijs, qui rerum ino-
 pia laborant, vt supra significatum est, Dæ-
 mon quandoque diuitias promittit, sed non
 præstat. Confessa est etiam inter alia puncta
 Weissenbeins Anna / cuius suprà mentionem
 fecimus, quod si in principio sui casus non ni-
 mis bonis temporalibus acquirendis dedita
 fuisset, & Mammonæ inserviuiisset, faciliter se
 cum gratia Dei ad cor redituram fuisse. Reme-
 dium contra hoc malum subiungit Aposto-
 lus, cum ait. Tu autem homo Dei, hæc
 fuge: Sectare verò iustitiam, pietatem, fi-
 dem,

dem, charitatem, patientiam, mansuetudinem.

6. *Causa*,
Luxuria.

Sexta Causa est, *Luxuria, seu carnis voluptas.*

HAEC multum efficax est ad hominem capiendum & detinendum. Sic Balaam, cap. 24 & 25, in lib. Numerorum: filios Israel mediante fornicatione cum filiabus Moab, induxit ad idololatriam. Hoc enim vitium sapientes & insipientes, ignobiles & potentes deiicit. Quis enim Salomone sapientior, & Samsone fortior? & tamen vtrunq; vicit luxuria: bene ad hoc propositum facit illud Ecclesi. 19. Vinum & mulieres apostatare faciunt etiam sapientes, & luxuria Salomoni causa fuit colendi Deos alienos, ut constat ex lib. 3. Reg. ca. 11. Tobiae. 6. Audi me, & ostendam tibi, qui sunt, quibus Demonium preualere potest. Hi namq; qui coniugium ita suscipiunt, ut Deum à se & à sua mente excludant, & suae libidini ita vacent, sicut equus & mulus, quibus non est intellectus, habet potestatem Daemonium super eos. Quomodo hoc peccatum non solum causa incidendi, sed etiam perseverandi in malo sit, optimè ex sacris literis tradit Gulielmus Peraldus, Episcopus Lugdunensis, in summa virtutum & vitiorum, tomo 2 tract. 3. ca. 3. Atq; Id Isidorus lib. 2. de summo bono cap. 39. satis etiam attestatur, dum ait. Maximè per carnis

carnis luxuriam humanum genus subditur diabolo, quàm per cetera vitia. Dæmones scientes pulchritudinem esse animæ, castitatem, & per hanc hominem angelicis meritis, è quibus illi lapsi sunt, cœquari, liuore percussî inuidiæ, iniiciunt per sensus corporis, opus desideriumq; libidinis, quatenus à cœlestibus deorsum deiectam animam pertrahant, secumq; quos vicerint, gloriantes ad tartara ducant. Nouit optimè Dæmon, vehementissimum esse carnis ardorem, & animum, quem occupauerit, non facile liberari. Etenim vt S. Ambrosius ait in cap. 4. Lucæ. quasi clauis quibusdam suffigitur anima corporis voluptatibus, & cùm semel adhæserit cupiditatibus demersa terrenis, difficile in altum potest, vnde descendit sine Dei fauore reuolare. Actuum enim suorum victa laqueis, & deliciarum secularium illecebris obnoxia iam tenetur. hæc Ambrosius.

Septima est, *Execratio, vel maledictio sine imprecandi rabies.*

7. Causa,
maledicendi
rabies.

QVOD quidem peccatum multis vsitatissimum est, vt minima occasione & aduersitate oblata, se suosq; Dæmonibus & diris omnibus deuoeant, & tunc aliquando iusto Dei iudicio malum euenit, quod imprecantur. Quare Prouerb. 8, dicitur: sicut avis ad
alta

alta transuolans, & passer quolibet vadens; sic maledictum frustra prolatum in quempiam superueniet: & in Psa. 108. Dilexit maledictionem, & veniet ei: & noluit benedictionem, & elongabitur ab eo. Hinc compertum est experientia, diabolum sumplisse quandoque hanc occasionem perducendi ad maleficium.

*8. Caussa. Nimia tri-
stitia & ira* Octaua, quæ frequentissimè in muliebri sexu locum habet, est desolatio, siue nimia tristitia, aut pusillanimitas in aduersis.

DVM enim fœminæ in aduersitates calamitates, aut perturbationes incidunt, animum abijciunt, maximè quando non est qui consoletur, aut consilio iuuat. Hanc oportunitatem Dæmon perferutatur, atq; sub fictæ personæ forma, auxilium, cōsiliū, & patrocinium promittit, cum maxima deceptione. Huic adiungere possumus immoderatam irā qua multi se vindicare de alijs per fas & nefas cupiunt: quod quando propter fragilitatem non possunt, malignus se offert, & inspirat vindictæ modos. Sed nunc cū contingat inter alias vnam esse causam præcipuam perseuerantiæ in tam graui atq; intolerabili Dæmonis iugo, de hac paulò latius aliquid dicendum pro remedio contra hoc durum vinculum.

Nona caussa perseuerantiæ in tanto
scele-

scelere, est Error, quem Diabolus opinionibus hominum, quos capit, imprimit, ut sibi persuadeant, fieri haud posse, ut ad sanum cor convertantur.

LEGIMVS in lib. Iudicum, quod Philistæi Iudicum 16. Samsonem fortissimum captum quamprimum oculis priuauerunt, priuatum ad pilstrinum ablegauerunt, & molere fecerunt, omnibusque ludibrijs & illusionibus affecerunt. Hos Philistæos maligni spiritus sequuntur; quamprimum hominē Christianum arte sua quacunque occasione a recte specie deceperunt, oculos intelligentiæ effodiunt, atque persuadent impossibilem esse reditum ad Deum, cuius fidem abnegauit; sicque hominem oculis captum alligant ad pilstrinum, id est, suam grauem & intolerabilem seruitutem, atque si molere, id est suis imperijs in omnibus satisfacere nolit, verberibus, minis & terroribus cogunt, atque ludibrijs afficiunt. Atque ut melius ligatum Dæmon teneat, imperat sub maxima pœna, ut infelix homo omnia sua peruersa consilia, & sceleratissimas suggestiones in secreto teneat, nec ulli mortalium extra suam societatem reuelet.

Astutissimus inimicus imitatur in hoc negotio mores callidissimi alicuius amatoris, qui honestam aliquam bonorum parentum filiam, aut honesti viri uxorem intendit seducere.

M

cere,

cere. Is omni cura industriaq; laborat, vt sua verba, facta & consilia non deueniant in notitiam, nihilq; magis timet, quàm ne puella parentibus ea patefaciat, cognoscens hoc pacto parentum prouidentia suos conatus frustrandos & irritandos esse. Eodem modo diabolus in hoc tam occulto, & ab hominum sentibus alieno scelere omni ratione procurat, vt homo, quem cepit, fraudulenta sua consilia nemini detegat. Ad quem effectum consequendum minas intentat, timorem incutit, & pudorem obijcit: his nodis anima miseri hominis intricata, se expedire non potest; cum careat bono consilio, & tam Dei, quàm hominũ prudentum auxilio destituatur. Ex hoc capite contingit, paucissimos esse maleficos, aut sagas, qui in confessione sacramentali hoc crimen confiteantur, hinc etiam sequitur exiguũ esse numerum eorum, qui vel quæ sua sponte conuertantur ad Deum, relicta diabolica societate, antequam ad manus publicæ iustitiæ deueniant. Ex eadem quoque causa oritur, quod nonnullæ foeminae potius optent & eligant mortem, quàm vitam, timentes ne iterum reducantur ad laboriosum illud molendinũ. Contra hunc Diabolicum errorem, & simplicium falsam opinionem veritas statuenda est, quæ tenebras falsitatis & erroris depellat. Veritas autem est, quod homo quicumq; etiam à Diabolo deceptus, cum gratia Dei potest per pœni-

*Remedia cõ-
tra despera-
tionis erro-
rem.*

pœnitentiam redire ad gratiam, Diaboli iugum rumpere, & tam sceleratam societatem relinquare, etiam quocunq; tempore. Hanc veritatem probant clamores Domini ad peccatores. Ezech. 18. projicite à vobis omnes prauaricationes vestras, in quibus prauaricati estis, & facite vobis cor nouum, & spiritum nouum: & quare moriemini? quia nolo mortem morientis, dicit Dominus Deus: reuertimini & viuite. Eccles. 33. Impietas impij non nocbit ei, in quacunq; die conuersus fuerit: Hierem. 8. Nunquid qui cadit, non adiciet vt resurgat? & qui auersus est, non reuertetur? Quare ergo auersus est populus iste in Hierusalem auersione contentiosa? apprehenderūt mendacium, & noluerunt reueri. Et cap. 3. in eodem Propheta: Tu autem fornicata es cum amatoribus multis: tamen reuertere ad me, dicit Dominus. Esai. 55. Derelinquat impius viam suam, & vir iniquus cogitationes suas, & reuertatur ad Dominum, & miserebitur eius, &c. quoniam multus est ad ignoscendum. Eandem veritatem probant Scripturæ, quæ attestantur Dominum soluere & rumpere vincula peccatorum. vt David in Psal. Disrupsisti Domine vincula mea, tibi sacrificabo hostiam laudis. Et iterum in alio loco. Dominus soluit compeditos, Dominus illuminat cæcos. Ad idem propositum faciūt, quæ misericordiam & gratiam Dei erga peccatores ostendunt: hæc

Concionator facilè congregabit contra prædictum errorem. Quicumq; ergò à Diabolo decipitur, aut deceptus est, & sub tam dura seruitute agit, quantumcunq; fidem infideli addixerit, obedientiamq; præstiterit, redeat ad cor, frangat perfidiam, pœniteat, inuocet Dæmon: cœlestis curiæ reginam, desolatorum aduocatam B. Virginem, Angelum custodem, & sanctos: resistat aduersario in fide, & vincet. Tantò autem facilius tam abominabilis status relinquitur, quantò citius deseritur. Optimū consilium est, vt homo quamprimùm se delusum cognoscat, ingemiscat, peccatum confiteatur bono & prudenti Confessario, & fidei nostræ armis fortiter se muniat contra aduersarium, eiusq; insultus forti & cōstanti animo repellat. Pleriq; enim, qui his laqueis vincti tenentur, multis molestiis afficiuntur, si iugum abijcere diabolicum, & sœdera infidelis amicitiae rumpere contendant. At si constanter s̄ Dæmonum insultibus opponant, induendo armaturam Dei, & scutum fidei arripiendo, victoriam obtinebunt, neq; tam graues patiuntur tribulationes. Vt hoc rectius intelligatur, & firmiter animis inhereat, similitudine discamus, quod Dæmon aduersarius noster naturam & mores habet muliebres, quātum ad imbecillitatem virium, & animi peruiaciam. Sicut enim sœmina mala cum viro rixas miscens, si eum conspiciat erecto animo, & constan-

stanti vultu resistere, & verbis verbera obijcere, illico animum abijcit, & erga vertit, nec deinceps facile aliquid simile tentat. Si autem maritum timidum, meticulosum, fugacemq; deprehenderit, in extremam surgit audaciam, & virum ferociter inuadit. Simili modo hostis noster facere consuevit, si quem reperit timidum & inconstantem in tentationibus, & animum abijcientem in tantis insultibus, non est bestia super terram ferocior & audacior. Vnde in nostro proposito timidus & tristibus minatur, & non raro intentat verbera, ni morem gerant suo imperio. Sed si incidat in militem fortem & impeterritum, hilari vultu repugnâtem, diffidens de victoria fugit, & eum in pace relinquit. Hinc optime ait S. Gregor. Diabolus cum ei fortiter resistitur, debilis est vt formica: cum verò suggestio recipitur, fortis est, vt leo. Nemo ergo in hoc deceptionis genere crudelitatem seuientis, quam minis & verberibus confirmat, pertimescat, sed confidendo in Dei misericordia & auxilio, viriliter in fide repugnet, sic tandem triumphabit, & Daemon confusus discedet. Inflammata ad hoc nostros animos, exemplum magni illius spiritualis ducis S. Anthonij, quem nouitium in eremo sanctissimis excepit verberibus, ita vt semianimis relictus, ad proximum vicum curandi causa deferri debuerit. At Anthonius aliquantulum conualescens, ad primum locum

denuò se contulit ad feruendum DEO, paratus ad noua verbera pro beneplacito Dei, nec vllai iniuria diaboli à proposito deterrebatur. Hac animi constantia virum sanctum munitum nequissimi spiritus cùm accedere nō auderent, varias formas induentes, ferarum more alij rugiebant, alij vlulabant, alij dentibus frendebant, alij flammis ore, naribus, auribusque emittebant, vt terrorem incuterent, cui verbera inferre nequibant, ad impediendum ipsum in via salutis Sed vbi fortissimum athletam nec verbera curare, nec horrenda spectra pertimescere cognouerunt, se victos & confusos confessi discesserunt. De his Athanasius in vita Anthonij. Hoc tamen adhuc referre non pigebit ex vita eiusdem sancti, quod relatu dignum est: ferūt de eo, dum verbera terroresq; perferret, lucem ei diuinitus apparuisse, quia ex paucis facti Dæmones diffugere: Anthonium verò eo splendore recreatum exiisse se, & quasi præsentem Dominum aspiceret, dixisse. Vbi eras bone Iesu, vbi eras: responsumq; accepisse: Aderam Anthoni, sed euentum pugne tuæ præstolabar, quam quoniam imperterritus immotusq; viriliter sustinuisti, manet te victoriæ tuæ indeficiens in cælo triumphus, præmiumq; sempiternum: Omnis ergo Diaboli vis atq; decertatio, constantis & pij animi continuatione destruitur. Similia in vita Hilarionis refert S. Hieronymus. Plurima

San-

Sanctorum exempla, qui fortitudine & constantia Diabolo resistunt qui videre voluerit, legat Marcum Mirulum de religiosè viuendi institutione, lib. 5. cap. 7. Postremò, vt huic Præludio finem faciamus, si quis hac arte Diabolica captus est, cōfiteatur sacerdoti prudenti, & reuelet in confessione malum, quo detinetur: pœniteat, & in futurum armis se muniat spiritualibus. Scriptum est enim. Pro uerb. 28. Qui abscondit scelera sua, non dirigetur: Qui autem confessus fuerit, & reliquerit ea, misericordiam consequetur. Et vt S. Hieronymus ait, in cap. 10. Ecclesiast. in illa verba: Si momorderit serpens in silentio. Si quem Diabolus occultè momorderit, & nullo conscio cum peccati veneno infecerit: Si tacuerit qui percussus est, & non egerit pœnitentiam nec vulnus suum fratri & magistro voluerit confiteri, magister qui linguam habet ad curandum, facile ei prodesse non poterit: si enim erubescat ægrotus vulnus medico confiteri, quod ignorat, medici non curat. Molestissimè fert inimicus, quod homo sua consilia manifestet, & impedit quantum potest, obijcit timorem & pudorem. Sed tu sequere consilium Ecclesiast. cap. 4. Pro anima tua non confundaris verum dicere. Sancti Patres tanquam firmam obseruauerunt regulam, cōnidèter diabolicam esse cogitationem, quam iunior seniori confunditur aperire. Vnde

Cassianus ait. Non poterit Diabolus circumuenire vel deicere iuuenem monachum, nisi eum, quem viderit aut per superbiam, aut per verëcundiam suas cogitationes seniore cecellare.

16. Præludium. *Diabolus, qui ab initio similis esse voluit altissimo, adhuc in suis operibus ad hominum deceptionem diuina opera imitari contendit, & similitudinem quandam Dei affectat.*

HINC summo perè desiderat adorari, quod diuinę maiestati competit Matth. 4. Hęc omnia tibi dabo, si cadens adoraueris me, & 26. q. 5. c. Nec mirum. Atq; hoc tritum est apud omnes Theologos & canonistas, vt Grilland. attestatur de Sortilegijs. q. 7. nu. 9. Ex eadem causa Dæmones sacrificia expetunt. August. lib. 20. contra Faustum, cap. 21. Cui & Philosophi consentiunt. Apuleius in lib. de Deo Socratis. (quem rectius teste Augustino 8. de Ciuit. cap. 14. de Dæmone Socratis intulasset) dicit, ex Dæmonibus alios diurnis sacrificijs gaudere, alios nocturnis: esse qui lætioribus esse qui tristioribus hostijs, ritibus & cæremonijs delectentur. Porphyrius lib. 2. de abstinentia animalium, subindicat ciuitatibus interdum opus esse Dæmonibus sacra facere, ne frugibus, ne diuitijs, ne vrbi ipsi noceant.

Nam

Nam rata est, inquit, apud omnes fides, eos la-
suros genus humanum, si irascantur, propter-
ea quod negligantur, neq; cultum legitimum
nanciscantur. Sic August. d. lib. cap. 13. tribuit
Labeoni, quod numina mala cruentis victimis
placari existimauerit: & ibidem cap. 16. Ex A-
pulei Platonici sententia mores Dæmonum
depingit, qui dixit eos eisdē, quibus homines,
animi perturbationibus agitari, irritari iniu-
rijs, obsequijs donisq; placari. gaudere hono-
ribus, diuersis sacrorum ritibus oblectari, & in
eis si quid neglectum fuerit commoueri hoc
fundamento præsupposito, facili multa intel-
liguntur, quæ Dæmones expetunt à maleficijs:
vt, quod disciplina in conuentu rectē serue-
tur, quam si quis violauerit, malè ab ipso, vel
suis ministris tractatur, & irascitur. Sic Hele-
nam quandam ex pago S. Marthæ, quæ mor-
tis sententiam, & eius executionem accepit,
Anno Domini 1589. 15. Iulij, Dæmon, qui so-
Beelzebub nominabat, in faciem ita malè per-
cussit, quòd aliquot diebus ægrotauerit: ed
quòd cum primavice ad conuentum cursum-
que venisset, & multitudinem personarum
vidisset, dixerit: Domine Deus, quomodo
huc veni. Sic Annam quandam ex pago S. Me-
dardi, prope monasterium S. Matthiæ, quæ
mortis supplicium subiit. 11. Augusti Ann. Dñi
1590. per gradus deiecit, ita quod quatuor in
corpore vulnera acceperit, eò quod ci morem

M 3

gerere

gerere nolebat. Sic etiam sæpè si in aliquo offendant per alias maleficas cascædit, vt supra exemplis declaratum est.

17. Præludium. *Sicut unicuiq; homini ab ortu natiuitatis suæ, ad tutelam & custodiam, deputatus est bonus Angelus, secundum sacras literas, & sanctorum Patrum doctrinam: Ita etiam ad exercitium ac tentationem malus spiritus destinatus cuilibet, vt Doctores sentiunt.*

ANGELORVM custodiam calumniatur Calvinus in institutionib. sect. 7. cap. 14. & in cap. 18 Matth. & alibi, quem sequuntur eiusdem farinae homines: sed Catholica Ecclesia Angelorum tutelam firmiter amplectitur. Nunc probatur prima præludij pars. Psal. 90. Angelis suis mandauit de te. & Psal. 33. Immittet Angelus Domini in circuitu timentium eum, & eripiet eos. Genes. 48. Iacob dicit: Angelus, qui pascit me, & liberauit me à inuentute mea. Eccles. 5. Ne dicas coram angelo, non est prouidentia, ne fortè iratus contra sermones tuos, dissipet cuncta opera manuum tuarum. Vbi S. Hieron. Non enim in ventum dicta transeunt, sed à præsentis angelo, qui unicuique adhæret comes, statim perferuntur ad Dominum. Matth. 18. Videte ne condemnatis

vnum

unum ex his pusillis, dico enim vobis, quia
angeli eorum in cœlis semper vident faciem
patris mei. Act. 12. Puella Rhode, cùm nun-
ciaret Petrum stare ante ianuam, astantes di-
xerunt: Angelus eius est. Consentiant Docto-
res & Theologi S. Hieronym. in d. cap. Matth.
Magna, inquit, est dignitas animarum, vt vna-
quæq; habeat ab ortu natiuitatis in custodiam
sui Angelum delegatum. August. in Soliloq.
cap. 27 Chrys. hom. 60. in Matth. & hom. 3. in
Epist. ad Thessalonicens. Basil. lib. 3. contra
Eunomium, his verbis: Quod singulis homi-
nibus adsit Angelus, vt Pædagogus quidam &
Pastor ad vitam dirigendam, nemo contradi-
xerit, qui verborum Domini recordatur. An-
geli eorum in cœlis semper vident faciem Pa-
tris, &c. Inde Psalmista dicit. Castrametatur
Angelus Domini in circuitu timentium eum.
Et, Angelus, qui me eruit de iuuentute mea,
& quæcunq; talia: Hæc Basil. Origen hom. 5.
in Numer. & hom. 35. in Lucam. Gregor. Nyss.
in lib. de vita Moysis. Bernard. serm. 11. super
Psalm. Qui habitat: in verba vers. Angelis suis
mandauit de te. Hilarius, Theophyl. OEcum-
enius, & alij communiter in cap. Matth. 13.
Cassianus in collat. 8 cap. 17. S. Thom. 1. part. q.
113. S. Bonauentura cum Magistro Sententiar.
& omnibus DD. in 2. d. 11. Custodiæ angelicę
plures sunt effectus, qui à Doctoribus ex sa-
cris literis colliguntur. Tres autem generales
assignari

assignari possunt: defensio contra aduersarij violentiam, ne opprimat: Eruditio & directio contra eius astutiam in decipiendo & seducendo: Exhortatio & inductio ad bonum, ne blanditijs moueat voluntatem ad consensendum. Sunt autem multi particulares, de quibus auctoritates Scripturæ legendæ Concionatoribus apud S. Bonauenturam, Albertum & Gabrielem in d. dist. 11. & latissimè apud Franciscum Feuardentium in appendice ad libros Alphonsi Castrensis de hæresibus lib. 1. in verb. Angeli. hæres. 3. Si quis dicat. Cùm Angeli boni etiam virtute naturali præditi sint, & dono gratiæ adiuuentur, quomodo non vincunt Dæmones, & prohibent ne homines tentatione superent. Respondetur, hoc non prouenire ex defectu angelicæ custodiæ, sed ex nostra voluntate libera, quæ non acquiescit consilijs & suggestionibus angelicis. Angelorum custodia & directio non cogit hominem ad bonum, voluntati vim inferendo, sed excitando & persuadendo mouet pro natura voluntatis liberæ. Contingit etiam aliquando ex ordine diuinæ iustitiæ & prouidentię, quæ modum & ordinem Angelorum custodiæ præscribit propter demerita custoditi.

Quantum ad secundam partem præludij: quod etiam quisq; homo habeat Dæmonem exercentem designatum, tradunt S. Gregor.

loc. cit. apud Magistrum in 2. d. 11. Chrysoft.
sue auctor operis imperfecti, hom. 40. in
Matth. Lactantius lib. 2. de origine erroris ca.
15. Cassian. loc. citat. Magist. & DD. in d. d. pro-
bat Cassian. Si, inquit, consideremus illum,
qui B. Iob expetiit, apertissimè instruemur il-
lum fuisse, qui semper insidiatus ei, nunquam
eum ad peccatum potuerit incitare: & idcirco
potestatem à Domino poposcisse: velut qui
non virtute illius, sed Domini defensione,
qui illum semper protexerit, vinceretur. De
Iuda quoq; dicitur, & diabolus ster à dextris *Psalm. 109.*
eius. Ad hanc doctrinam Platonici accedunt.
Apuleius multa scripsit de Dæmone Socratis.
Ægyptiorum doctrina traditum est, ab Dæ-
monum præside Deo, pro ratione propo-
sitz vitæ, Dæmonem assignari, non ab astro,
aut Planeta: quod sensisse Porphyrius putatur
vt auctor est Iamblicus. Philosophorum va-
rias sententias de Dæmonibus cuiq; assignatis
refert Cælius Rhodiginus, lectionum anti-
quarum lib. 1. cap. 31. Hinc illud pulchrum a-
pud Plutarchum, in lib. de Romanorum for-
tuna exemplum. Cum Marcus Anthonius &
Augustus, singulari amicitia & benevolentia
iuncti, habito otio, sepè lusibus inter se diuer-
sis transmittere soliti essent, & M. Anthonius
semper victus abiret: Quidam apud eum di-
uinandi peritia clarus, audacter ita admonere
cepit. O Anthoni, quidnam tibi cum adoles-
cente

cente isto? Refuge ipsum, & vita. Tu quidem illustriores, natu item grandior, sed plurimum quoq; imperator, bella multa exantlasti, peritiarum præstantiores. At nescio, quo pacto huius ipsius Dæmonem Dæmon reformidet tuus. *Quin tu quidem fortuna ampla est ex se, sed fortunæ adulescentis subblanditur. Quod ni abieris procul, ad illum defecturum apparet. Dubium esse potest: An mutato loco, mutetur & Dæmon?* Quidam enim absurdum arbitrantur, eodem referente Cœlio, lib. d. cap. 32. quod Dæmon vnus ita in mancipium venerit, vt ne latum quidem vnguem à nobis discedat, quantumuis longinqua terrarum spacia abierimus: Qui etiam in ea sunt opinione, ex eadem radice, quod homo in vno loco sit fortunatior, quàm in alio. Quia cùm in qualibet Dæmonum decuria, plura sint dignitatis & virtutum discernicula, variatis locis variij sunt rerum euentus. Sic scèlicior & fortunatior erit in loco, qui potentiorẽ Dæmonem adeptus fuerit, infœlicior, qui inferiorem & debiliorem, vt exemplo à Plutarcho relato ostenditur. His annotatis vt propositum prosequamur: bonus Angelus, & spiritus malus circa hominis actus in custodia & exercitio sibi aduersantur. Còtrariorum enim principiorum & formarum contrarij sunt effectus & operationes. Angelus custos & tutelaris rectè agentibus adest, salutaria consilia suggerit, ad bonũ incitat,

Incitat, ne in peccatum cadat, aut si ceciderit, statim resurgat, sollicitat. Dæmon susurrando semper ad peccatum instigat, mala consilia proponit, ad malū instruit, teporem & soporem immittit, mentē exæcat, vt homo in peccatis sordescat, laborat, omnia media fallacia adhibet, donec manibus pedibusque ligatum miserum hominem teneat, & pro sua peruersa voluntate regat. Bonus Angelus dux & auctor homini existit, vt Dei noua creatura in Baptismo fiat, Deo in perpetuū, vt iustum est, suam seruitutem & cultum impendat, & addicat: Diabolo & pompæ eius abrenunciet. Dæmō proprius in hoc detestabili maleficij opere instigator est, vt homo in primis professione in Baptismo faciat abrenūciat, Deo, B. Virgini, & omnibus sanctis valedicat, sibi suam operam addicat, obedientiam præstet. Et sicut Iudith *Indib. 15.* clarissima herois, angelum itineris sui & castitatis directorem inter prophanorum barbaras atque impuras manus propugnatorē habuit: sic dæmoni cura est, vt hominem ad impurissimā libidinē inducat. Deinde quemadmodū Angelus Abacuc Prophetam in Babylonē tulit, vt prædium Danieli in lacu leonum traderet, & iterum in Iudeam expedito negotio cōfestim reportauit, & in locum suum restituit: Ita dæmon suum maleficum ad conuentū defert, & peracta tragedia magica, reportat ad locum in quo suscepit. Imò etiā sicut Angelus B. Petrum,

28.12

Daniel. 14.

Petrum, percusso latere eius excitauit è somno: Ita Dæmon malefici etiam suum clientem è somno excitat, vt multorum confessionibus didicimus, vt congregationem & cursum adeat, quando præscripto tempore conueniendum. Vbi & hoc occurrit notandum. Sicut Abacuc, qui nec Babylonem viderat & lacum nesciebat, vt Scriptura attestatur, à bono angelo ad locum longè situm & ignotum deferrebat. Ita malefici à suis Martinetis, aut Martinellis vt aliqui vocant, nostri autem vt plurimum Amasios appellant, aliquando deducuntur ad loca ignota, & multum remota, cum tamen putent, quod sint profecturi ad conuentum vicinum. Martinetus enim non eorum voluntati obsequitur, sed suæ nequitiae, aut sui præsidis imperio, studet satisfacere. In conuentibus enim non rarò vnus superior Dæmon toti multitudini præsidet, cuius præscripto omnia diriguntur: Sicut etiam in Polytica Republica, multi sunt ministri, consiliarij, rectores & executores, quibus vnus supremus præsidet, & cuncta moderatur & dirigit: Atq; hoc etiam satis conuenit eis, quæ sacrè literè de honorum angelorum custodia & præsidentia tradunt. Daniel meminit Angeli Græcorum, Persarum, & Michaelis patroni filiorum Israel: Moyse angeli castrorum, Ioannes in Apocalypsi, Angeli Ephesi, & Smyrnæ. &c. Sicut ergo vni prouinciæ, exercitui,

aut

ant Ecclesiæ præest vnus Angelus bonus, licet
singuli suos habeant tutelares: Sic etiam vnus
Dæmon præsidet alicui congregationi malefi-
corum & Martinetorum. Hinc qui de naturis,
differentijs, officijs & præsentia Dæmonum
scribunt, tradunt Dæmonem nomine Bathyn
ducem magnum & fortem cursu velocissimo
homines transferre de regione in regionem,
cui subsunt triginta legiones. Idem opus tri-
buunt alteri Principi, cui nomen Gaap, vel
Tap, cuius imperio etiam multæ legiones in
obsequio sunt. Sed Dæmonum nomina & di-
stincta officia, & numerum subiectorum ne-
mo scire potest, nisi ab ipsis didicerit, secundū
doctrinam Augustini, li. xi. de Ciuit. Dei, cap.
6. Neq; enim, inquit, potest, nisi primū ipsi
docentibus, disci, quid quisq; eorum appetat,
quid exhorreat, quo inuitetur numine, vel
cogatur.

Hæc de Præludijs. Nunc prior quæ-
stionis pars per Conclusiones resol-
uitur.

1. Conclusio. *Malefici, Magi, di-*
uinatores, vel quicunque alij, pactum cum
Dæmonibus habentes, nulla vera possunt fa-
cere miracula.

N

PRO-

Magi, Ma-
lefici, nulla
vera f. esse
miracula,
sed tantum
mirabilia.

PROBATVR Conclusio, quia facere miracula vera, est argumentum diuinitatis, & arguit infinitam potentiam: ergò soli competit Deo, iuxta illud Psalmi. Qui facit mirabilia magna solus. Deinde, facere miracula, excedit ordinem totius naturæ creatæ, ergò non est in potestate Dæmonis. Hanc Conclusionem probant S. Thom. 1. part. q. 110. art. 4. & q. 114. art. 4. Alexan. Halen. 2. part. q. 45. S. Bonauent. & alij Doctores in 2. sent. d. 7. & habetur in 26. q. 5. cap. Nec mirum, ex August.

Dictum in Conclusionē, (vera miracula) Quia Dæmones etiam possunt facere mirabilia, quæ homines mirantur, quia eorum facultatem & cognitionem superant. Sic Magi Pharaonis veros serpentes & ranas fecerunt per virtutem Dæmonis, vt attestatur August. lib. 20. de Ciuit. cap. 28. non tamen rationem veri miraculi attigerunt, cū fecerint per applicationem actiuorum naturalium ad talem effectum. Ad maiorem Conclusionis lucem aduertendum ex doctrina S. Thomæ 1. part. q. 110. artic. 4. ad 2. quod miracula simpliciter loquendo, dicuntur, quando aliqua sunt præter ordinem totius naturæ creatæ. Et quia non omnis virtus naturæ creatæ, est nobis nota, idèd cū fit aliquid præter ordinem naturæ creatæ nobis non notæ per virtutem creatam nobis ignotam, est miraculum quo ad nos: Quia eius causam non cognoscimus, licet

licet sit sub ordine naturæ creatæ & limitatæ:
Sic quando Dæmones aliquid faciunt sua
virtute naturali, quæ maxima in ipsis est, &
maior, quàm vt à nobis comprehendatur, mi-
raculum nō est simpliciter, sed quo ad nos. Ig-
nari sepè multa admirantur, cū causam non
cognoscant, quæ docti causarum concursus
& coniunctionem perspicientes pro commu-
nibus habent. Ex hac radice nota est illa distin-
ctio Magiæ, quæ diuiditur in eam, quæ sit mi-
nisterio substantiæ separatæ, quā omnes Chri-
stiani semper damnarunt, & in aliam natura-
lem, quæ quædam pars est Philosophiæ natura-
lis abditæ & secretioris, docens res summa ad-
miratione dignas efficere ex applicatione mu-
tua agentium & patientium naturalium. Hanc
distinctionem amplectuntur D. Hieron. in
ca. 2. Danielis super illis verbis. Præcipit rex vt
conuocarentur Harioli & magi & malefici,
& c. Iustin. Martyr in lib. qq. à gentibus propo-
sitarum q. 24. & 26. Victoria in Relectione de
arte Magica, num. 7. & alij alibi. Quæ ratione
nomen Magiæ absolute non significat artem
illam magicam, quæ Dæmonum auxilio &
scientia vititur: sed artem & facultatem facien-
di opera occulta & mirabilia, non solum ex-
tra solitum rerum cursum, sed supra homi-
num communem opinionem & captum. In-
sunt enim rebus naturalibus mirabiles virtu-
tes, quas non omnes homines, sed iij tantum qui

longo tempore, & mira experientia abditas rerum causas perscrutati sunt, cognoscunt. Huius Philosophiæ secretioris Chaldæi fuerunt studiosissimi, cuius terminis cum non essent contenti, sed ex curiositate plus cepissent sapere, quam oportet, spirituum inspiratione tracti, inciderunt cum primis in damnatas artes Magicas. Quare cum Francisco Victoria sic rectè Magia poterit definiri, quod sit effectrix & operatrix multorum operum & effectuum quorum ratio compræhendi & intelligi mente non potest. Quod sic intelligendum, non quod eorum ratio simpliciter non possit intelligi, sed quod, nisi ab illis, qui summam nauârunt operam in rimandis secretioribus rerum causis, & si hæc Philosophiæ pars, more aliarum vulgaris fieret in scholis, & communis multis redderetur, nomen Magiæ amitteret, & Physiæ, naturaliq; scientiæ ascriberetur. Huiusmodi naturalia exempla ponit Augustinus lib. 21. de Ciuit. cap. 4. Salamandra in ignibus uiuit. Quidam Siciliæ montes semper flammis æstuant, non tamen consumuntur, sed integri perseverant. Et de magnete refert, quod quando iuxta eum ponitur adamas, non rapit ferrum, & si iam rapuerit, & ei appropinquauerit, mox remittit. Sic nautæ mare nauigantes in Indiam, referunt, maritimas cautes magneticas in quibusdam locis esse, quæ medio cursu nauigia, si quid in eis ferri sit, vel clauus vnus, fistant,

sistant, detineant, & attrahant. Quare qui illac sunt præternavigaturi, postes nauium ligneis clauis compingunt. In cap. 5. alia exempla refert. Apud Garamantes fons fertur esse tam frigidus diebus, vt non bibatur, tam feruidus noctibus, vt non tangatur: Et in Epiro est alius fons, in quo faces, vt in cæteris, extinguuntur, sed non vt in cæteris accenduntur extinctæ. In Perside lapis nomine Solenites gignitur, cuius interior candor cum luna crescit, atq; deficit. Alia plura rerum naturalium exempla ponit S. Augustinus, quæ Ludouicus Viues ex alijs naturæ inuestigatoribus Plinio, Lucretio, Herodoto, Mela, Solino, & similibus illustrat. Multa similia exempla naturalis Magiæ ponit Guilhelmus Parisiens. in 2. parte 2. principalis de Vniuerso, cap. 21. vtpote, quod lapis Iaspis fuget serpentes. Quare aquilæ ponunt illum in nidis suis, vt per ipsum terreant, & abigant serpentes. Lapis Gagates nominatus, virginitatem perditam prodit. Vnde reductus in puluerem in potu sumi non potest à muliere corrupta. Hoc experimento in maiori Britannia probare consueuerunt, qui pueri, quæque puellæ virgines essent. Arboris, quæ agnus castus dicitur, famosissima virtus est ad conseruandam castitatem, vnde & nomen accepisse videtur. De lapide Elyroïda naturales scripserunt, ipsum posse contra colorem, cuius operationem ita impedit, vt gestantem illum videri non sinat.

de his latius Guilhelm. Aristoteles in lib. de
mirabilibus quoq; attestatur in monte Egero
herbam Charisiam reperiri, quam si mulier
portauerit, homines ad amorem pelliciet.

*Tripliciter
malefici
demonis
ope mira-
bilia fa-
ciunt.*

Dæmon autem tam mirabiles effectus cum
Magis vel maleficis triplici potissimum mo-
do operatur.

1. Vel effectus per naturam, aut artem factos
aliunde trahendo, ita ut hominibus videan-
tur in præsentia mirabiliter effecti.

2. Vel de nouo occultè faciendo, per appli-
cationem causarum naturalium actiua passi-
uis coniungendo, & accelerando actiones,
quantum natura patitur, & suæ potestatis sub-
tilitas valet.

3. Vel secundum apparentiam tantum, de-
ludendo sensus per præstigia & illusiones phā-
tasmatum. Si enim ipse Sathan potest apparere
in corpore assumpto: quare non potest for-
mas aliarum rerum effingere, & sensibus ho-
minum obijcere?

2. Conclusio. *Magi vel malefici non
possunt transmutare materiam ex una for-
ma in aliam: vel clarius, Malefici non pos-
sunt immediatè virtute Dæmonis, in rebus
naturalibus siue corporalibus aliquam im-
primere formam naturalem.*

HAEC Conclusio est contra quosdam Platonicos, qui posuerunt formas corporales deriuari à substantijs spiritualibus, per modum participationis: & quosdam alios in hac materia, de quibus in sequenti Conclusionē.

Probatur Conclusio: Dæmones non possunt: ergo nec magi, nec malefici: quia ipsi opera Diaboli adiuti operantur. Antecedentis veritatem asserunt August. lib. 3. de Trinitat. cap. 7. & 3. Thom. 1. part. q. 65. artic. 4. & q. 110. artic. 2. & q. 114. artic. 4. ad 2. & lib. 3. contra Gentil. cap. 103. Alexand. Halen. 2. part. q. 43. artic. 1. & 2. S. Bonauentura in 2. sent. dist. 7. part. 2. artic. 2. q. 1. & 2. Francisc. Victoris in Relect. de arte Magica, à num. 35. & Aristot. lib. 7. Metaphysicæ à textu 26. Vbi tradit, formas non imprimi in materiam ab aliqua substantia separata, sed reduci in actum de potentia materiæ, per actionem formæ in materia existentis, quia simile fit à simili si bñ sed quod propriè fit, est compositum, ergo fit à composito, & non à substantia separata. Vnde omnia quæ sunt in hoc mundo, fiunt à similibus causis, effectus enim virtute est in causa. Qua ratione cum omnia sint eminenter in Deo, & non in alijs creaturis spiritualibus, ipse 3. sit infinitæ potentie, potest transmutare res de forma in formam, creare, annihilare, & producere, absque vllō adminiculo alicuius causæ particularis, vt etiam fecit in

rerum omnium creatione & productione. Atque tunc suo imperio, quod nulla creatura immutare potest, virtutem & naturam naturalibus agentibus indidit, ut suos effectus producant. Vnde sicut de terra dixit: Germinet herbam virentem, & non hominem: Ita de homine: Crescite & multiplicare, ut in Genesi scriptum est. Sicut ergo terra germinat herbam virentem: ita homo hominem, & ignis ignem producit. Ex hac Conclusionem sequitur.

3. Conclusio, *Magi, vel Malefici virtute Damonis, nec se, nec alios homines verè & realiter possunt transformare in lupos, catts, vel aliam quamcunque bestiam.*

HAEC Conclusio non solum est vera secundum veram philosophiam: sed etiam fidelitatem, ita ut si quis cum pertinacia contrarium credat aut dicat, sit haereticus & infidelis. Dictum (verè & realiter) quia per illusionem & apparentiam bene fit. Conclusio est contra Ioannem Bodinum, lib. 2. de Magorum Daemonomania, cap. 6. & alios ab eo citato. Ipse enim multis exemplis probare intendit, Lycanthropiam, ut vocat, id est, transformationem hominis in lupum: nostra autem Conclusio est in contrarium; & eam tradunt August.

August. lib. 18. de Ciuit. Dei, cap. 17. & 18. vbi
expressè tenet omnia talia fieri phantastice
& per præstigias; & sic soluit fabulas illas ex
Varrone & poetis de socijs Vlyssis mutatis in
bestias, & à Circe & Areadibus in lupos con-
uersis. Chrysost. hom. 29. in Matth. tom. 4. S.
Thomasi par. q. 114. art. 4. ad 2. S. Bonauent. lo-
cò citat. Franciscus Viçtoria in Releçt. de arte
Magica propè finem. Alonsus à Castro lib. 2.
de iusta hæreticorum punitione cap. 14. Bar-
tholomæus Spineus sacri Palatij Magister, in
q. de strigibus, cap. 8. Malleus malefic. 1. par. q.
10. & alibi. Iosephus Angles in floribus Theo-
logicarum quæst. ad Sixtum V. 1. part. in 2. sen-
tent. in q. vnica de arte Magica, diffie. 9. Ioan. à
Turrecremata in 26. q. 5. cap. Episcopi. Vlricus
Molitor in dialogis de Pythonicis mulieribus
ad Sigismundum Archiducem Austriæ, cap.
10. determinatione 3. quare malè eum Bodi-
nus pro se allegat. Lambertus Danæus in Dia-
log. de sortarijs, ca. 3. Paulus Grillandus Iu-
risconsultus in lib. de diuersis criminibus lib.
2. de sortilegijs, q. 7. cuius opera sunt in volu-
mine 4. Oceani Iuris. Ethæc veritas expressè
definitur in d. cap. Episcopi: his verbis. Quis-
quis credit posse fieri aliquam creaturam, aut
in melius, aut in deterius commutari, aut trās-
formari in aliam speciem, vel in aliam simili-
tudinem, nisi ab ipso creatore, qui omnia fecit
& per quem omnia facta sunt: procul dubio

infidelis est, & pagano deterior: & ibidem in cap. Nec mirum, ex Augustino de Ciuitat. Et probatur euidenti ratione. Si homo potest transmutari in cattum, lupum, aut aliam bestiam; aut mutatur, secundum corpus vel animam, aut secundum vtrumq;. Si primum: ergo talis homo moritur, quia mors nihil aliud est, quàm separatio animæ à corpore. Si moritur: ergo non potest operatione Dæmonis coniungi iterum anima cum corpore, hoc enim est opus diuinę potentiæ: Dominus enim mortificat & viuificat. Si secundum dicatur, ita vt fiat transmutatio totius in totum: ergo homo desinit esse, quando incipit esse bestia, quia generatio vnius, est corruptio alterius: ergo de nouo creatur homo, quando bestia redit ad naturam hominis, nec est idem numero homo, qui erat prius: & alia sequuntur falsa contra veritatem & fidem.

Quod ergo de hominum in lupos, aut alias bestias conuersione refertur, nihil veritatis habet, & omninò ridiculum est, quod scribit de se Lucianus in dialogo de asino, nimirum quod cum in Thessalia discendæ Magiæ causa versaretur, mutatus fuerit in asinum, cum fieri optasset auis. Non enim hoc dixit, quia ita verè putaret, sed quia talibus argumentis delectabatur. Simile est quod Apuleius in lib. de asino aureo narrat sibi accidisse, quod veneno accepto, humano animo permanente, Asinus
 f. rer.

feret. Sic Ouid. lib. 1. Metamorph. Lycanem
Arcadis regem, à lupo in lupum ob sua scelera
mutatum finxit. vbi sic loquitur.

Colligit arabum sordaq; cupidine cadu.

Vritur in pecudes, & nunc quoq; sanguine gaudet.

Fuit Lupus, &c.

Sic etiam Vergil. Eglog. 8. Merim venefi-
ciji & herbi se potuisse in lupum transforma-
re canit. Multa ex historijs de his adest Bodi-
nus, sed a Catholica veritate non est idcò rece-
dendum. Plinius suo tempore etiam refert has
fabulas fuisse in opinione quorundam lib. 8.
naturalis histor. cap. 22. vbi ait. Homines in lu-
pos verti: rursusq; restitui sibi, falsum esse cõ-
fidenter existimare debemus: aut credere om-
nia, quæ fabulosa tot seculis comperimus. Vn-
de tamen ista vulgò infixata sit fama in tantũ vt
in maledictis versipelles habeant, indicabitur.
Euantes inter auctores Græciæ nõ spretus tra-
dit, Arcades scribere, ex gente Antæi cuiusdam
sorte familia electum ad stagnum quoddam
regionis eius duci: vestituq; in quercu suspen-
so tranare, atq; abire in deserta, transfigurariq;
in lupum, & cum cæteris eiusdem generis con-
gregari per annos nouem. Quo in tempore, si
homine abstinerit, reuerti ad idem stagnũ, &
cũ tranauerit, effigiẽ recipere, ad pristinum
statũ, addito nouem annorum senio. Mirum
est,

est, inquit Plinius, quò processit Græca credulitas. Nullum tam impudens mendacium est, vt teste careat. Itaq; Copas qui Olympionica scripsit, narrat Demarchum Parrhasium in sacrificio, quod Arcades Ioui Lycæo humana etiam cum hostia faciebant, immolati pueri exta gustasse, & in lupum se conuertisse. Meminit etiam huius narrationis S. August. li. d. c. 17. & ca. 18 suam sententiam rectè profert de hac mutatione, quæ cùm multum faciat ad instructionem pro fidei veritate, placet eius verba paucis ascribere. Sic incipit ca. 18. enumeratis in ca. 17. incredibilibus hominum commutationibus ex Varrone. Sed de ista tanta ludificatione Dæmonum, nos quid dicamus, qui hæc legent, fortassis & expectant, quid Christiani agere debeant, quando inter idola gentiū miracula fieri asseruntur. Et quid dicimus, nisi de medio Babylonis esse fugiendū? Quod præceptum propheticum ita spiritualiter intelligitur, vt de huius seculi ciuitate, quæ profectò & angelorum & hominum societas impiorum est, fidèi passibus, quæ per dilectionē operatur, in Deum viuum proficiendo fugiamus. Quanto quippe in hæc imapotestatem Dæmonum maiorem videmus, tantò tenacius mediatori est inhærendum, per quem de imis ad summa conscendimus. Si enim dixerimus ea non esse credenda, non desunt etiam nunc, qui eiusmodi quædam, vel certissima audisse,

vel

vel etiam expertos se esse assenerent. Nam & nos cum essemus in Italia, audiebamus talia de quadam regione partium, vbi stabularias mulieres imbutas his malis artibus, in caseo dare solere dicebant, quibus vellent, seu possent vatoribus, vnde in iumenta ilicò verterentur, & necessaria quæq; portarent, postq; perfuncta opera iterum ad se redirent, nec tamen in eis mentem fieri bestialem, sed rationalem humanamq; seruari. Sicut Apuleius in libris, quos Asini aurei titulo inscripsit, sibi ipsi accidisse, vt accepto veneno, humano animo permanēte, asinus fieret, aut iudicauit, aut finxit. Hæc vel falsa sunt, vel tam inusitata, vt merito non credantur. Firmissimè tamē credendum est, omnipotentem Deum omnia posse facere, quæ voluerit, siue iudicando, siue præstando, nec Dæmones aliquid operari secundum naturæ suæ potentiam, quia & ipsa angelica creatura est, licet proprio sit vitio maligna, nisi quod ille permiserit, cuius iudicia occulta sunt multa, iniusta nulla. Nec sanè Dæmones naturas creant, si aliquid tale faciunt, de qualibus factis ista vertitur quæstio, sed specietenus quæ à vero Deo sunt creata, commutant, vt videntur esse, quod non sunt. Non ita solum animum, sed nec corpus quidem vlla ratione crediderim Dæmonum arte, vel potestate in membra vel lineamenta bestialia veraciter posse conuerti, &c. Ex his Augustini verbis clarè ostend-

ostenditur, non esse veras, sed phantasticas
 transmutationes. Ad idem fortius confirman-
 dum facit ratio naturalis alia, quam facit Al-
 phonsi. Castrensi loco citato. Nulla forma sub-
 stantialis potest alicui materie velut illius for-
 ma vniri, nisi à solo illo agente, qui possit il-
 lam producere. Agens quod non potest for-
 mam substantialem producere, nec potest et-
 iam illam materie vnire. Quoniam sic vnien-
 do videretur ipsum compositum ex materia
 & forma producere. At ineptia est maxima di-
 cere, quod aliquod agens producat aliquod
 compositum, cuius nec materiam, nec formā
 producere potest. Deus igitur, qui solus ani-
 mā hominis producere & creare potest, etiam
 solus potest illā postquam à corpore suo fuit
 separata, iterū eidem corpori vnire. Nam alias
 ille, qui animā corpori vniret, hominē illum
 fecisse diceretur quod nefas est dicere Dæmo-
 nem facere posse: Quia dicente Deo, faciamus
 hominē ad imaginē & similitudinem nostrā:
 Apertè nos docuit, ipsius hominis productio-
 nem tantam esse, vt propagatione seclusa, soli
 Deo conuenire possit. Deinde (quod etiam
 August. in dictis verbis insinuare visus est) ani-
 ma humana tāte nobilitatis est, vt non nisi cor-
 pus humanum & organicum informare pos-
 sit, vt constat. Nam si quælibet forma substan-
 tialis exigit certas dispositiones in materia,
 vt illam informare possit: Anima humana
 pro-

profectò, quæ est nobilissima forma, maiores & nobiliores etiam requirit dispositiones, ut corpus organicum & lineamētis distinctum, ut illud informet. Quod autem arte Dæmonis tale corpus organicum verum, & potentia vitam habens tanta celeritate formari queat, ut anima ei uniatur, non est credendum. De ætatem potentia non repugnat, cui omnis materia subiacet, qui etiam de non esse omnia produxit: At creaturæ vlli tribuere, hoc est Deo proprium ei adimere, & creaturæ potentiam creatoris ascribere, quod ad blasphemiam spectat.

Quod autem Bodinus magnam vim ponat in cap. 4. Danielis de Nabuchodonosore, qui ex hominibus eiectus, & scænum ut bos commedit, nihil probat, quamuis Iosephus ante Bodinum occasione istorum verborum, quæ dixit (Et figura mea reuersa est ad me) putauerit Nabuchodonosorem regem non solum in amentiam versum, sed & in bouem mutatam, ita quod exteriorem figuram amisit, indueritque bouinam. Sed Hieronymus in illud cap. Epiphanius, & communiter Doctores Catholici tenent contrarium, ut recte Dionys. Carthusianus in d. cap. attellatur, & dicunt Nabuchodonosorem non formam, sed mentem & mores amisisse. Nec textus dicit, quod in bouem mutatus fuerit, sed contrarium apertè significat his verbis, Eadem hora

sermo

sermo completus est super Nabuchodonosor, & ex hominibus eiectus est, & scœnum ut bos comedit, & rore cœli corpus eius infectum est: donec capilli eius in similitudinem aquilarum crescerent, & ungues eius quasi auium. Igitur post finem dierum ego Nabuchodonosor oculos meos ad cœlum leuaui, & sensus meus redditus est mihi, & altissimo benedixi. Ex his verbis constat Nabuchodonosorem non verè mutatum in bouem, sed septem annis in amentiam versum, scœno & herbis more bouis in locis ab hominum conuersatione remotis vixisse. Quod adfertur illud Genes. 19. & Luc. 17. de vxore Loth, quæ in pœnam peccati versa est in statuam salis, nihil ad propositum est. Quia id diuina potestate, non creata virtute factum est, Deus enim, ut suprà significatum, cùm sit omnipotēs, potest vnā substantiam in alteram transmutare. Fuit autem vxor Loth potius conuersa in statuam salis, quàm aliam substantiam, ut pœna corresponderet peccato, & ut in quo peccauerat etiam puniretur. Nam, ut refert Nicolaus Lyranus secundum Hebræos, scœmina ista vespere præcedenti noluit suo marito porrigere sal ad cōdimentum ciborum pro angelis, quoniam instar conciuuium suorum Sodomitæ affectum ad peregrinos nō habebat, idcirco in statuam salis est conuersa. Nec etiam iterum statua salis mutata est in hominem, sed mansit in sua

sua natura: Et sic Ioseph. li. i. Antiq. Iudaicarū cap. 19. testatur se eam vidisse his verbis. Vxor Lothi cū respiceret sēpē ciuitatem, & eius curam haberet, interdicante Domino, ne faceret, in statuam salis conuersa dignoscitur. Vidi siquidem eam, hactenus enim manet.

Dicit aliquis: Cū huiusmodi transmutationes verē & realiter non fiant, quomodo igitur apparent? Respondetur secundum Doctores, quod tantū secundum apparentiam sunt, & hoc potest cōtingere dupliciter: Vno modo ab interiori, potest enim dæmon mutare phantasiam hominis, & etiam sensus corporeos, vt aliud appareat obiectum, quā sit. Id quod experientia constat fieri etiam ex causis naturalibus. Nam videmus quod quandoque laborantes vehementissimis calidissimisque febribus, cadant in phrenesin, vel mentis alienationem, & dicant se esse, quod non sunt: & cū dæmon Deo permittente possit agere in corpora, nihil vetat, quō minus mediātibus causis naturalibus, varias phantasias possit inducere. Alio modo ab extrinseco, ex parte sensibilis. Potest enim circumponere cuiusque reī corporeę quācūque formam corporeā, vt in eius specie videatur: vel res etiam veras supponere. Exemplum extat in vitis patrum. Quædam iuuenula ita extitit maleficiata a quodam Iudæo, ad instantiam cuiusdam iuuenis, cuius turpitudini satisfacere nōlebat,

vt omnibus videretur equa: ducta pro remedio ad S. Marclarium, cuius sanctitatem rei veritas non potuit latere, qui mulierem esse cernebat, & sic orans detegebat illusionem: & iterum ab omnibus iuencula cognoscebatur. Dicebatur autem vir sanctus id ideo iuenculæ contigisse, quod non vacaret rebus diuinis, & Ecclesiasticis mysterijs.

Ex Conclusionem & dictis iudicium sumi potest, de mirabilibus effectibus, quos operabatur Simon Magus opere Dæmonum, de quibus Nicephorus lib. 2. histor. Ecclesiasticæ, cap. 27. Canem exire, & S. Petrum Apostolum humana voce ad se vocare iubebat. Vt statux mouerentur curabat, & in ædibus vasa atque instrumenta domestica se sponte propria hinc inde transferebant, & ipse flammis circumdatus non urebatur. Ferebatur quoque volans in aëre. Ex lapidibus, furo hominibus obiecto, panes faciebat. Draconis quoque formam induebat, & in varias animantium species mutabatur, duplici facie indutus conspiciebatur, (& paucis interiectis) Nec ipse modò ad quam vellet transformabatur speciem, verum etiam alios, quos voluisset, in variorum animantium formas mutabat, &c. Hac Nicephorus.

Magi possunt ope demonum im

4. Conclus. *Magi & malefici possunt potestate Dæmonum facere ranas, serpentes,*

pentes, Ciniphes, limaces, & similia animalia imperfecta, quae secundum philosophiam generantur ex putrefactione.

SCIENTIA docent August. lib. 3. de Trinit. cap. 7. & 9. S. Thomas 1. part. q. 114. artic. 4. ad 2. S. Bonavent. in 2. d. 7. loc. citat. Alexand. Halens. 2. par. q. 43. membro 2. & Magister sentent. in 2. dist. 7. prope finem. Et constat quod Mago Pharaonis ranas serpentesque fecerunt. Vbi autem ad Ciniphes ventum est, defecerunt, & discesserunt. Ugitur Deus hic. Aderat dominatio (inquit August.) prohibentis per spiritum sanctum. Idem patet ratione: Quae generantur ex putrefactione, quallantur huiusmodi imperfecta animalia, facilius generantur, & quasi à casu, ut docet Aristoteles lib. 7. Metaphys. tex 23. & ex causis moralibus: erga Demones per applicationem stellarum naturalium, citius & celerius potentia suae virtutis possunt disponere ad formae ultimae inductionem: & hoc vult August. loc. citat. cap. 7. quando dicit: Sicut non parentes dicimus creatores hominum, quia angelos fructum, quamvis eorum extrinsecus adhibitis motibus ad illa creanda Deus virtus interior operatur: Ita non solum malos, sed nec bonos angelos fas est putare creatores, sed praesubtilitate sui sensus & corporis, semina ista rerum nobis occultiora no-

uerunt, & ea per congruas contemperationes clementorum latenter sparserunt. Atque ita gignendarum rerum, atq; accelerandarum incrementorum præbuerunt occasionem. Atq; in hac auctoritate, vt rectè notât quidam Doctores, creationem intelligit Augustinus primæ formæ introductionem. Hoc iam aduertendum, hanc conclusionem duabus præcedentibus non repugnare: quia hac intelligitur, non quod malefici vel magi, virtute diabolica imprimant formam in materiam, sed tantum dispositiuè, mediantibus agentibus naturalibus, concurrant.

Dæmones

cum malefici

5. Conclus. Malefici vel malefica rem

is venerem veneream habent cum Dæmone.

re experient.

PROBATVR ex August. lib. 5. de Ciuit. Dei cap. 23. & probata experientia, qua & hoc infœlici tempore satis superq; probari potest. Creberrima, ait, fama est, multiq; se expertos, vel ab eis qui expertierant, de quorum fide dubitandum non est, se audiuisse confirmant, Siluanos & Faunos, quos vulgus incubos vocat, improbos extitisse mulieribus, & eorum appetisse, & peregisse cōcubitum: & quosdam Dæmones, quos Dufios Galli nuncupant, assidue hanc immunditiam & tentare & efficere, vt hoc negare impudentiæ videatur. August. sequuntur communiter Doctores. Isidorus lib. 8.

lib. 8. cap. ult. S. Thom in 2. sent. dist. 8. & 1. par.
 q. 51. art. 3. ad 6. S. Bonauent. in d. 8. 2. sent. art. 3.
 q. 1. Dionys. Carthus libidem q. 2. Guilhelmus
 Parisiens. in vltima parte de vniuerso cap. 23.
 Martinus Arles in tract. de superstitionib. Scotus
 in 2. d. 8. q. vnica. Gabr. ibid. q. 1. conclus. 2.
 Alphons. Castrens. lib. 1. de iusta hæret. punit.
 cap. 16. Doctores mallei maleficarum 1. par. q.
 3. Innocentius VIII. Papa in Bulla preposita
 malleo maleficarum, quæ nunc est reducta in
 7. Decretalium, in titulum de maleficis & incantatoribus.
 Cardinal. Caietan. in 2. 2. S. Thomæ, q. 95. art. 3.
 Barth. Spineus in tract. de Strigibus. cap. 6.
 Barth. Medina in 1. 2 S. Thomæ q. 72. art. 2.
 Ioannes Nider in Fornicatio: Vlricus Molitor,
 in Dialogo habito cum Sigisfrundo Archiduce
 Austriæ. cap. 5 & 6 Paulus Grillan. lib. 2. de
 Sorcileg. q. 7 num 13. Ioannes Bodin. lib. 2. cap. 7.
 Thomas Erasmus doct. in Dialogo de Strigibus
 non longè à fine, ac alij alibi: hæc est indubitata
 veritas, quam non solum experientia certissima
 comprobatur, sed etiam antiquitas confirmatur,
 quicquid quidam medici & Iurisperiti opinentur.
 Hæc generatio neac vlllo fundamento. Ioan. Fichardus
 in consilio 10. dicit esse incredibile, merè præstigio-
 sum, & somnium: mulierum cum dæmone ve-
 nereum congressum, etiam si inquisitores hæ-
 reticæ prauitatis & alij Papæ cui adherentes sta-
 billant, ac etiam rationi, & naturali intellectui

repugnare. Sed frustra dicitur quod non probatur. Si antiquitatem spectes Catholicorum, sententia auctoritatem & experientiam habet. Nam Augustinus, Guilielmus Paris. D. Thomas & alij suis temporibus experientia hanc veritatem compertam attestantur. Si auctoritatem, communis est Theologorum sententia, qui non solum doctissimi in Philosophia, sed etiam in Theologia & omni genere disciplinarum extiterunt, vteorum monumenta relicta omnibus demonstrant: Si nostrorum temporum testes requiruntur non solum edentulæ vetulæ, nec deliræ mulierēs, sed adolescentes, iuvenes, & viri docti in iure & sacris literis homines vtriusq; sexus & status, qui ob ingenij, & donorum naturalium ac acquisitorum præstantiam publicis functionibus præfuerunt, attestantur se expertos hanc turpitudinem, ita vt negare impudentiæ videatur, vt August. rectè ait. Atq; aduocati maleficorū, ne cogantur hoc præsupposito concessio, concedere eos morte mulcandos, etiam si homines aut iumenta veneno non interfecerint, somniant somnia esse, quod docti & indocti verissimum fatentur, & volunt vigilantes facere dormitatioes contra eorum propriam voluntatem vigilatē rationem, & acutam sensuum functionem: Plusquam mille annis pertemporum successiones homines experiētia compertissimum habuerunt, & nunc aduocati Regni

gni Sathanz summi esse somniant, quæ vigi-
lantes in vigiliæ arcent, & tinniente & cor-
pore verè conuenerunt. Et cetero vt rectè Tho-
mas Grassus docet, singulæ singulos habet suos
Amicos ornata, aspectu, nomine distinctos,
& statim, aut saltem citò a contrariis societate,
aut pactione congregari solent, sicut ubiq; vni-
uersæ, vbiq; captæ fuerint, magno sem-
per consensu assensurunt. Quod nos nunc nō
solum ad scēminas, sed etiā ad viros, quoru
hoc deplorato seculo sitis magnus numerus
hæc scētam detestabilem sequitur, referimus.
Et quoniam fortasse multi ex illis an aliquid
impossibile contra rerum naturam & caprei-
tatem humani intellectus dici in hac Theolo-
gorum doctrina sarius & distinctius tam pla-
cet hoc loco in gratiam ignorantium decla-
rare.

In primis nemo tantæ sit ignorantie
quod in Dæmonibus putet esse distinctionem
secundum, quod aliis sit mas, aliis scēmina. Dis-
tinctio sexus non habet locum in substan-
tiis a materia separatis. Fuit enim aliēnatio
quorundam error dicentium inter Dæmo-
nes esse sexum scēmineum & masculinum ge-
nus sicut inter homines, & posse filios & filias
generare. Hinc gentiles Deos & Dæas adorabāt,
& Postea de nuptijs & coniugijs Deorum men-
tionem fecerunt. Sed rectius Marcus quidam
qui longo tempore Dæmonum cultui operam

dederat apud Michaëlem Pfellum de natura Dæmonum docuit has maris & fœminæ differentias non inesse Dæmonibus, sed apparere, nullamq; formam in eis stabilem permanere. Sic vt experientia cognoscimus viris apparent in maleficorum exercitio sub forma fœminæ: Mulieri autem sub specie viri.

Deinde sciendum, quod aliqui ex Patribus videntur sentire, quod gigantes qui diluuium præcesserūt, fuerint nati ex angelorum & mulierum concubitu, cui sententiæ fauent Iustinus martyr in Apologia ad Senatum Romanū, & in alia Apologia ad Antoninum Pium. Tertullianus in lib. de habitu mulierum. Lactant. lib. 2. de origine erroris, cap. 15. Eusebius lib. 5. de preparat. Euangel. cap. 4. Philo in l. de gigantibus. Ambros. lib. 1. de Noë & Arcâ cap. 4. hi Patres & alij videntur sentire, quod angeli cum mulieribus peccauerint, & pro his facit illud Genes. 6. Videntes filij Dei filias hominum, quod essent pulchræ, sumpserunt sibi uxores. Respondetur, S. Patres per angelos non intellexisse spirituales substantias, sed viros illustres, Dei cultus studiosos, ex sancta stirpe Seth descendentes, qui quoniam vsq; ad illud tempus in cultu vnius Dei perseuerârunt, à Scriptura vocati sunt filij Dei. Editio verò septuaginta interpretum vetustior angelos Dei appellauit. Iusti enim homines in Scriptura angelorum nomine nuncupantur. Sic de

Ioanne

Ioanne scriptum est: Ecce ego mitto angelum meum: & sacerdotes in Malachia angeli domini exercituum dicuntur, & hanc expositionem August. loco citato amplectitur. Ad eandem expositionem accedit Guilhelm. Paris. loco citato. Dionys. Carthus. in cap. 6. Genes. & in 2. d. 8. q. d. Cassian. coll. 8. c. 21. & alij nunc communiter dictam expositionem apprehendunt. Nunc ut ad resolutionem propius accedamus, cum spiritus carnem & ossa non habeat, caret etiam anima vegetatiua, & sic operationes animae eiusdem habere nequit, qui cuius non est potentia, eius etiam nec est actus: Generare autem præsupponit animam vegetatiuam & nutritiuam. Semen enim, quod medium est ad generationem, siue sperma, ut vocant, est pars substantiæ corporis viuentis, remanens et cibus optimè digesto in proxima dispositione ad sanguinem, secundum Physicos. Unde dicitur multum venerei, quando totum seculum in insatiabili libidine exhauserunt, et mittere sanguinem. Hinc sequitur, quod generare proprie non potest competere Dæmonibus, cum non habeant principium intrinsecum generationis, animam vegetatiuam nec lenitiuam. Sicut ergo Dæmones nec esuriunt nec titillant, ita nec nutriuntur, nec semen aut sperma fecerunt, nec libidine inflammentur, & consequenti gradu non generant. Quia ubi non est potentia, ibi non est actus. Nullo ergo modo

more hominum semen ex propria substantia
sumendo & lecernendo Dæmones cum mul-
teribus coire possunt. Et sic intelligendi sunt
Cassian loco citato, quando ait. Nullo modo
crendum est spirituales naturas coire cum
fœminis carnaliter posse. Chrysost. hom. 22. in
Genes. Impossibile esse, vt improbi angeli
cum fœminis coitum exerceant. Et Philastet
Episcopus Brixientis in lib. aduersus hæreses,
ca. 108. Et in hoc articulo meritò consentiunt
Theologi cum omnibus, qui dicunt impossi-
bilem esse coitum Dæmonum cum mulieri-
bus. Et hac annotata doctrina ruunt omnia
argumenta, quæ facit Ioan. Vierus in lib. de
Lamijs, cap. 13. & lib. 3. de præstigijs Dæmon.
cap. 21. Confirmant enim ea, quæ iam dixi-
mus. Sed quæuis propriè generare non pos-
sit Dæmon, generationem tamen procurare e-
ius naturæ non repugnat, & in hoc Catholico-
rum Theologorum sententia videtur à medi-
cis & quibusdam Iurisperitis Theologicis igna-
ris discordare. Quando autem Dæmonem
fœmina in forma viri rem veneream habet,
aut semen viri succumbendo recipit, aut pro-
curando alicujus pollutionem colligit, & fœ-
minæ incumbendo infundit: aut frequenter
aliud humorem ad illum actum accommodat,
vt videatur sperma emittere. Et hoc postremum
communiter accidit, quando Dæmon cum
maleficis & sagis rem habet. Nam consuetur
ferè

ferè omnes, quod semen sit fluidum. Quia cū non excidatur à corpore vltio femi tuo, calor naturalis nullus concomitatur. Non tamen negandum absolute, quod non possit fieri, qui, Dæmonē procurante, & Deo permittente, generatio in muliere: cū à multis viris in Philosophia & Theologia doctissimis cōtrarium dicatur, & quod multis eisq; sapiētibus & doctis videtur, non potest omninò esse falsum, iuxta doctrinam Aristotelis in 7. Phyc. & in fine de somno & vigilia. Atq; vthac Theologia simul & Philosophia intelligatur, aduertendum ex S. Bonauert. in 2. d. 8. artic. 3. q. 1. & alijs alibi, quod in actu generationis hæc concurrunt, Seminis constitutio secundum nervos & virtutes, Calor naturalis tali specialiter competens, Seminis sic perfecti transfusio, & suscepcio. Primum conuenit ei soli, cui Deus dedit vim vegetatiuam & propagatiuam: & sic nullo modo competit Dæmonibus corpus illuminibus Semen autem suscipere & transundere non repugnat Dæmoni in corpore assumpto. Quia potest assumere corpus palpabile & solidum, ita vt videatur quali humanum, ac habeat figuram & instrumenta apta ad recipiendum & deferendum sem. n. ad generandum, atq; etiam illud valet mouere, prout cōuenit tali actui, vt semen à muliere in loco deputato ad generationem recipiatur. Recipit autem semen, vt antea dictum, succubando viris,

viris, aut procurando pollutionem, & colligendo semen, demum transfundit incumbendo mulieri. Et cùm, vt optimè Guilhelmus Parisiensis dicit, nemo dubitare possit huiusmodi spiritus super omnes medicos & Physicos nosse naturam tam virilis quàm muliebriis feminis, illud nouit sua sagacitate, & acceleratione in sua virtute & temperatura conseruare, vt sit aptum ad generandum. Quando autè in tali casu sequeretur generatio, natus filius non esset filius Dæmonis, sed illius hominis, à quo semen secretum & collectum est, vt DD. attestantur.

Non enim necesse est, quod omne quod procurat generationem, verè Pater nomenetur. Atq; hinc etiam cõstat quod sic generatus non sit similis Dæmoni, sed ei, à quo semen excisum est: Quia verè generans generat sibi simile, & speciem propagat. VVierus d. cap. 3. dicit S. Thomam nugari, quando tradit Dæmonem calorem naturalem posse conseruare: sed ipse verè cæcutiens est, quod sua medicina & physica Dæmonis potestatem & scientiam velit metiri. Non enim solùm S. Thomas sic docuit: Sed etiam S. Bonauent. Scot. Gabriel. Richard. Guilhelm. Parisiens. Medina, & tota schola Theologorum in eandem abierunt sententiam. Philosophi & physici fuerunt, & tamen nihil híc, quod Philosophiæ repugnaret, inuenerunt. Theologi peritissimi extiterunt, & hoc

& hoc Dæmonum subtilitati & potentiz congruum intellexerunt, nec in tali Theologia est quod reprehendi à Philosopho aut Theologo possit.

DVBIVM HIC MO-
ueri potest.

*Cum nihil afficiatur nisi ad id quod
sua natura conueniens & congruum est,
quomodo spiritus qui carnem & ossa non ha-
bet, delectatur peccato carnali, & appetit
coire cum feminis?*

HVRVS dubij difficultatem augere potest
si uel libido & carnalis delectatio est in
Dæmonibus, possent huiusmodi libidinem
facilius explere inter seipsos, & maiori cum
voluptate, cum facili sit eis virorum & mulie-
rum speciosissimas formas assumere & eslin-
gere, & coniunctio huiusmodi adinuicem
magis esset naturalis, quàm cum uiris aut mu-
lieribus propter naturæ similitudinē, ideoq;
maior esset voluptas. Hæc difficultas quæritur
quomodo in Dæmonibus sit peccatum carna-
le. In primis, sicut in Dæmonibus quantum ad
reatum omnia sunt peccata, ita & peccatum
carnis. Quia homines ad omnia peccata perpe-
tranda inducunt & instigant, ut nemini du-
bium

bium est, maxime autem ad peccatum carnis, vt ex sequentibus patebit. Deinde vt ad dubium respondeamus, in Dæmonibus peccatum carnis non potest esse secundum affectum. Nam illa peccata tantum sunt in Dæmonibus, ad quæ spiritualis creatura afficitur, vt nunc probatum est; sed spiritualis creatura non afficitur ad ea, quæ sunt carnis & corporis cum simile delectetur simili. Delectantur autem admodum libidinum & voluptatum turpinum fordibus, vt tradunt Cassianus loc. cit. & S. August. in lib. 4. de Ciuitate Dei, cap. 27. quod contingit, non quod ipsi afficiantur carnali turpitudine, sed ex inuidia, qua genus humanum prosequuntur, eique inuident felicitatem, quam ipsi perdididerunt. Peccata autem præstant impedimentum, ne homo finem suum vltimum, videlicet beatitudinem consequatur: præciue tamen fornicatione suo non carnali & idololatria delectantur, secundum Glossam Leuitici 18. super illa verbum. Ne polluamini in omnibus his, quibus contaminatae sunt gentes, &c. Quia in his & corpus & anima maculatur, & totus homo. Omne enim peccatum, quodcumque fecerit homo, extra corpus est. Qui autem fornicatur, in corpus proprium peccat. 1. Corinth. 6. Aliam rationem adiungere possumus peccata carnalia, & turpes voluptates cum carne hoste animæ exerceantur, diutius hærent,

rent, & exercitio magis trahunt. Sicut enim per opera virtutis & pietatis frequentata homo efficitur pius & spiritualis: Ita per carnis actibus voluptatis facta continuata totus redditur carnalis, & ita non facillè relinquit hoc peccatum, & quò diutius perseverat, eò magis se implicat, & vehementis libidinis vinculis fortius stringit. Quod inimico, qui semper quærit, quem deuoret, optimè constat.

Dubitare quispiam etiam hic possit.

Quod non videantur mulieres, aut viri commercium cum Dæmone habentes, aliquam voluptatem, aut delectationem in tam scædo actu percipere, ideoq; eum non expetere. Cum Dæmon ytpote corpore & carnis substantia carens non seminâdo possit concurrere ad coitum. Ante omnia certissimum est Dæmonem posse inflammare carnem ad libidinē vt homo quasi amore ardeat. Halitus enim eius ardere facit prunas, vt Iob ait. Hinc & spiritus fornicationis quidam dicitur, Osee 4. Spiritus fornicationis decipit eos. Sic legimus apud S. Gregorium lib. 2. Dialog. cap. 2. in vita S. Benedicti, quod viro sancto soli existenti apparuit tentator. Nam nigra paruaque alus, quæ vulgò merula nominatur, circa eius faciem volitare cœpit, eiusq; vultui importuna insistere, ita vt manu capi possit, si sanctus vir

vir capere voluisset, sed signo crucis facto, re-
eculitauis. Tanta autem carnis tentatio, aui ea-
dem recedente secuta est, quantam vir sanctus
nunquam fuerat expertus. Quandam namq;
aliquando scēminam viderat, quam malignus
spiritus ante eius mentis oculos reduxit: tan-
toq; lenē serui Dei animum in specie illius ac-
cendit, vt dum in eius pectore amoris flamma
vim caperet, etiam penē deserere eremum vo-
luptate victus, deliberaret.

Tunc subitō superna gratia respectus, ad
semetipsum reuersus est: Atq; vrticarum & ve-
prium iuxtā densā succrescere fruteta conspi-
ciens, exutus indumento nudum se in spina-
rū aculeos, & vrticas proiecit, ibiq; diu volu-
tatus, donec corporis vulnera animæ vultus
curarent. Cumq; pēnaliter bene foris arderet,
extinxit quod intus illicitē ardebat. Si autem
Dæmon tanta facilitate potuit ignem libidi-
nis incendere in viro sancto, qui vitam in om-
ni austeritate, continentia, & munditia in soli-
tudine agebat: Quid faciet in suo pecore, cui
semper insidet & assistit, quodq; tam scēdissi-
mo actu sēpius libidinis æstus inflamat? Si-
mile refert Vincentius in speculo historiali, ex
vita Basilij Magni, cuius tempore diues qui-
dam vnicam habebat filiam, quam consecrare
Deo statuerat: Quam seruus diuitis in coniug-
em desiderans, & habere non valens, adiū-
maleficum, qui Dæmonem inuocauit, & fū-
nicatio-

nicationis spiritum mitti obtinuit ad filiam, quam accendit adeò libidine, vt in terram volutata clamaret, se propter seruum torqueri, & pro liberatione sui seruo in coniugium tradidà patre peteret. Magna sanè est Dæmonis subtilitas, & in carnem occulta operatio, quare mouere potest carnem ad tiillationem, vt pruriat, ac concitare spiritus & sperma ad libidinis fomenta. Tamen hoc naturalis ratio dicat, quod vir maiorem delectationem experiatur coeundo cum succubo, quàm mulier cum incubo. Quoniam maior est abundantia seminis & naturalis vigoris in eo: & cum semen cum concupiscentia & delectatione resoluitur, vbi plus est de semine, ibi maior resolutio, & ex consequenti intensior libidinis ardor. Non tamen negandum est sceminam etiam ex eadem causa sentire in tam scædo actu delectationem: quia licet semen mulieris imperfectum sit, propter imperfectionem virtutis scemineæ, naturalemq; sexus debilitatem, maximè cum etiam sanguis menstruus seminis quantitatem diminuat, tamè cum quadam concupiscentia etiam resoluitur, vt rectè tradit S. Thomas in 3. parte. q. 31. artic. 5. ad vltimum. Quod rectius intelligitur, & magis physicum est, si quorundam medicorum sententiam teneamus contra Aristotelem lib. 1. de generat. animalium, cap. 19. in fine, & li. 2. c. 4. & 5. & Auerroem 2. Colliget: cap. de iuuamen-

tis testicularum : Qui tradunt fœminam fœ-
 minando non actiuè cōcurrere ad generatio-
 nem, sed menstruum in fœmina proportiona-
 biliter respondere semini in viro. Quare re-
 fert Aristoteles mēstrua esse in fœminis, quod
 fit in maribus genitura, nec fieri posse, vt duæ
 simul secretionēs seminales agantur. Ided se-
 men fœminæ non conferre ad generationem,
 nam si semen esset, menstrua non essent. Id ta-
 men hīc notandum ex Auerroë, quod etiam
 Magnus ille Theologus, Guilielmus Parisien-
 sis exemplis & experiētijs confirmat, loco ci-
 tato, facili mē ex receptione qualicunq; semi-
 nis fœminam concipere, & attrahere semen
 virile : quod magis confirmat communem
 Theologorum sententiam, quod mulier Dæ-
 mone procurante possit generare. Addit in
 rei confirmationem Auerrois, se nouisse fœ-
 minam in vicinia cohabitantem probis mo-
 ribus, & fidei integræ, quæ iureiurando con-
 firmârit, concepisse infantem, semine ex bal-
 neo attracto, quod profudisset lasciuiens.
 Contrarium tamen, quod semen mulieris ex-
 cernatur & actiuè concurrat ad generandi ef-
 fectum, tenent Galen, li. 2. de semine siue sper-
 mate. & lib. 14. de vsu partium corporis huma-
 ni. Auicenna doctrina quinta Fen primæ pri-
 mi, & lib. 9. de animalibus cap. 3. Albertus lib.
 15. de animalibus, propè finem. In quam sen-
 tentiam, tanquam magis Phycam descendūt
 etiam

etiam Theologi. Guilhelmus Parisiensis lococitato. Scotus in 3. sentent. d. 4. latissimè Cardinal. Caietanus in 2. 2. S. Thomæ, q. 154. artic. 12. & ostendit etiam esse sententiam S. Thomæ: Franciscus Ferrariensis super cap. 11. lib. 4. S. Thomæ contra gentes, & alij alibi. Horum doctorum sententia, quam verissimam puto, est quod semen mulieris dependenter concurrat cum causalitate viri, ita ut utrumque sit necessarium ad generationem. Et profectò ut rectè Caietanus docet, multum obstat opinioni Aristotelis, quod natura posuit veneream magnam delectationem in resolutione seu emissionem seminis in muliere. Cum enim natura agat propter finem, ita quod ex finali causa optima sumatur ratio in naturalibus, consequens est, quod natura apposuerit delectationem in tali semine propter bonum speciei conseruandæ, sicut in seminatione viri. Et cum manifestè appareat, quod est delectatio non sicut in cōfricationibus & alleuinationibus naturæ, sed venerea, adeo ut sensibiliter quotet concupiscentiam veneream in mulieribus: non est consentaneum rationi, quod huiusmodi seminatio sit excrementū vteri, sed quod sit à natura ordinata ad conseruationē speciei. Delectatio enim venerea ex propria ratione ad actus generationi deseruientes spectat, & illos cōsequitur. His accedit pro confirmatione opinionis Galeni, quod ut ipse & alij tradunt,

& veritas est, quod mulieres patiantur pollutionem, & committunt peccatum mollietiei, cuius ipse contrarium existimaui, & respondi aliquando cū Theologiam in monasterio Prumiensi docerem, motus auctoritate & Philosophia Aristot. sed lecto Galeno & eius fundamento, & historijs Sanctorum, & de illusionibus mulierum, adhæsi Galeni sententiæ. Mouet etiam ad confirmationem huius doctrinæ: secundum leges & iuris peritos, in foro ciuili mortis pœna imponitur mulieribus inuicem in libidinis & veneris actum prorumpentibus, & se corrumptentibus: aut, vt quidā loquuntur, se mutuò subagitantibus, vt text. est in L. scdissimam, C. ad L. Iuliam de adult. secundum vnum sensum. Gloss. Salyc. & Godfr. ibidem, & Cynus dicit quasdam mulieres scdissima nequitia tentari, quæ libidinem suam exercent in alias mulieres, easq; insectantur vt viri. De hac mulierum libidine Nicolaus Boerius in decis. 326. num. 13. Damhauderus in rerum criminal. praxi cap. 96. num. 10. Iulius Clarus lib. 5. senten. Recept. Iuris, §. Fornicatio. num. 28. Rationes Aristotelis contra Galeni & Theologorum sententiam soluit Caietan. loco citato. Ex his ergo elicitur, non esse difficile Dæmoni, in muliere commouere libidinem & voluptatem, etiamsi ipse è sua propria substantia nullum semen secernat. Vnum hic notandum singulare ex Guilhelmo Pa-

mo Parisiens. occasione illius dicti S. Pauli 1. Corinth. II. Mulier debet velare caput suum, & propter angelos: hoc quidem intellexerunt de angelis malis, quorum libidinem opinantur vehementer prouocari ac inflammari pulchritudine muliebrium capillorum: & sic incubi magis infesti sunt mulieribus pulchros crines habentibus. Quod contingit Deo iuste permittente, propter vanitatem, pompam, complacentiamq; inanem talium mulierum: Aut enim in cultu & tinctura crinium cura nimia intedunt: aut sua pulchritudine alios in suam libidinem inflammare consueverunt: aut in eis insolenter gloriantur. Et forsitan, sit, ad terrorem diuinę bonitatis, prouidentia hanc tentationem à malignis spiritibus eas pati sinit, vt ab huiusmodi cultu desistant, timentes viros ad suam libidinem inflammare, dum ipsos Dæmones ad eam instigare & prouocare videntur.

Postremo, in maleficorum & sagarum cum Dæmone coitu, etsi possibile sit ad procurationem Dæmonis in casu sequi generationem, iuxta Theologorum sententiam, tamen communiter non fit: cum Dæmon non tam intendat generationem, quàm spurcitiam eorum: nec verum infundit semen, sed alium humorem, aut saltem semen suo calore naturali destitutum, vt confessione serè omnium, qui in Germania, Gallia & Italia, & alibi in tali cri-

mine depræhensi sunt, didicimus. De quibus multa exempla Bodinus lib. 2. cap. 7. & aliqua Grilland. & DD. Mallei maleficorum. Et apud nos omnis ætatis vtriusque sexus & status homines confitentur, se expertos hanc fœditatem cum suis circumstantijs. Et qui negat omnis ætatis & sexus in hoc fœdus recipi: etiã bis duo, quatuor facere, inficiari audebit, vt verbis Thomæ Erasti vtar. Et vt ex nostris aliqua subscribam: Ioannes Cuno prima vice, quando fidei & Deo abrenũciauit, matre verba prædicente, & celebratis nuptijs, vt vocat, rem venereã habuit cum sua Amasia, quã Capribarbam nominauit. Mater huius iuuenis, Weisenbelius Anna/primavice, adiacente proprio marito, & eo dormiente, cum suo Jædderhans actum carnalem consummauit, & experta est non semen naturale, sed frigidum, & post tres dies idem Amasius nocte redijt, & iterum fœdum actum repetijt, tunc vir adiacens excitatus interrogauit, quid rei & tumultus esset in cubiculo? Cui ipsa respondit, spectrum fuisse, & virum ad se venisse. Tunc maritus: Si scirem te ex numero talium personarum esse, nunquam mihi amplius condormires. Deinde in loco conuentus dicto Heßenroderhede/ nigram materiam, aptam ad vnctionem, mulieri dedit, quam in nomine Diaboli mariti dormientis auribus imposeret, vt profundius dormiret. Nemo miretur hoc

hoc factum in præsentia mariti: simile enim legimus in vita S. Bernardi lib. 2. cap. 6. Erat, vt narrat, in regione illa misera mulier, quæ à quodam petulante Diabolo vexabatur. Habebat autem virum tam execrabilis commercij prorsus ignarum. Abutebatur igitur ea etiam in eodē lecto, cubante marito, inuisibiliter impurissimus ille adulter, & incredibili vexabat libidine. Sex annis latuit malum, nec detexit mulier tantū crimē. Septimo verò anno cōfusa est in seipsa, & expauit, tum propter colluuiōem tam continuē turpitudinis, tum propter timorem DEI, cuius iudicio singulis momentis timebat intercipi & dānari. Confugit ad cōfessiones, peragrat ad loca sancta, sanctorum implorat suffragia, Eleemosynas largitur: quotidie, vt prius, & importunius à dæmone infestatur. Deniq; in publicū scelus effusum est. Quo audito & cognito maritus eius contuberniū execratur. Interea vir Dei S. Bernard. cum comitatu suo aduenit, cuius aduentum infelix mulier vt intellexit, accessit ad eius pedes tremebunda se prolecit, aperiens cū lachrymis horribilē passionem, & ludificationem inueteratā, & quod nihil ei omnia professissent, quæcunq; fecisset. Addidit, sibi ab oppressore aduentū eius prædictum, & minaciter interdictū, ne ante eius præsentiā veniret, quia nihil ei prodesset, & ipse recedēte Abbate, qui fuerat amator, crudelissimus fieret persecutor.

Vir Dei hæc audiens, blandis mulierem ver-
bis consolatur, & de cælo promittens auxiliũ,
præcepit vt die altera (iam enim nox instabat)
confidens in Domino reuerteretur. Reuerſa
manè, cùm viro Dei blasphemias & minas,
quas eadem nocte ab incubo suo audierat, re-
tulisset: Necures, inquit vir Dei, minas eius,
sed vade, tolle baculum hunc nostrum, & po-
ne in lectulo tuo, & si quid potest, agat. Egit
mulier quod iussum fuerat, & recubans in le-
ctulo suo, signo crucis munita, iuxta se bacu-
lum ponit. Adest ille continuò, sed nec ad cõ-
suetum opus, nec ad ipsum cubile præsumit
accedere: minatur tamen acerrimè, quod dis-
cedente viro Dei, ipse in eius supplicia reuer-
teretur. Instabat dies Dominica, & voluit vir
Dei per edictum publicum Episcopi popu-
lum in Ecclesiam conueniri. Cùm maximus
populus conuenisset, inter Missarum solem-
ne, comitantibus Carnotensi & Nannetensi
Episcopis ambonem conscendit, & vt omnes,
qui in Ecclesia erant, accensas candelas in ma-
nibus tenerent, locuturus edidit. Quod & ipse
cum Episcopis & clericis faciens, inauditos
Diaboli ausus publicè aperit, & fornicatorem
spiritum, qui in tam horrenda inquinamenta
etiam contra naturam suam exarserat, cum
omnium fidelium, qui aderant, subscriptione
anathematizat, & auctoritate Christi tam ad-
illam, quàm ad omnes mulieres deinceps in-
terdi-

terdicit accessum. Extinctis itaq; sacramentalibus illis luminibus; extincta est tota virtus diaboli, & mulieri post confessionem communicanti, nunquam postea inimicus apparuit.

Casarius etiam sui temporis exempla producit, lib. 3. seu distinct. cap. 8. Bonnæ, ait, in paræcia S. Remigij ante paucos annos sacerdos quidam fuit, Arnoldus nomine, filiam habens speciosam, quam nimis diligens, quia pulchra erat, propter iuuenes, & maxime Canonicos Bonnenses, ei custodiam tantam adhibuit, vt quoties de domo exiret, in solario domus illam clauderet. Die quadam apparatus ei Diabolus in specie viri coepit animum eius in amorem suum intus suggestione latenti, foris locutione blandienti, inclinare. Quid plura? Persuasam misera & corrupta, sæpius postea Dæmoni ad suam perniciem consensit. Vna dierum sacerdos solarium ascendens, filiam gementem flentemque inuenit: à qua causam doloris vix extorquere potuit. Confessa est patri, quod delusa esset à Dæmone, & oppressa, ideoque semeritò dolere: Quæ etiam ita dementata est, & alienata à sensu, tum ex dolore, tum ex diabolica operatione, vt vermiculos, quos de sinu colligebat, in os mitteret & masticaret. Tristis effectus pater, misit illam trans flumen Rhenum, sperans eam ex mutatione aeris aliquid posse meliorari, & ob fluminis

interpositionem ab incubo. dæmoneliberari.
 Transmissa puella, apparuit dæmon sacerdoti,
 apertis ei vocibus dicens: Male sacerdos, quare
 abstulisti mihi vxorem meam? Malo tuo hoc
 fecisti: Et mox trusit eum in pectore tam va-
 lidè, vt sanguinem vomens, tertia die more-
 retur. Huius rei est testis Abbas noster, testis
 etiam Gerardus monachus noster, aliquando
 Bonnenſis Scholaſticus, quibus res benè inno-
 tuit. Sic ille. Aliud ibidem etiam adducit cap.
 10. Prumiæ Scholaſticus quidam fuit, Ioannes
 nomine, vlr quidem literatus, sed leuis & lu-
 bricus. Iſti, ſicut de eo dicebatur, & ſicut ab
 Abbate eiusdem monaſterij audiui, fœmina
 quædam promiserat, quod tali nocte ad eū ve-
 niret. Noctē condita, illa quidē non venit, sed
 in eius specie, conſimiliq; voce diabolus cleri-
 ci lectū ascendit: quem putans fœminā bene ſi-
 bi notam, cognouit eum. Manè ſurgens, cū
 dæmonem, quem fœminā eſſe putauit, egredi
 compelleret: Reſpondit ille: Cum quo putas
 te hac nocte iacuiſſe? Cumq; ille diceret, Cum
 talī fœmina Reſpondit dæmon, nequaquam,
 sed cum diabolo. Poſtremò ſatis etiā memo-
 rabile eſt, quod longè antehos in hominū po-
 zitiā duxit Sozomen. apud Tripartitam lib.
 8. c. 1. de Apelle hēremita, & fabro ferrario, qui
 cū nocte quadam priſtinum opus exerceret,
 apparuit ei dæmon ſub vmbra, vt loquitur So-
 zomen. ſiue forma ſpecioſæ mulieris, inuitans
 eum

tum ad libidinis actum, nec non ad labefactandam vitę & corporis, quam diu coluerat, puritatem. Statim ille ferrũ quod elaborabat, ẽ fornice extrahens, in faciem eam percussit. Tunc dæmon stridens & ingemiscens, procul aufugit. Sed & in vita S. Catharinę filię B. Brigittę, apud Surium tom. 2. 22. Martij. in actis vitę, c. 16. legitur filiam quandam magnę dominę, viro orbatam, grauissimẽ infestatam à dæmone nocturno, à quo S. Catharinę saluberrimis & pijs consilijs fuit liberata.

Ex his & alijs scriptorum antiquorum monumentis constat nunc similia opera Dæmonem facere, qualia temporibus Augustini, Bernardi, Guillelmi Parisiensis, & aliorum, qui nos multo tempore præcesserunt, nec aliquid noui confiteri nostros maleficos, quod ab hoste maligno olim non fuerit factum: formam & pellem benẽ mutat, sed non mores, malitiam ac fallaciam. Et sic semper in hoc negotio, sicut in alijs, verum manet illud Ecclesiastes cap. 1. Quid est quod fuit? ipsum quod futurum est. Quid est quod factum est? ipsum quod faciendum est. Nihil sub sole nouum, nec valet quisquam dicere: Ecce hoc recens est, iam enim præcessit in seculis, quę fuerunt ante nos. Libet adhuc ad propositum vnum ex nostris addere in dictorum confirmationem. Anno Domini 1589. 15. Iulij extremo supplicio est affecta, malefica

malefica quædam nomine Maria, ex pago S. Medardi, prope Monasterium S. Matthiæ, extra ciuitatem Treuirensẽ, qui pagus subest iurisdictioni monasterij. Hæc quam primũ crimen & maleficia sua confessa fuit, cùm iam Prætor, Scabini adiuncti & notarius, qui eius examini præerant, discessissent relicta ea in custodia, valdè malè fuit verberibus excepta ab Amasio, & qui antea fuerat amator, vt minatus etiam fuit mulieri in vita S. Bernardi, crudelissimus factus est persecutor, quia veritatem reigestæ Iudici & scabinis aperuerat, & iterum ad Deum redire statuerat. Inimicus nec dum verberibus contentus, sed etiam linguam è faucibus vi erueret, & ipsam mulierem iugulare contendit, nisi nuncius superuenisset, quem ob Dei amorem mulier rogauit, vt ei sacramentalem & benedictam candelam communicaret. Scabini & notarius regressi ad ipsam, linguam ore prominẽtem, & quasi extractam viderunt, & omninò tremebundos gestus in muliere animaduenterunt. Hæc mulier inter reliqua confessionis puncta confessa est, quod cùm semel laboraret menstruo, Amasius nomine Beelzebub ad ipsam venerit, volens venerem exercere, & eam menstruo laborantem cognoscens noluerit commercium habere, sed Phoe dixerit discedendo. Exempla quæ hæcenus exactis inserui, & postmodum inserurus sum, autentica sunt, & scripta, subscrip-

etq; manibus notariorum eorum, qui ea coram criminalibus iudicibus siue præfectis locorum, & aliquibus semper scabinis in examine adiunctis in notam receperunt.

6. Conclusio. *Malefici ope diabolica adiuti possunt impedire vim generatiuam inter coniuges, vel alias personas.*

Malefici vim generatiuam coniugum impedire possunt ope diaboli.

PATET ex iure canonico in titulo de frigid.

& malefic. & 33. q. 1. cap. Si per sortiarias. Et ratio est manifesta. Potestas Dæmonis est maior potestate hominis, sed opere humano potest aliquis fieri impotens ad carnalem copulam, vt per castrationem, ruptionem, herbas, vel medicinas. Sic tenent communiter Theologi in 4. sentent. distinet. 34. Canonistæ in tit. de frigid. & malefic. & in d. 33. q. 1. c. Si per Sortiarias. Potest autem tale impedimentum poni, vel impediendo corpora, ne mutuo appropinquent, vel adhibendo occultè virtutes rerum, quas Dæmon optimè nouit ad hoc validas, vel turbando imaginationem & phantasiam, ita vt reddat alterum cõiugum exosum: vel prohibendo missionem spirituum ad mēbra, in quibus est virtus motiua & seminatiua; & alijs modis, qui sunt Dæmonibus cogniti, nobis autem occulti. Legendus super hac materia Paludanus in 4. sentent. dist. 34. q. 2. art. 3. Malleus malef. 1. part. q. 8.

Quare

Quare autem Diabolo potius potestas tribuatur circa vim & actum potentie generatiue, quam in alijs actibus, hanc post S Thomam in 4. dist. 34. quidam rationem reddunt, quia corruptio peccati prima per quam homo factus est seruus diaboli, in nos per actum generatiue deuenit, ideo maleficij potestas permittitur diabolo à Deo in hoc actu magis, quàm in alijs: Sicut in serpentibus magis ostenditur virtus Maleficiorum, quàm in alijs animalibus, quia per serpentem diabolus in primis mulierem tentauit. S. Bonauentura in d. d. 34. artic. 2. q. 2. in sol. argument. clarius, licet ferè in eundem sensum tendat, respondet, quod sicut Diabolo permissa est à Deo potestas super serpentes magis, quàm super alia animalia, in prioris facti memoriam, vnde plus per incantationes serpentes quàm aues capiuntur: sic quia actus ille scilicet potentie generatiue vitiosus est, & quodammodo scetens, & vt plurimum coniunguntur homines ad illum actum libidinose, ideo diabolus plus habet ibi posse, & plus ei permittitur, & hoc probatur exemplo Scripturæ, & auctoritate, quoniam dicitur in Thobia, quod demonium nomine Asmodeus virum in lecto interfecit, non in conuiuio. Sic Bonauentura. Quid autem loco remedij in hoc casu adhibendum, in d. cap. Si per Sortiarias declaratur. Si per Sortiarias, ait canon, & maleficas concubitus.

bitus non sequitur, hortandi sunt quibus illa
eueniunt, vt spiritu contrito & humiliato
Deo & sacerdoti de omnibus peccatis Con-
fessionem faciant, & lachrymis, atque ele-
mosynis, orationibus & ieiunijs domino sa-
tisfaciant, & per exorcismos, ac cætera Eccle-
siasticæ disciplinæ munimina ministri Eccle-
siæ tales sanare procurent. hæc ibi. Hinc nullo
modo licitum est accedere maleficum, aut
magum pro dissolutione talis maleficij, vt in
hac specie S. Thomas in d. d. 34. q. 1. art. 3. S. Bo-
nauent. vbi suprâ. Maior in ead. d. q. 2. S. Anto-
nin. in 3. part. tit. 1. cap. 12. §. 3. Turrecremat. in
d. cap. Si per Sortiarias. Malleus maleficor.
in 2. part. & secundo princip. & alij alibi com-
muniter tradunt: Quod etiam verum est,
si maleficus paratus esset ad soluendum, pro-
ut communis & vera sententia tenet contra
Angelum in verb. Superstitio. §. 13. post Au-
reol. in d. d. 34. q. 2. Allegat etiam Angelus
pro se Scot. in ead. d. qui tamen aliter sentit,
nempe licitum esse tollere maleficium sine
maleficio, per remotionem signorum, si quæ
posuisset maleficus in aliquo loco, quæ essent
pacta & symbola infidelis amicitie inter ma-
gum & Dæmonem. Quod non solum Sco-
tus, sed etiam Gabriel in 2. dist. 8. q. 2. artic. 4.
dub. 2. Syluest. in summa verb. Maleficium, q.
8. Caietan. & Aurea Armilla ibidem. Nauarr.
in Manuali confessor. cap. 11. num. 29. & alij ali-
bi sa-

bi fatentur. Ex dictis sequitur cum maximo animæ periculo maleficium curasse aduocando magum, cum, cuius meminit Paulus Griland. de Sortilegijs, lib. 2. q. 6. à num. 15. & casum in hunc modum refert. In agro Sabinensi in quo hæc maleficarum secta plurimum inualuit, & de præsentī quoq; magna ipsarum copia reperitur. Quidam vir egregius, literatus, & illæse conditionis & famæ, qui in vno ex oppidis illis ortum habuit, licet modò sit senex, quadam die à quinquennio citra mihi retulit, quod ipse dum erat in flore senectutis suæ tempore, quo sponsam duxit ad matrimonium consummandum, opera & ingenio cuiusdam maleficę mulieris, quā mihi nomine proprio declarauit, maleficiatus fuit, & adeò fortiter appræhensus dicto maleficio fuit quod cum vxore ea nocte, & postea per multos dies nullum penitus debitum reddere potuit, ex quo habebat maximam verecundiam, nunquam cessabat admirari, consideras, quod prius erat perquam validus in simili actu carnalis copulę, ex quo maximam solitus erat habere delectationem : tunc verò contrà, adeò quod sua misera vxor, eiúsque parentes reclamare cœperunt, primò priuatim putantes, postmodum durante impedimento deuenire ad matrimonij separationem, adeò quod iste sponsus pro dolore ac verecundia, quasi demens & desperatus euaserat : & multos medi-

eos conuocauit, vt liberaretur ab ipsa infirmitate & impedimento, & nihil proderant sibi: demum quidam senex ipsum consuluit, vt mitteret in quibusdam montibus, altis pro quodam magno & solemnī magistro, qui vocabatur magister magnæ experientiæ: qui in veritate erat solemnī magus & maleficus: Qui quamprimum vidit ipsum sponsum, cognouit illius infirmitatem, & breui tempore illum liberare spondit vna nocte tantum, & iussit quod dormiret illa nocte cum vxore, & prius exhibuit quoddam poculum, dum volebat ire dormitum, & præmonuit ipsum, eiusque vxorem, ne illa nocte munirent se signo crucis, neque timerent aliquo pacto, si aliquid ea nocte viderent, vel audirent: quia non poterant sibi nocere. Qui maleficiatus, cupiens multum ab ipso maleficio liberari, omnia ad vnguem seruauit. Quinta autem noctis hora, vel circa, cœpit audire maximos tonitus, pluuiæ tempestuosas, & fulgura quàm maxima, deinde terræ motus adeò terribiles, quod tota domus quassabatur à ventis terræ motûs: deinde audiuit vocē humanā quosdam magnos ululatus & clamores, & auertens oculos, vidit in camera plus quam mille, vt apparebat, ad inuicem certantes, & vnguibus, pugnis, & calcibus crudeliter pugnantes, & lacerantes alterius facies & vestimenta tota, inter quos vidit mulierem quandam, quæ erat alterius oppidi

Q

vici-

vicini, & dicebatur quod erat malefica, de qua ipse sponsus multum suspicabatur, ne ab ea pollutus fuisset, quæ ultra omnes maioribus gemitibus & ululatibus cruciabatur, & crines faciemque suam totam vnguibus lacerauerat, propter quæ ipse maleficiatus dixit, quod aliquantulum pertimuit à principio dubitans, ne quid mali sibi accideret: deinde recordatus de monitionibus magistri assumpsit vires: vxorem verò semper tenuit sub pannis absconditam, ne ista videret: postquam verò ita certauerant per mediam horam, vel circa, ingressus fuit magister in camera prædicta, & erat tunc circa mediam noctem. Ad cuius ingressum omnes illi pugnantes vna cum muliere ipsa statim disparuerunt, & penitus abierunt. Ipse autem magister accessit ad ipsum maleficiatum, & illius humeros terigit manu perscrutando aliquantulum dicendo quod non dubitaret amplius, quia iam liberatus erat: & illinc discessit. Post cuius discessum maleficiatus sentit paulatim calorem quendam in renibus & lumbis, & ita liberatus vxori debitum reddidit, & postmodum optimam prolem vtriusque sexus cum vxore recepit: & ego quoddam ex suis filiis noui, & allocutus fui cum eius vxore tunc vetula, quæ omnia prædicta ingenuè falsa est, dicens, quod nunquam diebus suis grauiori fuit pulsata timore, quàm nocte illa. Sic Grilland. Hic

cetè curationis modus planè fuit diabolicus, vt apertè colligitur ex omnibus adiunctis. Quomodo autem impotentia coeundi maleficio procurata matrimonium impediatur, vel non, tractant D. Thomas, Bonaventura, Paludanus, & alij Doctores, cum Magistro, in 4. d. 34. & canonum periti in tit. de frigidis & malefic. & Summis in verb. Matrimonium, de impedimentis.

7. Conclusio. *Malefici auxilio demonum possunt morbos inferre, homines suis incantationibus interficere. & pecora occidere.*

Malefici
hominibus
quàm peco-
ribus mor-
bos & na-
scim inferre
possunt.

CONSTAT in primis ex historia Iob. 2. ca. quem percussit vlcere pessimo à planta pedis vsque ad verticem. Et in Euangelio Luc. 13. & Marc. 9. dæmon reddidit hominem surdum & mutum. Et S. Augustinus in lib. de diuinat. cap. 6. testatur sæpè accipere potestatem morbos immittendi, & aërem viciando morbidum reddendi. Idem patet ex L. Multi. C. de malefic. & Mathemat. Multi, (ait lex) magicis artibus vsi elementa turbare, vitas insontium labefactare non dubitant, & manibus accinctis audent ventilare, vt quisque suos conficiat malis artibus inimicos: hos quoniam naturæ peregrini sunt, feralis pestis absumat. Efficiūt autem talia malefici siue ve-

venefici, cauſſis naturalibus, veneno, intoxicationibus, herbis, alijsq; medijs, quæ multis modis norunt præparare, & cauſſimè applicare.

Narrant quidam, quod Auerroës Auicennam intoxicauerit, ponendo toxicum ſuper folia libri, quem Auicenna ſolitus fuerat legere: quantò magis diabolica; nouit omnia occultiſſimè adhibere? De huiusmodi herbis, quibus homines ſolent necare, mentio fit. In L. 3. 6. adiectio. & ſeq. ff. ad legem Corneliam de ſicarijs & veneficis. Eiuſmodi ſunt cicuta, Salmandria, Aconitum, Pintuocarpus, ſive Pytiocampas, Bobuſtrum, Mandragora & Cantharides. Aliquândo inſciant etiam aërem circumſtantiem, quem homo reſpirando attrahit. Aliquândo inſidiantur dormientibus. Familiare autem eſt maleficijs vetulis, vt infantes & tenellos pueros ſcincinent. Hoc autem eſcitur quandoq; vt Doctores tradunt, ex forti imaginatione hoc modo: fortis imaginatio immutat corporis coniuncti ſpiritus, & hinc immutatio ſpirituum maximè fit in oculis, ad quos ſubtiliores ſpiritus perueniūt. Oculi autem inſciant aërem continuum, vſq; ad determinatum ſpaciũ: quomodo ſpecula noua & pura ex aſpectu mulieris menſtruatæ, vt tradit Ariſtoteles in lib. de ſomno & vigilia, maculis inſciantur. Sic etiam anima vetulæ vehemētiſſimè ad maleficiũ concitata, aſpectu ve-

Et venenoso, & noxio corpus tenerum infantis inficit. Contingit etiam ad talem effectum, malignum spiritum ex pacto concurrere, & occultè lædere infantem.

8. Conclusio, *Magi & malefici possunt multos morbos curare, quibus nulla medicorum scientia mēderi valet, non tamen omnes.*

PROBATVR prima pars: quia vtuntur arte Dæmonum, qui præstant naturæ subtilitate, & longa rerum experientia: & multo rectius omnibus medicis norunt rerum naturalium virtutes & causas. Sic Plinius lib. 24. cap. 17. variarum meminit herbarum, quibus Magi vel ad morbos depellēdos, aut etiam inferēdos, vtūtur: quæ quia hominibus sunt ignotæ, & velocissimæ operationis, plurimum admirationis adferunt nescientibus. Ad idem facit ratio S. Thom. in qq. disputatis de potentia, q. 6. art. 3. Sicut ars, quæ imitatur naturam, potest quædam, quæ natura nequit efficere: ita dæmones multa facere possunt, quæ & præter humanum ingenium, omnem artem, & solitum naturæ cursum sunt.

Patet etiam secunda pars, quod non possint curare omnes morbos: Quia quicquid possunt in hac arte, hoc efficiunt per applicationem causarum naturalium: sed hæ non

possunt curare omnem morbum, maximè se-
nectutis.

Dices: Si Dæmones tantæ sunt subtilita-
tis in naturalibus, possent ne protrahere vi-
tam hominis ad octingentos, vel nongentos
annos, sicut olim homines vivebant? Respon-
detur, quod non: quia per intemperantiam &
ignorantiam hominum natura est valde cor-
rupta, & morbis infecta: & res naturales, præ-
sertim cum etiam terra deficiat à prima sua
integritate, non sunt tanti vigoris & virtutis,
sicuti in principio creationis. Statim post re-
rum creationem, ex diuina dispositione, om-
nia erant maioris perfectionis: complexio
hominum fortior & constantior, ac cæli in-
fluentia salubrior. Vide ad hanc materiam
Franciscum Victor. in Relectione de arte Ma-
gica, in solut. ad 4. non longè à fine, & Iose-
phum Angles in q. de ead. materia, octaua
difficultate.

Non licet
magis in
vii reme-
dio vel co-
filio in ma-
jeficijs tol-
landis.

9. Conclusio. *Quamuis Magi & malefici possint multos morbos curare, & maleficia illata sæpè dissolvere, licet non omnia: non est tamen licitum Magos vel maleficos accedere pro dissolutione: & qui contra facit, gravissime peccat.*

PROBATVR Leuit. 19. Non declinetis ad
Magos, nec ab Ariolis aliquid sciscitemini.
& cap.

& cap. 20. Anima, quæ declinauerit ad Magos, &c. interficiam eam, & Deut. 18. & 26. q. 7. cap. Non obseruetis: & in C. de malefic. & mathematicat. L. Nullus, & L. Nemo. Et hoc in tantum verum est, quod etiamsi maleficus paratus esset, nõ esset licitum vti ipsius opera, contra Angelum in verb. Superstitio. §. 13. allegantem pro se Aureolum in 4. d. 34. qui putat esse licitum petere dissolutionem à parato: Sed communis sententia est in contrarium: S. Thom. in 4. dist. 34. q. 1. artic. 3. S. Bonauent. ibidem q. 2. Syluester in verb. maleficium. q. 8. Caietan. & Aurea Armilla ibidem. Turrecremata 33. q. 1. super cap. Si per sortiarias. Martinus Nauarr. in Manuali cap. 11. num. 29. Ratio etiam probat. Maleficus communiter non potest tollere, nisi per inuocationem & auxilium Dæmonis. At Dæmonis auxilium inuocare, ex se malum est, & nulla circumstantia potest muniti, vt sit bonum. Ergo quisquis petit à malefico, vt faciat id, quod sine peccato non potest, peccat: quia sic petens, consentit peccato alterius. Non solum autem qui faciunt, sed etiam qui consentiunt facientibus, digni sunt morte. Rom. 8.

Si tamen maleficium adhibitum tale esset, quod sine inuocatione Dæmonis remoueri posset per remotionem signorum aut vnguentorum, tunc non esset illicitum procurare ipsius dissolutionem. Licitum autem est male-

ficia soluere per opera pia & Ecclesiastica, vepote exorcismos, sacramentalia, sacramentorum frequentationem, orationes, ieiunia, aliaq; pietatis exercitia, de quibus in cap. Si perfortiarias.

10. Conclusio. *Magi & malefici potestate Daemonum instructi, possunt tempestates mouere, pluuias, tonitrua, grandinem pruinam, aliaq; meteoia producere,*

16. 1. 2. **P**ROBATVR ex historia Iob. Sathane procuremente, ignis de celo cecidit, & tactas oues, puerosq; consumpsit, & iterum : vehemens ventus irruit à regione deserti, & concussit quatuor angulos domus, quæ corruens, oppressit liberos. & in Psal. 77. Et occidit in grandine vineas eorum, & moroseorum in pruinâ. Et tradidit grandini iumeta eorum, & possessiones eorum igni. Misit in eos iram indignationis suæ, indignationem, & iram & tribulationem, immissiones per Angelos malos, &c. Super quæ verba legendus est Augustin. Idem patet in C. de malefic. & mathemat. L. Multi. Verb. Elementa turbare, & ibidem L. eorum: cuius verba sunt. Eorum est scientia puniendâ, & seuerissimis meritò legibus vindicandâ, qui magicis accincti artibus, aut cōtra salutem hominum moliti, aut pudicos animos ad libidinem deflectisse deteguntur. Nullis verò crimina-

minationibus implicanda sunt quæ sita humanis corporibus remedia, aut in agrestibus locis innocenter adhibita suffragia, ne maturis vindemijs metuerentur imbres, aut ventis & grandinis lapidatione quaterentur, quibus non euiusq; salus aut æstimatio læderetur, sed quorum proficit actus, ne diuina munera, & labores hominum sternerentur. Hæc in d. L.

Probatur ratione. Omnia metcorologica, vt constat ex libris Aristotelis Meteorologicis generantur in regione aeris ex concursu elementorum & causarum naturalium. Sed demonibus hæc inferiora subiacent quo ad motum localem, Deo permittente: ergo.

II. Conclusio. *Quæ ex proxima elicitur: Magi & malefici possunt efficere sterilitatem, & rerum necessariarum ad conservationem humanæ vitæ inopiam.*

PROBATVR. Omnia quæ in terra crescunt, & necessaria sunt ad sustentationem hominum, dependent ex motu & influentia corporum cælestium, & elementorum temperamento. Si igitur elementa turbentur, tempestates ventiq; sine ordine & modo excitentur, nec non grandines & pruina immittantur, quæ agris, vineis, arboribus & frugibus noceant: sequuntur sterilitas & rerum inopia.

Q 5

12. Con-

12. Conclusio. *Magi & malefici sepe transferuntur corporibus verè & realiter de loco ad locum, & ad conuentus suos.*

HAEC Conclusio est contra Ioann. Franciscum Ponzinibium in lib. de Lamijs, & Excellentia vtriusque Iuris, qui habetur in volum. 10. Oceani iuris, contra Andream Alciatum li. 2. parergon Iuris. cap. 22. Martinum Arles in tractat. de superstitionibus. Vlricum Molitorem in Dialogis de Pythonicis mulieribus, & alios quosdam. Communis autem & vera sententia tenet Conclusionem. Sic tradunt Turrecre. in cap. Episcopi. 26. q. 5. Guilhelm. Parisiens. vltima parte de Vniuerso: cap. 21. Malleus in 1. & 2. par. Bartholomæus Spineus in q. de strigibus. cap. 5. & in Apologia prima contra Ponzinibium. Francisc. Victoria in Relect. de arte magica, à num. 32. Alfonso Castrensis lib. 1. de iusta hæretic. punitio. à cap. 14. Syluest. in verb. Hæresis. 3. à num. 6. Card. Caietan. 2. 2. q. 95. super artic. 3. S. Thom. Ioseph. Angles in florib. loc. cit. diffi. 5. Mart. Navar. in Manuali cap. 11. num. 38. Paul. Grill. Iurisconsultus latissimè in lib. 2. de Sortilegijs q. 7. Ioan. Bodinus lib. 2. cap. 4. & hæc est communis sententia, cui contradicere, repugnare Theologia, Philosophia, & rerum experientia certissimè.

Probatur Conclusio. Dæmones sunt integri in potentia naturali, sicut boni Angeli, vt probatum est in Præludio 8. Sed boni Angeli possunt transferre corpora breuissimo tempore de loco ad locum: ergo & mali. Assumptum probatur ex 14. cap. Danielis. Angelus apprehendit Prophetam Abacuc in vertice capitis, & ex Iudæa breuissimo tempore in Babylonem tulit, & restituit iterum confestim in locum suum, vt Scriptura loquitur: & Angelus malus, Matthæi 4. assumptus Saluatorem, & statuit supra pinnaculum templi, & in Euangelio Dæmones à Christo expulsi, ex permissione diuina intrauerunt porcos, & eos præcipitarunt in mare. Et antiquissimi probatissimiq; historiarum scriptores prodiderunt, Simonem Magum vehiculo & opera Dæmonum in aëre volasse, & ad orationem D. Petri fugatis Dæmonijs, in terram, etiam populo spectante delapsus, & cruribus iacuisse perfractis. Sic Clemens lib. 6. Constitut. Apostol. cap. 9. Egesipp. lib. 3. de excidio Hierosolymitano, cap. 2. Arnobius lib. 2. aduersus gentes. Cyrillus Hierosolymitanus, cateches. 6. Maximus Taurinenlis in serm. 3. de natali Apostol. & alij alibi. Et Epiphanius lib. 1. contra hæresim 30. de adolescente magica arte corrupto refert, quod in aquis calidis ad Gardara volauerit, & latus suum
ad for.

ad sceminꝝ pulchritudine formꝝ excellentis,
 latus affricuit. Illa autem signauit se in nomi-
 ne Christi, vt quę Christiana esset: cui neq; ne-
 cessarium erat delinquere, & inter viros & scē-
 minas lauari. Basilius magus, vt testis est S.
 Gregor. lib. i. dialog. cap. 4. repulsus à mona-
 sterio à fratribus, iussione sancti viri Equitiꝝ,
 dixit frequenter, se cellam Equitiꝝ magicis ar-
 tibus in aera suspēdisse: nec tamen eius quem-
 piam ledere potuisse. Nec etiam desiderantur
 testimonia satis nota & terribilia, quibus de-
 claratur, diabolum sua potestate hominem de
 medio sustulisse, & in aera rapuisse. Cęsa-
 rius d. 5. cap. 27. narrat in ciuitate Lubecen, pu-
 ellam quandam fuisse, cui iuuenis quidā pro-
 cabatur, secundum quod ei promiserat, semina
 consentiente, cū Theodoricus Sufatien-
 sis se eius concubitu vti sperasset, socius ei illu-
 dens, accessit illam. Quo cognito, iratus dixit:
 Diabolus qui me huc adduxit, poterit me etiā
 hinc reducere. Mox inuitatus adfuit, hominē
 rapuit, & in aera leuauit, & vltra ciuitatem
 transferēs, iuxta ripam cuiusdam lacus incom-
 modē satis deposuit. Ad quem sic ait: Si non
 quocūq; modo te signasses, modō occidissem
 te: tenuit enim & imperfectē in ipso raptu
 signum sibi crucis impresserat. Dimissus à dę-
 mone tam grauititer cecidit, vt in terra sine sen-
 su iacens, sanguinem vomeret. Et cap. 34. aliud
 inserit satis etiam memorabile In Sufatia ciui-
 tate

tate Dicecesis Colonienſis, miles quidā Thye-
mo nomine habitabat, qui ſic totus deditus e-
rat ludo teſſerarum, vt non die, nec nocte qui-
eſceret, ſemper ſacculum tū nummiſ ſecū por-
tabat, vt non deeſſet ad ludendum pecunia, ac
ita in ludis expeditus & fortunatus erat, vt vix
aliquis ab illo ſine dāno recederet. Nocte qua-
dam Deo iuſtē in pēnam, ad aliorum exēplum
permittente, diabolus domum eius in ſpecie
cuiusdam ludere volentis intrans, ſacculum-
que nummiſ refertum, ſub aſcella portans, ad
tabulam ſedit, denarios liberaliter appoſuit,
teſſeras iactauit, & multa acquiſiuit. Cui cū
proſperē ſuccederet, & militi iam pecunia,
quam apponeret deuiſſet, iratus ait: Nun-
quid non diabolus eſtu? Et ille: Nunc ſatis eſt,
appropinquat enim tempus matutinale, ope-
ret nos ire. Tollensq; illum, per tectum traxit,
cuius viſcera tegūlis retrahentibus, miſerabi-
liter excuſſit, & quid de eius corpore factum
ſit, vel in quem locum illud proiecerit, vſque
hodie ignoratur. Et in cap. 56. eiſdem diſtin-
ctionis. In villa quadam, ait, ante paucos an-
nos, diceceſis Colonienſis, quæ Ambula voca-
tur, campanarius fuit, & fortē adhuc viuit, vo-
tū habens cuiuſdam peregrinationis. Hic cū
die quadam condixiſſet cum ſemina quadam
villæ ſuæ, quod manē pariter ituri eſſent, illa
cum rogauit, vt maturius ſurgeret, & matuti-
nas pulſaret, propter ſolis feruorem: & promi-
ſit.

sit. Eadem nocte diabolus ad lectum eius ve-
 niens, tetigit eum, & ait: Pulsa matutinas, sicq;
 discessit. Qui mox surgens, & lumen in Ec-
 clesia ardere conspiciens, cum ante primum
 gallicantum esse depræhendisset, putans quia
 a prædicta scemina fuisset excitatus, de Ec-
 clesia exiit volens ei dicere, vt iret dormi-
 tum, eò quod nec tempus esset. Quam cum
 quæreret, nec inueniret, bouem nigrum con-
 tra se stare vidit, qui lingua emissa hominem
 tetigit, eumq; super dorsum suum per illam
 misit, & per aerem cum illo volitans, super
 pinnam turris Castri quod *Ysenburg* dicitur
 deposuit. Cui cum diceret: Timeſne ali-
 quid modo? Respondit ille: Dei permissio-
 ne huc ductus sum, nihil contra me poteris,
 nisi quantum ille permiserit. Ad quod diabo-
 lus: Fac mihi homagium, & ego te deponam,
 daboq; tibi diuitias multas: quod si non fece-
 ris, vel fame in hoc loco morieris, vel præcipi-
 tio interibis. Cui campanarius spem habens in
 Christo, respondit: Adiuro te per nomen Iesu
 Christi ne me lēdas, & vt me sine periculo cor-
 poris mei deponas. Mox diabolus illum tol-
 lens, in campo iuxta villam *Griffham* satis
 incōmodè deposuit. Ante lucem diei in dedi-
 catione Ecclesiæ eiusdē villæ, diluculū homi-
 nes ad matutinarū solemniam cum faculis pro-
 perantes, cum hominem in agro, in magno de-
 lectu reperissēt, atq; refocillassent, auditis his,

qua

que ei cōtigerant, satis mirati sunt. Quarto vero dieregressus in domū suam, situm tā locorū, quā ædificiorū, quæ nūquam aliās ante viderat, tā plenē omnibus exposuit, vt de raptu eius nihil dubitarent. His & addere possumus aliud recentius relatum à Ioanne Georgio Godelmanno Iurisconsulto, in tractat. de magis, veneficis & lamijs, lib. 1. cap. 1. num. 8. In Saxonia virgo opulenta formoso iuveni, sed tenuioris fortunæ, matrimoniū promisit. Hic quid futurum præuidens, illam prædiuitē, & sexus ratione mutabilem, fidem vix seruaturū esse, puellæ respondit. Illa contra diris se excrari his verbis cepit, si alteri quā tibi nupsero, tūc diabolus in nuptijs illis me abripiat. Post intervallum aliquod illa mutat animum, nubit alteri, priore sponso spreto, qui eā semel atq; iterum promissi, dirēq; imprecationis admonuit. Sed illa posthabitis his omnibus, nuptias cū altero spōso, relicto priore, celebrat. Ipso die nuptiali cognatis, amicis & cōiuijs hilaribus, sponsa vigilante conscientia, redditur tristior solito. Tandē diabolū duo sub specie duorū equorū, in eādes nuptiales veniunt, excipiuntur, adducuntur mensæ, hisq; remotis, choreq; vniq; ex his spōsa honoris causa tanq̃ peregrino adiungitur, cum qua bis saltauit, & tandē eam ē conspectu parentū & amicorum, summo cum gemitu & lamentatione, per ostium, in altum sustulit. Altero die parentes & ami-

amici mœlli, spontim quarunt, vt de lapsam
fortè sepelirent, sed ecce eidem socij occurrũt,
vestes, aurumq; referentes, additis his verbis:
non in has res, sed in sponsam à Deo nobis fuit
potestas concessa.

Memorable est & illud, quod recenter
contigit anno elapso 1595. in oppidulo Vilma-
riensi. Treuerensis diœcelis. Quædam Marga-
reta, vxor Ioannis Eysenkopff, ciuis illius lo-
ci, peperit infantem, nomine Conrardum.
Hunc etiam ante & post diem purificationis
sepissimè à festo Ascensionis vsque ad Diui-
sionis Apostolorum spiritus è cunis abstra-
ctum in aliũ locum transtulit. Aliquando
in lectũ matris collocauit, quandoq; in gra-
dibus cellæ vinariz abscondit, nonnunquam
in partibus superioribus domus, aut secretio-
ribus. Netamen puer quid mali pateretur, spi-
ritus acceptis pannis etiam clam è custodia pa-
rentum semper tenero corpusculo supposuit.
Quadam vice cùm mater lectũ in hypocau-
sto pro puero à spiritu accommodatum de-
struxisset, manus & facies, vbi nuditatem ve-
stes non cooperiebant, intumuerunt, & cutem
exuerũt. Quandoq; etiam spiritus puerulum
in cunis mouit. Fuit & illud vsitatum, quod
infans semper ferè staret, quando à matre in
cunis collocabatur: quiesceret autem positus
à spiritu in alio loco. Vilis & cognitissimæ mo-
lestijs & vexationibus spiritus Reuerendus
Domi-

Dominus VVilhelmus Lyndener, Decanus Ruralis, & vicepastor Vilmarientis, scripto me consuluit, quid fieri possit ad liberandum puerum à molestia spiritus. Inter reliqua remedia admonui vtendum fore rebus sacramentalibus & benedictis, quas sancta mater Ecclesia exorcizat & benedicit ad effugandas & diminuendas Dæmonum potestates. Parentes huiusmodi res adhibuerunt, nec non etiam ad locum sacrum peregrinationem instituerunt, Deumq; precati sunt. His adhibitis & perfectis aliquo tempore tentatio desijt. Postea autem res benedictæ abscissæ repertæ sunt, & iterum spiritus puerum transferre cœpit. Hæc latius ad diligentem inquisitionem præfati Domini VVilhelmi, Scribæ ciuitatis Vilmarientis in notam recepit, atq; perscripsit.

Alia adhuc plura adduci possent, ad demonstrationem realis translationis, sed hæc sufficiant, deinceps etiam maleficorum & sagarum certissima experimenta in vltiorem confirmationem adiungentur. Cæterum translatio corporis de loco ad locum virtute diabolica effecta, etsi breuissimo tempore fiat, non tamen fit in instanti: cum id repugnet motori finitæ virtutis. Celeriter autem talis motus peragitur propter maximam virtutem & fortitudinem dæmonis: quandoquidem quanto maior est potentia mouentis, tanto celerior ac, velocior est motus, vt rerum ex-

R

perien-

perientia & Philosophia attestantur. Nunc
veritas Conclusionis latius confirmanda est
varijs experimentis, de quorum veritate mi-
nime dubitandum est.

Multi vtriusque sexus viri, mulieres,
pueri & puellæ consentunt id verum esse.
Imò quandoque deferuntur à Dæmonibus
ad cursum: & quia vel nomen Iesus ex
improviso nominant, vel signo crucis se mu-
niant, vel aliud signum Christiani præstant,
alijs disparentibus, pedestris ordinis fiunt
in redeundo, qui ferebantur à Diabolo in
adeundo conuentum: quandoque cadunt
ex arboribus in terram, & membra collidunt
quandoque, quia leges Diaboli transgredi-
untur, miserè vel à Diabolo tractantur, vel
à socijs percutiuntur. Quoniam in prior
æditione spem dedi me experientijs data mo-
liori occasione vberius Conclusionem pro-
baturum, id nunc præstare decreui: in pri-
mis aliena, deinde nostra inseram. Paulus
Grillandus Iurisconsultus Italus, in lib. 2. de
Sortilegijs q. refert cum alijs experimentis,
quod nec dum, inquit, decem elapsi sunt
anni, quod mulier quædam iuuenula, in-
tra 16. annum ætatis suæ existens, adhuc vir-
go, Sabinensis Diocæsis, ex altero tamen op-
pido oriunda, à quadam alia malefica sedu-
cta, & ad ludum ducta fuerit, vt profiteretur
illam sectam, & præmonita ne ligno cru-
cis se

et se muniret in loco congregationis, accesserunt, iuuenula videns maximam viro-
rum & mulierum multitudinem, & princi-
pem ipsum Sathanam in solio maiestatis su-
perbe sedentem, & ornamentis auratis, & pur-
puratis vestibus decoratum, vehementer ob-
stupuit, & cum esset simplex, incauta, imme-
mor præmissæ admonitionis, stupefacta &
admirata rerum magnificentiam & statum;
signo crucis se muniuit, dicendo: Iesu bene-
dicto, che cosa e questa? id est, Iesu benedicte,
quæ res est ista? Nec dum verba protulerat,
statim cuncta euanuere, & omnibus lumina-
ribus penitus extinctis, sola misera in maxi-
mis tenebris remansit, & maximo terrore af-
fecta, penè mortua est. Recordata nominis Ie-
su & B. Virginis Mariæ, deuotissimis precibus
se illis commendauit, & vouit castitatem, si
incolumis euaderet. Quidam senex rusticus
vnà cum filia & asello transibat locum, vbi
puella erat, & plurimum de sorte sua lamen-
tabatur. Qui senex audito gemitu accessit,
dicens, filia mea quid facis hic sola tempore
nocturno? quam videns nudam magis obstu-
puit. Virgo pudore confusa lachrymans & su-
spira trahens, viro se commendauit, vt illam
duceret secum ad domum suam, quæ non
multum distabat. In itinere totam facti se-
riè narravit. Quibus auditis senex obstupuit,
& cum intellexisset de patria & parentibus

R. 1

virgi

virginis, decreuit parentes certiores reddere,
& puellam restituere. Retinuit eam domi suæ
duobus aut tribus diebus, & vixq; viri eam
beneuolè tractauit. Post triduum senex iuuen-
culam a sella suo impositam, reduxit ad pa-
triam, & parentibus restituit: Qui existimabāt
puellam raptam, vel à milite, vel alio nequam
nocturno tempore. Senex benignissimè, vt
decebat, à parentibus puellæ susceptus & tra-
ctatus, & tandem dimissus cum muneribus.
Puella quæ dono Dei, & intercessione B. Vir-
ginis periculum euaserat, votū adimplere de-
creuit, & ingressa est monasterium S. Francisci,
assumptoq; habitu, professionem fecit, con-
sentientibus parentibus, & castissimè vixit.
Maleficam verò, quæ filiam ad illum locum
conuentus duxerat, denunciârunt curiæ, & re
comperta, publicè fuit igne combusta. Aliud
quod etiam in Italia contigit, narrat Bartho-
lomæus Spineus in q. de Strigibus cap. 18. Qui-
dam, inquit, Andreas Magnanus Bergomēsis,
habitor Ferrariæ, hac hyeme mihi narrauit,
quod à quodam suo affine Venetijs commo-
rantecognouit, hoc quod contigit superiori-
bus annis, quandam puellam, quæ cum matre
Bergomi morabatur, inuentam fuisse nocte
Venetijs in thalamo sui affinis: quam manè re-
pertam nudam, recognitamq; quia consobri-
na erat, cum interrogassent, quomodo illuc
venisset, aut ibi esset, & quare? Plorās illa, post-
quam

quam vestita ab illis fuit, hæc narrauit. Hæc nocte cum in lecto vigilarem, vidi matrem meam, quæ me dormire putabat, surgentem de lecto, & exutam camisia, se quodam vnguento, quod ex vasculo assumpsit, de lateribus extracto, perungentem corpus. Et statim assumpto baculo quodam ibi præparato, in modum equitatis ascendens, extra fenestram deportata est, & à me nequaquam ex tunc ibi visa. Cumq; ipsa quoq; de lecto surgēs, meum vt mater fecerat, perunxissem corpus, extra fenestram educta, statim in hunc locum deportata sum, vbi matrem puero huic insidiantem vidi. Ex quo ego territa, cum matrem etiam ob meum aduentum conturbatam vidissem, & comminantem, nomen Domini Iesv & B. Virginis inuocaui, & ex tunc matrem non vidi, & ego hinc nuda solaq; remansi. His auditis à puella, omnia hæc affinis scripsit Inquisitori Bergomeni, à quo mater capta, & tormentis exposita, cuncta confessa est, & addidit se à demone plus quam quinquagesies deportatam, vt puerum illum prædicti affinis occideret, sed tamen nunquam præualuisse, eo quod semper puerum signo crucis, & sanctis orationibus parentum munitum inuenerit. Haud dissimilia refert Bodinus lib. 2. cap. 4. in Gallia contigisse, & inter alia de Lochiana Saga. Vir enim quidam tenuis, cum vxorem interdum abesse noctu perciperet, bonamq; noctis par-

rem emanere: præterea dicentem se, aut ad de-
 ñerandum alium egredi, aut ad lauandum
 cum vicina sua, aliquoties falsi euicisset, se spi-
 ritionem concepit de perfida eius libidine, &
 necem interminatus est, nisi locum quo profi-
 ciscebatur, indicaret. Illa sibi à periculo metu-
 ens, rem vterat confessa est, atq; vt explores, &
 videas hæc ita se habere, si volueris, eodem de-
 uenies. Tunc tradidit ei vnguentum, quo se v-
 terq; inunxerunt, & pronunciatis aliquot vo-
 cibus, Diabolus eos Lochijs in Arenarias Bur-
 degalenses magno spacio distâtes exportauit.
 Videns itaq; vir se in ignota Magorum & Dæ-
 monum humana specie, aspectus tamen hor-
 rifici, frequentia versari, dicere cepit: Deus mi
 vbi nam sumus? hoc dicto, repente cætus dis-
 paruit. Ille verò cernens nuditatem sui cor-
 poris, oberrauit per agros, donec mand rusti-
 cos inuenit, qui ipsum in viâ deduxerunt. Re-
 uersus Lochias ad Questorem rerum capitaliū
 rectæ via contendit, qui audita probè historia
 sceminam præhendi iussit: Illa verò minuta-
 tim omnia confessa est, & vltro agnouit pecca-
 tū. Aliud refert, quod cuidam nobili viro ad
 Melodunum accidit, qui Molitoris verbis &
 propria curiositate ductus, cætum malefico-
 rum adiit, sed quoniam perhorrescebat metu,
 quamuis non inuocaret Deū, Diabolus maxi-
 ma voce inclamauit, qui snā hīc metuirit? Sic vo-
 lenti nobili viro discedere, cætus abscessit. No-
 bills

bilis reuersus maleficū indicare statuerat, sed
i Meadmonitus, fuga sibi consuluit. Et de Lug-
dunensi potenti muliere narrat, quod nocte
surgens lucē accendit, & arrepta pyxi de se in-
unxit, & post voces aliquot elata est: hosritus
obseruans mēchus, qui cū ea cubauerat, lucer-
nā capit, peruestigat vndiq;, & ea non inuenta,
cū pyxidem vnguēti reperisset, curioso a-
nimo exploraturus virtutem vnguēti, fecit
prout mulier se habuerat, statim elatus cōpe-
rit se cum Magorum cētū esse in agro Lotha-
ringiæ, & consternatus est: Sed cū primū Dei
opem implorauit, euauit totus cētus. Ipse ve-
rō Lugdunū reuersus pedibus, maleficam ac-
cusauit, quæ confessa rem totam, igne perijt.
Multæ quæ in Germania contigerunt, habet
Malleus maleficarū, sed ex nostris quæ recētis-
sima & notissima sunt, placet aliqua adiungere.
Anno Dñi 1589. 22. Septemb. quidam Villicus
nomine Michaël, de pago Longen, sub iurisdic-
tione Reuerendiss. Dñi nostri Archiepiscopi
Treuirensis, in præfectura Palsel extremum
supplicium pertulit, qui inter reliquos articu-
los confessus est, quod circa diem natalē Chri-
sti tunc præteritam, ad locum Congregationis
cis Mosellam, ad crucem prope pagum Lons-
mich. deportatus fuerit, & cū ad dictum lo-
cum tardius venisset, congregatio absoluta ex-
titit, tunc tacitè dixit: Domine Deus, iam factū
est, tunc in eodem morali temporis puncto

cecidit in terram planam : & circa horam vnde-
 decimam noctis versus Mosellam se contulit,
 accepta scapha traiecit, domum rediens, ad le-
 ctum se recepit. Hoc anno 1591. 4. die mensis
 Maij, in quo adhuc versamur, etiam in præfe-
 ctura Palatiolensi igne vitam finiuit quidam
 Martinus de Corlingen, qui inter alia confes-
 sus est, quod bis à cursu & conuentu, qui fue-
 rat prope pagum dictum Pellingen, rediens,
 ceciderit inter frutices, eò quod dixisset. O
 Deus, quomodo huc appulimus? Idem con-
 fessus est quid satis memorabile, quod videli-
 cet illo anno superiori, quando maxima tuit
 annonæ in his partibus penuria, & si bene re-
 colo, contigit talis caritas Anno Domini 1584.
 in vere Treuiris emerit duas mensuras siligi-
 nis, quas nostrates viercellas nominant, & quia
 edictum Ciuitatis publicatum extitit, ne fru-
 menta dimitterentur extra ciuitatem, prop-
 ter ciuium necessitatem, commodè exportare
 non potuit, Dæmon ipsum prope portam ci-
 uitatis dictam antiquam, in loco iuxta muros,
 vbi aliquando fuit capella Sanctissimæ Trini-
 tati sacra, cum sacco frumenti in aërem sustu-
 lit, & trans murum & fossata deposuit, deinde
 cum frumento domum abiit.

Hic dubium esse possit, quis sacco fru-
 menti tulerit? Responsio digna data est in si-
 mili Domino Henrico Huilczbach, Iuris Do-
 ctori, prætori huius Ciuitatis Treuirensis, qui
 cum

cum ante paucos annos coram alijs maleficum doctum examinaret super articulis, de quo præcellerant testimonia, quod in congregatione in sella sedisset, exactius rem cognoscere desiderans, interrogauit, quis sedem attulisset? Examinatus molestè tam studiosam interrogationem screns, respondit, quod principium peteret, addens: qui me deportauit, nunquid potuit & sedem deferre? Sic in proposito, qui hominem transtulit, saccum cum frumento simul portauit. Sicut idem Angelus qui Abacuc Prophetam ex Iudæa in Babylonem portauit, simul etiam pulmentum pro prandio Danielis transtulit. Anno Domini 1586. 13. Augusti, quædam malefica nomine Gertrudis, de oppidulo Erangh, cum alijs incinerata est, quæ cum quadam vice ad cœtum, qui tunc congregandus in Hegenroderheydt/ portaretur à Diabolo sub forma hirci, Deum nominauit nescio qua occasione, & sic hircus eam in frutices & spinas deiecit, ita quod valdè malè se læserit. Altera die domum rediens, vicinis dixit, quod supplicatum iuisset ad B. Virginem in Clusam Euerhardi. Adhuc vnum ex processu Weisenbeins Annæ annotandum. Hæc cum Colonizageret, quadam vice vecta hirco cum Amasio redijt ad solitum cœtum in Hegenroderheydt/ est enim hic locus nominatissimus apud maleficos & sagas, generalis conuentus vt plurimum nostrates ibidem

celebrant, finito actu siue concilio, incidit in
 contentionem ratione quorūdam bonorum
 cum propria filia, eamq; verberauit in presen-
 tia filij, vt non solum mater, sed etiam filius &
 filia deposuerunt. Plurima similia facta adfer-
 re possem, sed hæc sufficient: abundant enim
 his nostrorum iudicum acta & processus, & res
 tam clara est, vt nemo negere possit, nisi solem
 de mundo tollere audeat: Hic respondendum
 vni argumento Francisci Ponzinibij, quod
 quidam maleficorum aduocati Achilleum
 putat, cum ne quidem Therstis sit Confessio
 debet continere verum & possibile, per Glos-
 sim, Baldum, & alios in l. i. C. de Confess. &
 Gloss. in cap. fin. de Confess. in 6. ff. ad legem
 Aquil. l. inde Neratius. §. fin. Sed ista quæ con-
 fitentur de delatione reali, respuunt ius &
 natura: ergo non sequitur: istæ mulieres sic
 confitentur, ergo sic est. Nam confessio lon-
 ge distat ab actu: & quicquid est contra natu-
 ram, deficit in suis principijs, ergo naturaliter
 est impossibile. Ad hoc argumentum facilis
 est responsio. Si quid probaret, argueret con-
 tra Scripturam, quod ea quæ de delatione A-
 bacuc, Christi Saluatoris, & Philippi, quem
 Sciriinus Domini rapuit, & inuentus est in A-
 baddon, Scriptura narrat, essent falsa, & contra
 naturam, & phantastica. Quia si impossibilis &
 falsa sit confessio, quod Dæmon hominem
 possit per aerem deferre, & deficit in suis prin-
 cipijs:

Utijs: impossibiles sunt etiam dictæ translationes. Quia sicut data possibilitate in vno, per consequens datur in omnibus alijs, quæ sunt eiusdem ponderis & magnitudinis, vt S. Thomas argumentatur, in cap. 4. Matth. Ita posita impossibilitate in vno, sequitur impossibilitas in omnibus alijs eiusdem ponderis ac rationis. Præterea si trāslatio realis deficit in suis principijs, & repūgnat naturæ: aut id contingit ex parte mobilis, aut mouētis, aut vtriusq; simul. Non ex parte mobilis, homo enim est corpus, quod moueri potest tam motu naturali, quàm violento, vt omnibus sensu præditis manifestissimū est. Non ex parte mouentis: quia mouens est fortissimus, & non est creatura super terram, quæ ei comparari possit. Non ex parte vtriusque, vtpote quia non possit esse contactus debitus inter agens & patiens, qui requiritur ad actionem & passionem, cum homo sit corpore affectus, Dæmon verò spiritualis creatura: hoc, inquam, non impedit. Nam anima mouet suum corpus, & Dæmon etiam corpus assumptum. Si quis dicat: Deus non permittit, frustra hoc dicitur. Quæ enim fieri & facta cognoscimus, nec principijs naturæ, aut Theologiæ repugnant, ea Deum permittere dubitare non debemus. Scimus enim quod nihil facere possumus sine permissione diuina, nec aliter inuestigamus, an Deus permittat, nisi quia similia facta & fieri experimur.

mur. Argumentum nunc mutatis mutandis retorquetur. Confessio debet esse vera & possibilis. Sed confessio maleficorum & magicarum est vera & possibilis, ergo fidem meretur.

Maiores probatur ex legibus & iuribus à Ponzinibio allegatis : assumptum constat ex dictis. Quicquid Theologiæ conuenit, nec naturæ principiis repugnat, & de facto contingit: verum est & possibile, sequitur ergo optimè. Viri & mulieres confitentur delationem realem : ergo sic est, si argumentum rectè intelligatur. Non enim confessio facit verum & possibile, quod ex rei natura eiusque principiis fieri nequit, ut argumentum in oppositum præsupponit. Sed confessio prodit verum, quod in facto contingit, res enim non accipit veritatem à confessione, sed à propria entitate & existentia. Quis enim tam ignarus, qui non nouerit confessionem distare ab actu. Si quis confiteatur & assermet chimeram esse, non ided, quia ignarus id confitetur, chimera est. Confessio ergo vera est, quando est conformitas siue adæquatio rei & principiorum in ordine ad intellectum: quod est in confessione maleficorum de reali delatione. Imò etiam Textus in Cod. Theodosiano L. fin. de malefic. & mathematic. videtur mentionem facere congregationum magicarum siue maleficarum.

ficarum. Sic enim ait. Ne quis deinceps nocturnis temporibus, aut nefarias preces, aut magicos apparatus, aut sacrificia funesta celebrare conetur, detectum enim & conuictum competentiam aduersione mactari perenni auctoritate censemus. Quid enim aliud nostri malefici faciunt? habent magicos apparatus, nocturnis horis conueniunt, Dæmoni obsequium præstant, Deum inhonorant, & conspirant contra Christum & exercitum eius. Dicit quispiam: aliquando experientia compertum, quod quando mulieres dicebantur in cursu fuisse, domi remanserint, nec loco se dimouerint. Huic dubitationi satisfaciet sequens conclusio. Certum est enim, quod aliquando non sunt realiter in cursu & congregatione, sed tantum repræsentatiuè: tamen tunc consensum Diabolo præbuerunt in repræsentationem: vt proprijs eorum confessionibus didicimus.

Ex dicta Conclusionem elicitur, secundum communem sententiam, hanc translationem fieri virtute Diaboli, nec vllam virtutem habere vnguenta, herbas, baculos, aliaque corporalia, quæ adhibentur, sed signa tantum esse.

Dicet hîc fortassè aliquis: compertum experientia quandoque est, alios experimenti gratia animaduertisse vxores se vnxisse, qui etiam idem præstituerunt, & secuti sunt: ergò aliqua

aliqua virtus ex rei natura inest vnguentis. Respondeo : hoc non probat aliquam virtutem vnguētis inesse, sed tales ex aliqua infidelitate, & quasi fiducia implicite in dæmonem habita identasse, & ita opera Diabolitalem translationem effectam. Si quis autem forti fide instructus, in confusionem diabolicæ machinationis, ad docendum & confortandum alios, nihil virtutis inesse huiusmodi naturalibus, ad tales effectus vtatur, procul dubio nulla translatio sequeretur. Proximè conclusioni ob stare videtur cap. Episcop. 26. q. 5. sed huic respondebitur infra in fine tractatus, in solutione argumentorum.

13. Conclusio. *Non semper corpora iter feruntur ad conuentus, sed quandoque sunt illusiones in imaginatione & phantasia.*

IN hac Conclusione non est Controuersia. Quando tamen fit illusio, maleficorum accedit consensus, quia vt declaratum in præludij 3. 4. & 5. ad maleficia requiruntur coniunctim Dæmonis potestas, & peruersa malefici voluntas. Per consensum autem intelligo, tam implicitum, quàm explicitem voluntatis actum. Et, si per impossibile, ita Deo permittente, sensum tam exteriorem quàm interiorem somno suppresseret Dæmon, vt intellectus

lectus non aduerteret, & voluntatis consen-
sus, qui præsupponit intellectus dijudican-
tis actum, non accederet, vt accidit in phre-
neticis & somniantibus: homo non peccaret
quia peccatum ex sua natura voluntarium esse
debet, vel in se, vel in sua causa: & sic

Diabolus in huiusmodi actibus

non assequeretur suum

intentum.

(. .)



SECVN

SECVNDVM

MEMBRVM QVAESTIO-
NIS PROPOSITAE.

*AN FIDES MALEFICO-
rum confessioni contra socios & par-
ticipes criminis sit habenda, &
quanta, in ordine ad tor-
turam?*

NON defunt authores, qui nullam
virtutem tribuunt denunciationi-
bus, idq; magna cum iniuria diuini
numinis, pernicie animarum, & euidenti rei-
publicæ detrimēto: quorum auctorum prin-
ceps esse videtur Ioannes Franciscus Ponzini-
bius in tractatu de Lamijs, & excellentia vtri-
usq; Iuris. Quare hanc quæstionem ab aliqui-
bus breuiter narratā, à nemine autem ex pro-
posito pertractatam, diuina assistente gratia,
elucidabimus & resoluemus per conclusiones
hoc ordine. In primis, paucis præmissis, veritas
conclusionibus claris proponetur: Deinde
argumenta soluentur, & per processum dubijs
occurrentibus respondebitur.

Pro introductione quæstionis aduerten-
dum est, Iuris vtriusque certissimum ac fir-
missi-

*Ordo se-
quætiæ tra-
ctatus.*

missimum esse decretum, vt de se confessi, super aliorum conscientijs non interrogentur. vt patet in iure canonico ca. 1. de confessis, & ca. Veniens 1. de test. & 15. q. 3. c. 9. Nemini: & in Ci. uili, C. de accus. l. fin. his verbis in medio l. Nemo tamen sibi blandiatur obiectu cuiuslibet criminis de se in quest. confessus, veniam sperans, propter flagitia adiuncti, vel per comunione criminis consortiu persone superioris optans, aut inimici supplicio in ipsa supremorum suorum sorte sociandus: aut eripi se posse confidens, aut studio, priuilegio nominati: Cum veteris iuris autoritas, de se confessos, nec interrogari quidem de aliorum conscientia sinat. Nemo igitur de proprio crimine contentē super cōscientia aliena scrutetur. Hec lex.

Ex quibus omnibus regula sumitur: Nulli de se confessio super aliorum crimine creditur, Et ratio reddi potest, quia talis persona est infamis, vilis & suspecta ex confessione proprii criminis. Quod argumentum in nostra materia imperiti maleficorum aduocati multum solent vrgere, quamuis infirmum admodum & fragile sit ad propositum, vt in sequentibus manifestabitur. Cum autem, vt Grammatici loquuntur, nulla regula tam firma sit, quę non patitur exceptionem, crimen læsę maiestatis excipitur, & cum ob paritatem siue identitatē rationis lex ad similem casum extendatur, cum crimine læsę maiestatis alia adhuc excipiuntur,

S

secun-

secundum canonum & legum dispositionem,
 vt videre est in Glossa communiter recepta in l.
 1. de Confessis. & L. fin. C. de accusationibus. &
 L. Quoniam liberi. C. de testib. & Doctoribus in
 eundem locis. Sunt autem hæc excepta, in quibus
 socius de socio interrogandus est. L. an quis
 nij crimen. ff. de custod. & exhibit. reorum. L.
 D. Adrianus. & C. de feriis. L. penultima. falsa
 monet. L. fin. C. de falsis monet. Proditio
 L. penult. & fin. C. ad legem Iuliam. Maleficij
 Coniurationis, cap. fin. de testib. cog. Maleficij
 siue strygm. C. de malefic. & math. L. unum
 crimen lætæ maiestatis diuinæ, id est. hæresis, cap.
 in fidei fauorem. lib. 6. de hæreticis. Alij alios
 casus exceptos colligunt, de quibus videntur
 Doctores in practicis criminalibus. Prædicti
 autem expressi sunt in iuribus allegatis. Theo-
 logi autem sub prædicta exceptione generali-
 ter videntur comprehendere omnia crimina,
 quæ tendunt in perniciem & damnum sine
 spirituale siue temporale reipublicæ, quando
 crimina non sunt correctæ, sed in futurum
 pendunt.

Dubium hic esse potest, An in furto socius
 de socio possit interrogari, & an annueran-
 dum sit furtum casibus exceptis. Bartolus in l.
 Repeti. ff. de quaestionibus; sic videtur sentire.
 Ab eius tamen sententia communiter Docto-
 res recedunt, licet in praxi in Italia & alijs, vbi
 furta frequentantur, multi iudices eam in-
 quantur.

*Casus excep-
 ti, à regula
 confessionum
 de se.*

quantur: hanc tamen cōsuetudinem iuri com-
muni non conuenire certum est. Nam furtum
non excipitur à lege, & vbilex non excipit,
& ratio dissuadet, excipere non debemus.
Gloss. in L. fin. de accusat. Salycet. ibidem.
Stephan. Bertrand. vol. 3. cons. 268. Hyppol.
Martil. in consilijs criminalibus, consil. 22.
num. 13. Iacobus Menochius lib. 2. de arbitrarijs
ludicijs quæstion. casu 474 à num. 20. Quare
de fure non habet locum doctrina Bartoli, nisi
velimus loqui in furto occulto, propter diffi-
cultatem probationis, vt sentire videtur Ale-
xand. in cons. 69. li. 2. citatus à Menochio loco
citato. Vel de furto ita circumstantijs aggraua-
to, quod meritò præsumi possit sine socijs non
esse perpetratum: tunc enim locum haberet
regula Salyceti in L. fin. Cod. de accusat. qua
rædult generaliter confessum proprium crimen
posse interrogari de socijs, quando præsump-
tio legitima dictat eum habere socios: aliàs
standum est iuri communi: quia regulæ stan-
dum, donec de fallentia ostendatur, & excep-
tio probetur, secundum Gloss. receptam in
L. omnis diffinitio. ff. de regulis iuris. De-
cius in lib. 1. cod. tit. Bart. in L. 1. Si quis vo-
catus non litit.

Præterea obseruandum, maximam esse dif-
ferentiam inter crimina excepta, & non excep-
ta, quia iudex si interrogat reum de se confes-
sum, in casibus non exceptis, contra dictam Re-

*Crimina
excepta
& non ex-
cepta
differentia*

gulam, peccat mortaliter, & reus non tenetur respondere veritatē dicendo, sed potest aequivoce loquendo subterfugere, modo tamen mendacio non utatur: vel si quid confiteatur contrarios, eis non praeiudicat. In exceptis vero criminibus, iudex, sub peccato mortali, intelligatur de se confessum, de locis interrogat, & reus si quos scit, in conscientia tenetur denunciare, si non sint correcta crimina, sed probabiliter praesumit in futurum pendere: ut optimē tradunt Dom. Sor. in lib. de regendo & deteg. secretum, memb. 3. q. 6. & li. 6. de iustit. & iure. q. 6. art. 2. circa medium. Cardin. Caiet. tom. 1. tract. 31. 17. Responsionum, respons. 5. ad patrem Cherubinum de Florentia, & in 2. 2. S. Thom. q. 70. art. 1. Alphonf. Cast. li. 2. de iusta bzret. punit. ca. 25. Iosep. Angl. in floribus Theolog. q. 2. part. in 4. sent. in q. de correctione fraterna. Mart. Navar. in manuali Confessoriorum. ca. 18. à num. 58. & ante hoc omnes S. Thom. 2. 2. q. 70. art. 1. ad 2. his verbis, quod quis ea, quae per confessionem novit in secreto, nullo modo potest prodere. Circa ea vero, ait, quae aliter homini sub secreto committuntur, distinguendum est. Quandoque enim sunt talia, quae statim cum ad notitiam hominis venerint, homo ea manifestare tenetur: puta si pertinent ad corruptionem militatitudinis spiritualem, vel corporalem, vel ad graue damnum alicuius personae, vel si quid aliud

aliud est huiusmodi, quod quis propalare teneatur, vel testificando, vel denunciando, & contra hoc debitū obligari non potest per secreti commissum. (Intellige aliter extra confessionem sacramentalem accepta) ex quibus manifestum est, hanc esse S. Doctoris sententiam.

Dubium. Quæ est ratio, cur Iudex teneatur Reum de se confesum interrogare de socijs in exceptis, & nō alijs, & reus tenetur etiam non interrogatus, denunciare? DD. communiter ponunt prædictā differentiam: non tamen fundamentalē assignant rationem, quam pro sua singulari eruditione attingit Mart. Nauar. in Rubrica Relectionis ca. Nouit. de Iudicijs num. 92. & in cap. Sacerdos, de pœniten. distin. 6. num. 24. In casibus non exceptis si Iudex interroget reum, peccat contra octauum Decalogi præceptum, quo prohibetur ne quis det iniustam causam infamie proximi. Ita hæc lex naturalis est de non infamando, qua lege etiam Reus, contra iuris ordinem interrogatus, tenetur celare occultum peccatorem. At in criminibus exceptis, quando agitur de impediendo damna spiritualia, vel temporalia reipublicæ, quæ in futurum pendent, alia lex naturalis accedit, quæ etiam priuati tenentur aliorum mortem & pericula, si possunt, præcauere & vitare, iuxta illud Proverb. 24. Eripe illos, qui ducuntur ad mortem: quæ fortior est illa de non infamando occultum. Concurrentibus autem duabus na-

turæ legibus, contraria in casu aliquo dicuntur, standum est fortiori: quia fortius vinculum fortiori modo ligat. Fortior autem est lex deferuanda alicuius spirituali, vel temporali vita, quam de conseruanda fama: Quia præstantiora sunt bona corporis & vite, bonis famæ & fortunæ. Prohibetur ergo iudex octauo Decalogi præcepto, in non exceptis Reus interrogare, & obligatur in exceptis lege naturali fortiori inquirere de confortibus, & reus eodem præcepto denunciare.

Difficultas hic moueri potest. An Pater filium suum aut filiam teneatur denunciare, quem aut quam cognoscit sequi malefactorum. Tam: aut contra filius, aut filia matrem, aut patrem?

PRO parte negativa videtur facere, quod poena scientis, & non reuelantis crimen læsæ maiestatis non habet locum in patre rationis filij. Si pater sciat filium moliri, crimen læsæ maiestatis, si non reuelet, non punitur, de iure ciuili & in foro exteriori: ne videatur filium offerre ad supplicium. L. Miles, §. Delectorem. ff. de re militari. Salycet. in L. propter insidias C. Qui accusare non possunt. Ioannes de Anania in cap. fin. de his, qui filios occidunt. Decius in cap. 1. de offic. delegati.

an pater

numer. 7. Alexander. in L. Vtrum. ff. ad L. Pompeiam de parricid. Bertachin. in Reperitorio iuris, verbo, Reuelans: & alij alibi. Ante omnia præsupponendum, quòd in hæresi filius potest patris hæresin denunciare, si verissimiliter cognoscat patrem non corrigi admonitione priuata, vt est text. in cap. Literas, de præsumpt. & sequitur ibidem communis opinio. Quod de hæresi dicitur, idem statumus de hoc maleficorum crimine: Quia ad hæresin refertur, & non minus, quam hæresis imò magis cæteris paribus communi salutis obest. Respondetur nunc: Pater aut mater si sciat filium, aut filiam hæresi laborare, aut crimine maleficorum, si non sciat emendatos, aut admonitione priuata corrigendos, si alij non sint, qui denuncient, tenetur denunciare. Namar. in Manuali confessoriorum cap. 25. numero 30. & in commentario cap. Inter verba. n. 93. concl. 6. Alexan. Halen. 3. part. 4. præcepto q. 33. Alfonsus Castrenf. lib. 2. de iusta hæreticorum punitione cap. 26. & alij, quos citat & sequitur Iosephus Mascardus de probationibus, volum. 2. conclus. 857. num. 18. Quia vbi Pater filium, aut mater filiam, vel contra, tenentur amare quantum ad vitam, plus tamen secundum ordinem charitatis tenetur consilium salutis animæ vtrius ad sanam reducatur vitam, quia anima pretiosior est corpore. Adhuc bonum commune reipub. est præferendum

privato. Certum etiam est, quando Pater filium, aut filiam denunciat in tali crimine, vel filium patrem, matrem, aut sororem, quod ei facile credendum, & maxima presumptio est de veritate ex d. cap. Literas, & cōmuni sententia ibidem. Et talium testimonium tanto firmitus, quanto suspicione odij longius absunt. Non est tamen valde humanum, si iudices inquisitione aut tortura, nimis durè exquirant à parentibus contra filios, aut filias, vel contrà: magna enim vis sanguinis, & naturalis reuerentia horrorem quasi incutit. Que causa facit, quod Doctores iuris citati excusent in foro civili patrem scientem & non reuelantem crimen læsæ maiestatis in filio.

Aliud hic occurrit dubium soluendum. An reus, qui confessus est crimen, de quo contra eum adsunt indicia, possit interrogari de alijs delictis, de quibus contra eum non sunt indicia: exempli gratia, aliquis sufficientibus indicij repertus est fur, & hoc confessus, an possit interrogari de adulterio aut latrocinio, de quibus nulla sunt legitima indicia. De iure secundum omnes non potest interrogari, ut docet optimè Iulius Clarus lib. 3 §. fin. præfatus criminalis, q. 64. vers. Succedat quæritio & Hyppol. Marfi. in L. Repeti. ff. de quaestioibus Mart. Navar. in Rubrica cap. Nouit, de iudic. c. an 62. Sed cū cōtrarium in multis locis feruetur, ut dicunt Angelus in tract. de mai.

lefic. in verb. Fama publica, Gaudinus in tract. de malefic. in tit. de quæstionib. num. 19. Fracis. Brunus in tract. de indicijs & tortura, & alij multi, quos refert Clarus loc. cit. An hæc consuetudo sit bona, meritò dubitatur. Hanc consuetudinem & praxim tanquam malam aliqui reprehendunt: inter quos Nauar. loc. cit. & Caietanus 2. 2. q. 69. art. 1. quoniam cum apartè sit contra ius standum est regulæ iuris, quando non probatur exco: tio: & est contra ius diuinum, quod aliquis iniuste det alteri causam se infamandi: ad quod nulla legē tenetur.

Quando autem vnum crimen est præparatorium ad aliud, vel consequens, aut annexum: tunc Iudex potest interrogare, vt Nauarrus loco citato numero 64. tradit. Percant igitur grauitur Iudices, qui contra ius sic interrogant: cum sit contra legē naturalem & diuinam: de quib. ibidem latius in num. 56. & potius contrarium facere est corruptela, quam consuetudo. Ex his patet, contra diuinum præceptum & iustitiam facere illos iudices, qui reum crimen confessum, de quo indicia procedebant, cogunt tormentis & minis furari alia, de quibus nulla adsunt indicia, & quasi tutius vitæ suæ generalem subire confessionem: hoc non iudicis, qui iuste iudicare debet, sed Tyranni officium est. His præiis pro resolutione sit.

1. Conclusio. *Maleficis de se confessis credendum est contra participes criminis.*

PROBATVR Conclusio rationibus. Prima ratio: Maleficus de socijs interrogatus tenetur respondere Iudici interroganti, & inde obligatus est ad interrogandum reum de confortibus: ergo ei credendum est. Quia si nulla ei adhibenda est fides, non est ratio, quare ipse obligetur denunciare. Antecedens probatur auctoritate Theologorum citatorum, & ex iure naturali, quo quisq; etiam priuatus tenetur, si potest, maximè sine suo periculo, amouere aliorum mortem, & maxima pericula, quæ tendunt contra salutem reipubl. & multorum, vt fortissimè probant non solum lex illa Prouerb. 24. Erue eos, qui ducuntur ad mortem: sed etiam cap. Non inferenda 21. q. 3. & cap. Quantæ. de sentent. excommunicationis, & cap. 1. dist. 83.

Atq; hanc doctrinam aliquando existimauimus tantum esse Theologorum & D. Nauarri, ob summam eruditionem in utroque iure, & singularem pietatem, Vrbi & orbi notissimi: nunc verò ampliùs extendo & asserto, esse communem Iurisperitorum sententiam, atque in primis in summo rigore eam tenet Bartolus in L. Vtrum, & L. Si sciente, ff. ad legem

legem Pompeiam de Parricid. & in L. 1. §. occi-
dorum ff. ad Sillanian. in quibus locis tradit,
si quis sciat committenda in principem, vel
tractatus contra ciuitatem suam aut Rempu-
blicam, vel in patrem, aut dominum, & non
inducat, quod sit puniendus poena legis,
id est, mortis: hæc opinio Bartoli commu-
nior est, & in multis locis practicatur, ut mul-
torum authoritate ostendit Iulius Clarus
lib. 5. §. fin. practicæ Criminalis: q. 87. Alij
dicunt scientem & non reuelantem, punien-
dum poena graui, sed non mortis, ut Felinus
in cap. 1. de offic. & potestate Iudicis deleg.
Decius ibidem & Andreas Barbatius. Sed quic-
quid sit, omnes probant scientem teneri ad
reuelandum in conscientia. Id quod in specie
tradunt Panormit. in cap. 1. de restitutione
falsiactorum. Felin. & Decius loc. cit. Antho-
nius de Butrio in cap. Quantæ. de sentent.
excom. & Salycetus, qui quoad poenam tenet
contra Bart. in L. Quisquis, C. ad legem Iuliam
Mæst. docet, quod in conscientia & apud
Deum sciens tenetur ad reuelandum, & id
ex lege charitatis, & Lancilottus in tract. de
offic. prætoris in causis criminalibus, in §. de
confess. fol. 573. in impressione Colonien-
si: Aliter temperandum Bartoli sententiam, quan-
tum ad poenam, quidam interpretantur eum
intelligendum de socijs criminum: sed alij ab-
solute intelligendum putant de omni sciente
& non

& non reuelante. Quare Baldus & alij clamant contra Bartolum, quod anima ipsius & omnium qui eum sequuntur, crucientur in inferno: eo quod sint homicidæ.

Ex his infero, iudicem non solum teneri ratione officij, virtute cuius obligatur, & prouincia purgetur à malefactoribus & inimicis communis salutis, iuxta L. Congruit ff. de viis, præsid. sed etiam legis naturalis vinculo, quo etiam priuati tenentur, ad credendum denunciationi rationali, ex circumstantijs, & ad inquirendum circa denunciatos. Quod si omittat, duplici ratione peccat: quia duplicem legem, transgreditur, iustitiæ & charitatis: & ratione iustitiæ, qua obligatur reipub. ex officio providere de malis imminuentibus si negligit, & reipubl. cuius interest delicta puniri, cap. vt famæ. de sententia excom. & L. ita vulneratus. ff. ad legem Aquil. patitur detrimentum, grauissimè peccat, & criminis sit partis, ex cap. 1. de offic. & potest. iudicis deleg. & Innocentio, Baldo, Decio, Barbatio, Panorm. & omnibus DD. cum, T. ibid. & tenetur ad restitutionem omnium damnorum, quæ inde redundant vel in rempub. vel in priuatos, vt definitur ex d. c. i. de offic. deleg. & communis sententia Theologorum. S. Tho. 2. 2. q. 62. & 7. Domi. Soti lib. 4. de iustit. & iure. q. 7. 1. 1. Ioan. Medinæ in Cod. de rebus restituendis. q. 9 Mart. Nauar. in manuali cap. 17. num. 21. Syl.

uch.

uelt. in verb. Restitutio. 3. nu. 6. Angeli in verb.
Iudex. §. 8. Caietani in Summa, verbo restitu-
tio, cap. 1. versic. Non obstat. Aureæ Armillæ
ibidem. Iosephi Angles in floribus in 2. par. 3.
sentent in q. Quis restituere teneatur, Non
difficultate. Conclus. 1. & aliorum. Deinde
deduco cum Dm. Soto, in li. de tegendo. &
de reg. secretum, loc. cit. & Nauarr. Confessarius
tenetur huiusmodi reos admonere, vt socios
denuncient in casibus exceptis, quod si facere
renuant, eos absolueri nequaquam debet, &
si absoluerit, æquè peccat absoluendo, atq; rei
non denunciando. Pro iudicibus annotandū
ex doctoribus, quod quando facienda est in-
terrogatio secundum iuris dispositionem, de
complicibus, vt non fiat in specie vel indiui-
duo contra aliquam singularem personam,
Quia hoc potius esset officium suggerentis,
quam interrogantis, & factu pessimum: sed
in genere, quos habeant complices, vt eos no-
minent, iuxta doctrinam Salyceti in L. fin.
Cod. de accusat. communiter receptam à pra-
dictis. Quare grauissimè peccant iudices,
qui cogunt reos quocunq; modo per fas &
nefas detegere socios, & summa reprehensio-
ne digni sunt, vt bene tradunt Iulius Clarus.
lib. 1. loc. cit. q. 21. vers. Retenta igitur, in fi-
ne. & Nauar. in Manuali. cap. 18. num. 59.

Sed circa prædicta potest dubitari, an Iudex
etiam quando interrogat de socijs in casibus
exceptis

exceptis possit in aliquo casu in specie vt si-
risperiti loquuntur, seu in indiuiduo in-
terrogare de socio aliquo, exempli gratia,
fuit ne tecum Tytius cum consilium intra-
tur de proditione, aut alio maleficio perpe-
trando?

Quod talis interrogatio in specie non sit
conueniens, & iuri consona, videtur commu-
nis Iurisperitorum doctrina in L. fin. C. de
accusat. Glos. Cyn. Salyc. Alberi. in qua com-
muni sententia fundata etiam est Constitutio
Carolina in art. 3. dum volunt circa nomi-
nationem socii, à iudice interrogationem facien-
dam & proponendam in genere, & non in spe-
cie seu indiuiduo, exempli causa, fuit ne aliquis
socius tibi in perpetratione talis maleficii? &
non in hunc modum; fuit ne Tytius tibi socius?
Quoniam Alberic. in d. L. fin. & nunc aliqui
aduocati videntur vniuersaliter intelligere
predictam communem doctrinam, ideoque
confessionem rei sciendam vt inuvalidam ad
talem interrogationem in specie factam excluden-
tes, volui in hac tertia editione clarius hoc
dubium proponere, & resolvere. Respondetur
ergo simpliciter doctrinam illam commu-
nem, & consequenter Constitutionem Ca-
rolinam in communi fundatam intelligen-
dam, quando nulla alia presumpcio legi-
tima est, aut indicia suppetunt contra singu-
larem personam. At quando aliqua presump-

tio, aut indicium seu indicia militant contra personam in specie siue singulari; tunc licitum est interrogando descendere ad speciem: ut fuit ne tecum Berta in conuentu maleficorum, quando à principe tenebrarum accepisti vnguentum ad maleficiandum Semprium Pro hac vera responsione clarissimè sunt Sylcetus in d. L. fin. Francisc. Brunus in tract. de inditijs & tortura, quæst. 3. primæ principatum. num. 23. Anton. Blancus in tract. de inditijs, num. 381. quem allegat & sequitur Menochius de arbitrarijs iudicium qq. lib. 2. casu. 474. num. 51. Julius Clarus in q. d. num. 4. versus finem. Iosephus Mascardus vol. 3. de probationibus. conclu. 1311. & alij alibi; nec puto doctum in hac re nunc laborare. Hinc quando contra aliquam particularem personam duæ aut tres denunciationes maleficorum debitis circumstantiis vestitæ præcessissent, quæ arguerent, aut præsumptionem præberent, eum, de quo iudex interrogare intendit, criminis participem & socium, nihil criminis foret deprehendere interrogatione ad speciem siue indicium: Quod euidenter demonstratur. In tali casu iudex debet inquirere contra talem personam, imò eandem sic diffamatam comprehendere, carceribus mancipare, & torturæ subijcere potest, si veritatem neget, & se professio infra in conclusionibus 4. 5. & seq.

seq. probamus. Ergo à fortiori licitum est in specie interrogare: An videlicet Sempronius fuerit in malefate, quando tale maleficiū contra talem hominem commissum.

Postremò ex superiori doctrina Inferior: quod si reus de se confessus, aliquem in sua societate nouerit poenituisse & conuersum, nec ampliùs esse periculum moraliter præsumpsit redeundi ad vomitum, non tenetur talem iudici interroganti denunciare: imò si denunciaret, peccat.

Secunda ratio sumpta ex differentia criminum exceptorum & non exceptorum. Omnium tam Theologorum, quam Canonistarum & legistarum iudicio receptum est, quod de se confessus, super aliorum conscientia nō debet interrogari, & si interrogetur, non creditur ei, ex iuribus allegatis: & hac regula non obstant casus supradicti excipiuntur, in quibus debent interrogari, & eis credendum. Ergo eorum confessio fidem facit: aliàs nulla est distinctio inter casus exceptos & non exceptos, contra scripturam & leges allegatas, & communem Doctorum sententiam.

Tertia. Regulæ standum & inhaerendum est, donec de exceptione & fallentia ostendatur, & probatur ex Gloss. recepta in L. non diffinitio. ff. de regulis iuris. & in 6. in Rubrica eiusd. tit. Petro de Ancharano ibidem

Barro.

Bartol. l. i. num. 2. ff. si quis in ius vocatus non
 ierit. Panorm. in cap. ad nostram, nu. 9. & in
 cap. Consuluit. i. num. 4. de appellat. Iacobo
 Menochio lib. i. q. 91. num. 16. de arbitr. Iudic.
 quæst. Zasio in tract. de substitutionibus cap.
 6. nu. 3. Couarr. lib. 2. variar. resolut. cap. 12.
 num. 4. Nauar. in Rubr. cap. Nouit, de iudi-
 cijs, num 61. Sed crimen maleficorum osten-
 ditur & probatur exceptum à Regula illa
 communi posita in cap. i. de confess. & L. fin.
 Cod. de accus. in quo reus interrogandus de
 socio, & ei credendum est. Ergò. Probatur
 assumptum ex L. fin. C. de malefic. & mathem.
 cuius verba sunt: Quicumq; maleficorum labe
 pollutum audierit, depræhenderit, occupa-
 uerit: illicò ad publicum pertrahat, & iudicum
 oculis, communis hostem salutis ostendat.
 Quod si quisquam ex agitatoribus, id est, au-
 rigis, seu quolibet alio genere hominum, con-
 tra hoc edictum venire attentauerit, aut clam-
 destinis supplicijs etiam manifestum reum
 maleficæ artis oppresserit, vltimum suppli-
 cium nõ euadat: geminæ suspicionis obnoxius
 quod aut publicum reum, ne facinoris socios
 publicaret, seueritati legum, & debitæ subtra-
 xerit quæstioni, aut proprium fortassis inimi-
 cum sub huiusmodi vindictæ nomine, consi-
 lio atrociori confecerit: hæc sunt verba legis,
 in qua notanda verba, quod suspicionis red-
 ditur obnoxius: quia publicum reum, ne so-

cios criminis publicaret, etiam puniendos, & ueritati legum subtraheret. Atque hanc legem, ne quis in intelligentia dubitet, in hunc modum allegatam interpretantur communiter Doctores, Alberi. in d. leg. Bartol. in l. Repeti. ff. de quæst. Bald. lib. 1. consil. 95. incipiente, Regula iuris est. Specul. in titul. de accusat. vers. item repellitur. Angel. ab Arcio in tractat. de malefici. vers. Sempronium mandatorem, fol. 19. colum. 2. verbo. Quæro an particeps. Panormitan. Ioan. Immolens. & Anthon. à Butrio in cap. 1. de Confess. Albert. de Gandino in tractat. de malefici. in Rubric. de quæstionibus. Franciscus Brunus in tract. de indicij & tortura. q. 3. 1. part. à nu. 9. Salicet. in L. fin. C. de accusat. Glos. ibid. & in C. de testib. L. Quoniam liberi. & in c. 1. de Confess. Marfil. in L. 1. §. D. Antoninus. ff. de quæst. & ibid. in L. Repeti. col. penul. Nauar. in Manuali c. 18. nu. 58. Menoch. li. 1. de arbi. iud. casu 474. nu. 33. & alij alibi: Recedere autem à textu iuris, ratione, & communi sententia, summæ temeritatis est.

Quarta. Malefici sunt latrones, & plus quam latrones: maius enim est occidere veneno, quam gladio, ex L. 1. C. de malefici. & mathem. Sed latroni contra latronem adhibetur fides. C. de scrijs. l. penult. & ff. de custod. & ex trib. reor. l. Diuus Adrian. & communi Doctorum sententia & praxi Ergo.

Quin-

Quinta. Malefici faciunt coniurationem cum Dæmonibus, in perniciem hominum, & destructionem omnium, quæ communem salutem tam corporalem, quàm spiritalem humanam promouent, vt experientia constat, & processibus exploratum est: quare d. lex eos meritò hostes communis salutis appellat. Sed in coniuratione datur fides socio contra socium, ex cap. fin. de testib. cogend. & ibid. consensu omnium, & Bald. in cap. Quoniam liberi. C. de testib.

Sexta. Malefici sunt rei læsæ maiestatis diuinæ. Ipsam propemodum diuinam pulsant maiestatem. L. Etsi excepta, C. cod. Si enim crimen læsæ maiestatis committit, qui in Imperatorem, Regem aut Principem conuicia conijcit, eis insidiatur ex odio, in ministros, vel in Reginam delinquit: Quanto magis obnoxij erunt tanti criminis, qui diuinam Maiestatem blasphemāt, sanctissimam Dei genitricem Reginam cœli maximis iniurijs afficiunt, atq; Regis æterni ministros in cœlo regnantes, & in terra militantes omni modo odio persequuntur? Sed in crimine læsæ maiestatis humanæ creditur socio contra socium, vt constat ex cap. 1. de Confess. & communi omnium sententia. Ergo & in hoc: quia sicut vbi est par ratio, est idem ius: sic etiā vbi est maior ratio, maius. Ratio autem quare excipitur à regula crimen læsæ maiestatis humanæ, est immanitas, &

reipub. vtilitas, quæ profectò à fortiori militat in hoc crimine. Et confirmatur: quia hoc crimen multa habet priuilegia còmunia cum scelere læsæ maiestatis, quilibet enim admittitur ad accusandum, quilibet potest capere, modò iudici deinde presentet: quilibet etiam ob hoc crimen, cuiuscunq; sit dignitatis, torturæ subijcitur, & inuentus reus punitur: ex d. L. Et si excepta. Quomodo hoc crimen spectet ad læsæ maiestatis peccatum, vide lodoicum Damhauderium in practica Criminali, cap. 61.

Septima. Malefici sunt sacrilegi, rebus enim sacramentalibus, & sacramentis. sacramentorum abutuntur in maximis sceleribus. Sed in crimine sacrilegij inquisitus potest interrogari de socijs, & ei creditur, si alij non sint testes. 2. q. 1. & cap. Qui autem. 17. q. 4. Campegius in tractat. de testib. reg. 86. fallent. 9. Lancelot. in tractat. de offic. prætoris in criminal. in cap. de Sacrilegijs, num. 2. & alibi. Menoch. in loco proximè citato, num. 30. & alij, quos ipse citat.

Octaua. Malefici sunt proditores patriæ: faciunt enim tractatus, vt experientia constat, quomodo vineas destruant, fructus perdant, & annonæ caritatem introducant. At proditoribus creditur contra socios. C. ad Legem Iuliam Maiest. L. penult. & fin.

Nona. Malefici aut sunt hæretici, aut eorum

rum facta sapiunt hæresin: ex cap. Accusatus. lib. 6. §. Sanè. Hoc qui negat, rerum experientiam impugnat. Quid enim aliud arguit, Deo abrenunciare, pacta cum Dæmonibus inire, Diabolos adorare, Dei genitricem blasphemijs lacerare, mysterijs nostræ salutis abuti, corpus Christi conculcare, aliaq; nefandissima scelera in Deum, sanctosq; cōmittere? Quæ omnia aut hæreses sunt, aut manifestam hæresin sapiunt. Sed in hæresi socius admittitur cōtra socium, ex c. In fidei fauorem, in 6. & communi omnium sententia.

Decima. Eis, qui veritatem loquuntur, credendum est: alias fides humana periret. Sed communiter accidit, vt socij in hoc crimine complices denunciantes, veritatem dicant: & si in casu vnus inueniatur, qui in denūciando fallatur, centum vel plures veritatem dicunt, vt constat experientia, & processibus contra maleficos. A communiter autem accidētibus licet argumentari in materia morali. Gloss. Bald. in l. Neq; natales. C. de probat. Boer. in decis. 288. num. 1. Gloss. & DD. in l. Non hoc. C. Vnde cog. Vnde Baldus locum à communiter accidentibus tradit facere indicium indubitatum, in additionibus ad speculatorem tit. de sent. & his quæ ipsam sequuntur, in vers. incipiente, ad mortem. Quod latius ostendit Marsil. in pract. criminali. §. Secunda. num. 36. Id quod confirmo ex doctrina S. Thom. 2. 2.

T 3

quæst.

quæst. 70. artic. 2. qui dicit, quod in actibus humanis, super quibus constituuntur iudicia & exiguntur testimonia, non potest adhiberi certitudo demonstratiua, eò quòd sint contingentia & variabilia. Sufficit ergò probabilis certitudo, quæ ut in pluribus veritatem attingat, & sic in paucioribus à veritate deficiat: hæc S. Thomas Si enim testimonium hominum esset reiiciendum, quia testes quandoque falluntur, vel falsum testimonium dicunt, omne iudicium cessaret. Nam & in iudicio Susannæ falsa erant testimonia: & quando Saluator mortis diiudicabatur, & Actor. 6. in condemnatione Stephani: & apud homines, innocenter quandoq; condemnatur: non tamen propterea testimonia humana, quæ ut plurimum veritatem attingunt, relinquuntur. Et idè in hoc crimine etsi error contingat quândoq; in denunciationibus, non propterea fides omniseis adimenda. In iudicijs & testimonijs falsitatem & errorem quandoq; contingere, probat nobilis illa difficultas apud Theologos & Iuriconsultos: An Iudex contra veritatem sibi notam, secundum allegata & probata possit sententiàm pronunciare, & innocentem sibi cognitum condemnare? Cuius affirmantem partem tenent S. Tho. 2. 2. q. 76. artic. 2. & q. 64. art. 3. ad 3. Alexand. Halen. 3. part. q. 40. membr. 6. Caietan. in loc. S. Thom. Syluest. in verb. Iudex 2. q. 5. Domini-

cus Sotus l. 5. de iust. & iure q. 4. art. 2. & ex Iurisconsultis Bartol. in L. Illicitas, de offi. præsid. Ioan. Andreas in Speculo, tit. de disput. & alleg. §. Satis. Glos. in cap. pastoralis. §. quia de offi. Delegat. & Felin. ibid. Couarr. li. 1. variar. resol. c. 1. & alij alibi. Non ergo ex humanis veritas tollenda est, quia propter hominum fragilitatem & inconstantiam quandoq; homines à veritate deficiunt.

Vndecima ratio. Testes, qui non debent examinari, examinati faciunt aliqualem fidem, quia faciunt quale quale indicium, vt DD. loquuntur. Bald. in L. Martinus. ff. de quest. & in L. Cunctos populos. C. de summa Trinit. & fide Catho. Salic. in L. Si seruos. C. de testi. Glos. in L. 3. ff. de testi. Quod latius probat Marsil. in pract. §. Diligenter. à num. 141. Ergo magis credendum illi testi, qui debuit examinari, quia maiorem fidem facit. Si enim id quod videtur minus adesse, adest: multò magis quod magis videtur adesse, adest. Sed maleficus de se confessus, examinari debet de cõplicitibus, ex LL. & communi sententia: Ergo.

Duodecima ratio sumpta est ex praxi Ecclesiæ, quæ tradit eis esse habendam fidem. Nam omni tempore Iudices ex huiusmodi denunciationibus inquisuerunt contra denunciatos, vt patet ex Malleo Malefi. & Bulla Innocentij VIII. Malleo præfixa: Nicolao Iaquerio & Barth. Spineo, S. Palatij Magistro

in lib. de Strygibus, & Paulo Grillando Iurif-
consulto, caussarum Criminalium in vrbe Iu-
dice, in li. 2. de Sortilegijs. Omnes enim dicti &
alij, processus instituerunt secundum formam
Iuris, in inquisitione hereticorum seruandam.
Sed in hac forma continetur, vt credatur con-
sortibus, ex lib. 6. de hæret. cap. In fidei fa-
uorem.

2. Conclusio. *Certum etiam est, quod
maleficis de se confessis non habetur tanta
fides, quanta hominibus integra fama, opi-
nionis & vita.*

OMNES in hac re conueniunt: quia ex con-
fessione proprij criminis, aliquo modo
eorum in opinione hominum læsa est fides:
Alias etiam ad trium vel quatuor denuncia-
tiones posset aliquis damnari: quod non est
in praxi, vt in Conclusionem vltima plenius
declarabitur.

3. Conclusio, *Confessio malefici contra
socium, facit indicium ad torturam.*

NOTANDVM: hæc Conclusio duplicem
potest habere sensum: vnus est, quod cō-
fessio vnus contra socium sit sufficiens ad
torturam, absq; alijs indicatijs & adminiculis, &
sic tenet Cynus in L. fin. C. de accusa. Anthon.
de Butrio in cap. 1. de confess. Paulus de Leaza-
ris

ris in ca. grauis. De deposito, vt citat eos Alexand. lib. 3. consil. 89. incipiente: Viso themate antescrptæ. In eundem videntur descendere sensum Ioan. Immol. & Panorm. in cap. d. de confess. Angel. in d. L. fin. & Dinus in tractatu de quæst. Secundus sensus est, quod confessio vnus contra socium, vnum faciat indicium, non per se sufficiens sine alia præsumptione vel indicij: & hunc in Conclusionem intendimus.

Probatur nunc Conclusio, præsuppositis suprâ probatis. In criminibus exceptis socium interrogandum de socijs, & Maleficium esse è numero exceptorum. In criminibus exceptis dictum socij facere indicium ad torturam, à fortiori probata autoritas Doctorum proprio sensu citatorum. Nam qui sentit id, quod maius est, multò magis id quod minus est, sub eodem gradu sentire dicitur. Deinde in sensu nostro tenent communiter Doctores, in criminibus exceptis confessionem socij contra socium facere indicium ad torturam: Innocentius in cap. Quoniam. de testib. Gloss. in L. fin. C. de accus. & in L. Quoniam liberi. C. de test. quam ibidem Doctores sequuntur. Alexand. in d. consil. & in lib. 2. consil. 211. incipiente. Visa facti renunciatione. Philippus Decius in consil. 189. num. 7. & 10. incipiente, Latatus sum plurimum, &c. Idem in cap. Quoniam de test. Philip. Corneus vol. 1. consil. 58. Hyppol.

Marfil. in consil. Criminal. consil. 22. & 109. num. 11. & in L. 1. §. D. Antoninus. ff. de q. & la-
rè in praxi criminali. §. Diligenter. à num. 59.
Ludouic. Roman. in consil. 154. Bald. 1. vol.
consil. 95. Conrard. Lancilott. in tractat. de of-
fic. prætor. in criminal. in tit. de negatione cri-
minis & tormentis, num. 23 Albert. Gandinus
in tractatu maleficorum, in Rubr. de quæstio-
nibus & tormentis: & hæc est communis sen-
tentia, vt tradit Iul. Clarus lib. 5. sententiarum.
§. fin. q. 21. vers. Sed quid in criminibus excep-
tis. Idem confirmo ex definitione & differen-
tia indicij leuis & grauis, secundum practicos.
Leue est, cui contingit frequenter abesse veri-
tatem. Graue, cui contingit frequenter adesse
veritatem. Sed maleficorum denuntiatio-
nibus non solum frequenter, sed aut ferè sem-
per, aut semper contingit adesse veritatem, vt
Iudicum experientia & processibus constat,
ergo denunciatio malefici contra socium fa-
cit indicium graue: quia cui competit defini-
tio, competit & definitum.

4. Conclusio. *Confessio vnius socij in
maleficio contra alium, est sufficiens ad in-
quirendum in criminibus exceptis.*

PROBATVR. Confessio huiusmodi ali-
quem habet effectum, vt constat ex dictis.
Ergo ad inquirendum: cum per se nõ sufficiat
ad tor-

ad torturam, imò in non exceptis tradunt Doctores nominationem socij efficere, vt Iudex possit inquirere: quantò magis in exceptis? Deinde nostram Conclusionem tenent communiter Doctores, vt docent Clarus loc. citat. vers. Retenta ergo communi Conclusionem. Et ante hunc Ludouic. Romanus in L. Et si certus. ff. ad Syllan. Augustin. ad Angelum Aretin. in tract. malef. in verb. Fama publica, n. 31. Roland. in cons. 73. lib. 1. & alij alibi.

Ex hac Conclusionem sequitur, quod Iudex habita confessione vnus malefici contra participem criminis, debet cautè inquirere circa nominati statum & conuersationem, & indagare alia reperiantur indicia.

5. *Conclus. Confessio socij contra complices & participes in crimine, in maleficorum scelere, si aliata habet presumptionem adiunctam, vel indicium, aut indicia, facit indicium ad torturam sufficiens.*

PROBATVR Conclusio ex Gloss. & Saliceto in L. fin. C. de accus. vbi Salicet. dicit in exceptis talem confessionem siue nominationem secundum Doctores facere indicium ad torturam, quam ipse moderatur ex Gloss. citata, si talis nominatio sit cõiuncta cù alia præsumptione: & hanc doctrinam Saliceti Doctores in praxi sequuntur, vt testatur Iulius Clarus in q. d. &

q.d.& in specie Alexand. lib.3. consil. 59. incipiente: Viso themate. Albertus Gandinus loc. citat. Francisc. Brunus de indicatijs & tortura loco d. vers. Qualis autem sit modus. Guido à Suzaria, de indicatijs & tortura. num. 49. & ibid. in addit. Ludouicus Bologninus. Hyppolit. Marfil. in cons. 28. nu. 17. & in cons. 130. nu. 42. vbi latè probat ex Alexand. & alijs. Atque hic pro lectore notandum, quando citantur consilia Marfilij, intelligendum de criminalibus, & non ciuilibus in hac materia.

Circa hanc Conclusionem & alias de confessione socij criminis, secundum Doctores notandum est, ad hoc vt dictum socij faciat indicium ad torturam, requiri, vt in tormentis confiteatur. Sic tenent communiter Doctores: quia cum sit infamis & vilis factus ex confessione proprij criminis, purgandus est talis defectus tortura. Bald. 1. vol. cons. 95. Alexand. 5. vol. cons. 152. incipiente. Viso processu, nu. 17. Raphael Fulgos. cons. 173. incipiente. In causâ inquisitionis. Marfil. cons. 22. n. 22. & 109. nu. 13 & in pract. criminal. §. Diligenter. nu. 61. Gandinus de quæst. & torment. §. Nunc restat formare. Alberi. in L. fin. C. de accusat. Ad do his ea, quæ secundum Baldum, Salicetum, Oldratum, & alios, Iason in L. Cunctos populos. de summa Trinit. & fid. Cath. num. 70. in prima lectura, & in 2. nu. 51. docet infames in criminalibus cum tortura admitti, ad hoc vt
indi-

in socium faciant ad torturam, in subsidium
que communis Doctorum est sententia, vt
infra constabit. & licet Couatruuias lib. 2. va-
riorum Resolutionum, cap. 13. nu. 8. videatur
refere, quod tantum in ciuilibus id obtineat,
vt periurium & infamia tormentis purgen-
tur: tamen ipse intelligendus est, quantum ad
absolutam probationem: & ita communi non
aduersatur, imò maximè fauet. Quia vt Bar-
tol. in L. fin. in fine. ff. de in lit. iurand. vult,
quotiescunq; probatio probat in ciuilibus: in
criminalibus facit indicium ad torturam, qd
comprobat Marfi. in pract. d. 6. Diligenter. nu.
133. Quod autem socij criminis cum tormentis
admittantur, valdè iuridicum est, & in qui-
busdam locis seruatur. Dicit tamen Chassa-
næus in consuetudinib. Burgundiæ, in Rubr.
1. se hoc sepe allegasse in curia Franciæ: Curiam
tamen non attendere in delictis atrocioribus,
quæ fiunt de nocte, & clandestinis: sed ad mit-
tere, propter difficultatem probationis, pro-
bationem sociorum criminis sine tortura, in
casibus, quibus socij criminis admittuntur.
Seruanda autem in hac re consuetudo loci, vbi
ius dicitur, vt tradit Clarus q. cit. Constitutio-
nes Imperiales Criminales Caroli V. quamuis
declarent socium contra socium facere indi-
cium ad torturam, inter alias conditiones, nul-
la tamen sit mentio, quod debeat fieri nomi-
natio in tortura, vt est videre in articulo 31.

Con-

Concedendum tamen maxime in vilibus personis, Confessionem reddi probabiliore, quando examē fit in tormentis. 2. q. 1. can. In primis. & 5 q. 5. can. Illi qui. & L. ob carnem. & L. 1. ff. de testib. & in Auth. de test. §. Si verò etiā. Aduertendum tamen pro praxi, non esse necessarium, vt confitens actu tractus sit ad tormenta, modò metu tormentorum confiteatur. Quia confiteri in tormentis, & metu tormentorum, æquiparantur in iure, vt tradunt Bartol. in L. 1. §. D. Seuerus. ff. de quest. Bald. in tractat. de quest. & torm. Guido à Suzaria de indicij & tortura. num. 71. & ibid. in addition. Bolognin. & communiter practici. Metu autem tormentorum fit confessio, non solum quando actualiter tortura adhibetur, sed etiam quando est in locum tormentorum ductus ad torquendum, vel præcedunt minæ tormentorum, secundum Angelum ab Aretio in tract. malef. verb. Fama publica. Bartol. in d. L. 1. Gandin. in tract. de malef. in Rub. de questio. & torment. Marfil. in Pract. Criminali. §. Expedita. num. 10.

Sed hinc exurgit dubium.

An ad hoc vs dictum socij faciat indicium requiratur, vt deponat cum iuramento?

Marfilius in Pract. §. Diligenter. à num. 63. tenet quod sic; & propterea dicit se Bononiæ

scin. 1

semel liberaſſe à furca quendam furem, nomi-
ne Ludouicum de Pariſijs. Eundem ſequitur
Iulius Clarus in d. q. 21. verſ. *Quæro nunquid*
ad hoc: & dicit, quod ſic ſemper viderit obſer-
uari. Sufficit autem vt fiat iuramentum, vel
ante torturam, vel præſente ipſo, contra quem
deponit, prout ſeruatur in confrontatione te-
ſte Boërio de inciſ. 319. Marc. Anton. Blancus
in tract. de indiſijs, nu. 384. tenet contrarium,
vt citant eum Clarus & Menochius lib. 2. de ar-
bitrar. Iudi. quæſt. nu. 60. Tradit Menoch. ex
aliorum authoritate praxim eſſe ſeruandam:
& hoc videtur tenendum. Requirit enim
iura & leges iuramentum in teſte, qui plenè
probare debet, quod nõ eſt in propoſito: qua-
retantus rigor iuris non attenditur. Pro cuius
rei confirmatione facit, quod idem Marſil. in
cod. 6. infra. n. 143. latè probat, teſtem examina-
tum ſine iuramento facere præſumptionem.
Hoc tamen ſemper faciendum à prudenti &
timorato Iudice, qui Deum & iuſtitiam ante
oculos habere debet, vt quando Reus complice,
in caſibus, quibus tenetur, nominat, eum
admoneat, vt propriæ memor ſalutis, nemini
iniuriam faciat, ſed bene conſideret, quid lo-
quatur, imò & interrogare poterit reum, an in
animam & conſcientiam ſuam velit recipere,
ſic ſe rem habere: hoc enim induit quaſi ratio-
nem iuramenti.

Hic libet pro nostra materia
mouere dubium.

*An dictum mandatarij solum sine alijs
adminiculis vel indicijs, faciat indicium ad
torturam contra mandantem?*

EXEMPLI gratia, in præsentî crimine inter
maleficos & maleficas sunt homines in-
ferioris sortis, vilis conditionis, mediocris
status, & superioris: Nunc maleficus vilis con-
ditionis & pauper fatetur se grandinem mo-
uisse, ad perdendum frumentum. Ipse est pau-
per, mendicat panem, mallet frumenti co-
piam, quàm inopiam: præsumit meritò lu-
dex talem motu proprio non fecisse, sed alio
mandante, vel alijs superioris ordinis. Inter-
rogat de mandantibus vel mandante: Man-
datarius verò reuelat & denunciat mandan-
tem. An talis denunciatio faciat indicium
solum, ita vt mandans possit capi & torqueri?
Ante resolutionem notandum est, quod man-
datarius potest interrogari de mandante, quâ-
do præsumptio est veritabilis, eum fecisse ex
alterius mandato. Deinde aduertendum, cû
mandans non dicatur propriè facere, inter-
pretatiuè tamen, vt Doctores loquuntur, con-
currit. Vnde tenetur de delicto mandatarij,
& punitur eadem pœna regulariter, qua man-
datarius. Bartol. in L. Non solum. ff. de iniu-
rijs.

rijs. §. Si mandato: & est communis opinio, vt testantur Albert. Gandinus in tractatu de malefic. in Rubrica de pœnis. Julius Clarus lib. 5. §. fin. q. 89. Lancilottus in tractat. de offic. prætor. in cap. de mandante homicidium. Didac. Couarr. in Clement. Furiosus de homicidio. Hoc tamen sciendum est, quod quando mandans est potens & seuerus erga eos, mitius puniendus est mandatarius: quia cùm actio tum minus sit voluntaria, minus in eadem specie peccat. Metus enim etsi non tollat, minuit tamen voluntarium.

Respondetur nunc conformiter superioribus Conclusionibus, quod mandatarij dictum solum sine alia præsumptione, vel indicijs non est sufficiens ad hoc, vt mandans possit subijci tormentis, vt patet ex proxima Conclusionem. Deinde ob aliã rationem, quam ponunt Clarus d. lib. quæst. 21. & Marsil. in §. Diligenter. num. 39. Quia aliàs esset in potestate cuiuslibet hominis scelesti, & vilis personæ, vt vir probus subijceretur tormentis: quod esset impium & absurdum. & ita dicit Clarus, quod viderit semper seruari: hoc tamen modo, vt in criminibus exceptis leuiore suspiciones sufficiant, quàm in non exceptis. Quæ praxis bene notanda est ad propositum, quod propter atrocitatem criminis, & occulti exercitij naturam, leuiore sufficiant suspiciones: sicut etiam in hæresi omnium iudicio leuiora argumen-

ta & signa, quàm in alijs, acceptantur ad præsumentum ex L. 2. C. de hæret. Felin. in cap. literas. de præsumpt. Lancilott. in d. tract. in cap. de hæret. num. 8.

Dicit quispiam, cùm hic agatur de indicijs, quot indicia requirantur ad torturam? Respondetur, secundum Doctores, in praxi ita seruari, quod per vnũ indicium, si sit proximum, procedatur ad torturam: vt si sit vnus bonus testis de visu, vel Confessio extra iudiciũ, vel res reperta apud reum præsumptum. Atq; etiam duo leuia vnum sufficiens ad torturam efficiunt, vt Doctores practici, Lancilott. in d. tract. in cap. de negatione criminis. nu. 29. Marfil. in pract. & alij colligunt ex Bart. L. fin. ff. de quæst. Quod autem de consuetudine seruetur, vt propter vnum indicium Reus tormentis subiiciatur, attestantur Ioan. Andreas in addit. ad Speculato. in tit. de præsumpt. §. Species. Alexan. lib. 1. cons. 77. Alberi. in L. Si quis alicui. C. ad L. Iul. Maiest. & hæc est communis opinio. vt tradunt Clarus li. 3. §. fin. q. 84. & Marfil. in pract. Criminal. 6. Diligenter, à n. 177. Animaduertendum est, quod in materia indiciorum & torturæ non potest in omnibus dari certa regula, propter varios casus emergentes. Ideo Iudicis arbitrio multa relinquuntur, an vnum sufficiat indicium, vel plura, vel quale. Iudicis tamen arbitrium in hoc sicut in alijs omnibus, debet esse iuri & equitati

ati consonum: aliàs non valer, nec debet se-
 qui propriam conscientiam, sed publicam &
 regulas legum, vt latè Marfil. in pract. loco cit.
 à num. 27. prosequitur: quia in arbitrijs Iudex
 debet facere suum arbitrium cum consilio pe-
 ritorum. Quando enim dicitur aliquid relin-
 qui Iudicis arbitrio, non est is sensus, vt fortas-
 se indocti Iudices, & iuris imperiti intelligūt,
 quod quisque Iudex pro suo sensu & cere-
 bro possit decernere, ita vt pro ratione sit vo-
 luntas propria, sed quod Iudex consideratis
 circumstantijs rerum & personarum, necnon
 etiam legum decretis, & doctorum sententijs,
 arbitretur quod iuri & æquitati consonum
 erit, quando lex expressè de iustitia non sta-
 tuit. Vnde arbitraria, quæ dantur iudicibus,
 intelliguntur concedi, secundum mentem le-
 gis, & arbitrium intellectus rationis, vt rectè
 docet Andreas Barbatius in ca. 1. de constitut.
 num. 167. Si autem lex quid certi statuatur in ca-
 su, legi standum est. Hinc inferitur, illa indicia
 maximè quæ leges ponunt, & DD. ex legibus
 colligunt, obseruanda esse. Deinde breuiter
 deduco (inferius latius Deo duce probatu-
 rus) in materia maleficorum peccare quos-
 dam Iudices lurium ignaros, qui requirunt
 tantam copiam indiciorum, vt ex natura &
 statu istius exercitij, quod occultissimum
 est, vix vnquam sit, aut esse velit, qui aut ac-
 tufare, aut denunciare audeat: maximè cum

regulariter omne indicium, secundum communem sententiam, quam etiam Constitutio Criminalis Caroli Quinti in articulo 23. complectitur per duos testes probandum sit: Cùm tamen iura, Doctores, & praxes doctissimarum Curiarum, in enormibus, clandestinis, & occultis, necrimina impunita maneant, Diuina maiestas grauissimè lèdatur, atq; ad iram prouocetur, & Respub. patiatur: leuijores & minores quàm in alijs admittant suspensiones, & minora argumenta seu indicia requirant, ut in probatione sextæ Conclusionis euidenter probabo.

Aliud hîc dubium incidenter soluendum, quod sæpe in praxi occurrit: Casus talis est. Maleficus indicijs sufficientibus, & seruatis seruandis in tortura coram Iudice, notario & assistentibus proprium crimen confessus, deinde de consortibus interrogatus, cùm iure & potuerit & debuerit interrogari, denunciavit duos, vel duas, vel plures: quam confessionem ratam habet, & confirmat, dum est ad banchum Iuris, ut vocant, & sententiam expectat. Sententia lata proceditur ad executionem, & dum est in manibus Carnificis, locum præparatum ad incinerandum intraturus, vel instantia partis denunciata, vel importunitate admonentium mortis, & urgentium per animæ salutem, ut cogitet, verè, an falsò denunciaverit: reus perturbatus hisce vel similibus

verbis, dum in extremis militat, vertit, sed ad populum, dicens ad Iudicem, vt paululum expectet, & ait, in præsentia omnium. Rogo vos omnes, vt mihi ignoscatis, atq; pro anima mea Dominum rogetis, & quia illos vel illas denunciaui tanquam participes criminis: excuso eos, & dico me nihil mali de ipsis scire. Vel, delatis præsentibus & instantibus responder: habeo vos pro bonis & probis. Quibus peractis non est amplius locus verbis, sed proceditur ad executionem. Difficultas nunc est, an confessio in extremis facta elidat primam confessionem, in tortura & iudicio factam, ita vt prior non sit amplius indicium ad torturam contra denunciatos, iuxta modum in Conclusionem expositum.

Videtur quod elidat, tum quia confessio nulla, & non perseverans, eiusdem censetur virtutis, apud Doctores: tum quia quilibet in articulo mortis memor salutis præsumitur. can. Sancimus. l. q. 7. & Gloss. in cap. literas. de præsumpt. Quæstio hæc parum apud Doctores trita est. Eam in casu furti mouet Marsilius in pract. Criminali. §. Restat. in principio, & soluit in partem negantem: & sic etiam in præsentem resolvimus: Non esse standum tali confessioni, quæ in extremis fit: & probatur ex L. Si quis in graui. §. Si quis moriens. ff. ad Syllan. vbi per illum textum Bartolus & alij dicunt, quod si aliquis Iudex, constitutus in mortis

articulo, dicit se falsam tulisse sententiam, non statur ipsius dicto, nec ei creditur ad annullandum sententiam: & multis alijs iuribus & allegationibus prosequitur dictus auctor. Præterea eadem solemnitas requiritur in destruendo, quæ exigitur in construendo: nec non etiam eadem solemnitas postulatur in reuocatione actus, quæ in celebratione. Sed talis reuocatio in articulo mortis fit extraiudicialiter, sine debita solemnitate: denunciatio vero facta est seruatis seruandis in iudicio: & actus fortior est, qui fit in iudicio, quàm qui fit extrà, iuxta Gloss. receptam in Authen. Generaliter. C. de Episc. & Cleric. Ergo posterior confessio nõ derogat priori. Atq; in maiorem cõfirmationem optima est ratio. Reicùm ducuntur ad supplicium, & sunt in puncto mortis, ad eò concuriuntur timore, & perturbantur angustia necis, vt quasi alieni à mente videantur, & plenum iudicium non habeant, & oppressi mortis timore sunt veluti similes mortuis. Ad hæc: talis persona, maximè si moriatur pœnitens sana mente & ratione, nõ confirmasset primam confessionem factam in tortura, quando sententia danda erat ad banchum iuris: tunc enim conscientiam suam aperuisset, & reuelasset excusando, quod in tormentis timore pœnæ, ad liberandum se à tortura, vel alia affectione mota, denunciaisset tales, tanquam paticipes criminis, contra

veritatem. Si autem in iudicio persistit in prima confessione, veritatem dixisse, & consensum præbuisse, in primam præsumitur. Quia qui tacet, quando loqui tenetur, & interrogatur, pro consentiente habetur. Ex his similibusque argumentis videtur concludendum, quod in foro exteriori talis excusatio in extremis non elidat primam confessionem: quamvis maximum quiddam apud Deum & homines sit, quod ille reus statim moriturus exculpet, & excuset, quem inculpauit. Quod in contrarium obijcitur, verum est, quod confessio non perseverans, æquiparetur confessioni nulli: hoc tamen intelligitur usque ad sententiam condemnatoriam. Si reus non perseveret in confessione facta in tortura, non potest condemnari vi prioris confessionis. At alia ratio est post sententiam. Quod verò adducitur: moriens præsumitur memor salutis, verum est, si constanti & sanamente, & deliberato iudicio respondeat, & non perturbetur timore mortis, vel instantia importuna partium, aut sollicitantium. His addo, quod Baldus ait, in tractat. de pace Constantiæ. §. extra quæro. num. 66. qui tractatus habetur in 3. vol. Oceani iuris, fol. 77. quem sequitur Iason. in L. i. ff. Per quam factum erit. num. 16. Non omnis qui moritur, vel est in extremo vitæ constitutus, est Sanctus Ioannes Baptista, licet receperit corpus

Christi. Vndelicet sit aliqualis præsumptio, non tamen tanta, vt multum probet. Ex his duo elicio: Primum, pro Confessarijs, qui talium reorum audiunt confessiones in calibus, quibus socios criminis tenentur denunciare, vt admoneant eos seriò in confessione, ad denunciandum eos, quos in conscientia, ex certa scientia, sepositis omnibus humanis affectionibus, nouerint consortes, Iudici coram notario & testibus, & si quos fortè in tormentis ex odio, inuidia, vel timore pœnæ, vel alia causa cōtra veritatem denunciaſſent: reuocent cum eadem solemnitate, ante sententiam. Quia si postea Confessarius reum comitetur ad supplicium, & tunc sæpius inculcando admoneat vt memor salutis, si quem iniuste denunciaſſet, eum reuocet, stimulis conscientia ex vna parte, cum mors instet, & ratio reddenda sit: & ex altera anxietate mortis exagitatus facile cōtingere posset, vt totā primam Confessionem in dubium reuocaret. Secundum, vt Iudex nunquam permittat, sententia lata partes accedere ad instandum & molestandum reum, sed si iudicet cōfrontandos, vt loquuntur, id fieri curet ante sententiā pro commoditate. Aliàs si post, quid per importunitatem reuocetur, generatur aliquo modo præiudicium tum iudicio, quod sanctum esse debet, & sine mendacio tum etiam ipsi reo, qui falsum dixit, aut in falsum consensum dedit, dum loqui debebat,

& ta-

& tacuit, si postea non stet confessioni: Nec etiam secundum legestalis subsequuta reuocatio, vt suprà dictum, magni ponderis est, præsertim quando prima confessio fulcitur adminiculis, quæ ipsam probabilem reddunt. Vide ad hanc materiam Constitutionem Criminalem Caroli V. in art. 31. vers. Zum fünfften. Huic resolutioni multum fauet, casus in simili expressus in L. Si quis in graui. §. Si quis moriens. Ad Syllania. vbi non creditur vulnerato morienti, qui in extremis vitæ, exempli gratia, dicit se à Titio vulneratum, nisi potuerit aliter probare. Ex qua lege Angelus ibidem, & Marfilius conf. 5. num. 14. & conf. 109. tradunt dictum morientis facere indicium ad torturam. In contrarium est communis opinio, facere aliqualem præsumptionem, sed non tantam, quæ sufficiat ad torturam. Stephan. Bertrand. lib. 2. conf. 137. & alij multi, quoscitat & sequitur Iul. Clarus lib. 5. quæst. 21. Vnde Constitutiones Criminales Caroli V. in art. 28. determinant, quòd sermo morientis, si quem denunciet, aliquod faciat indicium.

Cum in crimine maleficiorum denunciantes sæpè sint varij in confessione, dubitatur meritò: Cui confessioni standum?

HAEC quæstio si in generali tractetur, intricatissima est, & eam ad longum ex re-

V 5 cen-

Concedendum tamen maximè in vilibus personis, Confessionem reddi probabiliorē, quādo examē fit in tormentis. 2. q. 1. can. In primis. & 5 q. 5. can. Illi qui. & L. ob carnem. & L. 2. ff. de testib. & in Auth. de test. §. Si verò etiā. Aduertendum tamen pro praxi, non esse necessarium, vt confitens actu tractus sit ad tormenta, modò metu tormentorum confiteatur. Quia confiteri in tormentis, & metu tormentorum, æquiparantur in iure, vt tradunt Bartol. in L. 1. §. D. Seuerus. ff. de quæst. Bald. in tractat. de quæst. & torm. Guido à Suzaria de indicij & tortura. num. 72. & ibid. in addition. Belognin. & communiter practici. Metu autem tormentorum fit confessio, non solum quando actualiter tortura adhibetur, sed etiam quando est in locum tormentorum ductus ad torquendum, vel præcedunt minæ tormentorum, secundum Angelum ab Aretio in tract. malef. verb. Famā publica. Bartol. in d. L. 1. Gandin. in tract. de malef. in Rub. de quæstio. & torment. Marsil. in Pract. Criminali. §. Expedita. num. 10.

Sed hīc exurgit dubium.

An ad hoc vt dictum socij faciat indicium requiratur, vt deponat cum iuramento?

Marsilius in Pract. §. Diligenter. à num. 63. tenet quod sic: & propterea dicit se Bononiæ
scilicet 1

semel liberaſſe à furca quendam furem, nomine Ludouicum de Pariſijs. Eundem ſequitur Iulius Clarus in d. q. 21. verſ. *Quæro nunquid ad hoc:* & dicit, quod ſic ſemper viderit obſervari. Sufficit autem vt fiat iuramentum, vel ante torturam, vel præſente ipſo, contra quem deponit, prout ſervatur in confrontatione teſte Boërio de inciſ. 319. Marc. Anton. Blancus in tract. de indiſijs, nu. 384. tenet contrarium, vt citant cum Clarus & Menochius lib. 2. de arbitrar. Iudi. quæſt. nu. 60. Tradit Menoch. ex aliorum authoritate praxim eſſe ſervandam: & hoc videtur tenendum. Requirit enim iura & leges iuramentum in teſte, qui plene probare debet, quod nõ eſt in propoſito: quare tantus rigor iuris non attenditur. Pro cuius rei confirmatione facit, quod idem Marſil. in eod. 6. infra. n. 143. latè probat, teſtem examinatum ſine iuramento facere præſumptionem. Hoc tamen ſemper faciendum à prudenti & timorato Iudice, qui Deum & iuſtitiam ante oculos habere debet, vt quando Reus complicēs, in caſibus, quibus tenetur, nominat, eum admoneat, vt propriæ memor ſalutis, nemini iniuriam faciat, ſed bene conſideret, quid loquatur, imò & interrogare poterit reum, an in animam & conſcientiam ſuam velit recipere, ſic ſe rem habere: hoc enim induit quaſi rationem iuramenti.

Hic libet pro nostra materia
mouere dubium.

*An dictum mandatarij solum sine alijs
adminiculis vel indicijs, faciat indicium ad
torturam contra mandantem?*

EXEMPLI gratia, in præsentī crimine inter
maleficos & maleficas sunt homines in-
ferioris sortis, vilis conditionis, mediocris
status, & superioris: Nunc maleficus vilis con-
ditionis & pauper fatetur se grandinem mo-
uisse, ad perdendum frumentum. Ipse est pau-
per, mendicat panem, mallet frumenti co-
piam, quàm inopiam: præsumit meritò Iu-
dex talem motu proprio non fecisse, sed alio
mandante, vel alijs superioris ordinis. Inter-
rogat de mandantibus vel mandante: Man-
datarius verò reuelat & denunciāt mandan-
tem. An talis denunciatio faciat indicium
solum, ita vt mandans possit capi & torqueri?
Ante resolutionem notandum est, quod man-
datarius potest interrogari de mandante, quā-
do præsumptio est verisimilis, eum fecisse ex
alterius mandato. Deinde aduertendum, cū
mandans non dicatur propriè facere, inter-
pretatiuè tamen, vt Doctores loquuntur, con-
currit. Vnde tenetur de delicto mandatarij,
& punitur eadem pœna regulariter, qua man-
datarius. Bartol. in L. Non solum. ff. de iniu-
rijs.

rijs. §. Si mandato: & est communis opinio, vt testantur Albert. Gandinus in tractatu de malefic. in Rubrica de pœnis. Iulius Clarus lib. 5. §. fin. q. 89. Lancilottus in tractat. de offic. prætor. in cap. de mandante homicidium. Didac. Couarr. in Clement. Furiosus de homicidio. Hoc tamen sciendum est, quod quando mandans est potens & seuerus erga eos, mitius puniendus est mandatarius: quia cùm actio tum minus sit voluntaria, minus in eadem specie peccat. Metus enim etsi non tollat, minuit tamen voluntarium.

Respondetur nunc conformiter superioribus Conclusionibus, quod mandatarij dictum solum sine alia præsumptione, vel indicijs non est sufficiens ad hoc, vt mandans possit subijci tormentis, vt patet ex proxima Conclusionem. Deinde ob aliam rationem, quam ponunt Clarus d. lib. quæst. 21. & Marfil. in §. Diligenter. num. 39. Quia aliàs esset in potestate cuiuslibet hominis scelesti, & vilis personæ, vt vir probus subijceretur tormentis: quod esset impium & absurdum, & ita dicit Clarus, quod viderit semper seruari: hoc tamen modo, vt in criminibus exceptis leuiore suspiciones sufficiant, quàm in non exceptis. Quæ praxis bene notanda est ad propositum, quod propter atrocitatem criminis, & occulti exercitij naturam, leuiore sufficiat suspiciones: sicut etiam in hæresi omnium iudicio leuiora argumen-

ta & signa, quàm in alijs, acceptantur ad præsumendum ex L. 2. C. de hæret. Felin. in cap. literas. de præsumpt. Lancilott. in d. tract. in cap. de hæret. num 8.

Dicet quispiam, cùm hic agatur de indicij, quot indicia requirantur ad torturam? Respondetur, secundum Doctores, in praxi ita seruari, quod per vnũ indicium, si sit proximum, procedatur ad torturam: vt si sit vnus bonus testis de visu, vel Confessio extra iudiciũ, vel res reperta apud reum præsumptum. Atq; etiam duo leuia vnum sufficiens ad torturam efficiunt, vt Doctores practici, Lancilott. in d. tract. in cap. de negatione criminis. nu. 29 Marsil. in pract. & alij colligunt ex Bart. L. fin. ff. de quæst. Quod autem de cõsuetudine seruetur, vt propter vnum indicium Reus tormentis subiiciatur, attestantur Ioan. Andreas in addit. ad Speculato. in tit. de præsumpt. §. Species. Alexan. lib. 1. cons. 77. Alberi. in L. Si quis alicui. C. ad L. Iul. Maieft. & hæc est communis opinio. vt tradunt Clarus li. 5. §. fin. q. 84. & Marsi. in pract. Criminal. §. Diligenter, à n. 177. Animaduertendum est, quod in materia indiciorum & torturæ non potest in omnibus dari certa regula, propter vârios casus emergentes. Ideo Iudicis arbitrio multa relinquuntur, an vnum sufficiat indicium, vel plura, vel quale. Iudicis tamen arbitriũ in hoc sicut in alijs omnibus, debet esse iuri & æquitati

anti consonum: aliâs non valet, nec debet sequi propriam conscientiam, sed publicam & regulas legum, vt latè Marsil. in pract. loco cit. à num. 27. prosequitur: quia in arbitrijs Iudex debet facere suum arbitrium cum consilio peritorum. Quando enim dicitur aliquid relinqui Iudicis arbitrio, non est is sensus, vt fortasse indocti iudices, & iuris imperiti intelligunt, quod quisque Iudex pro suo sensu & cerebro possit decernere, ita vt pro ratione sit voluntas propria, sed quod Iudex consideratis circumstantijs rerum & personarum, nec non etiam legum decretis, & doctorum sententijs, arbitretur quod iuri & æquitati consonum erit, quando lex expressè de iustitia non statuit. Vnde arbitraria, quæ dantur iudicibus, intelliguntur concedi, secundum mentem legis, & arbitrium intellectus rationis, vt rectè docet Andreas Barbatius in ca. 1. de constitut. num. 167. Si autem lex quid certi statuât in casu, legi standum est. Hinc inferitur, illa indicia maximè quæ leges ponunt, & DD. ex legibus colligunt, obseruanda esse. Deinde breuiter deduco (inferius latius Deo duce probaturus) in materia maleficorum peccare quosdam Iudices Iurium ignaros, qui requirunt tantam copiam indiciorum, vt ex natura & statu istius exercitij, quod occultissimum est, vix vnquam sit, aut esse velit, qui aut accusare, aut denunciare audeat: maximè cum

regulariter omne indicium, secundum communem sententiam, quam etiam Constitutio Criminalis Caroli Quinti in articulo 23. complectitur per duos testes probandum sit: Cùm tamen iura, Doctores, & praxes doctissimarum Curiarum, in enormibus, clandestinis, & occultis, ne crimina impunita maneant, Diuina maiestas grauissimè lædatur, atq; ad iram prouocetur, & Respub. patiatur: leuiiores & minores quàm in alijs admittant suspiciones, & minora argumenta seu indicia requirant, ut in probatione sextæ Conclusionis euidenter probabo.

Aliud hîc dubium incidenter soluendum, quod sæpe in praxi occurrit: Casus talis est. Maleficus indicijs sufficientibus, & seruatis seruandis in tortura coram Iudice, notario & assistentibus proprium crimen confessus, deinde de consortibus interrogatus, cùm iure & potuerit & debuerit interrogari, denunciavit duos, vel duas, vel plures: quam confessionem ratam habet, & confirmat, dum est ad banchum Iuris, ut vocant, & sententiam expectat. Sententia lata proceditur ad executionem, & dum est in manibus Carnificis, locum præparatum ad incinerandum intraturus, vel instantia partis denunciaturæ, vel importunitate admonentium mortis, & urgentium per animæ salutem, ut cogitet, verè, an falsò denunciauerit: reus perturbatus hisce vel similibus

ver-

verbis, dum in extremis militat, vertit, sed ad populum, dicens ad Iudicem, vt paululum expectet, & ait, in presentia omnium. Rogo vos omnes, vt mihi ignoscatis, atq; pro anima mea Dominum rogetis, & quia illos vel illas denunciaui tanquam participes criminis: excuso eos, & dico me nihil mali de ipsis scire. Vel, de latis presentibus & instantibus responder: habeo vos pro bonis & probis. Quibus peractis non est amplius locus verbis, sed proceditur ad executionem. Difficultas nunc est, an confessio in extremis facta elidat primam confessionem, in tortura & iudicio factam, ita vt prior non sit amplius indicium ad torturam contra denunciatos, iuxta modum in Conclusionem expositum.

Videtur quod elidat, tum quia confessio nulla, & non perseverans, eiusdem censetur virtutis, apud Doctores: tum quia quilibet in articulo mortis memor salutis præsумitur. can. Sancimus. l. q. 7. & Gloss. in cap. literas. de præsumpt. Quæstio hæc parum apud Doctores trita est. Eam in casu furti mouet Marsilius in pract. Criminali. §. Restat. in principio, & soluit in partem negantem: & sic etiam in presentibus resoluimus: Non esse standum tali confessioni, quæ in extremis fit: & probatur ex L. Si quis in graui. §. Si quis moriens. ff. ad Syllan. vbi per illum textum Bartolus & alij dicunt, quod si aliquis Iudex, constitutus in mortis

articulo, dicit se falsam tulisse sententiam, non statur ipsius dicto, nec ei creditur ad annullandum sententiam: & multis alijs iuribus & allegationibus prosequitur dictus auctor. Præterea eadem solemnitas requiritur in destruendo, quæ exigitur in construendo: nec non etiam eadem solemnitas postulatur in reuocatione actus, quæ in celebratione. Sed talis reuocatio in articulo mortis fit extraiudicialiter, sine debita solemnitate: denunciatio vero facta est seruatis seruandis in iudicio: & actus fortior est, qui fit in iudicio, quàm qui fit extrà, iuxta Gloss. receptam in Authen. Generaliter. C. de Episc. & Cleric. Ergo posterior confessio nõ derogat priori. Atq; in maiorem cõfirmationem optima est ratio. Reicùm ducuntur ad supplicium, & sunt in puncto mortis, adeò concutiuntur timore, & perturbântur angustia necis, vt quasi alieni à mente videantur, & plenum iudicium non habeant, & oppressi mortis timore sunt veluti similes mortuis. Adhæc: talis persona, maximè si moriatur pœnitens sana mente & ratione, nõ confirmasset primam confessionem factam in tortura, quando sententia danda erat ad banchum iuris: tunc enim conscientiam suam aperuisset, & reuelasset excusando, quod in tormentis timore pœnæ, ad liberandum se à tortura, vel alia affectione mota, denunciasset tales, tanquam participes criminis, contra
ver-

veritatem. Si autem in iudicio persistit in prima confessione, veritatem dixisse, & consensum præbuisse, in primam præsumitur. Quia qui tacet, quando loqui tenetur, & interrogatur, pro consentiente habetur. Ex his similibusque argumentis videtur concludendum, quod in foro exteriori talis excusatio in extremis non elidat primam confessionem: quamvis maximum quiddam apud Deum & homines sit, quod ille reus statim moriturus exculpet, & excuset, quem inculpavit. Quod in contrarium obijcitur, verum est, quod confessio non perseverans, æquiparetur confessioni nulli: hoc tamen intelligitur usque ad sententiam condemnatoriam. Si reus non perseveret in confessione facta in tortura, non potest condemnari vi prioris confessionis. At alia ratio est post sententiam. Quod verò adducitur: moriens præsumitur memor salutis, verum est, si constanti & sana mente, & deliberato iudicio respondeat, & non perturbetur timore mortis, vel instantia importuna partium, aut sollicitantium. His addo, quod Baldus ait, in tractat. de pace Constantiæ. §. extra quæro. num. 66. qui tractatus habetur in 3. vol. Oceani iuris, fol. 77. quem sequitur Iason. in L. i. ff. Per quam factum erit. num. 16. Non omnis qui moritur, vel est in extremo vitæ constitutus, est Sanctus Ioannes Baptista, licet receperit corpus

Christi. Vndelicet sit aliqualis præsumptio, non tamen tanta, vt multum probet. Ex his duo elicio: Primum, pro Confessarijs, qui talium reorum audiunt confessiones in calibus, quibus socios criminis tenentur denunciare, vt admoneant eos seriò in confessione, ad denunciandum eos, quos in conscientia, ex certa scientia, sepositis omnibus humanis affectionibus, nouerint consortes, Iudici coram notario & testibus, & si quos fortè in tormentis ex odio, inuidia, vel timore pœnæ, vel alia causa cōtra veritatem denunciaissent: reuocent cum eadem solemnitate, ante sententiam. Quia si postea Confessarius reum comitetur ad supplicium, & tunc sæpius inculcando admoncat vt memor salutis, si quem iniuste denunciaisset, eum reuocet, stimulis conscientia ex vna parte, cum mors instet, & ratio reddenda sit: & ex altera anxietate mortis exagitatus facile cōtingere posset, vt totā primam Confessionem in dubium reuocaret. Secundum, vt Iudex nunquam permittat, sententia lata partes accedere ad instandum & molestandum reum, sed si iudicet cōfrontandos, vt loquuntur, id fieri curet ante sententiā pro commoditate. Aliàs si post, quid per importunitatem reuocetur, generatur aliquo modo præiudicium tum iudicio, quod sanctum esse debet, & sine mendacio, tum etiam ipsi reo, qui falsum dixit, aut in falsum consensum dedit, dum loqui debebat,

& ta-

& tacuit, si postea non stet confessioni: Nec etiam secundum legestalis subsecuta reuocatio, vt supra dictum, magni ponderis est, præsertim quando prima confessio fulcitur adminiculis, quæ ipsam probabilem reddunt. Vide ad hanc materiam Constitutionem Criminalem Caroli V. in art. 31. vers. *Zum sünfften*. Huic resolutioni multum fauet, casus in simili expressus in L. Si quis in graui. §. Si quis moriens. Ad Syllania. vbi non creditur vulnerato morienti, qui in extremis vitæ, exempli gratia, dicit se à Titio vulneratum, nisi potuerit aliter probare. Ex qua lege Angelus ibidem, & Martilius conf. 5. num. 14. & conf. 109. tradunt dictum morientis facere indicium ad torturam. In contrarium est communis opinio, facere aliqualem præsumptionem, sed non tantam, quæ sufficiat ad torturam. Stephan. Bertrand. lib. 2. conf. 137. & alij multi, quos citat & sequitur Iul. Clarus lib. 5. quæst. 21. Vnde Constitutiones Criminales Caroli V. in art. 28. determinant, quòd sermo morientis, si quem denunciet, aliquod faciat indicium.

Cum in crimine maleficiorum denunciantes sæpè sint varij in confessione, dubitatur merito: Cui confessioni standum?

HAEC quæstio si in generali tractetur, intricatissima est, & eam ad longum ex-
 V 5 cen-

centioribus tractant, Didacus Couarr. lib. 2. variarum Resolut. cap. 13. Anthonius Gabriel. Romanus li. 7. communium Conclusionum, conclus. 26. 27. 28. 29. & seq. Iul. Clar. lib. 5. Sententiarum iuris. §. fin. & latissimè Menoch. lib. 2. de arbitrarijs Iudic. qq. casu. 108. Sed omiſſis alijs, quantum ad nostrum propositum, sit

Prima Conclusio. In crimine hæresis & negotio fidei, si quis de seipso testificetur, & de alijs, etiamsi ex interuallo fuerint contraria testimonia prolata, nihilominus statur illi testimonio, quo hæresis reuelatur, etiamsi prius testimonium iuramento sit firmatum, & hæresin non detegat, secundum verò detegat, secundo potius statur: ex textu & Glos. c. Accusatus. §. licet, de hæret. in 6. Felin. in ca. Cum in tua. col. 2. de testib. Menoch. loc. cit. num. 13. Couarr. ubi supra num. & alij ab eo citati. Ratio redditur à Repertorio inquisitorum in verbo. Testes. Couarru. & Menochio: Ne tam horrendum crimen, in perniciem Christianæ religionis, omninò maneat occultum. Vbi tamen seruanda est consideratio d. §. licet, vt ex manifestis indicijs appareat, talem non ex animæ leuitate, vel odij fomite, seu pecuniæ corruptione, sed zelo fidei & religionis suum testimonium corrigere, ac quod reuelat, reuelare. Et hoc est priuilegium concessum in fauorem fidei & religionis. Tantus enim

enim est fauor fidei, vt quamuis in alijs criminibus in dubio tutius sit nocentem absoluerē, quā innocentem condemnare: in hæresi tamen & negotio fidei, in dubio quis præsumitur hæreticus, quantum ad condemnationem poenitentia imponendā in foro Ecclesiæ, pro vtilitate animæ. Franciscus Squillacens. de fide Catholica. cap. 34. Glossa, & Immolens. ab eo citati. Iosephus Mascardus de Probationibus, volum. I. Conclus. 495. num. 8. & alij, quos ipse citat.

Secunda Conclusio. Quod de hæresi & negotio si dei dictum, quantum ad testium varietatem, idem seruandum est in crimine maleficorum. Tum, quia eadem ratio multo fortius in hoc crimine militat: Cum hoc crimen maleficorum omni crimine sit atrocius, maximeque sit in perniciem Christianæ religionis, plurimaque mala in Reipubl. redundent, si lateat: Tum, quia crimē maleficorum omnium iudicio refertur ad hæresin: Tum quia omni tempore, Inquisitores seruauerunt modum probandi & detegendi hoc crimen à canonibus præscriptum pro hæreticis. Vt est videri apud Doctores mallei malefic.

Syluestr. Bartholom. Spineum,

Nicolaum laquerium,

& alios.

6. Conclusio. *Confessio duorum vel trium contra aliquem, vel aliquos participes criminis, regulariter facit indicium ad torturam, in crimine maleficorum.*

HANC Conclusionem sic intelligo: si duo vel tres socij rei inuenti in tormentis, de se confessi, simul vel successiue denuntient alium, vel alios, faciunt indicium, vel indicia sufficientia cōtra talem, vel tales, ad torturam: si in confessione constanter perseuerent, penitentes ad iudicium accedant, morientes cum contritione, ita vt ex circumstantijs adiunctis non possit præsumi eos mentiri: & si alia non sint indicia, Iudex potest & debet ex lege naturali suprà insinuata, & ratione officij, tales denunciatos apprehendere, inquirere, & torture subijcere. Et in tali cōfessione multum est obseruandum, an reus sapius confessionem contra alios reiteret, & geminet in tormentis postea, & ad banchum iuris: quia geminatio arguit magnam firmitatem animi & propositi. Marfil. in consil. 13. num. 2. & in L. 1. ff. de quæst. 6. Quæstioni. Felin. in ca. si cautio, De fide instrumentorum, num. 39. Decius in consil. 185. num. 10. Talis etiam geminatio & reiteratio præsupponit deliberationem, iuxta Gloss. in cap. Si quis iratus. 2. q. 3. Quæ de causa non est reuocabilis, prætextu erroris aut falsitatis. Ludouic.

douic. Roman. in cons. 346. incipiente, in hac
caussa. Barth. in L. Cùm scimus. C. de Agrico-
lis & censitis. lib. II. Bald. in L. Nec damnoſa. C.
de precibus Imperat. offerendis, & alij iam ci-
tati. Dictum in Cōcluſione (regulariter) quia
poſſit eſſe caſus, in quo tam pauca denuncia-
tiones non ſufficerent: vt ſi vir in poteſtate &
authoritate conſtitutus, à ſubditis denuncia-
retur tanti criminis, poſſit fortasſe præſumi,
ex odio factum, vel alio humano reſpectu,
præſertim ſi nullæ aliæ adſunt præſumptio-
nes cōadiuuantes. Si tamen tales denuncia-
tiones multiplicentur à perſonis infimæ, medio-
cris, & fortasſis æqualis (conſideratis conſide-
randis) conditionis & ſtatus hominibus: iuſti-
tia vehdicat ſibi locum. Videndum etiam, an
tales denunciantes ſint maioris authoritatis
habiti: tunc enim eorum denunciationes ſunt
maioris etiam virtutis, in æquilibrio rationis,
contra pares, ſi debitæ ſeruantur conditiones.
Propter hoc enim crimen licet quemlibet, nō
obſtante dignitate, torture ſubijcere, & inuen-
tum reum punire ex L. Et ſi excepta. C. De ma-
lef. & mathem. Probatur nunc Concluſio ſic
declarata.

Primò, authoritate omnium DD. allega-
torum in 3. & 5. Concluſ. Nam cùm dubitant,
an vnus conſeſſio in exceptis ſufficiat ad tor-
turam, præſupponunt duorum vel trium ſuf-
ficere: & communis & in praxi recepta opinio
tenet,

tenet, cōfessionem siue nominationem vnus facere indicium ad torturam, si alia prælumptione vel indicio iuuetur. Sed hīc in proposito vnus inculpatio, vel nominatio coniungitur nominationi alterius. Ergo.

Secundò, ex communi sententia, vt supra ostensum est, vnum graue indicium & proximum sufficeret, regulariter ad torturam. Sed inculpatio duorum vel trium facit grauissimum contra tertium: cū vnus faciat graue, ex definitione grauis indicij, & proximum: cū omnes rerum circumstantias nominans posset significare & aperire viam ad vltiorem inquisitionem.

Tertiò, in crimine læsæ maiestatis diuinæ & humanæ, duorum sociorum confessio contra socium vel socios, sufficeret ad torturam, ex cap. In fidei fauorem. in 6. de hæret. & 6. quæst. 1. cap. Si quis cum militibus. & in L. Quisquis. C. ad Legem Iuliam Maiest & communi doctorum sententia. Ergo & in nostro casu: quia vbi est similis ratio, idem ius est. ff. ad Legem Aquil. L. Illud. & vbi maior ratio, maius ius. Ratio autem in dictis criminibus est enormitas criminis, & reipubl. damnum. Sed magnitudine & immanitate hoc crimen omnia superat, maximaque damna in reipubl. redundant, vt omnium confessionibus constat, & hisce infelicitissimis temporibus Respubl. experitur. Hinc bene Lambertus
Danæus

Danzus cap. 5. in dialogis de fortuarijs & maleficis, ait: Sunt à fide sceleratissimi apostatae, Dei potentiae perfidi abiuratores, rei læsæ Maiestatis diuinæ, transfugæ teterrimi, proditores Dei sceleratissimi, affeclæ diaboli turpissimi, deniq; diabolici venefici & impostores. Hæc ille. Si ergo in crimine læsæ maiestatis diuinæ & humanæ, duo socij criminis contra participes faciunt indicium ad torturam sufficiens, imò fortasse plus probant in defectu aliorum (nam iura eos in testes admittunt indistinctè) quis negabit in nefandissimo scelere duorum vel trium testimonium, de se confessorum, contra alios sufficere ad torturam quæ solum est medium ad inquirendum veritatem. Quid immanius, quàm Deo datam fidem abnegare, cum Diabolo scelus contradiuinam maiestatem, eiusque sanctos contrahere, Dæmonem adorare, sanctissimam Dei genitricem blasphemijs impetere, hosti communis salutis obedientiam, homagiumque præstare? Etenim qui in religionem diuinam peccat, omnibus facit iniuriam, & publicum crimen committit. c. Vergentis. de hæreticis. & C. eod. tit. L. Gazaros. Si ergo. vt L. 2. ibidem definit, Hæreticorum vocabulo continentur, & latis aduersus eos sanctionibus debent succumbere, qui vel leui argumento à iudicio Catholicæ religionis, & tramite detecti fuerint deuiare: quanto magis qui tot
tamq;

tamque enormibus flagitijs, non dico deuiare à fide, sed totam religionem conculcare maximis argumentis cognoscuntur, & deteguntur?

Quartò: in crimine latrocinij, & alijs exceptis, omnium practicum iudicio, duorum vel trium denunciationes contra confortes criminis sufficiunt ad torturam, ex legibus suprà citatis & allegationibus. Et sic practicitur in rebus publ. bene institutis, doctissimorum virorum consilijs, vt bene docent experientia, & aliorum testimonijs Iul. Clarus lib. 5. §. fin. pract. criminalis. q. 21. vers. Sed pone. Chassaneus in Consuetudinibus Burgundix, Rubr. 1. §. 5. num. 123. vers. Et quantum ad laicum. Raphaël Fulgosius in consil. 173. Alexan. cons. 89. li. 3. incipiente, Viso themate ante scriptæ. In crimine hæresis duos tantum sufficere probat pluribus allegationibus. Ioseph. Mascard. vol. 2. de probat. Concl. 857.

Quintò. Omnium Doctorum iudicio, in defectum aliarum probationum, & in subsidium, admittuntur testes non integri, inhabiles, infames, & socij criminum, quando ex natura rei & actus alij haberi nõ possunt, iuxta communem rerum cursum. Sic tenent Parnorm. Baldus. Hostien. Felinus & alij, in cap. fin. de test. cogend. Anthon. à Butrio in cap. Tertio loco, de Probat. Ioann. Andreas in addit. ad Speculat. tit. de teste. §. l. vers. Quid si olim.

olim. Bald. Glos. & alij d. in C. de testib. L. Quoniam liberi. Alexand. lib. 2. consil. 320. incip. Et viso themate. & eod. lib. 3. consil. 166. incip. Animaduersis. & lib. 5. consil. 152. incip. Viso processu causæ. Philip. Cornæus 1. part. consil. 58. incip. Post reditum cōsiliū dicitur mihi. Paul. Castr. 1. part. consil. 348. incip. Notandum quod adulterium Decius in consil. 189. incip. Letatus sum. à num. 10. Marfil. consil. 41. num. 6. & consil. 61. & 102. num. 7. & in pract. criminal. §. Diligenter. à nu. 81. Mattheus Mathesil. in singularibus. versic. Nota quod subfidium, pag. penult. Landfranc. in tractatu de depositionibus testium. num. 102. Salyc. in L. Ea quidem. C. de accusat. Iason in L. Cunctos populos. De summa Trinit. & communis ibidem. Mart. Nauarr. in Manual. Confessar. cap. 25. num. 49. & 50. Plurimas ad hoc congregat allegationes Anthon. Gabrieliū, Romanus Fisci Apostolici Aduocatus lib. 1. communis Conclusionum, in Rub. de test. Conclu. 7. Sed in crimine maleficorum aliter veritas haberi non potest, ex natura ipsius rei & actus, iuxta communem rerum cursum. Eorum enim exercitia, conuenticula, coniurationesq; de nocte fiunt, & in locis secretis, & ab hominum consuetudine remotis. Vnde dicuntur striges, quia quasi aues nocturnæ de nocte strident, vt notat Syluest. in summa, verb. Hæresis; & sua maleficia exercent. Quæ autem de nocte fiunt,

& in locis secretis, difficilis sunt probationis, vt pulchrè ostendunt Alexand. in d. conf. 166. & Marsil. in conf. 5. Si autem aliquod in rerum natura crimen est, quod aliter probari non possit, nisi per consortes & socios criminis, hoc profectò est, vt rei natura ostendit, & experientia rerum magistra docet.

Nunquid princeps tenebrarum est author principalis, qui odit lucem, & omnia inuisibiliter operatur? & quis probus eorū tractatibus & conuentibus interest, aut interesse permittitur, vt sit testis omni exceptione maior, qui testimonium ferat? Quis enim vir uxorem habēs, cum qua noctes diesq; versatur, ipsam innocentem affirmare audebit? Aut quæ mulier, virum ab hoc crimine liberum pronuntiabit? Hic sibi locum vendicat illud poeticum: *Quo minime credū gurgite, pisci erit.* Quis igitur Iudex tam à ratione alienus est, qui bonorū requirat testimonium, vbi nulli boni interesse possunt, nisi probitatem amittere, & pactum cum dæmone & sua societate inire velint? Atq; hoc argumentū confirmat Regula illa Iuridica; in defectum probationum, si ex negotij & actus natura non potest haberi legitima probatio, admittitur minus legitima: & lex contenta est ea probatione, quæ haberi potest, text. & Glos. in c. fin. de testib. cog. Panor. in l. ibid. Alexand. 1. volu. consil. 64 incip. A Eterni numinis inuocato spiritu. Marsil. conf. 5. & in Pract. Crimin.

§. Diligenter. nu. 126. Bartol. & Immolens. in L. in illa stipulatione. in fine. de verbor. obligat. Chassanæus super Consuetudin. Burgundiæ; Rubr. 1. §. 5. nu. 173. Amplius roboratur ex Panormit. in cap. De cætero. de testib. vbi testatur, quod licet regulariter non admittantur laici contra clericos, in causa Criminali: tamē quando delictum est commissum in villa, vbi solum vnus est clericus, in defectum probationum, admittendi sunt laici. Ad idem facit doctrina Saliceti in L. Ea quidem. C. de accusat. q. 5. recepta ab Angelo ab Aretio, in Tract. de malefic. Verb. Metitor. & Marsilio d. conf. 3. & alijs. Quando in casu sumus, in quo testes integri haberi non possunt, tunc admittendi non integri: & ponit exemplum. Si quis lusit in prostibulo, & fuit deceptus propter taxillos falsos, &c. poterit læsionem & falsitatem probare per lenones & infames.

Sexto, in enormibus & occultis, facilius & promptior debet esse Iudex in procedendo ad torturam, sicut in incantatione, venenatione & similibus, ex Bald. in L. Nemo deinceps. C. de Episcopali audient. Barbat. & alijs in addit. ad Bart. L. fin. ff. de quæst. Quod latè confirmat Francis. Brunus in Tractat. de iudicijs & tortura, 2 part. q. 8. num. 2. & hæc est communis regula, vt tradit Clarus lib. 5. q. 64. versi. & ideo. Ratio redditur: quia ea, quæ in occulto sunt difficilius probari possunt.

Ex qua caussa resultat illud iuridicum pronun-
 ciatum: In clandestinis & occultis suffice-
 re probationes per coniecturas, ob rei diffi-
 cultatem, quæ aliàs non sufficerent. Occulta
 autem sunt, quæ fiunt de nocte, & in loco oc-
 culto. Baldus in L. Cùm fratrem. C. de his qui-
 bus ut indignis. in principio. Angel. in L. 1. §.
 Occisorum. ff. ad Syllaniam. Hinc Bald. clan-
 destinum dicit: quia rarò inuenitur sine tor-
 tura, ut est venenatio, ex d. L. Cùm fratrem.
 Quomodo autem quæ de nocte fiunt, diffici-
 lis sint probationis, probat latè Alexand. lib. 2.
 cons. 211. incipien. Visa facti narratione, & eod.
 li. cons. 167. incip. Animaduersis his, quæ tam
 per testes. Atque crimen maleficorum ex his
 caussis alijsq; quod est occultissimum, leuioribus
 argumentis tortura inquiri posse quis
 dubitat? tamen à regula criminum aliorum
 exceptorum non recedimus, ut satis superq;
 constat ex supradictis. Quare autem maleficia
 potius fiant de nocte, & in locis ab hominum
 conuersatione desertis, duplex redditur ratio
 à Paulo Grillando, in lib. 2. de Sortilegijs cap.
 4. Prima, quia Dæmon post casum ex paradiso
 effectus fuit obscurus, & tenebrosus: quare et-
 iam dicitur princeps tenebrarum: proinde
 sua opera facit in loco obscuro, & tempore te-
 nebroso, iuxta commune dictum: Qui malè
 agit, odit lucem: Secunda: Si de die fierent,
 possent videri ab aliquo, & facilius discopere-
 nirentur.

rentur eorum maleficia, & deuenirent ad notitiam, & sic caperentur & punirentur.

Septimò. Regularè & iuridicū est, quod propter enormitatem & immanitatem criminis, iura & statuta transgredi licet; Id quod probatur cap. 1. de confess. Glos. & DD. Excipiuntur, propter immanitatem, quæ vocatur excepta ab illa regula: De se confessus super aliorum conscientia non debet inquiri. L. Nemo deinceps. C. de Episcopaliaudient. In festis Paschalibus relaxantur carcerati, exceptis qui atrocia commiserunt. L. per omnes. C. de defensqrib. ciuit. denegatur defensio, propter magnitudinem criminis. L. prouinciarum. C. de ferijs. In venerabili Paschæ die, propter immanitatem, admittitur tortura ad honorem Dei: quod & Bald. in d. l. Nemo deinceps, tradit. Fecit ad idem Gloss. in §. per contrarium. Instit. de hæred. quæ ab intestat. deferuntur, ubi propter immanitatem fama defuncti damnatur. Sic Ioann. Andreas, propter atrocissimum crimen. in cap. Cū non ab homine, de indicijs. Testatur Clericum sine degradatione posse puniri, non attenta dispositione d. ca. Sic Marfil. in singular. 601 propter immanitatem criminis recipiuntur testes, lite non contestata, & parte non citata: iuxta notata ab Archidiacono, Dominico Geminiano, Hostien. in cap. 1. de homicid. in 6. & Felin in cap. Quoniam, num. 7. Velite non contestata. Probant

hanc regulam latissimè, Baldus in Authent.
 sed nouo iure. C. de seruis fugitiuis. & Docto-
 res in addition. ibidem. Marfil. in L. vnus.
 §. Cognituum. ff. de quaest. & in d. singularis
 & omnium latissimè Andreas Barbatius in c.
 1. de Constit. à num 155. secutus doctrinam In-
 nocentij ibidem. Propter hanc regulam in a-
 trocissimis non seruatur ita processus, reci-
 piuntur testes ante litem contestatam, & parte
 non citata, & proceditur ad torturam, etiam si
 non sint ita sufficientia indicia, vt rectè insert
 Iulius Clarus lib. 5. q. 1. §. primo: vers. sunt etià.
 Enormia enim, vt in d. singul. 601. Marfil. tra-
 dit, talis sunt naturæ & importantiæ, quòd al-
 teret dispositionem statutorum & iuris com-
 munis. Atq; si hæc omnia in vllò crimine locū
 habeant, in hoc nostro proposito in summo
 gradu obtinebunt. Si quidem vt plurimum
 in crimine maleficorum, in vno subiecto cō-
 ueniunt crimen læsæ maiestatis diuinæ, quan-
 doq; etiam humanæ, vt experientia comper-
 tum est: latrocinia horréda, & grauissimis cir-
 cūstantijs affecta; coniuratio cum diabolo in
 subuersionem regni summi Regis: Idololatria
 pessima, pactum cum diabolo & inferno; blas-
 phemia in Deum, Beatissimam Virginem, &
 omnes sanctos; peccatum contra naturā cum
 spiritualibus creaturis: sacrilegia nefādissima
 in abusu sacramenti sacramentorum, & rerum
 sacrarum; Infantium & innocentium cedes; so-
 pulchro-

pulchrorum violatio, vt innocentes effodiāt,
 quorum carnibus horrendē abutuntur; per-
 ditio agrorum, vinearū, sylvarum, omnium-
 quę rerum ad salutem hominum spectantium:
 ita vt meritō à lege appellētur hostes commu-
 nis salutis; & alia plurima scelera perpetrant,
 quę nec mens humana concipere valet. Quis
 igitur tam insipiens est, qui legibus concludere
 velit, quod omnes leges immanitate & atro-
 citatē superat? Estne vllus canon, aut lex, aut
 statutum, quod dæmonem cum sua societate
 includat? Hic iudices atq; potestatem haben-
 tes, per Deum, cōmunemq; salutem obsecro,
 vt leges, iura, rationes, & auctoritatem doctis-
 simorum virorum intueantur, oculos aperiant,
 & cernant, quomodo Deus immanissimis cri-
 minibus irritetur, quomodo propter pericu-
 lum communis salutis, in enormibus, ne qui-
 dem à processu & inquisitione, & executione
 in diebus Deo singulari ratione cōsecratis tes-
 sandum sit; quomodo Deus executione iusti-
 tię reconciletur. Facilimē, ait d. lex, provincia-
 rum. C. de ferijs. in hoc summi numinis spera-
 tur venia, per quod multorū salus, & incolumi-
 tas procuratur: Quomodo ad honorē Dei,
 iuxta d. L. Nemo deinceps: crimina punienda
 sint; quomodo sināt crimina impunita coales-
 cere, cōtra l. per omnes. C. de defen. Ciui. quo-
 modo in tam enormibus & periculosis, contra

Communem salutem, relictis legibus diuinis, naturalibus & positiuis, dum periculum est in mora, iustitiæ executionem differant, cum multorum scandalo, dantes iustam occasionem multistemerarijs iudicijs, & sic communicantes gratissimis peccatis alienis? quomodo deglutiant camelos, exoculantes culices, dum minora & manifesta Lynceis oculis perlustrant, & talpis sunt, & ciores in occultis & atrocissimis? quomodo festucam videant, & trabem non animaduertunt, dum furta simplicia, homicidia sine proposito perpetrata, aliaq; minora cane peius & angue persequuntur: crimen verò læsæ maiestatis diuinæ, apostasiam, tractatus secretos contra patriæ salutem, & alia immanissima facinora, tanquam phantasias & somnia negligunt. Habeant Iudices in hoc negocio doctrinam Magni Basili; ante oculos: Qui veram germanamq; iustitiā non habet in animo repositam, ac velut ex præuia quadam meditatione reconditam, sed aut pecunijs corrumpitur, aut amicis obsequitur, aut etiam inimicos vliscitur, aut alienam reformidar potentiam; rectè ius dicere, iudiciaq; exercere non potest.

Octauò & vltimò probo Conclusionem. Si non demus locum denunciationibus confortum in crimine maleficorum, non est via extirpandi hoc crimen, nec inquirendi, aut procedendi contra multos, nec locus puniendi prius.

si principes huius sceleris; quod concedere est absurdissimum. Et hoc probò reducendo in memoriam ea, quæ posita & probata sunt ex fidei fundamentis, in decimo præludio. Inter Dæmones est prælatio & ordo. Sunt enim supremi, medij, & infimi. Qualis ergo ordo inter dominos, talis inter ministros. Nam norunt optimè tantò stabilius esse regnum, quânto maiori firmatur ordine. Videmus autem in regno temporali, superiores, potentiores, & honoratiores principibus assidere; consilia ac responsa dare, ac demum quod executioni mandandum, concludere, conclusa per medios & infimos in effectum deducere. Non enim est supremorum Consiliariorum, manus ad mouere operi. Sicut enim superiores Dæmones suas prouincias committunt inferioribus: Sic etiam in pessima illa politia, principes & superiores malefici, cum Principe Dæmoniorum concludunt tractatus, atq; inferioribus executionem mandant.

Atque hanc doctrinam non solum ratio comprobât, sed etiam maleficorum & maleficarum confessiones confirmant. Quæro nunc ab homine, qui nullum dat locum denunciationibus, contra ius, doctissimorum virorum authoritatem, & praxim tam Ecclesiæ, quàm rerum publ. bene institutarum, atq; rectam rationem; quis moduserit procedendi contra illos, qui sunt in superiori ordine? manebunt

ne impunita eorum scelera & eorum tractatus
 contra rem pub. communemq; salutem occul-
 tilatebunt, vt indies plures pertrahantur in
 Diaboli societatem? Recurris ad externa indi-
 cia: perquire quando principes huius sceleris
 vili fuerint aut scopas erigere ad caufandum
 pluuiam, aut ollam supponere vestibulo ali-
 cuius stabuli, aut lites & minas intentasse ple-
 beis, aut alia opera externa exercuisse, quæ in-
 dicatorum vices subeant ad probandum. Hæc
 enim sunt facta vulgarium & vilium persona-
 rum, quæ rus incolunt, & ruri versantur inter
 plebeos. Ibi quandoq; hæc & similia perspici-
 untur indicia. Tollatur igitur via inquisition-
 nis & processus per denunciationes, & alantur
 principes maleficorū, & magistri scholæ Dia-
 boli: & videbitur, cum maximo Reipubl. dā-
 no, quis sit futurus rei exitus. Habeant ante o-
 culos, qui gladium portant, iustitiam, quæ tri-
 buit vnicuiq; quod suum est, bene agenti præ-
 mium & honorem; malè operanti pœnam &
 vindictam: ne si respectu humano omittant
 punire Dei iniurias, ac reipubl. vindicare sce-
 lera, seuerissimam indignationem eius, qui et-
 iam iustitias iudicat, incurrant.

Dubia duo hoc loco paucis mo-
 uenda & resoluenda sunt.

Primum. *Ante testes huiusmodi singula-*

res probent aliquid, ita vt quis possit torqueri ad denunciations eorum, e. gra.

VNVS dicit, quod viderit N. venientem in deaurato curru, alius in nigro equo, alius in hirco, ad congregationem nocturnam, sed diuerso tempore. Videtur quod non: Tatum enim probant mille testes singulares, quantum v. us. Bald. in L. Iuristandi. colum. 2. C. de testib. Alexand. in cons. 20. & 81. vol. 4. Marfil. cons. 27. & 28. & alij alibi. & regulariter testes singulares non probant. cap. Tam literis, de testib. c. Cum dilecti, de election. & c. licet causam, de probat. & L. ob carmen. ff. de test. §. fin. His & similibus auctoritatibus quidam persuadere conatus est dictam singularitatem impedire. Sed quia hic loquimur in ordine ad torturam, parum ad rem facit disputare de testium singularitate: tum quia communissima est sententia, quod vnus testis omni exceptione maior, faciat indicium sufficiens ad torturam: tum quia socij criminis, etiamsi sint singulares, faciunt indicium ad torturam in criminibus exceptis, vt tradit ex praxi doctissimarum Curiarum Iulius Clarus lib. 5. §. fin. q. 21. vers. Sed pone. Deinde vt communior est opinio DD. attestante hoc & confirmante Anton. Gabriel. lib. 1. com. concl. conc. 2. nu. 19. in Rub. de testi. testes singulares probant de delicto in genere, vt que esse hæreticum, vsurarium, male,

maleficum, &c. vel quando agitur de probatione actus non momentanei, sed successiui. Quare esse potest, quod maleficus vna vice veniat ad cursum in figura deaurati currus, alia vice in capro, & sic de similibus. Quia Dæmō sicuti dicitur mille artifex: ita etiam versipellis, quod formam subinde mutet.

Dubium secundum.

An, quando malefici à socijs denuntiantur, quod ludis Diabolicis & choreis interfuerint, sociorum denunciationes faciant indicium ad torturam, etiamsi non fiat mentio, quod hominem, aut equum necauerint, aut damna intulerint?

QVIDAM distinguunt, & dicunt: si tantum denuncientur, quod congregationi interfuerint, & ludis, non faciant indicium ad torturam plures denunciationes: si autem homines, aut equos necauerint, aut damna intulerint, tunc faciant indicium. Sed hæc distinctio tantum narratur, nec vlla ratione aut fundamento stabili fulcitur, imò videtur implicare ignorantiam negocij eius, quod arte Diaboli ibidem geritur. Et probatur contrarium. Malefici aut sunt rei læsæ maiestatis diuinæ, quando in cursu & congregatione sunt: aut non sunt. Si rei sunt læsæ maiestatis diuinæ,

ut ces-

ut tertè dicendum est: Nam in hoc grauissimè
 diuinam maiestatem lædunt, quod Deo & re-
 gno suo abrenunciant, pacta cum aduersario
 contra Christum & eius exercitum contra-
 hunt. Quis enim nescit, omnem societatem
 cum Dæmone esse homini interdictam: cum à
 principe vniuersi, tali hosti perpetuum sit in-
 dictum bellum? S. Thom. 2.2 q. 95. artic. 2. ad
 vlt. Caietan. ibid. Domini. Sotus lib. 8. de iust.
 & iure, q. 3. artic. 2. Hostes autem regis & regni
 dicuntur, quibus à Rege indictum est bellum,
 per notata in L. Si quis ingenuam. §. fin. & L.
 Hostes. ff. de captiu. Barto. ibid. circa fin. Mar-
 tinus Laudensis in tractat. de bello. §. 5. & latius
 Boërius cum alijs in decis. 178. num. 1. Sed so-
 cietas subditi cū hoste regis, aut principis, siue
 consummata, siue inita solū sit, facit aliquem
 reum læsæ maiestatis, ut rectè Caietan. 2.2. q.
 95. artic. 4. docet, & text. L. Quisquis. C. ad L.
 Iul. Maiest. cum DD. conuincit, quod etiam
 conatus in crimine læsæ maiestatis puniendus;
 quem conatum Caietan. appellat societatem
 initam, nec dum consummatam. Reo autem
 læsæ maiestatis tā diuinæ quàm humanæ mul-
 tō magis creditur, quàm latroni contra latro-
 nem: Quia dicta crimina, ut omnibus in con-
 fesso est, multō magis sunt priuilegiata; quàm
 alia excepta, ex cap. in fidei fauorem, de hæret.
 in 6. & d. L. Quisquis, & alijs ibid. Magis autem
 priuilegiata præcedunt. §. Sanè. cap. Accusa-
 tus.

tus de hæreti. in 6. Ergo multò magis denunciantes merentur fidem, si quem in cursu & congregatione fuisse denuncient, quàm si dicerent, ipsum hominem occidisse, aut equum veneficio infecisse. Nisi quis dicere velit, quod equum interficere aut vaccam occidere, sit crimen grauius, & magis exceptum, quàm Deum abnegare, & cum summo aduersario fœdus inire. Quis autem ignorat, neminem talem conuentum & congregationē frequentare, qui non prius Deum abnegauerit, pacta cum Dæmone contraxerit, societatem cum eo inierit, & ad omne malum animum habuerit paratum? Quid autem ita professione nostræ fidei repugnat, sicut DEVM expressis verbis abnegare, & professione in baptismo factæ abrenunciare, Diabolo fidem & ministerium addicere? Ergo qui in cursu & la dis diabolicis iam apparent, sunt perfidi in fide & religione: ergo socij eorum eos denunciantes plus merentur fidei, quàm si dicerent eos equos, aut vacas, aut etiam hominem occidisse. Nam si priuilegium fidei est in d. cap. In fauorem, quod socij criminis, & alij testes inhabiles possunt testes esse contra participes in crimine: Quomodo plus fauoris habet latrocinium hominis, aut veneficiū equi? Nunquid priuilegium, cū sit quid fauorabile, debet aliquid operari ultra ius cōmune? cap. In his de priuilegijs. Gloss. Bernard. Panor. mit.

mit. Anton. cum alijs ibidem. & lib. 6. eodem tit. cap. Si papa. & l. 1. ff. ad municipales, & de incolis cum Gloss. Quid ergo operatur priuilegiū fidei concessum. Si socij contra latrones, vacca aut equum interficientes merentur fidem, & non contra eum, qui iam fidem abiurauit, religioni nostræ bellum indixit, communioni sanctorum valedixit? Quæ communiter omnia præstiterunt omnes, qui in congregatione diabolica apparent, vt constat confessionibus innumerabiliū hominū vtriusq; sexus & status. Imò vt hoc addam, de quo aliās dubitauī, tantum operatur fidei fauor, d. c. In fidei fauorem, quod plures quàm duo testes inhabiles, & minus idonei, in negotio fidei & hæresi faciunt plenam probationem ad condemnationem, & pœnam ordinariam criminis hæreseos, quando ex circumstantijs, & coniecturis, & personarum qualitate verisimiliter præsumuntur verum deponere. Quam sententiam dilucidè verba c. In fidei fauorem, videntur probare: Quia vt manifesti iuris est, priuilegium sic interpretandum, vt aliquid operetur, & hanc doctrinam securam & in praxi seruandam ex alijs approbat Ioseph. Mascard. de probat. volum. 2. Concl. 857. num. 39. Si quis autem neget maleficos reos esse criminis læsæ maiestatis diuinæ, quando sunt in ludis diabolicis, & congregatione, hic poterit etiam negare prima principia. Cogitet talis, quæ
ratio-

ratione eò deueniant, quæ pacta & acta præcedant, quid ibidem faciant, cui obsequium & famulatum præstent, quis finis tragediæ. Quæ soleant ibidem tractari contra Deum, rem: publ. & commune bonum. A communiter accidentibus argumenta ducuntur non solum à Logicis & Theologis, sed etiam à iuris peritis. Vnde secundum eos locus à communiter accidentibus facit indicium indubitatum. Bald. in additionib. ad Specul. in tit. de sentent. & his quæ ipsam sequuntur, & Marfil. in præct. Criminal. §. Secunda. num. 36. Et talia confitentur ibi fieri facta, & communiter tractari, non solum vetulæ & melancholicæ mulieres, sed etiam ratione & viribus destitutæ, sed etiam iuuentulæ, non solum fœminæ, sed etiam viri, iuuenes, adoleſcentes, & ætate graues, docti, & rerum experientia conspicui, etiam postquam iam se Deo suo iterum reconciliarunt, dispositi ad mortem, & pœnam pro suis sceleribus subeundam cum magna detestatione scelerum, & vt communiter confitentur, ita reperiuntur esse vera, si fortasse vnus sit, qui fallatur, sicut in omnibus rebus moralibus & actionibus humanis accidit quandoq; error, mille reperiuntur dicere veritatem, vt experientia testis est, quæ est rerum magistra. cap. Quam sit. cum Gloss. de electio. in 6. & cap. Statutum, de rescript. eod. lib. & multa experientia cognitio veritatis insequitur. Bald. in cap.

cap. Contingit, de dolo & contum. & Marfil.
 in pract. Crimin. §. Principium, num. 4. & im-
 perator in Authent. de appellat. Ex rerum ex-
 perientia inuenimus. Et certum est in hoc ne-
 gotio, si multi experientia cognoscerent, & ab
 eis audirent, qui experti sunt cum suis circum-
 stantijs rerum, personarum, temporum & lo-
 corum, non somnia dicerent: si hominibus
 expertis in sua arte non est credendum, à qui-
 bus rerum veritas inquirenda: Peto, quare in-
 experto credendum, quod terminis suæ artis
 non continetur? Quia neq; scientiam, neq; ex-
 perientiam habet, nec meretur fidem in his:
 vnicuiq; enim artifice in sua arte credendum
 est Sic profectò in hac misera secta credendum
 est expertis. Hi sciunt quid ibi agatur, quæ ne-
 gotium præcedant, sequantur, & comitentur.
 Miserum enim est, & à ratione alienum, si ego
 dormiens velim dicere, me dormiente nemi-
 nem vigilare, nec velim credere dicentibus a-
 lijs, se vigilasse in alio loco, cum circumstan-
 tijs locorum, personarum, & rerum actarum:
 Sic profectò etiã cæci sunt, qui dicunt esse som-
 nia, & in somno tantum accidere, quæ homi-
 nes vigilantes vnanimi consensu & magna cõ-
 stantia seruatis circumstantijs omnibus, non rã
 in commodum suum, quàm etiam contra se
 confitetur fieri, & facta esse. Prædicta ergo di-
 stinctio nihil habet fundamenti, sed meritò
 reiicienda est, cùm rationi & iuri aduersetur.

Ex proxima Conclusionē & alijs infero quædam in hæc materia:

Primum. Cæteris paribus, in hoc enormissimo & occultissimo crimine, contra quorundam falsam opinionem, maiorum virum esse denunciationes talibus circumstantijs fulcitas, quales posuimus, omnibus alijs indicijs: tum quia alia vt plurimum sunt simplicia, leuia, & remota à substantia actus: At denunciationes naturam negotij & circumstantias in omnem euentum aperire possunt. Id quod ex definitione indicij confirmatur. Dicitur enim ab indicando, & est medium intellectuale veritatis eliciendæ, ex aliqua singulari circumstantia insurgens, ex L. Indicia, C. de rei vindicatione, & L. fin. C. de probat. quæ descriptio multò fortius conuenit denunciationibus, vt patet intuenti. Quare rectè denunciationem sociorum in genere, Constitutio Caroli V. in arti. 31. refert in numerum indiciorum, eamq; ob causam etiam inter interrogationes ad maleficij reos adiungit, vt interrogentur de magistro, à quo didicerint. in art. 31. Tum etiam, quia omne indicium iuxta doctrinam Barto. in L. fin. ff. de q. ab omnibus receptam, regulariter per duos testes probari debet. Sed denunciationes fiunt coram iudice, notario, alijsq; adiunctis. Denuncians enim ipse circumstantias explicat & causas scientiæ, è quibus testis dictū magnas vires
sumit.

sumit, reddit. Præterea semper vt plurimum denūciationes aperiunt viam indicijs, & vltiori inquisitioni. Tandem, quia in hoc crimine, sic ut actiones communiter in grauioribus sequuntur operationem Dæmonum, & non maleficorum; ita indicia nullam habent naturalem coniunctionem cum effectu, quare facillè possunt elidi.

Secundum illatum: Non esse iuricanonico, ciuiliq; praxi, rationi; doctissimorumq; virorum authoritati consonum; id quod memini me à quodam Iurisperito audiuisse (seriò an ioco dictum, nescio) se nihili facere etiam mille denunciationes.

Tertium: siue hoc crimen consideremus vt Ecclesiasticum, siue vt seculare; iustissimè & rectissimè Iudices procedere per denunciationes ad inquisitionem & torturam. Ad Ecclesiasticum Iudicem enim pertinet, quatenus aut hæresis est, aut hæresin sapit, vt tertio decimo præludio demonstratum est: & sic per participes criminis potest procedi, vt patet ex Bulla Innocentij Octauj præfixa malleo maleficorum, & ex cap. In fidei fauorem: & cap. Accusatus. §. Sanè. de hæreti. in 6. Ad secularem verò; quatenus malefici latrocinia exercent, in perniciem hominum conspirant, vineas & agros destruunt, tractatus contra Rempubl. instituunt, animalia in vtilitatem hominum creata enecant, beneficia intentant,

ac similia flagitia contra bonum commune moliuntur. Latrones verò, coniuratores, grassatores, proditores reipubl. hostesq; communis salutis, contra socios criminis, vt constat ex canonibus, legibus, allegationibusq; supra allatis, testimonium sufficiens ad torturam ferre possunt.

Quartum: consultissimè & æquissimè habetis illos fecisse Iudices, qui processerunt per denunciations ad inquisitionem & torturam contra maleficos: quia id fecerunt, ad quod obligabantur ex lege diuina & naturali, nec non etiam officio, secundum praxim tam Ecclesiæ, quàm reipubl. ciuilis benè ordinatæ.

Quintum: Infero, satisfaciendo eorum clamoribus, qui clamant, torturam debere præcedere indicia, & à tortura non esse incipiendum, ex ll. i. penult. & fin. De quæstio. & communi sententia, quibus legibus hæc doctrina aduersatur. Respondeo ex dictis sequi confirmationem harum legum. Conclusiones enim prædictæ indicia non tollunt, sed ponunt. Nam probant denunciations Reorum contra socios, in casibus à iure expressis, esse indicia ad torturam, & subire vices indiciorum. Quis enim Iuris peritus negabit, si quis probet aliquod maleficium, quantum ad substantiam, per vnum testem omni exceptione maiorem, malefactorem posse subijci tormentis,

¶ Is, sine omni alio indicio? quam communem sententiam sequitur Constitutio Criminalis Caroli V. in art. 30. Tunc enim ille testis supplet locum indiciorum. Atq; sic in præsentī Iudex non incipit à tortura sed denunciations sternunt viam inquirendi veritatem, per medium torturæ, & eandem præcedunt.

Sextum: Ex dictis Conclusionibus inferendo, ad argumentum Aduocatorum criminis maleficorum, quo arguunt huiusmodi de se confessos esse criminosos & infames, ex confessione proprii criminis: ergò eis in hoc casu non esse credendum; respondeo, negandam esse consequentiam. Quia, vt euidenter probatum est, possunt esse testes, quando veritas aliter haberi non potest; & in promptu ratio est, probationis difficultas, ne via probandi tollatur, & enormissima crimina impunita in occulto lateant. Si ergo testes esse possunt, secundum omnium Doctorum sententiam: quomodo eis non erit credendum? testibus enim fides debetur. Ad hæc, vt infames, serui, domestici, socij criminis, non admittantur, in testimonium; nunquid inductum est iure positiuo? Sic enim attestantur Philipp. Corneus. in 4. volum. consil. 241. in litera F. & eod lib. consil. 259. in eadem litera. Philippus Francus in cap. In fidei fauorem. in 6. De hæreti. Petrus de Ancharano in c. Pastoralis: de re iudicata.

& Andreas Barbatius in tractat. de testib. nu.
42. & ratio suadet. Idem ergo ius, quod has ex-
ceptiones induxit contra testes tempore com-
moditatis, quando alij haberi possunt, ex na-
tura rei & actus, admisit, vt exigente necessita-
te, ne veritas in multorum damnum occulte-
tur, possint testimonium ferre sublata testium
solemnitate, quæ iuris positiui est, & relicta ea-
rundem conditione in iure naturali & diui-
no. Sic enim locum habet quod cōmuni pro-
uerbio dicitur: Necessitas legem non habet.
Præterea infamia quandoque etiam purgatur
tortura, vt supra significatum est. Tandem cō-
stat ex ll. & canonibus & praxi, infames admit-
ti, vt in crimine hæreseos, latrocinij, læsæ ma-
iestatis, &c. Militat hoc ergo argumentum et-
iam in dictis & similibus. Dicendum ergo est,
de iure positiuo regulariter non admitti infam-
es, quando necessitas non vrget, & haberi
possunt testes idonei & habiles.

Dices: cū alij admittantur testes inhabi-
les, quare inimici repelluntur in hoc crimi-
ne, sicut in alijs? Certissimum est, quod te-
stimonium inimici non recipitur etiam in
criminibus exceptis, vt tradunt Bartol. in L.
In quæst. ff. ad Legem Iuliam Maiestatis. Mar-
sil. consil. 20. num. 27. Angel. in L. Qui accu-
sare. ff. de accusat. Bald. in L. in his. §. 1.
in fine. ff. Solutio matrimonij. Romanus in
L. Si vero. §. Si viro. ff. de od. Panormian cap. In-
quisi-

quisitionis. de accusat. Crauett. consil. 9.
 numer. 6. Menoch. de arbitrar. Iud. quæst.
 lib. 1. q. 28. Iosephus Mascard. de Probatio.
 volum. 2. Conclus. 899. num. 2. & alij ali-
 bi, per text. singularem in cap. Per tuas. de
 Simonia. & in cap. Cum P. de accusat. Vn-
 de generale est, quod nec etiam in crimini-
 bus atrocissimis inimicus admittatur. Imò
 nec etiam inimici testimonium facit indici-
 um ad torturam, iuxta Baldum in consil. 36.
 incipiente, præsupposito statuto. lib. 4. Mar-
 sil. consil. 15. numer. 6. Iacobus Menochius
 in lib. 1. de arbitrar. Iud. quæstionib. quæst.
 28. num. 5.

Respondeo nunc dubio. Quædam excep-
 tiones testium siue inhabilitates sunt iuris na-
 turalis, vt quod puer non habens vsum ratio-
 nis, furiosus & inimicus non admittantur. In
 inimico naturaliter ira & odium impediunt
 animum, ne possit cernere verum: Quædam
 sunt à lege inductæ, ex quadam congruentia,
 vt quod infamis, seruus, familiaris, &c. non
 possint testimonium ferre. Nunc, propter
 criminum enormitatem, & probandi diffi-
 cultatem, Lex & conditor legis dispensant, in
 defectum aliarum probationum, vt exceptio-
 nes à lege statutz non impediunt. At in ijs, quæ
 sunt legis naturalis, non dispensatur; cum non
 sit potestas. Quare benè docent Ancharanus,
 Francus & Barbat. in loc. cit. Pontificem non

posse dispensare, vt inimicus testimonium
ferat.

Verùm quoniam aliqui minus docti reci-
piunt exceptionem cuiuscunque inimicitie,
caussaq; etiam minimè validas ab Aduocatis
in nostro crimine adductas admittunt, hoc in
loco libet aliquid pro latiori intelligentia ad-
dere de inimicitia, eiusq; causis, quæ testimo-
nium infirmum & nullum reddunt. Atq; ante
omnia præsupponimus, quod cùm crimen
maleficij grauissimis sceleribus annumeretur,
maximè autem hæresi in multis æquiparetur,
quæ est ratio inimicitie in hæresi & alijs atro-
cissimis, ea etiam est conditio in hoc atrocissi-
mo peccato. Nunc in primis obseruandum,
quod quando loquimur de inimicitia repel-
lente à testimonio in criminibus, intelligen-
dum de inimicitia capitali. per cap. Pertuas,
de Simonia, & licet Heli, ibidem. c. Repellan-
tur, & cap. Meminimus, de accusat. 3. q. 5. cap. 2.
Archidia. in cap. Accusatus. §. licet. de hæret.
lib. 6 Eymeric. in 3. part. directorij Inquisit. q.
67. Francif. Pegna ibid. comment. u. 6. Mascar.
de Probatio, vol. 2. Concl. 898. Malleus malef.
in 3. par. q. 5. Ioan. Bodin. lib. 4. de magorum
Dæmonomania, cap. 2. & alij communiter ali-
bi. Quæ autem inimicitia capitalis sit, ad hunc
effectum iudicis arbitrio relinquendum tra-
duat Felin. in cap. Cùm oporteat, nu. 5. de ac-
cusat. Marian. Socin. in d. ca. Repellantur. Me-
noch.

Moeh. lib. 2. de arbitrio. Iud. qq. cas. 110. num. 3. al-
 legando etiam Grammat. in cons. 57. num. 9.
 & aliqui alij recentiores. Quoniam autem lu-
 diciarbitrium formandum est in re expresse
 non cauta in iure, secundum Iuris peritorum
 scientiam, planius proponendum, quid DD.
 circa hanc materiam sentiant. In primis autem
 censetur inimicitia capitalis, quando mors in-
 ter testem, & inter eum contra quem depone-
 re intendit est illata, aut intentata, seu ea quæ
 via sunt ad mortem, vt vulnera graua & le-
 thalia, vt docent Lymeri. in 3. part. directorij
 in tit. de defensionib. reorum, & Francisc. Peg-
 na Commentator ibid & latius infra in q. 67.
 comment. 116. vbi eruditè hanc materiam dis-
 cutit. Et plenius id expressum est legibus septi-
 partitis Hispaniæ. l. 22. par. 3. tit. 16. quam legem
 sic latine Pegna reddit: Prohibemus ne quis-
 quam, qui magnam gerit cum altero inimici-
 tiam, contra illum in aliqua causa possit esse
 testis; vt si inimicitia sit contracta ob consan-
 guineos occisos: aut quia testis conatus est oc-
 cidere eum, contra quem vult testificari: vel
 accusauit eum de delicto, quod si fuisset pro-
 batum, sequeretur vel mors, vel membri ab-
 scissio, vel exilium, vel amissio maioris partis
 bonorum: nam ob singulas ex causis præ-
 dictis non potest vnus contra alterum esse
 testis, durante inimicitia. Hæc legis senten-
 tia est. His addere possumus DD. sententiam,

qui docent ex solis minis de occidendo ori-
 capitalem inimicitiam. Alexand. in cons. 14.
 incip. Ponderatis narratis. lib. 3. Angel. in cons.
 261. incip. Ponderandum. Accurt. in L. Licet.
 verb. Capitales. ff. de recept. arbitr. Marsil. in
 L. 1. §. Præterea. ff. de quæstionib. Panormit. in
 d. cap. Repellantur. num. 4. de accusat. Car-
 din. & Ioannes ab Anania in cap. Cùm opor-
 teat. eodem titul. Iosephus Mascard. vol. 2.
 de Probatio. Conclus. 898. num. 14. & a-
 lij alibi. Quod maximè locum habet, quan-
 do minas intentans, potens est ad exequen-
 dum minas, & consuevit easdem exequi, vt
 Ioannes ab Anania, & Marsilius declarant.
 Quod etiam inimicitia capitalis oriatur, ex
 eo quod quis alterum accusauit de causa ca-
 pitali, exempli causa, de crimine homicidij,
 læsæ maiestatis, prodicionis, nefandi peccati,
 &c. text. in L. Qui cum maior. ff. de bo-
 nis libert. Glossa in L. Licet. verb. Capi-
 tales. ff. de recept. arbitr. & Glossa in §. I-
 tem propter inimicitias. verb. Si capitales.
 Institut. de excusat. tutor. Panormitanus in
 d. cap. Repellantur, & in cap. Accedens, de
 testib. Card. Zabarella in d. cap. Cùm opor-
 teat, numer. 12. Bartolus L. 1. ff. de his qui-
 bus vt indign. & in L. 3. in princip. ff. de te-
 stibus. Marsil. in d. §. Præterea, & Doctores
 in L. Liberi. C. de inoff. testament. Mas-
 card.

card. in d. Conclusionē, num. 16. & alij alibi passim probant. Atque hoc locum habet in quocunque crimine, ex quo infamia nascitur, & quo probato, imponeretur pœna mortis, abscissionis membri, publicationis omnium, aut maioris partis bonorum, aut exilij, vt ex dictis iuribus & Doctõribus in specie colligunt Mascard. & Franciscus Pegna loc. cit. Præterea inimicitia capitalis præsumitur quando nascitur ex eo, quod quis mouit alicui Controuersiam & litem de omnibus bonis, aut eorum maiori parte. Panormitanus in d. cap. Repellantur, num. 4. Ananias in d. cap. Cùm oporteat. numer. 6. Felin. in cap. Quoties. colum. 2. de testibus. Bartol. in l. 3. §. fin. ff. de adimend. legat. Bald. in L. Parentes. C. de testib. Alexand. in consil. 99. incip. In caussa accusationis, lib. 1. Faber in d. §. Item propter inimicitias. Crauetta in consil. 31. numer. 3. & in consil. 75. numer. 1. Menoch. lib. 2. de arbitrar. Iudicum quæstionib. casu no. Pegna & Mascard. vbi supra. Ratio duplex assignari potest. Vna est, quia temporalia & diuitiæ cùm sint necessariæ ad vitæ conseruationem, sunt quasi secundus sanguis, & loco sanguinis. Glossa cum textu in Legge Aduocati. Cod. de Aduocat. diuersor. Iudic. Bald. in L. in tuis. C. de oper. libert. Masfil.

Marfil. in d. 6. Præterea, num. 42. Iason. in l. Ne quicquam. §. Vbi decretum, nu. 2. de offi. pro-
 consul. Petrasancta singul. 73. Altera ratio,
 quoniam caussa pecuniaria ardua, utpote
 quando controuersia est de vniuersa substan-
 tia, aut maiori eius parte; æquiparatur caussa
 criminali. Bald. in l. parentes. C. de testib. Mar-
 fil. in d. 6. Præterea. Andreas Barbat. in conf. 3.
 incip. Clementissimi Dei Patris. num. 24. & in
 conf. 18. incip. Præclare scripsit, num. 10. lib. 2.
 utrobique allegans Petrum Ancharan. in conf.
 26. Menoch. in d. casu 110. num. 5. Mascard. in
 d. Conclus. 898. nu. 10. & alij alibi. Si ergo ini-
 micitia orta ex caussa criminali & capitali red-
 dit testem inhabilem, etiam eundem effectum
 obtinebit caussa civilis & pecuniaria, quæ cri-
 minali æquiparatur. His additur quod etiam
 ea in inimicitia capitalis censeatur, quæ ex grau-
 i iniuriarum prolatione originem trahit. Bald.
 in c. Veniens, de iureiurando. Iason. in l. Pro-
 curatoribus. C. de procurat. Marfil. in conf. 3.
 Incipien. Sæpè ac sæpius decreui. nu. 12. Fran-
 Pegna in d. Comment. 116. causa 8. Mascar. ubi
 supra num. 24. Quæ autem iniuriæ sint verba-
 les, docent DD. in l. 3. ff. de lib. & posth. & In-
 stit. de iniurijs. §. 2. & nos latius alijs in Com-
 mentario super titulo iuris Canonici de iniu-
 rijs & damno dato, cap. 1. q. 8. quem Commen-
 tarium, Deo fauente, Anno sequenti 1597. ty-
 pis committemus. Ad has inimicitias capitalis

origines aliæ causæ, quas alijs, exactius explicat Pegna, & post eum Mascari. reduci possunt. Hæc de inimicitia vera sunt, durante ea: Si autem antiquitus inimicitia fuerit, quæ reconciliatione sublata, & obliuioni tradita, aut amicitia signis oblitterata, ita ut nulla veteris odij vestigia supersint, nō potest opponi exceptio ratione inimicitia. Ex antiquitate enim temporis præsumitur obliuio. Si autem is qui dudum fuit inimicus, recenter sit reconciliatus, adhuc in criminibus non potest esse testis. cap. Accusatores, i. 3. q. 5. Accusatores, inquit Anacletus Pontifex, & testes esse non possunt, qui ante hesternum diem, aut nudius tertius inimici fuerunt: ne irati nocere cupiant, ne læsi se vlcisci velint. Gloss. in c. Per tuas. de Simonia. Innocent. & Panormitanus in cap. Cūm oporteat. de accusat. Bald. in margarita, in verb. Testis. vers. Testis inimicus. Iason in L. apertissimi. C. de Iudi. Marfil. in L. i. §. Præterea, num. 4. & 5. ff. de quest. & post alios plures Dida. Co-uarr. practi. qq. cap. 18. num. 3. Mascari. vol. 2. de probationib. Conclus. 857. à num. 47. Fran. Pegna in d. Comment.

Dicit iterum hic aliquis; An minor testimonium in nostra materia facere possit indicium ad torturam? cū experientia constet, quod malefici aliqui pueros & puellas ad conuentus suos ducant: de cuius rei certitudine refero me ad Iudicum processum, & communē

huius

*An minor-
remnes con-
tra malef-
icos agere
possint.*

huius ciuitatis Treuirensis scientiam, cui se opponere summæ dementiæ & pertinaciæ est. Non desunt docti viri, qui existimant testimonium minoris facere indicium ad torturam. Francis Brun. de indicij & tortura. l. par. q. 2. nu. 18. Alberi. in tractat. de testib. l. parte. §. videndum. nu. 10. Lancilot. loc. cit. num. 70. & confirmatur ad propositum: in crimine lese maiestatis in testem admittitur minor 14. annis cum tormentis, ex mente Bartoli, Marsilij & aliorum, in L. de minore. ff. de quæstio. Non tamen eo modo torquetur minor, quo maior. Minor terroribus mouetur, vel ferusa, aut habena cæditur: & hoc ad illum effectum (vt tradit Bartolus) vt faciat indicium.

In contrarium sunt Marsilius in d. L. de minore, & alij, & Iulius Clarus lib. 5. §. fin. q. 24. quod minores possint examinari, vt possint ad inquirendum & veritatem indagandum, præsertim in criminibus atrocioribus, & quando aliter veritas haberi non potest. Proinde iustissimè faciunt nostri iudices, in hoc enormissimo & occultissimo crimine, quod minores examinēt, ad accipiendum instructionem pro latiori inquisitione, & eorū dicta, secundum doctorum sententiam, faciūt aliqualem præsumptionem, quæ si alijs indicij iuuetur, auget indicatiū ad torturam. Quare existimo diuina prouidentia contingere quā-

doq.

doq; vt cū malefici innocentes pueros seducere volunt, puerorum simplicitate capiuntur, vt eorum consilia dissipentur & reuelentur.

Septimum illatum. Cū masculinum non concipiat fœminum in exorbitantibus à lege communi, & quando differens est ratio, vt probant aliorum authoritate Alexand. 2. part. consil. 166. incipiente. Animaduersis. & Ioannes de Cirier in lib. 2. de primogenitura, art. 5. num. 5. cuius libri habentur in 8. volum. Oceani iuris, & nostræ Conclusiones in masculino genere ponantur; in fœminino propter diuersitatem rationis extendo, neminem esse torquendum, nisi ad minimum à tribus vel quatuor sit denunciatus; nisi alia indicia concurrant. Quia testimonium virorum regulariter præfertur testimonio fœminarum. panormitan. in cap. Forus. de verbor. significatione. Marfil. in cons. 51. nu. 42. & in cons. 65. n. 45. & mulieri non est tanta fides adhibenda, quanta masculis, ob fragilitatem sexus. Lancrancus in tract. de deposit. testium, hu. 110. §. Et primò quæritur. Decius in L. fœminine. ff. de regul. iuris. Conrard. Lancilot. loc. d. num. 75. qua de causa numerus debet supplere defectum.

At obijcis: Cū secundum iura & Doctores, infames & socij criminum admittantur in testes, in defectum aliorum, quando aliter
veritas

veritas haberi non potest; quomodo per huiusmodi testimonia non proceditur ad condemnationem, sed tantum ad torturam? Sit ergò.

Septima & vltima Conclusio. *Quamuis communiter Doctores secundum iura tradant, infames & socios criminis admitti in testes, iuxta prædictam conclusionem: tamen securius est dicere, quod non admittantur ad condemnandum, sed tantum ad torturam inferendam.*

HANC Conclusionem ponit Salicet. in L. Cunctos populos. C. de summa Trinit. & fide Catho. Idem ibidem tenent Bald. & Iason in 1. lectura, à num. 70. & in 2. lectur. num 50. & 51. Lanfranc. in tractat. de depositionibus testium, à nu. 102. Atq; hi omnes Doctores Bartolum, qui in d. L. obscure loquitur, nu. 4. in hunc sensum interpretatur. Chassaneus super Consuetud. Burgund. Rubr. 1 §. 5. num. 123. versic. Et quantum ad laicum. Hippol. Marfil. in pract. Crim. §. Diligenter. num 3. Anthon. Gabriel. Roman. lib. 1. communium Conclusionum, Conclus. 7. num. 7. Iulius Clarus lib. 5. §. fin. q. 21. vers. Sed pone, quod non vnus tantum. Atq; sic in praxi seruari in senatu Neapolitano, Curia Parisiensi & alibi tradit ex Docto-

Doctoribus, vt non procedatur ad condemnandum, sed tantum ad torturam, propter testimonium duorum vel trium sociorum criminis, idq; esse verum, etiam si testes sint singulares. Et ratio esse potest, quare huiusmodi testimonia non sufficiant ad condemnationem; quia cum sit contra eos exceptio aliqua, non sunt tantæ fidei, vt quis possit ex eorum dictis condemnari: Ad condemnandum enim requiruntur probationes luce clariores: ad inquirendum verò veritatem per torturam minores sufficiunt probationes. Videtur tamen aliqui doctores plus tribuere huiusmodi testibus. A communi tamen sententia & praxi Doctorum, in tam periculosa re, non est recedendum. Tutiusest ergo cum Salyceto dicere talium testimonium tantum sufficere ad torturam.

Maius autem dubium esse potest, An, si multiplicentur huiusmodi denunciationes, & testimonia, possit quis condemnari? Ioan. Bodinus in lib. 4. Dæmonomania, cap. 2. & 4. affirmantem partem docet. Ad eandem videtur tendere sententiam, qui tradunt ex multis indicijs resultare indicia indubitata, & ex indubitatis indicijs posse aliquem condemnari: quam quæstionem celebrem in vtramq; partem disputat Marsilius in L. Repeti. ff. de quæstion. col. 6. & pro vtraq; parte adfert graues Doctores. De qua materia legendi Bald. & Sa-

lycet. in L. fin. C. de probat. Feln. in cap. Terti-
 o lico. de probat. num. 8. Quicquid autem
 sit in genere de hac quaestione: video tamen
 communiter in hanc ire Doctores sententiam,
 quod in occultis & ex natura secretis atq; atro-
 cibus, probatio per coniecturas & multa in-
 dicia obtineat ad condemnandum. Sic Barto-
 lus, Bald. & Angel. in L. Si quis ex argentarijs.
 §. penult. ff. de edendo, Franciscus Brunus de
 indicijs & tortura. q. 4. l. partis, nu. 7. Marsil. in
 d. L. Repeti. & in cons. 4. nu. 8. & 9. Alexand.
 in cons. 53. incip. In casu vertente inter. nu. 4.
 Chassaneus super Consuetud. Burgun. Rub. 1.
 §. 2. nu. 18. in addition. & ita dicit obseruari in
 Curia, in atrocioribus, vbi probatio est sua na-
 tura difficilis. Idem tradit Iul. Clarus in praxi
 esse in Mediolanensi & Neapolitano senatibus,
 lib. 5. §. fin. q. 20. vers. Scias tamen. Hinc proba-
 tio per coniecturas in calibus clam destinis, di-
 citur manifesta. Marsi. in cons. 44. num. 10. An-
 gel. in L. Si quis ex argentarijs. §. prator ait. ff.
 de edendo. Quando autem aliquis damnatur
 ex præsumptionibus, indicijs & coniecturis,
 non deberet sibi imponi vera pœna delicti, sed
 alia mitior, secundum doctrinam Innocentij
 in ca. Verisimile. de præsumption. receptam à
 Baldo in ca. 1. de offi. delegati, num. 13. & in L.
 fin. C. de probat. Marsil. in d. L. Repeti. Lanci-
 lot. in tractat. de offi. prator. in criminalib. in
 §. de negatione criminis & torment. nu. 55. Re-

norm. in cap. Auditis. de præscript. nu. 32. Ad quod propositum faciunt multa, quæ dicunt Menoch. lib. 2. de arbitr. Ind. casu 279.

Antequam ad solutionem argumentorum descendam, aliqua dubia occurrentia resolnam.

Primum dubium: *Quid sentien-
dum de purgatione vel probatione aquæ frigidæ?*

PRO declaratione in primis cognoscendum est, apud quosdam Iudices esse moris, ut si quam maleficam præsumptam habeant, quæ veritatem etiam in tormentis fateri nolit, adhibeant probationem aquæ frigidæ in hunc, ut intelligo, modum. Malefica præsumpta adducitur ad flumen, vel lacum: ligatur manibus pedibusq; ligata proijcitur in aquam frigidam: si enatat, habetur vehementius suspecta maleficij, & iterum virtute huius indicij repetuntur tormenta: Si verò submergitur, ut innocens absoluitur. Dubium nunc postulari, an hæc probatio licita sit, & conueniens indicium culpæ vel innocentiz.

Hanc probationem aquæ frigidæ ferunt in frequenti esse usu apud VVestphalos: in nostris partibus hoc tempore quidam Iudices, ut fama est, hac probandi forma vtuntur. Eam longè defendit quidam Gulielmus Adolphus Scribonius Marpurgenſis. lib. 2. de

*Purgatio
aquæ frigidæ
in westphalia
frequens.*

Sagarum natura & potestate, qui liber prodijt in nundinis Francofordien. Mense Septembr. Anno Dom. 1588. Hic author contra Ioannem Evvichium & Hermann. Neuvvalt, Medicos, defendit & ab antiquitate confirmat purgationem aquæ frigidæ; quia eius meminit Cuiacius Iurisconsultus, asserens ea Christianos olim homines vsos fuisse; & adhuc in consuetudine apud multos est. Causas verò naturales cum reddere nequeat, vtpote qui manifestis aduersariorum conuincitur argumentis, alias confingit; in diabolo quandam leuitatem, qua detinentur huiusmodi corpora, ne submergantur: in aqua verò quandam antipathiam, & vt hoc figmentum intelligatur, ponenda breuib; quæ ipse multis profert. Aqua sagas in se ferre non potest; quia Deus aquam prædestinavit salutari regenerationis lauacro, vt in ea homines abluantur à peccato, & regnum Dei ingrediantur; quare odio maleficas auersatur, & reijcit, vt si maximè pro viribus tentent, non tamen submergi possint; cum spreto diuino lauacro, toti Trinitati abrenunciauerint. Fatetur tamen & bene dictus author, hanc suam inuentionem non esse edicta prætoria, Ioannes Bodinus lib. 4. cap. 4. de Magorum Dæmonomania, damnat hoc iudicium aquæ frigidæ, tanquam opus quoq; magicum.

Nunc pro resolutione dico. Primò: Iudex,
 vel

vel alius potestate & authoritate fungens, qui facit aliquem vel aliquam subire probatione aquæ frigidæ, mortaliter peccat. Probatur 2. quæst. 5. cap. Mennam. ex Registro S. Gregorij, in Epistola ad Brunichildam Reginam Franciæ, vbi reprobat probatio vulgaris aquæ frigidæ, quia Diabolo fabricante introducta sit.

Deinde similia similes est ratio: & si in lege proprius casus non exprimeretur, ad similem expressum, vbi est identitas rationis, confugiendum est. Sed probationis aquæ frigidæ eadem est ratio, quæ candentis ferri vel aquæ feruentis. Tales autem probationes peruersæ sunt & superstitiosæ, iuxta c. fin. de purgatione vulgar. & 2. q. 5 c. Mennam. & ca. Consuluiſti. S. Thom. 2. 2. q. 95. art. 8. ad 3. S. Anthon. 4. part. tit. 15. c. 34. §. 2. Ioan. à Turrecrema. in d. c. Consuluiſti. Panorm. & Pet. de Anchar. in cap. fin. de purgat. vulgari. qui author & ibidem meminit probationis aquæ frigidæ. Martin. Nauarr. in Manual. Confessar. cap. 11. n. 39. Vt rei fundamentum perspiciatur, in quibusdam regionibus & prouincijs antiquitus fuit vsus vulgaris probationis, vt in Francia, sicut patet ex cap. Mennam, tempore S. Gregor. & in Liuania, ex c. fin. de purgat. vulg. & tate Honorij tertij, Quare non est mirum, si Cuiacius Iurisconsultus aquæ frigidæ meminerit: non tamen, vt rectè DD. impugnantes dicunt, eius

vsus licitum asseruit. Sunt autem Honorij
 tertij verba in d. cap. fin. Dilecti filij nouiter in
 Linonia baptizati, grauem ad nos quærimo-
 niā destināunt, quod fratres Templariorum,
 & alij, qui temporalem in eis potestatem exer-
 cent, si quando de aliquo alio crimine infā-
 mantur, eos ferri candentis iudicium subire
 compellunt, quibus si qua exinde sequitur ad-
 uersitas, ciuilem poenā infligunt. Cū igitur hu-
 iusmodi iudiciū sit penitus interdictum, vt-
 pote in quo Deus tentari videtur, Mandamus
 quatenus dictos fratres, & alios vt ab huius-
 modi conuersorum grauamine omninō de-
 stant, per censuras Ecclesiasticas appellatione
 remota repellas: hæc ibi. Purgatio aut ferri can-
 dentis, & aquæ calidæ vel frigidæ, dicitur vul-
 garis: quia nulla canonum aut legum autori-
 tate fundata est, sed à vulgo inuenta, & diabo-
 lo fabricante iutroducta, ex d. c. Mennam. &
 c. Consulisti. & est superstitiosa: quia intēdit
 probare innocentiam vel culpam hominis per
 experimentum non secundum naturam, neq;
 secundum Catholicam Scripturam, sed per
 modum superstitiosū. Adhæc qui tali vul-
 gari probatione vtuntur, tentant Deum, dum
 quæruntab eo miraculum sine causa. Ferrum
 candens cū naturalis sit actionis, ita lædit in-
 nocentem, sicut peccantem, & in aqua frigida
 ita mali submerguntur, sicut boni. Ad mira-
 cula autem, quæ suo arbitrio Deus reseruauit,
 vt Ancha-

¶ Ancharan. ait, non ferro candenti, vel aqua frigida, sed iustis orationibus commouetur Deus. Hinc in huiusmodi probatione duplex committitur peccatum: tentationis nimirum Dei, & superstitionis: quia pactū implicitum intercedit cum Dæmone. Ad quod facit autoritas D. Thomæ loco citato, dum ait: Dicendum, quod indicium ferri candentis vel aquæ feruentis ordinatur quidem ad alicuius peccati occulti inquisitionem, per aliquid quod ab homine fit, & in hoc cōuenit cum sortibus: In quantum tamen expectatur aliquis miraculosus effectus à Deo, excedit communem fortū rationem. Vnde huiusmodi iudicium illicitum redditur; tum quia ordinatur ad iudicanda occulta, quæ diuino iudicio referuntur: tum quia huiusmodi iudicium non est diuina autoritate sancitum. Vnde 2. q. 5. c. Consultasti, in decreto Stephani Pape dicitur. Ferri candentis, vel aquæ feruentis examinatione confessionem extorqueri à quolibet, sacri nõ censent canones: & quod Sanctorum Patrum documento sancitum non est, superstitiosa adinuentione non est præsumendum. Hæc S. Thom. ex canon. De antiquitate purgationis ferri candentis legendus est Didac. Couar. lib. 4. variar. resolut. cap. 23.

Secundò: Non solum peccant mortaliter cogētes subire probationem aquæ frigidæ, sed etiam omnes, qui credunt inesse effectum ad

• probandum innocentiam vel culpam, nisi eos ignorantia probabilis excuset: quia est opus superstitiosum, à Diabolo introductum, ex pacto cum eo implicitè habito procedens: ergo mortaliter peccat, qui fidē adhibet tali rei. Nam similes sunt qui faciunt ea, & omnes qui confidunt in eis. Ex qua caussa, qui admonentur talis erroris, & non deponunt, nec acquiescunt veritati, tam diu sunt in peccato mortali, quam diu non desistunt à tali superstitione. Quia post admonitionem & instructionem non est amplius locus probabili ignorantia. Quare rectè Bodinus & alij contra Scribonium, damnant probationem aquę frigidę, tanquam opus diabolicum.

Tertio: Siquis, vel quę ponatur ad probationem aquę frigidę, & virtute talis indicij præsumpti confessio extorqueatur in tormentis, confessio est nullius roboris & momenti, & consequenter reus, vel rea non potest ex ea condemnari. Probatur. Confessio, quam nullum indicium legitimum præcedit, etiam si in tormentis facta sit, & reus in ea perseueret, est nulla ipso iure, nec potest confessus ex eo condemnari. ex text. Gloss. Barto. & alijs in L. penult. ff. de quęst. Alexand. in L. Qui in aliena. §. Celsus, num. 12. De acquirend. hæred. Iason. ibid. num. 38. Angel. ab Aretio in tract. de malef. in verb. Fama publica. vers. Quinto quæro. Marsil. in d. L. penult. & in pract. §. Secunda q.

Secunda q. nu. 2. Eman. Soarez in thesauro receptar. senten. verb. Confessio. Francisc. Bruno de indicij & cor. 2. part. q. 5. Francisc. Viuio lib. 2. communium opinionum, opin. 70. Iul. Claro lib. 5. §. fin. q. 55. & hæc est communior opinio. Sed hæc talis confessio elicitur virtute nullius legitimi indicij, cum talis probatio iuri & rationi repugnet, vt constat ex dictis. Si ergo indicium nullum est, & confessionem inde sequentem esse nullam necessum est: Si confessio nulla est: ergo & sententia nulla, quæ inde virtutem sumit. Ex prædictis constat, abusum illum probandi apud antiquos fuisse reprobatum, tanquam superstitiosum: nunc verò nostris temporibus denuò maligno procurante reuocatum. Sicut enim hoc nostro infœlicis seculo, antiquæ hæreses olim damnatæ prodeunt; sic etiam veteres superstitiones consopitæ renouantur. Causam verò, quare non submergantur sagæ, si ita sit, vt refertur, non referimus in leuitatem, cum nulla dæmoni insit (grauitas enim & leuitas sunt qualitates corporum, ex elementis compositorum) sed in potentiam dæmonum. Qui enim potest celerimè per aera corpora ad remotissima loca deferre sua virtute, valet etiam sustentare, ne submergantur. Nam si vir mediocris potentia puerum potest tenere, ne profundum petat; quanto magis dæmon hominem deferre valebit? Hoc autem facit non vt nocentiam sagæ

declaret, cui omnem suam in protegendo op-
 peram addixit, ad saluandum innocentiam in
 conspectu hominum (Mallet enim talem, si in
 culpa sit, innocentem, quàm culpabilem ostē-
 dere, atq; sic potius permittet in profundum
 descendere, quod naturale est corpori graui,
 quàm natàre contra naturam:) sed vt in tali o-
 pere, dum fortasse vnā animā perdit, quæ
 ad Deum per pœnitentiam reuertitur, plures
 per infidelitatem & superstitionem sibi subij-
 ciat. Etenim & cooperantes & fidem adhiben-
 tes, in laqueum Diaboli cadunt. Sortitur au-
 tem hoc opus, sicut aliæ superstitiones, de quib-
 us in vltimo præludio actum est, effectum
 ex pacto implicito cum Dæmone. Dum e-
 nim homines scire volūt occulta per modum
 nec à natura, nec lure permissum, aut ordina-
 tum; diabolus accufrit, & manus adiutricis
 porrigit. Atq; eam ob causam canones & Do-
 ctiores vulgarem probationem, tanquam rem
 superstitiosā, & diabolo suggerente inuen-
 tam reprobant, dum tales effectus neq; secun-
 dum scripturam, neq; secundum canones, vel
 Ecclesię consuetudinem, aut rei naturam cum
 causis coniungantur: quam Regulam, vt su-
 præ significatum est, Augustin. lib. 2. cap. 20. de
 doctrina Christiana, indicat, pro dignoscen-
 dis superstitionibus. Qua regula etiam rei jci-
 tur ficta illa antipathia. Nam aquæ talem tri-
 buere effectum, indiget alia confirmatione,

aut ratione, aut autoritate probandū est. Quis enim aquam in baptismo diceret talem tantamq; vim habere, nisi expresso Christi testimonio probatum existeret? Neq; aquæ soli virtus salubriter abluendi tribuitur, sed accedit verbum ad elementum, & fit sacramentum, vt dicit S. Augustinus tractatu 80. in Iohannem. I. ratereā, vt ex d. cap. Mennam, & alijs colligitur, hac probatione antiqui abusi sunt etiam in probandis alijs sceleribus: quomodo ergo nunc solū obtinet in Sagatum crimine? Scribit quoque malleus maleficarum in vltima parte, familiare esse Magis, vt pro probanda innocentia appellent ad purgationem ferri candentis: sed non eis esse morem gerendum. Hac de improbatione aquæ frigidæ.

Secundum Dubium: *Quod conclusio maleficum denuntiantem facere indicium contra sociū ad torturam, videtur repugnare Constitutioni practica Caroli Quinti:* in art. 21. vbi expresse prohibetur, ne aliquis ex denūciatione Incantatorum aut diuinatorū capiatur & torqueatur, imò vt tales, si quid presumpserint, debitis pœnis subijciantur, statuitur. Casus talis est: aliquis perdidit rē pretiosā, vel alicui maleficio inficitur equus: accedit incātatorem vel diuinatorem, qui adhibita phiala vel cribro facit coniurationes, & inuocationes demonum. Tandē dicit, consultatione habita
sum

cum Diabolo, vel alio modo vsus, talem furem rei esse, vel alienum equum maleficio destruxisse. Vel venit diuinator, aut incantator in aliquam villam, vt factum hoc anno Intellexi prope Confluentiam in Kerlich; dicit, tot sunt in hoc loco sagæ, & illa & illa est, nominando aliquos; & breui aliquid videbitis, & sic de similibus. Dubitatur an talibus denunciationibus deueniendum sit ad capturam & torturam. Respondetur simpliciter quod non; vt determinat dicta Constitutio Caroli, quæ est iuri & authoritati consona, in L. item apud La beonem. §. Si quis Astrol. ff. de iniur. & famos. libellis. Angelus ibid. Francisc. Brun. in tract. de indicijs & tortura l. part. q. 3. nu. 35. Marsil. in pract. & alij alibi. Quia, vt Angelus docet, Diuinationes cum sint illicitæ, nec probant, nec faciunt indicium ad torturam. Aliam rationem ex vltimo præludio adferre possumus: quia incantatores & diuinatores, si secreta peccata denunciant, vel de futuris diuinant, non possunt ea scire, nisi à Diabolo, à quo cognoscere non est licitum. Quia talia obiecta cognitionem humanam excedunt, nisi reuelata mediante aliquo, qui sensu cognouit, existant. At in nostro proposito longe alia ratio est: malefici denunciant facta sociorum & consortum in crimine, quæ viderunt in loco, tempore, modoq; determinatis, quibus præsentés fuerunt, vbi verè & realiter biberunt, manducauerunt,

uerunt, varioſq; tractatus habuerunt, circumſtantias de acceſſu & reſeſſu aperiunt, quæ humanam cognitionem non excedunt, ſed ſenſibus apprehenderunt. Feruntur enim ad talem conuentum opera diaboli : ſed cùm in conuentu ſunt, functione ſenſuum corporeorum vtuntur, vident, audiunt, tangunt, ſaltant, bibunt, & comedunt : quæ omnia ſenſibilia ſunt. Aliquando quædam ex euentu inopinato ſcælici relinquuntur in loco, & deſeſſæ domum ambulando redeunt: de quorum veritate refero me ad experientias multas, quæ partim in malleo maleficorum, Grillando, Bartholomæo Spineo, & alijs: partim in noſtrorum ludicum proceſſibus de translatione reali habentur. Quare qui talia in ſomno contingere dicunt, ſenſus negant.

Quomodo ſomnia ſunt, quando dicunt, ex iſtis locis vinum allatum, ex talibus vaſis ſumptum, & hoc modo conſumptum? Adhuc ſi ea ſenſum effugiunt, quæ ibi tractantur, quomodo nunc noſtro tempore, poſtquam animaduertunt in aliquibus locis denunciationibus locuſeſſe, honoratiores & maiores, vultu & forma teguntur in curſibus & conuentibus, ne à vulgaribus cognoſcantur? Hæc ita ſe habere, multorum relatione indies cognoſcimus. Portabatur Chriſtus à Diabolo, & ſtuebatur in pinnaculo templi: At ibi exiſtens videbat: audiebatq; populum, aliaq; ſenſibilia
ad

ad humanam naturam spectantia opera exercebat. Sic & Abacuc ex Iudæa in Babylonem ferebatur ab Angelo: sed in Babylone existens loquebatur, audiebat, videbat, aliasq; sèsum functiones exercebat. Non repugnat, quod à Diabolo ad locum ferantur, & in loco exiitètes humana opera faciant. Ratio ergo fundamentalis, vt paucis concludam, quare maleficorum denunciationes admittantur, diuinatorem & incantatorem reiiciantur, est, quia malefici testantur de rebus naturali & humano modo acceptis: Hi verò de obiectis, quæ excedunt humanam cognitionem, nisi alia conditio accedat. Vnde necesse est vt aut fallatur, aut à diabolo, qui etiam fallere solet, & à quo non licet quicquam cognoscere, intelligant. Quare meritò dicta Carolina Constitutio statuit, sicut etiam decernunt, d. l. Idem apud Labeonem. & in C. de malef. & mathem. l. Nemo. vt in tales diuinatores & incantatores seuerè fiat animaduersio. Si tamè diuinatores & incantatores veritatem aliter quàm per incantationem & diuinationem scirent, non prohiberentur denunciare, seruatis seruandis.

An iudicibz liceat vel alteri potestatem exercenti, dolo, mendacio, vel falsa promissione impunitatis, à Reo presumpto in hoc crimine, vel alijs, confessionem elicere.

*An iudicibz
huiusmodi
per mendacia
veritatem
semper à Reo
elucere.*

Ut melius dubium intelligatur, talis formatur casus. Iudex habet in carcere legam, quæ non vult etiam confiteri: ut inducatur ad confessionem, ipse meteam accedit, vel alium subiornat & dicit; habeo adhuc tres vel duos turæ societatis in carceribus (easq; nominat) quæ te denunciant: cum tamē nullam habeat: sic fortasse vlciscendi animo par pari referet, ait Bodinus. Vel promittit impunitatem & euasione, quam nec cogitat, nec potest seruare. Quæritur nunc, an tales modi liciti sint?

Quantum ad primam partem, Ioannes Bodinus lib. 4. de Magorum Dæmonomania, cap. 1. prope finem, tradit licitum esse iudicibus, mendacijs eruere veritatem à magis & maleficis; Idq; diuino & humano iure, probat exemplis veteris testamenti. obstetrices, Exo. 1. propter mendacium remuneratæ sunt. Abraham Genes. 12. & 20. dixit de vxore sua, quodd soror esset. & Genes. 27. Iacob dixit se esse Esau: & alia extant plurima in libris veteris testamenti. Confirmat latius: Plato & Xenophon magistratibus permiserunt, ut ad reipubl. administrationem sic mendacia proferant, ut erga ægros & puerulos adhibentur. Sic ergo, inquit, in iure faciendum, ut occultorum scelerum peruestigetur veritas. His rationibus mouetur ad dicendum, iure diuino & humano licitum esse iudicibus, eruere mendacijs veritatem, quicquid Augustin in
lib.

lib. de mendacio, & Aquinas sentiant ab octo mendacij generibus, quæ exponunt copiosè, abstinendum esse.

*Bodinus
notatur.*

Sic Bodinus loquitur, & quia hæc doctrina falsissima & perniciosissima est, in prima parte dubij, contrarium, nè quis eius lectione capiat, ostendendum, & eius argumentis respondendum est. Huic falsæ doctrinæ oppono veritatem. Mendacium omne prohibetur iure diuino & humano. Probat, quod iure diuino. Non dices falsum testimonium contra proximum tuum. Psal. 14. Domine quis habitabit in tabernaculo, &c. Qui loquitur veritatem in corde suo, & qui nō egit dolum in lingua sua. Ergo à contrario sensu non habitabit in tabernaculo DEI, qui loquitur mendacium, & egit dolum in lingua sua. Sapient. 1. cap. Os quod mentitur, occidit animam. Ecclesiastici. 7. Noli velle mentiri omne mendacium. Prouerb. 6. Proferentem mendacia odit Deus. Psalm. 5. Perdes omnes qui loquuntur mendacium. Rectè ergo Augustinus in lib. de mendacio, cap. 14. & S. Thom. 2. 2. q. 110. art. 3. sentiunt, quos necessariò communis sententia sequitur, cū ex verbo Dei euidentis sit, non esse licitum mentiri in vllō casu, neq; etiam pro conseruatione alicuius vitæ. 2. 2. q. 2. can. Ne quis. Quia iuxta apostolicam doctrinam, non sunt faciēda mala, vt eueniant bona; nec etiam pro aliqua vtilitate & necessitate.

Rom. 1.

litate, ex eod. can. & ibidem in can. Primum, & multis alijs canonibus in eadem caussa quæst. Quare oculos non habuit Bodinus, qui dixit licitum esse mentiri iure diuino & humano. Quod multò magis habet veritatem in Iudice & iudicio, cum Iudex vir bonus, & iudicium sanctum esse debeat. Qua de caussa communis sententia tradit, omne peccatum esse mortale in iudicio, quando est de aliqua re graui, spectante ad iudicium, vt tradunt S. Thom. 2. 2. q. 69. art. 1. Caetan. ibid. Martin. Nauarr. de pœnit. dist. 5. cap. Fratres. num. 12. & 14. & in Manuali Confessariorum, cap. 18. num. 3. Domin. Sotus in relect. de tegend. & deteg. secretum, memb. 2. q. 7. Didac. Couarr. lib. 1. variar. resolut. cap. 1. num. 2. At quis non intelligit confessionem, ex qua quis vel damnatur, aut absoluitur, rem esse grauissimam, spectantem ad substantiam iudicij? Et confirmatur: quia, vt Doctores tradunt, non licet iuste litiganti in iudicio, mendacio, aut falsitate vti aduersus aduersarij dolum & cauillationes. S. Tho. 2. 2. q. 71. art. 3. ad 3. de aduocato, quod non liceat ei falsitate vti. Syluest. in verb. Aduocatus, nu. 6. Aurea Armilla ibid. nu. 19. Nauarr. in Manuali c. 25. nu. 29. Ioan. Immolen. in c. 1. de mutuis petitis. num. 13. Bald. in Rubr. C. de fide instrum. Iason. in L. Cum proponas inter vos. C. de pæctis post. nu. 4. Couar. lib. 4. variar. resolut. c. 2. n. 1. Quare falsissima est Bodini sententia, quod

licitè possunt Iudices mendacijs & falsis modis seruere veritatem.

*Solutio argu-
mentorum
Bodini.*

Ad argumenta Bodini, & quidem ad illud de obsetricibus: respondetur primò, secundum Alexandrum Halens. in 3. parte. q. 37. membr. 6. Quod in facto earum duo considerentur: pietas compassionis, & mendacium. Compassio opus bonum fuit moraliter, & si præcessit ex charitate, fuit etiam meritorium, pro quo remuneratæ sunt temporaliter: non tamen propter hoc priuatæ præmio æterno, saltem si adfuit charitas. Mendacium verò fuit officiosum, quia profuit, & utile fuit ad salutem parvulorum, & nulli nocuunt: & ideo veniale: & rursus non impediuit meritum pietatis, licet illi mendacio præmium non debebatur. Secundò, cum S. Thoma loc. citato ad 2. Obstetrices non sunt remuneratæ pro mendacio, sed pro timore Dei, & beneuolentia, ex qua processit mendacium. Vnde significanter dicitur Exod. 1. Et quia timuerunt obstetrices Deum, ædificauit illis domos. Mendacium verò postea sequens non fuit meritorium. De hoc argumento latius in 22. quæst. 2. can. Si quælibet. Cum Ioan. Turrecre. ibid. Raab similiter propter pietatem in nuncios commendatur, non propter mendacium officiosum, quo saluauit viros ad se declinantes, Iosue 2.

Ad alia exempla dico cum S. Thoma sol. ad 3. quod in Sacra Scriptura, vt Augustinus dicit,

dicit, in lib. de mendacio. cap. 5. inducuntur aliquorum gesta quasi exempla perfectæ virtutis, de quibus non est æstimandum eos fuisse mentitos. Si quæ tamen in eorum dictis appareant, quæ mendacia videntur, intelligendum est ea figuraliter & prophetice dicta esse. Vnde Augustin. dicit, in lib. contra mendacium. Credendum est, illos homines, qui propheticiis temporibus digni autoritate fuisse commemorantur, omnia quæ scripta sunt de illis, prophetice gessisse atq; dixisse. Abraham tamen, vt Augustin. ait, in quæst. super Genesin dicens, Saram esse suam sororem, veritatem voluit celari, & non mendacium dici. Soror enim dicitur: quia filia patris erat. Vnde & ipse Abraham dicit, Genes. 20. Verè soror mea est, filia patris mei, & non matris meæ filia: quia scilicet ex parte patris attinebat. Iacob verò mystice dixit se esse Esau, primogenitum Isaac; quia videlicet primogenita illius de iure ei debebantur. Vfus autem est hoc modo loquendi per spiritum prophetiæ, ad designandum mysterium; quia videlicet minor populus, scilicet gentilium, substituendus erat in locum primogeniti. Iudi h. verò laudatur, non quia mentita est Holoferni, sed propter affectum, quem habuit ad salutem populi, pro qua periculis se exposuit. Pro similium argumentorum & horum solutione legendi Alexand. Halens.

loc. dict. S. Bonauentu. in lib. 3. sentent. d. 38. quæst. 2. Gabriel. ibid. q. vnica, arti. 1. Turrecrema. cum text. 22. quæst. 2. can. Vtilem. cap. Si quis per vetus testamentum, cap. Is autem, cap. Abraham. cap. Quæritur cur Patriarcha, & alij.

Quod verò Plato & Xenophon magistratibus permiserunt, vt in administratione rei. publ. mendacia proferant, vt erga ægrotos & puerulos adhibeatur, nihil probat, sed seipsum interimit: quia erga ægrotos & puerulos aut non vtimur mendacijs, aut si quid dicitur, ioco contingit, aut fingimus. At in iudicijs quando agitur de eruenda veritate, ex qua absolutio sequitur, vel damnatio pendet, res grauissima est, & magni præiudicii.

Quantum nunc ad secundam dubij partem spectat, An confessio à Iudice extorta promissione impunitatis, sit valida ad hoc, vt quis ex ea possit condemnari?

Negatiuam sententiam tenent Ioan. Immolens. conf. 109. Hyppol. Marfil. ff. de quæst. L. 1. §. quæstioni, & conf. 14. nu. 25. & in conf. 32. nu. 22. Decius in L. 1. C. de sentent. quæ pro eo quod interest. nu. 7. & in L. Ea est natura caultationis. ff. de reg. iuris, in fin. Et alij, quos citat Couarr. lib. 1. variar. Resolut. c. 2. nu. 16. Probat hanc opinio. Iuramentum per dolum extortum non nocet iuranti. cap. Cùm continget de iureiurando. & c. Quamuis. de pact. in 6. ergo

6. ergo eadem ratione non debet nocere confessio dolo extorta. Idem renunciatio illius, qui fraudulenter fuit inductus ad renunciandum, non valet. cap. Sanè. de renunciat. & confessio facta per suasionem aduersarij potest reuocari, vt probat Martil. in d. cons. 32. In contrarium, talem confessionem esse validam, & reum ex ea condemnari posse, tradunt Felin. in cap. Afferte. de preſumpt. Archidiaconus in c. vtilem 22. q. 2. Cinus in L. præſenti. C. de his, qui ad Ecclesiam confugiunt. & alij. Ratio eorum est: quia cum ista promissio pernicioſa rei publ. sit, seruanda non est. Hanc quæſtionem fuſius tractant Couarr. lo. citat. Iul. Clar. lib. 5. §. fin. q. 55. vers. Circa ſecundum. Iacob. Menoch. lib. 2. de arbitrar. Iudi. casu 367. qui repetit omnia, & in ordinem digerit, quæ Couarr. tradit.

Conueniunt in primis Doctores, & admonent, vt Iudices abſtineant ab huiusmodi promissionibus, & ratio eſſe poteſt; quia promissio obligat de iure naturali: quare hoſti etiam ſeruanda fides eſt. 23. quæſt. 2. cap. Noli. & Gloſſ. in L. Conuentionum. ff. de pactis. ſi ſit deſiderata, voluntaria, de re poſſibili, aut notabili: & qui promiſſionem non ſeruat, frangit ſi dem. Si autem promittit Iudex impunitatem animo non ſe obligandi, grauiter peccat ſignificando verbis animum, quem non habet: quod ſpectat ad mendacium pernitio-

sum, si sit de re notabili, tendente contra salutem corporalem vel spiritualem proximi, de qua re legendus Nauar. in Manuali cap. 18. num. 6.

Secundò, si reus spe promissionis frustratus in confessione perseveret, damnari poterit secundum communem sententiam.

Tertiò, si spe frustratus reuocet confessionem, & excipiat, non debet nec potest ex ea cõdemnari. Couar. loc. cit. & Menoch. & sic intelligendam primam sententiam tradit.

Quartò, quando reus sic confessus est crimen, & confessionem nec reuocauit, nec confirmauit, non pœna ordinaria, sed arbitraria puniendus esset, & mitiori. Couarr. & Clarus loc. cit. & Menoch. & vt Clarus ait, si talis promissio fiat ab eo qui potest gratiam facere, seruanda esset: nisi circumstantiæ aggrauent: & id in aliquibus curijs practitari tradit.

Prima opinio validioribus nititur argumentis, quæ alij non soluunt, nec suam muniunt, quamuis in praxi apud multos sit. Quod verò in oppositum adfertur, hanc Iudicis promissionem non esse seruandam, cùm tendat in perniciem rei pub. cuius interest delicta puniri: verum est, vbi de delicto ordine iuris & recto modo constat, vt tradit Couarr. in loc. d. prope finem.

Quartum Dubium. An condemnati ad ignem, iuxta dispositionem legis, viui sint comburendi?

Videtur quod sic: quia sententia videtur in illum effectum tendere, & quando ignis pœna à lege imponitur, in pœnam imponitur. Cadauer autem cùm careat sensibus, non est capax doloris & pœnæ. Ad hæc Iudices, qui exequuntur sententias, sunt ministri iustitiæ; ergo subduntur legibus, & debet infligere pœnam à lege præscriptam: maxime qui agnoscunt superiorem. His non obstantibus, vltus obtinuit, vt priusquam igni tradantur, interficiantur compressis faucibus, siue strangulentur, ad euitandum periculum, ne lenta mors, ob magnos cruciatus, in blasphemias, aut desperationem reum trahat. Idcirco apud Christianos receptus est mos prius strangulandi, quàm comburendi, nisi in aliquo casu, ob singulares circumstantias, criminis atrocitas aliud postulet. Si autem reus maneat pertinax in malo, & non conuertatur ad cor, nec pœniteat, viuus comburitur in crimine hæreseos, vt praxis Italiæ & Hispaniæ docet. Quod etiã in crimine maleficorum fieri debet: nam in impenitenti nõ est timenda desperatio; & ratio, vt viui non comburantur, est ne cadant in desperationem, vel aliud peccatum in maximo cruciatu. De

hoc dubio legendi sunt Couarruias lib. 2. variarum Resolut. cap. 10. à num. 9. & Iulius Clarus lib. 5. §. fin. pract. Criminalis. quæst. 99. versi. vnum tamen in hoc proposito notabis.

Quintum Dubium: An maleficis pœnitentibus, nec non alijs damnatis ad mortem, petentibus Eucharistia sacramentum dandum?

RESPONDEO, quod sic, si vera signa pœnitentiæ appareant, & ex dispositione deuotioneq; petât: de furibus suspendendis est textus, 13. q. 2. cap. Quæsitum. de hæreticis. cap. Super eo. de hæret. in 6. de damnatis in genere, Gloss. recepta in Clementina 1. de pœnit. & remissionibus. Franciscus Cardinalis Zabarella ibid. quæst. 9. & 12. Turcrem. in dict. cap. Quæsitum. Stephanus Aufrerius in tractatu de potestate Ecclesiæ super laicis, num. 58. Iosep. Angles in florib. Theologicarum qq. 1. part. in 4. sent. in q. de Suscipientibus Eucharistiam. Iuli. Clarus lo. cit. sed quæro nunquid. Ange. in verb. Eucharistia 3. §. 27. Syluest. ibid. num. 7. & ex professo Marti. Nauar. in Enchiridio de oratione & horis canoncis, cap. 22. numero. 11. & Manuali confessoriorum cap. 25. numero. 23. & hæc est communis sententia: quam in vrbe existens audiui in scholis confirmatam à Pio Quinto pijsimo Pontifice, in motu quodam

quodam proprio. Et nunc hūc morem pīi
sequuntur multi pīi Magistratus, quoniam
non ubiq; gentium obseruetur, & in Consti-
tut. Criminali. Caroli V. artic. 79. statuūtur, vt
Reo tempestiuē mors denuncietur, vt consi-
teri possit, & si petat Eucharistiam non ei de-
negetur. Hoc tamen obseruādum est, vt prop-
ter sanctissimi sacramenti reuerentiam ipso
die executionis non communicent, sed com-
munio anticipetur. Si autem executio non pa-
teretur moram ex rationalibus causis, & dam-
natus ad mortem pro animæ consolatione
cum fructu peteret sacramentum, contra nul-
lam esset legem ipso die executionis commu-
nicare, modò communicatio executioni senten-
tiæ, quatuor horis præmittatur, vt corrupta
tanto temporis spacio sacramenti specie, nulla
sacramento irreuerentia fiat. Atq; hæc con-
suetudo est in Vrbe Roma, digna maximo-
rum Pontificum pietate & prudentia, quam
orbis imitari deberet, vt rectè Nauarr. loco ci-
tato hortatur. Hac ratione motus ante decem
annos non solum dedit sacramentum, sed et-
iam quibusdam præfatis & iudicibus consi-
lium super hoc contentibus consulti dandum,
& adhuc consulo. Sicut enim abusus, qui ten-
dunt in animarum perditionem indices, sine
mora extirpandi sunt: sic pīi vltus, qui hominū
salutem & spiritualem consolationem pro-
mouent, introducendi. Confessoriorum au-

tem est iudicium, an expediat Eucharistiam huiusmodi damnatis ministrare, vel non: pendet enim ex dispositione recipientium. Quidam enim ita sunt dispositi, vt multum ipsis prosit ad salutem animæ, si hoc salutari cibo confirmentur, ad subeundum mortis supplicium, & frangendum diaboli machinas in extremis.

Ex his deduco, quàm impium fuerit dictum, & pastore, qui sitientissimus esse debet salutis animarum, indignum, sacerdotis cuiusdam, qui damnatæ ad mortem pœnitenti personæ petenti viaticum respondit: Non est æquum sanctum dare canibus. Minimè canes sunt, sed oues, qui ad cor redeunt, & cum pœnitentia Dominum suum pro reconciliatione in cordis hospitium recipere desiderant. Hic excludenda etiam occurrit praxis execranda quorundam ministrorum iustitiæ, vel potius in hoc casu iniustitiæ, qui damnatos ad mortem occidit in corpore & anima, quando salutis remedijs ad conseruationem animæ essent muniendi: vt aduersus mortis timorem eos confirmet, vino obruunt & rationem tollunt, ita vt miseri homines Dei & animarum oblitī, moriantur in corpore & anima, sine fine nunquam ad vitam reducendi, cum post mortem tam miseram nec spes veniæ, nec locus pœnitentiæ sit. Dictum etiam abusum damnat Carolus V. in d. artic. 79.

Cauē-

Caveant ergo diligentissime Iudices, ut hoc prohibeatur, ne ipsi fiant rei tanti facinoris, atque etiam damnatis potentibus superfluous de- negetur potus. Quomodo enim excusaretur ab homicidio, qui furioso autamenti postu- lanti gladium ad interficiendum se, morem gereret? Ex dictis quoque haberi potest solutio dubij, de quo semel interrogatus respondi affirmatiue, prout etiam nunc respondeo; An pro personis maleficis, vel alijs mortis supplicio affectis pro sceleribus, possit quis orare, sacrificium offerre, vel alia satisfactio- nis opera exercere? Respondetur, quod sic; si poenitentes discesserint, possunt hec bona pro eis fieri. ex d. c. *Quæsitum*, Gloss. ibidem. Angel. loc. cit. Aurea Armilla in verb. Com- munitio, num. 27. In cuius rei confirmatio- nem faciunt multa, quæ adfert Petrus Rauen- nas in quodam tractatu incipiente, Valet cum perpetuo silentio ad Clarissimum Theo- logie Professore Iacobum de alta platea, &c. Cuius scopus est probare, corpora suspenso- rum & latronum non esse in locis publicis relinquenda, sed sepulture tradenda. Habetur hic Tractatus in fine Alphabeti aurei vtrius- que iuris eiusdem authoris: his tamen non obstantibus dico, quod non deceat, ut pro ta- libus solemnes fiant exequiæ, prout pro alijs Christianis, qui cum honore vitam fini- nerunt, fieri consuevit. *Piæ autem faciunt*

ami-

amici & sanguine iuncti, qui priuatim pro eis orant, sacrificia offerunt, vel curant offerre, & satisfactoria opera exercent.

Sextum Dubium. *An sonitus campanarum, maleficorum, sagarum, demonũq; conatus impediatur, ne grandine, tempestatibus, ac alyis modis frugibus, seminibus, & vineis nocumentum inferant, vt vtriusq; sexus homines huius seculi fatentur, & unde talis virtus sit?*

DE antiquitate, nec non laudabili ac necessario campanarum in Ecclesia vsu, legendi sunt Anthonius Monchiacenus, Demochares in lib. de obseruanda Missarum celebratione cap. 13. Guithelmus Durandus in Rationali diuinorum officiorum, libro 1. cap. 4. Petrus Messia in Sylua variæ lectionis parte 2. cap. 9. Ioannes Andreas & Hostiensis in cap. 1. de offic. custodis. Authorem campanarum Vergilius Polydorus lib. 3. de inuentor. rerum, cap. vltimo, vult latere, licet inuentum non sit nouum, cùm vsus eamum fuerit tempore Moyssis, teste Iosepho lib. 3. Antiquitatum. Apud Christianos quidam tradunt primum institutorem fuisse Paulinum Nolanum Episcopum, virum sanctitate & eruditione clarum; in cuius rei confirmationem maximè ipsa nominis notatio facit.

Dici-

Dicitur enim campana à Campaniæ regio-
 ne, ut attestantur Ioan. Andr. & Durandus, &
 minus vasa nolæ à ciuitate Nolana quæ est in
 Campania. Vtimur campanis ad laudandum
 Deum, congregandum Clerum in Ecclesia,
 vocandum populum ad diuina, concitandum
 deuotionem in populo, ad fugandas tempe-
 states, & exterrendos hostes. Dum campanæ
 sonantur, pelluntur insidiæ inimici, fragor
 grandinum, impetus tempestatum, percussio
 fulminum, & infesta tonitrua temperantur.
 Saluberriimum campanarum apud Christi-
 anos vsus, tubæ argenteæ in veteri testamento
 significabant, in quarum locum in nostra Ec-
 clesia campanæ successerunt. Vtebantur enim
 tubis argenteis tempore Moysis, Num. 10. ad
 collectionem populi, & in sacrificijs, dum ho-
 stias offerrent, ut memoria eorum esset coram
 Domino Deo, & cum ad bellum exirent,
 clangebant vltulantibus tubis, & sic memor eo-
 rum Dominus eruebat de manibus inimico-
 rum. Hinc etiam festa petularia clangorem
 tubarum habebant, quibus, præ cæteris clan-
 goribus tubarum insistebant, ad præparan-
 dum populum, ad laudandum Deum, & re-
 uocandum in memoriam beneficia & munera
 diuina: tantumq; Domino Deo clangor tuba-
 rum placebat, ut mediante earum sonitu, antè
 arcam fœderis muros Iericho, quibus cinge-
 batur, aduersantium exercitus cadere sece-
 rit.

*Ioseph. lib.
 3. Antiq.
 cap. 15.*

*Num. 29.
 Leuit. 23.
 Sophon. 1.*

Mi-

*Campanas
non bapti-
zari, sed
benedici.*

Mirum ergo nemini videatur, quod mirabiles etiam sint effectus campanarum, quæ sine dubio Spiritus Sancti inspiratione adductæ sunt. Efficit autem benedictio, vt quod arte & metalli natura fieri non potest, per verbum & orationem sanctificatum mirabiliter operetur, ex diuina dispositione. Neque velim vt quis hîc moueat, quod Calvinus, Brentius, alijque etus farinæ calumniantur, nos campanas baptizare: hoc enim apud doctos inauditum est, licet rudes ex plebe sic communiter loquantur. Benedicuntur enim campanæ, iuxta ritum in Pontificali præscriptum; verum de Baptismo ne verbo quidem fit mentio, vt rectissimè Cardinal. Hosius lib. 5. in confutatione prolegomenon Brentij asserit. Quantam virtutem benedictiones in huiusmodi creaturis obtineant, qui voluerit, videat Thomam VValdensen in lib. de sacramentalibus, à cap. 166. His accedit quod dum campanæ pulsantur, fidelium mentes in DEVM mouentur, eius auxilium contra inimicorum insultus implorant, Guilhelm. Parisiensis in lib. de legibus, fol. 44. colum. 1. asserit rectè, quod campanæ sortiantur virtutem arceudi fulgura, tēpestates & similia ex sua consecratione. Quæ tamen non fiunt nisi virtute creatoris, à quo petitur, vt arceat fulgura, tonitrua, & cætera. Sicut enim regale signum & sigillum deferentes securos efficit eos, ne

iactu.

iacturam & nocumentum patiantur à subdi-
tis regis, & hoc non sua virtute, sed potestate
regia & voluntate: Sic Campana non ex vir-
tute aliqua, quæ ei inest, sed omnipotentis po-
testate & voluntate protegit & defendit loca,
in quibus eius sonus auditur, ab aduersitati-
bus & incommodis aëreis. Quæ de causa ma-
leficorum conatus infringitur, & Dæmonis
cooperatio impeditur ad pulsum campanæ,
quando sonus auditur ab eis, ut eorum con-
fessionibus didicimus & ideo campanas pul-
santes vocant communiter in sua schola, canes
latrantes. Sylva variæ lectionis, & nonnulli
alii causam etiam naturalem reddunt, quare
sonitu campanarum tempestates sedentur, &
temperantur. Motus enim pulsationis aërem
rariorem facit, & densitatem materiæ disper-
git: unde sequitur dissolutio & moderatio
meteorologicorum, quæ in regione aëris ex
concretionem materiæ elementaris generantur.
Dæmones autem naturalium rerum muta-
tionibus suas operationes adinueniunt, atque ef-
fectus naturalium causarum subtilitate ope-
rationis, & peruersitate voluntatis, Deo per-
mittente, in interitum rerum ad humanam
salutem productarum, dirigunt. Ex his, ut ad
propositum reuertar, patet veram esse confes-
sionem maleficorum & sagarum, quæ asse-
runt campanarum sonitum, eorum conatus
frequenter impedire, ne valeant pessima con-
silia

filia in conciliabulis proposita, In effectum deducere: Atq; hoc argumentum plurimum confirmat fideles in fide, dum cognoscunt diabolum cum sua cohorte, instituta pro fidei nostræ promotione abhorrere: corroborat etiam Catholicorum animos, vt quod iuxta maiorem suorum antiquissimam traditionem hucusque magno fructu fecerunt; cum maiori fernore facere continuent.

Hic ad maiorem prædictorum illustrationem duo sensibilia exempla addere vtile visum est. Vnum narat Paulus Grillandus lib. 2. de Sortilegijs q. 7. num. 30. quod contigit Anno Domini 1524. mense Decemb. dum ipse esset in quodam castro monasterij S. Pauli, Romæ, in regione Sabinensi, ad instantiam Abbatis dicti monasterij, vbi examinavit maleficas incarceratas, ex quibus vna fuit, quæ cum deferretur à Dæmone suo, reuertendo à ludis in itinere, antequam peruenirent domum, dum esset vicina oppido patriæ suæ, audiuit pulsare campanam matutina pro Ane Maria, sic Dæmon debuit eam deponere & discedere, quam deposuit statim iuxta ripam quandam, vbi erant spineta quædam, diluculo iuuenis quidam oppidi illius iturus pro negotijs in alium locum vicinum, visus est ab ea & cognitus, quem ipsa saga proprio nomine vocauit. Quam audiens iuuenis prima facie timuit aliquantulum, sed videns postea mulierem ipsam, quæ semina

nuda

nuda erat, & crinibus sparsis de capite pendentibus, magis obstupuit, nec audebat ipsam accedere. Nihilominus cum ipsa benignè rogaret, vt accederet, accessit, cumque eam cognosceret, interrogauit, cur ibi sola moraretur in ea forma. Cui illa dixit, quod tota illa nocte asellum suum, quem perdiderat, perquisierat, & non potuit inuenire. Cui iuuenis subridens, minusque credens dixit. Hoc enim aliud sibi querit, quam aselli inquisitio. Qui querit asellum, vadit cum socio, & non seminuda & scapillata. Aliud est quod quærebas, dixit ipse: dicas mihi veritatem, si vis quod te adiuuem. Vnde venis? vbi fuisti? quid facis hinc sola? quis te adduxit? dicas mihi omnia, si vis habere suffragium, & ero tibi securus & fidus. Tunc mulier satis pinguis & pulchra, cui nomen Lucretia, licet satis timeret scuitiam viri & suorum consanguineorum, tamen confisa de iuuenis fide, ipsum prius rogauit summis precibus, ne cuiquam reuelaret factum, sed taceret, quod vellet ei pingua munera dare. Sic iuuenis promisit, quod fidem seruare vellet. Tunc ipsa fassa est, quod ea nocte fuisset in ludis Beneuentanis, & dum esset in itinere, deferreturque per aërem à magister alo suo, audita pulsatione Campanæ pro Aue Maria, ipsam deposuerit in eodem loco, vbi sola & seminuda inueniebatur. Tunc iuuenis accessit ipsam, & iuuat vt se vestiret & accommodaret

omnia & illam domum reduxit, nemine aduertente factum. Pro laboribus iuueni donauit par caligarum, biretum, camisiarum, & partes casei, rogando iterum atque iterum, ne secretum reuelaret, quod & promisit. Tacuit per aliquot menses: deinde nescitur quo spiritu, aut indignatione, aut lapsu iuuentutis duclus rem ipsam secreto modo nunc cum vno, deinde cum altero propalauit, adeo quod paulatim res deuenit ad notitiam curiæ. Vnde mulier ipsa capta, & cum alijs incarcerata fuit, & iuuenis ille vt testis omnia hæc medio iuramento deposuit, ita & ipsa post multa, quæ facinus suum diutius tergiuersare non potuit, confessa est, & cum alijs vitam flammis finiuit. Alterum exemplum recentissimum est. Quidam Ioannes ex pago Salmenroer, sub Iurisdictione Reuerendissimi Domini nostri Archiepiscopi Treuirensis, Palatioli extremam mortis accepit sententiam, Anno Domini 1586. Iouis post Cinerum. Hic confusus etiam est præter alia, quod cum semel die Iouis in nocte in *Hegenroderheydt* cursui & congregationi interfuisset, & cursu perfecto concluderentur varia mala ab ipsis perpetranda, ita vt negotium præter expectationem protraheretur, dies appropinquauit, & opera tenebrarum pellebantur, & cum dictus Ioannes esset in reditu, campana pro Aue Maria pulsata est, & sic in suo prato cecidit statim in terram.

fam. In quo loco iam erat sua propria ancilla & famula, & herbas fœnumque colligebat ad pascendum vaccas. Quod cùm famula vidisset, mirum in modum perterrita, dixit. Auuncule, vnde huc venis? Cui respondendo iniunxit silentium. Caussam sui casus reiecit in pulsationem campanæ, qua audita hircus ipsum in terram deiecerat. Hoc factum non solum ex processu negotij per notarium subscripto, sed etiam ex relatione nobilis ac validi Domini Ioannis Zanth, vicedomini huius Ciuitatis, in veritate contigisse cognoui, qui utpote Officiatus Reuerendiss. nostri Archiepisc. in præfectura Palatioli, plenam inquisitionem accepit super veritate.

Deueniendum nunc ad solutionem argumentorum.

SOLVTIO ARGUMENTORVM.

P R I M V M Argumentum, ex cap. Episcopi, 26. quæstion. 5. in quo hæc verba habentur. Illud etiam non est omittendum, quod quadam scelerata mulieres retrò post Sathanam conuersæ, Demonum illusionibus & phantasmatis seductæ, credunt se & profitentur cum Diana nocturnis horis, Dea paganorum, vel cum Herodiade, vel cum innumera multitudine mulierum, equitare super quasdam bestias, &

multarum terrarum spacia intempeſta noctis ſilentio
pertransire, eiufq; inſonibus obedire, velut Domina, &
certu noctibus ad eius ſeruitium euocari: Sed vitiam hæ
ſola in perfidia ſua perſſent. Nam & innumera multi-
tudo hac falſa opinione decepta, hac vera eſſe credunt, &
credendo à recta fide deuiant, & errore paganorum in-
uoluuntur, cum aliquid diuinitatis aut numinis extra v-
num Deum arbitrantur. hæc ibidem.

Reſpondetur in primis, in hoc capite non
damnari ſectam maleficorum, ſed aliam lon-
gè diuerſam, vt patet intuenti textum, vt latè
oſtendunt Bartholom. Spineus in quæſtio. de
Strigibus cap. 25. Alphonſ. à Caſtro lib. 1. de iuſta
hæreticor. punit. cap. 16. Nicolaus Iaquerius
hæreticæ prauitatis Inquiſitor, in flagello hæ-
reticorum ſcincinariorum cap. 7. Sylueſter in
verbo, Hæreſis. 3. Paulus Grillandus Iuriſcon-
ſultus, Romæ cauſarum Criminalium Audi-
tor, in Tractat. de Sortilegijs, quæſt. 7. Pro hac
ſententia citat Sylueſter Auguſtinum Bottam
de Sauiliano, & Ioannem Graſſum Doctores
Iuris, in quibuſdam conſilijs & reſponſis.
Differunt autem mulieres, d. cap. Episc. à ma-
leficis & ſagis. 1. Quantum ad credulitatem,
quia dictæ in c. Episc. credebant, quod equita-
rent cum Diana Dea paganorum & Herodia-
de. Sage autem noſtræ & malefici rectè credūt,
quod cum Dæmone magiſterulo ſuo proficiſ-
cantur. 2. Illæ in ca. Episc. putabant aliquid
numinis & diuinitatis eſſe, præter Deum: No-
ſtri

stri malefici & sage non laborant hac ignorantia: Quare ratio legis non competeis. Ergo nec etiam lex eos compræhendit, quia lex suâ interpretationem sortitur à ratione, quando expressa in lege reperitur, & ratio magis attendenda, quàm dictum Legis. L. Adigere. §. Quamuis. ff. de iure patronat. L. Cùm Pater. §. Dulcissimis. ff. de legat. 2. L. Milites prohibentur. & L. Milites agrum. ff. de re militari. Bartol. in L. omnes populi. in 7. q. principali. ff. de iustit. & iure. & in L. 1. C. Quæ sit longa consuetudo. Quare cui non conuenit ratio legis, non conuenit ipsa lex, vt probat d. q. 7. Grilland. 3. Differunt: Nostri malefici & Sagæ expressè abrenunciant Deo, & professioni in Baptismate factæ, & promittunt qd̄ Diabolo velint adhærere. Sed illis in cap. Episcopi hoc non attribuitur. 4. Nostri conficiunt sortilegia, & vnguenta venefica, nec nõ etiam conspirant cum Sathana in perniciem humani generis, de his nihil in c. Episc. 5. Nostri Dæmoni reuerentiam faciunt, idololatriâ exercent, homines & præsertim infantes sæpè necant, sed illæ non in cap. Episcopi. 6. Nostri abutuntur Eucharistiæ sacramento, & filium hominis conculcant, de qua re etiam nihil in cap. Episcopi. 7. Nostri cooperante Dæmone grandines, nebulas & similia efficiunt, ad destructionem fructuum nascentium: quod non scribitur de illis in cap. Episc.

copi. Aliæ differentiz penitus consideratae non deerunt.

Deinde in illo capite aliqua continentur, quæ non sunt vera, sed à fide aliena, & idè in illo cap. damnantur tanquam contra fidem, nempe quod equitarent cum Diana, vel cum Herodiade Philippi vxore: quia Diana Dea paganorum nulla est, neq; in hoc mundo, neque alibi. Herodias autem est in inferno, neque mulier, sed sola anima. Falsum quoque est quod equitarent super veros equos, aut bestias; quia bestia in tam breui tempore realiter & corporaliter, tanta terrarum spacia, in tanto silentio, transcurrere non possunt. Hinc quod in bestias nulla creatura verè transformari valeat, prosequitur textus. Hanc solutionem maximè persuadet ratio textus, quia eiusmodi mulieres, inquit, aliquid diuinitatis & neminis extra vnum Deum arbitrantur. Sic Turrecremata commentator in d.c. Franciscus Victoria in Relectione de arte magica, num 31 Alfonso à Castro loc. cit. Bernard. Bafinus in Tract. de artibus magicis, nona propositione. Ioseph. Angles in floribus, in 2. sentent. 1. part. in quæst. de arte magica, diff. 5. Lambertus Danæus in Dialogo de sortiarijs, & alij Doctores pro prima responsione citati. Non ergo intendebat d. caput de lationem corporalem reijcere & improbare, sed ea, quæ fidei erant contraria. Postremò Gratianus, vt

notum

notum est versato in decretis, ea collegit ex Concilijstam generalibus, quàm prouincialibus, tum etiam alijs Doctoribus. Vnde tantum veritatis habent, quantum in proprijs locis. Concilium autem illud Anquiranum, vel vt alij vocant, Anciranum, fuit prouinciale, vt rectè tradit Reuerendissimus & Illustrissimus Dominus Bartholomeus Caranza, Archiepiscopus Toletanus in summa Cõgilionum, fol. 26. pagina 2. in Antuerpien. editione. Quare non esset tantæ authoritatis, vt ei ad hærendum sit, si in aliquo contra sacras litteras, Doctorum Theologorum communem sententiam, & veritatem definiret: quod tamẽ non dicimus, cum non definiat aliquid, quod contrariæ parti faueat, vt patet ex dictis. Mirandum ergo est, quomodo Iurisperitorum conscientia ita constingatur auctoritate huius Capituli cum Theologi & alij, penes quos est Censura, ea quæ fidei sunt discernere, nullam in hac re inueniant difficultatem? Nonne omnes Doctores, quorum est de sensu Scripturarum iudicare, de lationem corporalem comprobant & credunt? Sic Pontifices, Cardinales, Doctores, Theologi, Itali, Hispani, & Germani sentiunt: Sic Iurisperiti rectè sentientes, vt patet ex eorum scriptis, quorum nomina hic, & in 12. Conclusionem primi membri quæstionis posuimus. Tantæ autem testimonij nubi proprium iudicium, quod fragili &

apparenti ratione ducitur, præferre, summæ temeritatis est. Accedit ad testimonium experientia certissima, quam communis vox populi confirmat; atq; hîc certè dicere possumus vox populi, vox Dei: cùm omnis veritas à Deo sit.

Postremò illud adductum in cap. Episc. in Concilio Ancyrano Græco, aut Latino, neque impresso, neq; manuscripto est inuētum: licet qui tomos Conciliorum ediderunt, asserant haberi in quodam vetul'to codice 16. librorum partialium Fragmentum verò habetur ferè apud D. Augustinum in lib. de spiritu & anima, c. 28. vt annotatum est ad cap. Episc. 26. quæst. 5. in Decreto correcto, & Romæ edito.

Secundum argumentum. Angelus Sathana transfiguratur se in Angelum lucis. 2. Cor. II. & in d. cap. Episcopi. ergo potest diabolus in congregatione repræsentare personam innocentem: & sic innocens patietur, si detur fides maleficis in denunciationibus, ex deceptione dæmonis, & errore maleficorum: & confirmatur hoc argumentum ex historia S. Germani Episcopi, quæ habetur in aurea legenda, & in summario historiali S. Antonini 2. part. tit. II. cap. 17. §. 5. Vbi legitur, quod S. Germanus in quodam loco, cùm post cœnam iterum pararetur mensa, admiratus interrogauit, cui denudò pararetur? Cui cùm diceretur, quod bo-

*Historia
de S. Ger.
mano.*

nis

nis illis mulieribus, quæ de nocte incedunt: illa nocte S. Germanus statuit vigilare, & ecce vidit multitudinem Dæmonum ad mensam in forma hominum venientem, qui eis præcepit, ne abirent: & cunctos de familia domus excitauit: quæsiuit si illas personas cognoscerent? qui responderunt omnes vicinos & vicinas suas esse. Tunc S. Germanus ad domos singulorum de vicinia illa misit, dæmonibus mandans interim ne discederent. Euntes autem misit à sancto viro ad domos vicinorum, repererant eos in lectis suis dormientes. Adiurati ergo Dæmones à sancto viro dixerunt, omnibus audientibus, se Dæmones esse, qui sic hominibus illuderent.

Pro resolutione huius argumenti reuocanda in memoriam sunt ea, quæ diximus in præludijs tertio & quarto: Diabolum non posse operari, nisi ex permissione diuina, & tantum saltem, & non plus, quantum conceditur à Deo: Quare causa huiusmodi transfigurationis & præsentationis diaboli, non solum petenda est ex peruersa voluntate & potestate diaboli, sed etiam ex concessione diuina singulari in ordine ad talem effectum. Multa enim potest diabolus ex suæ naturæ potentia & subtilitate, quātum ad actum primum, quæ non potest quantum ad secundum: Manus enim eius ligatæ sunt, vt non possit operari, quando & quantum vult. atq; cū similia rei

*An demon
innocentes
in noctur.
nis conu-
nitiu repræ
sentare
possit.*

multum lucis adferant, in simili id ostendam. Quantum ad actum primum, posset diabolus omnes nos occidere & subuertere; & quantum ad voluntatem, vellet: cum semper circum meat & quærat quem deuoret, omniumque interitum appetat. Quoad operationem & effectum, deficit: quia Deus non concedit. Quare non valet hoc argumentum, in quo aliqui Theologiæ & Philosophiæ ignari multum gloriantur: diabolus potest se transfigurare in angelum lucis, ad representandum innocentem. Negatur enim simpliciter, ut sonat: quia non potest quantum ad actum secundum, cum causa totalis non sit diaboli potestas & peruersa voluntas, sed etiam antequam diaboli potestas exeat in actum, requiratur singularis diuina concessio. Sumitur ergo in argumento causa partialis, & non totalis: & sic non valet. Hoc autem modo ad propositum argumentum formari deberet. Diabolus potest se transfigurare in angelum lucis, ad representandum innocentem: & Deus concedit ei potestatem faciendi. Ergo, &c. Et tunc negatur antecedens, tanquam falsum in proposito, velatius patebit. Est enim hoc contra diuinam prouidentiam ordinariam, quæ ex diuinis literis innotescit, & effectibus declaratur. Sicut enim diuina misericordia efficiente non potest diabolus (ut rectè Bartholom. Spineus in quæst. de Strygibus, cap. 14. & in Apolo-

gia tertia cap. 3. ait) deludere nisi eos, quorum mentem primò sibi per infidelitatem subiugauerit: Ita credendum est nullius illum personæ figuram, vt de tanto crimine accusetur, posse prætere, nisi eius, quam sibi iam per similia crimina deuinctam esse sciuerit, & multoties realiter cum alijs ad ea perpetranda conuenerit. Quod etiam testantur in confessionibus malefici, & sage, vt Iudices referunt. Atq; vt hanc prouidentiam Dei erga nos latius ostendamus, reducenda est in memoriam communis Theologorum vera doctrina, quæ ex diuinis literis clarè elicitur, non esse permis- sam diabolo tantam potestatem super iustos, sicut impios & malos. Gaudent enim iusti, vt pote amici & filij Dei, multis priuilegijs, quibus pessimi & malefici, maximè ob criminis immanitatem, tanquam inimici & hostes tam diuinæ maiestatis, quàm communis salutis, in- ste dispositione priuantur. Hoc enim diuinæ legis stabiliunt promissiones. Vt in Psal. Quo- *quare dia- bolum suum impios in conspectibus maleficorum repræsentet*
 niam in me sperauit, liberabo eum, protegam eum, quoniam cognouit nomen meum: & iterum: Sperent in te, qui nouerunt nomen tuum, quoniā non derelinques quærentes te Dñe: & iterū: Clamauerunt ad me iusti, & ego exaudiam eos. Item: Qui sperat in Dño, nō confundetur. & 2. Pet. 2. Nouit Dñs pios de tentatione eripere. & Paul: Fidelis Deus, (scilicet in pmissis) qui non patitur vos tentari supra id, quod *Psalm. 90.*
 pote-

*Susanna
senum ca-
lumnijs o-
ripitur, &
Athanasius
Arrianorum.*

potestis: sed dabit cum tétatione prouentum. Exempla ad hunc effectum etiam non desunt. Susannam iniuste infamatam, à senibus accusatam, & morti adiudicatam Dominus liberauit, & innocentem ostendit. Athanasius vir sanctissimus, in Arrianorum concilio apud Tyrum coacto, ex inuidia stupri accusabatur: & iusto Dei iudicio consilium suggestum est, quo liberatus fuit. Introductus enim in iudicium est Athanasius, & vnà cū eo Timotheus presbyter, qui simulans se esse Athanasium: E-góne, inquit, mulier, apud te sum diuersatus? ego te violauit? Cui illa petulanter: Tu mihi vim intulisti; iureiurando affirmans Iudicum fidem obtestabatur, vt tantum flagitium vindicarent. Qua cognita fraude, reiecta est mulieris impudentia. Iterum alia vice idem sanctus maleficiij accusatus fuit, quod ad vsum magicæ artis manum mortuam Arsenio amputatam adhibuisset. At Arsenius noctu aufugiens, cū se in conspectu totius Concilij statuisset, Athanasij inimicorum impudentissimum scelus aperuit. Et in S. Hieron. legenda refertur, quod Diabolus se transformauit in formam S. Syluani Episcopi in Nazareth, amici S. Hieronymi: qui Dæmon in lecto fœminam nobilem primò quidem verbis prouocare cœpit ad luxuriam, deinde etiam factis sollicitauit ad malum, quæ cū clamaret, Dæmon sub specie S. Episcopi sub lecto fœmi-næ se

*Syluani
Episcopi,
etiam dia-
boli calum-
nias eadem
modis.*

nã se abscondit; vbi requisitus & inuentus per
 luxuriosa verba mentitus est se esse Episcopum
 Syluanum. Postridie ergo vir sanctus
 disparente diabolo, grauissimè diffamatus est,
 quæ infamiat tandem apud sepulchrũ S. Hieronymi,
 fatente Diabolo in obsessio corpore,
 purgata est. Maximum ad nostrum propositum
 testimonium præbet S. Cyprianus, quod
 & nostri malefici & sage in suis confessionibus
 vt intelligo, confirmant. Hic sanctus cum ad
 huc Magus esset, Iustinæ Christianæ Virginis
 amore incensus, incantationibus & veneficijs
 Antiochiæ illam ad suæ libidinis assensum al-
 licere conabatur, & Dæmonem consultabat,
 quam id re consequi posset. Cui Dæmon:
 nullam sibi artem processuram aduersus eos,
 qui verè Christum colerent. Quo responso
 commotus Cyprianus, relictis magicis arti-
 bus se totum ad Christi Domini fidem con-
 uertit. Si hoc argumentum tam validum est a-
 pud Magicæ artis patronos, quod diabolus si-
 tientissimus damnationis & humanæ perdi-
 tionis potest se transfigurare in angelum lu-
 cis, ad infamandum innocentes: quomodo
 non habent lynceos, sed clausos oculos, vt vi-
 deant argumentum non solum militare in cri-
 mine maleficij, sed in alijs omnibus? Quod si
 concesserint: furibus, latronibus, coniuratoribus,
 adulteris, & similibus singulare præstiterint
 patrociniũ, & iustitiæ salutem; reipubl.

*Cyprianus
 martyr &
 mago sic
 Christianus.*

*Veris Christi-
 sticulis
 bus artes
 magicæ ni-
 hil obsunt.*

maxi-

maximum detrimentum. Si enim diabolus, secundum eos, potest repræsentare innocentem in cursu & conuentu maleficorum: quomodo non potest repræsentare innocentem in forma homicidæ, adulteri, vel fornicatoris, vt etiam ex exemplo S Siluani constat, quû omnium innocentum maximè interitum exoptet? Accusatur ergo quis homicidij, latrocinij, adulterij, vel alterius criminis: sint duq vel tres testes: excipiat negando factum, & respondendo, diabolum se transformasse in suam formam, & facinus perpetrasse, cû etiam se possit transfigurare in Angelum lucis, multò magis in formam hominis: maximè cû nihil magis desideret, quàm interitum animarum: Negare autem, quod Diabolus in forma humana occidere, furari, scortari & similia perpetrare valeat, si à Deo permitteretur, veritatè est impugnare. Huius argumenti nodum soluere non poterunt, qui ita urgente conscientia, vel non rarè excæcantibus affectionibus laborant. Ad diuinam oportet recurrant prouidentiam, quam etiam in nostra materia allegamus. Sed vt hoc magis magisq; veritatem habere ostendamus, in simili pergendum est. Diabolus, ex omnium Theologorum & etiam Iurisperitorum rectè sentientium iudicio, potest corpora deferre de loco ad locum: ergo potest eos eripere è manibus iustitiæ, & custodia publicæ potestatis: quod quidem

quare diabolus maleficos & magos à potestate magistratus non eripiat.

quidem non raro ad decipiendum promittit, sed tamen non præstat. Quæritur nunc, quare hoc nõ facit? impediuntne carceres, clausuræ, aut alia corporalia impedimenta & vincula? At hoc dicere cogitareq; stultum & ridiculum est; cùm tanta eius potestas sit, vt nulla super terram ei possit comparari. Potest subuertere ciuitatem: quanto magis soluere & rumpere clausuram? Confugiendum ad diuinam prouidentiam, ne iustitia è medio tollatur, & impiorum audacia crescat. Sed negabit obstinatus. Probandum erit ex factis: quia experientia cõspicimus, quod pro suo beneplacito magiæ Rei, non possunt aufugere, nec rapi à Demone extra muros clausuræ vel carceris. Regulare autem est, quod diuina voluntas non solum nobis innotescat per Sacras literas, promissiones, comminationes, permissiones & prohibitiones; sed etiam effectus. Diabolus est potens ad liberandum eos, & optaret, ad conseruandum in perpetuam damnationem: Sed non potest illud efficere siue re ipsa præstare: quia potentissimus Deus manuseius ligat, vt non operetur. Sic in præsentì cognoscitur diuina prouidentia erga innocentes, ex sacris literis, & factis, quamuis etiam ipsi malefici veritatem attestentur. Quod enim nunquam factum est, neq; fit secùdum communè rerum cursum: nequaquam fieri posse, si ex facti contingentia, incommoda sequantur, iudi-

candum est. Sed nunquam aut rarissimè auditum est, ex constantibus & perseuerantibus confessionibus, quod innocentes repræsentati sint in talibus conuentibus, imò semper experientia compertum ibi repræsentatos eos, qui fuerunt rei tanti criminis. Sitamen de extraordinaria Dei potentia loqui velimus, negandum non est, Deum posse permittere, ut innocens accusetur in hoc crimine, sicut in alijs ad bonum aliquem finem: Quia diligentibus DEVM omnia cooperantur in bonum. Tandem tamen innocentia manifestabitur, ut suprà sacris literis & exemplis declaratum est. Cùm etiam diabolo fallaci perspectum sit ex sacris literis, Deum non permittere, ut electi tribulentur aut tententur, nisi ad meritum, probationem & bonum; non appetit talem representationem iustorum. Hæc etiam doctrina maximum robur sumit ex conscientijs innocentum. Quis enim innocens angitur aut timorem concipit, ne à Dæmone inter maleficos & sagas repræsentetur? Aliàs si hoc posset Diabolus, semper omnes meritò in timore & tremore versaremur, ne in fabulam & tragicædiam, in qua salus animæ & corporis periculo exponeretur, traheremur. At securæ conscientie nullo modo sibi metuunt, sed stant in magna constantia, etiam si quandoq; ab iniustis angustientur.

Atq; hanc sententiam & veram doctrinam,
quod

Deus extra ordinem potest permittere, ut innocens à dæmone repræsentetur in noxiis malificorum conuentibus.

quod Diabolus non possit in conuentu representare innocentem, præterquam quod nostri malefici testimonium perhibeant, tenet DD. Mallei malef. 2. par. q. 1. c. 11. pag. 331. in impressione Francofordiensi de anno Dñi 1582. Nicolaus Iaquerius Gallus Inquisitor, in flagello hæreticorum fascinariorum, statim in proœmio, & in cap. 26. Barthol. Spineus S. Palatij Apostolici Magister, in q. de strigibus, cap. 14. & in Apologia 3. cap. 3. Petrus Loyerius consiliarius Senatus Andegauens. lib. 2. de spectris, ca. 5. & vocat Theologorum sententiam. Neq; in hac Grilland. Bodin. & alij dubitarūt, qui tradunt complicibus in hoc crimine credendum.

Ad illa autem, quæ adferuntur in confirmationem ex historia S. Germani, respondetur primò; concedendo historiam illam S. Germani ad litteram, si rectè inspiciatur, nihil facit contra hanc doctrinam, imò eam confirmat. Dæmones illi repræsentabant personas adhuc in lectis dormientes ex pacto, quod cum Dæmonibus habebant. Non propterea illæ personæ erant innocentes. Sicut etiam in materia præsentis doctores sentiunt, maleficos non personaliter semper interesse, sed aliquando repræsentatiuè: talis tamen repræsentatio fit accedente eorum consensu expresso, vel tacito. Hæc solutio clara & breuis, ex historia corroboratur. Homines enim in hospitio sciebant eos solitos venire, & dicebant esse vicinos &

*Obleſſiq;
ex historia
S. Germani
refutatur.*

vicinas, qui mensæ accumbere solebant. Non est autem absurdum, quod pro illo tempore & actu patiebantur illusionem. Certum enim est, si secundum hominum morale iudicium loqui velimus, quod hospes non volebat mensam statutis temporibus gratis præparare. Hospites aduentantibus porrigunt cibos & potū pro pecunijs. Præsumendum ergo est, quod vicini solebant soluere, & veras pecunias offerre. Diabolus non veros, sed apparentes nummos suis dat, qui citò euanescent, & humano vsui non inferuiunt.

Deinde respondet Barthol. Spineus in q. de Strigibus, cap. 28. quod illa historia sit suspecta, quantum ad hoc punctum, eò quod durum videatur, & à communi hominum sensu alienum, hospitem illum voluisse tot cibaria crebrò gratis præparare, & si vicini erant & cognati, non petere ab eis pretium alimentorum. Dicere autem, vicinos dedisse pretium, si deludebantur, & se saturatos non inueniebant, ridiculum est. Et si dicatur, quod dæmones ipsi pretium exolvebant vice illarum personarum, mirum est si talia se facere somniabant personæ illæ, & non cito delusionem aduertebant, si pecuniæ non realiter deficiebant? Si vero talia non somniabant se facere, mirum non minus est, si cum hospite & familia de his sæpius illi vicini sermonem non habuerint, & sic tam ab hospita quàm eius familia audientes illa

illa de se referri, quæ scirent sibi contigisse, facile tam se quam hospitem illū & alios omnes ab huiusmodi delusionibus non liberauerint.

Postremò, concesso quod vera sit historia; fuerint etiam omnes viri illi ac mulieres, qui repræsentabantur, immunes à veneficij crimine: nihilominus inde non solum non refellitur doctrina communis, sed etiam validè roboratur: ostenditur enim ex illa narratione, eam esse Dei in suos prouidentiam, & curam paternam, ut si quando permiserit innocentē repræsentari per dæmonem, ne in periculum veniat, clarissimè se innocentiam manifestaturum. Quocirca quibus à Deo gladius datus est ad vindictam malorum, in bonum autem innocentium, nisi grauissimam Dei in se velint prouocare iram, & fieri rei tot cædium & calamitatum, perfidiæ ac sacrilegiorum, quæ ex mora executionis iustitiæ sequuntur: procedant contra eos, qui in conuentibus à maleficis visi sunt, donec aliquis Germanus susciatur, qui innocentiam clarè manifestet denunciatorum & humanitus delatorum.

Tertium argumentum esse potest, quod obscurè insinuat Ponzinibius, licet non deducat. Testes de nocte non vident: ergo non possunt ferre testimonium illi noctiuagi contra socios: quia testes debent cognoscere partes, ut tradit Bartol. in L. Minorem. C. de transactio. Antecedens probatur ex l. Si non speciali.

C. de testament. & in L. fin. cum exceptione. ff. Quod metus causa. Cum ergo malefici nocte sua conuenticula habeant & maleficia exerceant, decipiuntur: & sic eis non est habenda fides. Hoc non obstante argumēto responderetur, testes de re nocte patrata testimonium ferre posse, & fidem mereri, si dicant lunam, aut aliquod lumen illuxisse, aut delinquentem admodum fuisse propinquum, subiungant. Communis sententia est, quod cum prædictis circumstantiis, & causis scientiæ, possunt testimonium ferre, licet aliàs non. Iason in d. L. Si non in speciali. num. 13. & in L. Non minorem. C. de transact. nu. 4. & 5. Bartol. ibid. Bald. in d. L. Si non in speciali. Doctores Communium opinionum siue receptarum sententiarum lib. 18. in verb. Testis. vers. Testis deponens senectute. Emanuel Soarez in Thesauro recept. sent. in verb. Testis. Iul. Clarus in lib. 5. §. fin. pract. Criminalis q. 21. vers. Sed quid si testis non viderit.

Nemo autem putet diabolo & suis difficile fore efficere lumen ad videndum, quod etiam non facile extingatur à vento, naturalibus medijs. Multa enim demon nouit, quæ hominibus haud fieri posse videntur. In cuius rei confirmationem facit August. lib. 21. de Ciuit. Dei cap. 6. loquens de quadam lucerna inextinguibili, in quodam phano seu templo Idolorum, quæ nec tempestate, nec pluuia, aut
vento

vento extinguebatur; & dicit, id factum naturalibus aut magica arte, aut repræsentatione dæmonis. Quare etiam non est mirandum, quod luna non lucente, dæmones & malefici possint habere lumen ad videndum. Confirmant hoc etiam confessiones maleficorum: fatentur enim, quod choreis peractis, conuijsq; expletis, luminaria extinguantur, quando inhonestas & fœdas carnis voluptates explent, vt patet ex processibus, de quibus Maleus, Bodinus, Grillandus & alij.

Hæc breuiter pro tractatu quæstionis scripsisse sufficiat, quæ omnia subijcio Censuræ
Sanctæ Matris Ecclesiæ.

(..)



COM.


The first of these is the
 fact that the system is
 not self-sufficient. It
 is dependent on the
 outside world for
 many of its needs.
 This is a serious
 weakness, and it
 must be remedied.
 The second is the
 lack of a central
 authority. There is
 no one to coordinate
 the different parts
 of the system.
 This is also a
 serious weakness,
 and it must be
 remedied.

COMMEN-
TARIVS IN TITV-
LVM CODICIS LIB. IX. DE MA-
LEFICIS ET MATHEMATICIS, THEO-
logiæ & iuris scientiæ, secundum mate-
riæ subiectæ naturam, accommo-
datus, nunc de nouo reuifus,
& in pluribus locis
auctus.

AVCTORE,
PETRO BINSFELDIO SVF-
fraganeo Treuirensi, Doctore
Theologo.

Deut. 18. cap.

Nec inueniatur in te, qui lustrat filium suum, aut
filiam, ducens per ignem: aut qui ariolos sciscitetur, &
obseruet somnia atq; auguria, nec sit maleficus, nec in-
cantator, neq; qui Pythones consulat, nec diuinos.



AVGVSTAE TREVIRORVM,
Excudebat Henricus Bock. Anno 1596.



CVM in tractatu de maleficorum & sagarum
 confessionibus sapius mentionem legum ciui-
 lium in tit. C. de malef. & mathem. fecerim,
 quibus etiam mea probaui, nec desint qui has leges in
 multis effectibus, quos malefici tribuunt, ita commen-
 tentur, ut eis omnem veritatem adimant, quasi Impera-
 tores ex falsa vulgi opinione, & non rei veritate locati
 fuerint, cum tamen scriptum sit: Per me reges regnant, &
 legum conditores iusta decernunt: Per me principes im-
 perant, & potentes decernunt iustitiam: hunc commen-
 tarium subiungere decreui, ut veritas, quae impugnari,
 non tamen vinci potest, magis elucescat, leges ab iniuria
 vindicentur, & imperatorum dicta salua persistant, in
 quo, diuino aspirante fauore, legum sententiam Patrum
 Theologorumque doctrina cōformem ostendam, praesertim
 cum impugnantes has leges addant in causis definiendis
 eas, quae spectant ad animum, cuiusmodi est de Malefico-
 rum negotio, dicta patrum & canonum, legibus esse pra-
 ferenda. Et quia in hac materia multa occurrunt, quae
 muros Hierusalem aedificant, & ciuitatem Babylonis de-
 struunt: scio quod hisce meo laboribus quoque non deerit
 Sanaballath subsannator. Non tamen idem incepta relin-
 quenda sunt sed constanti animo persicienda, ad laudem
 & gloriam eius, quo confortante omnia possumus.

2. Esdr. 4.

Seruiabitur autem hic ordo in toto Commentario. In
 primis in Rubricam aliqua notabilia, quae toti materiae
 aliquod intelligentiae lumen adferent, praemittentur.
 Deinde singularum legum verba ponentur, quibus posi-
 tis, si quid circa literam declarandum sit, breuius expli-
 cabitur. Tandem secundum materiae occurrentis natu-
 ram, quaestiones mouebuntur cum sua resolutione.

RUBRICA, DE MALEFICIS ET MATHE- MATICIS, ET CAE- teris similibus.

RIMVM *notabile in rubricam.* Continuat: Cum in superioribus actum sit de homicidio, quod non solum gladio, sed etiam veneno arte diabolica preparato, incantationibus, & maleficijs committitur, rectè hæc Rubrica subiungitur.

Secundum notabile. Recto ordine hic tractandum esset de existentia maleficiorum: An in rei veritate sint maleficia, & opera diabolica. Sed hæc veritas probata est sacris literis, canonibus, legibus, & ratione in superiori tractatu, præludio primo.

Tertium notabile. De inuentore Magicarum & Diabolicarum artium varij variè iudicant. Conueniunt autem communiter Doctores, à Persis has perniciosas artes esse inuentas. 26. q. 4. can. Igitur genus. S. August. in lib. de natura Dæmonum, & lib. 7. de Ciuit. Dei, c. 35. Isidorus lib. 8. Etymol. c. 9. Rabanus de Magorum præstigijs. Plinius li. 30. naturalis historię. ca. 1. Persæ enim cæteris fuerunt curiosiores, & in naturali Philosophia perspicaciores, cuius terminis cum non essent contenti, & vellent

plus sapere, quam oportebat, in Diaboli laqueos inciderunt. Apud Persas autem primū Magicarum artium inuentorem ferunt Zoroastrem Bactrianorum Regem. Hunc, ut Augustin. tradit lib. 21. de Ciuit. Dei cap. 14. dicunt statim à natiuitate risisse, cū potius more omnium mortalium plorare debuisset. Necce aliquid boni monstratus ille risus portendit; cū magicarum artium fuerit inuentor, quæ quidem illi nec ad præsentis vitæ vanam sceleritatem contra suos inimicos prodesse potuerunt. A Nino quippe rege Assyriorum, cum esset ipse Rex Bactrianorum, bello superatus est & demum ictu fulguris tactus impiam vitam finiuit. Quod malum præuidere non potuit, quamuis talis actantis esset magus & Astrologus, ut viuens astrum Zoroastres diceretur. Hic scripsit de arte Magica multa millia versuum. Si veritati magis, quam curiositati studere volumus, absq; dubio dicere debemus, primum Magistrum Magicarum artium fuisse mille artificem Dæmonem: Quia nullus mortalium tam malas artes inuenire potuit, qui ab ipso instructus non sit: cū opera Magorum & maleficarum humanum captum superent. Et id satis clarè habetur 26. q. 2. can. Qui sine saluatore. Vbi dicitur. Hæc vanitas magicarum artium ex traditione malorum angelorum in toto orbe terrarum pluris seculis innaluit. Id quod clariis

Laſtant.

Laſtant. lib. 2. de orig. erro. cap. 17. tradit, dum de dæmonibus loquitur: Eorum inuenta, inquit, ſunt Aſtologia, & Aruſpicina, & Auguratio, & ipſa quæ dicuntur oracula, & Necromátia, & ars magica, & quicquid præterea maiorum exercēt homines, vel palàm, vel occultè, & poſt pauca: Hi ſunt qui imagines (intellige aſtronomicas, de quibus infra) & ſimulachra fingere docuerunt: qui vt & hominū mētes à cultu veri Dei auerterēt, & ſiſtos mortuorū regum vultus, & ornatos, exquiſita pulchritudine ſtatui conſecrariq; fecerunt: & illorum ſibi nomina quaſi perſonas aliquas induerant. Sed eos magi & ij, quos verè maleficos vulgus appellat, cū artes ſuas execrabiles exercent, veris ſuis nominibꝰ cient illis cœleſtibus, quæ in literis ſanctis legūtur. Zoroaſtres autē primus inuētor dici pōteſt, non quod ipſe eas inuenerit, ſed qꝫ eas à Diabolo traditas prius hauſerit, ſcriptis tradiderit, & alios homines docuerit. Nam à noſtris malèficis & magis diſcimus, qdꝫ non omnes inſtituuntur & erudiuntur immediatè ab hominibus eiꝫſdē artis peritis, quāuis nō rarò à ſimilibus confortibus ſeducātur, ſed plurimi ab ipſo Dæmone, in forma humana apparēte, in tā execrabili negotio inſtruūtur.

Quartum notabile. Quandoquidem Rubrica inſcribitur de maleficis & mathematis, & cæteris ſimilibus, leges præſentes in ſuo gradu & latitudine compræhendunt om-

nes artes magicas humano generi perniciosas, easque damnant. Quia similitudinem est, similis ratio.

Quintum notabile. Omnes artes perniciosas Magorum & maleficorum, à Dæmone contra salutem hominum inductæ, sunt affines & causas habent colligatas, quamuis facies habeant diuersas: vt de hæresibus etiam dicitur in cap. Excommunicamus 1. & 2. de hæret. Quare earum sectatores diuersis nominibus à Doctoribus quandoque appellantur, quandoque etiam confunduntur. Sic vocantur Lamix, Striges, Magi, Venefici, Incantatores, Malefici, Sortiariæ mulieres, Viri Sortilegi, scæminæ Sagæ. Lamias nominant Apuleius lib. 1. de asino aureo, Philostratus in vita Apollonij Pythagorici, Franciscus Ponzinibius in suo Tractatu. Thomas Erastus, & alij. Striges Syluester in verbo Hæresis 3. & lib. de Strigimagicis. Bartholomeus Spineus in tract. de Strigibus. Paulus Grillandus & alij. Sortiarias. can. Si per Sortiarias. 33. quæst. 1. & Lambertus Danaus in dialogo de Sortiarijs. Maleficas & maleficos Sacræ literæ, & leges in præsentititul. & communiter Doctores, & vulgus. Lamix vocantur per transumptionem à Lamia bestia monstruosa, quæ pedes habet equinos, & cætera membra humana, & ita crudelis est, vt filios suos dilaniet. Sic nostræ Lamix etiam infantium sanguinem expectunt, quo abutuntur in suis sceleribus. Stri-

ges appellantur ab aue strige, quæ nocte stridet, & etiam aggreditur tenellos infantes, & eorum corporibus sanguinem absorbet. Eodem pacto nostræ striges nocturno tempore strident, volant, & opera tenebrarum exercēt, nec non infantum cædem sitiunt. Sagar dictæ, eò quod satis agant, & in officio suo pessimo diligentes nimis sint: vel à sagiendo, quia multa scire volunt. Magi, quia ea, quæ mirabilia sunt, & humanam naturam excedunt, virtute dæmonis exercent. Venefici quia sæpè veneno nocent. Incantatores, quia verbis & carminibus maleficia perficiunt. Malefici à malefaciendo. Sortiarij & sortilegi à sortilegio, quod vniuersaliter acceptum omnes diabolicas artes complectitur, vt attestantur Paulus Grilandus lib. 2. de Sortilegijs. Iodocus Damhauderus in praxi Criminali cap. 61. & Plinius lib. 28. cap. 4.

Sextum notabile. Quamuis maleficus dicatur omnis malefaciens, sicut maleficium dicitur omne malefactum in genere. 26. q. 5. can. Non liceat. L. Congruit. ff. de officio præfid. ff. ad Legem Aquil. L. Ita vulneratus, C. de pœnis. L. Si operis: hoc tamen nomen sagis & nostris maleficis tribuitur per antonomasiam siue excellentiam, ob insigne nocendi studium, & facinorum magnitudinem. 26. q. 5. can. Nec mirum. & L. Nemo. C. de malef. & mathemat. Isidor. lib. 8. Etymolog. cap. 9. Atq; sic semper Magos,

Magos, & magicis siue diabolicis artibus vtentes vulgus maleficos appellauit. Laſtant. loco citato. Caſſian. in Collat. 8. cap. 19. Auguſt. in d. c. Nec mirum. Iſidor. loco citat. D. Thomas lib. 3. contra Gent. ca. 106. Nomina enim rectè intelliguntur ex vulgi & hominum vſu & conſuetudine. L. Labeo. ff. de ſuppelleſtili lo-
gata: & Horat. de arte poëtica.

Septimum notabile. Eſſi leges in præſenti tit. Codicis loquantur in maſculino genere, compræhenduntur tamen etiam ſcæminæ. Quia maſculinum in materia indifferenti inter maſculum & ſcæminam prolatum, ſemper concipit & compræhendit ſcæminum. ff. de verbor. ſignificatio. l. 1. ff. de legat. 2. l. Si ita ſcriptum. Gloſſa. Ioannes Immolenſis, & alij ibidem. Bartol. in l. Quicunque, de ſer-
uis fugiti. Marſil. conſil. 85. num. 20. Ludo-
uicus Romanus in conſil. 98. num. 3. Petrus Anchar. in cap. In generali. de elect. in 6. Ar-
chidiac. in can. Si quis ſuadente. 16. q. 4. & alij
alibi. Quod non ſolum veritatem obtinet in
lege Ciuili, ſed etiam diuina, vt rectè annotat
Panormit. in ca. Maiores, de Baptiſmo & eius
effectu, num. 3. ex illo Ioan. 3. Niſi quis rena-
tus fuerit ex aqua & Spiritu Sancto, non po-
teſt introire in regnum cœ'orum: Ad quod
propoſitum allegari poſſent multæ Scripturæ
tam veteris quàm noui teſtamenti. Pſalm. 14.
Domine quis habitabit in tabernaculo tuo:

aut

aut quis requiescet in monte sancto tuo,
 Qui ingreditur sine macula, & operatur iusti-
 tiam. Qui loquitur veritatem in corde suo,
 &c. Deuter. 18 Nec inueniatur in te, qui lustret
 filium suum, aut filiam ducens per ignem: aut
 qui ariolos sciscitetur, & obseruet somnia, at-
 que auguria, nec sit maleficus, aut incantator,
 neq; qui Pythones consulat, nec diuinos: om-
 nia hæc abominatur Dominus. Matt. 7. Non
 omnis qui dicit mihi Domine, Domine, in-
 trabit in regnum cælorum, sed qui facit vo-
 luntatem patris mei, qui in cælis est: & 25. cap.
 Venite benedicti patris mei, possidete paratū
 vobis regnum: & iterum. Discedite à me ma-
 ledicti in ignem æternum.

Octauum notabile. Doctores pleriq; quando
 hanc materiam tractant, loquuntur in fœmi-
 nino genere, vt constat ex malleo malefica-
 rum, Fracisco Ponzinibio, Bartholomæo Spi-
 neo, Syluestro Priërate, Thoma Eraſto, Vi-
 rico Molitore, & alijs, non quia fœmininum
 masculinum concipiat, contra d. L. Si ita scrip-
 tum, & communem sententiam, sed quia ma-
 leficia & sortilegia frequentius in mulieribus
 inueniuntur. Quare autem plures fœminæ
 sint superstitiosæ & maleficæ quàm viri, ali-
 quæ redduntur rationes à Doctorebus, quas
 ponunt Doctores Mallei maleficarum 1. par-
 te. q. 6. Ioannes à Turrecremata. 36. q. 5. can. E-
 piscopi. Alphonsus Castrensis. lib. 1. de iusto
 hære-

hæreticorum punitione. Paulus Grillandus lib. 2. de Sortilegijs. quæst. 7. num. 31. Martinus Arles in Tractat. de Superstitionibus, & alij alibi.

Primario: Mulieres sunt pronæ ad credendum, cùm non habeant magnam experientiam. Vnde à diabolo facilè decipiuntur, iuxta illud : Qui facilè credit, facilè decipitur.

Secunda. Mulieres sunt curiosæ, & appetunt scire, quæ eis non conueniunt. Curiositas autem magna est dispositio ad superstitiones & maleficia, vt alibi dictum: & cùm hic sexus sit simplex, Dæmon sub specie recti sæpè scēminas decipit.

Tertia. A natura, scēminæ sunt mollioris complexionis: quæ caussa efficit, vt facilius impressiones à spiritibus capiant. Et sicut quādo à bonis spiritibus instruuntur regunturq; valdè bonæ & deuotæ redduntur: Ita quando Dæmonum suggestionibus consensum præbent, pessimæ fiunt, ita vt non sit malitia super nequitiam malæ mulieris.

Quarta. Maior est fragilitas ad casum in sexu muliebri ex natura sexus. Quare Dæmon statim in principio, primæ mulieri insidiabatur, & eam ad peccatum pertraxit.

Quinta. Hic sexus si iram, aut odium aduersus aliquem concipiat, vehementissimè irascitur, &

tur, & se vindicare determinat: Cùm autem sit imbecillis, & vanà sit sine viribus ira: Dæmon data oportunitate offert vindicandi modos, & auxilium pollicetur.

Sexta. Fœminæ sunt pusillanimes, & quando in tristitiam aut desolationem cadunt, nō facile se expediunt, sed diu in pusillanimitate tristitiaque remanent. Accurrit Dæmon, occasionem perscrutatur, tentat, & sæpè vincit.

Septima. Lubricam habent linguam, & sic si quas malas norunt artes, consortibus citò reuelant, quibus sine difficultate persuadent, vt idem sapiant secum, non considerantes, quis rei exitus sit futurus.

Nonum notabile. In Rubrica nomine mathematicorum intelliguntur diuinatores. Prohibetur autem maximè diuinatio, quia principatum obtinet, & nunquam in bonam partem propriè dicta accipitur. l. q. i. can. Nunquam diuinatio. Hieronym. in cap. 3. Micheæ. S. Thom. 2. 2. q. 95. arti. 1. Dominic. in cap. Accusatus. §. Sanè, de hæret. in 6. Ioannes Andreas in cap. In tabulis, de Sortileg. Troilus Maluettius, Iuris peritus in tract. de sortibus, l. parte, & alij alibi.

Varie autem multæq; sunt diuinationis species, secundum diuersitatem mediorum & obiectorum, circa quæ diuinatores versantur. De his speciebus agitur in 26. q. 4. can. Igitur genus: & ibidem q. 5. cap. Nec mirum. Et

Dd

nota,

nota, hoc caput. Nec mirum, attribuitur à Gratiano D. Augustino, in lib. de Ciuit. Nontamen est Augustini, vt rectè obseruauit Alphonsus Castr. lib. 1. de iusta hæret. punit. cap. 15. Habetur autem hoc caput integrum apud Rabanum, in libello de magorum præstigijs, quem ipse ex varijs locis D. Augustini & Isidori confecit, vt annotatur d. cap. Nec mirum in decretis à Gregorio XIII. scelicissimæ memoriæ Pontifice, repurgatis. De iisdem speciebus diuinationis tractant S. Thomas 2. 2. q. 95. art. 3. Isidor. lib. 8. Etymolog. cap. 9. Et ex Iurisperitis Troilus Maluetius in tract. dicto. Damhauder. in præxi crimina. cap. 61. à n. 87. Grillandus lib. 2. de Sortilegijs. q. 2. Latissimè Petrus Gregorius Tholosanus, in 3. parte Syntagmatis iuris vniuersi, lib. 34. cap. 3.

Omnis diuinationo vtitur ad præcognoscendum futuros euentus, Dæmonum consilio, aut auxilio. Duobus autem modis Dæmones inuocantur: Expresse, & Tacite, siue præter intentionem hominis. Quando expresse inuocantur, solent multipliciter futura prædicere. Quandoque superstitionis quibusdam apparitionibus se aspectui, & auditui hominum ingerunt ad prænunciandum futura, & hæc species vocatur præstigium, quia oculi hominum perstringuntur, Quandoque per somnia futura prænunciant, & vocatur diuinationo somniorum. Quædoq; per mortuorum ali-

aliquorum cadauerum apparitionem, vel locutionem, aut responsionem: & hæc est Necromantia, & huiusartis professores vocantur Necromantici, quoniam incantamenti videtur mortuos resuscitare, vt dent responsa, & hi solent cadauer sanguine cōspargere, eo quod Dæmones sanguine delectari dicantur. Quandoq; verò futura prænunciant per homines viuos, sicut in arreptitijs, & vocatur diuination per Pythones: Qui sic dicti à Pythone Apolline auctore diuinationis. Quandoq; diuinant per aliquas figuras, aut signa, quæ in rebus inanimatis apparent. Quæ si appareant in aliquo corpore terrestri, vtpote ligno, ferro, aut lapide polito; dicitur Geomantia: Si in aqua, Hydromantia. Si in aëre, Aëromantia: Si autem in igne, Pyromantia: Si autem in visceribus animalium immolatorum in aris Dæmonum, Haruspiciū dicitur. Diuination, quæ fit absq; expressa Dæmonum inuocatione, in duo genera diuiditur. Quorum primum est, quando ad præcognoscendū futurum aliquid consideramus in dispositionibus aliquarum rerum, & si fiat in consideratione astrorum & syderū, pertinet ad astrologos, qui & Genethliaci vocantur, propter obseruationes natalium dierum. Hi obseruant diem natalem, & horam ortus in hanc lucem, mox per duodecim cœli signa, syderumque cursus discurrunt, & ad iultum signi calculum referunt, & hinc

prædicunt hominis nati faustam, aut infaus-
 tam, futurosque euentus. Si verò atten-
 dantur motus & voces auium, seu quorum-
 cumque animalium, vel etiam hominum ster-
 nutationes, aut membrorum saltus, pertinet
 ad augurium, quod dicitur à garritu auium:
 sicut auspiciū ab inspectione auium, quorū
 primum spectat ad aures: secundum ad oculos.
 Si autem consideratio fiat ad verba hominum
 præter intentionem dicta, quæ aliquis retor-
 quet ad futurorum euentuum præcognitio-
 nem, appellatur omen. Si obseruentur aliqua
 dispositiones figurarum in corporibus, aliæ
 species sunt, vt si ex inspectione linearum in
 manibus, Chiromantia est, quasi diuinitio
 manus. Si autem quædam signa in spatula ali-
 cuius animalis considerentur, spectat ad spatu-
 lamantiam: Si ex facie inspecta iudicium su-
 matur futurorum, physiognomia nomina-
 tur. Ad secundum diuinationis genus, quod
 est sine expressa Dæmonum inuocatione per-
 tinet diuinitio, quæ fit ex consideratione
 eorum, quæ eueniunt ex quibusdam, quæ ab
 hominibus seriò fiunt ad aliquod occultum
 inquirendum, siue per protractionem puncto-
 rum, quod pertinet ad artem Geomantix:
 siue per considerationem figurarum, quæ pro-
 veniunt ex plumbo liquefacto in aquam pro-
 iecto, siue ex quibusdam scedulis scriptis, vel
 non scriptis in occulto repositis, dum confide-
 ratur

ratur quam aliquis accipiat: vel etiam ex festu-
cis inæqualibus propositis, quis maiorem vel
minorem accipiat, vel taxillorum proiectione,
quis plura puncta proijciat: vel etiam dum
consideratur quid aperiendi librum occurrat,
hæc omnia sortium nomen habent. Quomo-
do & quando sortes sint licite, infra, quando le-
ges explicabuntur, in proprijs locis declarabitur.

Decimum notabile. Cum diuinatores futu-
rorum & secretorum cognitionem à Dæmo-
nibus hauriant, videndum est ex Theolo-
gorum & Doctorum sententia aliquid de Dæ-
monum scientia. De hac materia habetur 26.
q. 4. can. sciendum, ex Augustin. de natura seu
diuinatione Dæmonum, cap. 3. 5. & 6. Tractant
Theologi communiter cum Magistro in se-
cundo sentent. d. 7. S. Thom. 1. part. quæst. 64.
Isidorus de summo bono, lib. 1. cap. 10.

Triplici acumine scientiæ vigent Demo-
nes: subtilitate naturæ, Experientia tempo-
rum: & reuelatione supernorum spirituum.
Quantum ad subtilitatem naturæ, etsi per ma-
litiam sint indurati, scientia tamen naturali
non sunt priuati. Vnde perspicacissimè cælo-
rum motus, stellarum syderumq; influentias,
Planëtarum coniunctiones, elementorum
mixture & temperamenta, herbarum vires,
animalium proprietates, lapidum virtutes,
metallorum operationes ac omnium mixto-
rum qualitates cognoscunt, nec est quippiam

rerum naturalium, quod eorum cognitionem effugiat, exceptis occultis cordium nostrorum cogitationibus, quæ solùm Deo cognitæ sunt, vt infrà latius dicetur. Sic ergo vt Paulus Gril-landus in lib. de Sortilegijs q. 6. nu. 11. ex Syl-uestro in lib. 1. cap. 13. & lib. 2. cap. 7. de Strigi-
magis attestatur, Dæmon optimus est Philo-
sophus, Theologus, Arithmeticus, Mathema-
ticus, Dialecticus, Logicus, Grammaticus,
Musicus & Medicus excellentissimus.

Experientia etiam insignis in Dæmonibus comparatur diuturnioris vitæ beneficio, quæ experientia nos priuamur, ob momentaneam vitam, quæ modico tempore durat, & vt bul-
la statim perit. Sic hominum inclinationes, & modos superandi eos discit & obseruat Dæ-
mon. Quomodo cognitio Dæmonum indies augeatur & crescat, doctè tradit, Guilhelmus Parisiensis in 2. part. de vniuerso cap. 114. Am-
plius, ait, ipse vsus siue consuetudo malignan-
di, ex necessitate auget astutiam ipsarum (in-
tellige substantiarum spiritualium:) Hoc e-
nim manifestum est in animabus humanis. Homines enim malignationibus assueti, ipsa
huiusmodi assuetudine astutiores efficiun-
tur ad malignandum. Quomodo igitur, vel
qua de causa prohibere erunt primæ peccatri-
ces substantiæ, vt non possint in sua versutia
crescere: præsertim cum incessanter videam-
us ac audiamus easdem nouis & hæcenus
inau-

inauditis insidijs homines seducere atq; subuertere, & in noua flagitia atq; stupenda inducere? An fortè creatoris bonitas malignitatem eorum compressit, atq; frenauit vsque modò, vt eos non permitteret tanta actalia mala suggerere hominibus? Quod vtique verisimile dici posset pro parte. Vix enim inueniuntur vitia, vel peccata in hominibus, quorum similia non præcesserint in eisdem, propter quod dixi, pro parte. Non enim improbabilius, neque impiè creditur, eam esse circa homines diuinæ pietatis sollicitudinem, vt malignos spiritus non permittat totis malignitatis suæ conatibus sæuire in homines, cum & ipsos sibi inuicem inimicantes homines à mutuis nocuentis reprimat & compescat. Amplius, cum non omnes isti primi peccatores sint pares etiam nunc astutia, vel malitia, quomodo prohibentur minores à maioribus de astutijs addiscere ea, quæ ignorant? Præsertim cum maiores per minores, tanquam sibi subditos & ministros, innumeras suæ malignitatis fraudes exerçant? Amplius, quis ignorat omnem affectionem, siue bona sit, siue mala, ad ea quæ ad ipsam pertinent exacuerè, & quodammodo, vt ita dicatur, docerè? Cuius exemplum vnum est in avaritia, quæ alias simplicissimas mentes ad exquirenda lucra, & ad vias eius excogitandas incredibiliter exacuit & dirigit. Sic & turpis amor se habet erga turpem amatorem, docēs

ipsum excogitare vias, quibus obtineat, quod amor suggerit, hoc est, vel amasiam ipsam, vel delitias amatorias. Amplius sic verum est, iuxta sermonem Aristotelis, quod virtus omni sciētia certior & melior. Sic quod malitia omni astutia certior ac nequior sit, dubium esse non debet. Quare sicut virtus scientiam illuminat circa ea, quæ ad doctrinam pertinent: Sic & malitia ipsam malignandi astutiam circa ea, quæ malignitatis sunt, illuminat. Quod autem crescat diabolica malitia incessanter, habet sermo scripturæ. Superbia eorum, qui oderunt te ascendit semper: & paucis interiectis. Quis dubitat eos incessanter insistere seductionibus & subuersionibus hominum? Deinde ludificationibus, & magicis operibus, quæ per eos sunt, iugiter interuire? Quemadmodum igitur ex frequenter malè agere crescit malitia in hominibus, sic necesse est, & fieri apud illos, præsertim cum tantæ renouationes, & malorum operum, & malarum dispositionum seu passionum in eis euidenter appareant. Si igitur semper crescat eorum malitia, necesse est etiā, vt crescat astutia ex eadem consuetudine studiorum malignitatis. Amplius, cum apud eos sint principatus, & potestates, noua mala semper imperant, & nouas malitias eis suggerunt. Quomodo ergò incessanter noua mala non addiscunt, cum & nouis suggestionibus principum suorum, & noua faciendi experien-
tia

tia reuelentur? Hæc ex Guilhelmo, ex quibus
 clarè animaduertitur, quomodo astutia dia-
 bolica indies augeatur, & experientia crescat.
 His accedit Augustinus lib. 2. de Genesi ad li-
 teram cap. 17. qui tradit eos experientia tempo-
 rum, propter tam magnam longitudinem
 vitæ, callidiores fieri. Aduertendum tamen
 ex Sancto Thoma 1. parte quæst. 64. artic. 1. ad
 5. quod cognoscunt per experientiam longi
 temporis, non quasi à sensu accipientes, sed
 dum in rebus singularibus completur simili-
 tudo eius speciei intelligibilis quam sibi natu-
 raliter habent inditam, aliqua cognoscunt
 præsentia, quæ non præcognouerunt futura.
 Postremò. reuelatione bonorum angelorum,
 cum quibus non conueniunt quidem per con-
 formitatem voluntatis, sed per similitudinem
 intellectualem naturæ: aliqua addiscunt Dæmo-
 nes, quæ boni spiritus ab omnipotenti Deo
 acceperunt, ad cuius imperium & beneplacitū
 Dæmonibus reuelant. S. Augustinus. Thom.
 Isidor. Magist. & D D. locis citatis. Obijcit
 contra hoc S. Bonauent. in 2. d. 7. par. 2. in expo-
 sitione literæ. Dæmones sunt inimici Dei &
 angelorum. Si ergo ab inimicis abscondenda
 sunt secreta consilia, videtur quod Deus eis
 nunquam faciat reuelare. Item, ipsi Dæmones
 sunt in tenebris damnationis. Cū ergo non
 sint idonei ad gratiam, & reuelatio sit cogni-
 tio gratiæ & non naturæ: videtur quod nullo

modo fiat ipsis reuelatio. Respondet S. Bonaventura pro vero habendum esse, quod demones aliqua præsciant reuelatione supernorum spirituum, cuius reuelationis attendendus est finis & modus. Finis: quia mirabilis sapientia per inimicantes sibi implet voluntatem suam. Vnde sicut reuelatio somnij de exaltatione Ioseph facta insidiantibus, secundum mirabilem Dei dispositionem, fecit ad eius impletionem, licet secundum intentionem illorum esset ad impedimentum: sic Deus ita ostendit per angelos suos Dæmonibus, ut dum illi obuiant, aliquid valdè decens & competens ordinatissimè impleat, & eliciat; & ex hoc patet primum argumentum: quia non est simile. Humanum enim consilium potest irritari, non tamen diuinum. Attendendus etiam modus. Duplici enim modo fit reuelatio. Aliquando mentis illustratione, sicut fiebat sanctis Prophetis, & hæc est gratiæ. Aliquando verò sola prædictione, sicut homo reuelat quandoq; suam voluntatem, & hæc non est gratiæ aliquo modo perficientis, vel eleuantis naturam, sed potest esse opus misericordiæ, si illud ordinetur ad bonum eius, cui prædicitur: Vel iustitiæ, si ordinetur ad punitionem alicuius mali, utpote si ad fallèdum fallaces: Vel vtriusq;, si simul ad vtrumque, & ita est quasi semper. Quia huiusmodi futura prædicuntur Dæmonibus, & permittuntur

mira-

*Duplici
modo fit
reuelatio.*

mirabilia ab eis fieri, vt bonitalia paruipendant, in quibus se videntè damnatis & miseris superari. Et mali proficiant in peius errantes & in errorem mittentes, occulto Dei iudicio, tamen iusto. Vnde valdè stultum est desiderare facere mirabilia, vel præscire futura, & quasi magna hæc reputare, cum inimicos Dei, in his videamus abundare.

Nunc videndum est, *an Dæmones præscientiam habeant futurorum & secretorum*, ita vt ex eorum reuelatione homo possit prognosticare & occulta cognoscere? Dubium esse potest de futuris contingentibus, cordium cogitationibus, & rebus occultis latèribus, vt sunt furta occultissima, depedita, & thesauri in visceribus terræ absconditi. Vt rectius & distinctius proposita difficultas resoluatur, aliquæ Conclusiones sunt ponendę. De hac materia legendi sunt Doctores in 2. sent. d. 7. S. Thom. lib. 3. contra Gentes, cap. 147. S. Augustin. in lib. de diuinatione seu natura Dæmonum, tom. 3. Alexand. Halens. 2. part. q. 26. membr. 4. Decretistæ in can. Sciendum, cum textu 26. q. 4.

Prima Conclusio. Futura, si in seipsis considerentur, à nullo, praterquam à solo Deo, cognosci possunt.

CONCLUSIO est de fide. Probatur: Prædicere res futuras, signum diuinitatis est, vt ex

vt ex locis sacrae Scripturae probatur. Isaia 41. Annunciate, quae ventura sunt in futurum, & sciemus: quia Dij estis vos. & 45. suam prophetiam diuinam esse probat. Hæc dicit Dominus sanctus Israël, plastes eius: ventura interrogate me. Sap. 8. Signa & monstra scit, antequam fiant, & euentus temporum & seculorum.

Secunda Conclusio. *Futura in seipsis Dæmones nequaquam cognoscere possunt, nisi ab Angelis bonis eis reuelentur, vt dictum est.*

CONSTAT ex prima Conclusionē. Futura enim sic prædicere, spectat ad Deum: Ergo non competit Dæmonibus. Et sic Dæmones quando prædicunt huiusmodi futura contingentia, fallunt & mentiuntur. Sic 3. Reg. 22. cap. Prophetæ Baal mentiti sunt Achab Regi Israël. Aliquando etiam prædicunt Dæmones futura, quæ ipsi facturi sunt. Aliquando intelligunt etiam ab alijs hominibus, quæ facere intendunt, & suis magis vel maleficis, qui nec rei cognitionem habent, prædicunt. Sic cui-dam Annæ ex S. Medardo sub iurisdictione Monasterij S. Matthiæ, extra muros Treuirenses, quæ mortis sententiam & executionem recepit Anno Domini 1390. 11. Augusti, comprehensionem suam, & incinerationem futuram præ-

prædixit proprius magisterulus. Cui mulier respondit: Miserabilis Dæmon, huius reitu causam dedisti. Iterum Dæmon: Tibi facio, sicut tui similibus.

Tertia Conclusio. Futura, quæ habent causam necessario determinatam & infallibilem, ad eorum esse producendum, Dæmones naturali cognitione cognoscere possunt.

HAEC Conclusio constat ex d. cap. Sciendum: & communi sententia Doctorum: & Ratio est: Huiusmodi futura habent esse in suis causis necessario determinatis, quod quidem esse cum sit determinatum, infallibile & necessarium, certò potest cognosci. Quia Philosophiæ est pronunciatum: Sicut res se habet ad esse, ita ad cognosci. Sic multò certius quocunque Astrologo eclipses, & planetarum coniunctiones prædicere Dæmones possunt. Quia rectius causas talium effectuum cognoscunt.

Quarta Conclusio. Futura, quæ habent causam, ut plurimum determinatam, sed fallibilem, cognoscuntur certa quadam coniecturali cognitione, sed non infallibili, à Dæmonibus.

RATIO:

RATIO: Quia cū hęc futura solū habēantesse in sua causā determinata non necessariō, & infallibiliter, sed vt plurimum simili modo cognoscuntur iuxta dictū pronūciatū. Sic Dæmon possit prædicere magō vel malefico anni fertilitatem, quando est bona cœli cōstitutio, aut aëris optima constitutio, non tamen infallibiliter, quia fructus multis modis possent impediri ex alijs causis.

Quinta Conclusio. Futura merè contingētia, & indeterminata Dæmones non possunt naturaliter cognoscere.

QUIA hęc futura cū sint ad vtrumlibet, indeterminatam & fallibilem habent causā, atque ab hominis libero pendent arbitrio, quod in vtramque partem potest flecti. Liberum enim arbitrium, quantum ad actus sui determinationem, non cadit in cognitionem certam Dæmonis. Et confirmatur ratione. Quia si posset cognoscere, utiq; vellet scire, An vinceret hominem, vel esset vincendus ab homine, quem tentat: Quia cū superbus sit, nunquam tentaret eum, à quo se vincēdum præsciret. Ideoq; semper tantum eum tentaret, quem se victurum præcognosceret. Sed clarū est ex sacris literis, gestis Sāctorum, & experientia, quod tentat etiam alios, à quibus vincitur, vt patet in Iob, Salvatore nostro,

nostro, S. Anthonio, Hilarione, & multis alijs. Ergo non præcognoscit futura ad vtrumlibet.

Sexta Conclusio. Dæmones sæpè de actibus humanis coniecturaliter vera prænunciant.

RATIO : Quoniam Dæmones passiones appetitus sensitiui, ac inclinationes corporales cognoscunt, & cùm plures sint, qui appetitum & carnalia desideria sequuntur, quàm qui illis resistunt, sæpè de actibus humanis vera coniiciunt. Qualis enim quisq; est, talem sibi finem præscribit. Ex externis etiam signis & operibus qualis interior homo sit, non est difficile iudicare, iuxta illud Euangelij. A fructibus eorum cognoscetis eos.

Septima Conclusio. Cogitationes hominis pendentes à voluntatis nostræ libertate, si solo intellectus & voluntatis termino contineantur, Dæmones non cognoscunt.

PROBATVR. Quia hoc diuinæ maiestatis proprium est. Ieremiæ 17. Prauum est cor hominis & inscrutabile, quis cognoscet illud? Ego Dominus scrutans cor, & probans renes. 1. Paralip. cap. 28. Omnia enim corda scrutatur Dominus, & vniuersas mentium cogita-

cogitationes intelligit. 3. Reg. 8. Tu nosti solus
 cor omnium filiorum hominum. Psalm. 43.
 Nonne Deus requireret ista? ipse enim nouit ab-
 scoudita cordis. Iob. 42. Scio quia omnia po-
 tes, & nulla te latet cogitatio. Matth. 9. Cùm vi-
 dissest Iesus cogitationes eorum. Act. 1. Tu Do-
 mine, qui corda nosti omniũ. Roman. 8. Qui
 autem scrutatur corda, scit quid desideret spi-
 ritus. Hebr. 4. Discretor est cogitationum &
 intentionum cordis, & non est vlla creatura
 inuulnibilis in conspectu eius, &c. Eandem ve-
 ritatem docent sancti Patres Hieron. super di-
 cta verba Matth. 9. Ambros. super cap. 2. 1. Cor.
 & lib. 1. de officijs. cap. 14. S. August. de diuina-
 tione Daemonum cap. 5. & lib. 2. Retract. cap.
 30. Chrysost. hom. 23. super Ioan. super illa
 verba. Ipse enim sciebat, quid esset in homine.
 S. Thomas 1. part. q. 57. art. 4. S. Bonauent.
 in 2. d. 7. part. 2. art. 1. q. 3. & alij alibi. Hinc
 deducitur: quod nullus etiam Magus, aut
 diuinator potest cognoscere secretas hominis
 cogitationes.

*Octaua Conclusio. Cogitationes ho-
 minis & affectiones cordis indirecte & con-
 iecturali cognitione Dæmones quandoq̃
 possunt cognoscere.*

PATET: Homo ex effectibus exterioribus
 sic interiores actus potest cognoscere, iux-
 ta il-

ta illud Ecclesiast. 13. Cor hominis immutat faciem eius: & aliud Matth. A fructibus eorum cognoscetis eos, &c. Ergò multò magis Dæmones, qui maiori naturæ subtilitate sunt præditi.

Nona Conclusio. Dæmones cognoscunt secreta, furtiva, deperdita, & thesauros quæ hominum cognitionem fugiunt.

QUIA cùm sint incorporci, acrimonia sensus, & celeritate motus vigent nec impediuntur interpositione corporum, sed omnia naturalia obiecta perspecta habere possunt. Nullo tamen modo licet homini à Dæmonibus huiusmodi inquirere, ut infra latius probabitur.

Vndecimum notabile. Artes huiusmodi magicæ & diabolicæ diuidi possunt in diuinatrices & operatrices. Diuinatrices, quarum exercitium maximè versatur in diuinando, secreta reuelando, & responsa accipiendo: Ad quas referre possumus auguria, sortilegia speciatim sumpta, Chiromantia, Spatulamantia, &c. Operatrices, quæ virtute & cooperatione diabolica mirabilia & scelera operantur, ut est Magia propriè dicta, quæ arte diaboli mirabilia ad vanam ostentationem operatur. Ad eandem classem referre possumus incantationem, veneficia amatoria, & maleficorum crimine: quod

Et

cùm

cum omnium pessimum sit, utpote contra salutem humani generis, semper versatur in operatione: Quamvis quidem etiam huius sectæ reperiuntur, qui vacent tam diuinatrici, quam operatrici magiæ.

Duodecimum & ultimum notabile. Cum ad maleficorum & sagarum crimen Dei permissio, Dæmonis potestas, & hominis voluntas liberè consentiens concurrant, manifestissimum est maximam huius argumenti cognitionem ad Theologum pertinere. Quis enim quid Deus permittat, quid Dæmon possit, & quæ societas inter hominem & angelum esse queat, cognoscit, nisi Theologus ex sacris literis? De Dei permissione nihil physicus tractat: De diaboli potestate nihil leges ciuiles scribunt: leges humanæ non Dæmonibus, sed hominibus viuendi modum statuunt. At quia maleficorum crimine nocumenta Reipublicæ inferuntur, humana pax læditur, & publica tranquillitas perturbatur, ut ab omni hominum memoria experientia rerum magistra compertum est: iustissimè pœnas leges ciuiles in maleficos & mathematicos decreuerunt. Causarum autem concurrentium, ad tam immane maleficorum crimen, in effectus fluxus, Theologi iudicium requirit, quamvis etiam philosopho suas partes non denegemus in discernendis effectibus veris à falsis & præstigijs. Atque hæc causa est, quare

Iuris.

Iurisperiti tam parum, vt omnibus notum est in commentatione argumenti harum legum præstiterint. Bartolus, Baldus, Salycetus. Angelus & alij copiosissimi in alijs legum titulis extiterunt: de harum ll. materia, aut nihil, aut valdè parum cum Glossæ explicatione scripserunt. Quare nemo miretur me hoc argumēti genus, quod multum in praxi & controuersia hisce infœlicissimis temporibus versatur, ad tractandum suscepisse, qui professione sum Theologus, atque etiam iam longa lectione Theologiæ tantum scientiæ iuris adiunxi, quantum huius materiæ necessitas postulat. Exactiorem iuriscognitionem, in harum legum interpretatione relinquo eis, qui omnem ætatem in Iurisprudencia consumpserunt.

C. DE MALEFICIS ET MATHEMATICIS & cæteris similibus.

LEX I.

Plus est hominem veneno extinguere, quàm occidere gladio.

DVPLEX huius Legis sensus esse potest. Prior secundum Gloss. & Bald. Atrocius est venenare, quàm occidere gladio, quia

Ec 2 venen

venena dans tenetur L. Cornelia de Sicarijs & venefic. ff.

Secundus sensus Salyc. & aliorum. Grauius est veneno extinguere, quia dolo & clandestinè committitur, & occultè vita hominis subtrahitur, & vt plurimum non est locus remedio. Similis ratio sumi potest ex Baldo L. Cum fratrem. C. de quib. vt indign. cum textu ibidem. Venenatio est crimen occultum, & sapit prodicionem. & idem Bald. in L. Nemo. C. de summa Trinit. col. 2 in verbo. Simile est in veneficio. Ille qui venenat aliquem, dicitur proditorè eum occidere. Salycet. in d. L. Cum fratrem. Alexand. in conf. 145. nu. 6. lib. 7. Carrerius in pract. Criminali. § Homicidium. nu. 98. & post alios Couarr. in relect. Clement. Si furiosus, de homicid. in initio, num. 11.

*Quomodo
nomen vene-
ni accipitur.*

Nomen (venenum) medicum est, & sumitur in vtramque partem, bonam & malam. L. Qui venenum. ff. de rerum & verbor. signification. Qui venenum dicit, adijcere debet, vtrum bonum esset, an malum. Nam medicamenta venena sunt, quia eo nomine omne continetur, quod adhibitum eius naturam, cui adhibitum est, mutat. Dicitur enim secundum Gloss. ibidem in verb. (mutat) venenum à vi vehementi immutandi naturam eius, cui adhibetur. Ad idem facit L. Eiusdem legis. ff. ad Legem Corneliam de sicar. & venef.

Pro

Pro maiori præsentis legis intelligentia annotandum cum Paulo Grilland lib. 2. de Sortilegijs, q. 12. num 14. quod ff. ad L. Corneliam de Sicarijs fit mentio & tractatur de venenis naturalibus, quæ hominis ingenio & medicorum peritia fiunt, absque aliqua superstitione seu Dæmonis inuocatione. Venenum autem in præsentī L. accipitur pro eo, quod fit per Sortilegos, magos, maleficos & Necromanticos, simileq; ope & suffragio Dæmonis. Sicut nomen (venenum) pro naturali veneno accipitur, & etiam pro eo, quod arte diabolica vel præparatur, aut administratur: ita nomine veneficij & venefici communiter Doctores non solum prophani, sed etiam Ecclesiastici vtuntur pro maleficio & malefico. Exod. 22. vbi nostra versio Hieronymi habet; Maleficos non patieris viuere, Septuaginta Interpretes habent, veneficos. S. Augustinus lib. 21. cap. 6. Magos nostra Scriptura, inquit, Veneficos & incantatores vocat. Isichius lib. 6. in Leuit. cap. 19. Pessimus, ait, est etiam veneficis adherere: quia Dæmonum inimicorum nobis & pestilentium nomina dicunt, & ibidem, in cap. 20. Non qualecunq; peccatum esse declinare ad magos, siue vt septuaginta, ventriloquos & veneficos, prædiximus. His accedit Philo in lib. de specialibus legibus, cuius verba quoniam maximè faciunt ad d. L. I. intelligentiam, ad longum inferenda duxi. Ceterum, inquit, qui

gladio, hasta, fuste, saxo, aliove telo interimund
 fieri potest vt inconsulto repentinoque impe
 tu perciti scelus admittant, fururi non rationi
 obsecuti, ita vt dimidiatum videatur facinus,
 cui non accessit longa deliberatio. Alij verò
 sceleratissimi, polluti mente ac manibus, ma
 gi & venefici, per otium & in secessu dant o
 peram malis damnatisque artibus, captantes
 occasionem variarum calamitatum inferen
 darum proximis. Ideò lex vult veneficos &
 veneficas, ne vnum quidem diem viuere, sed
 mori, quam primùm deprehensi fuerint, nec
 villo pacto differri supplicium. Nam qui pro
 palam & cominus aggrediuntur, vtcunque
 caueri possunt: occultæ autem insidiæ vene
 ficiæque non animaduertuntur facilè. Præstat
 igitur vt noxa, quam illaturi erant alijs, auer
 tatur in eorum capita, & alioquin etiam qui
 gladio, vel alio quouis telo grassatur, non ene
 cat multos eodem tempore: venenis autem læ
 tiferis innumeri perimuntur, inter esculenta
 clàm admixtis confusisque; per insidias: & ac
 cidit aliquando in numerofo conuiuio, soda
 libus ad eiusdem salis eiusdemque mensæ so
 cietatem collectis, inter libationes violari so
 dalitatis fœdera, repente mutatis rerum vici
 bus, & in conuiuij locum succedentibus fune
 stis exequijs. Quapropter etiam mitissimos cle
 mentissimosque iudices sœuire in id genus conue
 nit, nec salutem eorum vnquam parcere. Quid
 enim

enim est iniquius quam alimenta ad tuendam vitam facta vertere in perniciem, & naturæ beneficia corrumpere? ut qui ex cibo potuq; petunt refectionem necessariam, in insidias præcipitati, pro salute mortem inueniant? Eadem poena manet eos, qui non lætifera venena conficiunt, sed longos morbos, & tabem lentam inferentia. Nam sæpè satiùs est emori, quam ægrotare, præsertim diuturno morbo, nõ habituro fœlicem exitum. Respuunt enim medicinam morbi contracti è veneficijs. Molestiores autem sunt in hoc genere animarum noxæ, quam corporum: quoniam inde nascuntur deliria, & intolerabiles insanix, quibus mens, qua nihil pretiosius homini datum est diuinitus, oblæditur: vel potius in totum demigrat sine vlla spe reditus, brutam deterioremq; animi partem relinquens corpori communem cum bestijs. Quandoquidem sublata ratione homo inferam mutatur, vtcunque linamenta humanæ speciei retineat. Veram quidem illam Magiam, hoc est, perspectiuam scientiam, per quam naturæ opera cernuntur clariùs, ut honestam expetendamq; non plebei solùm sectantur, sed etiam reges regum maximi, præsertim Persici, tam curiosi harum artium, ut regnare non liceat, nisi cum magis versato. Ex hac adulterata deprauataq; descendunt, quas maximè proprio vocabulo malas artes dicimus, circulatorum, ariolorumq;

Lc 4 studis,

studia, & mulierum mancipiorumq; nequissimorum expiationes, lustrationesq; profitentium mutationesq; amoris in odium: aut è diuerso in amorem odij, per quasdam potiones & incantamenta idonea. Atq; his dolis inuncant simplicissimum quemq;, donec in calamitates ingentes pertrahant, vt nonnunquam magnæ familiæ cognationesq; paulatim insidendo sine ruine strepitu intercidant. His omnibus opinor consideratis, noster legislator non sinit procrastinari veneficorum supplicia, sed absque mora vult exigi, quod dilatio noxijs oportunitatem peccandi præbeat, vltro ad mortem properantibus, cæteros verò suspitione metuq; repleat, existimantes quicquid illorum vitæ accedit, suæ securitati decedere. Idcirco sicut viperas, scorpios, aliasq; venenosas bestiolas, prius quàm mordeant, aut fauciēt, ut omnino se commoueant, sine mora ad primum aspectum occidimus, præcauēdo genuinam eorum malitiam prius, quàm noceant: Eodem modo etiam homines plectendi sunt, qui cū sint animalia rationalia, nihilo secius à natia mansuetudine in ferinos mores degenerant, & pro delectamento habent lædendi quotquot possunt licentiam. Hactenus in præsentī de veneficis dictum sit. Hec Philo, in quibus materiam d. L. i. rectissime explicat, quomodo grauius, plus atrocius fūe sit veneno quàm gladio occidere, & quod
secun-

secundum legem etiam diuinam per veneficos malefici intelligantur. Consonant his etiam quæ prophani docent. Iustinian. Institut. Iuris ciuilis, de public. iudic. in §. Item lex Cornelia. vers. Eadem lege & venefici capite damnantur, qui artibus odiosis, tam venenis quàm susurris occidunt: susurris, id est, incantationibus, secundum Glossam. Sic Plato & Platonici, veneficij nomine, pro incantatione & fascinatione vtuntur. Plato lib. ii. de legib. Porphyrius lib. 2. de sacrificijs, & Iamblycus in lib. de mysterijs, & confirmo hoc ex LL. L. Qui venenum, ff. de verb. signific. & L. Quod sæpè. §. veneni. ff. de contrahen. empt. nomine veneni continetur omne, quod adhibitum, eius naturam, cui adhibitum est, mutat. Ergo nomine veneni maleficio seu incantatione intelligitur, quia maleficio & incantatione corpus eius, cui incantatio siue maleficio applicatur, mutatur in peius, & inficitur veneno & morbo, nisi quis diuinas literas, canones & leges negare velit. Atq; hoc latini sermonis obseruantissimus etiam Calepinus obseruauit, in verbo, Malefacio tibi. Maleficæ mulieres incantatrices dicuntur, & veneficæ: & in verbo, Veneficus & venefica, qui vel quæ venena conficit, & qui incantationibus & cæteris malis artibus vtitur. Hinc triueneficus, id est, excellens veneficus. Plautus. Mussas adhuc triuenefica? Nomen ergo (venenum) commune

ne est veneno naturali, & illi, quod incantatione & arte malefica siue magica conficitur. Quod etiam verum est apud Græcos. *Φάρμακον* enim vtrique conuenit, vt doctè admodum multorum auctoritate ostendit Ioannes Bodinus in confutatione opinionis Ioannis VVieri.

Dubium hic esse potest, quod mouet Salycetus, & breuius resoluit, An, quando aliquis emit aut prauit venenum ad occidendum, & non secutus est effectus, teneatur pœna ordinaria?

NON est dubitandum, quando effectus sequitur, tunc enim omnium consensu receptum est, quod pœna ordinaria afficiendus sit. Sed in casu proposito alia ratio est. Quidam distinguunt: Conatus præbendi venenum, aut ad remotum actum tantum venit, vt, emit aliquis venenum ad occidendum hominem, sed non propinauit, quia impeditus, vel pœnitentia ductus mentem mutauit: & in hoc casu, communissima est sententia, quod non puniatur pœna ordinaria, sed arbitraria, sic Salycet. & Angel. in præsentī L. Bald. in cons. 443. incip. Cecehus confecit. lib. 3. Didac. Couarr. in Clem. Si furiosus, de homicid. par. 2. non longè ab initio, num. 11. Menoch. lib. 2. de arbitrar. Iud. quæstionib. casu

360.num.46.& alij à Couarr.& Menoch.citati. Aut conatus venit ad actum proximum, ut pote emit aliquis & propinauit venenum: sed venenatus medicorum ope adiutus effugit mortem: tunc is maleficus pœna ordinaria punitur. Sic Salycet. Angel. Couarr. Menochius, & alij locis dictis. Alij indistinctè tenent, e mentem & etiam propinantem venenum, non fore puniendum pœna ordinaria, si effectus non sequitur. Bertachinus in Repertorio Iuris, in verbo, Venenatio. Carerius in practica, fol. 190. num. 19. ut citatur à Didaco, Iulius Clarus lib. 5. sentent. in §. Homicidium, num. 14. Bertach. attestatur se hanc sententiam sæpè Romæ practicasse: & hæc magis communis opinio videtur, & in praxi receptior: ut Clarus docet. Hæc circa primam L. sufficient.

LEX II.

Artem Geometriæ disci, atq; exerceri publicè interest: Ars autem mathematica damnabilis est, & interdicta omnino.

NOMINE Geometriæ intelligitur scientia, quæ docet mensurare terram. De qua conscripsit libros Euclides, quos vertit Boëtius. In his varias mensuras, lineas, superficies, angu-

angulos & figuras Geometricas ponit. De hac eadem latè scripsit Orontius Fineus Delphinus in duobus libris. Plato in 7. lib. de Republ. magnis laudibus extollit Geometriam: & inter cætera attestatur, Geometriam ad veritatem animum attollere, & ad philosophandum præparare cogitationem, conducere etiam ad rem militarem, ad castra ponenda, regionem occupandam & ad machinamenta, quibus circa acies, vel in obsidione, vel in itinere utendum est. Tantum Plato Geometriæ tribuit, quod voluerit scribi in foribus suæ scholæ, ut referunt: ἀγεωμέτρητος οὐδέ τις εἰσέλτω, id est, nullus ignarus Geometriæ ingrediatur. Iudicabat enim maximè interessè ad disciplinas comparandas, si quis Geometriæ vacasset.

Dubium circa literam huius L. mouere aliquis possit.

Mathematica dupliciter accipitur.

Quomodo mathematica, quæ est vna ex scientiis secundum philosophum lib. 6. metaphys. textu 2. & communem philosophorum sententiam, omnino damnatur, & Geometria, quæ eius est pars, tanquam utilis Reipub. admittitur? Mathematica enim complectitur Arithmetica, Musicam, Geometriam & Astronomiam. Respondetur, Mathematica dupliciter accipitur. Vno modo pro scientia, quæ considerat quantitatem, ratione, sed non re à materia separatam ut Aristoteles loco cit. dicit: hæc cum consistat infra terminos humanæ rationis,

tionis, est vna ex humanis scientijs, utilis & necessaria Reipubl. & dictas sub se continet scientias, eiq; Geometria subiicitur. Hinc Pythagoras, & multi eius scholæ discipuli firmiter statuebant, absq; mathematico quadriuiio haud facillè philosophiæ apicem contingi, nec posse verum percipi. Et in initio quidem Geometria & Arithmetica, ab eodem Pythagora, referente ex alijs Ludouico Cœlio Rhodigino, lectionum antiquarum lib. 4. cap. 30. in mathematicarum album sunt aduocatæ, quod ad omnem scientiam, omnemq; disciplinam capescendam has cum primis accommodas perspexisset. Alio modo accipitur mathematica pro scientia diuinatiua, & iudiciaria, & hæc iuxta hanc L. omnino damnatur, quando non stat in certis & definitis terminis. Atq; huius mathematicæ professores, damnantur, & vulgò dicti fuerunt mathematici, vt cõstat ex Augustino lib. 4. Confess. cap. 3. Cuius verba referuntur à Gratiano 26. q. 2. c. Illos planetarios, quos mathematicos vocant, planè consulere non desistebam. & ibidem q. 4. cap. Igitur, ex eodem Augustino de natura Dæmonum. Hi sunt, qui vulgò Mathematici vocantur; cuius superstitionis genus constellationes latini vocant, id est, notationes syderum, quomodo se habeant, cum quisque nascitur. Primum autem ijdem stellarum interpretes Magi nuncupabantur. Postea hoc nomine solùm mathematici

matici diſci ſunt: hęc cibi. Ad idem facit illa lex
CC. Honorij & Theodoſij in L. Mathematicoſ.
C. de Episcop. audien. Mathematicoſ, niſi
parati ſint, codicibuſ erroris proprij, ſub ocu-
liſ Episcoporum incendio concrematis, Ca-
tholicę religionis cultui fidem tradere, nun-
quam ad errorem primum redituri, non ſo-
lum vrbe Roma, ſed etiam omnibuſ ciuitati-
buſ pelli decernimus. Nunc pro latiori intel-
ligentia dictę L. aliqua ſunt quęrenda.

QVÆSTIO. I.

*An corpora cęleſtia agant in hac in-
feriora?*

Hac quęſtione reſoluta facilè pate-
bit, ad quę Mathematica & Aſtrologia
ſe extendant.

*Prima Concluſio. Corpora cęleſtia
agunt, & imprimunt in hac inferiora.*

S. Auguſtin. lib. 3. de Trinitat. cap. 4. Cor-
pora craſſiora & inferiora per ſubtiliora
& potentiora quodam ordine reguntur, &
D. Dionyſius in 4. cap. de diuinis nomini-
buſ: Lumen ſoliſ ad generationem ſenſibi-
lium corporum confert, & ad vitam ipſa mo-
uet, & nutrit, & auget, & perficit. S. Thomas
1. part.

1. part. q. 115. arti. 3. S. Bonauent. in 2. d. 14. part. vlt. & alij Theologi ibidem, & Aristoteles lib. 2. de generat. tradit, Solem, per accessum & recessum esse causam generationum, corruptionum, aliarumq; variationum, quæ in his inferioribus fiunt.

Secunda Conclusio. Corpora cœlestia non habent actionem ullam in creaturas purè spirituales, id est, in Angelos & Demones.

QUIA corpora cœlestia sunt inferiora spiritualibus creaturis. Inferiora autem non agunt in superiora, vt docent S. August. lib. 12. super Genes. cap. 16. S. Thom. 1. par. q. d. artic. 5.

Tertia Conclusio. Nullum cœlorum cogit hominis arbitrium,

S. Thom. 1. 2. q. 9. art. 5. & loc. cit. art. 4. & 6. S. Bonauent. in 2. d. 24. part. vlt. q. 3. Damasc. lib. 2. de fide Orthod. cap. 6. & alij in 2. d. 14. Turrecr. in 26. q. 2. can. Illos. Probatur ratione: Si cœlum cogeret liberum arbitrium: superius subderetur inferiori. Homo enim est superior cœlo & stellis, homo autem non est propter astra, sed astra propter hominē facta sunt. Præterea, si cogeretur voluntas ab astris, nec esset consilium, nec quid dignum pœna, aut pœmio.

Quarta

Quarta Conclusio. Mores hominum, & euentus futurorum, vel actus humanarum voluntatum simpliciter & sufficienter attribuere constellationibus syderum, est superstitiosum, & contra fidem Catholicam.

HIEREMIAE 10. cap. à signis cœli nolite metuere, quæ timent gentes: quia leges populorum vanæ sunt. Deinde hoc spectat ad errorem Priscilliani, qui dixit homines fatalibus stellis alligatos. Eius errorem damnauit Concilium Braccarense. primum cap. 9. Si quis animas & corpora humana fatalibus stellis credit astringi, sicut Pagani & Priscillianus dixerunt, anathema sit: & cap. 10. Si qui duodecim signa, quæ mathematici obseruare solent, per singula animæ, vel corporis membra dissipata credunt, sicut Priscillianus dixit: anathema sit.

Quinta Conclusio. Dispositiuè & indirectè corpora cœlestia possunt agere in hominis voluntatem, & tunc eam contingenter inclinant, sed non necessitant.

S. Thom. 1. 2. art. d. S. Bonauent. & alij. Ratio est. Quia varia corporum dispositio plurimum facit ad humanorum morum variationem. Cœlorum autem virtus potest directè
in cor-

in corpus humanum imprimere, tunc tamen voluntas non cogitur, sed tantum inclinatur. Vnde dicitur: Sapiens dominabitur astris.

QVÆSTIO. II.

An Astrologia, quæ est pars Mathematica, omninò sit prohibita?

DE hac materia tractant S. Thom. 2. 2. q. 95. Alexand. Halen. 2. par. q. 184. Turrecr. in d. c. Illos. Alberic. in Repertorio Iuris, in dictione, Sortilegus. Troilus Maluetius in tractatu de sortibus, part. 1. Panorm. Ioan. Andr. Petr. Ancharan. & Ioan. de Anania cum alijs in cap. Ex tuarum, de Sortileg.

Astrologiæ sunt duæ quasi partes. Vna, quæ <sup>Astrologia
duæ sunt
partes.</sup> tradit notitiam corporum cælestium, & influentiam eorundem in hæc inferiora. Alia, quæ iudicat ex astrorū & corporum cælestiū inspectione ac observatione de rebus, quæ occurrunt vel geruntur circa hominem: & hæc dicitur Astrologia iudiciaria, quæ quando inferendo iudicio metas humani intellectus transgreditur, reprobat: atq; vt hoc melius & rectius intelligatur, in primis notandum ex Doctoribus. Varij possunt esse effectus, de quibus Astrologus suum iudicium interponit. Aliqui sunt, qui necessariam naturalemque cum suis causis coniunctionem habent, vt sunt Eclipses, oppositiones syderum, cōiunctiones

planetarum, &c. Alij reperiuntur, qui non semper, nec necessariò à suis causis dependent, sed ut plurimum: ut, siccitas, pluuia, sterilitas terræ, pestis, &c. Alij sunt effectus, qui contingenter, & fortuitò ex mera liberaq; hominis voluntate dependent. Alij sunt effectus quidem occulti & ab humana cognitione remoti, ut sunt ea, quæ occulta sunt: ut, furta secreta, thesauri in visceribus terræ, perditorum inuentio, &c. Et quoniam de singulis hisce effectibus potest esse dubium: per Conclusiones ponetur resolutio.

Prima Conclus. Astrologus si iudicium ferat de prioribus effectibus, qui naturalem necessariamq; dependentiam à sua causa habent, non peccat contra ullam legem.

PROBATVR. Tales effectus possunt cum certitudine scientiæ cognosci ex suis causis, à quibus semper, naturaliter, & infallibiliter dependent: ergo nihil superstitionis est admixtum tali iudicio, sed spectat ad humanam scientiam. In hac Conclusionem omnium est idem sensus.

Secunda Conclusio. De effectibus secundi generis, qui ex astris & calorum motione non infallibiliter, sed sæpè conueniunt, infal-

infallibiliter iudicare, & eos futuros prognosticare non potest Astrologus.

PROBATVR. Sicut res se habet ad esse, ita ad cognosci: sed tales effectus non dependent ex suis causis necessariò & infallibiliter, ergo infallibiliter astrologus non potest de eis prognosticare. Deinde, tales effectus oriuntur non solum ex syderum constellatione, sed etiam elementorum, mixtorum, & corporum varia dispositione, quæ habet qualitates non rarò contrarias, quas Astrologi, aut nò cognoscunt, aut non considerant: & quando ex aliqua parte in his contingit ignorantia, corrumpit cognitio. ut optimè Gabriel in 2. d. 14. q. vnica prope finè docet. His accedit, quod ministerio bonorum Angelorum Deus hunc mundum regit & disponit, prout expedit homini, in cuius vltim hæc inferioria diriguntur. Homo autem aliquando peccat & Deum prouocat ad pœnam. Aliquãdo etiam ad cor per pœnitentiã redit, Dei misericordiã implorat, bona opera, quib⁹ Deum conciliat, exercet. Quare pro meritis & peccatis ministerio angelorum varias dispositiones nò rarò Deus immittit, iuxta illud Psal. 106. posuit flumina in desertum, & terram fructiferam in saluginẽ, à malitia inhabitantium in ea. Ex dictis infertur, qđ si Astrologus tam perfectã haberet Astrologiẽ cognitionem, quã Dæmones habent, sæpè posset prædicere &

verè prognosticare de huiusmodi effectibus,
ex caussarum concursu.

Tertia Conclusio. De prædictis effectibus coniecturaliter Astrologus potest prognosticare. Conclusio constat ex dictis.

Quarta Conclusio. De effectibus fortuitis, moribus, & actibus humanis ex libera voluntate dependentibus, Astrologus cum nulla certitudine potest aliquid prædicere.

PROBATVR in primis ex sacris literis. Sic, futura prædicere spectat ad Deum. Esaïæ 41. Annunciate, quæ ventura sunt nobis, & sciemus, quod Dij estis. & cap. 47. Stent & saluent te augures cœli, Astrologi, qui contemplabatur sydera cœli, & supputabât menses, vt ex his annuntiarent ventura tibi. Sap. 8. Signa & môstra scit, antequam fiant. Iob. 38. Nunquid nosti ordinem cœli, & ponentes rationem eius in terra? Deinde constat hæc Conclusio ex canonib. 26. q. 2. can. Illos planetarios, & can. Sed & illud: obseruare auguria, requirere stellarum cursus, & euentus ex ijs futurorum rimari, seruare somnia; superstitioni tribuitur. & q. 4. can. Igitur genus. Astrologi dicti, eò quòd in astris

astris augurantur, Genethliaci appellati sunt, propter natalitiorum cōsiderationes dierum. Geneses enim hominum per duodecim cœli signa describunt, syderumq; cursu, nascētium mores, actus & euentus prædicere conantur: id est, quis quali signo fuerit natus, aut quem effectum habeat vitæ, qui nascitur. Hi sunt qui vulgò Mathematici vocantur, & ca. 2. de Sortilegijs: & de hac Astrologiâ etiam d. L. intelligitur, cū ait: Ars autem Mathematica damnable est, & interdicta omninò. Damnant etiam sancti Patres hanc Astrologiam, & attestatur eam esse superstitiosam, inutilem, vanam, & impossibilem. Ambros. li. 4. Exameron c. 4. Basil. in serm. in principium Prouerb. Gregorius in hom. de Epiphania Dom. August. atifimè lib. 5. de Ciuitat. Dei à principio, per aliquot capita. & lib. 2. super Genes. cap. 16. & 17. lib. 2. de doctr. Christiana. à cap. 21 per aliquot capita, & sup. Psal. 61. Euseb. de preparat. euangelica lib. 6. c. 6. 7. 8. & 9. Guilhelm. Parisi tract. de legib. ad longum. S. Thomas 2. 2. q. 95. art. 5. S. Anton. 2. part. tit. 12. cap. 1. §. 6. & hanc sententiâ omnes Theologi meritò sequuntur. Consentunt Iurisperiti in locis in principio q. citatis. Ratio etiam est manifesta. Tales effectus non pendent à lege astrorum, vt ex suprà dictis patet: ergo per inspectionem astrorum non potest certa de his haberi cognitio. Fuit enim error Gentilium, astra efficiantiam exer-

cere in actus humanos: quare diebus Septima-
 næ nomina planetarum assignarunt, Diem
 Dominicam soli, seriam secundam lunæ, ter-
 tiam Marti, quartam Mercurio, quintam Ioui,
 sextam Veneri, Sabathum Saturno: Sic à Sole
 dicebant se habere spiritum vitalem: à Luna
 corpus: à Marte sanguinem: à Mercurio inge-
 nium & linguam: à Ioue temperantiam humo-
 rum elementarium: à Venere voluptatis de-
 lectionem: à Saturno humorem. Ex dictis
 patet impiū esse dicere, quod sydera aut pla-
 netæ efficaciter inclinent, & instigent quosdam
 ad furta, aliquos ad homicidia, alios ad luxuri-
 am & Venerem, & sic de similibus. Quia natura
 corporum cœlestium est bona, & à Deo Opt.
 Max. omnium bonorum auctore creata, ad bo-
 num finem. Ergo eorum inclinatio naturalis
 est in bonum, & non ad malum. Alioquin cum
 dans formam, det etiam quæ naturaliter for-
 mam consequuntur, Deo esset tribuenda natu-
 ralis astrorum inclinatio ad malum. His addi
 potest, quod corpora cœlestia operantur sua o-
 pera secundum Dei præceptum, quod nunquam
 transgrediuntur. Si ergo instigant ad malum: id
 fieret ex præcepto Dei, quod est accusare diui-
 nam bonitatem, quæ omnia fecit valde bona,
 vt diuina l. tera docent. His omnibus id cōso-
 nat, quod index librorum damnatorum à Cō-
 cilio Tridentino in Regula sexta vult, vt Epis-
 copi diligenter prouideant, ne Astrologia iu-
 dicia.

diciariæ libri, tractatus, indices legantur, vel habeantur, qui de futuris contingentibus, successibus, fortuitisq; casibus, aut ijs actionibus, quæ ab humana voluntate pendent, certò aliquid euenturum affirmare audent.

Quinta Conclusio. Damnabile est contra diuinas literas, contra canones & leges, per Astrologiam inuestigare res occultas, furti secreta, thesauros, virginitatem, &c.

DEUTERON. 18. Non inueniatur in te, qui Pythones ac diuinos consulat. LEUIT. 19. Nò declinetis ad magos, nec ab ariolis aliquid sciscitemini. Ex cap. 20. Anima quæ declinauerit ad magos, &c. Et in iure canonico textus est in cap. 1. de Sortilegijs. & ibidem cap. Ex tuarum. Imponitur pœnitentia Presbytero, eò quòd accessit cum quodam infami ad priuatum locum, non ea intentione, vt vocaret Dæmonium, sed vt inspectione Astrolabij furtum cuiusdam Ecclesiæ recuperaret. Et hoc fecit bono Zelo, & ex simplicitate: tamen grauissimum fuit id crimen iudicatum, & non modicam inde maculam peccati contraxit, vt canon ait. De lege ciuili etiam non est dubium ex d. L. & infrà. L. Nemo Aruspex. & in L. Item apud Labeonem quæritur. §. Si

quis astrologus, &c. Cōsultus aliquem furem dixerit, ff. de iniur. & famo. libell. & L. i. C. de Theſauris lib. 10. Conſentiunt Theologi, Canoniſtæ, & Iuriſperiti in d. locis. Cauſa huius Concluſionis eſſe poteſt. Quia occulta referuntur diuinæ cognitioni, & per naturales ſciendi modos non poſſunt cognosci, ideo neceſſe eſt quod cognoscantur conſilio aut auxilio Dæmonum, à quibus, cū ſint fallaces, & inimici DEI generiſq; humani, non licet aliquid ſine maximo ſcelere inueſtigare.

CIRCA PRÆDICTA PO- teſt moueri dubium.

Si ex ſyderum & planetarum inſpectione nihil poſſunt prædicere Aſtronomi de rebus & euentibus futuris: Quomodo ergo ſæpè vera prognosſticiant?

RESPONDEO ſecundum ea, quæ ex Patri-
bus adducit Bartholomæus Medina in r.
2. S. Thomæ q. 9 arti. 6. veritas talium prædi-
ctionum non referenda eſt in conſtellationum
obſeruationem, ſed ad alias quatuor potiores
cauſas: nimirum ad ſortes, ad pacta, ad prudē-
tiam conſultorum, & ſtultitiam conſulētium.
Vim ſortis hoc facere, atteſtatur S. Auguſt. lib.
4. Confeſſ. cap. 3. Si enim, ait, de paganis poëtæ
cuiuſpiam longè aliud canentis atque inten-
den-

dentis, cùm sorte quis consuluit, mirabiliter consonus negotio sæpè versus exiret, mirandum non est, si ex anima humana superiore aliquo instinctu nesciente quid in se fieret, non arte, sed sorte sonaret aliquid, quod interrogantis rebus factisq; coneineret. Hæc August. Secundò, multa ab Astrologis dicta eveniunt non ex Astrologia diuinante, quæ nulla est, sed societate & scæderibus inter eos & Dæmones constitutis, & sic Astrologi vera respondent ex occulto instinctu spirituum, ut S. August. docet lib. 5. de Ciuit. Dei cap. 7. in fine. & lib. 2. de Genesi ad literam cap. 17. Fatendum (ait) est, quando à mathematicis vera dicuntur, instinctu quodam occultissimo dici, quem nescientes humanæ mentes patiuntur: quod tamen ad decipiendos homines fit, spirituum immundorum & seductorum operatione, qui quædam vera de temporalibus rebus nosse permittuntur. Tandem concludit. Quapropter bono Christiano, siue mathematici, siue quilibet impiè diuinantium & maximè dicentes vera, cauendi sunt, ne consortio Dæmoniorum animam deceptam pacto quodam societatis irretiant.

Tertiò: implentur frequenter, quæ Astrologi prænunciant, non ex constellatione, sed sola animi prudentia, quæ non solum præterita recolunt, præsentiaq; perspiciunt, sed etiam futura prospiciunt, & quæ ventura sunt longè

antè prævident. Fiunt aliquando quidem homines exercitatione & longa rerum experientia ita sagaces, quod ex hominum & negotiorum circumstantijs bene consideratis, certitudine quadam morali de rebus futuris vera enuncient. Sic Hannibalem prudentissimum ducem, perspecta temeritate ac imperitia Terentij Varronis Romani Consulis, produnt veterum scripta prædixisse Afris victoriam, & Romanis cladem: quam prognosticationem rerum enentus confirmavit.

Quarta & postrema caussa est, consulentium stiles credulitas. Solet enim talis credulitas immittere credulis consulentium animis, aut spem scælicitatis à diuinatore promissæ, aut metum calamitatis ab eo denunciatæ. Hi autem duo effectus crebrò efficiunt, ut humana negotia prænunciatos effectus fortiantur. Nam quemadmodum spes & fiducia ardua quæque opera audenter aggrediuntur, & scæliciter magnificeque absolunt: Ita pavor & metus pauidè incipiunt, & incepta facili negotio imperfecta relinquunt. His addo cum S. Thoma 2. 2. q. 95. artic. 5. ad 2. quod Astrologi ex consideratione astrorum frequenter etiam verà prænunciant: quia plures homines passionibus corporales sequuntur. Et idè actus eorum disponuntur, ut in pluribus, secundum inclinationem cælestium corporum. Pauci autem sunt, id est,

foli

solis sapientes, qui ratione huiusmodi inclinationes moderentur. Et ea de causa, Astrologi in multis vera prænunciant coniectura quadã, & præcipuè in communibus euentibus, qui dependent ex multitudine. Vnum tamen hic annotare licet de calendariis nostrorum scriptoribus, quorum cognitio est ex Astrologia, quod quidam tam multas faciunt prognosticationes de rebus futuris, vt moraliter loquendo, necesse sit aliquod verum incidere. Nam qui multa dicit, non semper mentitur. Multorum autem ex vulgo tanta est credulitas, vt Astrologo siue mathematico sapè falsa prænuncianti, si in vno veritatem coniiciat, fidem adhibeant certam. Melius autem mihi placent calendaria Italix, ex quibus aliqua vidi, quæ solum tempus, & lunæ solisq; mutationes cum Eclipsibus indicabant.

QVAESTIO. III.

An Cometæ sint signa bellorum, infirmitatum, calamitatum, aut mortis principum, &c.

Antequam quæstio resoluator, quædam sunt præmittenda ex Philosophia.

COMETÆ generatur ex vapore sicco, calido, terrestri, crasso, cuius partes adinuicem bene cohærent. Causa eius efficiens est duplex.

*Duplex est
caussa effici-
ens.*

duplex. Remota, & Proxima. Remota Comete causa efficiens est sol, qui radijs suis calefaciēs terram, eleuat ex ea prædictum vaporem. Proxima autem causa efficiens est, suprema regio aëris, quoad altissimam eius partē spheræ ignis contiguam. Nam vapor paulatim ascendens, cum peruenerit ad supremam illam partem æstuantem & calidissimam, propter vicinitatem ignis, dilatatur.

Apparet autem potissimum in triplici figura, Comæ, Barbæ, & Caudæ. Hinc dicitur stella comata, quia in circuitu & secundum omnes partes emittit radios velut crines argenteos, & est quasi coma capitis, quæ ex omni parte pender à capite. Eandem ob causam à quibusdam stella crinita appellatur. Dicitur stella barbata, quando non secundum omnes partes in circuitu, nec secundum plures, sed tantum secundum vnam partem emittit radios ad instar barbæ, quæ tantum ab anteriori parte fluit, scilicet à facie. Nominatur stella caudata, quando nec in circuitu, nec secundum omnes partes, sed tantum ex vna emittit radios oblongos, ad modum caudæ, & in hac figura frequenter apparet. Prouenit autem hæc diuersitas figurarum in cometis, ex diuersitate densitatis & raritatis, & diffusionis ipsius vaporis sicci, calidi, terrestris. Nam quando inflammatur in suprema parte supremæ regionis aëris, aliquando attenuatur secundum omnes

nes extremitates in circuitu, in medio autem remanet densus: & tunc emittit radios in circuitu, fitq; comata stella. Aliquando est adeò crassus & densus, quod solùm in aliquas partes extremas, in quibus est minor densitas, attenuatur & diffunditur, & tunc secundum aliquas partes emittit radios, in quibus est minor densitas, & apparet vt stella habens barbam. Aliquando est adeò densus, quod vix secundum vnā partem minus densam potest ex calore ignis subtiliari & diffundi: & tunc ex tali parte tantum emittit radios, per modum caudæ.

Quantum ad colorem cometæ, aut est albus vt argentum, aut rubeus, vt ferrum ignitum, non tamen benè inflammatum: vel niger vt carbo extinctus. Ratio huius varietatis est, quia vapor ille diuersis modis potest variari. Aliquando est ita temperatæ densitatis, quod ex calore spheræ ignis potest subtiliari secundum omnes extremitates suas, & inflammari, & tunc ex flammæ & sua subtilitate apparet, vt stella alba. Aliquando est adeò densus, quod non potest bene inflammari, licet igniatur: & tunc apparet vt stella rubea, & tanquam lignū densum, ignitum, rotundum, à quo non exit flamma clara, sed rubea. Aliquando est adeò condensatus ex sua viscositate, quod nec ignitur, nec inflammatur, sed extinguit ignem sibi propinquum ex crassitiā suæ materiæ; sicut quan-

quando in ignem proijcitur pomum viride, quod ex sua frigidityte & humiditate indigesta extinguit carbonem sibi propinquos & tunc talis vapor in suprema aeris regione non apparet, vt stella, sed vt carbon niger magnus. Quandoque autem vapor ascendens est adeo rarus & subtilis, quod dum appropinquat sphaerae ignis, citissime consumitur ex calore ignis, licet stipula, & leuis palea, quando in ignem proijciuntur magnum: & tum ex tali vapore non generatur aliquid apparens. Quando autem per aliquot dies pro dispositione materiae cometa apparuit, resoluitur & conuertitur in ignem, vel erem. De his Aristotel. lib. 1. Meteorologicorum. Albertus lib. 1. Meteor. tract. 3. cap. 5. Chrysost. Iuellus in Epitome in lib. Meteorolog. lib. 2. tract. 2. cap. 2. & alij alibi.

Tandem vt ad propositum reuertamur, & intelligatur quomodo liceat ex cometarum apparitione prognosticari, aduertendum est quod cometa aut potest habere ortum ex causis naturalibus modo dicto, aut ex miraculosa Dei dispositione.

*Quae sint
significatio
res cometarum*
Quando ex naturalibus principiis cometa oritur, in primis potest significare tamen futuram. Quia gignitur ex multo vapore secco, calido, terrefco, eleuato ex intensa & diurna calefactione Solis: & sic terra multo tempore remanet exiccata, ob defectum pluuiarum, & aduritur, ita vt semina & alia vegetabilia non possint

possint fructificare: & sic sequitur rerum necessariorum penuria, quam fames comitatur. Cometa etiam denotat pestem instare: Nam vapor siccus crassus, calidus, terrestris, qui est materia cometæ, inficit aërem ut venenum: aërem autem infectum homines attrahunt per respirationem, qui attractus inficit corpus, sequiturque pestis ex corruptione aeris. Præterea signat etiam prælia. Quia tempore cometæ est excessiva caliditas in aere diffusa, quæ inflammatur spiritus in humano corpore existentes, ac reddit cholericos. Ex cholera autem excitantur homines ad iram, ex ira ad vindictam, ex vindicta ad prælia. Et quoniam ad prælia plerumque sequuntur mutationes dominiorum, sectarum & legum: solet dici, quod Cometa hæc omnia significat. Postremo, Cometa etiam significat mortem Regum & Magnatum tam naturalem quàm violentam: naturalem quidem, quia tempore cometæ, ut dictum est, in aere excessiva caliditas diffunditur: deinde aer in excessu calidus alterat corpora, præcipuè delicate viventium, ut sunt principes & Magnates; disponitque ad ægrotudines peracutas, quæ ut plurimum mortem inferunt. Violentam etiam denotat, quia tempore cometæ bella, secundum dicta, oriuntur, in quibus principes & magnanimi pro suo honore se exponunt; ac sic frequenter pugnando succumbunt.

Cum

Cùm autem Cometa ex speciali Dei dispositione apparet, semper significat aliquam calamitatem imminentem, aut mortem Regum vel principum. Et in hac significatione Theologi loquuntur de Cometa. Cùm enim sic naturalem nõ habeat productionem, nec sit stella in firmamento posita; eius quoque significatio non est naturalis. De his cometis & signis loquitur Damascē. lib. 2. de fide Orthod. cap. 7. Adgignuntur autem, ait, & frequenter comete & signa quædam interituum Regum, qui quidem non sunt ex eis astris, quæ ab rerum initio facta sunt, sed diuina iussione oportuno tempore constituuntur, & rursus dissoluuntur. Quandoquidem princeps est persona communis, ex cuius morte frequenter solet oriri perturbatio totius regni, de cuius custodia angeli solliciti sunt, iussu diuino angeli faciunt tales apparitiones in aëre, quandoque ad significandum mortem principum, qui præ sunt populo: & tunc vtile est recurrere ad Deum per pœnitentiam, orationem, & alia opera pia. S. Bonauent. in 2. d. 14. q. vlt. Ex varijs Scripturis placet aliqua adferre exēpla. 2. Machab. cap. 5. Cùm Antiochus secundam profectiōnem in Aegyptum pararet, contigit per vniuersam Ieriosolymorum ciuitatē videri quadraginta diebus per aëra equites discurrentes, auratas stolas habentes, & hastas quasi cohortes armatas, & cursu equorum per ordinem dige-

digestos, & congressiones fieri cominus, & scutorum motus, & galeatorum multitudinem gladijs districtis, &c. Quapropter omnes rogabant in bonum monstra conuerti. 4. Reg. cap. 7. In castris Syriae Dominus fecit apparere sonitum tumultumq; curruum & equorum, & exercitus maximi, quibus auditis aduersarij obsidionem soluerunt, fugeruntq;. Iosephus li. 7. de bello Iudaico, de stellis & cometa præcedentibus de uastatione Hierosolymorum, per Titum & Vespasianum, loquitur in hæc verba: Infelicem plebem teterrimi quidam homines & deceptores, falsa vaticinâtes suadebant, vt eidentibus signis & indicijs iracundiæ, & indignationis diuinæ non crederent, quibus apertè futurum & vrbs & gentis præsagiebatur excidium, sed velut afflati & amentes, & qui neq; oculos, neq; animas in se haberent, spernebant omnia, quæ cœlitus minabantur. Etenim stella præfulgens, gladio per omnia similis, imminere de super vrbi; & cometes præterea exitialibus flammis ardere visa est per totum annum. Sed & ante excidij & belli tempus, cum populi ad festum conuenirent, octauo die mensis Xantici (qui est Aprilis) tempore noctis hora nona tātus luminis fulgor aram templumq; circumdedit, vt putarent omnes diem clarissimum factum, & permansit spacio horæ mediæ. Quod imperitis quidem & ignaris prosperum videbatur, sed legisperitos &

probos quosq; non latuit exitiale portentum: Et post pauca. Sed & transacto die festo post aliquot dies, prima & vicesima die mensis Arthemefu (qui apud nos vocatur Maius) prodigiosus apparuit visus, & fidem pend excedens, quod verè falsum putaretur, nisi oculorum fidem confirmasset malorum consecuta perniciēs. Etenim prope solis occalum visi sunt currus & quadrigæ in omni regione per aërem, & armatorum cohortes misceri nubibus, & vrbes circumdari agminibus improvisis. S. Gregor. hom. i. super Euangel. in illud Luc. 21. Erunt signa in sole: narrat, quod ante effusum sanguinem Christianorum tempore Gotthorum, vel Longobardorum, in Italia visæ sint acies igneæ in aëre, priusquam Italia gentili gladio ferienda traderetur, & has acies ipsemet S. Gregorius vidit, vt attestatur. In vita S. Thomæ Aquinatis legitur, cometa per triduum ante ipsius mortem super monasterio fossæ nouæ, vbi infirmabatur, stetisse, & eo mortuo non amplius apparuit. S. Antonin. 2. part. tit. 12. c. 10. §. 1. tradit An. Dom. 1400. apparuisse Cometam per longum tempus, habentem comas nigras, & signasse mortem magni ducis Mediolan. qui tunc mortuus est. Et in principio regiminis Eugenij III. eodem Antonin. referente, apparuit cometa cum crinibus quasi argenteis, & deinde secuta sunt multa mala bellorum & mutationes.

● Dicunt

Dicunt autem Cometam semper radios suos ad illam partem dirigere, ad quam minatur calamitatem, aut malum imminens. Quare secundum dicta tunc tempus est redeundi ad sanam mentem, & recurrendum est ad Deum, ut amoueant mala imminencia.

QV AESTIO IV.

Quid de Physiognomia membrorum corporis humani sentiendum, an liceat ex hac diuinare de moribus, & vita?

DIFFICULTATEM facit, quod quidam Iurisperiti Physiognomiam referunt ad indicia: & dicunt, quod sicut bona prodest, ita mala nocet reo, quia mala facit quem presumi procliuem ad scelera. Bald. in L. 2. C. Quorum appellationes non recipiuntur. nu. 5. Hippolit. de Marfilio in practica Criminali §. Expedit. num. 53. & Paris de puteo ab eo citatus, in tractat. Syndic. charta 108. Iosephus Mascard. de Probationib. volum. 2. conclus. 831. num. 27. Et Gregorius Nazianzenus Athenis Iulianum conspiciens, antequam imperio potiretur, ex ipsius Physiognomia de moribus iudiciū tulit exclamando: Deus bone quātum malum Romanum fouet imperium? quod postquā ad imperium peruenit, cognitū est, ut viderelicet ex ipso D. Greg. in oratione

in uectiua secunda in Iulianum, & Nicephoro lib. 10. cap. 37. Socrates etiam verum Zopyri iudicium de se ipso, ex ipsa physiognomia sumptum, illum scilicet stupidum, libidinosum, & bardum esse futurum dixit, nisi naturę motus in compositos Philosophiæ studio rectius moderatus fuisset, auctore Cicerone in lib. de fato. Et Democritus Milesius Diagoram Milesium seruum emit, eo quod ex physiognomia intelligebat eum optimo ingenio præditum: ut testatur Suidas. Huc facit illud Ciceronis, in oratione pro Roscio Comædo: Oro atque obsecro vos, qui nostis, vitam inter se utriusque conferte: Qui non nostis, faciem utriusque considerate: nonne ipsum caput & supercilia penitus abrasa, olere malitiam, & clamitare calliditatem videntur? Nonne ab imis unguibus usque ad verticem summum (si quam coniecturam adfert hominibus tacita corporis figura) ex fraude, fallacijs, mendacijsque constare totus videtur, qui idcirco capite & supercilijs semper est rasis, ne ullum pilum viri boni habere dicatur? In horum etiam confirmationem est, quod Paulus Grillandus lib. 2. de Sortilegijs q. 3. num. 14. & Troilus Maluetius de Sortib. 1. part. num. 32. ex mente Aristotelis approbant Chiromantiam, quæ fit in lineamentis manuum, tanquam scientiam naturalem.

De materia physiognomiæ legendi Doctores. Pelbartus in Rosario aureo Theologiæ 2. parte. verbo, Corpus humanum, à §. 18. Conradus à Vagis, in lib. de signis. cap. 8. & ex naturalibus Aristot. in li. de physiognomia. Galenus in lib. An mores sequantur temperaturâ corporis. Barthol. Cocles Bononiens. medicus in compendio physiognomiæ, & Pomponius Gauricus Neopolitan. in tract. de eadem materia, & Plato in Timæo.

Antequam aliquid in speciali de physiognomia, quæ imaginem quandam diuinationis induere videtur, cum versetur circa indicium morum humanorum, dicatur, pro introductione & cognitione rei quædam regulæ generales physiognomo sunt obseruandæ, quarum sit

Prima: Humana membra, quæ in proportionem naturali sunt, quò ad figuram, colorem, situm, motum & quantitatem, indicant mentis bonam habitudinem naturalem. Et è contra: membra quæ non habent debitam proportionem, signant peruersam mentis qualitatem. Propterea Plato dicebat, quod quæcunque similitudo animalium aliquorum est in hominibus, tales homines etiam talium animalium imitantur mores: puta similitudo porci indicat carnalem concupiscentiam: similitudo canis, iram: Leonis, rapinam, &c.

Secundaregula. Licet per signa membrorum naturalium mores hominum cognoscantur, non tamen imponunt necessitatem, sed tantum inclinationem naturæ ostendunt probabiliter, & cum coniectura.

Tertia. Propter signa exteriora, non statim proferendum est iudicium de moribus hominum. Quia fortè signum est per accidens, & non per naturam: aut fortè natura deuicta est per contrariam bonam consuetudinem, & frenum rationis cohibentis naturam ad malum inclinatum. Sic legitur, quod cùm Philomenes dixisset ex Physiognomia iudicâdo de Socrate, eum esse luxuriosum: & Socrates illud percepisset, discipulis referentibus, respondit: Verum naturaliter iudicauit, sed ego naturam vici ratione.

Quarta. Vt physiognomia sit licita, non debet iudicare de donis diuinis & gratuitis: Quia Deus auctor naturæ, non est ei alligatus, sed distribuit dona sua prout vult.

Quinta. Physiognomiæ iudicium non debet procedere ad ea, quæ extrinsecus adueniunt, vt sunt honor, diuitiæ, mors violenta, fortuna bona aut mala, &c. nec etiam ad ea negotia, aut status conditiones, quarum electio ex mera & libera voluntate dependet. Quoniam huiusmodi non sequuntur naturæ complexionem & inclinationem, sed originem sumunt ex alijs causis.

Sexta.

Sexta. Quando signa contraria in eundem incidunt, vt sæpè contingit, habenda est ratio præcipuorum, & eorum, quæ maximè ad substantiam pertinent, & minus ad accidens: vt, exempli gratia, fortitudinem magis propriè latera magna significant, quàm fuscus color.

Septima & vltima regula. Præcipua cura physiognomiæ consistit in vultu, & maximè in oculis. Quare Philosophi communiter affirmarunt oculum esse verum cordis indicium.

His generalibus præmissis, de physiognomia membrorum, aliquid ad recreandum lectorem, ex auctoribus annotandum est, & à superiori parte incipiendum & descendendum vsque ad infimam.

Pili molles timidum, sicut duri fortem significant: Hoc signum sumptum est ex animalibus. Lepus & oues mollissimos habent pilos, & sunt timidissima animalia. Leo autem & aper, cùm habeant duros pilos, fortissimæ sunt bestię. Si autem pili sint molles & rari, hebetem ingenio denotant: Si crispi, timidum & lucricupidum: Si subnigri, & moderatè tenues, bonos mores indicant.

Caput nimis magnum, stolidum declarat: globosum & breue, line memoria & sapientia: humile & superius quasi planum, insolentem: oblongum, & malleo simile, prouidum designat.

Frons nimis angusta, indocilem indicat; lata, minus discretum: rotunda, iracundum: humilis & demissa, verecundum: Quadrata & moderate magnitudinis, sapientem & magnanimum.

Supercilia si sint longorum & multorum pilorum, significant ferum & magna meditantem.

Oculi quando variè mouentur, ut modò currant, modò quiescant, signant mala reuolui in animo: Si sint glauci, splendore tamen micantes, significant peruigilem ad nocendum: oculi purè nigri, hominem sine virtute lucricupidum: Si minores iusto, pusillanimum: Si debito maiores, tardum: Si in mediocritate constituti, bene natum ostendunt.

Aures prominentes & valdè magnæ significant stoliditatem & garrulitatem, valdè parvæ, malignitatem, parvæ astutum: pendulæ demissum; arrectæ sollicitum.

Nasus si grossior fuerit, significat concupiscentem: Si in extremitate ingrossetur, insensibilem: Si acuatur, irascibilem. Simus, lubricum. Aquilinus à fronte perpendens, magnanimum indicat. Qua de causa, ut ferunt, Persæ Regem non eligebant, nisi eum, cui nasus esset regius, id est, aquilinus: eò quod hoc signum sit magnanimi & prudentis viri, qui optissimus est ac regendum.

Facies

Facies dependens, cogitatore subdolum:
 Si carnosior debito, concupiscibilem tumi-
 dumq;: Si macilenta, sollicitum: minor debito,
 pusillanimum illiberalemq;: Maior æquo, tar-
 dum: Super rubescens, verecundum: pallida,
 meticulosum: moderata in colore, figura &
 compositione, temperatum prodit.

Labia soluta aliquantulum ab ore depen-
 dentia inertem designant: Subtilia in extremi-
 tate relaxata, si superius inferiori intercalatim
 iungitur, magnanimum: Labia autem bene
 colorata, & plus subtilia, quàm grossa, signifi-
 cant hominem bonæ conditionis in omni-
 bus, magis natum ad virtutes, quàm vitia.

Os ultra modum dilatatum, voracem &
 immitem significat: os autem, cuius parva est
 clausura & apertio, pacificum, timidum, secre-
 tum & verecundum, &c.

Mentum paruum & breue, immitem & in-
 vidum indicat: prolixum aliquantulum, mi-
 nus iracundum: nimis prolixum, dolosum:
 Quadratum, moderatè bonum.

Pectus multis carnibus congestum, indoci-
 lem: Si autem longius sit ventre, prudentem
 signat: Si nimietate pilorum simul cum ventre
 tegatur, instabilem: Si autem solum pectus
 habet pilos, animosum denotat.

Manus & brachia, quando sunt tam proli-
 xa, ut erecto corpore extremitas medij digiti
 appropinquat ad genu, licet fortè mensura
 qua-

quatuor digitorum deficiat, significant humilem, fortem & liberalem. Manus crassæ, si breues digitos vltra modum habent, insidiosum & furem: sed intortæ manus & tenues, significant voracem & loquacem.

Vngues albi & plani & molles subrubci, tenues & bene perlucidæ, optimum ingenium indicant. Vngues nimis breues, malignum.

Pedes grossi & valde breues, infirmum, nimis prolixi, dolosum: Pedes bene lati magis articulati & neruosi, fortem ostendunt.

Quantum ad colorem corporis humani, color cutis niger versutum indicat: albus rubeusque, fortem & animosum: color vehementer albus cum pallore, defectum virium ex nimia victoria phlegmatis denotat. Color ignitus lucentibus oculis, ad insaniam vel furiam tendit. Color autem medius inter nigrum & album, qui declinat in brunum, si clarus est, ostendit virum boni ingenij, & bonorum morum. Hæc breuibus dixisse sufficiat. Qui curiosius vult inquirere, legat Doctores citatos:

Ita tamen dictis signis fidem habeat, vt
suprà positas regulas non trans-
grediatur.

QVAE-

QVÆSTIO V.

An ars Alchimia sit alicuius veri effectus operatrix, quantum ad transmutationem rerum in alias naturas, ac an possit licite exerceri sine suspitione magicæ?

Huius quæstionis materiam in diuersis locis attingunt Theologi, Iurisperiti, & Physici. Nos autem doctrinam more nostro, Conclusionibus comprehendemus.

Prima Conclusio. *An virtute artis Chimicæ verum aurum fieri possit, Problema esse potest.*

CONCLUSIO constabit ex sequentibus. Fieri posse hac arte verū aurum, nec repugnare naturæ, existimant Albert. Magnus li. 3. de mineralibus, tractat. 1. cap. 9. adductis pro ea sententia etiā alijs Arabibus. Antonius Mirandulanus in lib. 19. sect. de euerfione singularis certaminis, & quidam Ianus Lacinius, qui de facultate Chimica in transmutandis metallis scripsit, vt referunt Hieronym. Cardanus, & post eum Benedictus Pererius lib. 1. cap. 12. aduersus fallaces & superstitiosas artes, & ex Iurisperitis, Oldradus in cons. 74. incip. *An Alchimista*

multa peccet, & post eum Panormit. in cap. 2.
 de Sortileg. Ioan. Andr. in addit. ad Specul. in
 tit. de crimine falsi. Alberic. in dictionario, in
 verb. Alchimia. Fabianus de monte S. Sauini,
 de empt. & vendit. q. 5. princip. num. 8. Ioan. ab
 Anania in d. cap. 2. de Sortileg. Ancharan. ibi-
 dem cap. 1. & alij alibi. Et ex Theologis non
 repugnare naturæ & Physicæ existimant, Pe-
 rerus loco cit. Syluest. in verb. Alchimia, n. 2.
 Caietan. 2. 2. q. 77. art. 2. Pro hac sententia hæ
 sunt potissimum rationes. Ea secundum natu-
 ræ ordinem sunt inuicem transmutabilia, quæ
 non habent omninò diuersas operationes, sed
 easdem in eo tantum differentes, quod quæ-
 dam habent eas imminutas & imperfectas, si-
 cut fœtus comparatione infantis, ouum respe-
 ctu pulli, &c. Sed æs, plumbum, argentum,
 &c. nullas habent operationes ab auro distin-
 ctas: sed quas hoc habet, utpote liquefcere, du-
 ci, graue esse, nitere, ignibus resistere; easdem
 habent illa, licet vitiatas & imminutas; non e-
 nim ita splendent, non sunt ad eò graua, mi-
 nus resistunt ignibus, non tota liquefcunt, nò
 tam tenuiter ducuntur. Ergo sunt veluti au-
 rum imperfectum, & beneficio artis perducì
 possunt ad perfectum & verum aurum. Hinc eà
 addere possumus, quam Albertus insinuat si-
 mul etiam modum efficiendi declarans in hæc
 verba: Oportet nos dicere Alchimicos peri-
 tos, non aliter operari quàm peritos medicos,
 qui

quæ per medicinas purgatiuas purgant materias corruptas & nocentes sanitati, & postea per remedia confortantia naturam, iuuant virtutem naturalem, vt digerendo sanitatem inducant, quæ sanitas est effectus & naturæ & artis: sed illius effectiuè, & principaliter, huius autem organicè & instrumentaliter: Sic Alchimistæ primò bene purgantes materiam argenti viui & sulphuris inlitam omnibus metallis confortant: deinde deducunt vires elementares & cœlestes tali materiæ inhærentes ad proportionem mixtionis metalli quod intendunt inducere: & tunc ipsa natura operatur, & non ars, nisi organicè iuuando & expoliendo, & sic verum aurum & argentum educere & facere videntur. Quod enim virtutes elementares ad cœlestes faciunt in vasis naturalibus, si artificialia formantur ad modum vasorum naturalium: & quod facit natura calore solis & stellarum, hoc faciet ars calore ignis, dummodo sic contemperetur, vt non excedat virtutem se mouentem & informantem, quæ est in metallis: Huic enim cœlestis inest virtus, quæ primò commiscuit eam, & hæc inclinatur ad hoc vel illud, per artis iuuamen. Alchimia igitur per hunc modum procedit, id est, corumpens vnum à sua specie remouendo, & cum iuuamine eorum, quæ in materia insunt alterius speciem inducendo. Quare omnium operationum Alchimicarum melior est illa, quæ

quæ procedit ex eisdem, ex quibus procedit natura: Sicut ex purgatione sulphuris per decoctionem & sublimationem & expurgationem argenti viui, horumq; bona permixtione cum materia metalli, in his enim & ex virtutibus horum, omnis metalli species inducitur. Qui aut per alba albificant, & per citrina citrinant, manente specie prioris metalli in materia, procul dubio deceptores sunt, & verum aurum & argentum non faciunt: & hoc modo ferè omnes vel in toto, vel in parte procedunt. Sic Albert. Postremò omnia metalla procedunt ex eodem principio, vt hæc opinio videtur præsupponere, scilicet ex sulphure & argēto viuo. Et ex virtute elementorum, ac influentia astrorum: ibi producitur pretiosius metallum, vbi hæc influentia maior & perfectior. Hinc per influentiam astrorum cum herbis & lapidibus, quibus insunt multæ magnæque virtutes, via naturali vna species metalli potest conuerti in aliam magis pretiosam, maximè cum in habentibus symbolum, iuxta Aristotelis doctrinā facilius sit trāsitus. Cū ergò ars naturam imitetur in hoc, quantum potest, videtur quod per virtutē herbarum, lapidum, aut elementorum aliorum vnum vile metallum in pretiosius possit transmutari: Quandoquidem ambo sunt ex eisdem principijs sulphure & argēto viuo. Insunt enim rebus corporeis per omnia elementa quædam seminariæ & occultæ rationes, quibus arte dispositis

positis & temperatis ad perfectū prorumpunt in species debitas suis modis & finibus, vt indicat text. in c. Nec mirum. 6. Aruspiciñz. prope finem. 26. q. 5. Hac ratione vt plurimum mouentur Iuris periti locis cit.

Negantem partem tenent Auicenna in commentarijs super libros Meteororū vt eum allegat Aegidius Roman. quodlibeto 3. q. 8. Auerr. in paraphrasi super 1. lib. de generatione animalium in cap. 1. Conciliator differentia 209. & ex Theologis D. Thom. in 2. d. 7. q. 3. art. 1. ad 5. & in qq. disput. de poten. q. 6. art. 1. ad 18. Aegidius loco cit. Michaël de Palatio in 2. d. 7. & alij alibi. S. Thomas in d. d. 7. ita declarat suam mentem: Potest, inquit, ars virtute naturalium agētium aliquas formas substantiales inducere in materiam. Sunt tamen quædam formæ, quas nullo modo ars potest efficere, quod propria actiua & passiuæ earum non potest inuenire atq; adhibere, sed bene simile illis aliquid efficere. Sicut Alchimistę faciunt aliquid simile auro quantum ad accidentia exteriora, sed tamen non faciunt verum aurum, eo quod forma substantialis auri non est per calorem ignis, quo Alchimistę vtuntur, sed per calorem solis in loco determinato, vbi viget virtus mineralis, & ideo tale aurum non habet operationem consequentem speciem: Et similiter in alijs, quæ eorum operatione fiunt: Aegidius aliter ostendit, In vnoquoque genere entium,

S. Thomæ disput. sexta generali q. 13. de vanis
observationib. puncto 2. Ex his elicitur:

Secunda Conclusio. *Adhuc sub
iudice lis est, an virtute Alchimie verum
aurum fieri possit.*

HANCO docent Hieron. Cardan. de varietate rerum, lib. 10. cap. 51. S. Thom. 2. 2. q. 77. art. 2. ad primum: dum ait: Ad primum ergo dicendum, quod aurum & argentum non solum cara sunt propter vtilitatem valorum, quæ ex eis fabricantur, aut aliorum huiusmodi: sed etiam propter dignitatem & puritatem substantiæ ipsorum. Et ideo si aurum & argentum ab Alchimis factum, veram speciem non habeat auri & argenti, est fraudulenta & iniusta venditio: præsertim cum aliquæ vtilitates auri & argenti veri secundum naturalem operationem ipsorum sint, quæ non conveniunt auro per Alchimiam sophisticato. Sicut quod habet proprietatem lætificandi, & contra quasdam infirmitates medicinaliter iuvat. Frequenter etiam potest poni in operatione, & diutius in sua puritate permanet aurum verum, quam aurum sophisticatum: Si autem per Alchimiam fieret aurum verum, non esset illicitum ipsum pro vero vendere, quia nihil prohibet artem vti aliquibus naturalibus ad producendum naturales & veros effectus: licet

Hb

Augu-

Augustin. dicit in lib. 3. de Trinitate, cap. 8. de his quæ arte Dæmonum fiunt. Hæc S. Thom. Sotus lib. 6. de iustitia & iure, q. 3. art. 2. ad 1. respondet. An verò per Alchimiā exprimi possit verum aurum, sub iudice S. Thomas relinquit. S. Thomæ sententiam etiam apprehendunt Andreas ab Isernia, & Iacob. Aluarot. in cap. 1. Quæ sint regalia. de vñibus feudor. & alij tam Iuris periti, quàm Theologi. Hęc conclusio satis probatur ex diuersitate sententiarum, & incertitudine principiorum, vt visum est in præcedenti Conclusione.

Tertia Conclusio. Moraliter loquendo impossibile, aut difficile, rarumq; est virtute artis Chimicæ verum producere aurum, vt ferè impossibile, & supra humanum captum videri possit.

HANC tradunt Cardan. & Mirandulan. Pererius & Gregor. Valentianus loco cit. Aurea Armilla in verb. Alchimia, & pro hac sententia interpretatur D. Thomam. Bartholom. Chassanæus in Catalogo gloriæ mundi, vñdecima parte, Quadragesima consideratione, & alij alibi.

Nunc conclusio probatur, atq; in primis ab experientia, quæ rerum magistra est, & qua veritatem discimus. Non inueniuntur, aut saltem rarissimè inuēti sunt, qui hac arte verum aurū effe-

effecerint. Ars autem probata & vera, ut plurimum suum effectum producit, ut inductione omnium artium firmissimè constat. Quis enim artem pinfendi panes possibilem respectu sui effectus affirmaret, si vix in centum annis & tunc adhuc cum maxima difficultate effectum debilem consequeretur? Quis industriam studiumque efficiendi ferrum potes ad producendum ferrum iudicaret, si ferè semper suo fine frustraretur, & non, nisi rarissimè ferrum produceret, de cuius tamen rarissima productione adhuc dubitaretur, an ferrum verum & legale esset, atque utile ad omnem ferri usum? Si ergo ars Chìmica potest aurum efficere, quare non ut reliquæ artes utiles & necessariae generi humano semper, & ut plurimum & facile suum effectum consequitur. Talis enim ars aut est naturalis potentia, aut est habitus. Si est naturalis potentia, ergò omnino homini communis est: cuius tamen contrarium apparet. Si est habitus, ut necessariò Alchimici & omnes rectè sentientes confiteri debent. Ergò promptè, faciliter, & ut plurimum operatur, suumque effectum producit. Idem enim est de ratione habitus. Videmus autem arte Chìmica cum difficultate, longa expectatione, & magnis sumptibus non tam produci verum, argentum & aurum, quàm ex vero argento & auro generari fumum, dum Alchimistæ, ad semper desideratum, & nunquam habendum

effectum, aut saltem infirmum & coloratum
maximas expensas faciunt, quæ in fumum re-
solvuntur, vt rectè loquitur Cardinalis Caietan.
super 2.2. S. Thomæ q. 77. art. 2. & in sum-
ma, verb. Alchimia, & sic suas facultates, om-
nemque substantiam in ventum stolidè con-
uertunt. Ideoq; vt bene Caietan. in d. art. 2. in-
fert, huiusmodi ars, aut non humana: aut prin-
cipum post res consultas cum sapientibus est.
His adiungere possumus, quod nemo cum
laude & fructu talem artem verbo, aut scripto
tradiderit: quod signum est, talem artem im-
possibilem, & inanem esse: Cùm sapientis sit
prodere rem laudabilem & necessariam rei-
publicæ, in hominum notitiam. Imò prodit
Albertus Brunus in tract. de augmento & di-
minutione monetarum statim à principio,
num 13. & 14. (habetur hic tractatus in 2. vol.
Oceani iuris, non longè à fine) de Magistro
Arnaldo de Villa Noua, qui tempore Ioannis
Andræ in Curia Romana, vt hic in addit. ad
Speculator. in tit. de crimine falsi attestatur,
summus fuit medicus, Theologus & magnus
Alchimista, imò & Dæmonum inuocator,
quod Ioan. Andreas non obseruauit: sed Fran-
ciscus Pegna in Comment. in Directorium, 2.
part. q. II. nec non seminator multorum erro-
rum & hæresum, de quibus directorium in-
quisitorum in d. q. II. Bernardus de Lutzen-
burgo in Catalogo hæreticorum lib. 2. & Ga-
briel

Briel Prateolus lib. i. cap. 69. de vitis & sectis
 heretic. quod fecerit in scientia Alchimix li-
 brum vnum, qui mille homines depaupera-
 uit: aut quia non verum, aut qui non intelli-
 gitur: & subd. r Brunus: Cùm haberem quen-
 dam socium in legibus multum insudantem
 in illa arte, (intellige Alchimicam) volui vide-
 re vnum mirabile experimentum, vt plura
 scirem. Nam habuimus nobiscum vnum anti-
 quam Alchimistam pauperrimum tamen: &
 me presente, meus collega reduci fecit vnciam
 vnam argenti pretiosissimi ad instar auri in
 pondere, fusione, & maleatione saluo colore:
 quia non erat croceus, sed mutatus ad instar
 quasi plumbei coloris: & ille collega meus ha-
 bebat modum dandi colorem, & croceum, &
 illa materia patiebatur & sustinebat aliqua ex-
 perimenta: sed non extremum experimentũ,
 & admixta eum tantundem auri pretiosi vi-
 debatur aurum 20. characterum, & plus & mi-
 nus, secundum quod illa materia erat melius
 disposita, & quidam magnus Prælatus, ac mul-
 ti antiqui Alchimistæ mirati fuerunt de illo
 experimento, & vnus antiquus Alchimista,
 putans se diuitem, putabat reducere illam ma-
 teriam ad veram speciem auri, & non potuit,
 putauitq; tunc ipsam artem illusoriam, maxi-
 mè ex quo tot viri in 40. aut 50. annis non vi-
 derunt tam notabile experimentum, quod
 nihilominus erat sophisticum, ita vt aliud ex-

perimentum videre noluerim. Hæc Brunus.

Quarta Conclusio. Licet arte Alchimie moraliter non possit effici verum aurum, aut alia transmutatio naturalis in aliquod metallum perfectum, nihilominus Alchimia potest habere aliquos veros & utiles effectus.

HANC tradunt Cardan. & Pererius loc. cit. nec puto esse aliquem qui neget. Sunt autem hi effectus. Primus. Potest Alchimia vnum metallum fieri simile alteri, quantum ad accidentia, & superficiem exteriorem, vt ferrum æri, stannum argento, æs auro, &c. lapilli viles, pretiosis gemmis, atq; in hoc exercitio multum versantur Alchimistæ: cum id multum inuet ad decipiendum simplices, & ad exhauriendū loculos incautorum. Secundus. Virtute etiam artis commodè & facilè educi potest, si quid potentia cōtineatur in aliqua alterius metalli materia, & in hoc casu nō est tam productio metalli noui, quàm separatio eius quod permistum erat cum alijs in terra & fodinis. Nemo enim est qui neget, quandoq; in fodinis metallorum aut plumbo esse permistum aliquid argenti, aut æri parum auri: & sic de similibus. Atque hoc ipsum quicquid latet potest arte secerni, vt indies

expe-

experientia cognoscunt, qui viciniore sunt
fodinis metallorum. Sicut enim non omnis
fert omnia tellus: ita etiam non ubique in
visceribus terræ materia metallorum repe-
ritur. Tertiuseffectus. Quod vi ignis potest
multa purificare, nec non distillationes facere
quæ suæ etiam vtilitates habent. Ex his sequi-
tur.

Quinta Conclusio. *Ars Alchi-
mica ex sua natura & obiecto non est illi-
cita.*

HANC docent Cardin. Caietan. in sua sum-
mula. verb. Alchimia. Rosell. Syluest. &
Aurea Armilla, in eod. verb. Petrus à Nauarra
lib. 3. de restitut. cap. 2. num. 66. & seq. Oldrad.
Ioan. Andr. & Panormit. loco cit. & alij alibi.
Contra tamen hanc Conclusionem sentit An-
gel. in verb. Alchimia, eamq; vt illicitam om-
nino condemnat: sed Angeli opinio in hoc
sensu ab alijs repræhenditur, eiusq; argumēta
Syluest. in d. verb. q. 4. disso'uit. Ratio Con-
clusionis redditur, quia hæc ars ex se non ha-
bet repugnantiam cum ratione: cum vta-
tur naturalibus causis ad naturales effectus
& arti conuenienter producendos, quibus
etiam aliquis finis intendi bonus potest.
Vnde Cardan. lib. 10. de varietate rerum,
cap. 51. ait: Quæ ab Alchymistis fiunt, ea vel

ad voluptatem pertinent, vel ad vsum: Ad voluptatem sunt gemma & metalla nobiliora: Ad vsum, tincturæ, colores, materiæ vasorum, & alia similia. Hinc Alchimia, vt ait Syluest. in d. verb. statim à principio post S. Thomam super Boetium de Trinitate computatur inter scientias subalternatas Philosophiæ naturali, habentes opus corporale, quæ dicuntur artes mechanicæ, cuiusmodi est etiam medicina, & videtur reduci ad artem fabrilem, quantum ad materiam. His ad id, quod ars, quæ sine peccato exerceri potest, non est illicita arg. cap. Negotium. de pœnit. d. 5. quod desumptum est ex B. Gregor. hom. 24. in Euang. Nauarr. in d. c. Negotium. & in Manuali Confess. cap. 14. num. 34. Quod etiam confirmatur per doctrinam S. Thom. & Caietani 2. 2. q. 169. art. 2. ad 4 Syluest. in verb. Ars. q. 4. quando S. Thomas inquit: Ad quartum dicendum, quod si quæ ars est ad faciendum aliqua opera, quibus homines vti non possunt absque peccato, per consequens artifices talia faciendo peccarent, vt pote præbentes directè alijs occasionē peccandi, puta si quis fabricaret idola, vel aliqua ad cultum idololatriæ pertinentia. Si quæ verò ars sit, cuius operibus homines possunt bene & malè vti (sicut gladij, sagittæ, & alia huiusmodi) vsum talium artium non est peccatum. Sic S. Thomas. Sed arte Alchimie potest quis rectè & bene vti, producendo modo arti-

huma-

humanæ proportionato effectus veros & naturales ad finem aliquem bonum, vtpote ad moderatam delectationem, aut aliquem vsum necessitati communi expedientem, vt ex superioribus apertum est. Ergo ars Alchemica ex sua natura non est illicita. Dictum in Conclusionem (ex sua natura & obiecto.) Quia ratione circumstantiarum variè vsus artis chemicæ potest reddi illicitus, vt ex sequentibus plenius constabit.

Sexta Conclusio. Artis Alchemicæ studium si dirigatur ad faciendum verum argentum & aurum ex alio metallo inferioris gradus, est vanum & stultum.

EADEM ratio est in alijs perfectioribus speciebus, quas quandoq; pauperes & fallaces Alchimistæ promittunt, sed nunquam præstant. Hanc Conclusionem tradunt Caietan. 2. 2. q. 77. artic. 2. Syluest. in verb. Alchimia q. 4. Petrus à Nauarra, & Pererius loc. cit. Gregor de Valent. in comment. 2. 2. disput. 6 q. 13. punct. 2. eruditè & latè, & alij alibi. Nunc pro Conclusionem sit Prima ratio. Vanum & stultum est studium, quod impenditur rebus, quæ humanum ingenium & facultatem superant, & quarum nunquam & rarissimè effectus acquiritur. Sed huiusmodi est studium Alchemiæ in casu huius Conclusionis, vr latius probatum

batum extitit in tertia Conclusionē. Secunda. Imprudens & stolidā opē meritō iudicaretur eius negotiatoris, qui vacaret negotiatio-
ni, in cuius exercitio ex mille vix vnus aut alter essent, qui non maximā suarū fortunarū iacturā facerent, & nullum lucrum acquirerent. Tertia. Non est viri prudentis laborem & industriam impendere, vt Sisyphi saxum voluat, aut montes transferat : Cū id impossibile omnes sapientes existiment, & meritō iudicēt id non esse opus humanarū viriū. At etiam moraliter impossibile est, verum aurum, aut argentum ex inferiori metallo efficere, vt supra ostensum est. Ergo stultum est, velle arte Chimiæ aurum producere. Quare verē de Chemicis dici potest illud Psal. 4. Filij hominū, vt quid diligitis vanitatem, & quæritis mendacium? Quærunt enim Alchimiæ aurum quod nunquam in rerū natura fuit, nec eorū opē fieri potest, promittunt quod reddere nequeunt, & conuenientissimē huic hominū generi accommodatur illa D. Pauli 2. ad Timoth. 3. inserta 26. q. 5. cap. Nec mirum. §. Aruspiciæ. semper addiscentes, nunquā ad veritatis scientiam peruenientes.

Septima Conclusio. *Alchimia opē est inutilis & pernicioſa rei publicæ, ſe ordinetur ad faciendum verum aurum & argen-*

argentum, aut gemmas pretiosas,

HANC docent Angel. & Syluest. in verbo Alchimia. Percrus & Gregor. de Valentia loc. allegat. Franciscus Pegnar. in Commentar. super direct. Inquisitor. 3. par. comment. 26. colum. fin. Chassanæus in Catalogo gloriæ mundi, vndecima parte, 40. consideratione, & alij alibi. Ratio huius Conclusionis est. Quoniam ars Alchimie considerata in ordine ad effectus intentos in Conclusionem, aperit & sternit viam multis deceptionibus, & fraudibus: vnde sapissimè & frequentissimè imponitur non solum simplicibus, sed etiam magnatibus, qui aureis splendidisque verbis, quibus montes aureos promittunt Alchimistæ, cum nec ferreos præstare queant, deliniti, magnos inutilesque sumptus cum iactura propriarum fortunarum, & magno subditorum onere, impédunt. His accedit, quod etsi hæc ars non possit facere verum argentum & aurum, aut pretiosas gemmas, tamen expoliendo, tingendo, varijsq; modis & colorib; vtendo, potest inducere similitudinem veri argenti & auri, ita vt hominibus falsum pro vero Chimiçi vendant, aut cōmutent: hinc etiam nascitur euident & certa occasio adulterandi monetam, & expilandi rempubl. Vnde Albert. lib. 3. de mineralib. c. 9. aptè ad propositum loquitur in hæc verba: Qui per alba albificant, & per citrina citrinant, manente specie prioris metal-

metalli in materia, procul dubio deceptores sunt, & verū aurum atq; argētum non faciunt: & hoc modo ferè omnes vel in toto, vel in parte procedunt. Propter quod ego experiri feci aurum Alchimicum quod ad me delatum est, & postquam sex aut septem ignes sustinuit, tandem amplius ignitum consumitur & perditur, & quasi ad fecem reuertitur. Sic Albert. Hinc DD. testantur aurum arte Alchimix cōfectum, non diu durare, sed redire ad suam priorem materiam: Et dicit Michaël de Palatio loco cit. quod à magno & perito Alchimista intellexerit hoc aurum non durare ultra decem annos. Nec etiam, vt communiter DD. produnt, aurum alchimicum habet vsum in medicina, nec confortat: Quæ omnia eius falsitatem arguunt: Quamuis sæpè cauti & fallaces Alchimistæ ita suas fraudes occultare didicerint, vt quasi omnes probationes illud delinitum aurum sustineat, quamuis cum tempore tandem fraus detegatur. Atq; ex hoc genere Alchimistarum fuit quidam Marcus Bragadinus, magnus habitus in hac arte, qui multos & magnos etiam decepit hoc exercitio, & tandem pro suis laboribus, cū etiam Germanis simplicioribus suæ gentis hominibus imponere vellet, Anno 1591. capitis supplicium Monachij in Bauaria pertulit. Atque hic Marcus ante mortem scripto propria manu exarato, toti mundo testatus est vanitatem puluerum, quibus

quibus aurum fieri voluit, vt testis est Gregorius de Valentia loc. cit. qui scriptum vidit, atq; cum eodem Marco pro salute animæ egit. His omnibus fortissimum præbet argumentum Pontifex Ioannes XXII. in extrauag. incipienti: Spondent. quæ habetur inter extravagantes communes, in tit. de crimine falsi: Vbi in sequentem modum decernitur.

Spondent quas non exhibent diuitias pauperes Alchimistæ, pariterq; qui se sapientes existimant, in foueam incidunt, quam fecerunt. Nam haud dubiè huiusartis Alchimie alterutrum se professores ludificant, cum suæ ignorantie consciij, eos qui supra ipsos aliquid huiusmodi dixerint, admirantur: quibus cum veritas quæ sita non suppetat, diem cernunt, facultates exhauriunt, iidem verbis dissimulant falsitatem: vt tandem quod non est in rerum natura, esse verum aurum vel argentum, sophistica transmutatione consingant: eoq; interdum eorum temeritas damnata & damanda progreditur, vt fidis (seu fictis) metallis cudant publicæ monetę characteres fidis oculis, & non alias alchimicum fornacis ignem vulgum ignoratē eludant. Hanc autem perpetuis volentes exulare temporibus, hac edictali constitutione sancimus, vt quicunq; huiusmodi aurum vel argentum fecerint, vel fieri secuto facto mandauerint, vel ad hoc scienter, dum id fieret, facientibus ministrauerint,

aut

aut scienter vel auro, vel argento vſi fuerint, vendendo vel dando in ſolutum: Verùm tanti ponderis aurum, vel argentum pœnæ nomine inferre cogantur in publicum pauperibus erogandum, quãti alchimicum exiſtat, circa quod eos aliquo prædictorum modorum legitimè conſtiterit deliquiſſe: facientibus nihilominus aurum vel argentum alchimicum, aut ipſo, vt præmittitur) ſcienter vtentibus, perpetuæ infamiæ nota reſperſis.

Ex his inferitur id quod DD. maiori conſenſu tradunt non licere vendere regulariter argentum & aurum alchimicum pro vero argento & auro, nec margaritas & gemmas ſophiſticas arte Chimiæ pro veris & naturalibus gemmis & margaritis. S. Thomas 2.2. q. 77. arti. 2. ad primum. Caietan. ibidem, & in ſummula verb. Alchimia. S. Antonin. 2. part. tit. 1. cap. 17. §. 4: Sylueſt. in verb. Alchimia. q. fin. Nauarr. in Manual. Confess. cap. 23. num. 89. Petrus à Navarra lib. 3. de reſtitut. cap. 2. num. 65. & ſeq. Andr. ab Ilernia. Bald. & Aluarot. in cap. 1. Quæ ſint regalia, de vſib. feud. & alij alibi. Ratio eſt, quoniam fraudulenta & iniuſta efficitur venditio, tum quia emēs ſi ſciret, non emeret, cùm non ſit ei æquè commodũ aurum ſophiſticatũ atq; verum, tum quia non habet eodẽ effectus, vt ad confortandum, & imponendum medicinis. Poſtremò quia per omnia non eſt tanti valoris & præſtatiæ, ſed eſt defectus in ſubſtãtia,

& mu-

& mutatio tantum in accidentibus, aut saltem magna permixtio aliorum metallorum. Quæ omnia non solum reddunt emptionem inuoluntariam, sed etiam iniustā & ex parte pretij & valoris. Nemo enim dubitat verū aurum & argentum maioris esse pretij quā sophisticatum, & aliquam vilem gemmā non æquiualeere pretiosæ margaritæ, pro qua ab Alchimista perito sophisticata possit vendi & distrahi. Si autē aurum sophisticatum, aut lapillus bene expolitus, pro auro sophistico, aut gemma colorata, ita vt non pro substantia vera, quæ tantū apparet, venderetur scienti ad vsum aliquē, vt ad ornatum & splendorem, non cōmitteretur aliqua iniustitia. Vel vt Bald. in d. c. 1. in verb. Item monetæ loquitur: Si impenditur tantum pro tanto, & tale pro tali, sine aliqua falsificatione formæ aut materiæ non punitur Alchimista:

Octaua Conclus. *Arts Alchimie est periculosa, & perniciofa, etiam ipsi Chimi-
sta studio artis, aut eam exercenti respectu
bonorum anima & corporis.*

HANC Conclusionem colligo ex DD. qui de hac re scripserunt, & cū latius probō. In primis ex S. literis. Eccle. Altiora te ne quæsieris, *Eccles. 3.* & fortiora te ne scrutat⁹ fueris, & post pauca. In superuacuis rebus noli scrutari multipliciter, & in pluribus operibus eius non eris curiosus. Pla-

Plurima enim supra sensum hominum ostensa sunt tibi. Multos enim supplantauit suspicio illorum, &c. Et qui amat periculum, in illo peribit. Sed ea quæ intentantur arte Alchimix, sunt altiora, quàm vt hominis ars ea attingere queat, & sunt superuacua, & curiosa, vt ex dictis satis constat. Ergo sunt periculosa. His accedit quod prout visum supra, talis ars multis subiaceat regulariter deceptionibus & fraudibus. At decipere, & fraudes dolosque committere, non solum est periculosum & perniciosum animæ, quam decipiens, aut defraudans occidit, sed etiam corpori. Vnde etiam Alchimistæ detectis suis fraudibus & dolis puniuntur in corpore, suspenduntur, aut capite truncantur, vt est exemplum in dicto Marco Bragadino: aut si longius procedant, adulterando monetas etiam quandoque igne consumuntur. Familiare tamen multum est Alchimistis, vt postquam multis splendidis promissionibus, & longa aurei vel argentei thesauri expectatione pecuniam emunxerint, loculosque suorum patronorum insipientum, & diuitum propemodum exhauserint, aut cū notabili damno facultates extenuauerint, seu in fumum verterint: animaduernerintque iam amplius locum suam artem non habituram, sed fraudes sine vltiori mora detegendas, fugam arripiant, non salutato hospite. Postremo etiam nemo ambigere potest, hanc artem

offace-

officere substantiæ externæ ipsius artificis siue Alchimiſtæ, quoniam ſepè ditiffimi exercitio huius artis ad ſummam miſeriam & maximā inopiam deueniunt, ſvt DD. communiter attestantur. Angel. & Sylueſt. in verb. Alchimia, Baptiſta Mantuanus lib. 3. cap. 2. de patientia. Perer. & Gregor. de Valentia locis cit. Mirandulan. vbi ſupra. & alij alibi. Vnde Albert. Brunus loco cit. teſtis eſt, quod liber ſcriptus de Alchimia à magiſtro Arnaldo de Villa Noua, mille depauperauerit, & Alberic. in L. i. ff. de pignorat. actio. ait. Multos vidi ad extremam paupertatem deductos, & nullum ditari. Vbi etiam ſubiungit ſe audiuiſſe à medicis, quod hæc ars noceat corporis valetudini. Huic congruum eſt, quod Ioannes XXII. in d. extrauag. vocat eos pauperes Alchimiſtas, & dicit, quod facultates exhauriant.

Nona Concluſio. Alchimiſtæ vt plurimum etiam ſunt inuocatores Daemonum, ita vt Alchimia ſepè ſit coniuncta cum magia.

HANC docent Eymericus in Directorio inquisitorum. 3. part. in tit. de ſignis exterioribus per quæ Necromantici hæretici dignoſcuntur, & Franciſcus Pegna in Comment. ibidem. num. 115. & in 2. part. comment. 36. Nec ſunt alieni ab hac ſententia Iuriſperiti, quan-

do docent Alchimiam esse licitam, si fiat sine arte magica, aut alia prohibita & legibus odiosa, ut volunt Oldrad. Ioan. Andreas, Petrus Ancharanus. Ioannes ab Anania, & alij plerique in locis allegatis in prima Conclusionē. Roboratur hæc Conclusio ex L. unica, lib. 10. de Thesauris, ubi permittitur unicuique thesaurum in proprijs locis quærere, sine sceleratis ac puniendis sacrificijs, aut alia qualibet arte legibus odiosa.

Ratio autem ab Eymerico auctore directorij, optima hæc redditur; quandoquidem Alchimistæ, quando non possunt pertingere ad finem intentum, Dæmonis auxilium quærunt, inuocant & implorant, & implorando obseruant, & tacite vel expresse sacrificant. Sic Arnaldus de Villa noua, qui fuit Alchimista, magnus etiam fuit hæreticus, & Dæmonum inuocator. Annotat tamen Franciscus Pegna circa hanc Eymerici rationem, plurimum referre intelligere, à quibus Alchimia exerceatur: Nam si à Principibus tractetur, & opulentis, ac pecuniosis diuitibus, hac fortasse suspitione, quam ei tribuit Eymericus, vacabit. Quod si à pauperibus, vel mediocriter diuitibus vsurpetur, quoniam isti maiori ex parte ad inopiam rediguntur, ad duo incommoda solent se conuertere: aut ad Dæmones inuocandos, aut ad falsam & adulterinam

rinam monetam cudendam. Imò rectè etiam ab Angelo in verbo Alchimia obseruatum est aliquando diabolica fallacia apponi, & occultè adduci verum aurum, vt Alchimistæ feruentius huic arti inuigilent. Ex his omnibus clarissimum redditur, nemini consulendum esse, vt tali arti vacet, sed potius omnibus persuadendum, vt eam, vt rem periculosa, perniciosam, & cunctis bonis odiosam detestentur. Hinc rectè se habet illud dictum à Francisco Pegna relatatum loco citato.

*Ars suspecta probis, ars ipsa inuisa quæ
multis,
Inuisos etiam cultores efficit artis.
Mendaces, addo, multi manifestè videntur,
Qui seipsos, aliosquæ simul frustrantur
inertes,
Dum rerum vertere species tentant.*

LEX III.

Nullus aruspex, nullus sacerdos, nullus qui huic ritui assolet ministrare, ad limen alterius accedat, nec ob alteram causam, sed ab huiusmodi hominum amicitia (quamvis vetus) repellatur: concremando illo aruspice, qui ad domum alienam accesserit: & illo in insulam deportando, post ademptionem bonorum, qui eum euocauerit suasionibus vel premijs: Accusatorem autem huius criminis non delatorem esse, sed dignum magis premio arbitramur.

QUANTVM ad intelligentiam literę huius L. Aruspex dicitur ab aurę inspectione, eò quod momenta temporum & horarum inspiciat, quo puncto aliquid sit inchoandum. Secundum Glossam Aruspex potest etiam dici ab aue & inspicio: quia ex auium garritu diuinat. Alij aruspex, quasi horarum inspector. Parùm videtur referre, an dicatur auruspex, vel aruspex, vel cum aspiratione haruspex, ut aliqui putant: & sic componi dicunt ab hara, & spicio. Hara verò avis est, cui vaticinantes haruspices intendebant. Potest etiam dici ab ara, hoc est, à victimis in ara aspiciendis, quoniam auspices ex ta pecudum inspiciunt, ut ex eis futura prædicant: sed quo-

quomocunque legatur, mens legis saluatur, cum eius intentio sit diuinationem prohibere, quæ diuersis medijs contingit. Ad huius L. explicationem facit can. Igitur genus. 26. quæst. 4. ex Augustino de natura Dæmonum ubi dicitur, quod Haruspices nuncupati, quasi horarum inspectores: Dies enim & horas in agendis negotijs, operibusque custodiunt: & quid per singula tempora obseruare debeat homo, intendunt. Hi etiam exta pecudum inspiciunt, & ex eis futura prædicunt. Augures sunt, qui volatus auium, & voces intendunt, aliaque signa rerum, vel obseruationes improuisas hominibus occurrentes ferunt. Idem sunt & auspices: Nam auspicia sunt, quæ iter facientes obseruant. Dicta autem sunt auspicia, quasi auium spicia: & auguria, quasi auium garria, id est, auium voces & linguæ. Item augurium, quasi ^{Duo sunt genera auispiciorum.} auigerium, quod aues gerunt. Duo autem sunt genera auspiciorum: Vnum ad oculos, alterum ad aures pertinens: ad oculos, scilicet volatus: ad aures, vox auium. Hæc in d. can. Haruspicinæ artem primus Hetruscis tradidisse dicitur quidam Tages. Hic ex horis Haruspicinam dictauit, & postea non apparuit. Nam dicitur fabulosè, arante quodam rustico subito ex glebis exiliuisse, & haruspicinam dictasse, qua die & mortuus est. Quos liberos Romani ex Hetrusca lingua in propriam

mutauerunt, vt habetur 26. q. 5. can. . Nec mirum. §. Haruspicinæ.

Nomine sacerdotis intelligitur secundum Glossam, doctor Necromantiæ, aut diuinator, iuxta Salycetum, Angelum & alios. Qui huic ritui solent administrare, sunt malefici & venefici, & similes diabolicis artibus & ritibus operam dantes. Cum talibus nulla est conuersatio habenda. Amicitia reproborum est repellenda, vt ait Salyc. Poena ignis hac L. statuitur in diuinatores. Si quis eos consulat aut recipiat, deportatur in insulam, & bona eius publicantur. Ad prohibitionem huius L. facit scriptura, Deuter. 18. Non inueniatur in te, qui lustret filium suum, aut filiam ducens per ignem : aut qui ariolos sciscitetur & obseruet somnia, atque auguria, nec sit maleficus, aut incantator, neque qui Pythones consulat, nec diuinos, & quærat à mortuis veritatem. Omnia enim hæc abominatur Dominus, & propter istiusmodi scelera delebit eos in introitu tuo. Leuit. 19. Non augurabimini, nec obseruabitis somnia. Non declinetis ad magos, nec ab Ariolis aliquid sciscitemini, vt polluamini per eos. Et cap. 20. Anima, quæ declinauerit ad magos & ariolos, & fornicata fuerit cum eis, ponam faciem meam contra eam, & interficiam eam de medio populi. Et in fine cap. ibidem. Vir siue mulier, in quibus Pythonicus, vel diuinationis spiritus fuerit,

fuerit, morte moriantur: lapidibus obruent eos. Est etiam grauis prohibitio in iure canonico. 26. q. 5. can. Siquis Episcopus, aut presbyter, vel diaconus, vel quilibet de ordinibus clericorum aruspices, aut incantatores, aut ariolos, aut certe augures, vel sortilegos, vel qui profitentur artem magicam aut aliquos eorum similia exercentes, consuluisse fuerit deprehensus, ab honore dignitatis suæ suspensus, monasterij curam accipiat, ibique pœnitentiæ perpetuæ deditus scelus admissum sacrilegij soluat. Qui canon est ex Concilio Toletano quarto, c. 28 & in ead. q. can. Augurijs, ex Concilio Carthaginensi 4. c. 89. & can. nec mirum, & in eadem causa multi sunt canones ad idem propositum. Notandum etiam in d. L. quod consulens & recipiens augures & diuinatores, mitius puniatur pœna deportationis & ademptionis bonorum: Ipse autem diuinator aut augur concrematur. Pœna deportationis olim in multis calibus imponebatur, sed nunc non est in usu. Quidam dicunt, quod eius loco successerit decapitatio. Alij putant bannum perpetuum dictam pœnam supplere, quos refert more suo Iulius Clarus lib. 5. sentent. §. fin. practicæ crim. q. 67. numero 8. Receptior nunc sententia est, loco deportationis iudex imponat pœnam arbitrariam, iuxta qualitatem facti & personæ, nec non aliarum circumstantiarum.

Sic Clarus loco cit. & Menochius de arbitrar. Iud. qq. lib. 2. casu 330. qui plures in hanc sententiam citat. Dicit tamen Clarus, quod non consuleret iudici, vt loco deportationis imponeret pœnam mortis, vbi pro eo delicto non esset imposita à statuto, vel à consuetudine, & ita obseruatur. Vnum hic tam ex lege diuina, quam canonica & ciuili annotandum, quod quauis grauissimum sit peccatum diuinatores consulere, eorum operam requirere, & responsa expetere: tamen hisce temporibus sine scrupulo multi eos acedunt, cum Magistratus scientia & tolerantia, nec est qui cogitet vel minima pœna eos afficere. Imo nec ipsi diuinatores aut sortilegi puniuntur. Quare quia principijs non adhibetur remedium, non est mirum si homines paulatim in maioria scelera cadant.

QVÆSTIO I.

An diuinatio per augurium aut auspiciū omnino sit illicita?

VIDETVR quod sic, ex scripturis citatis, presenti L. & can. in quibus locis damnantur augures, aruspices, & diuinatores.

De hac materia agunt S. Thom. 2. 2. q. 95. S. Antoninus 2. part. tit. 12. cap. 16. 8. Syluest. in summa, in verb. Superstitio. Alij summiste in

eodem verbo, vel in verbo Sortilegium, & diuination. Ioannes à Turrecremata in 26. q. 2. can. Sed & illud. Archidiac. in eod. c. q. 4. cap. Igitur.

Circa hanc vanitatem multum gentiles fuerunt curiosi. Vnde singulariter certas aues obseruabant. Phryges, quid cornix loquatur, inquirunt, diligenter ausculta, situmq; eius sedentis aut volâtis nullatenus contempnas. Refert enim plurimum à dextris sit, an à sinistris, qua positione respiciat cubitum gradientis: loquax sit an clamosa, an silens omninò: præcedat, sequatur, transeuntis aduentum, an fugiat, quoque discedat, non negligerent serunt attendendum. Hinc illud Vergilij:

Quid, nisi me quacunq; nouas incidere lites,

Ante sinistra caua monuisset ab ilice cornix?

Nec tuus hic Meris, nec viuet et ipse Menalcas.

Referunt quidam, quod ea die, qua Alexander natus est, duæ aquilæ super culmine partis domus eius tota die sederint, auspiciû duplicis imperij, Europæ Asiæq; præferentes. Semper autem auguratores arbitrati sunt infausa esse bubonis, strigis, & noctuæ auguria. Ad quem finem tendit illud narratum in historia Scholastica, quod Herodes Agrippa, cùm esset Romæ in carcere quodam, quidam Augur dixit ei: Nol timere: quia citò liberaberis & sublimaberis, & in illa prosperitate morieris: quod præsentibus bubo in arbore residens

demonstrat. Quàm citò autem huius generis animal super te videris, vltra quintum diem viuere non valebis. A gentilibus ad nostra tempora puto hanc superstitionem deriuatam. Multi si ægrotent, molestissimè ferunt noctuæ clamores. Sed his omissis superstitionibus, veritas rei determinanda est.

Prima Conclusio. Licitum est aliquando ex garritu, motu, aut auium dispositione futura prædicere, quæ pendent ex instinctu naturali auium.

CVM enim bruta animalia habeant animam tantum sensitiuam, cuius omnes potentiæ sunt actus corporalium organorum, subiaceteorum anima dispositioni continentium corporum, maximè cœlestium, & ideo nihil prohibet aliquas eorum operationes esse futurorum signa, in quantum conformantur dispositionibus corporum cœlestium, & æris continentis, ex quibus proueniunt aliqui futuri euentus. In hoc tamen duo consideranda sunt: Primum quidem, vt operationes huiusmodi non extendantur, nisi ad præcognoscenda futura, quæ efficiuntur per motus cœlestium corporum, de quibus suprà. Secundum vt non extendantur, nisi ad ea, quæ aliquali-ter possunt ad huiusmodi animalia pertinere. Consequuntur enim per cœlestia corpora
cogni-

cognitionem quandam naturalem, & instinctum ad ea, quæ vitæ sunt necessaria, sicut sunt immutationes, quæ fiunt per pluuias & ventos, & alia huiusmodi. Sic S. Thomas loco citato, quem sequuntur S. Antonin. Turrecrem. Syluest. & alij. Ad huius conclusionis confirmationem facit illud Hieremiæ 8. Niluus in cælo cognouit tempus suum: turtur & hirundo, & ciconia custodierunt tempus aduentus sui. Sic quædam aues quando frequenter garrunt, indicant futuram pluuiam. Sic grues & hirundines præsentunt futurum frigus hyemis, ac fugiunt ex partibus nostris, & aduentante calore æstatis, redeunt. Sic etiam experientia compertum est, quod quando perdices, aliæ aues, aut lepores, vel quædam alia animalia circa medium hyemis pinguiora sunt, longius erit frigus: quia natura hoc dictante, & quasi præfagiente, se impingunt. Hæc enim & similia cum sint naturalia & sensibilia, utpote ad conseruationem indiuidui necessaria; à dispositione cælestium corporum imprimuntur naturæ sensitiuæ animalium.

Secunda Conclusio. Ex animi gestibus predicere aliqua futura, quando mouentur ad aliquid agendum motu angelico, non est illicitum.

VT patet in columba super Christum descendente: & in coruo, qui paup. Heliam:
& in

& incete, qui euomuit, & eiecit Ionam. Sic S. Thomas & Doctores citati.

Tertia Conclusio. Ex motibus aut garritu auium futura, quæ non subsunt eorum natura, aut cælorum motui: prædicere non licet.

HANC Conclusionem probant sacræ literæ, canones & leges loci citatis. Quia sic futura prædicere, non potest prouenire, nisi ex pacto cum Dæmonibus, qui vtuntur motibus & vocibus auium ad deceptionem illorum, qui talibus intendunt.

Quarta Conclusio. Quæ dicta sunt de motibus & vocibus animalium, quantum ad futurorum præfagia, eadem locum habent in cæteris animalibus ratione carentibus.

QUIA similium similis est ratio. Dictis Obstare videtur, quod legitur de Ioseph Genes. 44. cuius dispensator dixit: Scyphum, quem furati estis, ipse est, in quo bibit Dominus meus, & in quo augurari solet. Et ipse dixit postea fratribus suis. An ignoratis, quod non sit similis mei in augurandi scientia? S. Augustinus in quæstionibus super Genesin cap.

cap. 145. dicit Ioseph dixisse, non esse similem sibi in scientia augurandi ioco, & non serid, referens fortè hoc ad illud, quod vulgus de eo opinabatur. Et sic etiam dispensator eius locutus est. Hanc responsionem S. Thomas in q. d. art. 7. ad 1. & Doctores reliqui amplectuntur.

QVAESTIO II.

An diuinitio per somnia sit licita.

TRACTANT S. Thom. q. dicta artic. 6. S. Antonin. loco cit. §. 7. Turrecremata 26. q. 7. can. Non obseruetis. Syluest. in verbo Superstitio. Somniorum etiam materiam ad longum prosequitur Cælius Rhodiginus lectionum antiquarum lib. 14. à cap. 40. & latissimè Benedictus Pererius lib. 2. de magia.

Ante resolutionem annotandum est, quod aliquid, quod significat alterum, cum eo aliquam coniunctionem habere debet. Vel per intellectum, vt hædera vinum vendibile significat: vel secundum rem, prout fumus denotat ignem. Res autem cum re connectitur aut vt causa, aut vt effectus, aut per accidens, vt, exempli gratia, aliquis nocte somniat se hominem occidisse, interdum ex accidenti ab alio homo occiditur. Deinde considerandum est,

est, ex Theologorum doctrina, quod somnia futurorum euentuum quandoq; sunt causa vtpote cū alicuius mens sollicita ex his, quæ videt in somnijs, inducitur ad aliquid faciendum, vel vitandum. Quandoq; somnia sunt signa aliquorum euentuum, in quantum reducuntur ad aliquam causam communem somnijs & futuris euentibus; & secundum hoc vt plurimum præcognitiones futurorum in somnijs fiunt. Quandoq; etiam effectus, qui consideratur à somniantem, merè per accidens, & casualiter se habet ad somnium.

Causa somniorum duplex.

Consideranda ergò est causa somniorum, quæ in primis duplex est: Interior, & exterior. Interior, quæ latet intra ipsum somniantem. Exterior, quæ est extrinseca ipsi somnianti. Interior somniorum est iterum duplex. Vna animalis, in quantum ea occurrunt hominis phantasiæ in somno, circa quæ cogitatio & affectio intenta fuit in vigilando. Alia causa interior somniorum est corporalis, quando ex interiori corporis dispositione formatur aliquis motus in phantasia, conueniens suæ dispositioni. Sicut homini, in quo abundant frigidi humores, occurrit quod sit vel in aqua, vel niue. Causa etiam exterior somniorum est duplex. Corporalis & Spiritualis. Corporalis, quando imaginatio dormientis mouetur, immutaturq; vel ab aëre ambiēti, vel ab impressione cœlestium corporum,

porum, ut sic dormienti aliqua phantasia appareant conformes dispositioni corporum celestium. e. g. somnio me esse in aqua, quoniam aeris dispositio est in propinqua dispositione ad pluuiam, & sic in corpus meum influit. Sicut enim quando celestia corpora influnt in corporalem materiam, formae variae producuntur: ut, plantarum, lapidum, metallorum similiumque rerum. Sic virtute eorundem corporum, in phantasia, quae corporis organis immersa est, possunt formari phantasmata conformia alicui effectui à celestibus corporibus producendo. Spiritualis causa exterior etiam duplex esse potest. Bona, quando Deus aliqua reuelat ministerio angelorum, vel alio modo: & Mala, quando mali spiritus se insinuant phantasiae dormientis & aliquid ad decipiendum reuelant. Has omnes somniorum causas distinctius D. Gregor. lib. 8. moral. in c. 7. Iob. c. 18. & li. 4. dial. cap. 48 exprimit & ostendit. Aliquando namque, ait, somnia veteris plenitudine, vel inanitate: aliquando verò illusione: aliquando autem cogitatione simul & illusione: aliquando autem reuelatione: aliquando autem cogitatione simul & reuelatione generatur. Sed duo quae prima diximus, omnes experimento cognoscimus, subiuncta autem quae 10^a in S. Scripturae paginis inuenimus. Scilicet: enim nisi plerumque ab occulto hoste per illusionem fieret, nequaquam hoc vir sapiens indicaret, dicens:

dicens: Multos errare fecerunt somnia & illusiones vanæ, &c. Non augurabimini: nec obseruabitis somnia. Quibus profectò verbis, cuius sint detestationis ostenditur: quæ augurijs coniunguntur. Rursus nisi aliquando ex cogitatione simul & illusionem procederent, Salomon minimè dixisset. Multas curas sequuntur somnia. Eccles. cap. 5. Et nisi aliquando somnia ex mysterio reuelationis orirentur, Ioseph præferendum se fratribus per somnium non videret, Genes. 37. nec Mariæ sponsum vt ablato puero in Aegyptum fugeret, per somnium veritas admoneret. Matth. 2. Rursum nisi aliquando somnia cogitatione simul & reuelatione procederent: nequaquam Daniel Propheta Nabuchodonosor visionem edisserens, à radice cogitationis inchoasset, dicens: Tu rex cogitare cepisti in stratu tuo, quid esset futurum posthæc. Daniel. 2. &c. Daniel itaque dum somnium adimplendum reuerenter insinuat, & ex qua ortum sit cogitatione manifestat: patenter ostenditur, quia hoc plerumq; ex cogitatione simul & reuelatione generatur. Sed nimirum cum somnia tot rerum qualitatibus alternent, tanto eis credi difficilius debet, quanto & ex quo impulsu veniant facilius non elucet. His præmissis, quid sentiendum de diuinatione per somnia, videndum est.

Prima Conclusio. *Somnia nec debemus omnino contemnere, nec omnino de eis curare.*

EST Aristotelis in lib. de somno & vigilia. Quia nec omnia somnia sunt falsa, nec omnia vera: & in sacris literis quandoque prohibitum, ne somnijs attendamus. Deute. 18. Non inueniatur in te, qui obseruet somnia. Quandoque etiam observatio somniorum admittitur. Genes. 40. & 41. Ioseph est interpretatus somnia pincernæ Pharaonis: & eiusdem etiam Pharaonis. & Daniel. 2. & 4. cap. declarauit somnium Regis Babylonis.

Secunda Conclus. *Quando causa somnij est corporalis intrinseca, potest homo intendere somnijs, & prouidere effectus causis coniunctos.*

IN hac Conclusionem non est dubium. Sic medici dicunt esse intendendum somnijs, ad cognoscendum interiores dispositiones. Hinc Aristotel. de somno & vigilia. Si somnia sunt ex his, ex quibus componimur: tunc sunt signa sanitatis, vel infirmitatis secundum eorum differentias: vt, si quis somniet de occupationibus igneis, signū est, quod prædominetur in eo cholera. Si de negotijs aëreis, vt de volatu, signum est sanguinis, Si aquæ aut alterius li-

Kk quoris:

mutauerunt, vt habetur 26. q. 5. can. Nec mirum. §. Haruspicinæ.

Nomine sacerdotis intelligitur secundum Glossam, doctor Necromantiæ, aut diuinator, iuxta Salycetum, Angelum & alios. Qui huic ritui solent administrare, sunt malefici & venefici, & similes diabolicis artibus & ritibus operam dantes. Cum talibus nulla est conuersatio habenda. Amicitia reproborum est repellenda, vt ait Salyc. Pœna ignis hac L. statuitur in diuinatores. Si quis eos consulat aut recipiat, deportatur in insulam, & bona eius publicantur. Ad prohibitionem huius L. facit scriptura, Deuter. 18. Non inueniatur in te, qui lustret filium suum, aut filiam ducens per ignem : aut qui ariolos sciscitetur & obseruet somnia, atque auguria, nec sit maleficus, aut incantator, neque qui Pythones consulat, nec diuinos, & quærat à mortuis veritatem. Omnia enim hæc abominatur Dominus, & propter istiusmodi scelera delebit eos in introitu tuo. Leuit. 19. Non augurabimini, nec obseruabitis somnia. Non declinetis ad magos, nec ab Ariolis aliquid sciscitemini, vt polluamini per eos. Et cap. 20. Anima, quæ declinauerit ad magos & ariolos, & fornicata fuerit cum eis, ponam faciem meam contra eam, & interficiam eam de medio populi. Et in fine cap. ibidem. Vir siue mulier, in quibus Pythonicus, vel diuinationis spiritus fuerit,

fuerit, morte moriantur: lapidibus obruent eos. Est etiam grauis prohibitio in iure canonico. 26. q. 5. can. Siquis Episcopus, aut presbyter, vel diaconus, vel quilibet de ordinibus clericorum aruspices, aut incaptatores, aut ariolos, aut certè augures, vel sortilegos, vel qui profitentur artem magicam aut aliquos eorum similia exercentes, consuluisse fuerit deprehensus, ab honore dignitatis suæ suspensus, monasterij curam accipiat, ibique poenitentiae perpetuae deditus scelus admissum sacrilegij soluat. Qui canon est ex Concilio Toletano quarto, c. 28 & in ead. q. can. Augurijs, ex Concilio Carthaginensi 4. c. 89. & can. nec mirum. & in eadem causa multi sunt canones ad idem propositum. Notandum etiam in d. L. quod consulens & recipiens augures & diuinatores, mitius puniatur poena deportationis & ademptionis bonorum: Ipse autem diuinator aut augur concrematur. Poena deportationis olim in multis casibus imponebatur, sed nunc non est in usu. Quidam dicunt, quod eius loco successerit decapitatio. Alij putant bannum perpetuum dictam poenam supplere, quos refert more suo Iulius Clarus lib. 5. sentent. §. fin. practicae crim. q. 67. numero 8. Receptior nunc sententia est, loco deportationis iudex imponat poenam arbitrariam, iuxta qualitatem facti & personae, nec non aliarum circumstantiarum.

Sic Clarus loco cit. & Menochius de arbitrar. Iud. qq. lib. 2. casu 330. qui plures in hanc sententiam citat. Dicit tamen Clarus, quod non consuleret iudici, vt loco deportationis imponeret pœnam mortis, vbi pro eo delicto non esset imposita à statuto, vel à consuetudine, & ita obseruatur. Vnum hic tam ex lege diuina, quam canonica & ciuili annotandum, quod quamuis grauissimum sit peccatum diuinatores consulere, eorum operam requirere, & responsa expetere: tamen hisce temporibus sine scrupulo multi eos acedunt, cum Magistratus scientia & tolerantia, nec est qui cogitet vel minima pœna eos afficere. Imo nec ipsi diuinatores aut sortilegi puniuntur. Quare quia principijs non adhibetur remedium, non est mirum si homines paulatim in maioria scelera cadant.

QVÆSTIO I.

An diuinatio per augurium aut aruspicium omnino sit illicita?

VIDETVR quod sic, ex scripturis citatis, presenti L. & can. in quibus locis damnantur augures, aruspices, & diuinatores.

De hac materia agunt S. Thom. 2. 2. q. 95. S. Antoninus 2. part. tit. 12. cap. 1. §. 8. Syluest. in summa, in verb. Superstitio. Alij summistæ in

eodem verbo, vel in verbo Sortilegium, & diuination. Ioannes à Turrecremata in 26. q. 2. can. Sed & illud. Archidiac. in eod. c. q. 4. cap. Igitur.

Circa hanc vanitatem multum gentiles fuerunt curiosi. Vnde singulariter certas aues obseruabant. Phryges, quid cornix loquatur, inquirunt, diligenter ausculta, situmq; eius sedentis aut volâtis nullatenus contemnas. Refert enim plurimum à dextris sit, an à sinistris, qua positione respiciat cubitum gradientis: loquax sit an clamosa, an silens omninò: præcedat, sequatur, transeuntis aduentum, an fugiat, quouè discedat, non negligeriter serunt attendendum. Hinc illud Vergilij:

Quid, nisi me quacungq; nouas incidere lites,

Ante sinistra caua monuisset ab ilice cornix?

Nec tuus hic Meris, nec viuer et ipse Menalcas.

Referunt quidam, quod ea die, qua Alexander natus est, duæ aquilæ super culmine partis domus eius tota die sederint, auspiciû duplicis imperij, Europæ Asiæq; præferentes. Semper autem auguratores arbitrati sunt infausta esse bubonis, strigis, & noctuæ auguria. Ad quem finem tendit illud narratum in historia Scholastica, quod Herodes Agrippa, cùm esset Romæ in carcere quodam, quidam Augur dixit ei: Nol timere: quia citò liberaberis & sublimaberis, & in illa prosperitate morieris: quod præsentibus bubo in arbore residens

cognitionem quandam naturalem, & institutum ad ea, quæ vitæ sunt necessaria, sicut sunt immutationes, quæ fiunt per pluuias & ventos, & alia huiusmodi. Sic S. Thomas loco citato, quem sequuntur S. Antonin. Turrecrem. Syluest. & alij. Ad huius conclusionis confirmationem facit illud Hieremiæ 8. Miluus in cælo cognouit tempus suum: turtur & hirundo, & ciconia custodierunt tempus aduentus sui. Sic quædam aues quando frequenter garrunt, indicant futuram pluuiam. Sic grues & hirundines præsentunt futurum frigus hyemis, ac fugiunt ex partibus nostris, & aduentante calore æstatis, redeunt. Sic etiam experientia compertum est, quod quando perdices, liæ aues, aut lepores, vel quædam alia animalia circa medium hyemis pinguiora sunt, longius erit frigus: quia natura hoc dictante, & quasi præfagiente, se impingunt. Hæc enim & similia cum sint naturalia & sensibilia, utpote ad conseruationem indiuidui necessaria; à dispositione cælestium corporum imprimuntur naturæ sensitiuæ animalium.

Secunda Conclusio. *Ex auium gestibus prædicere aliqua futura, quando mouentur ad aliquid agendum motu angelico, non est illicitum.*

VT patet in columba super Christum descendente: & in coruo, qui paup. Heliam: & in

& incere, qui euomuit, & ciecit Ionam. Sic S. Thomas & Doctores citati.

Tertia Conclusio. Ex motibus aut garritu auium futura, qua non subsunt eorum natura, aut celorum motui: predicere non licet.

HANC Conclusionem probant sacrae literae, canones & leges locis citatis. Quia sic futura praedicere, non potest prouenire, nisi ex pacto cum Daemonibus, qui vtuntur motibus & vocibus auium ad deceptionem illorum, qui talibus intendunt.

Quarta Conclusio. Qua dicta sunt de motibus & vocibus animalium, quantum ad futurorum praesagia, eadem locum habent in ceteris animalibus ratione carentibus.

QUIA similium similis est ratio. Dictis ob stare videtur, quod legitur de Ioseph Genes. 44. cuius dispensator dixit: Scyphum, quem furati estis, ipse est, in quo bibit Dominus meus, & in quo augurari solet. Et ipse dixit postea fratribus suis. An ignoratis, quod non sit similis mei in augurandi scientia? S. Augustinus in quaestionibus super Genesin cap.

cap. 145. dicit Ioseph dixisse, non esse similem sibi in scientia augurandi ioco, & non serid, referens fortè hoc ad illud, quod vulgus de eo opinabatur. Et sic etiam dispensator eius locutus est. Hanc responsionem S. Thomas in q. d. art. 7. ad 1. & Doctores reliqui amplectuntur.

QVAESTIO II.

An diuinitio per somnia sit licita.

TRACTANT S. Thom. q. dicta artic. 6. S. Antonin. loco cit. §. 7. Turrecremata 26. q. 7. can. Non obseruetis. Syluest. in verbo Superstitio. Somniorum etiam materiam ad longum prosequitur Cœlius Rhodiginus lectionum antiquarum lib. 14. à cap. 40. & latissimè Benedictus Pererius lib. 2. de magia.

Ante resolutionem annotandum est, quod aliquid, quod significat alterum, cum eo aliquam coniunctionem habere debet. Vel per intellectum, vt hædera vinum vendibile significat: vel secundum rem, prout fumus denotat ignem. Res autem cum re connectitur aut vt causa, aut vt effectus, aut per accidens, vt, exempli gratia, aliquis nocte somniat se hominem occidisse, interdum ex accidenti ab alio homo occiditur. Deinde considerandum est,

est, ex Theologorum doctrina, quod somnia futurorum euentuum quandoq; sunt caussa vtpote cū alicuius mens sollicita ex his, quæ videt in somnijs, inducitur ad aliquid faciendum, vel vitandum. Quandoq; somnia sunt signa aliquorum euentuum, in quantum reducuntur ad aliquam causam communem somnijs & futuris euentibus; & secundum hoc vt plurimū præcognitiones futurorum in somnijs fiunt. Quandoq; etiam effectus, qui consideratur à somniantē, merè per accidens, & casualiter se habet ad somnium.

Consideranda ergo est caussa somniorum, quæ in primis duplex est: Interior, & exterior. Interior, quæ latet intra ipsum somniantem. Exterior, quæ est extrinseca ipsi somnianti. Interior somniorum est iterum duplex. Vna animalis, in quantum ea occurrunt hominis phantasie in somno, circa quæ cogitatio & affectio intenta fuit in vigilando. Alia caussa interior somniorum est corporalis, quando ex interiori corporis dispositione formatur aliquis motus in phantasia, conueniens suæ dispositioni. Sicut homini, in quo abundant frigidi humores, occurrit quod sit vel in aqua, vel niue. Caussa etiam exterior somniorum est duplex. Corporalis & Spiritualis. Corporalis, quando imaginatio dormientis mouetur, immutaturq; vel ab aëre ambiēti, vel ab impressione cœlestium corporum,

porum, vt sic dormienti aliqua phantasia appareant conformes dispositioni corporum celestium. e. g. somnio me esse in aqua, quoniam aeris dispositio est in propinqua dispositione ad pluuiam, & sic in corpus meum influit. Sicut enim quando celestia corpora influunt in corporalem materiam, formæ variæ producuntur: vt, plantarum, lapidum, metallorum similiumque rerum. Sic virtute eorundem corporum, in phantasia, quæ corporeis organis immersa est, possunt formari phantasmata conformia alicui effectui à celestibus corporibus producendo. Spiritualis causa exterior etiam duplex esse potest. Bona, quando Deus aliqua reuelat ministerio angelorum, vel alio modo: & Mala, quando mali spiritus se insinuât phantasiæ dormientis & aliquid ad decipiendû reuelant. Has omnes somniorum causas distinctius D. Gregor. lib. 8. moral. in c. 7. Iob. c. 18. & li. 4. dial. cap. 48 exprimit & ostendit. Aliquândo namq; ait, somnia vëtris plenitudine, vel inanitate: aliquândo verò illusione: aliquando autem cogitatione simul & illusione: aliquando autē reuelatione: aliquando autē cogitatione simul & reuelatione generantur. Sed duo quæ prima diximus, omnes experimēto cognoscimus, subiuncta autem quatuor in S. Scripturæ paginis inuenimus. Sônia etenim nisi plerûq; ab occulto hoste per illusionē fierēt, nequaquā hoc vir sapiēs indicaret, dicens:

dicens: Multos errare fecerunt somnia & illusiones vanæ, &c. Non augurabimini: nec obseruabitis somnia. Quibus profectò verbis, cuius sint detestationis ostenditur: quæ augurijs coniunguntur. Rursus nisi aliquando ex cogitatione simul & illusione procederent, Salomon minimè dixisset. Multas curas sequuntur somnia. Eccles. cap. 5. Et nisi aliquando somnia ex mysterio reuelationis orirentur, Ioseph præferendum se fratribus per somnium non videret, Genes. 37. nec Mariæ sponsum vt ablato puero in Aegyptum fugeret, per somnium veritas admoneret. Matth. 2. Rursum nisi aliquando somnia cogitatione simul & reuelatione procederēt: nequaquam Daniel Propheta Nabuchodonosor visionem edisserens, à radice cogitationis inchoasset, dicens: Tu rex cogitare cepisti in stratu tuo, quid esset futurum posthęc. Daniel 2. &c. Daniel itaque dum somnium adimplendum reuerenter insinuat, & ex qua ortum sit cogitatione manifestat: patenter ostenditur, quia hoc plerumq; ex cogitatione simul & reuelatione generatur. Sed nimirum cū somnia tot rerum qualitatibus alternent, tanto eis credi difficilius debet, quanto & ex quo impulsu veniant facilius non elucet. His præmissis, quid sentiendum de diuinatione per somnia, videndum est.

Prima Conclusio. *Somnia nec debemus omnino contemnere, nec omnino de eis curare.*

EST Aristotelis in lib. de somno & vigilia. Quia nec omnia somnia sunt falsa, nec omnia vera: & in sacris literis quandoque prohibitum, ne somnijs attendamus. Deute. 18. Non inueniatur in te, qui obseruet somnia. Quandoque etiam obseruatio somniorum admittitur. Genes. 40. & 41. Ioseph est interpretatus somnia pincernæ Pharaonis: & eiusdem etiam Pharaonis. & Daniel. 2. & 4. cap. declarauit somnium Regis Babylonis.

Secunda Conclus. *Quando causa somnij est corporalis intrinseca, potest homo intendere somnijs, & prouidere effectus causis coniunctos.*

IN hac Conclusionem non est dubium. Sic medici dicunt esse intendendum somnijs, ad cognoscendum interiores dispositiones. Hinc Aristotel. de somno & vigilia. Si somnia sunt ex his, ex quibus componimur: tunc sunt signa sanitatis, vel infirmitatis secundum eorum differentias: vt, si quis somniet de occupationibus igneis, signū est, quod prædominetur in eo cholera. Si de negotijs aëreis, vt de volatu, signum est sanguinis, Si aquæ aut alterius liquoris:

quoris: signum est phlegmatis. Si de rebus terrenis, signum est melancholiz: & sic iurantur medici ad ferendum iudicium de dispositione corporis.

Tertia Conclusio. Si quis utatur somnijs ad præcognoscenda futura, quæ habent causam naturalem extrinsecam ut influentiam corporum celestium, aut æris ambientis, si in tantum de futuris prædicat ex somnio, in quantum talium corporum virtus se potest extendere non est illicitum.

EST S. Thomæ & aliorum Doctorum in locis citat. Ratio esse potest: Quia effectus proportionatur suæ causæ, & sicuti se habet ad esse, ita ad cognosci.

Quarta Conclusio. Si quis ex somno prænunciet futura contingentia, aut ea, quæ spectant ad liberum somniantis aut alterius voluntatis actum, peccat & malefacit.

CONSTAT Conclusio. Quoniam huiusmodi non habent causam determinatam, sed dicuntur à calu per accidens, secundum Philosophum de somno & vigilia. Eorum autem quæ sunt per accidens, non est determinata scientia. Quare si quis huiusmodi futura prædicat: aut necesse est ut mentiatur: aut ut cognoscat ex pacto habito cum Diabolo.

Quin-

Quinta Conclus. Si quis ex somnis pradicat futura, quando procedunt ex reuelatione diuina, non peccat, sed licitum est.

CONTAT ex sacris literis. Genes. 15. Cùmq; sol occuberet, sopor irruit super Abram, & horror magnus & tenebrosus inuasit eum. Dictumq; est ad eum: Scito prænoscens, quod peregrinum futurum sit semen tuum in terra non sua: & subijcient eos seruituti, & affligent quadringentis annis. & Genes. 40 & 41. Ioseph interpretatus est somnia. Matth. 2. Angelus Ioseph apparuit in somnijs, & futura prädixit, & Matth. 2. Magi in somnis acceperunt responsum, ne redirent ad Herodem: per aliam viam reuersi sunt in regionem suam. Et ibidem. De functo Herode iterum Angelus Domini in somnis Ioseph apparuit in Aegypto, dicens. Surge & accipe puerum, & matrem eius, & vade in terram Israël, defuncti sunt enim qui quærent animam pueri.

DVBIVM CIRCA DI- ctam Conclusionem.

Quare Deus potius in somnis reuelat futura, quàm in vigilia?

RESPONDET S. Bonauent. in 2. d. 25. quæst. ultima. Primò, quia anima in vigilia dispersa est ad exteriora sensibilia, & sic minus

op̄ra comprehendere revelationes à Deo. Hanc
 caussam etiam insinuat Hypocrates in initio li-
 bri de insomnijs, dum docet animam hominis
 in vigilia grauibus dolineri negotijs, curisq̄ue
 distrahi: per sensum etiam exteriores euocari ad
 ea quæ extra ipsum sunt, & per varia eorum
 sensuum spectacula diuagari, multipliciq̄; re-
 rum humanarum strepitu interpellari, & à sui,
 rerumq̄ue cœlestium consideratione auocari.
 Contrà vero in quiete & somno ab eiusmodi
 omnibus interpellationibus & impedimentis
 vacuus est animus, sibi totus præsens est, sitiq̄;
 attendit, & vires suas collectas habet. Secun-
 dò, quia Deo sic placet sapiùs ad occultatio-
 nem sui luminis, qui posuit tenebras latibu-
 lum suum. Tertiò, quia homo in somnis ma-
 gis agitur, quam agat, & in reuelatione plùs se
 habet per modum susipientis, quam agentis.
 Vltimò, quia dicente Deo Exod. 33. Non vide-
 bit me homo, & viuet. Idcò secundum quod
 dicit Gregorius non potest homo Deum vi-
 dere, & eius reuelationes, scilicet de lege com-
 muniore loquendo, nisi quando abstractus est
 à sensibus, vt quasi dicatur non viuere vide-
 licet secundum sensuum vsum exteriorem.
 Sed quia homo in somno est medium tenens
 inter mortuum & viventem, quodammodo
 à vita recedit: Ideo sic ordinauit Deus fieri
 reuelationes supernaturales in somnis, quan-
 do homo naturaliter non habet vsum ratio-
 nis, vt

nis, vt Deo soli attribuaturs laus gloriæ.

Sexta conclusio. *Reuelatio futurorum euentuum in somno à Dæmone impressa, non est licita.*

QVIA huiusmodi reuelatio procedit ex pacto tacito vel expresso Dæmonis, qui decipere semper contendit.

Quando dubium, an reuelatio in somnis facta sit à Dæmone, vel bono spiritu, non est præcipitandum iudicium, sed probandus spiritus si ex Deo sit. In qua re multa sunt consideranda de probationibus spirituum, de quibus multa scribunt Ioannes Gerson in tract. de probationibus spirituum. S. Vincentius. in tract. de vita spirituali, & plurima ad hanc materiam doctè colligit Bartol. Medin. in 3. part. S. Thomæ. q. 25. art. 3. Pererius loco cit. q. 3.

QVAESTIO. III.

An diuinitio per sortes sit omnino reprobata?

TRACTANT S. Thom. q. 95. art. 8. S. Antonin. 2. part. t. 12. cap. 1. § 9. Syluest. in verbo. Superstitio. q. 9. Alij in verbo Sors aut. Sortilegium. Turrecre. in 26. q. 2. in principio: Archidiaconus. ibidem. can. Sors. Canonista cum text. in tit. de Sortilegijs, maximè in cap.

Ecclesia vestra. Troilus Maluetius in tract. de fortibus. Paulus Grilland. in lib. 2. de Sortileg. & alij alibi.

*quid Sors
fit.*

Ante resolutionem præmittendum est, quod Sors dicitur, quando aliquid fit serid quidem ab homine, vt considerato eiuseuentu aliquid occultum innotescat. S. Thom. loc. citat. Syluest. verb. Superstitio. Angel. Aurea Armilla. Caietan. & alij in verb. Sors.

*quotplex
Sors.*

Triplex est Sors: Diuisoria, Consultoria, & Diuinatoria. Diuisoria est, cum quæritur, quid cuiuslibet sit dandum, siue illud sit res, siue honor, siue pœna, aut actio aliqua. Consultoria, quando inquiritur, quid sit agendum. Diuinatoria, quando aliquid futurum inquiritur.

Ad genus sortium pertinet, si quis aliquid occultum inquirat, siue per protractionem punctorum, siue per considerationem figurarum, quæ proueniunt ex plumbo liquefacto in aquam proiecto, siue ex quibusdam scedulis scriptis, vel non scriptis in occulto repositis, dum consideratur, quam quis accipiat: vel etiam ex festucis inæqualibus propositis, quis maiorem vel minorem accipiat: vel taxillorum projectione, quis plura puncta proijciat, vel etiam dum consideratur, quid aperienti librum occurrat. S. Thom. d. q. art. 3. Frideric. de Senis in cons. 284. & de similibus similis est ratio. Nunc pro resolutione, sit

Prima Conclusio. *Sortes diuisoriali-
tate est.*

Sic sentiunt communiter Doctores locis citat. Quia quando partes sunt æquales, nec res diuidenda sine discordia potest diuidi, fortunæ locus datur ad dirimendas lites : Sic secundum leges in tribus iudicijs communi diuidendo, familiæ erciscundæ, & finium regundorum, sortes admittuntur debitis seruatis conditionibus. Sic Iudæi miserunt sortem super tunica inconsutiles Christi, quæ non poterat diuidi. Sic Appianus lib. 2. de bello ciuili narrat, post mortem Iulij Cæsaris, cum essent discrepantes sententiæ in senatu, de remunerandis intersectoribus, statuit sortibus litem dirimendam. Sic etiam partes terræ Israëlitis per sortes distribuebantur. Num. 33. Iosue 15. Ioseph. lib. 5. antiquit Iudaic. c. 3. Eadem est ratio de aliqua pœna subeunda, si contentio sit inter aliquos, quis soluere debeat, exemplo Ionæ. t. cap. qui à facie domini fugiens sorte depræhensus est, & in mare deiectus. Seruandum autem in missione sortium, ut ius sit æquale partium, ne alicui præiudicium generetur, ut non mittantur sine causa, hoc enim vanum esset, sed quando consideratis circumstantijs rerum & personarum, prudentia dicat, litem, aut aliud negotium sorte dirimendum esse. Dicitur etiam casibus, ex Augustini sententiâ in Epist. 180.

ad Honoratum, annumerari potest, si inter ministros Ecclesiæ fieret disceptatio, qui eorum persecutionis tempore manere deberet, ne fuga esset omnium, & Ecclesia omninò relinqueretur, & qui fugere deberent, ut aliqui in futurum reseruantur pro Ecclesiæ utilitate, sorte lis finienda est. Idem possit esse casus, si tres aut quatuor tempore pestis curam haberent, & non omnes vellent periculum subire, nec etiam Ecclesiæ expediret. Moï autem capiendi sortes ex urna, vel situla, vel hydria aquæ, antiquissimus est, ut patet ex illo Plauti in Cassina, ubi senem Virginis amato-rem postquam id, quod cupiebat, à seruo impetrare non potuit, inducit ita loquentem:

*Intrò abi, atq; actutum uxorem huc euoca,
ante ades citò.*

*Et situlam huc tecum afferto cum aqua, &
sortes.*

Secunda Conclusio. *In electionibus
Ecclesiasticis non est licitum uti sortibus,*

CAP. Ecclesia vestra, de Sortileg. & can. Non statim. & cap. Non exemplo. 26. q. 2. & hæc est communis tam Theologorum quàm Canonistarum sententia. Et ratio redditur, quia huiusmodi electiones Spiritus sancti

sancti inspiratione fieri debent. Et si sorte aliqua fieret electio. aut nulla esset, aut certe cassanda Panormit. & alij ind. c. Ecclesia vestra. Si quis obijciat, Actor. 1. S. Matthias sorte ad Apostolatum electus est: ergo potest electio in Ecclesiasticis sorte fieri. Respondet S. Hieron. super Ionę 1. cuius verba referuntur 26. q. 2. c. Non statim debemus sub exemplo Ionę fortibus credere, vel illud de actibus Apostolorum huic testimonio copulare: ubi sorte in Apostolatum Matthias eligitur: cum priuilegia singulorum non possint legem facere communem.

Tertia Conclusio. Sors consultoria, quando expectatur iudicium à Deo, & quasi ad eum recurritur pro cognitione euentus fortunę, est licita.

PROVERB. 16. Sortes mittuntur in sinum, sed à Domino temperantur. Quando enim humanum non superest auxilium, tunc ad diuinum recurrendum. 2. 2. q. 2. can. Queritur. Nemo debet tentare Deum suum, dum habet, quod rationabili consilio faciat. & 23. q. 8. c. Si nulla. Ad idem facit illud 1. Paral. c. 10. Cum ignoramus quid agere debeamus: hoc solum habemus residuum, vt oculos ad te Domine leuemus. Idem clarius habetur 26. q. 2. c. Non exemplo Matthiæ, vel quod Ionas Pro-

pheta indifferenter depræhensus sit, indifferenter sortibus est credendum, cum privilegia singulorum communem legem facere non possint. Si qui tamen necessitate aliqua compulsi Deum putant sortibus, exemplo Apostolorum esse consulendum: Videant hoc ipsos Apostolos non nisi collecto fratrum cœtu, & precibus ad Deum fufis egisse. Vt autem in casu huius Conclusionis licitum sit uti sortibus, quatuor sunt consideranda ex S. Thoma loco citato. S. Anthonin. Angelo, Syluest. Panormitan. & alijs. Primum, ut absq; necessitate non recurratur ad sortes, aliàs esset tentare Deum. Secundum, ut quis etiam in necessitate absq; reuerentia sortibus non utatur, ut patet ex d. c. Non exemplo. Tertium, ut non pro rebus terrenis, sed pro spiritualibus & ad salutem pertinentibus fiat recursus ad sortes, ut habetur ex Augustino ad inquisitiones Ianuarij epist. 119. tom. 2. 26. q. 2. c. Hi qui de paginis euangelicis sortes legunt, etsi optandum est, ut id potius faciant, quam ad Dæmonia consulenda concurrant: tamen etiam ista mihi displicet consuetudo, ad negotia secularia, & ad vitæ huius vanitatem propter aliam vitam, loquentia oracula diuina velle conuvertere. Quartum, ut non fiat in electionibus Ecclesiasticis, quæ Spiritus sancti inspiratione fieri debent. Vnde dicit Beda cap. 1. in Acta Apostolorum.. Matthias ante Penthecosten ordi-

natur

natus sorte queritur, quia scilicet nondum erat plenitudo Spiritus S. in Ecclesiam effusa. Septem autem Diaconi postea non sorte, sed electione discipulorum sunt ordinati.

Quarta Conclusio. Quando contentio esset de electione aliquorum, nec esset via humana dirimendi litem, utpote quia esset paritas utrique in omnibus, scilicet votie, doctrina & meritis, & ambo moraliter essent aequè digni: tunc litem sorte dirimere non esset illicitum, si debite conditiones seruentur, ut exitus rei à Deo expetatur prauis orationibus eo modo quo D. Matthias electus est iuxta d.c. Non exemplo.

CLOSSA & Turrecre. in cap. Quod autem 26. q. 2. Aurea Armilla in verbo Sors, & alij alibi.

Quinta Conclusio. Licitum est vti sortibus in electionibus ad temporales & seculares dignitates, quæ ad terrenam dispositionem ordinantur.

HANC Conclusionem communiter DD. citati tenent. Tamen in tali electione obseruandum, ut prius electis quibusdam idoneis, deinde sors mittatur: Aliàs si imprudenter fieret, & cum periculo boni communis, & iustitiæ.

institiæ, vtpote quia fors caderet in aliquem ineptum, qui damno esset Reipublicæ: culpa non careret. Olim apud Romanos, iudices ex equitum ordine per sortes eligebantur, præ-tore urnam mouente, & si qui ex illis reiicie-bantur, iterum subfortiebantur alij in eorum locum, vt videre est apud Ciceronem in orat. in Pisonem, & Panormit. in cap. fin. de Sorti-leg. id vsurpari attestatur, quod seculares e-ligant officiales in multis locis per ballotas, & breuia.

*Sexta Conclusio. Sors diuinato-
ria, qua innititur societati Daemonum ex-
plicitè vel implicitè, est damnata & re-
probata.*

EZECHEL. 21. Rex Babylonis stetit in bi-
uio, in capite duarum viarum diuinatio-
nem quærens, commiscens sagittas interroga-
uit idola, exta consuluit: & in 26 q. 5. can. Sor-
tes, dicitur: Sortes, quibus cuncta vos vestris
discriminatis prouincijs, quas patres damna-
uerunt, nihil aliud quàm diuinationes & ma-
leficia decernimus. Quamobrem volumus
omnino illas damnari, & vltra inter Christia-
nos nolumus nominari, & ne exerceantur, a-
nathematis interdicto prohibemus. De hac
Conclusione non dubitant nec Theologi, nec
Canonistæ. S. Thom. in d. art. ad 3. iudicium
ferri

ferri candentis, vel aque feruentis ad sortes reducit. Probatio ferri candentis & similium ordinatur ad alicuius peccati occulti inquisitionem, per aliquid, quod ab homine fit, & in hoc conuenit cum sortibus. In quantum tamen expectatur aliquis miraculosus effectus, à Deo, excedit communem sortium rationem. Vnde huiusmodi iudicium est illicitum, & quia ordinatur ad iudicanda occulta, quæ diuino iudicio reseruantur, & quia diuina auctoritate non est sancitum. 2. q. 5. cap. Consultuisti. Eadem videtur ratio de lege duellorum seu monomachiarum, nisi quod plus accedit ad communem rationem sortium, in quantum non expectatur ibi miraculosus effectus, nisi pugiles sint impares virtute vel arte. De duello vide textum cum DD. de purgatione vulgari. cap. Cura suscepti. & 2. q. 5. can. Monomachiam, & Caietanum ad longum in S. Thom. 2. 2. q. 95. art. 8. Concil. Triden. sess. 25. cap. 19. de Reformatione.

LEX IIII.

Eorum est scientia puniendi, & seuerissimis meritò legibus vindicanda, qui magicis accincti artibus, aut contra salutem hominum moliti, aut pudicos animos ad libidinem deflexisse deleguntur. Nullis vero crimi-

criminationibus implicanda sunt, quæ sita humanis corporibus remedia: aut in agrestibus locis innocenter adhibita suffragia, ne maturis vindemijs metuerentur imbres: aut ventis & grandinis lapidatione quaererentur, quibus non cuiusq. salus, aut æstimatio lederetur: sed quorum proficit actus, ne diuina munera & labores hominum sternerentur.

THEODOSTIANVS rectius posteriora verba ponere videtur (sed quorum proficerent actus, ne diuina munera & labores hominum sternerentur) imò in Cod. illud (ne) in antiquioribus impressionibus, saltem non habetur.

Hæc L. cum satis multos effectus magis & maleficis attribuat, in primis breuibus, quæ literam concernunt, percurrenda sunt. Deinde mouendæ quæstiones occurrentes & resolvendæ.

In Superioribus actum est vt plurimum de eis, quæ spectant ad magiam diuinatricem: quæ autem in hac L. continentur, concernunt artes magicas operatrices.

Sicut bonæ scientiæ ad ornamentum vtilitatemq; Reipub. sunt promouendæ: ita malæ, cum tendant ad interitum communis salutis, merito legibus sunt vindicandæ, iuxta præsentem Legem.

Magi-

Magis artibus accincti malefici, mirabilia & humanam naturam excedentia opera perficiunt. Malefici dicuntur bene accincti diabolicis artibus: quia eis vtuntur tanquam armis quibusdam, ad impugnandum alios. Possunt & dici accincti in alio sensu: quia se promptos expeditosq; exhibent, ad actiones malas, pro Diaboli voluntate.

Magica vetitæ vanitates artes dicuntur: quia ex præscripto Dæmonum aut suorum ministrorum, certis ritibus & modis exercentur. Artem igitur magicam aut maleficam intelligimus, cognitionem, experimentum & exercitium diabolicarum operationum. Ars enim est potius habitus operatiuus, quàm speculatiuus, vt docent Aristot. lib. 6. Ethic. & S. Thomas 1. 2. q. 57. art. 3. Quare qui opera diabolica exercent, artem magicam exercere dicuntur. Nec est de ratione artis, vt quidam sentire videntur, vt ex libris addiscatur; quando improbant maleficas nullas scire artes, eo quod libros non habeant, imò vt plurimum legere nesciant. Sunt enim artes liberales: vt Grammatica, Poëtica, Rhetorica & cæteræ. Sunt etiam mechanicæ: priores ex libris addiscuntur: posteriores communiter ex instructione magistri: & inter has quædam sunt vilissimæ: vt vendere sal, oleum & huiusmodi similia. Bartol. in L. Ne quis. C. de dignit. lib. 12. Berthasch. in repertorio, verb.

Ars.

Ars. Ars magica refertur inter artes vetitas & reprobatas, quare dicitur legibus odiosa. C. de thesaur. L. Vnica. lib. 10. Reprobatae autem sunt, quia earum magister Dæmon est, qui eas docet vel immediate per se, vel mediate per suos ministros. Nec longum tempus ad discendum requiritur, cum ipse mille artifex sit; breuissimo tempore suos docet facere mirabilia quæ humanum ingenium superant. His addere possumus, maleficas etiam dici artes in alio sensu familiari non solum grammaticis, sed etiam legibus: ars enim significat astutiam, dolum, & fraudem ac singularem nocendi malitiam. can. Quicumque. 22 q. 5. Quacunque arte verborum quis iuret, Deus non decipitur: & C. de his, qui ad statuas confugiunt. L. 1. Si probati fuerint artibus suis (Glossa ibidem, id est, malitijs) inuidiam inimicis creare voluisse. C. de præscrip. triginta vel quadraginta annor. L. Omnes. Omnes nocendi quibuscumque modis artes omnibus amputatæ. C. de suffragio. L. 1. Si artibus moram neccant. Magicæ artis nomine rectè ergo intelligere possumus insigne nocendi studium, aut decipiendi malitiam, aut fraudem & dolum. Quid enim ex his omnibus desideratur in maleficis? Discipuli sequuntur præscriptum magistri, qui abundat malitia, nequitia, fraude & dolo.

Præterea circa illa verba L. (Nullis verò crimi-

criminationibus implicanda sunt quæ sita humanis corporibus remedia: aut in agrestibus locis innocenter adhibita suffragia, ne maturis vindemijs metuerentur imbres, &c.) Notât pleriq; Doctores Bart. Salyc. Godefrid. Azo & alij, incantationes ad finem boni, de lege civili esse licitas: Non autem de iure canonico, & in foro conscientie. Sed infrâ hoc dictum examinabitur. Angelus verò dicit: Nota, hîc posse incantari grandines vt non noceât: & intellige, in virtute diuina, non per inuocationem Dæmonum: quia istud est prohibitum omni iure.

Obseruandum quoq;, antiquis temporibus maleficos consueuisse sua maleficia & incantationes in agrestibus, siluestribus & occultis locis exercere: vt nunc etiam faciunt. Causas autem huius rei assignauimus in superiori tractatu. Quas cæteris latius explicant Paulus Grillandus lib. 2. de Sortileg. q. 4. & Iodocus Damhauderus in pract. Criminal. cap. 61. numero 119.

Circa finem L. considerandum est, quod maleficorum opera, diuina munera & labores hominum prosternantur & perdantur. Fructus terræ sunt diuina munera: quia etsi homo plasitet, DEVS tamen incrementum dat, vt crescant pro conseruatione hominum. Et sunt labores mortalium: Quia homo operibus manuum suarum terram fodit, serit se-

mina, & agros vineasq; colit. Vnde in Sacris literis fructus dicuntur etiam opera manuum. Aggæi 2. cap. Percussi vos vento vrenti, & grandine omnia opera manuum vestrarum. Iob. 1. Opera manuum eius benedixisti, & possessio eius crevit in terra. Sternuntur autem munera diuina, & labores hominum, quando malefici cooperantibus Dæmonibus aut insectis in herbis perdunt, aut iam flori propinquos segetes grandine, pruina, aut intempestivis imbribus lædunt, ne labores hominum debitum fortiantur effectum: aut grandinis lapidatione fructus iam colligendos excutiant, vel etiam vineas vis maturefcentibus inutiles reddunt. Perduntur enim labores hominum, quando ferè integro anno homines laborarunt, omnem substantiam impenderunt, & cum fructus iam propemodum maturi impediuntur, ne suum effectum consequantur. Hæc circa literę explicationem sufficiant.

QVÆSTIO. I.

An malefici possint animos ad amorem deflectere ac mouere, ut lex Constantini hoc in loco innuit?

IOANNES VVierus lib. 3. de præstigijs Dæmonum, cap. 38. fugillat Imperatorem in hac L. quod arte magica amorem conciliari sciperit.

In primis ex fidei principijs præsupponendum est, Diabolum non posse efficaciter cogere liberam hominis voluntatem ad peccatum, vt S. Thom. 1. 2 q. 80. arti. 2. & 3. ostendit. Mouetur autem homo indirectè à diabolo ad peccandum, qui tanquam potentior creatura, potest agere in materiam corporalem, & sic sensum vel interiorem vel exteriorem aliquando immutat: aut de nouo sensibile aliquod formando, aut formatum sensui obijciendo, aut spiritus & humores intus commouendo: Cùm autem summa sit coniunctio inter potentias sensitivas & rationales, motis sensitivis, indirectè mouentur rationales. Sic Diabolus, quando vult animum ad libidinem deflectere, aut ad odium, mouet exteriorem hominem caussis intrinsecis, deinde obiectum proponit sub ratione boni vel pulchri, vt ametur appetaturq;: aut sub ratione mali & deformis, vt efficiat hororem & odium, & hoc modo indirectè per modum persuadentis & proponentis obiectum vt appetendum, aut fugiendum, deflectit animum ad libidinem, aut odium: voluntas autem manet libera, licet aliquo modo trahatur, iuxta illud: Trahit suamque voluptas. His præmissis statuitur, **Conclusio resolutoria.**

Magi & malefici possunt animos pudicos ad libidinem & amorem deflectere, & verissimè Constantinus Imperator in d. L. attestatur,

Hæc est communis rectè sentientium Theologorum & Iurisperitorum doctrina. Probat in primis ex alijs ll. leges tradunt esse venena & pocula amatoria. L. 3. §. Adiectio. ff. ad L. Corneliam de Sicarijs: & ff. de pœnis. L. Si quis aliquid. §. Qui abortionis, aut amatorium poculum. Atq; has leges sequuntur Iurisperiti in d. ll. & alibi. Alberic. in Rubr. C. de hæretic. num. 6. Azo in hoc tit. de malef. & mathematicis. Bonifac. de Vitalinis in tract. de maleficis. Godefrid. in præsentī L. Angelus ibid. rectissime admonet his verbis. Nota, per incantationem animum mulierum ad libidinem flecti, & ideò non truferis, cùm audis istas facturas fieri, quia veræ sunt. Paulus Grillandus de Sortilegijs q. 3. & q. 12. Oldradus de Ponte, in consil. 210. incip. Regularis habet traditio. Panormitan. in cap. In tabulis, de Sortilegijs num. 4. Ioannes ab Anania ibidem in Rubrica. Petrus Anchar. ibid. in c. Ex tuarum. Et in lib. 6. de hæret. cap. Accusatus. §. Sanè: Hostiens. in summa, de Magistris. §. Quam scientiam. Franciscus Squillacens. de fide Catholica, cap. 8. & alij alibi. Theologi sequuntur. S. Hieron. super Nahum 3. c. Attribuit maleficijs & incantationibus, quod faciant amare ea, quæ odisse debuerant: & detestari, quæ amare debebant. Idem Hieron. lib. 3. commen. in epi. ad Ephes. cap. 6. Sunt quidam Dæmones amoribus & amatorijs canticis scruiētes, S. Thom. & Bona uent.

uent. in 4. sent. d. 34. Petrus Paludan. ibid. Tur-
 recr. in 33. q. 1. c. Si per fortiarias. Doctores mal-
 lei maleficarum. 1. part. q. 7. Alphons. Castren.
 lib. 2. de iusta heret. punitione, cap. 15. Michaël
 Medina lib. 2. de recta in Deum fide, cap. 7. &
 alij alibi. Ratio ducitur ex sacris literis, & ex-
 perientia. Dæmon, omnium rectè sentiētium
 iudicio, potest incendere hominem ad libidi-
 nem: Qua ratione dicitur spiritus fornicatio-
 nis, Osee 4. vt annotat Cassian. collat. 7. cap. 32.
 Ergo non potest alienum esse à magis & male-
 ficis: quia hi Dæmonum potestate sua perfi-
 ciunt maleficia. Ad hanc materiam faciunt
 exempla, atq; illud in primis de S. Cypriano
 memorabile est. Cùm enim S. Iustina Antio-
 chie frequētare Ecclesiam, visa est à quodam
 scholastico nomine Agladio, qui ob virginis
 pulchritudinem incidit in eius amorem, eam-
 que in vxorem petijt: quæ cùm omnibus ob
 eam causam aduentantibus diceret, quod
 Christo cœlesti sponso desponsata esset. Ira-
 tus cùm aliud medium non occurreret, abiit
 ad Cyprianum tum adhuc Magum, promit-
 tens ipsi duo tolenta auri, vt Iustinam malefi-
 cij caperet: Cyprianus magicis artibus Dæ-
 monem accersit, & ait illi: amo virginem de
 Galilæa (Christiani enim tunc vocabantur
 Galilæi) potes ne ei persuadere & adducere
 mihi? Qui promisit ei dicens: Accipe hoc me-
 dicamentum, & sparge circa domum eius, &

ego superueniens paternum sensum ei ini-
ciam, & statim obediet mihi. Cumque Cy-
prianus ita fecisset, sancta virgo tertia noctis
hora surgens ad orationem, sensit impetum
Dæmonis. Signauit itaque se, & domum suam
signo sanctæ Crucis, & Dæmonem in fugam
conuertit. Qui veniens ad Cyprianum confu-
sus, & eam virginem non adduxisset requisitus,
ait: Vidi quoddam signum Thau Iterum Cy-
prianus arte magica alium Dæmonem fortio-
rem vocauit, & simili modo fecit, & similiter
eidem accidit. Tandem vocauit Dæmonem
superiorem, & ait illi: Quænam est vestra in-
firmitas? victa est ab vna virgine omnis vestra
virtus? Respondit Diabolus. Nunc adducam
tibi eam ad desiderium, tu tantum paratus sis.
Tunc Diabolus in specie virginis ad Iustinam
intrauit, & sedens super lectum eius, eandem
tentando dixit: Hodie missa sum à Christo ad
te, viuere tecum in castitate: Multum autem
te video vexatam ab abstinentia. Sancta autem
virgo dixit: merces autem multa, labor verò
modicus. Dixit ei Diabolus. Deus in Para-
diso benedixit Adam & Euam, dicens: Cres-
cite & multiplicamini. Si ergo in virginitate
manserimus, in iudicium incidemus, quia
verbum Dei contemnimus. Tum virgo tur-
bata surrexit, & per spiritum sensit: quis esset
qui ei loqueretur, signo crucis se signans: quo
facto Dæmon disparuit, & Cypriano confusus

appa-

apparuit. Qui dixit ei: & tu victus es, vt cæteri
subiecti tui? Quomodo enim victi estis ab vnâ
virgine Christiana? Dic mihi quæ sit virtus vi-
ctoriæ eius. Qui respondit, dicere tibi non
possum: quoddâ vidi terribile signum Thau.
Si autem virtutem huius signi vis cognoscere,
iura mihi quod nunquam velis à me discede-
re. Qui cum iurasset, ait illi. Vidi signum cruci-
fixi, & Thau: & sicut cera à facie ignis fluxi.
Cui dixit Cyprianus. Ergo crucifixus maior
est? Qui respondit: etiam maior omnibus est:
quia desertores Dei accipiunt ab eo senten-
tiam ignis. Cyprianus autem ait: Festinabo
igitur, vt amicus siam crucifixi, ne talem pœ-
nam incurram. Diabolus respondit. Iurasti
namq; mihi. Cyprianus ait: Contemno te, &
omnes fumigantes virtutes tuas, meq; ipsum
tibi denego, & me consignans dico: Gloriam
tibi do Christe, & tu Dæmon recede à me.
Abijt ergo Diabolus confusus. Cyprianus ve-
ro errorem suum agnouit & propalauit, frau-
demque & seductionem diutnam, libris ma-
gicis in ignem coniectis, Vulcano dicauit: &
per eam Virginem, scilicet Iustinam, Christo
pulcherrimè desponsatus, sacraq; Christiano-
rum complexus est, paulatim in presbyterum
ordinatus, mox ad Episcopatum euectus, do-
ctrina & conuersatione clarus, consummate
virtuti martyrium adiunxit. Huius historia
Nicepho. Calist. lib. 5. histor. Ecclesiast. cap. 27.

Gregorius Nazianzen. in orat. in laudem Cypriani martyris. Metaphrastes apud Lipomanum tom. 6. de vitis Sanctorum, & apud Surium tom. 5. in mense Septemb. meminere. Ad eundem scopum illustre est, quod narrat S. Gregor. lib. 1. Dialog. cap. 4. Eo (ait) tempore, quo malefici in hac sunt vrbe Romana depræhensi, Basilus (qui in magicis operibus primus fuit) in monachico habitu Valeriam fugiens petijt. Qui ad virum Reuerendissimum Castorium, Amirtinæ Ciuitatis Episcopum pergens, petijt ab eo, vt eum Equitio Abbati committeret, ac sanandum monasterio illius commendaret. Tunc ad monasterium venit Episcopus, secumq; Basilium monachum adduxit, & Equitium Dei famulum rogauit, vt eundem monachum in congregationem susciperet. Quem statim vir sanctus intuens, ait: Hunc quem mihi commendas, pater, ego non video monachum esse, sed diabolum. Cui ille respondit: occasionem quæris, ne debeas præstare quod peto. Ad quem mox Dei famulus dixit: Ego quidem hoc eum esse denuncio, quod video: ne tamen me nolle obedire existimes, facio quod iubes. Susceptus itaque in monasterio est. Post non multos verò dies idē Dei famulus, pro exhortandis ad desideria superna fidelibus, paulò longius à cella digressus est. Quo discedente contigit, vt in monasterio virginum, in quo eiusdem patris cura

vigi-

vigilabat, vna earum, quæ iuxta carnis huius putredinem speciosa videbatur, febricitare inciperet, & vehementer anxari, magnisq; vocibus cum stridore clamare: Modò moritura sum, nisi Basilus Monachus veniat, & ipse mihi per suę curationis studium salutem reddat. Sed in patris absentia accedere quispiam monachorum in congregationem virginum non audebat: Quanto minùs ille, qui nouus aduenerat, cuiusq; vita adhuc congregationi ignota erat. Missum repenti est, & Dei famulo Equitio nunciatum, quod sanctimonialis illa immensis febribus æstualet, & Basilij Monachi visitationem anxie quæreret: Quo audito vir sanctus dedignando subrisit: atq; ait. Nunquid nam dixi, quod diabolus est iste, non monachus? Ite, & cū de cella expellite: sanctus autem vjr ancillam Dei monialem absens solo verbo curauit, ita vt neq; amplius febris laboraret, nec Basilium expeteret. Omnes autē monachi iussionem patris sui implentes, eundem Basilium ex monasterio repulerunt. Qui repulsus dixit frequenter, se cellam Equitij magicis artibus in aëra suspendisse, nec tamen eius quempiam lædere potuisse. Basilus autē non post longum tempus in Romana vrbe, exardascente zelo Christiani populi, igne crematus est. Hæc ex Gregorio. Haud dissimile narrat B. Hieronymus in vita S. Hilarionis. Erat enim iuuenis Emporij Gazensis, qui vir-

ginem deperibat, id est, vehementer amabat. Qui cum frequenter tactu, iocis, nutibus, sibilis, & cæteris huiusmodi, quæ solent morituræ virginitatis esse principia, nihil profecisset, perrexit Memphim. Anno elapso magicis artibus instructus, ab AEsculapij vatibus redijt, & subter limen domus puellæ tormenta quædam verborum, & portetofas figuras sculptas in æris Cyprij lamina defodit, & ilicò amore insanire virgo, & amictu capitis abiecto, rotare crinem, stridere dentibus, inclamare nomē adolescentis: magnitudo quippe amoris eam in furorem verterat. Perducta ergo à parentibus in monasterium seni traditur, ululante statim & confitente Dæmone. Vim sustinui, inuitus sum abductus: quàm bene Memphis somnijs homines deludebam? O cruces, O tormenta, quæ patior. Exire me cogis, & ligatus sub limine teneor. Non exeo, nisi me adolescens, qui tenet, dimiserit. Tunc senex: Grandis ait, fortitudo tua, qui licio & lamina strictus teneris. Dic, quare ausus es ingredi puellam Dei? vt seruarem, inquit, eam virginem. Tu seruares proditor castitatis? Cur non potius in eum, qui te mittebat, es ingressus? vt quid, respondit, intrare in eum, qui habebat collegam meum amoris Dæmonem? Noluit autem sanctus, antequam purgaret virginem, vel adolescentem, signa iubere perquiri, ne aut solitis incantationibus recessisse Dæmon videretur,

aut

aut ipse sermoni eius accommodasse fidem:
asserens fallaces esse Dæmones, & ad simulan-
dum esse callidos: & magis reddita sanitate in-
crepuit virginem, cur fecisset talia, per quæ
Dæmon intrare potuisset. Hæc ex Hierony-
mo. His accedunt Poëtæ & naturales, qui faci-
unt mentionem de Philtro & Hippomane.
Ouid. lib. 2. de arte amandi.

Philtra nocent animis, vimq. furoris habent.

Et Propertius lib. 4. in Ienam quandam.

*Consuluit striges nostro de sanguine, & in me
Hippomanes saxa semina legit equa.*

Iuuenalis Satyra 6.

*Hic magicos adfert cantus, hic Thessalæ vendit
Philtra, quibus valeant mentem vexare mariti.*

Hippomanes à doctis refertur inter ve-
nificia amatoria, & est caruncula quædam,
quæ in pulli equini fronte confurgit, quæ e-
uulsa & in puluerem conuersa ad amorem
concitandū dicitur efficacissima. De hoc Hip-
pomane agunt Aristoteles de natura animan-
tium lib. 6. cap. 22. Plinius lib. 8. histor. natura-
lis cap. 42. & Seruius lib. 3. Georgicorum in il-
lud Vergilij.

*Hinc demum, Hippomanes vero quod nomine dicunt
Pastores.*

Dicit

Dicit Aristoteles, quod Hippomanes petitur & percipitur à veneficis mulierculis. Philtrum autem latinè dicitur amatorium. Vnde Philtrum communiter vsurpatur pro genere veneni, amorem & insaniam inferentis : & sic tradunt frequētissimè hominem ad furorem & insaniam concitare : & aliquando sequitur mors. Quare Doctores quando agunt de pœna propinantis poculum amatorium, distinguunt, an sequatur mors, vel non. Vt infra q. 3. Id tamen obseruandum est, quod licet quædam naturalia vim habeant ad accendendum libidinem, & commouendum animos in genere : non tamen eis inest naturalis vis, vt in hanc personam potius animus feratur, quàm in illam : sed hoc contingit operatione Dæmonis, qui cum mago aut malefico ex pacto concurrat ad procurandum amorem in illa persona, in cuius perniciem maleficus sua signa dirigit. Tamen hoc etiam annotandum est, vt Michaél Medina loco citato tradit, quod est differētia inter ea, veneficia amatoria, quæ à verbis : & ea, quæ à potionibus, aut rebus descendunt : quod priora minus sunt periculosa, vt pote quæ tantum diabolica suggestionē imaginationem perturbent : Posteriora autem præter hanc inuasionem, etiam corporali èstro libidinis vexent, & ita plerumque insania committetur.

QVAE.

QVAESTIO II.

De veneficijs & poculis amatorijs.

An sapiant hæresim, vel spectent ad peccatum hæresis pocula amatoria?

DISPUTANT Doctores vt plurimùm locis citatis in principio superioris q. Pro termini intelligentia, nota (sapere hæresim) nihil aliud esse, quàm vehemẽtem hæresis suspicionem præbere. Vnde quâdocumq; aliquod factum, aut dictum grauem præsumptionem hæresis offert, hæresim sapit. Deinde in maleficiorum distinctione & cognitione voluntas intentioque inspicienda est, quid operans intendat, quis eius sit finis, quam fidem habeat in applicatione rerum, quibus vtitur. Aliquando enim adhibentur naturalia, quæ nullam habent efficientiam in ordine ad effectum producendum: aliquando sacramenta & sacramentalia, quibus etiam nullus inest effectus ad tam sceleratum finem. Nunc pro resolutione, quum varietas rerum efficiat decisionis diuersitatem, sit

Prima Conclusio. Si sortilegia amatoria ita fiant, vt in illis adsit inuocatio Demonis per modum adorationis, apertè sapiunt hæresim.

OLDRA-

OLBRADVS in conf. 210. Grilland. in q. 10.
de Sortilegijs, & alij ubi fuprà.

*Secunda Conclusio. Etiam si non fi-
ant per modum adorationis, modò in talium
maleficiorum exercitio expetatur, & expe-
ctetur à Damone aliquid, quod soli Deo face-
re conuenit, sapiunt hæresim.*

Quia tribuitur creaturæ quòd Deo debetur.

*Tertia Conclusio. Si inuocetur sim-
pliciter Damon ad tentandum pudicitiam
hominis, licet grauißimum sit peccatum su-
perstitionis, non tamen sapit hæresim.*

CONCLUSIO est communis Doctorum.
Ratio: quia in casu huius conclusionis tri-
buitur Diabolo, quod eius proprium est, sci-
licet tentare, vnde tentator dicitur, Matth. 4.

*Quarta Conclusio. Ab illis, qui ama-
toria maleficia exercent, inquirendum est
cum diligetia, an credant maleficia, aut Da-
monem posse cogere alicuius viri, vel fami-
næ voluntatem ad amorem inhonestum.*

QUOD si hoc credant, vehemens est hære-
sis suspicio, & si instructi de veritate, ac-
quiescere nolint, tanquam hæretici sunt ha-
ben-

lendi. Quia credere, hominis voluntatem à Dæmone, aut malefico efficaciter cogi ad amandum aliquem, vel aliquam: hæresis est aperta, cum repugnet libertati à Deo nostrę voluntati inditę. Si enim voluntas à Dæmone cogitur ad aliquem amandum, iam non est libera, nec in manu consilij sui, secundum Salomonem in Ecclesiast. 15. cap.

Quinta Conclusio. Omne maleficium, quod exercetur per commixtionem alicuius sacramenti, aut rei sacramentalis, reddit ipsum operatorem de hæresi suspectum.

HANC Conclusionem tradunt Panormit. in cap. 1. de Sortilegijs ex Glossa lib. 6. de hæretic. cap. Accusatus. §. Sanè, & Alphonfus Castrens. loco citato, contra Oldradum & Grillandum. Ratio clara est. Sapere hæresin nihil aliud est, quàm fortem præbere hæresis suspicionem. Quis autem ad tam abominabilem vsum res sacras adhiberet, nisi aut effectum habere existimet, aut nullius esse momenti iudicet, & sic contemnat mysteria nostrę salutis: quę an non sapiant hæresin, quisq; æquus rerum æstimator facillè animadvertet.

QVÆSTIO III.

Quæ sit pœna præbentis poculum amatorium?

VT huius quæstionis resolutio fiat, prænotandum: quod quando poculum amatorium præbetur; aut sequitur mors, aut non sequitur. Præterea aut tale poculum sapit hæresin, aut non. Tandem aut componitur ex naturalibus medijs, sine vlla arte diaboli: aut magica arte efficitur tale poculum.

Prima conclus. Quando poculum amatorium conficitur tali modo, qui sapit hæresin punitur pœna hæresis.

GRILLAND. in tractat. de Sortilegijs q. ii. Menochius casu 388. num. 4. Petrus Gregorius Tholosanus in 3. parte Syntagmatis iuris vniuersilib. 34. cap. 12. num. 9. Ratio clara est: quia pœna sequitur naturam delicti, & eidem commensuratur.

Secunda Conclusio. Dans poculum amatorium ad malum finem, si ex eo mors sequatur, quomodo cumq; sit compositum, tale poculum, punitur pœna mortis.

Sic scribit Petrus Crinitus in lib. de Poëtis latinis cap. 19. quod Lucretius assumpto, poculo

culo amatorio ita furore percitus sit, vt propria manu mortem sibi intulerit. Et Plinius lib. 25. natural. hiftor. cap. 3. narrat de Lucullo, quod hausto poculo amatorio, vitam finierit. Dicta conclusio constat ff. de pœnis. L. Si quis aliquid ex metallo. §. Qui abortionis. vbi expresse decernitur, quod si mulier ex poculo abortionis, vel amatorio, aut vir pereat, vltimo supplicio dans afficiatur. Ibidem Bartol. Grilland. de Sortileg. q. 12. Damhauderius in practica Crimin. cap. 61. num. 88. Menoch. lib. 2. de arbitr. Iudic. qq. cas. 358.

Tertia Conclusio. Si quis arte malefica & magica animum hominis ad amorem illicitum deflectat, pœna vltimi supplicij punitur, etiamsi mors non sequatur, sistemus in d. L. Eorum.

PROBAT Grilland. q. 11. num. 7. Quia dicta L. æquiparat, quantum ad pœnas, illos maleficos, qui flectunt pudicos animos ad libidinem, & illos qui contra salutem hominũ molliuntur, & statuit eos seuerissimis legibus vindicandos. Eandem Conclusionem docent Menoch. lib. d. casu 383. num. 5. & Petrus Gregor. loco cit. nu. 11. Ratio est etiam in promptu. Quia arte magica & diabolica vti, tam secundum legẽ diuinam, quàm ciuilem, capitale est vt infra latius patebit in L. Nemo Aruspicem.

Quarta Conclusio. *Præbens poculum amatorium absq̃ arte magica, si mors non sequatur, punitur extraordinariè ad iudicium iudicis, pro varietate circumstantiarum occurrentium.*

MENOCH. in d. casu 358. & Petrus Gregor. loco citat. & alij alibi. Ratio est: quia tenet pudicitiam, quæ res est turpissima, & pessimi exempli: olim tamen, vt clarum est ex text. & Gloss. in d. L. Si quis aliquid ex metallo. §. Qui abortionis. de lege ciuili humiliiores in metallum damnabantur, honestiores in ipsam, amissa etiam parte bonorum, relegabantur. Et quia hisce temporibus pœnæ relegationis & effodiendi metallum in vsu non sunt, iudicis arbitrio talis puniendus est.

QV AESTIO IIII.

An malefici possint inducere pluias, tempestates, grandines, & similia meteorologica, quibus fructibus, aut seminibus noceant, vt d. L. significat.

IOANNES VVierus lib. 6. de præstigijs Dæmonum, cap. 27. & alibi, dicit, Christianum Imperatorem in his LL. locutum, non quasi ipse crediderit, vel alios credere voluerit, eiusmodi miracula siue calamitates ab homini-

minibus per malas magicasq; artes edi ac perfici; sed ita potius accipienda, quali desumpta & scripta ex opinione vulgi, & secundum communem loquendi formam. Quanquam, inquit, si auctoritatem spectemus, quis est qui ambigat, in hoc negotio iuri diuino summam tribuendam & fidem & reuerentiam? In causis enim definiendis, ijs præfertim, quæ spectant ad animum, cuiusmodi nostra est, dicta Patrum & canonum legibus sunt præferenda. Panormit. in cap. Super illa, de secundis nuptijs, neq; leges ipsæ dedignantur sacros canones imitari. Authent. vt cleric. apud proprium Episcop. in fine. Hæc VVierus, quem sequitur Ioannes Georgius Godelmannus Iuris peritus lib. 2. de Lamijs cap. 7. à nu. 5. Antequam huic quæstioni satisfiat, ad rei cognitionem quædam sunt præmittenda.

Primum. Deo permittente, natura corporalis nata est moueri ab angelo, tam bono, quam malo, motu locali, vt tradunt S. Augustin. lib. 3. de Trinitat. cap. 8. & 9. & S. Thom. 1. par. q. 110. artic. 3. & 1. 2. q. 80. artic. 2. ac alij Theologi in 2. d. 7. Quæcunque ergo solo motu locali fieri possunt, hæc per naturalem virtutem Dæmones (nisi diuinitus prohibeantur) facere possunt. Venti autem & pluuies, grâlines, & similes meteorologi. & impressiones, ac aeris perturbationes, solo motu vaporum resolutorum ex terra & aqua fieri possunt.

Vnde ad huiusmodi procreanda naturalis virtus Dæmonis sufficit: & vt hoc clarius, pateat, *Secundo loco pramittendum*, causfam efficientem vniuersalem & remotam horum meteorologicorum effectuum, ex Aristotele, Alberto & alijs, in lib. Meteorologicorum, esse calorem solis & aliarum stellarum, quæ lumine & influentia sua agunt in aquam & terram, quæ sunt elementa vaporabilia & ea mouent: morantur ex sua dispositione naturali vapores: ex quibus generantur impressiones humidæ in aëre, qui aptus est ad recipiendum hos vapores. Eleuantur autem quatuor vapores ex dictis elementis, virtute solis & stellarum. Primus siccus & calidus est, qui ascendens vsque ad summam siue supremam aëris regionem, prope spheram ignis, inflammatur, & ex eo generantur impressiones ignitæ. Secundus est calidus & humidus, qui quando recipitur in prima aëris regione, quasi semper conuertitur in aerem, nisi intensa aëris frigiditas impediatur: Cum enim in qualitatibus assimuletur aëri, & in habentibus symbolum facilius sit transitus: facillimè in aerem conuertitur, ita quod ex eo rarissimè generetur impressio aliqua meteorologica. Tertius est frigidus & siccus, & hic efficit ventum & terræ motum. Quartus est frigidus & humidus, qui ascendens causat omnes impressiones aqueas: aliquas per condensationem, vt rorem & pluuiam: alias per

per congelationem, vt pruinam, grandinem & niuem. Vapor autē humidus distinguitur, per subtilem & crassum: ex subtile generatur ros & pruina: ex crasso reliquæ aqueæ impressiones oriuntur. Cum autem non rarè pruina & grandine nostri malefici nocumenta inferant, de his ex naturalibus aliqua altiùs sunt repetenda. Quoniam pruina ex frigiditate nocturna intensa & acuta generatur, maximè flante vento Boreali, eius effectus est, quod mortificet vegetabilia, vt patet omnibus ad sensum. Est enim pruina omnino frigida, & tendit ad siccitatem, quæ duo sunt causa mortis, ex Aristotele in lib. de causa vitæ & mortis: Sicut è contrario ros viuificat vegetabilia, quoniam temperatè est calidus & humidus. Calidum autem & humidum temperatè mixta, sunt causa vitæ, vt patet in æstate, quando manè ex nocturno rore omnia virescunt. Hæc virtus pruinæ patet etiam ex illo Psalmi 77. Et occidit in grandine vineas eorum, & morose eorum in pruina. Atque hinc apparet ratio, quare nostri malefici & sæpe tempore Veris, quando omnia terræ nascentia virere & florere incipiunt, & adhuc teneriora sunt, pruinam generent, & sæpius eo tempore in congregationibus suis sceleratis tractatus ineant de generatione pruinæ. Grando fit in nubibus à terra longinquis, eleuatis in altum. Cuius generationis causa est calor, qui est in vapore ascendente à terra &

aqua: quare plus generatur in partibus & temporibus calidis, quàm frigidis. Quando enim in aëre est multitudo caliditatis, aperitur nubes ex caliditate, & calor extenditur in aëre: & ideo totum frigus tanquam contrarium calori ab aëre repellitur, & recipitur ad vnum locum in interiora nubis. Sicut videmus in pane cōgelato, si igni apponatur, repentinè in medio panis frigus colligitur, & ibi fit durissimus ex congelatione. Sic in nube vndiq; calefacta exterius, frigus contrahitur ad interiora. Ac stillæ pluviæ ventis & frigore congelantur, & in lapides grandinis mutantur: & cum sint naturæ aqueæ, congelantur in modum guttarum aquæ, & fiunt lapilli rotundi & parui. Quando autem multæ guttæ conglobantur in vnum, & sequentes cum præcedentibus coniunguntur, fiunt longioris formæ grādines, & excedunt solitam quantitatem, & quandoq; non solum bestias, sed etiam quæcunque terrestria lata & frumenta concutiunt & conterunt. Effectus grandinis in primis est mortificatio fructuum, & nascentium terræ, quæ non solum prouenit ex percussione, sed etiam ex frigiditate intensa, quæ est rei viuētis mortificatiua, ex Aristotele in lib. de causa mortis & vitæ. Deinde vt plurimum fructus illo anno percussos facit amaros: quoniam cū generetur ex calidissima nube, habet aliquid de adusto, quod vvas præsertim à grandine ta-

Ata adurit, vt patet ad sensum, quādo vix nec
dum matura grandinis lapidatione tangitur,
& quatiantur. Est & aliud notandum in gra-
dine, aliquando si granum diuidatur in me-
dio, habet partes nigras, per modum circuli
depicti: cuius ratio est, quoniam habet multū
de terrestri impuro, quod vt magis densum
tendit ad medium grani, vtpote magis graue.
Et quod sit ibi multum de terrestri impuro,
signum est, secundum Albertum in 2. lib. Me-
teor. tract. 1. ca. 20. quod aliquando in frustis
grandinis inueniuntur pili, paleæ, & frustula
ligni, quæ eleuauit sol cum vapore humido,
qui est materia grandinis. Quare aliquando
simplices, qui causas rerum naturales igno-
rant, quando aliquid huiusmodi grandini in-
clusum animaduertunt, statim suspicantur et
se negotium diabolicum, cū tamen sit opus
naturale. Inuenimus autem in Scriptura, sæ-
pissimè Deum Optimum Maximum puni-
uisse homines grandinis lapidatione. Exod. 9.
cap. Extende manum tuam in cælum, vt fiat
grando in vniuersa terra Aegypti, super ho-
mines, & super iumenta, & super omnem
herbam agri, in terra Aegypti. Extenditque
Moyse virgam in cælum, & Dominus dedit
tonitrua & grandinem, ac discurrentia fulgu-
ra super terram, pluitq; Dominus grandinem
super terram Aegypti. Et grando & ignis missa
pariter ferebantur, tantæq; fuit magnitudinis,

quantæ antè nunquam apparuit in vniuersa terra Aegypti, ex quo gens illa condita est. Et percussit grando in omni terra Aegypti cuncta, quæ fuerunt in agris, ab homine vsque ad iumentum, cunctamque herbam agri percussit grando & omne lignum regionis confregit. Iosue 10. Cum fugerent filios Israel hostes, misit Dominus super eos lapides magnos, & mortui sunt multo plures lapidibus grandinis, quam quos gladio percusserunt filij Israël: Aggæi 2. Percussi vos vento vrenti, & aurugine, & grandine omnia opera manuum vestrarum, & non fuit in vobis, qui reuerteretur ad me, dicit dominus. Sap. 5. Esaia 30. & alibi similia habentur de pœna grandinis. Quare nunc etiam non est mirum, hominum peccatis id exigentibus, si mediante opera Dæmonum & malorum hominum, permittat grandinis lapidatione nos puniri.

Tertium præmittendum. Regula est Theologorum, quam ponit Martinus Arles in tract. de superstitionibus, & elicitur ex Doctoribus in 2. sentent. d. 7. & 8. & in 4. d. 34. quod malefici, procurante Dæmone, omnibus modis possunt procurare nocumenta & læsiones, in hominibus & eorum rebus, quibus potest Dæmon lædere: Qui malefici, diuina permissiōe præcedente, concurrunt cum Dæmone, ad vnum eundemque effectum, tanquam causæ partiales, vt alibi dictum est, & clariùs est quam vt regat

ut egeat probatione: per pactum enim tacitum aut expressum coniunguntur homo & Dæmon, ad operationem effectuum, homini quidem per se impossibile. Homo voluntatis consensu concurret ad actum suas vires superantem, ac etiam extremum nonnunquam actum exercet, quo Dæmonem in auxilium vocat, ut exequatur suam voluntatem pessimam. Qui Dæmon tunc immediatè concurret ad efficientiam actus. Quare valde malè argumentantur in hac materia, qui arguunt: homini nec vires suppetunt nec potentia adest, ut guttam aquæ efficere possit: ergo malefici non possunt grandinis lapidatione, aut intempestiuis imbribus nocere. Quia malefici concurrunt cum Dæmone, qui potest huiusmodi Meteorologica in perniciem hominum, Deo permittente, excitare: & quando sic concurrimus, perinde est ac si nos faceremus, nobisque imputatur ad culpam. Quæ enim per nostros facimus, perinde imputantur, ac si nos faceremus. Quia sic paria sunt, aliquid per se, vel per alium facere. L. Item eorum. §. i. ff. quod cuiusque vniuers. nom. L. hoc iure. §. i. ff. de regul. iuris. & L. Is damnum. ff. eod. tit. Certum autem est Dæmonem posse excitare grandines & tempestates, quamuis VVierus neget, in Epistola ad Ioannem Brenzium, de concione eius habita de Grandine. Quia clarum est ex Iob. i. quod Sathanas effecit, ut ignis

de cœlo caderet, qui consumeret pecora Iob. Et iterum: vehemens ventus irruit à regione deserti, & concussit quatuor angulos domus, quæ corruens oppressit liberos. Atque hunc ignem à Diabolo procuratum textus clarus indicat, & attestantur S. Augustin. in Psalm. 77. ubi ostendit, Dæmonem multo maiorem habere ætionem in Elementa, quam homo habeat. S. Thom. in cap. 1. in Iob Dionysius Carthusianus ibidem, & alij Doctores, & in Psalm. 77. Tradidit grandini iumenta eorum, & possessiones eorum igni. Misit in eos iram indignationis suæ, indignationem & iram & tribulationem, immisiones per angelos malos. Apocalyp. 7. Post hæc vidi quatuor Angelos stantes super quatuor angulos terræ tenentes quatuor ventos, ne flarent super terram, neque super mare, neque in ullam arborem. Et vidi alterum Angelum ascendentem ab ortu solis, habentem signum Dei viui: & clamauit voce magna quatuor angelis, quibus datum est nocere terræ & mari, dicens. Nolite nocere terræ & mari, neq; arboribus, quoad usque signemus seruos Dei in frontibus eorum. Glossa ordinaria in illum locum ait: quatuor illos Angelos fuisse Dæmones. Catholica ergo Theologorum & Patrum doctrina est, Deo permittente, Dæmonem posse efficere impressiones meteorologicas, in perniciem hominum. Arguit

VVierus

V Vterus in dicta Epist. cōtra hanc Catholicam
veritatem. Impium est & idololatriæ confor-
me, tribuere creaturæ, quod conuenit creatori.
At Deo secundum sacras literas tribuitur, con-
dere & efficere grandinem & pluuiam: Hiere-
miæ 9. Nunquid sunt in sculptilibus gentium,
qui pluant? Exod. 9. Dominus dedit tonitrua
& grandinem. Iob. 38. Nunquid ingressus es
thesauros niuis, aut thesauros grandinis asperi-
xisti? Iosue 10. Agg. 2. his scripturis & similibus
V Vterus ostendere studet, & Brentzius, mode-
ratiùs tamen, Dæmonem non posse procurare
ignem, pluuiam aut grandinem: & ita multo
minus posse maleficos & magos. Sed vt robur
huius argumenti clarè pateat rudibus, qui di-
stinctionem rerum non cognoscunt, in si-
mili ostendam solum habere apud indoctos
apparentiam, & nihil roboris. Scriptura tribuit
Deo, quod sit auctor mortis & vitæ, occidat &
vivere faciat, percutiat & sanet. Ergo huiusmo-
di effectus tribuere hominibus impium est,
& idololatriæ conforme. Ergo non est di-
cendum, quod homo occidat, percutiat, aut
medicus vitam conseruet, aut sanet, aut homo
sit auctor vitæ, siue parens, & sic de similibus.
Antecedens probatur Deuteronomij 32. Vide-
te quod ego sum solus: ego occidam, & ego vi-
uere faciam: percutiam, & ego sanabo, & non
est, qui de manu mea possit eruere. 1. Reg. 2. ca.
Dominus mortificat & viuificat. Sap. 16. Tu es
Domine,

Domine, qui vitæ & mortis habes potestatem & deducis ad portas mortis & reducis: & Tobie 13. Magnus es Domine in æternum, & in omnia secula regnum tuum: quoniam tu flagellas, & saluas: deducis ad inferos, & reducis, & non est qui effugiat manum tuam: similia alibi in scriptura habentur. Nunc pro dissolutione huius nodi, notandum est, quod secundum veram philosophiam, & etiam Theologiam, Deus est prima principalis & independens causa efficiens, sua propria virtute, omnium rerum: sic tamen, ut res creatæ non careant sua virtute agendi, quam Creator in creatione indidit. Quare Deus est factor & fator rerum omnium, & operatur omnia in omnibus: ita tamen, ut creaturæ in ordine suo etiam operentur. Est Deus auctor vitæ & mortis. Sol tamen & homo generant hominem, ut rectè auctor Aristot. est; cum concurrant ad vitæ introductionem, & cooperentur. Principalis ergo causa est Deus, particulare agens in ordine suo est causa minùs principalis. Iam ad argumentum respondetur: Deus optimus Maximus est causa principalis independens, & primaria omnium impressionum Meteorologicarum, qui causas naturales ad hoc ordinavit, ut hisce effectibus inferuiant. Qui etiam pro sua voluntate, cum non dependeat à causis naturalibus, sine his particularibus potest producere propria virtute similes effe-

effectus, quod nulli creaturæ competere potest, cum de eius intrinseca & essentiali ratione sic habere esse communicatum & participatū ab alio, scilicet creatore. Quantum autem ad inditam naturam spiritualium substantiarum, tanta eis data est in creatione naturalis operandi potestas, quæ per peccatum non est diminuta, secundum communem Theologorum doctrinam, ut nulla ei super terram valeat comparari: sicq; ex naturali etiam rerum ordine, cum substantia corporalis, utpote imperfectior, infra spiritualement sit quantum ad motum localem: Elementa subsunt operationi Angelorum tam bonorum, quam malorum, ut S. August. in d. Psal. 77. & in 3. de Trinit. cap. 8 & S. Thom. 1. part. q. 110. art. 3. & in c. 1. Iob. & alij Theologi in 2. d. 7. ac alibi docent. Dæmones autem, in productione talium effectuum Meteorologicorum, nihil aliud faciunt, nisi Deo permittente coniungunt aut continuant, naturali sibi virtute communicata, causas à Deo ordinatas per motum localem, quod fieri posse constat ex nunc dictis, de potestate Dæmonis, & ex alijs suprà in 2. præmisso, de generatione Meteorologicorum. Utuntur ergo Dæmones causis naturalibus ad pluendum, & generandum grandinem, pruina, fulgura, aut ventum à DEO ordinatis aliquando quasi extraordinariè & artificialiter ad pluuiam, ventum & similia producendum.

His præ-

His præmissis nunc quæstioni satisfaciendum.

Conclusio responsiva. *Certissimum & nullatenus dubitandum est, maleficas & sagas, cooperante Damone, posse mouere tempestates, intempestiuas imbribus, & grandinis lapidatione nocere hominibus, ut Christianissimus Imperator in L. hac indicat.*

PROBATVR Conclusio. I. Elementa subiacent operationi Dæmonum, ex communi Theologorum doctrina, quantum ad motum localem, vnde ea possunt conturbare. 26. q. 5. can. Nec mirum. Magi sunt, qui vulgò malefici, ob facinorum magnitudinem nuncupantur: hi sunt, qui permissu Dei elementa concutiunt: quæ verba Isidor. lib. 8. Ethymolog. cap. 9. ponit, & infrà in L. Multi: verbo, Elementa turbare. Ad huius Constantini L. mentem accedit Innocentius Octauus, in Bulla præmissa Malleo Maleficarum, quam infra post finem libri, cum alijs hanc materiam concernentibus subiiciemus. In hac Bulla multi tribuuntur effectus maleficis. Sanè nuper ad nostrum non sine ingenti molestia peruenit auditum, quod in nonnullis partibus Alemaniæ superioris, nec non in Moguntinen. Colonien. Treuiren. Saltz-

Salzburg. & Bremen. prouincijs, ciuitatibus, terris, locis & Diocelibus, complures vtriusque sexus personæ, propriæ salutis immemores, & à fide Catholica deuiantes, cum Dæmonibus incubis & succubis abuti, ac suis incantationibus, carminibus, & coniurationibus, alijsq; nefandis superstitionibus, & sortilegijs, excessibus, criminibus, & delictis, mulierum partus, animalium sætus, terræ fruges, vinearum vuas, & arborum fructus, nec non homines, mulieres, pecora, pecudes, & alia diuersorum generum animalia, vineas quoque, pomeria, prata, pascuâ, blada, frumenta, & alia terræ legumina perire, suffocari, & extinguere facere & procurare, ipsosque homines, mulieres, iumenta, pecora, pecudes, & animalia diris tam intrinsecis, quàm extrinsecis doloribus, & tormentis, afflicere, & excruciare, ac eisdem homines negignere, & mulieres ne concipere, virosq; ne vxoribus, & mulieres ne viris actus coniugales reddere valeant, impedire: Fidem præterea ipsam, quam in sacri susceptione Baptismi susceperunt, ore sacrilego abnegare: Aliaq; quàm plurima nefanda, excessus & crimina, instigante humani generis inimico, committere & perpetrare non verentur, in animarum suarum periculum, diuinæ Maiestatis offensam, ac perniciosum exemplum ac scandalum plurimorum. Sequuntur Theologi: S. Augustin. lib. 8. de Ciuit. Dei. cap. 19. Ildorus loco

loco cit. S. Thom. in 2. d. 7. & 8. Doctores malefici maleficarum 2. part. q. cap. 15. Syluest. in summa. verb. Maleficium. Ioannes Nider in fornicario. Alphonsus Castrensis lib. 2. de iusta hæret. punitione c. 15. Nicolaus Iaquierius in flagello hæreticorum, & alij alibi. Consentunt Iurisperiti Bartol. Angel. Azo. Salyc. Godefrid. in d. L. Eorum. Bonifacius de Vitalinis in tract. de maleficijs, in cap. de Sortileg. & mathem. Ioan. ab Anania. in cap. 1. de Sortileg. Paulus Grilland. lib. 2. q. 6. & alibi. Ioan Bodin. lib. 2. de magorum Dæmonomania cap. 8. & in confutatione Ioannis VVieri. Petrus Gregorius Tholosanus in Syntagm. iuris vniuersi, cap. 11. num. 12. & c. 13. li. 34. part. 3. Vlricus Molitor Constantiensis, in Dialogo ad Sigismundum Archiducem Austriæ, cap. 1. & alij alibi. His accedit sententia etiam Ethnicorum, qui firmiter crediderunt incantationibus nocumenta frugibus & satis inferri. Vnde illa lex 12. tabularum L. 53. extat. Qui fruges excantasset, pœnas dato: ne uel alienam segetem pellexeris excantando ne incantanto, ne agrum defruganto, VVierus in lib. de Lamijs cap. 12. ad hanc L. sic respondet. Hic & explodenda venit, illa duodecim tabularum lex: Qui fruges excantasset, &c. Nullo siquidem modo incantationum verbis & imprecationibus fruges lædi queunt: sed ne à Dæmone quidem Deo concedente, aut veneficijs, multo minus ex
traduci

traduci aliò possunt. At huius persuasionis
colostrum ex Poëtarum vberibus suxerunt
veteres, ad nos quoq; deriuatum. Hæc VVie-
rus. Godelmanus loco cit. num. 17. respondet:
Si legillatores 12. tabularum cognitionem re-
ligionis Christianæ habuissent, hanc certè le-
gem non tulissent, quâ ex libris veterum Poë-
tarum conscripserunt. Hæc ille. Sed hanc legē
12. tabularum approbant alij magni nominis
viri, tam Christiani quàm Ethnici. S. August.
lib. 8. de Ciuit. cap. 19. Lodouic. Viues in com-
ment. eiusdem cap. Francisc. Balduinus Iuris-
consult, & alij in d. L. 12. tabularum. Iacob. Me-
noch. de arbitrarijs Iudicium quæstionib. lib.
2. casu 388. Ioan. Bodin. loc. cit. Petrus Gregor.
Tholosanus in d. c. 11. Petrus Matth. in 7. de-
cretal. in tit. de malef. & incantator. cap. vlt. in
notabili. Lambert. Danæus in Dialogo de Sor-
tarijs cap. 3. & alij alibi. Accedunt prædictis,
ex Ethnicis, in confirmationem d. legis. Cice-
ro in lib. de Republ. quem ad hunc effectum
citât August. Plinius lib. 28. naturalis historiæ
cap. 2. & lib. 30. cap. 1. Eiusdem sententiæ est
Vergilius Elogia 8.

Atq; satas aliò vidi traducere messes.

Et Ouid. lib. 3. de amore.

Carmine lasa Ceres sterilem vanescit in herbam,

Deficiunt lasi carmine fontis aqua.

Illisibus glandes, cantataq; vitibus vna

Decidit, & nullo poma mouente fluunt.

. N D

Neq;

Neque enim quia Poëta veritatem dicunt, ideo veritas reiicienda est, nam multa ad hominum vtilitatem cecinerunt. Quare non raro Sancti Patres eorum auctoritate etiam videntur, ut est videre apud Augustin. in lib. de Ciuit. qui illud Verginij positum loc. cit. adducit. Et apud Euseb. de præparat. Euangel. Hieron. in diuersis locis, & alios.

Confirmo legem d. 12. tabularum latius. Sacrae literæ, & Sancti canones prohibent incantationem, & ei aliquam vim tribuunt: ergo aliquam vim habet incantatio: aliàs si titulus sit sine re, frustra S. literæ & canones sub pœna prohibent. Antecedens confirmatur. Deuter. 18. Nec inueniatur in te maleficus, &c. Aut incantator. Psalm. 57. Venefici incantantis sapienter. Ecclesiast. 12. Quis miserebitur incantatori? Et in can. 26. q. 5. can. Si quis, & can. Nec mirum: & ibidem q. vlt. can. Admoneant. Et sancti Patres August. lib. 2. de doctrina Christiana ca. 20. Chrysost. serm. 7. de fato. S. Thomas 2. 2. q. 96. artic. 2. S. Antonin. 2. part. tit. 12. cap. 1. §. 12. Summistæ in verb. Incantatio. Si ergo incantatio aliquam habet virtutem, ut nemo sapiens negare potest, aut illam exercet in hominem, aut in alia creata ad cōseruationem hominis: Si solùm in hominē: maior erit prouidentia Dei in media ad finem, scilicet creaturas irrationabiles, quàm erga hominem, ratione cuius creatæ sunt reliquæ creaturæ. Si autem

tem in hominem & creaturas: habetur intentum LL. prædictarum, quod malefici & magi, cooperante Dæmone, possint incantare fruges & fata. Amplius confirmo exemplis veterum. Plin. lib. 28. cap. 3. prope finem, postquam multis incantamentorum & carminum vim confirmasset, attestatur. Pagana lege in plerisque Italix prædijs cautum est, ne mulieres per itinera ambulantes neant siue fusos torqueant: aut omninò detectos ferant: quoniam aduersatur id omnium spei præcipuè frugum. Sic statim subiungit. Carmina quædam extant contra grandines, contraque morborum genera, contra arbusa. Quædam etiam in partus. Gellius lib. 9. cap. 4. narrat in Africa familias esse hominum, voce atque lingua fascinoantium, qui si impensius fortè laudauerint pulchras arbores, segetes lætiores, infantes amceniores, egregios equos, pecudes pastu atque cultu opimas, moriuntur hæc omnia repente, nulli alteri causæ obnoxia. Petrus Gregorius ubi suprà cap. 13. refert ex Dione Castio lib. 56. historix, quod eo tempore, quo Cn. Sidius Geta contra Salabum ducem expeditionem faciebat, neque aqua esset ad extinguendam sitim, quendam indigenarum confœderatorum incantationibus plurimam aquam cælo elicuisse. Olafus Magnus lib. 3. historix de gentiù Septentrionalium varijs conditionibus, cap. 28. refert de Oddone quodam

Danico, pirata maximo, qui magicæ artis ita peritus extitit, ut absq; carina altum mare pererrans, hostilia sæpè nauigia concitatis carmine procelliseuerteret. Itaq; necum piratis in maritimarum virium certamen descenderet, exasperatos maleficio fluctus & vêtos ad naufragia eisdem infligenda perducere solebat. Qui tãdem dignam suis sceleribus recepit pœnam, à peritior hoste circumuentus, gurgite submersus est, qui marinos vortices præstigiosis carminibus olim calcare consuevit. Imò idem auctor ibidem cap. 16. mentionem facit magorum & maleficorum Finnorum, qui negotiatoribus in eorum littoribus contraria ventorum tempestate impeditis, ventum venalem exhibere, mercedeq; oblata tres nodos magicos, non cassioticos, loro constrictos reddere solebant, eo seruato moderamine, ut vbi primum dissoluissent, ventos haberent placidos: vbi alterum, vehementiores: At vbi tertium laxauissent, ita sæuas tempestates se passuros, ut nec oculo extra proram in euitandis scopulis, nec pede in naui ad vela deprimenda, aut in puppi pro clauo dirigendo, integris viribus potirentur. Hiq; infœlicius rem experti sunt, qui vim eiusmodi nodis per contemptum inesse negarunt. De ventorum venditione, eodem Olao referente, testatur etiam Herodotus lib. 7. de præfectis Xerxis, quod ij tri-duana tempestate 400. naues amittere, donec

quarto

quarto die magi incisiones faciendo, & veneficijs incantando, ventum Theti & Nerci dibus sacrificando, tempestas item compescuerunt, siue eadem tempestas aliter cessauit. Ex dictis constat, legem prædictam nihil à ratione & Theologorum doctrina alienum includere.

QVAESTIO V.

An licitum sit uti maleficijs ad finem boni: vt, ad curandum infirmitatem, aut ad arcendum pluuiam, & tempestates?

PRO parte affirmante facit textus in hac L. Vnde eruitur, quod incantationes ad finem boni liceant, & non puniantur, vt communiter Iurisperiti in hac L. sentiunt. Bartolus, Salycetus, Godefridus, Azo, & alij alibi. Angel. tamen in hac L. sentit incantationes etiam ad finem boni illicitas, nisi fiant virtute diuina. Apostilla ad Salycetum in d. L. notat, etiam de iure ciuili prohibitas incantationes ad finem boni: vt pro inueniendo thesauro L. vnica, de Thesaur. C. lib. 10. Petrus Gregor. Tholosan. lib. 34. c. 18. in fine Syntagm. iuris vniuersi dicit, iure ciuili hanc magiam, quæ fit ad finem boni, etiam improbatam à Leone Cæsare, qui hac de re edidit Constitutionem 65.

Prima Conclusio. In dicta L. Eorum tolerantur, & non puniuntur incantationes, quādo sunt ad bonum finem: ut, ad sanandum infirmum, aut ad repellendum tempestates.

HAEC est communissima Iurisperitorum sententia. Bartolus, Salycet. Godefridus Azo in d. L. Grilland. lib. 2. de Sortileg. quæst. 6. num. 20. Hostiens. in summa de magistris. §. Quam scientiam. Troilus Malucius in Tract. de sortibus, à num. 13. & alij alibi. Nec mirum. Cùm enim L. ciuilis pacem & bonum tantum externum quærat, non ita attendit ad ea, quæ conscientiam concernunt: quia tamen tolerat, & non punit, non ideo approbat, tanquam rectè facta: exempla in alijs habemus: de lege ciuili licitum est marito uxorem in adulterio depræhensam occidere, nec punitur. L. Gracchus. C. ad Legem Iuliam de adult. & L. Marito. ff. eod. tit. Sic etiam iure ciuili non punitur in emptione & venditione infra medietatem iusti pretij decipiens. L. 2. C. de rescind. vendit.

Secunda Conclusio. Non est licitum in foro conscientia, secundum legem diuinam & canonicam, uti magicis artibus & incantationibus, etiam ad finem bonum.

IN

IN hac Conclusionē Theologi, Canonistæ & Iurisperiti consentiunt. Probatur Conclusio, Leuit. 19. Non declinetis ad magos, nec ab Ariolis aliquid sciscitemini. Et cap. 20. Anima quæ declinauerit ad magos & Ariolos, & fornicata fuerit cum eis, ponam faciem meam contra eam, & interficiam eam de medio populi, &c. & in iure canonico, 26. q. 3. can. Nec mirum. Vbi post multas enumeratas superstitiones, sic dicitur: Ad hæc omnia supradicta, pertinet ligaturæ execrabilium remediorum, quæ ars non commendat medicorum, seu in præcantationibus, seu in characteribus suspendendis, atq; ligandis, in quibus ars Dæmonum ex quadam pestifera societate hominum & malorum Angelorum exorta. Vnde hæc cuncta vitanda sunt Christiano, & omni penitus execratione repudianda atq; damnanda. Et in cap. Admoneant, eadem causa q. 2. in cap. Ex tuarum, de Sortileg. Et ratio satis clara etiam est. Vti enim magica arte aut maleficorum opera, est res per se mala: cum inuolua pactum inuocationemque Dæmonum, qui sunt inimici Dei & humani generis: ergo nullo quocunque fine, etiam optimo, huiusmodi factum potest cohonestari. Quia finis non necessario attrahit ad naturam sui ordinata in finem, vt rectè etiam annotarunt Anthonius à Butrio, & Ioannes de Anania in d. cap. Ex tuarum. Expressa enim est Apostoli Pauli

Rom. 3.

sententia, non sunt facienda mala, vt eueniant bona. Expedit ergo magis pati in corpore & temporalibus bonis, quàm in anima: Quia minor est corporis & temporalium rerum iactura, quàm animæ, ex d.c. Admoneant. Præstat igitur, vt bene ait Grilland. mille pati mortes, quàm opera diaboli liberari ab infirmitate. Hanc doctrinam facultas Theologica Parisiensis, in articulis de superstitionibus definiuit, in artic. 5. Quod licitum est vti magicis artibus, vel alijs quibuscunq; superstitionibus, à Deo & Ecclesia prohibitis, pro quocunq; bono fine: error. Quia secundum Apostolum, non sunt facienda mala, vt bona eueniant. Et in art. 6. Quod licitum sit, aut etiam permitendum, maleficia maleficijs repellere: error. Et art. 7. Quod aliquis cum aliquo possit dispensare in quocunq; casu, vt talibus licitè utatur: error. Hinc patet quàm impium sit illud dogma Paracelsi, in lib. de morbo caduco: Nihil referre, an Deus, vel Diabolus, Angeli vel immundi spiritus ægro opem ferant, modò morbus curètur. Sanè dolèdum est apud multos Christianos hanc etiam sententiam inualluisse: quod si aliqua calamitate premantur, modò liberentur, non curant, an medijs licitis vel illicitis. Quare non est admirandum, apud nostrates tam magnam portam Dæmonibus apertam esse, vt penè Gentiles superstitionibus superent.

Tertia

Tertia Conclusio. Etiamſi maleſicus paratus ſit ſemper maleſicia exercere, non licet tamen eius uti opera ad tollendum maleſcium, ſi probabiliter cognoscatur & præſumatur, quod alio maleſicio utetur ad ſol- uendum adhibitum.

HAEC eſt communis Theologorum ſen- tentia, contra Angelum in verb. Superſti- tio. §. 13. allegantem Aureolum in 4. d. 34. q. 2. pro ſua parte. Conſtat Conclusio. Maleſicus grauiter peccat, quando arte magica, & diabo- lica maleſcium à ſe, vel alio illatum tollit, vt ex dictis in ſecunda Concluſione patet. Ergo non licet eum inducere, etiamſi paratus ſit, vt id faciat, quod ſine peccato exequi non po- teſt. Quia ſic inducens conſentit in peccatum alterius, quod ſine ſcelere fieri non poteſt, iux- ta Pauli ſententiam: Digni ſunt morte non ſo- lum qui ea faciunt, ſed etiam qui conſentiunt facientibus, & ſic in caſu, petens eſt cauſſa pro- xima & efficax peccati. Licet enim talis para- tus eſſet, non tamen feciſſet illud particulare maleſcium, ad finem petitionis directum, niſi petens induxiſſet. Pro dictæ ſententiæ perſua- ſione facit: licitum eſt vnicuiq; vti malo alte- rius ad ſuum commodum. Sic ſecundum S. Auguſt. licitum eſt mihi vti, ad commodum meum, iuramento hominis infidelis, quamuis ſciam illum iuraturum per Deos falſos, quos
Rom. 1.
In ep. 154.
ad Publico-
lan. & ha-
betur 22.
q. 1. can.
Mores ſci-
colit.

colit. Ad idem pertinet, quod communi Doctorum consensu potest quis mutuum petere ab eo, quem scit non nisi ad vsuram daturum. Respondetur, quod non est similitudo in exemplis. Quia in his casibus qui petit, cupit id, quod sine peccato fieri potest, etiam cum merito. Malitia enim in duobus exemplis positus non sequitur ex natura rei, sed ex ipsius operantis mala voluntate, quæ est extrinseca operi. Qui enim petit iuramentum ab infideli, non cupit vt per falsos Deos iuret, (alioquin sic petens peccaret, quia peteret id, quod est aperte peccatum) sed solum petit, vt iuret: Et si esset optio in offerente iuramentum, mallet eum per verum Deum iurare. Eadem ratione, qui cupit mutuum ab vsurario, non petit ad vsuram pecuniam, quia sic peccaret: cum id sine peccato fieri nequeat: sed petit sibi dari mutuum, quod laudabile & meritorium est. Ad maiorem & clariorem harum oblectionum lucem vide S. Thom. 2. 2. q. 78. art. 4. Ioannem à Turrecremata in d. cap. Mouette: & Dominicum à Soto lib. 6. de iustit. & iure q. 1. artic. 5. & Alphonsum Castrenf. lib. 1. cap. 15. de iusta hæret. punitione. Alia autem ratio est in casu propositæ Conclusionis: quia qui petit à malefico, vt arte magica maleficium soluat, pro suo commodo & vtilitate, is petit quod ex rei natura sine peccato nequit fieri. Quare optime declarauit facultas Parisiens. in d. artic. 7.

quod

quod sit error dicere: quod possit dispensari, ut quis licitè talibus posset uti. Quia communis & verissima Theologorum sententia est, quod dispensatio non cadat in ea, quæ ex natura sua sunt mala.

Quarta Conclusio. Si maleficium adhibuitur ei, quod esset generis, quod naturalis aliqua virtute, aut actione, sine vlla demonis inuocatione & auxilio posset dissolui, non esset illicitum petere dissolutionem à malefico aut incantatore.

VT, exempli gratia, si malefica posuisset sub limine alicuius ianux aliquod maleficium, quo remanente vacce morerentur, aut lac eis subtraheretur: non esset peccatum remouere tale signum, aut maleficium. Haud dissimile est, quod refert Gregorius Turonensis lib. 8. Historiæ Francor. cap. 33. Aiebant, inquit, Parisianam urbem quali consecratam fuisse antiquitus, ut non ibi incendium præualeret, non serpens, non glis appareret: nuper autem cum cuniculi pontis emundarentur, ut cœnum, quo repletus fuerat, auferretur, serpentes gliremque æreum reppererunt, quibus ablatis, & glires extra numerum ibidem, & serpentes apparuerunt. Dictam Conclusionem tenent. Scotus in 4. d. 34. quæst. vnica. Gabriel in 2. d. 8. q. 2. art. 4. dub. 2. Syluester in summa, verb.

verb. maleficium. Aurea Armilla. & Caietan. ibidem. Alphons. Castrenf. loc. cit. & alij alibi. Ratio est, quia in tali casu nihil commercij aut fœderis habetur cum Dæmone, sed tantum fit, quod homo naturaliter facere potest, dum signum, aut instrumentum, quo maleficium destruendum est, remouetur & destruitur. Tum enim Dæmon, respectu talis maleficij, amplius non molestat: Quia ex pacto cum malefico contracto, tam diu assistit & cooperatur, quàm diu signum positum remanet: & sicut cessante causa, cessat effectus: sic etiam ea durante durat effectus.

Quinta Conclusio. Quando maleficia illata sunt alicui, homo debet ad Deum recurrere corde contrito, peccatorum confessione, profusis lachrymis, largioribus elemosynis, ieiunijs & orationibus, ac exorcismos aliâq; Ecclesiastica remedia adhibere,

CAN. Si per Sortiarias 33. q. 1. & cap. fin. de frigid. & malef.

QVAESTIO VI.

An malefici, incantatores & magi semper valeant curare maleficia, à se, vel alijs illata?

NOTAN-

NOTANDVM, quod morbi, aut infirmitates dupliciter inferuntur à maleficis. Aut aliquando ipsi malefici per se rebus naturalibus & venenosis morbum inferunt. Aut ipsi solùm adhibent signa rebus, aut verbis, quæ nullam habent efficaciam naturalem ad effectum, sed tantum adhibito signo Dæmon operatur inuisibiliter, circa corpus hominis, aut bestię, cuius nocumentum maleficus intendit, applicando actiua passiuus.

Deinde aduertendum, ex malleo maleficarum, Syluestro, Grillando & alijs, quod quædam maleficæ nocēt, sed non curant: quædam verò conuersò curant, sed non nocent: quædam verò vtrumq; præstant.

Prima Conclusio. Maleficiatum hominem quandoq; nemo curare potest, nisi eiusdem artis sit peritus.

PROBATVR. Malefici frequenter in inferendis morbis & calamitatibus vtuntur Dæmonis ministerio, qui cùm sit callidissimus & perspicacissimus physicus, nouit talia adhibere, quæ ars medicorum ignorat. Quare in cap. Nec mirum. 26. q. 5. etiam reprobantur remedia & medelæ, quas ars medicorum non commendat. Necesse ergo est, vt eadem arte mala huiusmodi tollantur, qua illata sunt. Quia nihil est tam naturale, quàm eodem genere vnũ quod-

quodq; dissolui, quo colligatum esse reperitur. ff. de regul. Iuris. L. Nihil tam naturale. & eiusdem est soluere, cuius ligare.

Secunda Conclusio. Quando egritudines aut infirmitates introducuntur à maleficis, causis merè naturalibus, veneno, aut venenosis potionibus, ut plurimum possunt curari remedijs naturalibus, & medicorum arte.

QUIA quæ mediantibus causis naturalibus proueniunt, mediantibus contrarijs eiusdem ordinis tolli possunt. Dixi, ut plurimum: quum ex accidenti & circumstantijs adiunctis contingere possit, quod ars medicorum non sufficiat, utpote si venenum fuerit fortissimum, ita ut statim totius corporis dispositionem inuasit; aut si nimis diu expectatum sit, antequam medicorum cura adhibita; aut si subiectum veneficijs infectum, ita sit debilis complexionis, quod medicinas usq; ad debitam operationem retinere nequeat. Quia ut Poëta cecinit.

Non est in medico semper, releuetur ut ager :

interdum docta plus valet arte malum.

Atq; hoc etiam perpendendum, quod nostri malefici & sagæ frequentissimè utuntur venenis mirificè à Dæmone præparatis & porrectis, quæ sine dubio efficacioris sunt operatione-

tionis, quàm ea, quæ preparantur arte & industria humana, & huiusmodi solet non rarò in congregatione finita chorea distribuere, vt multorum confessione didicimus.

Tertia Conclusio. Quandoq; maleficus non potest dissolvere maleficium ab alio malefico inductum.

RATIO: quia maleficus in dissolutione utitur auxilio Dæmonis, si ergo Dæmon, qui cooperatur in dissolutione, sit inferioris ordinis, & is, cuius artificio malum infectum, potentioris virtutis, non poterit inferior dissolvere, nisi potentior aliquo respectu in maiorem hominum perniciem suo iuri cedat. Atque sic regulariter non potest inferior maleficus remedium adferre calamitatibus à superiori immixtis. Cui rei breui, in quodam loco vicino, vt à viro fide digno accepi, quædam malefica testimonium perhibuit. Cum enim interrogata fuisset, num illi, quem maleficio infecerat, remedium adferre potuisset: Respondit: Ah ego & mei similes hoc non possumus, licet inferamus: fuerat autem talis mulier misera, ex communi consortio, & non honoratiore loco. Idem patet experientia in rebus humanis. Quidam medici sunt præstantiores in scientia & praxi, qui optimè & facili nego-
tio

tio curare possunt, quæ indocti Medici ne quidem cognoscere valent.

Quarta Conclusio. Regulariter, quæ inferior maleficus intulit maleficia, superior potest curare.

PROBATUR. Superior maleficus operatur virtute superioris Dæmonis, qui inferiorem potest cogere, ut ipsemet dissoluat, vel superior valet dissolvere, cum in sua potestate sit. Rex enim in suo regno omnia, quæ excellentiæ & potestatis sunt, potest quæ Prætor, vel officiatu sibi subditus. Intellico autem hic superiorem maleficum eum, qui pactum, habet cum Dæmone superioris ordinis.

Quinta Conclusio. Quandoq; infirmitates & calamitates illatae tales sunt, ut amplius nullo etiam maleficio dissolui queant.

PROBATUR. Sicut mala aliquando ita periculosa & inueterata sunt, ut nulla arte medicorum curari queant: Ita etiam ob diuturnitatem maleficia hominis naturam destruerè possunt, ut impossibile sit curare. Quia cum maleficus curet cooperante Dæmone, qui impedimenta sanitatis remouere debet naturalibus: si ob diuturnitatem omnino natura destructa

structa sit, non poterit remediū adferre. Ex quo fundamento in prima parte superioris tractatus intulimus, non posse diabolum omnem morbum, maximè senectutis, curare. Hinc sæpissimè audimus, quando incantatores & malefici interrogantur & consuluntur de morbis illatis (quod nullo modo fieri deberet) eis quandoq; respondetur, quod nimis tardè veniant. ,

Sexta Conclusio. Maleficus aliquando curare potest morbos, quos ars medicorum aut ignorat, aut curare non valet.

QUIA Dæmon, qui ex pacto cum malefico concurrit, maioris est scientiæ & potentie naturalis, quàm præstantissimus & expertissimus quicunq; Medicus.

Septima Conclusio. Quando quis in morbis & infirmitatibus curandis utitur modis & medicamentis, quæ medicorum ars ignorat: aut rebus, quæ secundum physicam, & naturalem philosophiam nullum habent naturalem ordinem ad effectum producendum, ratio curationis est suspecta, & sapit superstitionem & maleficium.

QUIA naturali causæ innelle debet aliqua vis insita naturalis, in ordine ad productionem.

ductionem effectus: & si hæc in curationibus non inueniatur, necesse est effectus expectetur à Dæmone ex pacto. Hinc infero, vt plurimum remedia vetularum aut virorum, aut (quod magis detestandum) quandoq; sacerdotum, esse valde suspecta. Cùm enim sint indocti in medicina, & res naturales ignorent, contendunt non rarò sanare morbos grauissimos, & inueteratos, de quibus medici, qui suam ætatem in studijs consumpserunt, desperant, & non rarò media adhibent huiusmodi homines superstitiosi, in quibus nulla est similitudo causæ & effectus.

QVÆSTIO VII.

Quomodo clauis, scopuli, panni, setæ, ferramenta & similia dura quandoque in corporibus hominum inueniantur, & quæ ratione ingerantur aut eijciantur: An huiusmodi tribuenda maleficijs, & diabolica arti?

CIRCA hanc quæstionem difficilem diuersi diuersa sentiunt. Paulus Grillandus lib. 2. de Sortilegijs q. 3. numero 27. duas refert opiniones. Aliàs vidi, dicit, sæpenumero, quod maleficio infecti, vbi liberationis remedium vsurpârunt, frequenter ex ore euomerent, vel per secessum exonerarent acus, capil-

capillos, ferramenta, clauos, plumas, sulphur, lapides, & res demum tales, quas maleficio læsum vorare potuisse, erat impossibile; non solum integras, sed nec fractas, nec minutè in frustra concitas. Vnde quid mirandū videtur? Sed dic, vt quidem censuerunt, Sathanam ad maiorem hominum deceptionem facere dictas apparere species extraneas in resolutione facturæ, veres miranda magis videatur. Quandoquidē inspiciuntur & cōsiderantur ea esse talis naturæ, formæ & qualitatis, vt impossibile fuerit talia potuisse ingredi in corpus maleficio læsi, per aliquam partem naturaliter: sed in rei veritate non sunt species naturales. Et quod hoc verum sit, hinc apparet: quia illa eijciuntur per vomitum, vel secessum, atq; ita inter materias illas liquidas apparent à principio, cum primum è corpore emittuntur: At si seruaueris illas materias biduum aut triduum, aut dies quinq; quemadmodum ego aliàs studiosè seruari feci, videbis omnia ea liquefacta penitus, & ipsarum formas perijsse totas. Quod si naturalia essent, profectò in sua priori forma remanerent, nec corrūperentur, maximè ferrum & lapides, proptereorū naturalem duritiem, vt manet estū est omnibus. Quidam alij dixerunt, dæmones, vt res miranda videatur, tunc temporis, quando maleficio affectus irritatur ad vomitū, vel ventris opus, velocissimè & inuisibiliter afferre ibi species

O o 2 illas,

illas, siue materias veras & naturales aliunde acceptas, & ostendere quasi in hominis corpore fuerint. Sed nota, licet Dæmon potentia sua naturali hoc quidem posset, & tam dextro modo illas inferere in vomitu & stercore maleficio agitati, vt nullus hominum aduerteret: Prior tamen opinio magis placet, apparentes tantum species, & non naturales esse: eò quod non diu durent, sed resoluantur breui tempore in liquores. Multa pertinentia ad hanc materiam adfert Ioannes VVierus lib. 4. de præstigijs Dæmonum, à cap. 2. per aliqua capita. Libelli Germanici auctor, qui ascribitur Domino Iacobo Baroni in Lichtenbergh, de præcipuis articulis maleficij, hanc rationem ingerendi huiusmodi materias ponit. Corporis pori Diaboli artificio extenduntur, & per eos inferuntur stramina, setæ, corium & acutæ similesque materiæ: deinde pori iterum occluduntur, & remanent materiæ in corpore occlusæ. Ostendit similitudine: Quemadmodum si quis manu in profundo aquæ lapidem ponat, lapide relicto manum attrahit, quomodo deuenit lapis pescitur. Eadem ratione naturali fulminis radius poros vaginæ transit, ferrumque liquescit, relicta integra vagina. Simili modo contingit in hac illusione, quæ magis noxia stigmata & vulnera infert. Huius opinionis primus iuuentor videtur fuisse Paracelsus in lib.

lib. de occulta philosophia, qui vult veneficas & sagas alicui per poros cutis cineres, pilos, plumas, piscium spinas & similes res noxias, sine cutis apertione, in corpus inferre, per easque continuos cruciatus concitari, nec posse eximi huiusmodi materias maleficas per vulnus, aut incisionem. Hic auctor de curatione talium ridicula & plena superstitione docet, quare omittenda sunt. Quidam alij medici iudicant in rei veritate nihil esse huiusmodi effectus, sed tantum præstigias & technas Dæmonis. Cosmas Philiarthus Pistorientis Canonicus, & Theologus Florentinus, in lib. de officio Sacerdotis in 2. part. lib. 3. cap. 8. in primo præcepto Decalogi, putat aliquando huiusmodi res esse tantum illusiones, ut videantur, quæ verè non sunt, vel quod Dæmon aëris condensatione & coloratione faciat apparere illa: aliquando verò esse realia. Nam diabolus inuisibiliter illa stomacho infert, & inde visibiliter educit, non obstante quod sint ita magna: quia potest ad libitum ea diuidere, & reunire, & ubi opus fuerit, actiua naturalia ad id applicare, & hoc tanta celeritate, ut oculus diuisionem & compositionem discernere non possit, sed iudicet ita magna emitti, & quod oculus decipiatur, & non possit ratione velocitatis motus percipere rem, ut est. Adducit ad hanc materiam dictus Doctor exemplum apud Surium tomo 3. ex vita S. Petri Archiepiscopi Tarantasi.

tasilij. In castro S. Symphoriani Lugdunensis
 Ecclesiæ, erat vir fidelis, & religiosorum of-
 ficiosus, sedulusq; susceptor, & ad suum hospi-
 tium vim faciendo, pertraxit Abbatē magnæ
 conuersationis, & opinionis. Illi erat filia, quæ
 opera mulieris maleficæ, per nequitiam inuē-
 dæ focus, languore tabescebat desperato, nec
 viri sui præsentiam, nec aspectus vllatenus to-
 lerabat: mater, vt Sathanas Sathanam eijceret fa-
 mosum quendā maleficū accersuit, qui arborum
 cortices contriuit, & pocula verbis & her-
 bis confecta dedit, & proprijs dentibus illius
 brachium momordit, quæ ab illo languore
 conualuit, sed interdū velut ex corde procede-
 re acus sentiens, cruciabatur atrociter, donec
 per morsurā brachij, quā nullā cicatrix obdu-
 xerat, acus educeret vis occulta, plures in hunc
 modū, quam triginta, per temporū intervalla
 prodierant: Pater lachrymis filiæ infirmitatem
 Abbati exposuit, & ab eo auxiliū petijt. Ducta
 ad præsentia Abbatis, eadē hora sentiens acum,
 mulier gemebunda deplorat. Iam peruenerat
 ad foramen: solitus iam præcesserat cruor, iam
 cæperat apparere, & accedens vnus ex fratribus
 laicis eidem Abbati deseruiens cruentam extra-
 xit. Orat Abbas, & locum vulneris tangens, in
 virtute fidei pollicetur, nec ferrum vltra, nec
 chalybem exinde processurum: Factum est, sed
 mutata materia est, malitia nec dum prorsus
 extincta: cæperunt lignei sudes paruuli pro
 ferreis

ferreis acubus egredi, & non ompes eiusdem magnitudinis, & crassitudinis, sexdecim intra annum, & paucos menses, ex mulieris lingua prodierunt. Adfuit demum S. Petrus Archiepiscopus Tarantasis, cui diuinitus seruabatur tanti miraculi plenitudo. Offertur mulier missarum solennia celebranti, sicut præceperat vespera præcedenti: Eadem hora septimum decimum lignum ex muliebri carne egreditur, quod sub oculis omnium sacrista extraxit: confitentem mulierem absoluit, sacram ei dedit Eucharistiam, & ab omni deinceps cuiuscunque materie progressu iubet esse securam: Hæc ibi. Materia huius puncti semper mihi visa est difficilis: tum quia multi dicunt constanti testimonio se huiusmodi eductæ sæpius vidisse, per incisionem, aut etiam aliam educationem: communis autem sensum experientia non semper falsa est, tum quia via ingerendi huiusmodi in corpus sine dolore, & tactu, & signo res mirabilis quædam apparet, & cognitum nobis naturæ cursum effugere. Quid tamen mihi sentiendū videatur paucis resoluam.

Præmitto in primis ex Theologia & philosophia, naturaliter non esse possibile corporū penetrationem. Quare miraculū maximū fuit, quod Christus clausis ianuis ad discipulos venit, ut ex Euangel. lectione Ioan. 20. constet, prout docent S. Greg. in hom. 26. in Euang. S. August. tract. 121. in Ioannē. S. Thom. 3. part.

q. 28. art. 2. & alij alibi. Quare cū Diaboli potestatem excedat miracula facere, concedendum non est, quod eius operatione fiat penetratio corporum. His præmissis, sit

Prima Conclusio. Non est à ratione alienum, quod quandoq; huiusmodi res non sint naturales, sed generentur ex mala humorum dispositione, ad modum rerum naturalium, & conseruata resoluantur in materiam liquidam, vt Grillandus cum prima opinione sentit.

Secunda Conclusio. Aliquando etiam ex causis naturalibus in homine nascuntur dura, qua torsiones, dolores, & acutæ infirmitates generant.

PATET de calculo & alijs rebus. Ad quod propositum probandum, multa ex medicis adferuntur à Ioanne VViero lib. d. cap. 16. Quare non est boni Christiani, omnes acutæ internas, & longas infirmitates referre ad maleficia.

Tertia Conclusio. Secunda opinio à Grillando recitata etiam aliquando vera esse posset.

QVIA Diabolus tantæ est subtilitatis, & potentiae, quod possit illudere sensibus
astutia.

stantium, & veras res velocissimè afferre, & apponere, motis prius doloribus & torsionibus in corpore, & membro infecto, quasi lateant intus res naturales,

Quarta Conclusio. Quod huiusmodi dura immittantur per extensionem pororum, & pori iterum immixtis huiusmodi rebus duris occludantur, imaginarium est, & à naturali ratione alienum,

QUIA pori ita sunt à natura constituti, ut præter tenuissimum liquorem & sudorem nulla solida substantia egredi valeat, nec patiantur sine cutis & carnis scissione tantam extensionem, ut tam crassæ, duræ & solidæ materiæ immittantur, ut omnibus ratione vrentibus ad sensum patet. Quantum ad illa, quæ adferuntur pro similibus, dissimilia potius sunt. Aqua enim est liquida, & diuiditur in omnem loci differentiam, & ad immisionem alterius solidi corporis statim cedit, & educto tali corpore iterum coadunatur. At alia ratio est corporis humani solidi: diuisum sine sensu & dolore non coniungitur. De ictu fulminis etiam alia ratio est: Quia, ut Physici tradunt, eius est naturæ, quod durum lædat, nullo apparente signo in molli, Sic quandoq; experientia cognoscimus in hominibus fieri, ut carne integra manente exterius, ossibus & ner-

uisinteriusconfractis & contritis, fulminis is-
 tushominem lædat. Ad hoc facit quod Isido-
 rus lib. 13. Ethymolog. Seneca lib. 5. & 6. natu-
 ralium quæstionum, & Plinius lib. 2. hist. nat.
 & alij tradunt, quod fulmen talis sit naturæ,
 quod oculis & burfis in nullo læsis, sed inte-
 gris manentibus, suo tactu constat & consu-
 mit pecunias, aut gladium in vagina liquefa-
 cit, vagina intacta. Non enim fulmen eodem
 modo omnem materiam lædit. Quæ enim ob
 duritiam ei resistunt, vt lapis, ferrum, æs, & si-
 milia, vehementius & fortius dissipat & conte-
 rit: teneris, mollibus & rarioribus parcit. Hinc
 contingit, vt dictum est, quod quando homi-
 nem lædit, nihil vulneris exterius apparet,
 contritis interiùs ossibus.

*Quinta Conclusio. Existimo non esse
 negandum, aliquando res huiusmodi duras
 in partibus corporis, Demonis potentia &
 maleficorum opera includi.*

QUIA multorum hominum diligenti ocu-
 lari inspectione compertum est, similes
 materias è corporibus excisas & emissas esse. In
 eis autem, quæ multis ad sensum patent, om-
 nia ad deceptionem referre, quando clara
 sunt testimonia etiam Doctorum, infirmus est
 intellectus. Quia multa sunt, & fiunt, & non
 est dubium ea esse, quæ tamen rectè non pos-
 sunt

sunt cognosci, vt August. lib. 21. de Ciuit.
cap. 5. docet.

Sexta Conclusio. A ratione alienum esse non puto, Dæmonem subtilitate sua scientia, & virtute potentia posse immittere homini profundissimum somnum, & medijs naturalibus efficacissimæ operationis adimere sensum doloris, vt scissione carnem diuidat, & huiusmodi materias duras imponat, & iterum breuissimo tempore curet alijs naturalibus fortissimisq. remedijs nobis incognitis.

SI QUIDEM & medici vel chyrurgi naturalibus & soporiferis herbis nonnunquam immittunt soporem, ad remouendum dolorem, quando aliquod membrum abscindere volunt. Dæmonis autem peritia insignis est, & potentia eius maior, quàm ab homine intelligatur. Nemo existimet, quod sine caussa mille artifex dicatur. Nec quis admiratione capiat, quod nullum signum talis incisionis appareat. Cùm cicatrix relinquatur, aut ob imperitiam medici, aut ob medicinæ debilem & tardam operationem, quæ omnia Dæmon supplere potest. Quare videmus, quod ceteris paribus præstantior Chyrurgus perfectius curet, & minorem cicatricem relinquat.

Huic

Huic Conclusioni congrua exempla ponit Nicolaus Remigius lib. 2. cap. 4. Quædam Margareta Ienina, adiunctis sibi socijs, cum proprium filium odisset, inuenta est nocte à Damone in illius ædes, quæ erant in Sarbringen, ubi dormientem prius tamen vnguento illinitum ad altius dormiendum, aggressæ simul sunt: sed cum aliud fato aliquo impeditæ efficere non potuissent, testam humi repertam lateri filij, cui nomen erat Iaquilinus, facto prius vulnere, quod tamen momento coalesceret, inseruerunt: unde etiam post multorum mensium vexationem videntibus multis erupit. Sennel Armentaria, quæ Dysæ in oppido Lotharingæ pridie Calend. Octob. Anno 1586. mortis supplicium pertulit, confessa est, se in summum pedem cuiusdam Philippi Pistoris os è veruecina coxâ inseruisse: cum prius admota piscis spina vulnus fecisset, quod deinde callo obductum, ingentes diuturnosque dolores eidem peperit, ut ab eodem piflore etiam postea compertum est.

Septima Conclusio. * Puto dissimilem imponendi rationem esse eorum, quæ immittuntur in carnosam corporis substantiam, & aliorum, quæ ad intestina & stomachum transcunt.

RATIO

RATIO diuerſitatis eſt. Quia oriſicium, arteriæ, guttur & alia organa ad naturæ conſervationem ordinata, ita ſunt cõſtituta, quod non dilatentur, aut comprimantur, niſi ad naturales ſuo effectus: Sè ſum autem fugit, quod tam dura, ſolida & craſſa tranſeant tam anguſta foramina, ſine dolore perceptibili. Et licet enim Dæmon ſua ſubtilitate corpus penetret, eiq; illabatur; non tamen poteſt mediantibus corporalibus rebus ita interius operari, ſicut exterius in carne, vbi facilius actiua paſſiuis coniunguntur. VVierus lib. 4. de præſtig. Demonum, cap. 9. vnum adfert exemplum ex Ioanne Langio, Illuſtriſſimorum Principum Palatinorum Rheni medico, lib. 1. Epist. 38. Quod contigit Anno Domini à Chriſti natiuitate 1539. in quodam Eiſtetenſis Episcopatus pago Fugelſtal. In hoc pago Vlricus Neuſſer agricola, cùm crudelibus dolorum tormentis circa alterum hypochondrium conficeretur, ſubitò clauum ferreum ſub illæſa cute manu apprehendit, quem Chirurgus illuc balnearior nouacula exciderat: nec tamen ceſſarunt dolores, ſed indies magis in crudeſcebant. Quapropter cùm nec aliud doloris remedium fore miſer, quàm mortem ſuſpicaretur, arrepto cultello, ſibi guttur abſcidit. Itaq; dum tertio die ad ſepulchrum mortuus efferretur, aderant tum Eucharius Roſenbader ex VVieſenburg, Noricorum oppido, ac Ioannes

ab Ettenstet balneator, qui astante magna hominum frequentia, de mortui agricolæ ventriculum inciderunt, in quo lignum teres & oblongum, quatuor ex chalybe cultros, partim acutos, partim instar ferræ dentatos, ac duo ferramenta aspera reppererunt, quorum singula spitami longitudinem excedebant: aderat & capillorum instar globi inuolucrum. Sed quid potissimum hîc admiraberis? an quomodo tot & tanta ferramenta in ventriculi cavitae contineri potuerint: an qua arte sint ingesta? certà non alia, quàm Dæmonis astu & dolo. Hæc dictus auctor.

QVAESTIO VIII.

Quomodo malefici aut saga nocte ædes maleficiandi ingredi possunt, sine strepitu & rumore, ita ut non deprehendantur?

CONFESSIONIBVS maleficorum & sagarum didicimus, quod non rarò de nocte ædes intrant, infantes rapiunt, aut homines dormientes beneficijs inficiunt. Quæritur ergo qua ratione ita cautè ædes & cubicula clausa intrare valeant? Tractat aliquid de hac questione Grilland. lib. 2. de Sortilegijs q. 8.

Hîc in memoriam reuocandum est, quod in superiori tractatu insinuatum, de custodiæ & ducatu Angelorum. Sicut enim bonus Ange-

Angelus homini dux est in bonis, ita malus in malis. Dæmon enim magisterulus, qui suum clientem incitat ad nocendum homini, nocte dum homines dormiunt præcedit ad locum destinatum, fenestras, vel ianuas clausas etiam fortissimis seris aperit, & maleficos vel sagas intromittit, instruitque quomodo dormientem maleficio inficere debeant, imò etiam aliquando dormientibus remedijs soporiferis altiore somnum imprimit, ad lectum dormientis ducit, ac lumen producit ut videant, cautè pannos discooperit, nec non etiam quandoque suam operam impendit, ut porum veneficij ori, naribus, vel auribus infundant, vel corpus vnctione pestilifera inungant. Reexpedita Dæmon fenestras, aut ianuas iterum recludit, quando malefici egressi sunt, ut antea repererat. Nisi enim opera Diaboli vterentur, incredibile videtur, quod intrantes ædes alienas, in quibus fortasse nunquam fuerunt nocturno tempore clausis ostijs & fenestris, ita tacitè ingrederentur, & egrederentur, nec aliquando depræhenderentur. Sic dicit Grillandus se audiuisse à duabus mulieribus maleficis, quas examinandas habuit.

Retulit idem Ioannes Cuno de Rouer, cuius maleficij longam seriem retulimus in primâ parte superioris tractatus. Cum enim Anna mater sua & dux aliz sagæ conuenissent, ut de nocte virum quendam Zelosum persecutorem

cutores maleficorum maleficio conficerent. Magisterulus præcedens fenestras & ianuas aperuit. Ipse autem Ioannes Cuno pro comite à matre & alijs adductus fuit, vt candelam ardentem, quæ non naturalis, sed arte diabolica confecta erat, (ipso Ioanne Cuno proprijs scriptis sic distinguente) teneret. Venientibus autem eis in cameram maleficiandi in ciuitatem Treuirensensem, cum maleficiandus pro more bonorum Christianorum se signo crucis & pijs exercitijs, antequam se quieti tradidisset, muniuisset, nihil efficere potuerunt, sed re infecta reclusis ianuis auolate debuerunt. Vir autem bonus, cui nocere voluerunt, adhuc viuit Dei gratia, & tam diu viuet, quam diu Deo placuerit. Mater dicti Ioannis Cunonis, cum & ipsa examinaretur super articulis propositis eodem modo confessa est, sicut filius in hoc puncto. Si quis autem miretur, quò modo tam quietè hæc fieri possint quod homines non excitentur. Respondeo quandoq; etiam homines euigilare, quando huiusmodi tentant facere, imò nonnunquã aliqui percipiunt, quòdo potionem infundere contendunt, & euigilant non sumpta sufficienti parte ad tollendam vitam, sed tantum ad aliquorum membrorum debilitatem, vt exemplis doceri posset, si expediret. Qui autem talia magisteruli aut Martineti, siue mali ducis opera fieri miratur ita clanculum, vt homines semper non eo exci-

tentur: recogitet quomodo Apostolus Petrus *Act. 12.*
dormiens inter duos milites, victus duabus
catenis, & adhibita custodia ante ostium carce-
ris, ipsa nocte, cum eum iam producturus esset
Herodes, à bono Angelo nemine rescilcente
educus sit. Et ecce, ait scriptura, Angelus Do-
mini astitit, & lumen refulsit in habitaculo:
percutsoque latere Petri, excitauit eum, dicens:
Surge velociter. Et ceciderunt catenæ de mani-
bus eius. Dixit autem Angelus ad Petrum: Præ-
cingere, & calcia te caligas tuas. Et fecit sic. Et
dicit illi. Circunda tibi vestimentum tuum,
& sequere me. Et exiens sequebatur eum, &
nesciebat, quia verum est, quod fiebat per An-
gelum: existimabat autem se visum videre.
Transientes autem primam & secundam cu-
stodiam, venerunt ad portam ferream, quæ du-
cit ad ciuitatem, quæ vltro aperta est eis. Et exe-
untes processerunt vicum vnum, & continuo
discessit Angelus ab eo. Et Petrus reuersus ad
se dixit: Nunc scio verè, quia misit Dominus
Angelum suum, & eripuit me de manu Hero-
dis. Hic considerandum, quam secretò Ange-
lus bonus Apostolum eduxerit, & aduertèn-
dum, secundum naturalem potentiam nò esse
etiã difficile facere Martineto, quæ ei ascrip-
simus, in nocturno ducatu sui clientis.

QVAESTIO. IX.

An Magi & Malefici nostri etiam possint seminibus & arborum floribus, nouimenta inferre productione ranarum, cynipium, erucarum, locustarum, & similium insectolarum?

Ex confessione earum percipimus passim eas fateri, quod non rarò huiusmodi operentur: proinde paucis huic quaestioni respondendum.

Prima Conclusio. *Certum est maleficos & magos mediante Daemonis opera posse producere ranas, cyniphes, erucas, & similia animalia imperfecta.*

HAEC conclusio probatur ex scriptura Exod. 7. & 8. fecerunt malefici per incantationes suas ranas, & serpentes. At Cyniphes educere non potuerunt, non obeorum impotentiam, sed quia aderat dominatio prohibētis per Spiritum S. ut ait D. Augustin. lib. 3. de Trinit. cap. 9. Vnde Scriptura inquit: Digitus Dei est hic. Atq; quantum ad hanc Conclusionem attinet eam communiter DD. Theologi recipiunt. D. Hieron. Lyran. Dionysius Carthusianus, & alij in cap. 8. Exod. August. in loc.

cit.

cit. S. Thom. 1. part. q. 114. artic. 4. Alexander Alensis in 2. part. q. 43 memb. 2. Magist. in 2. d. 7. in fine. Bonauent. & alij ibidem. Guilhelm. Parisien. in lib. de vniuerso, part. 3. & alij communiter alibi. Ad eundem effectum facit Psalm. 77. Et dedit ærugini fructus eorum: & labores eorum locustæ. &c. Et deinde subiungit: immisiones per angelos malos. In quem Psalm. legendi D. Augustin. Cassiodor. & alij.

Secunda Conclusio. Ad productionem talium bestiolarum & animalium imperfectorum, Daemon ex pacto cum mago & malefico tantum dispositiue concurrat per applicationem agentium naturalium.

HANC docet August. in d. lib. 3. de Trinit. cap. 8. & post eum S. Thom. Alens. Bonauent. & alij. Ait enim August. Non solum malos, sed nec bonos angelos fas est putari creatores, sed pro subtilitate sui sensus & corporis, semina rerum istarum nobis occultiora nouerunt, & ea per congruas temperationes elementorum latenter spargunt, atq; ita gignendarum rerum, & accelerandorum incrementorum præbent occasiones.

Tertia Conclusio. Huiusmodi animalia iam ad operationem Daemonum producta

illas, siue materias veras & naturales aliunde acceptas, & ostendere quasi in hominis corpore fuerint. Sed nota, licet Dæmon potentia sua naturali hoc quidem posset, & tam dextro modo illas inferere in vomitu & stercore maleficio agitati, vt nullus hominum aduerteret: Prior tamen opinio magis placet, apparentes tantum species, & non naturales esse: eò quod non diu durent, sed resoluantur breui tempore in liquores. Multa pertinentia ad hanc materiam adfert Ioannes VVierus lib. 4. de præstigijs Dæmonum, à cap. 2. per aliqua capita. Libelli Germanici auctor, qui ascribitur Domino Iacobo Baroni in Lichtenbergh, de præcipuis articulis maleficij, hanc rationem ingerendi huiusmodi materias ponit. Corporis pori Diaboli artificio extenduntur, & per eos inferuntur stramina, setæ, corium & acutæ similesque materiæ: deinde pori iterum occluduntur, & remanent materiæ in corpore occlusæ. Ostendit similitudine: Quemadmodum si quis manu in profundo aquæ lapidem ponat, lapide relicto manum attrahit, quomodo deuenit lapis nescitur. Eadem ratione naturali fulminis radius poros vaginæ transit, ferrumq; liquefacit, relicta integra vagina. Simili modo contingit in hac illusione, quæ magis noxia stigmata & vulnera infert. Huius opinionis primus iuuentor videtur fuisse Paracelsus in lib.

lib. de occulta philosophia, qui vult veneficas
 & sagas alicui per poros cutis cineres, pilos, plu-
 mas, piscium spinas & similes res noxias, sine
 cutis apertione, in corpus inferre, per easque
 continuos cruciatus concitari, nec posse eximi
 huiusmodi materias maleficas per vulnus, aut
 incisionem. Hic auctor de curatione talium
 ridicula & plena superstitione docet, quare
 omittenda sunt. Quidam alij medici iudicant
 in rei veritate nihil esse huiusmodi effectus, sed
 tantum præstigias & technas Dæmonis. Cos-
 mas Philarchus Pistoriensis Canonicus, &
 Theologus Florentinus, in lib. de officio Sacer-
 dotis in 2. part. lib. 3. cap. 8. in primo præcepto
 Decalogi, putat aliquando huiusmodi res esse
 tantum illusiones, vt videantur, quæ verè non
 sunt, vel quod Dæmon aëris condensatione
 & coloratione faciat apparere illa: aliquando
 verò esse realia. Nam diabolus inuisibiliter illa
 stomacho infert, & inde visibiliter educit, non
 obstante quod sint ita magna: quia potest ad-
 libitum ea diuidere, & reunire, & vbi opus
 fuerit, actiua naturalia ad id applicare, & hoc
 tanta celeritate, vt oculus diuisionem & com-
 positionem discernere non possit, sed iudicet
 ita magna emitti, & quod oculus decipiatur,
 & non possit ratione velocitatis motus perci-
 pere rem, vt est. Adducit ad hanc materiam
 dictus Doctor exemplum apud Surium to-
 mo 3. ex vita S. Petri Archiepiscopi Taran-

tasilij. In castro S. Symphoriani Lugdunensis
 Ecclesiæ, erat vir fidelis, & religiosorum of-
 ficiosus, sedulusq; susceptor, & ad suum hospi-
 tium vim faciendo, pertraxit Abbatē magnæ
 conuersationis, & opinionis. Illi erat filia, quæ
 opera mulieris maleficæ, per nequitiam inuit-
 dæ focus, languore tabescebat desperato, nec
 viri sui præsentiam, nec aspectus vllatenus to-
 lerabat: mater, vt Sathanas Sathanam eiiceret fa-
 mosum quendā maleficū accersuit, qui arbo-
 rum cortices contriuit, & pocula verbis & her-
 bis confecta dedit, & proprijs dentibus illius
 brachium momordit, quæ ab illo languore
 conualuit, sed interdū velut ex corde procede-
 re acus sentiens, cruciabatur atrociter, donec
 per morsurā brachij, quā nullā cicatrix obdu-
 xerat, acus educeret vis occulta, plures in hunc
 modū, quam triginta, per temporū interualla
 prodierant: Pater lachrymis filiæ infirmitatem
 Abbati exposuit, & ab eo auxiliū petijt. Ducta
 ad præsentia Abbatis, eadē hora sentiens acum,
 mulier gemebunda deplorat. Iam peruenerat
 ad foramen: solitus iam præcesserat cruor, iam
 cæperat apparere, & accedens vnus ex fratribus
 laicis eidem Abbati deseruiens cruentam extra-
 xit. Orat Abbas, & locum vulneris tangens, in
 virtute fidei pollicetur, nec ferrum vltra, nec
 chalybem exinde processurum: Factum est, sed
 mutata materia est, malitia nec dum prorsus
 extincta: cæperunt lignei sudes paruuli pro-
 fetreis

ferreis acubus egredi, & non omnes eiusdem magnitudinis, & crassitudinis, sexdecim intra annum, & paucos menses, ex mulieris lingua prodierunt. Adfuit demum S. Petrus Archiepiscopus Tarantasij, cui diuinitus seruabatur tanti miraculi plenitudo. Offeritur mulier missarum solemnia celebranti, sicut præceperat vespera præcedenti: Eadem hora septimum decimum lignum ex muliebri carne egreditur, quod sub oculis omnium sacrista extraxit: confitentem mulierem absoluit, sacram ei dedit Eucharistiam, & ab omni deinceps cuiuscunque materie progressu iubet esse securam: Hæc ibi. Materia huius puncti semper mihi visa est difficilis: tum quia multi dicunt constanti testimonio se huiusmodi educta sæpius vidisse, per incisionem, aut etiam aliam educationem: communis autem sensum experientia non semper falsa est, tum quia via ingerendi huiusmodi in corpus sine dolore, & tactu, & signo res mirabilis quædam apparet, & cognitum nobis naturæ cursum effugere. Quid tamen mihi sentiendum videatur paucis resoluam.

Præmitto in primis ex Theologia & philosophia, naturaliter non esse possibile corporum penetrationem. Quare miraculum maximum fuit, quod Christus clausis ianuis ad discipulos venit, ut ex Euangel. lectione Ioan. 20. constat, prout docent S. Greg. in hom. 26. in Euang. S. August. tract. 121. in Ioannē. S. Thom. 3. part.

q. 28. art. 2. & alij alibi. Quare cùm Diaboli potestatem excedat miracula facere, concedendum non est, quod eius operatione fiat penetratioq corporum. His præmissis, sit

Prima Conclusio. Non est à ratione alienum, quod quandoq, huiusmodi res non sint naturales, sed generentur ex mala humorum dispositione, ad modum rerum naturalium, & conseruata resoluantur in materiam liquidam, vt Grillandus cum prima opinione sentit.

Secunda Conclusio. Aliquando etiam ex causis naturalibus in homine nascuntur dura, qua torsiones, dolores, & acutas infirmitates generant.

PATET de calculo & alijs rebus. Ad quod propositum probandum, multa ex medicis adferuntur à Ioanne V Viero lib. d. cap. 16. Quare non est boni Christiani, omnes acutas internas, & longas infirmitates referre ad maleficia.

Tertia Conclusio. Secunda opinio à Grillando recitata etiam aliquando vera esse posset.

QVIA Diabolus tantæ est subtilitatis, & potentiae, quod possit illudere sensibus
altan.

stantium, & veras res velocissimè afferre, & apponere, motis prius doloribus & torsionibus in corpore, & membro infecto, quasi lateant intus res naturales,

Quarta Conclusio. Quod huiusmodi dura immittantur per extensionem pororum, & pori iterum immixtis huiusmodi rebus duris occludantur, imaginarium est, & à naturali ratione alienum.

QUIA pori ita sunt à natura constituti, ut præter tenuissimum liquorem & sudorem nulla solida substantia egredi valeat, nec patiantur sine cutis & carnis scissionē tantam extensionem, ut tam crassæ, duræ & solidæ materiæ immittantur, ut omnibus ratione utentibus ad sensum pater. Quantum ad illa, quæ adferuntur pro similibus, dissimilia potius sunt. Aqua enim est liquida, & diuiditur in omnem loci differentiam, & ad immisionem alterius solidi corporis statim cedit, & educto tali corpore iterum coadunatur. At alia ratio est corporis humani solidi: diuisum sine sensu & dolore non coniungitur. De ictu fulminis etiam alia ratio est: Quia, ut Physici tradunt, eius est naturæ, quod durum lædat, nullo apparente signo in molli. Sic quandoq; experientia cognoscimus in hominibus fieri, ut carne integra manente exterius, ossibus & ner-

uis interius con fractis & contritis, fulminis-
 ctus hominem lædat. Ad hoc facit quod Isido-
 rus lib. 13. Ethymolog. Seneca lib. 5. & 6. natu-
 ralium quæstionum, & Plinius lib. 2. hist. nat.
 & alij tradunt, quod fulmen talis sit naturæ,
 quod oculis & burfis in nullo læsis, sed inte-
 gris manentibus, suo tactu conflatur & consu-
 mit pecunias, aut gladium in vaginali liquefa-
 cit, vagina intacta. Non enim fulmen eodem
 modo omnem materiam lædit. Quæ enim ob
 duritiam ei resistunt, ut lapis, ferrum, æs, & si-
 milia, vehementius & fortius dissipat & conte-
 rit: teneris, mollibus & rarioribus parcit. Hinc
 contingit, ut dictum est, quod quando homi-
 nem lædit, nihil vulneris exterius apparet,
 contritis interioribus ossibus.

*Quinta Conclusio. Existimo non esse
 negandum, aliquando res huiusmodi duras
 in partibus corporis, Demonis potentia &
 maleficorum opera includi.*

QUIA multorum hominum diligenti ocu-
 lari inspectione compertum est, similes
 materias è corporibus excisas & emissas esse. In
 eis autem, quæ multis ad sensum patent, om-
 nia ad deceptionem referre, quando clara
 sunt testimonia etiam Doctorum, infirmus est
 intellectus. Quia multa sunt, & fiunt, & non
 est dubium ea esse, quæ tamen rectè non pos-
 sunt

sunt cognosci, vt August. lib. 21. de Ciuit.
cap. 5. docet.

Sexta Conclusio. A ratione alienum esse non puto, Dæmonem subtilitate sua scientia, & virtute potentia posse immittere homini profundissimum somnum, & medijs naturalibus efficacissima operationis adimere sensum doloris, vt scissione carnem diuidat, & huiusmodi materias duras imponat, & iterum breuissimo tempore curet alijs naturalibus fortissimisq. remedijs nobis incognitis.

SI QUIDEM & medici vel chyrurgi naturalibus & soporiferis herbis nonnunquam immittunt soporem, ad remouendum dolorem, quando aliquod membrum abscindere volunt. Dæmonis autem peritia insignis est, & potentia eius maior, quàm ab homine intelligatur. Nemo existimet, quod sine causa mille artifex dicatur. Nec quis admiratione capiat, quod nullum signum talis incisionis appareat. Cùm cicatrix relinquatur, aut ob imperitiam medici, aut ob medicinae debilem & tardam operationem, quæ omnia Dæmon supplere potest. Quare videmus, quod ceteris paribus præstantior Chyrurgus perfectius curet, & minorem cicatricem relinquat.

Huic

Huic Conclusioni congrua exempla ponit Nicolaus Remigius lib. 2. cap. 4. Quædam Margareta Ienina, adiunctis sibi socijs, cum proprium filium odisset, inuecta est nocte à Dæmone in illius ædes, quæ erant in Sarbringen, ubi dormientem prius tamen vnguento illinitum ad altius dormiendum, aggressæ simul sunt: sed cum aliud fato aliquo impeditæ efficere non potuissent, testam humi repertam lateri filij, cui nomen erat Iaquilinus, facto prius vulnere, quod tamen momento coalesceret, inseruerunt: unde etiam post multorum mensium vexationem videntibus multis erupit. Sennel Armentaria, quæ Dux in oppido Lotharingæ pridie Calend. Octob. Anno 1586. mortis supplicium pertulit, confessa est, se in summum pedem cuiusdam Philippi Pistoris os è veruecina coxa inseruisse: cum prius admota piscis spina vulnus fecisset, quod deinde callo obductum, ingentes diuturnosque dolores eidem peperit, vt ab eodem pstore etiam postea compertum est.

Septima Conclusio. * Puto dissimilem imponēdi rationem esse eorum, quæ immittuntur in carnosam corporis substantiam, & aliorum, quæ ad intestina & stomachum transiunt.

RATIO

RATIO diuerſitatis eſt. Quia oriſicium, arteriæ, guttur & alia organa ad naturæ conſervationem ordinata, ita ſunt cõſtituta, quod non dilatentur, aut comprimantur, niſi ad naturales ſuoſ effectus: Sẽ ſum autem fugit, quod tam dura, ſolida & craſſa tranſeant tam anguſta foramina, ſine dolore perceptibili. Et licet enim Dæmon ſua ſubtilitate corpus penetret, eiq; illabatur; non tamen poteſt mediantibus corporalibus rebus ita interius operari, ſicut exterius in carne, vbi facilius actiua paſſiuis coniunguntur. VVierus lib. 4. de præſtig. Dæmonum, cap. 9. vnum adfert exemplum ex Ioanne Langio, Illuſtriſſimorum Principum Palatinorum Rheni medico, lib. 1. Epist. 38. Quod contigit Anno Domini à Chriſti natiuitate 1539. in quodam Eiſtetenſis Episcopatus pago Fugelſtal. In hoc pago Vlricus Neuſſer agricola, cùm crudelibus dolorum tormentis circa alterum hypochondrium conſiceretur, ſubitò clauum ferreum ſub illæſa cute manu appræhendit, quem Chirurgus illuc balneator nouacula exciderat: nec tamen ceſſarunt dolores, ſed indies magis in crudeſcebant. Quapropter cùm nec aliud doloris remedium fore miſer, quàm mortem ſuſpicaretur, arrepto cultello, ſibi guttur abſcidit. Itaq; dum tertio die ad ſepulchrum mortuus efferretur, aderant tum Eucharius Roſenbader ex VVieſenburg, Noricorum oppido, ac Ioannes

ab Ettenstet balneator, qui astante magna hominum frequentia, de mortui agricolæ ventriculum inciderunt, in quo lignum teres & oblógum, quatuor ex chalybe cultros, partim acutos, partim instar ferræ dentatos, ac duo ferramenta aspera reppererunt, quorum singula spitami longitudinem excedebant: aderrat & capillorum instar globi inuolucrum. Sed quid potissimum hîc admiraberis? an quomodo tot & tanta ferramenta in ventriculi cauitate contineri potuerint: an qua arte sint ingesta? certà non alia, quàm Dæmonis astu & dolo. Hæc dictus auctor.

QVAESTIO VIII.

Quomodo malefici aut saga nocte ædes maleficiandi ingredi possunt, sine strepitu & rumore, ita ut non deprehendantur?

CONFESSIONIBVS maleficorum & sagarum didicimus, quod non rarò de nocte ædes intrant, infantes rapiunt, aut homines dormientes veneficijs inficiunt. Quæritur ergo qua ratione ita cautè ædes & cubicula clausa intrare valeant? Tractat aliquid de hac quaestione Grilland. lib. 2. de Sortilegijs q. 8.

Hîc in memoriam reuocandum est, quod in superiori tractatu insinuatum, de custodiæ & ducatu Angelorum. Sicut enim bonus Ange-

Angelus homini dux est in bonis, ita malus in malis. Dæmon enim magisterulus, qui suum clientem incitat ad nocendum homini, nocte dum homines dormiunt præcedit ad locum destinatum, fenestras, vel ianuas clausas etiam fortissimis seris aperit, & maleficos vel sagas intromittit, instruitque quomodo dormientem maleficio inficere debeant, imò etiam aliquando dormientibus remedijs soporiferis altiore somnum imprimit, ad lectum dormientis ducit, ac lumen producit ut videant, cautè pannos discooperit, nec non etiam quandoq; suam operam impendit, ut porum veneficij ori, naribus, vel auribus infundant, vel corpus vnctione pestifera inungant. Reexpedita Dæmon fenestras, aut ianuas iterum recludit, quando malefici egressi sunt, ut antea repererar. Nisi enim opera Diaboli vterentur, incredibile videtur, quod intrantes ædes alienas, in quibus fortasse nunquam fuerunt nocturno tempore clausis ostijs & fenestris, ita tacitè ingrederentur, & egrederentur, nec aliquando depræhenderentur. Sic dicit Grillandus se audiuisse à duabus mulieribus maleficis, quas examinandas habuit.

Retulit idem Ioannes Cuno de Rouer, cuius maleficij longam seriem retulimus in primâ parte superioris tractatus. Cum enim Anna mater sua & duæ aliæ sagæ conuenissent, ut de nocte virum quendam Zelosum persecutorem

cutorem maleficorum maleficio conficerenti
Magisterulus præcedens fenestras & ianuas aperuit. Ipse autem Ioannes Cuno pro comite à matre & alijs adductus fuit, vt candelam ardentem, quæ non naturalis, sed arte diabolica confecta erat, (ipso Ioanne Cuno proprijs scriptis sic distinguente) teneret. Venientibus autem eis in cameram maleficiandi in ciuitatem Treuirensē, cū maleficiādu pro more bonorum Christianorū se signo crucis & pijs exercitijs, antequam se quieti tradidisset, muniuisset, nihil efficere potuerunt, sed re infecta reclusis ianuis auolāte debuerunt. Vir autem bonus, cui nocere voluerunt, adhuc viuit Dei gratia, & tam diu viuet, quā diu Deo placuerit. Mater dicti Ioannis Cunonis, cū & ipsa examinaretur super articulis propositis eodem modo confessa est, sicut filius in hoc puncto. Si quis autem miretur, quōmodo tam quietē hæc fieri possint quod homines non excitentur. Respondeo quādoq; etiam homines euigilare, quando huiusmodi tentant facere, imò nonnunquā aliqui percipiunt, quādo potionem infundere contendunt, & euigilant non sumpta sufficienti parte ad tollēdam vitam, sed tātum ad aliquorum membrorum debilitatem, vt exemplis doceri posset, si expediret. Qui autem talia magisteruli aut Martineti, siue mali ducis opera fieri miratur ita clanculum, vt homines semper non eo exci-

tentur: recogitet quomodo Apostolus Petrus *Act. 12.*
dormiens inter duos milites, vinctus duabus
catenis, & adhibita custodia ante ostium carce-
ris, ipsa nocte, cum eum iam producturus esset
Herodes, à bono Angelo nemine rescisciente
eductus sit. Et ecce, ait scriptura, Angelus Do-
mini astitit, & lumen refulsit in habitaculo:
percutsoque latere Petri, excitauit eum, dicens:
Surge velociter. Et ceciderunt catenæ de mani-
bus eius. Dixit autem Angelus ad Petrum: Præ-
cingere, & calcia te caligas tuas. Et fecit sic. Et
dicit illi. Circunda tibi vestimentum tuum,
& sequere me. Et exiens sequebatur eum, &
nesciebat, quia verum est, quod fiebat per An-
gelum: existimabat autem se visum videre.
Transeuntes autem primam & secundam cu-
stodiam, venerunt ad portam ferream, quæ du-
cit ad ciuitatem, quæ vltro aperta est eis. Et ex-
euntes processerunt vicum vnum, & continuo
discessit Angelus ab eo. Et Petrus reuersus ad
se dixit: Nunc scio verè, quia misit Dominus
Angelum suum, & eripuit me de manu Hero-
dis. Hic considerandum, quam secretò Ange-
lus bonus Apostolum eduxerit, & aduertèn-
dum, secundum naturalem potentiam nō esse
etiam difficile facere Martineto, quæ ei ascrip-
simus, in nocturno ducatu sui clientis.

QVAESTIO. IX.

An Magi & Malefici nostri etiam possint seminibus & arborum floribus, nouimenta inferre productione ranarum, murium, erucarum, locustarum, & similium bestiolarum?

Ex confessione eorum percipimus passim eas fateri, quod non rarò huiusmodi operentur: proinde paucis huic quaestioni respondendum.

Prima Conclusio. Certum est maleficos & magos mediante Daemonis opera posse producere ranas, cyniphes, erucas, & similia animalia imperfecta.

HAEC conclusio probatur ex scriptura Exod. 7. & 8. fecerunt malefici per incantationes suas ranas, & serpentes. At Cyniphes educere non potuerunt, non ob eorum impotentiam, sed quia aderat dominatio prohibētis per Spiritum S. ut ait D. Augustin. lib. 3. de Trinit. cap. 9. Vnde Scriptura inquit: Digitus Dei est hic. Atq; quantum ad hanc Conclusionem attinet eam communiter DD. Theologi recipiunt. D. Hieron. Lyran. Dionysius Carthusianus, & alij in cap. 8. Exod. August. in loc. cit.

cit. S. Thom. 1. part. q. 114. artic. 4. Alexander Alensis in 2. part. q. 43. memb. 2. Magist. in 2. d. 7. in fine. Bonauent. & alij ibidem. Guilhelm. Parisien. in lib. de vniuerso, part. 3 & alij communiter alibi. Ad eundem effectum facit Psalm. 77. Et dedit ærugini fructus eorum: & labores eorum locustæ. &c. Et deinde subiungit: immisiones per angelos malos. In quem Psalm. legendi D. Augustin. Cassiodor. & alij.

Secunda Conclusio. Ad productionem talium bestiolarum & animalium imperfectorum, Daemon ex pacto cum mago & malefico tantum dispositiuè concurrit per applicationem agentium naturalium.

HANC docet August. in d. lib. 3. de Trinit. cap. 8. & post eum S. Thom. Alenf. Bonauent. & alij. Ait enim August. Non solum malos, sed nec bonos angelos fas est putari creatores, sed pro subtilitate sui sensus & corporis, semina rerum istarum nobis occultiora nouerunt, & ea per congruas temperationes elementorum latenter spargunt, atq; ita gignendarum rerum, & accelerandorum incrementorum præbent occasiones.

Tertia Conclusio. Huiusmodi animalia iam ad operationem Daemonum producta

pp 2

*ducta ex operatione suæ naturæ nocumenta
inferant segetibus, floribus arborum, aut
fructibus adhuc teneris.*

HVIVS Conclusionis sensus est, quod qui-
dem productio huiusmodi bestiarum
facta ope diabolica, sit præter communem
naturæ cursum, & ita mirabilis quantum ad
producentem, & mouentem agentia naturalia
ad suum effectum, præsupposita tamen pro-
ductione, quod quædam depascant olera, alia
flores arborum, quædam folia, nonnulla etiam
hominibus molestissima sint, id conuenit na-
turæ talium bestiarum. Hæc Conclusio sa-
tis probatur ex locis Scripturæ allegatis. Exod.
8. & Psal. 77. & DD. in eisdem locis. His accedit
quod sicuti miracula non sunt multiplicanda
sine necessitate: ita nec mirabilia censenda, quæ
fieri communi cursu naturæ ratio conueniens
suadet. Cum enim huiusmodi animalia licet
imperfectiora sint, quippe quæ ex putrefa-
ctione faciliè generantur, & quasi à casu, au-
ctore Aristotele lib. 7. Metaphys. tex. 23. vitam
habeant, indigent nutrimento aliquo, atq; in
id sibi conueniens ex natura indita feruntur.
Ideo quando magi & malefici auxilio Dæmo-
nis volunt hominum generi detrimenta in-
ferre in seminibus aut fructibus arborum, dæ-
mones concurrunt, Deo tamen permittente,
ad productionem similium animalium in
tanta

tanta copia, vt verissimiliter magna ex parte flores arborum, aut fructus adhuc teneros depascant, corrodant, mortificent & contaminent. Ex qua corruptione humano generi, ad cuius conseruationem fructus terræ & arborum necessarij sunt, damna maxima contingunt.

Quarta Conclusio. Possunt etiam magi & malefici auxilio malorum spirituum animalia imperfecta hinc inde in varijs locis conspersa congregare in vno loco & conseruare.

HANC, in qua Theologum non puto posse dubitare, breuiter docet Nicolaus Remigius Serenissimi Ducis Lotharingiæ consiliarius lib. 1. Dæmonolatriæ cap. 21. Prodierrunt anno præterito 1595. huius Auctoris Dæmonolatriæ lib. 3. in quibus ex iudicijs capitalibus non gentorum plusquam minus, qui propter sortilegij crimen intra annos quindecim in Lotharingia, vbi ipse est cognitor publicus, morte multati sunt, omnes effectus, quos maleficis & strigibus tribuimus, multarum confessionum exemplis ostendit atq; illustrat. Conclusionem hanc nunc paucis probamus. Atq; in primis ex communi & recepta Theologorum doctrina. Corpora hæc inferiora etiam angelis malis, quæcum ad motum

localem obediunt (intellige semper, nisi Deus cui omnia subiecta sunt, impediatur.) Atque hanc propositionem post S. Augustin. lib. 3. de Trinitate cap. 8. & 9. tradunt S. Thom. 1. par. q. 110. art. 3. & lib. 3. contra gentiles, cap. 103. S. Bonavent. Palud. Richard. & alij cum Magistro in 2. d. 7. Syluest. in verb. Maleficium. q. 2. Franciscus Victoria in relect. de arte magica, à nu. 32. Benediçt. Pererius lib. 1. de magia, cap. 6. & alij alibi. Vnde citissimè & celerrimè propter magnam potentiam & virtutem possunt corpora de loco ad locum transportare. Hinc sicuti res alias alibi factas Demones celerrimè ad magorum aliquando ostentationem ex locis etiã latè distantibus possunt alportare: Sic quoque valent animalia imperfecta & minutiora in diuersis locis via naturali enata, coaceruare, & in locum destinatum mouendo cõgregare. Qui enim homines mouendo celerrimè ex diuersis locis in vnum locum potest coadunare: quid impedit, quo minus erucas, limaces, locustas & similes bestiolas in vnum locum cogat? Atque hoc modo fieri potuit, quod aliquando memini relatum, quosdam ex nostris maleficis confessos, quod habuissent tempore quodam autumnii vas plenum limacibus paruis ad perdendum semina frugum. Dæmoni enim minimè difficile est paruo tempore colligere, & vno loco includere magnum cumulum, & quasi infinitum numerum minutio-

nutiorum bestiolearum. Nicolaus Remigius refert exempla ex procelibus & indicijs in hunc modum. Alexia Violæa in agro Tentræo Anno Domini millesimo quingentesimo octuagesimo tertio refert se, postquam bachantium more hac atque illac vnâ cum æqualibus multum discurrisset, solitam in aëre spargere minutum quendam puluerem, ad id sibi idcirco à Dæmone concessum: vnde erucæ, bruchi, locustæ, atque id genus pestes fatorum adeo densæ nascerentur, vt ijs agri ilicò vnde quaque contaminarentur. Apra Hoselotia, Alexia Drigæa, Odilla Boncuriana, & Rosa Gerardina memorant se simili facto ingentem murium copiam non semel in agris excitauisse, qui ilicò in terram se abderent, corro dendis ortarum frugum germinibus: Et post quædam subdit: Quemadmodum nostra ætate visus est Nanceij Comes quidam è Germania vniuersæ cubiculi muscas circa infixum in parietem pugiunculum congregans, non aliter atque apes in fuga verberis instar è ramo pendere solent. Et alius è tota vicinitate, ac confinio excitos angues in ignem Magico circulo conclusum inducēs, ac cum ex ijs quæ corpore immanior erat, in illum ingredi detrectaret: coacta est tamen repetito idē idem carmine id facere, ac se cum cæteris in obiectum ignem dedere & prouoluere. Hæc ille. Ex his nō est difficile colligere,

qua ratione quidam incantatores aliquando in alicuius ædes, cui malè volunt, maximum glirium, aut murium numerum cogant, ut trumenta consumant, & alias molestias inferant. Non enim in verbis, aut signis est aliqua virtus coactiua, sed Dæmon ex pacto ad prolationem verborum & applicationem signorum operatur ad coadunationem murium, & glirium in tali loco, quem incantator & magus præfigit. Cum hinc mentionem fecerimus, dæmonem per motum localem varia operari, dubium occurrit hoc loco soluendum, ut cõstet, an superstitio sit credere, vel aliquid veritatis obtineat opinio illa, tam quorundam incantatorum & magorum, quàm etiam multorum venatorum, qui existimant incantationibus impediri posse capturam ferarum. Ad quod dubium respondetur affirmatiuè, fieri posse ut impediatur captura ferarum incantatione & arte magica. Ut hoc melius intelligatur, recolendum quod feræ aut canibus capiuntur, quemadmodum ut plurimum lepores multi capiunt: & tunc impedimentum potest fieri à Dæmone ex parte canum insequentium leporem, quos in cursu potest impedire, vel in apprehensione; aut etiam leporem velocius potest impellere, & motu locali transferre, ita ut canes effugiat. Si autem feræ retibus sint capiendæ, his modis aut similibus impedimentum opponitur. Aut ante retia potest se
in cor-

in corpore assumpto ponere, vt feram ante-
uertat, vel ad eundem finem imprimere illu-
sionem phantasmati fera, vt apprehendat ho-
minem, vel canem sibi aduersantem. Aut de-
niq; transferendō per motum localem feram,
ne retia attingat: vel eadem etiam retia inuisi-
bilibiter eleuando, vt pateat securus transitus.
Cum enim Dæmon sit mille artifex, non de-
sunt illi modi, quibus hominum commodis
aduersetur, & suorum clientum, scilicet incan-
tatorum & magorum causam promoueat. Si-
quidem incantatores omnem fiduciam collo-
cant in suis incantationibus & signis magicis
in ordine ad præstandum impedimenta cap-
turæ ferarum, ita & ipse ex pacto tacito, si non
quandoq; etiam expresso, concurrat tanquam
fidelis cooperatoꝝ ad impediendum, vt au-
geat rerum vanam confidentiam, & suam fal-
laciem fidem confirmet.

LEX V.

*Nemo Auruspicem consulat, aut Ma-
thematicum: Nemo Ariolum: Augurum
& Vatum praua confessio conticescat, Chal-
dei & Magi, & ceteri, quos maleficos ob fa-
cinorum magnitudinem vulgus appellat,
nec ad hanc partem aliquid moliantur. Si-
leat omnibus perpetuò diuinandi curiositas:*

Pp 5

Etc.

Etenim supplicio capitis ferietur, gladio ultore prostratus, quicumq; nostris iussis obsequium denegauerit. Lex est Constantini ad populum.

HAEC L. partim spectat ad magiam diuintricem, partim ad effectricem. Litera ferè patet ex superioribus, vbi de varijs diuinationis speciebus dictum est. D. Hierony. lib. 1. commentariorum in Daniele m. cap. 2. in illa verba: Præcepit Rex, vt conuocarentur harioli, & magi, & malefici & Chaldæi: distinctionem ponit inter hæc nomina. Secundum eum harioli sunt, quos alij *παιδοὺς*, id est, incantatores interpretati sunt, & secundum eundem doctorem rem verbis peragunt. Magi, qui de singulis philosophantur. Malefici, qui sanguine vtuntur & victimis, & sæpe contingunt corpora mortuorum. Porro in Chaldæis genetliaci significantur, quos vulgus mahem taticos vocat. Sed latius quædam nomina ex dictis in hac lege accipiuntur. Etsi enim sacris literis Chaldæi intelligantur, qui per considerationem astrorum & astronomiam diuinabant, eò quod astronomia in Chaldæa viguerit, vt apparet ex illo Esaiæ, Vbi scriptum de Babilone cuitate Chaldee: Stent & saluet te augures tui, qui contemplantur, & supputabant menses, vt ex eis annuntiarent futura tibi: tamen in hac lege videntur idem esse, quod magi. Magos enim Chal-

Chaldæos Afsirij, à Chaldæa Afiæ regione nominabant. Et cùm magi apud Perfes potiffimū Deorum cultui vacare folerent, in tātum poſtea aucta eſt eorum vanitas, vt non ſolū obſervatione ſyderum futura prædicere, ſed artibus quibuſdam & maleficijs & ſcire ſe omnia, & facere poſſe profiterētur: quæ duo comprehendunt tam magiam diuinatricem, quàm operatricem. Per magos in hac L. diabolicis artibus mirabilium rerum effectores intelligo, quos vulgus omni tempore maleficos appellauit, vt patet ex Rub. hac L. & L. Et ſi excepta. infra. & in can. Nec mirum. §. Magi ſunt, qui vulgò malefici ob facinorum magnitudinem nuncupantur. Hi permiſſu Dei elementa concutiunt, turbant mentes, ac ſine villo veneni hauſtu, violentia tantum carminis interimūt. Hos effectus etiam hæll. magis & maleficis tribuunt. Atque ſic magos malas artes exercentes maleficos à vulgo ſemper appellatos, teſtes ſunt antiquiſſimi Patres, Caſſianus in collat. 8. cap. 19. Auguſtin. de Ciuitate Dei lib. 21. cap. 6. Laſtant. lib. 2. de origine erroris cap. 17. Iſidorus lib. 8. Ethymolog cap. 9. & S. Thom. lib. 3. contra gentiles cap. 106.

Nota hīc in illis verbis (quos maleficos, ob facinorum magnitudinem, vulgus appellat) maleficium, vt etiam nos experientia diſcimus, vix vnquam, vt in præſenti negotio de eo loquimur, continere vnum ſimplex cri-

crimen, sed semper multa includere: & proinde iudicium sumendum ex multis comitantibus. Nostri autem malefici hæc scelera committunt; abnegationem DEI, quæ est porta ad omnia scelera, fidei in Baptismo susceptæ, ac communioni Sanctorum abrenunciant: cum Dæmone pactum in destructionem cœlestis regni ineunt, cum Sathana rem Veneriam exercent, nocte eodem cooperatore ad congregationem proficiscuntur, ibidem idololatriam exercent, exhibendo honorem & cultum Dæmonibus; cōspirant cum eisdem in perniciem humani generis, quomodo fructibus & seminibus, nec non hominibus nocere possint, & talia exequuntur Dæmoniaco auxilio accito, homicidia committunt, infantum corpora non rarè exhument, quæ vel in cineres, aut liquores igne resolvunt, nonnunquam etiam corda infantum comedunt, Sacratissimo Eucharistiæ Sacramento turpissimè sepius abutuntur, iumenta & pecora morbis vsque ad mortem inficiunt, personas matrimonio iunctas impediunt, ne matrimonij actus debito modo exercere possint: odia inter coniuges aliquando generant, parricidia frequenter committunt, blasphemias frequentant, & alia plura facinora nefanda, quæ nominari nec possunt, nec decet, perpetrare non verentur, ut plurimis fidelissimis confessionibus testimonijst

que

que didicimus. Quare rectè malefici dicuntur, non solum ob facinorum magnitudinem sed etiam multitudinem. Neque tamen omnes malefici & sagæ omnia hæc coniunctim semper committunt, sed alij alijs sunt peiores. Hæc tamen ferè omnibus sunt communia: Abnegatio Dei, abrenūciatio fidei in Baptismo susceptæ, pactum cum Dæmone, Apostasia, idololatria in congregatione, abusus sceleratissimus Dæmonis in forma incubi aut succubi, conspiratio ad perpetrandum aliquod malum contra Reipubl. ac patriæ salutem, homicidium, aut aliquorum animalium perditio, sacrilegium in abusu Eucharistiæ, & blasphemia.

Postremò circa illa verba. (Etenim supplicio capitis ferietur, gladio ultore prostratus) aduertendum, quod quamvis secundum Iuris peritos generaliter loquēdo, per pœnam capitalem non intelligatur pœna mortis, sed etiam exilij: Cyn. L. i. C. de falsis. Marfil. in pract. Crim. §. Oportunè. num. 40. Boër. in decis. 254. Iulius Clarus lib. 5. §. fin. q. 67. & alij: tamen hic intelligitur pœna mortis, ut intelligitur ex verbis adiunctis, supplicio capitis ferietur, gladio ultore prostratus.

QVAE

QVAESTIO I.

An malefici sic dicti à vulgo, ob facinorum magnitudinem, morte sint afficiendi?

QVÆSTIO hæc hoc tempore solemnis est, cùm ob frequentiam maleficiorum dubium quandoq; in casibus occurrentibus incidat, maximè cùm non omnes malefici sint pares in malitia. Anteresolutionem quædam sunt prænotanda.

Primum notabile. Secundum legem diuinam & humanam, pœna est commensuranda delicto & culpæ. Deuteron. 25. Iuxta mensuram delicti, erit plagarum modus. can. Non afferamus. 24. q. 1. cap. Sicut dignum, de homicid. & cap. Fœlicis, de pœnis in 6. & L. Respiciendum. ff. de pœnis. & L. 1. §. Sed & qui. ff. de abigeis.

Secundum. Delictum tanto grauius est, quanto dignior persona, in quam peccatur. S. Thom. 1. 2. q. 73. artic. 9. S. Antonin. 1. part. tit. 9. §. 1. cap. 1. & alij alibi. cap. 1. de calumniat. cap. Cùm illorum. de senten. excommunicat. Institut. de iniurijs. §. Atrox. Ex quo fundamento, cæteris paribus, grauiora sunt peccata, quæ in Deum committuntur illis, quæ in homines. cap. Vergentis, de hæret. & in Authen. Gazaros. in C. eod. tit. Hinc deducitur, quod abnegatio Dei, idololatria, præuaricatio, Astartia, herelis, sortilegium, diuinatio, incantatio

tatio, & similia, sunt grauissima peccata, & referuntur ad crimen læsæ maiestatis diuinæ.

Tertium. Est differentia inter hæresin propriè dictam, & crimen maleficorum: quia hæresis simplex peccatum est, nec tam multa alia inuoluit: at maleficium colluuiens peccatorum comitatur, vt ex dictis clarum est. Sic communiter malefici incidūt in pœnam multorum criminum. Participant vt plurimum cum hæreticis in aliquo: longè tamen eos malitia superant in alijs. Ex hac causa non est eadem causa cognitionis & pœnæ. Si nihil aliud maleficium haberet, quàm hæresis crimen, nullo modo cognitio eius ad iudicem secularem spectaret: cum autem diuersa habeat adiuncta, misti est fori, & est locus præuentioni, nisi consuetudo alibi aliud obtineat.

Prima Conclusio. Malefici sic dicti à vulgo, ob facinorum magnitudinem, secundum legem diuinam & humanam, morte sunt mulctandi.

PROBATVR primò ex lege diuina. Exod. 22. Maleficos non patieris viuere. Glossa ibidem, (Maleficos) qui præstigijs magicæ artis & diabolicis figmentis agunt. Glossa alia interlinearis. Maleficos, id est, cooperatores & adiutores Diaboli. Raban. ibidem Maleficos appellat illos, qui præstigijs magicæ artis,

artis, ac diabolicis sigmentis causas agunt, &
 ab vno Deo, qui est auctor omnium bono-
 rum auertere satagunt, quos vltra valere ad
 hominum perniciem, lex non patitur, sed ma-
 gis extinguere iubet. Nicolaus Lyranus, Ma-
 leficos non patieris viuere: in Hebreo dicitur:
 Sortilegam non patieris viuere: & licet expri-
 mat mulierem tantum, tamen intelligitur de
 homine sortilego, sicut exprimit translatio
 nostra: sed Scriptura exprimit id, quod com-
 munius est, scilicet quod mulieres sint sortile-
 gæ. Ponitur autem hæc lex inter eas, quæ reprimunt concupiscentiam carnis: Quia sortile-
 gia frequenter fiunt in his, quæ spectant ad ac-
 tum carnis. Dionysius Carthusianus accedit
 ad has expositiones. Sed Hugo Cardinalis in
 illum locum aptè ad materiam hanc loqui-
 tur: Maleficos vocat non quoslibet intentos
 criminibus, sed præstigiatores, hariolos, ma-
 gos, inspectores peluis, vel gladij, inuersores
 psalterij, carminatores, qui scilicet carmini-
 bus diabolicis vtuntur. Omnia enim ista sunt
 contradicente Domino, & Sacra Romana Ec-
 clesia, & sacris canonibus. Hos sequuntur Ni-
 colaus Iaquerius cap. 22. in flagello fascinario-
 rum. Ioannes Trittemius in tract. de reprobis.
 Barthol. Spineus de strigibus cap. 3. Malleus
 maleficarum, Bernard. Basinus de artibus ma-
 gicis, 10. Conclus. Martinus Arles in tractat. de
 superstitionibus, numero 102. Latè & doctè
 Tho.

Thomas Erast. in dialogo de Lamijs. Ample-
ctitur eandem expositionem Iuris periti. Tro-
ilus Maluctius in tractat. de fortibus, num. 17.
Martin. Nauar. in manuali Confessar. cap. 11. n.
28. Damhauder. in pract. crim. cap. 61. nu. 137.
Iacob. Menoch. de arbitr. Iud. qq. cas. 388. n. 16.
copiosè. Ioan. Bodinus in confutat. opinionis
Ioannis VVieri, & alij alibi.

Contra communem Patrum & Doctorum
sententiam obijcit Ioan. VVierus, nec vult
ita intelligi textum in Exod. 22. sed veneficos:
quia textus græcus habet *φαρμακός*, quod
signat veneficos, qui veneno naturali occi-
dunt, & non arte magica vtuntur. Sed valdè
malè VVierus aduertit, cùm non solùm a-
pud Græcos, sed etiam apud latinos, vt suprà
etiam significatum est, nomen veneni & ve-
neficij etiam magicis artibus conueniant. Sic
Sancti Patres nomen (veneficos) maleficis
attribuunt. S. Hieronymus, qui teste Au-
gustino 18. de Ciuitate Dei cap. 43. & ipsa ex-
perientia, trium linguarum peritissimus fuit,
vbique nomen græcum *φαρμακός*, vertit male-
ficus, vel maleficos, secundum inflexionem
nominis, vt patet ex locis paulò post citan-
dis. Sic etiam ad magos & maleficos transtert
Philo Iudæus in lib. de specialibus legibus,
cuius verba ad longum adduximus in expli-
catione primæ L. huius tituli. S. Augustin. de
Ciuitate Dei lib. 21. cap. 6. Si magorum opera,

Qq

quos

quos nostra scriptura veneficos & incantatores vocat, in tantum Dæmones extollere potuerunt, &c. Quæro hîc ubi nostra scriptura magos vocat veneficos & incantatores, nisi in d. loco Exodi, & similibus: secundum interpretationem LXX. interpretum? Eodem modo Isychius in Leuit. cap. 19. in illa verba. Non declinetis ad magos, nec ab Ariolis aliquid sciscitemini, vt polluamini per eos. Septuaginta autem edunt, ait: Non sequimini ventriloquos, & veneficis non adiungamini, &c. Et paulò pòst, vt eius mens intelligatur, quid per veneficos intelligat, subdit: pessimum est etiam, & veneficis adhærere: quia Dæmonum inimicorum nobis, & pestilentium nomina dicunt. Qui etsi ad breue tempus, vt in errorem mittant, videtur operari aliquid, quod ad corporalem sanitatem vile & paruum, quale etiam imperiti medici operari possunt: veruntamen nec hoc vt boni, neque vt bene volentes hominibus, operantur, sed in seruitutem illos redigere, & à Deo separare cupientes. Adeundem sensum interpretatur in cap. 20. Leuitic. lib. 6. His addo, si quod obscurum esset exponendum in sacris literis, quod tamen minimè in hoc loco est, id foret exponendum secundum similia loca Scripturæ. Sed in similibus locis accipitur in sensu à Patribus declarato: Ergo. Probatur assumptum, Exod. 7. utitur Scriptura
eodem

eodem verbo, quo cap. 22. Sed ibi accipitur pro magis cooperatoribus Dæmonis, ut clarè patet ex textu, qui sic habet. Vocauit autem Pharaon sapientes & maleficos, & fecerunt etiam ipsi per incantationes Aegyptiacas & arcana quædam similiter. In quo loco quis non videt per maleficos, quos textus græcus *φάρμακός* appellat, id est, veneficos, non intelligi eos qui naturali veneno, & modo inficiunt, sed solum per incantationes & arte diabolica, ad mentem Sanctorum Patrum? Et iterum circa finem capituli. Feceruntq; similiter malefici Aegyptiorum incantationibus suis, & cap. 8. Fecerunt autem malefici per incantationes similiter, eduxeruntq; ranas, super terram Aegypti. Et iterum in eodem cap. Feceruntq; similiter malefici incantationibus suis, ut educerent cyniphes, & non potuerunt: & dixerunt malefici ad Pharaonem. Digitus Dei est hic. In quibus locis omnibus patet, quod nomen græcum sicut etiam latinum, non physicè accipitur, sed pro veneficis, qui arte Dæmonis & magica ranas educebant. Idem patet ex alijs locis. 2. Paralip. cap. 23. Ezechias transire fecit filios suos per ignem, &c. obseruabat somnia, sectabatur auguria, maleficis artibus inseruiebat, habebat secum magos & incantatores. Hierem. 27. Vos ergo nolite audire prophetas vestros, & diuinos, & somniatores, & augures, & maleficos. Daniel. 2. Præcepit rex

vt conuocarentur arioli, & magi, & malefici, & Chaldæi, vt indicarent regi somnia. Esaia 47. Venient tibi duo hæc subitò in die vna, sterilitas & viduitas. Vniuersa venerunt super te, propter multitudinem maleficorum tuorum, & propter duritiam incantatorum tuorum vehementem. In his locis scripturæ alijsque, quæ adferri possent, vt clarum est ex antecedentibus & comitantibus, circumstantijsque adiunctis, per nomen *φαρμακός*, non intelligitur is, qui veneno Physicè vtitur, sed arte diabolica, cùm tamen idem nomen ubique ponatur, mutatis tantum mutandis, secundum declinationem. Quare vim infert litera, qui contra totius Ecclesiæ & Patrum consensum vnanimem, dictum locum, Exod. 22. aliter explicat. Accedit quod hebræi sermonis periti exponunt: Sortilegam, vel præstygiatricem non fines viuere. Eadem Conclusio probatur alijs scripturæ locis. Deuter. 18. Nec inueniatur in te, qui lustrat filium suum, aut fillam ducens per ignem: aut qui ariolos sciscitetur, &c. nec sit maleficus nec incantator, &c. omnia enim hæc abominatur Dominus, & propter istiusmodi scelera delebit eos in introitu tuo, & Deuter. 13. Dominus præcipit iudici, vt falsum prophætam & somniatorem, seducentem populum post Deos alienos, sine mora interficiat, & filios Belial cum affeclis igni & gladio persequatur. Hieremiæ 50. Gladius

dius ad Chaldeos, ait dominus, Gladius ad diuinos. 4. Reg. 1. cap. Ochozias, quia consuluit Beelzebub Deum Accaron, super infirmitate sua, mortuus est, iuxta sermonem Domini. 1. Paralip. cap. 10. Saul mortuus est, quia Phytomissam consuluerat, nec sperauerat in Domino 1. Reg. c. 28. Saul adhuc memor præcepti Domini, abstulit magos, & hariolos de terra, & interfecit eos, & ibidem Phytomissa inutato habitu: Tu scis quanta fecerit Saul, & quomodo eraserit magos & ariolos de terra. Quare ergo insidiaris animæ meæ vt occidar?

Secunda pars Conclusionis, quantum ad L. humanam & ciuilem, constat ex hac L. & ex L. Nemo & L. Nullus. L. Multi. & L. Et si excepta. eod. tit. & DD. iuris ciuilis in has leges. Azo. in summa eod. tit. Bonific. de Vitalinis in tract. de maleficijs, in tit. de sortilegis & mathemat. Panormit. in cap. 1. de Sortileg. Hostiens. in summa eod. tit. §. Quæ sit pœna. Ioan. ab Anania ibid. Paul. Grilland. lib. 2. de sortileg. q. 11. num. 11. Damhæuder. locò citato, Menoch. de arbitr. Iudic. qq. cas. 288. num. 5. & c. Approbat has leges, quantum ad pœnas, S. Augustin. lib. 8. de Ciuit. cap. 19. Vnde argumentatur aliquam vim inesse arti magicæ. Cur enim, inquit, tam grauitè ista plectuntur seueritate legum, si opera sunt numinum colendorum? An forte istas leges Christiani instituerunt, quibus artes magicæ puniuntur? secundum

quem alium sensum, nisi quod hæc maleficia generi humano pernicioſa eſſe non dubitauit?

Dubium hic incidere poteſt, *An malefici & ſaga de quibus nunc loquimur. ſint morte afficiendi, etiam ſi hominem, equum, vaccam non interfecerint, ſed tantum in congregatione, aut curſu fuerint?* pro reſolutione, lit

Secunda Concluſio. *Malefici & ſaga, de quibus nunc agimus, etiam ſi damna nemini in exterioribus intulerint, ſi in conuentu fuerint, nocturnas congregationes frequentauerunt, & alia exercuerunt, quæ communiter ibi fieri ſolent, ſecundum legem diuinam & humanam iuſtè morte afficiuntur.*

Prima
pars proba-
tur.

PROBATVR Concluſio. Primò, quantum ad legem diuinam. Exod. 22. Maleficos non patieris viuere. Maleficos autem, vt ex dictis conſtat, appellantur, qui præſtigijs magicæ artis & diabolicis figmentis caſſas agunt, Deo abrenunciant, & ad diaboli caſtra decurrunt. Sed qui ad nocturnos conuentus veniunt, omnes tales ſunt. Quia nullus ad talem locum venit, qui in primis Deo non abrenunciauerit & cum Dæmone pactum inierit, vt omnium, qui tam infauſtam artem exercent, confeſſionibus diſcimus.

Secun-

Secundò: Idololatræ, secundum legem diuinam, mortem merentur. Exod. 30. & 32. Deuteron. 13. & 27. & alibi. Quæ autem natio vnquam tam grauem idololatriam commisit, ac nostri malefici committunt, qui Deo vero relicto, Dæmoni obedientiam, honorem, ac cultum impendunt. Iudæi ac gentiles, si quam idololatriam exercebant, id faciebant, quia idolis ligneis, aut lapideis diuinitatem aliquam inesse credebant. At nostri malefici & sagæ scienter ac prudenter ei honorem, obedientiam & cultum Deo debitum impendunt, quem Dæmonem cognoscunt. Quid enim aliud in suis nocturnis conuentibus faciunt, quàm Dæmoni famulatum præstant, & honorem impendunt? Qui eos idololatriam committere dubitant, recogitent, an non populus Hæbreorum idololatriam commiserit, quando coram vitulo lusit, choros duxit, edis & bibit? quid aliud malefici in nocturnis conuentibus coram Dæmone faciunt? ipsum certis diabolicis ritibus honorant, ludunt, choreas ducunt, edunt & bibunt. Et si Moyses hoc factum populi capitale non duxit, quomodo ergo viginti tria milia hominum occidit, vt Scriptura testatur?

Tertiò: secundum legem diuinam, qui consulit diuinos, magos & incantatores, mortem meretur, Leui. 20. Anima, quæ declinauerit ad

rit ad magos & ariolos, & fornicata fuerit cum eis, ponam faciem meam contra eam, & interficiam illam de medio populi mei: ergo multo magis ipse magus, aut maleficus mortem meretur, quia ipse utitur diaboli opera. Sed non apparent in conuentibus nostri malefici nisi iam declinauerint ad Dæmones, & fornicati fuerint cum eis: ergo secundum legem diuinam, hoc titulo, mortem merentur.

Quartò: Secundum legem Dei mortem meretur, qui cum iumento coierit, ex Exod. 22. quæ lex statim subiungitur legi de pœna maleficorum. Sed grauius est cum Dæmone rem veneream exercere.

Quintò: lege diuina blasphemus lapidibus obruitur, & morte plectitur. Leuit. 24. Educ blasphemum extra castra, & ponant omnes, qui audierunt, manus suas super caput eius, & lapidet eum populus vniuersus. Et ad filios Israel loqueris. Homo qui maledixerit Deo suo, portabit peccatum suum, & qui blasphemauerit nomen Domini, morte moriatur, lapidibus obruet eum omnis multitudo populi. Quanta autem sit blasphemia maleficorum in Deum, Beatissimamq; Virginem, &c. nemo est qui ignoret, nisi tam fœlix sit, quod de hoc infœlicissimo hominum genere nihil unquam audiuerit.

Probatur nunc, quantum ad secundam partem, quod secundum legem civilem & rectam rationem etiam Conclusio locum habeat.

*Probatio
Conclusio-
nis quantum
ad leges
civiles.*

Primò: Malefici nostri sunt Apostatæ. Apostatæ autem puniuntur ultimo supplicio, sicut etiam hæretici. Hostiensis & Panormitanus in cap. 1. de Apostat. Damhauder. loco cit. num. 43. Quod autem apostatæ sint, pater. Discedant enim à vero Deo, & Diabolum sequuntur.

Secundò: Qui paganorum ritus & sacrificia exercent, ultimo supplicio afficiuntur. C. de paganis & eorum sacrificijs. L. 1. & 2. & ibidem L. Nemo venerantis. Quid ergo merebuntur, qui non solum paganorum, sed diabolorum ritui & sacrificijs insistant?

Tertiò: Vita nostra est militia super terram. Huius autem militiæ duo sunt duces. Christus Electorum, & Sathan peruersorum, & inter hos duces eorumque milites bellum est perpetuum, & odium vehementissimum. Duces autem supremo, Domino Deo, & Christo, nomina nostra dedimus, fidem addiximus, & obedientiam promissimus ante Baptismi susceptionem, quando quisque nostrum interrogatus: Abrenuncias Sathanæ? & responsum. Abrenuncio. Et iterum: Et omnibus pompis eius? Abrenuncio. Et iterum: Et omnibus operibus eius? Abrenuncio. Et tum subsequi-

tur. Credis in Deum patrem omnipotentem, Creatorem cœli & terræ, &c. Et responsum, credo. Huius abrenunciationis, tanquam rei antiquissimæ, meminere sancti Patres, Dionys. Arcopagita c. 2. Ecclesiast. Hierarchiæ, Basil. in lib. de Spiritu sancto cap. 27. Ambros. in lib. de ijs, qui mysterijs initiantur, c. 2. Orig. hom. 12. in numeros. Cyrill. Hierosolym. Catechesi 1. mystagogica. Tertullian. in lib. de corona militis, Raban. lib. 1. de institut. clericorum, & alij alibi. Ex qua renunciatione constat nos abrenunciassse Sathanæ, & eius operibus, & addixisse supremo Regi & duci fidem obedientiamq; cuius militiæ iura, fœdera ac signa suscepimus indicto continuo & perpetuo bello, regno Sathanæ. Nunc ad propositum. Qui in bello ad hostes aut fugit, aut vult transfugere, ultimo supplicio afficitur, secundum leges. L. Desertorem. §. Is qui ad hostes. ff. de remilitari. L. Si quis aliquid ex metallo. §. Transfugæ. ff. de pœnis. Transfugæ ad hostes, aut secretorum nostrorum renunciatores, aut viui exurantur, aut furca suspendantur. Quæ pœna ergo digna erit, qui à Duce Christo, cui fidem dedit, & obedientiam promisit, fit transfuga ad crudelissimum omnium hostem Dæmonem? His accedit, quod secundum rigorem iuris militaris, miles si arma amisit, vel alienauit, capitis damnari potest. in d. L. Desertorem. §. Miles. Miles ergo Christi, qui abiicit, contemnit, &c.

nit, & conculcat armaturam Christi, & scutum fidei, in quo posset, si vellet, secundum apostolicam doctrinam, extinguere tela nequissimi aduersarij, quam merebitur pœnam?

Quartò : Secundum legem non solum diuinam, sed etiam civilem, blasphemus mortem meretur, vt est textus clarus in Authent. vt non luxurientur contra naturam, quam authent. Ioan. ap Anania cap. 2. de maledic. vehementer laudat, & magnificat: & ita affirmant & concludunt Doct. vt attestantur Damhaud. in pract. crim. c. 61. nu. 26. & Iul. Clar. li. 5. sent. 6. Blasphemia nu. 3. Quæ tamen pœna hodiernis temporibus non seruatur, ob defectum religionis & iustitiæ, vt dicit Lucas de penna, in L. omnes. C. de delator. lib. 10. Seruanda autem esset huiusmodi pœna, si esset magna & enormis blasphemia, quæ ex deliberato, & dolo proposito procederet, vt Zasius lib. 1. consil. 19. annotat, & sic Boerius in decis. 301. aliquando practicum in nobilibus & doctis curijs tradit. Cogitet ergo Christianus quæ pœna digni sint malefici, qui non solum verbis, sed etiam facto maximas blasphemias in Deum. B. Virginem & Sanctos iaciunt vt placeant Dæmoniorum principi, cui magis probatur, qui maiora scelera perpetrat. Committitur enim blasphemia facto, vt docet Ludouic. de monte alto, in tract. de Reprobatione Sententiæ Pilati, num. 6. pro qua do-

Arina faciunt quæ dicunt Franciscus Squillacensis de fide Cathol. cap. 15. & 16. & Ioan. Immolens in Clem. 1. de vsur.

Quintò: Peccatum contra naturam, siue Sodomia, secundum ius ciuile etiam morte punitur, tam in agente, quàm patiète. L. Cùm vir nubit in fœminam. C. ad L. Iulii de adult. & in d. Authentica, vt non luxurientur contra naturam. 15. q. 1. can. Mulier. & 23. q. 5. can. Reos. §. Qui coierit. Et quamuis textus in d. L. Cùm vir nubit innuat pœnam gladij: consuetudine tamen receptum est, vt peccantes contra naturam, igne concrementur, vt docent Angel. in d. L. Damhauder in pract. crimin. cap. 96. num. 12. Iulius Clarus lib. 5. in §. Sodomia, & alij alibi. Quam consuetudinem sequitur Constitutio Criminalis Imperatoris Caroli V. in artic. 116. Quis igitur dubitat pœna mortis afficiendum eum qui hoc enormissimum peccatum non dubitat exercere cum spiritali creatura, quod omnia peccata carnis malitia & enormitate superat? Et confirmo. Si Iudeus Christianam carnaliter cognoscat, maxime accedente aliqua circumstantia augente malitiam, morte plectitur, secundum aliquorum Doctorum sententiam, quam etiam amplectuntur Constitutiones nouæ Mediolanensium, sub Rubrica de pœnis, cap. Iudæus, referente Menoch. lib. 2. de arbitr. Iudic. quæst. casu 290. idq; ob disparitatem cultus & infidelitatis.

deliratem. Quâto maiorem meretur pœnam, qui cum Dæmone coit, vbi non solum naturarum diuersitas, sed etiam in nullo communicatio? De pœna Iudæi coeuntis cum Christiana, tractant ad longum Paulus Grilland. de pœnis omnifariam coitus. q. 12. Boërius in decis. 316. Menoch. doctè loco cit. Anthônus Gabrielius Roman. lib. 7. communium conclusionum, conclus. 21. Marsil. in cons. 101. incipiente, Illumina quæso. Alexand. in cons. 99. vol. 6. incip. Visa inquisitione formata contra Abraam. Oldradus de ponte, in consil. 333. incipien. Qualiter puniatur Iudæus cognoscens. Philip. Corneus lib. 1. cons. 114 incip. Licet primo aspectu. Canonistæ in cap. In nonnullis, cum Gloss. de Iudæis.

Sextò : Secundum leges humanas, quæ crimen læsæ maiestatis humanæ committit, extremo supplicio afficitur. L. Quisquis. C. ad Legem Iuliam Maiest. & hæc communissima est sententia. Ergo multò magis, qui reus est læsæ maiestatis diuinæ. Quia grauius est diuinam, quàm humanam lædere maiestatem, cap. Vergentis. de hæret. & in Authentic. Gazaros. C. eodem tit. Sed nostri malefici sunt rei læsæ maiestatis diuinæ. L. Etsi excepta. infra eod. tit. id quod ratio euidenter demonstrat: declinant enim à partibus proprii sui domini & Regis, ad hostem regni, & cum eo pactum ineunt, contra proprium & summum suum principem,

pem, quod est de natura criminis læsæ maiestatis. Sed non sunt rei læsæ maiestatis, quatenus damna in exterioribus inferunt, quia sic in longè minora crimina incidunt, ergo quatenus pacta incunt cum Dæmonibus, aduersus Deum & regnum eius. Nisi quis ita impudens sit, qui iudicet maius esse peccatum, hominem occidere, aut duos equos interficere, quam Deum abnegare, communioni Sancto-
cum abrenunciare, & pacta cum Dæmonibus inire. Sed omnes qui in congregatione apparent, & cum reliquis conuenticula frequentant, iam sunt rei læsæ maiestatis diuinæ: Aliàs non interessent tam foedæ societati.

Septimò. Secundum II. hæc ciuiles, diuinatores, aruspices, & similes morte mulctantur, vt patet in L. Nullus. L. Nemo. L. Multi. L. Etsi excepta. sed hi nulla damna inferunt in exterioribus. Ergo maiori supplicio afficiendi malefici per excellentiam, qui Deum suum derelinquunt & castra diaboli sequuntur: quæ leges, diuinæ legi concordant, vt ex superioribus constat. Huc facit illud edictum Athalarici Regis Gothorum, cuius meminerunt Cassiodor. lib. 9. Olaus Magnus lib. 3. cap. 19. de Gentium septentrionalium varijs conditionib. & Petrus Gregor. lib. 34. Syntag. iuris vniuersi c. 14. Maleficos, inquit, vel eos, qui ab eorum nefarijs actibus aliquid crediderint expetendum, legum seueritas insequatur: quia
impium

Impium est, vos illis esse remissos, quos celestis pietas non patitur impunitos. Qualis enim fatuitas est creatorem vitæ relinquare, & sequi potiùs mortis auctorem.

Octauò: Probat dictam conclusionem Lex fin. in C. Theodosiano de malefic. & mathe. Ne quis deinceps nocturnis temporibus, aut nefarias preces, aut magicos apparatus, aut sacrificia funesta celebrare conetur. Detectum enim & conuictum competenti animaduersione mactari perenni auctoritate censemus. Quid aliud nostri malefici agunt, quam quod nocturnis temporibus ad opera diabolica profiscuntur, ad celebrandum magicos apparatus, ad sacrificandum Dæmonibus, ad cultum eorum perficiendum?

Postremò: Efficaciter hanc conclusionem probat constitutio quædam Electoris Saxonæ, in 2. parte 4. quam allegat Ioan. Georgius Godelmannus lib. 3. de magis & veneficiis, cap. 11. num. 19. Constitutionis autem verba è germanico idiomate in linguam latinam ad verbum translata sic habent. Si quis oblitus Christianæ fidei, cum Dæmone sœdus inierit, operatur, aut rem habuerit: talis persona etiam si veneficio siue maleficio nemini nocumentum intulerit, igne è vita ad mortem tollitur, & punietur. Qui vero absq; dæmonis huiusmodi pacto aut sœdere, alicui veneficio siue maleficio damnum intulerit, siue id paruum siue

Mignum

magnum fuerit. magus aut maleficus, siue vir aut mulier fuerit, pœnam gladij sustinebit. Hæc certè Constitutio iuri diuino & ciuili congrua est. quantum ad primum eius membrum, quod ad propositum dictæ Conclusionis allegamus. Pacta cum Dæmone habere, & rem, cum spectent ad atrocissima crimina, vt suprâ ostensum est, maximam merentur pœnam.

Prædictæ Conclusioni videtur ob stare Constitutio Criminalis Caroli V. in artic. 109. Si quis maleficio siue veneficio hominibus damnum aut nocumentum intulerit, morte ignis plectatur. Si verò nulli damnum intulerit, pœnas patiatur pro delicti qualitate & quantitate, super qua re Iudex consilium requiret, prout infrâ scriptum est: Ex hac Constitutione sequi videtur, quod si maleficus Deum abnegauerit, idololatriam & apostasiam commiserit, conuentus diabolicos frequentauerit, cum Dæmone rem venerem exercuerit, sacramenta contempserit, eisque abusus ad horrenda scelera fuerit, si hominem, equum, aut vaccam non maleficio necauerit, non sit morte afficiendus. Quisquis ratione utitur, si quem in scientia gradum affecutus est, scire debet, non solum leges, sed etiam Constitutiones ita interpretandas, vt omnis contrarietas vitetur, & absurdus intellectus locum non habeat. L. Nam absurdum. ff. de bonis libertor. L. in ambigua. ff. de legib.

L. Scire

L.Scire oportet. §. aliud. ff. de excus. tut. Alex-
 and. in consil. 83. incip. Visa facti narratione. 7.
 vol. Ludouic. Roman. in consil. 485. incip. In
 casu propositæ consultationis. Bart. in L. om-
 nes populi, in q. 6. principali, in versic. Iuxta
 præmissa quæro. ff. de iustit. & iure. Marsil.
 in consil. 16. num. 45. incip. Inclina cor meum.
 & in consil. 85. num. 8. incip. post redditum con-
 silium: & in pract. criminali. §. vltima. num. 36.
 pro quibus facit L.Scire leges. ff. de legib. Et il-
 lud Hieronymi in epist. ad Galat. ca. 1. & posi-
 tum in l. q. 1. can. Marcion & Basilides, relatum
 à Petro Ancharano in consil. 283. incip. In auxi-
 lium veritatis, in penult. colum. Veritas non
 consistit in verbis scripturarum, sed in eorum
 sententia, non in superficie, sed in medulla, nō
 in folijs, sed in radice rationis. Nunc respon-
 detur dictæ constitutioni, Secundum legem
 diuinam & humanam, vt in præsuppositis hu-
 ius quæstionis annotauimus, pœna est com-
 mensuranda peccatis. Quare valde absurdum
 est, & à ratione alienum, quod qui homicidiū
 commiserit, equum aut vaccam interfecerit,
 sit comburendus & morte afficiendus: Et is
 qui professionem Christianæ fidei in Baptis-
 mo suscepit, eamq; abnegauerit, cum Dæ-
 mone pactum inierit, idololatriam commise-
 rit, cum Dæmone venerem expleuerit, & simi-
 lia horrenda crimina perpetrauerit, veniat
 absolueudus à morte: hoc enim esset maioris

Rr

face

facere equos & vaccas, quàm Deum & professionem nostræ fidei, grauius constituere, equos & vaccas interficere, quàm diuinam maiestatem grauissimè lædere, vt omnium sententia in hoc crimine contingit. Adhæc, quod vnquam crimen grauius in sacris litteris idololatria & magia punitum est, aut etiã Sodomia? vt passim omnibus clarum est ex veteris testamenti libris. Velle ergo homicidam aut interfectorem vaccarum & equorum occidere, & perfidum fidei Christum, Summatorem, idololatram, diuinam maiestatem, & pessimum Sodomitam committere, esse iniquam stateram adferre, sine ratione contra legem Dei & hominum statuere, & absumptissimum inuehere in leges & constitutiones. Nam & Imperator infrà in Constitutione sua artic. 116. peccatum contra naturam poena ignis plectendum decernit: sed propius ad constitutionem. Nomen maleficij aut sortilegij generale nomen est, conueniens omni superstitioni, & operationi, quæ diabolicam sapit cooperationem, vt constat ex Paulo Grilando de Sortilegijs, Damhauder. in practica Criminali, cap. 6. num. 79. & Doctoribus canonum in tit. de Sortilegijs. Cùm autem multæ sint superstitionis species, non omnes eandem habent malitiam, aut parem gradum in offensa. Principales autem species sortilegiorum sunt tres. Diuinatoria, Amatoria & Vene-

Venefica, quæ etiam species non sunt pares in gradu malitiæ. Loquitur ergo Imperator in sua Constitutione illa non secundum totam latitudinem maleficij, sed secundum quod veneno vtuntur ad nocendum hominibus & iumentis: iuxta L. 1. huius tit. Grauius est veneno quàm gladio occidere, & eam sententiam apprehendit, quam in d.L. diximus communio rem, & in praxi receptio rem, iuxta mentem Iulij Claril. lib. 5. senten. in §. Homicidium, & Didac. Couar. in Clem. Si furiosus, de homicid. quod præbens aut propinans venenum non subsecuto effectu, scilicet morte, nõ puniatur pœna ordinaria, sed extraordinaria, formato arbitrio secundum circumstantias rerum occurrentium. Et quoniam liquida res est, subsecuto effectu pœnam decernit: Quando autem effectus non subsequitur, pendet ex arbitrio prudentis Iudicis aut discreti, qui si sibi non sit sufficiens, requireret cõsiliu m, prout in Constitutionib. decernitur. Et sic non loquitur Imperator de maleficis per excellentiã sed tantum prout nocent veneno hominibus & iumentis. His addere possumus, quod cùm non omnia sortilegia sint eiusdem malitiæ, etiam non semper pari pœna puniuntur, sed arbitriu m & cõsiliu m habet locum, vt Plato in 11. de legib. Menoch. de arbit. Iud. qq. casu 388. & Petr. Greg. in 3. par. Syntag. iur. vniuersi, lib. 34. cap. tradunt: sic d. Constitutio non facit

mentionem maleficorum per excellentiam, sed tantum quātum ad effectum nocendi, mediante veneno. Atq; vt penitus hæc materia intelligatur, annoto breuius, quod latius extendit Alphons. Castrenf. lib. 2. de iusta hæreticorum punitione, cap. 12. ex doctrina Galeni, in opusculo inscripto, Quod animi mores corporis temperaturam sequuntur. Tres sunt causæ, quare facinorosi è medio tollantur. Prima, ne scelerati & pessimi viuentes, alijs cōtumeliam, & damnum inferant Reipu. & eius membris. Sic Præses siue Iudex ex officio tenetur prouidere suæ prouinciæ, vt purgetur à malefactoribus. Aliàs si ex sua negligentia & conuiuentia Respub. aut eius membra damna patiantur, fit reus culpæ & restitutionis damnorum. c. 1. de offic. iud. delegat. & DD. ibid. L. Congruit. ff. de offic. præsid. Hæc causæ facit, quod fures, sicarij, homicidæ, & alij eiusdem notæ facinorosi è medio tollantur. Secūda causæ; vt alij similis pœnæ timore, deterreantur à similibus criminibus perpetrandis, iuxta illud Poëticum: Oderunt peccare mali formidine pœnæ. Prima causæ ciuium inter se pacificum conuictum, & totius Reipub. conseruationem per hoc, vt nemo alterum lædat, concernit. Secunda prospicit bonis ciuium moribus, vt nemo atrociora crimina cōmittat. Interest enim Reipubl. vt bonos ciues habeat. Multi enim natura, aut praua consuetudine
sunt

sunt proclives ad scelera, qui pœna mortis deterrentur: & alij pœnas flagitiosorum perspicientes, etiam exemplo sunt cautiores, iuxta illud Salomonis: Pestilenti flagellato, stultus sapientior erit: & iterum: stulto pereunte sapiens astutior fit. Ex hac radice multæ sunt leges, imponentes pœnam mortis, propter crimina, quæ nulli nocent, nisi ipsi peccanti: ut de diuinis, magis, eos consulentibus, blasphemis, idololâtris, Sodomitis, Baptismum reiterantibus, & similis farinæ scelestis hominibus. Tertia causa, propter quam scelerati de medio tolluntur, est bonum ipsius hominis mali, ne de die in diem in peius prolabor, & maiora inferni supplicia pati cogatur: omnes tres causæ ut plurimum militant in maleficis & sagis. Quare Damhaude. in pract. crim. cap. 61. num. 136. rectè definit, cum ait. Quanta mala hoc perniciosissimum genus hominum nusquam non regionum faciat, cuius hominum est notissimum. Amplius enim hi perniciosissimi homines mædacijs, superstitionibus plenissimi sua malignitate obsunt, quàm boni quiuis, aut precibus, aut pietate profunt. Plus incommodi Reipub. Christianæ illi interunt, quàm hi commodi conferunt, nisi Deus obstiterit. Ideoq; non sunt vsquam tolerandi, sed ubiuis locorum potius tollendi funditus, omnium creatore sic præcipiente, Exod. 22. Maleficos non patieris viuere. Hæc ille.

Tertia Conclusio. Iustè malefici pœna ignis interficiuntur.

PRIMò, quatenus Deo abrenunciant, & ad diaboli societatem declinant. Apostata enim perfidiæ pœna hæresis puniuntur. Hostiensis & Panormitanus in cap. 1. de Apostat. pœna autem hæresis est meritò ignis. ex Ioan. 15. Si quis in me non manserit, mittetur foras sicut palmes, & arefcet, & colligent eum & in ignem mittent, & ardet. Ad hunc finem allegatur à Panormitano, Ioanne Andrea, & Hostiensi in cap. Ad abolendam, de hæreticis. Sunt etiam malefici præuicinatores, qui quasi spinæ euellentur vniuersi, quæ non tolluntur manibus, igneq; succensæ comburentur vsque ad nihilum. 2. Reg. 22. Secundò, quia committunt peccatum contra naturam, cui secundum legem diuinam, & iustam iudiciorum receptam consuetudinem, debetur pœna ignis. Tertiò, lex ciuilis in L. Nullus aruspex, in hoc tit. pœnam ignis etiam ponit, quam nunc passim praxis criminalis obseruat. Imò tempore B. Gregorij hæc pœna pro Magis Romæ fuit in vsu. Nam lib. 1. Dialogor. cap. 4. attestatur, quò deo tempore, quo primum malefici in vrbē Romana depræhensi sunt, Basiliius quidam in magicis operibus primus, exardescenze zelo Christiani populi, Romæ igne crematus sit. Et quamuis ad men-

tem II. malefici viui essent comburédi, tamen quando ad cor redeunt & conuertuntur, strāgulati prius in multis locis comburuntur, ne lenta & atrox mors desperationem inducat: & id obseruandum, nisi speciales circūstantiæ aliud suadeant, vt alibi traditum est.

Aliqua sunt ponenda obiectiones contra prædictas Conclusiones, & soluenda, quibus aliqui aduocati maleficorum vtuntur.

Prima obiectio. Malefici non sunt occidendi propter abnegationem fidei, aliās omnes Christiani forent occidendi: quia fidem abnegant, quoties præcepta Christi non seruant. 2. ad Timoth. 3. Erunt homines seipsum amantes, &c. voluptatum amatores magis quàm Dei, habētes speciem quidem pietatis, virtutem autem eius abnegantes. Et confirmatur exemplo B. Petri, qui, vt Euangelistæ attestātur, ter Dominum abiurauit & negauit, & tamen non fuit capitis damnatus. Et quotus quisq; est nostrū, qui id ipsum non facit, id est, Deum non abneget, & Dēmonio non adhareat? siquidem omnis qui facit peccatum, seruus est peccati: & qui committit peccatum, ex diabolo est, quoniā ab initio peccat. Hoc argumentum magni facit & exaggerat sæpius VVierus.

Respondetur ad hanc obiectionem, quod maxima est differentia inter Christianos mortaliter peccātes alijs peccatis, & inter maleficos

Rr 4

Deum

Deum abnegantes. Sicut enim non omnis mortaliter peccans est hæreticus, vt docet Franciscus Squillacensis, de fide Cathol. cap. 22. Ita non omnis peccans abnegat Christum eo modo, quo malefici. Ad cuius rei declarationem notandum est ex S. Thoma 2.2. q. 12. art. 1. & alijs Theologis alibi, quod apostasia importat retrocessionem quandam à Deo, quæ quidem diuersimodè fit, secundum diuersos modos, quibus homo Deo coniungitur. Homo autem Deo coniungitur tum per fidem, tum per debitam & subiectam voluntatem ad obediendum præceptis eius: tum per aliqua specialia ad supererogationem pertinentia, sicut per religionem, clericatum, aut sacrum ordinem. Nunc ad argumentum. Impropiè est apostasia, quando aliquis retrocedit à Deo per inobedientiam & transgressionem mandatorum Dei, & non subdit suam voluntatem diuinis præceptis, vt contingit in omni peccato mortali. At propria & pessima est apostasia, omnino à Deo recedere, per expressam abnegationem Christiani nominis, & renunciationem professionis in Baptismo susceptæ, quod est statum Christianæ religionis derelinquere, & seruitutem Dæmonis assumere: quod nullus hominum facit præter maleficos: & hæc potest dici apostasia perfidiæ. Dicitur ergo largo modo infidelis & fidem negare, qui non ambulat secundum legem mandatorum Dei, quatenus non

ope-

operatur conformiter ad præscriptum fidei. Si-
mile exemplum habere possumus in odio Dei.
Omnis enim mortaliter peccans, aliquo modo
Deum odio prosequitur. Nam scriptum est:
qui malè agit, odit lucem: non tamen omnis
peccator peccat peccato odij Dei specialiter
sumpti, contra charitatem Dei, vt apud Theo-
logos in confesso est. Ad quod penitius intelli-
gendum, obseruandum est cum Scoto in 2.d.
37. & Gabriele ibidem d. 35. q. vnica, art. 4. dub.
1. quod auersio à fine vltimo, scilicet Deo, du-
plici modo intelligi potest: Formaliter, & Vir-
tualiter. Formaliter, quando in auertendo
habet vltimum finem pro obiecto positiuè vel
prinatiuè. Positiuè, vt scilicet voluntas nolit
illum finem actu positiuo: & hoc est propriè
odio prosequi Deum, & formaliter proprio
peccato se auertere à Deo, nec aliud hoc pecca-
tum habet obiectum à Deo. Virtualiter auer-
titur à Deo, quando auertitur ab aliquo ne-
cessario ad consequendum vltimum finem:
Sicut infirmus dicitur se auertere à sanitate,
quando auertit se à poculo amaro, sine quo
non potest haberi sanitas. Auersio formalis
constituit distinctam peccati rationem, nec
formaliter includitur in quolibet peccato
mortali, sed efficit speciale peccatum, scilicet
odium Dei. Virtualis autem auersio commu-
nis est omni peccato mortali. Quia in omni
mortali voluntas inordinatè se habet, respectu

*Duobus
modis quis
se potest à
Deo auer-
tere.*

aliquis necessarij ad vltimum finem, ratione
digni præcepti. Si vis ad vitam ingredi, con-
tra mandata Dei. Conformi ratione in
istâ materia dicere possumus, non omnis pec-
cans formaliter Deum abnegat, vel explicitè,
vt aliqui dicunt, quemadmodum malefici &
sacerdotes, qui expressè Deo, professioni in Baptis-
mo suscepto, & communioni Sanctorum ab-
renunciant, & declinant ad inimicum, eiusque
suam operam addicunt. Quod nec etiam heret-
eticus facit, qui quamuis proprio sensu du-
ctus aliquem fidei articulum ex errore negat,
quem putat non esse articulum fidei, nec ex per-
tinentia vult suum iudicium Ecclesiæ submi-
tere, tamen non abnegat, nec quidem abne-
gare Deum cogitat modo prædicto. Quod
obijcitur negatio S. Petri: nihil facit ad pro-
positum. Quæ enim est similitudo illius nega-
tionis, & abrenunciationis maleficorum & sa-
cerdotum? Petrus metu mortis Christum qui-
dem ore negauit, non tamè corde recessit, nec
in partes Iudeorum declinauit, nec consilium
aut pactum iniit contra Dominum suum.
At malefici à Dæmone tentati in tam crude-
le facinus perfidiæ consentiunt, vt abiurent
suam professionem, Dæmonem sequantur, ve-
nerentur, ac cum eo conspirèt contra regnum
Dei. S. Petrus statim ad cor redijt, peccatum
deflexit, & reuersus est ad Dominum: Sed
& malefici etsi à Dæmone se deceptos recog-
nos-

noscant, perditum tamen statum sequuntur,
& indies in peius relabuntur, nec resipiscunt.
Fatendum enim est id, quod omnibus notis-
simum, humanum esse cadere, quod & Petro
accidit, sed diabolicum esse perseuerare: quod
ferè omnibus maleficis conuenit. Sanè miseri-
corditer subueniendum esset tam miserè à cal-
lidissimo hoste deceptis, & mitiùs cum eis a-
gendum, si excusso iugo seruitutis, ad Deum per
pœnitentiam, & veram peccatorum cōfessionem
redirent, & non in tã miserabili statu per-
sisterent cum periculo animæ & corporis. At
ex maximo numero paucissimi excutiunt du-
ram illam seruitutem, ante finem vitæ, si non
ad manus iustitiæ deueniant. Tunc cum iam
quali de vita desperant, ob peccata commissa,
metu mortis & instructione sana concutiuntur,
miserum statum recognoscunt, in quo si disce-
derent impœnitētes, (quod communiter fieri
solet, quādo morte naturali præueniuntur) si-
ne dubio igne perpetuo cremarētur, quē pœ-
nitentes Deoq; recōciliati, tēporali & quidem
breuissima ignis pœna redimūt, si iustitia pub-
lica puniātur. Ex qua causā profectò crudeles
nō solum in Remp. sed etiam in corpus & ani-
mam maleficorum hominū sunt illi, qui ipsos
non conuersos per pœnitentiā oportunā, & li-
berā & firmā, liberare contendunt, aut consul-
tatione fugæ, aut patrocinio, aut potenti de-
fensione, vt sic in statu diabolico moriantur:

Quasi

Quasi misericordia sit parcere corpori ob aliquem humanum respectum, contra ordinem charitatis, qui requirit ut magis anima proximi diligatur, quam etiam corpus proprium. S. August. lib. 1. de doctrina Christiana cap. 27. & S. Thomas 2. 2. q. 26. arti. 3. & deinde in æternum anima & corpus ardeant, quod Dæmon maximè in hoc opere desiderat, ut habeat eos socios in pœna, quos imitatores & participes sceleris fouit in hac vita. Considerandum illud: Momentaneum est quod delectat, sed æternum quod cruciat: quod nos ad nostrum propositum transponere possumus. Momentanea in hac vita pœna pro magnis sceleribus est, quæ cruciat: sed æternum gaudium in cœlesti patria, quod delectat. Perpendendum etiam aliud August. ad Vincetium Donatistam, insertum 23. q. 4. can. Nimum. Non omnis, qui parcit, amicus est, nec omnis qui verberat, inimicus. Meliora sunt vulnera amici, quam blanda oscula inimici. Melius est cum seueritate diligere, quam cum lenitate decipere. Atque hîc paucis recolendum est & respondendum, quod quidam aduocati horum clientulorum obijciunt contra quosdam Magistratus, magos & maleficos pro officio suo & potestate tradita persequentes, quod audito nomine malefici, aut sagæ, clament: Ad ignem: non secus atq; olim Tyranni contra Christianos & Martyres clamitabant: Ad Leones. Tale

lem clamorem necdum audiui: si tamen iudices aliqui non extemeritate, aut sanguinolentia, sed Zelo iustitiæ & amore diuinæ maiestatis pronuncient dicta verba de maleficis & sagis, non video quam Tyrannidem ostendant. Nisi velimus damnare Hieronymum in regula Monachorum, part. 3. tract. 9. cap. 7. dicentem. Non est crudelitas pro Deo crimina punire, sed pietas: aut multò magis clamantem & verba repetentem Dominum apud Ieremiam redarguere. Gladius ad Chaldæos, gladius ad diuinos, gladius ad fortes illius, &c. Si gladius ad Chaldæos & diuinos, nunquid ignis ad magos, & maleficos ob excellentiam, quorum crimina grauissima diuinam maiestatem lædunt, & Dei Optimi Maximi indignationem prouocant, vt iustè nobis irascatur. Crescente enim malitia crescit & pœna, quæ commensuratur culpæ. Si ergo Chaldæi & diuini, secundum Dei sententiam, gladio puniuntur, sicut etiam tales capitaliter leges ciuiles in hoc tit. C. statuerunt puniendos: nescio quid iniustitiæ committatur, si malefici & magi sic dicti, ob criminum magnitudinem, pœna ignis afficiantur.

Secunda Obiectio. Malefici & sagæ non sunt etiam puniendi ob pactum initum cum Dæmone, cum hoc pactum imaginarium sit, & nemo dicat huiusmodi esse, nisi delusæ mulieres, cum etiam impossibile sit tale pactum.

Hoc

Hoc argumentum latius deduximus & confutauimus in 1. parte superioris tractatus de confess. malef. prælud. 6. à pag. 23. & 35. quare lectorem eò remittimus.

Tertia Obiectio. Non sunt etiam malefici comburendi, ob peccatum venereum contra naturam cum Dæmone commissum. Quia hoc etiam imaginarium, & impossibile est. Hoc argumentum etiam ad longum formauimus, & dissoluimus in d. tract. part. 1. conclus. 5. à pag. 191. Ideo lector illum locum videat.

Quarta Obiectio. Non etiam sunt igne absumendi, propter incantationes frugum, inductionem grandinum & tempestatum; quia huiusmodi etiam efficere non possunt, cum excedat eorum potentiam. Et si pro responsione huius argumenti multa dicta sint in L. 4. q. 4. tamen hic breuius respondendum est. Ad memoriam reducendum est, quod alibi tractatum est in superioribus, Dæmonem, Deo permittente, concurrere ad huiusmodi maleficia cum maleficis & sagis, & nisi ipsi concurrerent, Dæmonemque in auxilium ex pacto vocarent, effectus non sequeretur. Quare rectè Glossa interlinearis in Exod. 22. in illa verba: Maleficos non patieris viuere, interpretatur; Cooperatores & adiutores Diaboli. Et licet homo physicè & naturaliter tales effectus proximè attingere nequeat, cum eius potestatem excedant; concurrit tamen

tanquam causa partialis moralis, voluntatis & consensu, accedente etiam aliqua non moralis, ut exteriori physica, & conatu praeiudicis. Quia omnia sufficiunt, ut culpa imputetur, & poena infligatur. quia quando voluntas & consensus praebent efficacem causam effectui malo concesso, facientem & consentientem poena constringit, secundum Sacram Scripturam, & utrumque ius. Rom. 1. 86. d. can. facientis. 2. q. 1. can. Notum. cap. 1. de offic. & potest. iudic. delegati. Agentes & consentientes poena Scripturae testimonio puniuntur. & l. Si quenuquam. C. de. Episcop. & clero. & l. Quisquis. C. ad Legem Iul. Maiest. Quod maxime verum est, quando auxilium dans & cooperans, scilicet maleficium committendum coadunauerit, ut multis allegationibus comprobatur Marfil. in practica §. Constante. num. 46. & in consil. 34. num. 7. & consil. 67. num. 44. & alibi. Maleficus autem semper coadunatur Daemone in talibus operationibus, in ordine ad effectum. Confirmo latius communi Canonistarum & Legistarum doctrina, quod quando auxilium dans est causa proxima maleficii, eadem poena, qua principalis, punitur: & hanc esse communem, attestantur ex alijs Didac. Couarr. in Clement. Si furiosus, de homicid. Iulius Clarus lib. 5. §. fin. pract. Criminalis, q. 90. & Damhauder. in pract. Criminali cap. 133. Quod maxime obtinet secundum Iulium

Cla.

Clarum & Marfilium in conf. 25. num 8. quando delictum committitur præuio tractatu, vel deliberatione, & accedente consensu eius, qui cooperatur: quæ nostris magis conueniunt. Nam semper quando volunt concurrere ad inferendum aliquod maleficium, & calamitatem, præuio consilio, tractatu, & deliberatione in nocturno conuentu, aut secretè communicant, & medijs à Diabolo præpositis se accingunt. Sic iam proximè in quatuor temporibus Pentecostes, nocte diuidente dies Iouis & Veneris, hoc Anno Domini 1591. tractatum habuerunt de perditione fructuum & frumentorum, cuius effectum Deus orandus est, vt auertat. Ex quorum congregatione, Deo omnia suauiter disponente, & Iudicum corda mouente, quamuis nec duo menses à tempore tam sceleratæ congregationis transierint, iam aliqui & aliquæ interceptæ sunt, & flammis absumptæ, quæ tractatum aperuerunt, imò etiam admonuerunt, vt diuinam precibus interpellarent homines maiestatem, vt eorum conatus impediret, & potestatem dirigeret ad prosecutionem iustitiæ. His addo, quod non solum consensu & præuio tractatu maleficus concurrat ad maleficia incantationis & perditionis frumentorum, per aeris perturbationem, sed procedit ad actum proximiorum, quem potest exercere, & putat efficacem ad executionem maleficij. Quando effectus ex
desi-

definitione tractatus, aut proposito malæ voluntatis expediendus est, signum & symbolum externum ex pacto ad mouet, quo excitus Dæmon profilit, & concurrit ad productionem effectus suæ potentix congruentis. Sic quando excitanda pluuia, Saga scopas erigit, aut aquam in nomine Dæmonis post tergum in aërem prouicit: vel si velit grandines fieri, fortè ex præscripto Dæmonis, silicem percutit aliquo instrumento ligneo aut ferreo, quem admodum quidam fecit superiori Anno 1594. circa festum S. Iacobi, non procul hinc, quando grandinis lapidatione in certis quibusdam locis, & non alijs, ad vnum miliare circa, & prope ciuitatem hanc, maximum damnum vineis inuectum est, & auena in agris grandinibus triturrata in multis locis. Talibus signis principalis operans prouocatur, quando maleficus, quem potest proximum conatum ad effectum exercere, adhibet. Si ergo qui dat signum furanti ad furti perpetrationem, furti sit reus. ff. ad L. lul. peculatus. L. Sacrilegij. §. Si quis ex metallis, & qui dolosè ac malignè dando signum, & occasionem ad homicidium concurrit, vt homicida punitur. L. Item si obstetrix, ibi: Quemadmodum. ff. ad L. Aquil. L. cuiusq; ff. ad L. Iuliam Maiest. L. Nihil interest. ff. ad L. Cornel. de Sicar. Damhauder. in pract. crim. cap. 72. Quomodo non punitur incantationis signum dano diabolo, ad nocendum hominibus,

bus, & rebus ad eorum conseruationem necessarijs?

Quinta obiectio. *Nunc quidam cras-
forum ingeniorum, vt intelligo, sic argu-
mentantur. Deus permittit maleficia fieri,
& maleficos viuere, ergo non sunt puniendi,
& è vita tollendi.*

TEMPORE. S. August. quidam hoc argu-
mento contendere volebant diuinationes non esse malas, nec Deo displicere, vt est videre apud S. August. in lib. de diuinatione, cap. 1. Respondetur breuiter ad argumentum, si quid probaret: concluderet homicidia, adulteria, blasphemias, crimina læsæ maiestatis tam diuinæ, quam humanæ, & omnia scelera non esse punienda. Quia Deus ea fieri permittit, & non semper punit in hac vita, vt videmus. Non ergo sequitur, Deus ea fieri permittit, & non punit: ergo scelerati homines non sunt è vita tollendi. Sed bene hinc inferimus ea esse mala, quia Deus prohibuit fieri, magistratuiq; mandauit, vt scelera puniant, & ipse etiam quædam flagitia seuerissimè puniuit, vt passim patet in veteri testamento, & sic Iudicibus etiam imperauit, vt maleficos non sinant viuere. Magistratus enim non sine causa gladium portat, est enim Dei minister, viadex iram ei, qui malum agit, vt Paulus ait. & S. Petrus in epist. inquit. Subiecti estote omni hu-

manæ

Exod. 22.
Rom. 13.
1.1 cor. 2.

manē creature, propter Deum, siue Regi, quasi
 præcellentis siue Ducibus, tanquam ab eo mis-
 sis ad vindictam malefactorum, laudem verò
 bonorum. Sic igitur licet Deus scelera per se
 nunc non puniat, dedit tamen magistratui pu-
 niendi non solū potestatem, sed etiam manda-
 tum, vt puniant. Quę causa est, vt magistratui
 imputetur ad culpā, si gladio non vtantur pro
 officio iniuncto, & sinant sceleratos cum scan-
 dalo multorum & reipub. detrimento viuere.
 Ad hoc propositum faciūt ea, quę Orig. hom.
 20. super lib. Numer. adducit, occasione illo-
 rum verborum Num. 25. vbi cū populus Is-
 rael fornicatus esset cū filiabus Moab, Domi-
 nus iratus ad Moysen dixit. Tolle cūctos prin-
 cipes populi, & suspende eos contra solem in
 patibulis, vt auferatur furor meus ab Israel.
 Orig. hic ait. Populus peccat, & principes o-
 stentantur contra solem. Idem ad examinan-
 dum producuntur, vt arguantur à luce. Vi-
 des quę sit conditio principum populi, non
 solum pro suis proprijs arguuntur delictis,
 sed & pro populi peccatis coguntur reddere
 rationem, ne ipsorum sit culpa, quod populus
 deliquit, ne fortē non docuerint, ne fortē non
 monuerint, neq; solliciti fuerint arguere eos,
 qui initium culpę dederint, vti ne contagio
 dispergeretur in plures. Hęc enim omnia sa-
 re principibus imminēt & Doctorib. Si enim
 illis hęc nō agentibus, nec solitudinem ge-

rentibus circa plebē, peccauerit populus, ipsi ostentantur, & ipsi ad iudicium producantur. Arguit enim eos Moyses, id est, lex Dei, velut negligentes & desides, & in ipsos conuertetur iracundia DEI, & cessabit à populo. Hæc Origenes.

Dubium hic resoluendum est, quod aliquando in hac materia occurrit, ob frequentiam sceleris.

Quid dicendum sit de pueris, qui incidunt in crimen maleficorum?

IN his locis pueri vtriusq; sexus, hisce annis reperti sunt, hoc detestabili crimine infecti.

Certum est ex communi Doctorum sententia, quod impubes etsi sit doli capax, non punitur capitali pœna, aut membri mutilatione, nisi sit proximus pubertati: de qua materia tractant Iulius Clarus lib. 5. §. fin. practic. Criminal. q. 60. Marsil. in pract. §. Quoniam. num. 96. & alij alibi. Impuberes autem censentur secundum DD. in c. 1. & 2. de delictis puerorum: scemine vsq; ad 12. annum, masculi vsque ad 14. annum, quantum ad peccatum carnis. Sic etiam minor ætate excusatur à pœna ordinaria Sodomie. Socinus Iunior lib. 3. cons. 7.

Menoch.

Menochius lib.2. de arbitr. Iudic. qq.caf.329. Semper autem illa regula iuris habenda est ante oculos, quòd fere in omnibus pœnalibus iudicijs ætati & imprudentiæ succurrendum est, L. fere. ff. de regul. iuris. Si autem infans minimè sit doli capax, in totum excusatur à pœna. L. Infans. ff. ad L. Corneliam de Sicarijs. Clem.1. de homicid. Si autem quis sit doli capax, & proximus pœbertati, tenetur non ordinaria, sed mitiori pœna. L. Auxilium. § In delictis. ff. de minoribus. Quando autem puer sit doli capax, iudicis arbitrium requiritur. Quia quidam citius, quidam tardius fiunt doli capaces, & ita nonnunquam etiam contingit, quod malitia ætatem suppleat. Ioan. Andr. Hostiens. Pannorm. Ioan. ab Anania in cap.1. de delict. puerorum, & alij alibi ex Dialogis S. Gregorij referunt, Diabolum è manibus Patris eripuisse puerum quendam quinque annorum, iurantem & blasphemantem Deum: quod Deus non permisisset, si ille infans non fuisset doli capax. Ex circumstantijs ergo iudicandum est, an puer sit doli capax, & quando malitia ætatem suppleat. Huc facit id, quod narrat Aelianus lib.5. variæ histor. cap.16. de puero ob sacrilegium damnato, his verbis. Puer cum auream Laminam, quæ ex Dianæ corona deciderat, sustulisset, in iudicium adductus est. Iudices igitur crepundia, talos & auream laminam proposuerunt puero: qui cum iterum ad au-

rum inclinaret, plexus est tanquam sacrilegus, nec ætati veniam dederunt, sed flagitium & scelus vindicauerunt. Quantum ad casum præsentem, in materia magiæ & maleficorum, si puer 8. 9. 10. 11. annorum aut plurium deprehendatur, diligenter incumbendum in primis, ut ad meliorem frugem & viam salutis reducatur: quia in tam parua ætate, astutia Diaboli & malorum hominum, etiam nonnunquam propriorum parentum malitia, pueri in hoc peccatum seducuntur, seducti ob ignorantiam teneræ ætatis nesciunt quid remedij adhiberi possit, imo etiam ex instructione Diabolica tenent in secreto, & nemini mortalium extra consortium more omnium maleficorum reuelant. Contingit tamen quandoq; ut puto ex singulari diuina dispositione, quod ex simplicitate vel alia causa, pueri, qui secretum tenere non possunt, prodant congregationes & tractatus maleficorum nocturnos, ut experientia compertum est in nostris partibus. Deinde, etsi pueri ante decimum quartum annum sint doli capaces, & culpam incurrant in multis delictis, præsertim quando sunt proximi pubertati, id est, ingressi decimum quartum annum, & consequenter possint puniri etiam in corpore: non puto tamen esse hoc etiã ex ludicis arbitrio faciendum acerbius in hoc crimine, sed forte virgis castigandũ, iuxta illud Dyni relatũ ab Alberico in L. i. §. Impubes, in verbo.

verbo. Ferula. ff. ad Syllan. Castiga iuuenem ferula, furca senem, peccantem iuuenem cor-
 rige, pende senem. Huc facit quod commu-
 niter, minores 14. annis non debent torqueri,
 nisi ferula, aut virgis terreri, non tam ad con-
 demnandum, quam ad inquirendum. Post
 decimum quartum annum completum iu-
 dicis arbitrium potest habere locum, an in
 tam graui crimine in minorem ætatem sit
 mortis supplicium statuendam, ex circum-
 stantijs occurrentibus in casu, vt, si talis diu
 fuerit in tali crimine, an perpetraverit plu-
 rima alia crimina, quæ solent hoc crimen co-
 mitari: vt sunt Sodomia, rerum sacrarum abu-
 sus, & similia, an magno dolo & asturia præ-
 ditus, an spes constantis conuersionis & emen-
 dationis: his & similibus considerandum, ne si
 fortè corpori parcat, & ætati, anima cum cor-
 pore intereat. Pro hoc dicto facit L. Exci-
 piuntur. ff. ad Syllan. vbi puer non multum à
 puberis ætate distans, qui ad pedes Domini
 cubuerat, cum occideretur, nec postea cædem
 eius prodiderat, capitalem patitur sententiam.
 Vbi Bald. inquit, ex pluribus concurrentibus,
 augetur delictum, & ex multis delictis resultat
 plena probatio, etiam ad condemnationem capi-
 talem, contra impuberem. Et putat ibidem Bar-
 toluseandem esse rationem, vbi cūq; dolus im-
 puberis euidentissimè arguitur: Quod eius
 dictum nimis esse seuerū existimo cū Angelo,

in L. Impuberem. ff. de furtis. Et exempla allata ex B. Gregorio & Aeliano ostendunt, in enormibus non parci ætati, quando malitia ætatem supplet. Comprobat idem Constitutio criminalis Caroli V. in art. 163. vbi declarat, quid cum furibus minoris ætatis faciendum sit, & statuit, quod si nec tales fuerint 14. annorum, non afficiantur morte: Si autem prope modum 14. annum compleuerint, & furtum graue sit ex circumstantijs, ita vt malitia videatur supplere ætatem: Iudicum officium erit consilium inquirere, quomodo tales fures sint puniendi vel in bonis, vel in corpore, vel mortis supplicio. Vbi patet, quod consideratis circumstantijs Iudex potest moderare pœnam, etiam vsq; ad vltimum supplicium inclusiue. Hinc argumentum formo. Sic hoc locum habet in minoribus criminibus, iuxta iura prædicta, quando magis obtinebit in atrocissimis & enormibus, in quorum genere summum sibi vendicat locum crimen maleficorum & sagarum, ob magnitudinem scelerum. Et si puer nec dum pubes iuxta d. L. Excipiuntur, in capitale pœnam condemnatur, quod dolo præsumpto cædem sui Domini non reuelauerat: quid patietur puer castra Diaboli sequens, tractatus & nefanda scelera contra Rempub. & propriam Patriam cognoscens, nec ea reuelans? Quamuis enim Iudex in leuioribus & minoribus criminibus pronior ad absoluendum libe-

randumq; esse debeat, in grauioribus atrocioribusq; tamen contrarium sentiendum, maxime quando tendunt in diuinę humanęq; maiestatis offensam, & communis boni detrimentum, iuxta ea quę Mathilius in pract. §. Occurrunt, numero vlt. in fine libri, Damhaud. in practica cap. 150. num. 6. & alij alibi annotant; quod multis iuribus probari possit. Quia maior est fauor diuinę humanęq; maiestatis & Reipub. quam priuatarum personarum. In hoc crimine quando quis reus nungitur, non facile est banniendus, aut relegandus extra fines Prouincię, aut Dominij: quia cum crimen etiam dependeat à cōoperatione Dæmonis, facile nocte redeunt ad suos, vt conuentui adsint, quando agitur contra salutem Patrię, vt iudices nostri non rarò percipiunt ex confessione reorum de alijs, qui extra prouinciam fugerunt, moti conscientia patrati sceleris, & timore pœnæ, & in exemplo allato in prima parte tractatus patet de Anna Rouer, quę Colonię habitauit, & tamen nocte ad conuentum redijt in Heerenroderheide. Aliud etiam ad hoc dicendum mouet, etsi, quando banniuntur aut relegantur, putentur conuersi ad mentem, tamen in tanto timore est quasi coacta conuersio: Et ita quando sunt in banno & exilio, in pusillanimitate & desolatione ambulant, & Dæmon diligens in officio magnis & terribilibus tentationibus eos aggreditur, vt. quasi

desperant. Qua ratione superius tri anno quodam saga in proximo loco, fuit bañita ex ea causa mouenti: cum paululum abfuiſſet, voluntarie se iterum obtulit magistratui, & maluit pœnam mortis (quam etiam æquo animo pertulit) quam diutius intolerabili vexationi immanissimi inimici subesse extra prouinciã & patriam. Vt tamen hoc addam, non aude rem vnquam consulere iudici in conscientia, ut in hoc enormissimo crimine arbitrium extenderet ad vltimum supplicium, ante decimum sextum annum completum, nisi maxime circumstantiæ accederent, quantum de rigore legis aliud fieri posset: Ante talem ætatem minor esset custodiendus in tolerabili custodia, & instruendus: quo tempore elapso, si non sit ex circumstantiis adiunctis spes firmę constantisq; conuersionis, adhuc est locus iustitię, in quam sententiam, in genere loquendo, consului superiori tempore.

QVAESTIO II.

An corpus malefici mortui in carcere sit sepultura tradendum, vel comburendum, aut aliqua pœna afficiendum?

Vidi quandoq; dubitatum, & etiam memini in quodam casu erratum in hac re. Qua de causa breuiter quid sentiendum, hoc in loco resolvere statui.

Ante

Ante resolutionem præmittenda hæc prima distinctio, quod sic moriens in carcere: aut moritur naturali morte ante confessionem criminis: aut post eius confessionem. Secunda distinctio: Aut ipsemet reus infert sibi mortem conscientia perpetrati sceleris motus: Aut aliqua debilitate illata ratione torturæ, aut accidentaria incidit in morbum, & moritur in vinculis. Nunc pro resolutione, sit.

Prima Conclusio. Si maleficus aut reus alterius criminis capitalis morte naturali in carcere moriatur ante criminis confessionem, aut legitimam probationem, neutiquam in corpus saluendum, sed sepulchretur ecclesiastica tradendum est.

IN hac Conclusione non puto doctum dubitare posse. Cum enim crimina morte extinguantur, L. Defuncto. ff. de public. iudic. Gloss. Bartol. Bald. & communiter DD. ibidem. A fortiori hoc verum est in casu nostræ Conclusionis, ubi nec confessione, nec probatione de delicto constat. Præterea talis Christianus est, nec de crimine convictus, ob quod Ecclesiastica sepultura privari debeat. Quare more aliorum Christianorum, hoc corpus sepelire conuenit.

Secunda Conclusio Si Iudex aliquem ob indicia & suspicionem maleficij in carcere detentum, morbo aliquo aut infirmitate correptum, & mortuum ante criminis confessionem, aut probationem, habuerit, & postea in corpus pœnam statuerit, aut illud deferri in locum publicæ executionis, ad sepeliendum in loco ignominioso, aut ad afficiendum aliqua ignominia curauerit: hæredes aut consanguinei possunt contra talem iudicem actionem iniuriarum instituire, & cogere ad reparationem iniuria, & restitutionem fame.

HÆC Conclusio satis probatur ex L. i. §. Quotiens. ff. de iniurijs. & ex eis, quæ Alber. Angel. & alij ibidem dicunt. Ratio est clara pro Conclusionem. Sic enim mortuus nullo modo est condemnatus de crimine, imò nec in hoc casu possit condemnari, cum nec confessus sit crimen, nec probationibus cõuictus. Ergo Iudex qui corpus tali infamia afficit, iniuste facit, & iniuriam infert cadaueri defuncti, quam vindicare spectat ad hæredes defuncti. arg. d. §. Quotiens. Præterea talis nullo iure fuit prohibitus sepeliri in loco sacro. Ergo sepultura non debet priuari. Hinc superioribus annis iustissimè quidam senatus amplissimus, ad instantiam hæredum & amicorum cõdem-

nauit

nauit quendam officiatum, qui ob suspicionem & indicia malefictij & magiæ carceribus detentam scēminam, & infirmitate mortuam curauerat apud patibulum sepeliri, ad exhumandum cadauer, idque non per carnificem, aut homines infames, sed per probos. & ad sepeliendum in loco sacro. Hanc Conclusionem etiam intelligo habere locum, quoties & confessio nulla intercessisset, utpote sine indicijs præcedentibus, aut reuocata fuisset, & reus in ea non perseverasset. Tunc enim perinde esset, ac si non confessus fuisset, ut alibi in superioribus explicatum est.

Tertia Conclusio. Confessus crimen, aut de eodem conuictus, si pœnitens fuit, aut signa contritionis dedit, si moriatur infirmitate in carcere, regulariter iure corpus non priuatur sepultura Ecclesiastica.

PROBATVR Conclusio, arg. eorum quæ habentur in cap. Placuit. 23. q. 5. ex Concilio Bracharen. primo, & cap. Ex parte, de sepult. Nec etiam vllibi in iure cauetur, quod sic mortuus non sepeliatur in loco sacro. Nihilominus apud multos consuetudine receptum est, quod tales non sepeliantur in loco sacro, sed educantur à carnificibus aut ad locum supplicij, aut alium locum prophanum, maxime quan-

quando crimina sunt grauissima & enormia,
quæ confessa sunt, & perpetrârunt.

Quarta Conclusio. Qui ex intentione sibi mortem violentam inferunt in carceribus, quando ob crimen inquisiti aut accusati fuerunt, ecclesiastica iure priuantur sepultura.

PROBATVR ex text. in d. cap. Placuit. Gloss. & DD. ibidem., & vult Gloss. tales habere debere caninam sepulturam. In hac re non est dubium. Tales enim moriuntur in statu peccati mortalis, & permanent in perpetua damnatione. Vnde meritò sunt eorum corpora reiicienda è societate aliorum.

Quintâ Conclusio. De iure non est licitum sauire in corpus defuncti in carcere, utpote cadauer suspendendo, aut igne consumendo.

HANC tenent Bald. Iaso & alij in L. 2. C. Qui testamen. facere possunt. Angel. & mol. in L. Defuncto. ff. de publ. iudic. & communiter DD. in L. Imperium. ff. de iurisdic. omnium iudic. Anton. Gomez. variar. resolut. tom. 3. cap. 1. num. 79. Menoch. de arbitrar. Iud. qq. lib. 2. cas. 283. & hæc est communis sententia, vt post alios plures Iulius Clarus lib. 5.

feh.

sentent. §. fin. pract. crim. q. 51. num. 15. iudicat. Ratio communiter à DD. assignatur, quia crimen & pœna per mortem extinguitur ex d. L. defuncto. quæ communis Conclusio est, ut post Cagnol in L. pupillam qui. §. in hæredes. ff. de regul. iuris refert Clarus in d. q. 51. num. 12. Vnde quidam ex Doctoribus reprehendunt practiam contrariâ, & dicunt, assessores posse conueniri actione iniuriarum, qui corpora defunctorum faciunt suspendi, aut cremari: cum interant iniuriam defuncto, & per consequens eius hæredibus.

Sexta Conclusio. Quamuis de iure fieri id non possit, tamen in multis locis praxi contrarium seruat, quod in enormissimis criminibus, & gravibus maleficijs pro varietate circumstantiarum aliquando cadavera suspendantur, aut afficiantur pœna, quæ reus, si morte præventus non fuisset, punitus extitisset.

HANC tenent Bald. Decius, & Iaso in d. L. 2. C. Qui testam. fac. poss. Marfil. in L. quæstionis modum, ff. de quæst. Imol. in d. L. Defuncto, Gomez. Menoch. & alijs pluribus enumeratis Iul. Clar. locis cit. Sic Gomez. ait se vidisse practicari in ciuitate Salmaticensi, ubi quidam forensis voluit & tentauit habere accessum ad puerum, & cum eo committere peccatum

catum contra naturam, & ex indicijs captus fuit, & in carcere se suspendit, & statim publice ductus est per ciuitatem, & vias publicas, & tandem concrematus fuit. Alia exempla refert etiam Clarus. Propter facti memoriam, & aliorum terrorem consideratis circumpstantijs rerum & personarum conuenit aliquando huiusmodi statuere exempla in eos, qui se ipsos conscientia sceleris commissi interficiunt, vt euitent pœnam ignominiosam in publico loco inferendam; quiq; ita miseri sunt atq; cœci, quod pluris faciant honorem, quem iam sceleris ratione amiserunt, quàm animæ & corporis salutem perpetuam, quam de facto amittunt, dum corpus & animam simul interficiunt.

Cohibentur ergo non rarò aliqui, ne sibi mortem consciscant, dum aliorum exemplo animaduertunt, etiam post mortem propriam decerni pœnam, & maximam etiam ignominiam inferri corpori mortuo, ad dedecus proprium & amicorum. Ad hoc argumentum illustrandum, facit illud, quod de Milesiorum virginibus memoriæ prodiderunt, Plutarch. de claris mulieribus, lib. 10. & Gellius noct. Attic. lib. 15. cap. 10. Cùm enim Milesiorum virgines sine vlla euidenti causâ voluptate obcundæ mortis captæ essent, sicque plurimæ vitam suspendio proderent, nec statim finis huic malo imponeretur, vt remedium adhiberent,

Berent, Mileſij ſtatuto decreuerunt, vt virgines, quæ corporibus ſuſpenſis interirent, omnes nudæ, cum eodem quo eſſent ſuffocatæ atq; præcinctæ laqueo, efferrentur. Deinde huſuſmodi decreto publicato, virgines amplius voluntariam non inferebant mortem, ſolo pudore deterritæ tam ignominioſi funeris. Nec mirum videatur, quod hæc practica non ſit iuri conueniens; quandoquidem propter enormitatem criminis, & in terrorem aliõrum licet quandoq; iura & leges transgredi, vt multis tradunt Bald. in Authen. Sed nouo iure. C. de ſeruis fugit. & auctores in addit. ibidem, & latius alijs Andr. Barbatius in cap. i. de conſtit. à num. 155. Marſil. in L. Vnius. §. Cognituum. ff. de quæſt. & in ſingulari 601. vbi ait: Enormia talis eſſe naturæ & importantiæ, quod alterent diſpoſitionem ſtatutorum & iuris communis. Nec illud prætereũdum eſt, quod Athenienſes, cum necem ſibi quiſquam manu propria conſciuiſſet, defuncto cadaueri manum tanquam facinoroſam abſcindebant, illamque abſciſſam corpore, inhumatam relinquebant, reliquum verò cadauer humo tegebant, & ſepeliebant, vt meminit AEſchines in oratione aduerſus Cteſiphontem, & poſt eum Alexander ab Alexand. Genial. dier. lib. 5. cap. vlt. prope finem. Andreas Tiraquell. ibid. in annotat. & in lib. de nobilitate, cap. 31. & Menoch. in d. lib. 2. caſu 284. num. 5. Detestanda

. T t
eſt

est etiam quorundam amicorum & sanguinē
iunctorum crudelitas, & audacia, qui curant
sibi vinculo sanguinis obligatos, ob crimina
capitalia morte digna in carceribus detentos,
veneno adbibendum, aut comedendum da-
to, necari, ne ignominiosè publicam pœnam
subeant. De quibus Bald. & Ias. in L. i. C. qui
testam. facere possunt Marfil. in singulari 150.
Menoch. in d. cas. 235. à nam. 5.

LEX VI.

*Multi magicis artibus vsi elementa
turbare, vitam infantium labefactare non
dubitant, & manibus accinctis audet ven-
tilare, ut quisq. suos conficiat malis artibus
inimicos. Hos, quoniam natura peregrini
sunt, feræ pestis absorbeat.*

HÆC Lex est etiam Imperatoris Con-
stantini ad populum: Vnde eruitur,
opera maleficorum, quæ nostri confiten-
tur se commisisse, non esse noua, sed etiam
antiquitus magos fuisse & maleficos in mag-
no numero, qui similia fecerunt, & cum Dæ-
monibus contra hominum salutem conspi-
rauerunt. Et aduertendum ex hac etiam le-
ge, maleficos magicis artibus, & non natu-
ralibus nocere: atque (vt hæc etiam anno-
tem,

sem, quoniam aliqui maleficos melioris conditionis videntur facere, quàm magos) quod omni tempore, vt suprà clarè docui, vulgus magos maleficos appellauit, & certò fraternizant. Qui enim ait magum interficiendum, haud negare potest maleficum ob excellentiam, maiori pœna afficiendum esse. Conueniunt autem magus propriè dictus, & maleficus: quod vterque operatur ex pacto cum Dæmone inito, tametsi magus occultius & obscurius id faciat, vt rectissimè Thomas Erastus in Dialogis de Lamijis docet. Differunt autem: quia magus mirabilia operatur ad delectationem, iocum & ludum, aut ostentationem: Maleficus sua opera in perniciem & detrimentum aliorum dirigit. Magus putat se Dæmonem cogere, & in hoc se potentiorē illo putat, & quod sic coactus concurrat ad actionem. Maleficus Dæmonem tanquam patronum agnoscit, ei reuerentiā exhibet, & in auxilium tacitè vel expressè inuocat, quando operationem perficere cupit. Magus ex libris, vel aliorum instructione suam artem discit: Maleficus ab ipso Dæmone seducitur, licet etiam aliquandò aliqui persuasione aliorum inducantur. Magus non expressè Deo & communioni Sanctorum abrenunciat, nisi in summo malitiæ sit gradu: Maleficus autem communiter hoc facit. Ex quibus clarum

est, magum strictè sumptum in malitia superari à malefico. *Elementa turbare.* Quomodo magi siue malefici Elementa perturbent, latè declaratum est in L. præcedenti, q. 4. *Vitam insonitum labefaciunt*, inducendo infirmitatem, aut mortem. *Manibus accincti audent ventilare, ut quisque suos malis artibus conficiat inimicos.* Quidam rectiùs videntur legere quam antiqua Cod. lectio habet, videlicet, manibus accitis, id est, Dijs infernalibus inuocatis (ad mentem Glossæ) qui ex pacto cooperantur, ut quisq; suos inimicos secretò & occultè inficere & interficere valeat. Huic doctrinæ conuenit Theologorum vnanimis sententia, quod in maleficijs & quibusdam alijs superstitionibus semper fiat inuocatio Dæmonum tacita vel expressa. S. Thom. 2.2. q. 95. art. 4. & sæpius in ead. q. Cardin. Caiet. in d. art. 4. Alphonsus Castrensis lib. 1. de iusta hæreticor. punit. cap. 13. Syluest. in verb. Maleficium. & in verb. Superstitio. Turrecr. 26. q. 2. can. illud. Nauar. in manuali Confessar. c. 11. num. 28. & alibi. Et articulus Parisiensis primus de superstitionib. Quod per artes magicas & maleficia, & inuocationes nefarias, querere familiaritates & amicitias & auxilia Dæmonum, non sit idololatria. Error. Astipulantur Iurisperiti, Glossa, Angelus, Salycetus, Alber. in præsentī L. Bonifac. de Vitalinis in tract. de maleficijs, in cap. de Sortileg. & mathem, Ioan. de Anania in Rubr. de Sortileg.

Gril-

Grilland. q. 2. & 3. de Sortileg. Damhauder. in
 practica crim. cap. 61. à num. 132. vbi pulchra ad
 huius L. explicationem pertinentia adfert. Ne-
 que etiam putandum est, inquit, tam prodigi-
 oſos effectus maleficarum ab huiusmodi
 rebus, quibus vtuntur ad maleficiandum, oriri
 ſed ab inſtituente hæc ſigna Diabolo, qui cùm
 ſit ſuperbiſſimus, Deo cupit in omnibus quàm
 ſimilimus eſſe. Quemadmodum enim omni-
 potens Deus quædam in Eccleſia ſua Sacramen-
 ta inſtituit, quæ dignè vtentibus (ipſo aſpiran-
 te) ſalutarem deſignât & producunt effectum:
 Ita & Diabolus, qui nihil impenſiùs appetit,
 quàm in pretio haberi, & Deo æqualis videri,
 ſigna quædam tanquam ſacramenta inſtituit,
 quibus inuocatus ab his, quibus confœderatus
 eſt pactis, operator malignus aſſiſtit: & quoties
 Deus permiferit, quod rogatur, malum perſi-
 cit. Et poſt pauca: Mulieres autem maleficæ
 quæ iam voluntate deprauata, & conſenſu in
 conſortium Dæmonum per pacta tranſierunt,
 notas quasdam & ſigna ſymbolica ab ipſis re-
 cipiunt, quibus excitati Dæmones mox proſi-
 liunt. Quocirca in his pernicioſis operationi-
 bus Dæmonum, nihil efficacius ſtulta malefi-
 carum crudelitate, quæ pactis augetur & votis.
 Nam quanto vel Dæmonibus, vel eorum ſig-
 nis firmiorem adhipuerint fidem, tanto ve-
 lociorem aſſequuntur, cooperantibus ipſis,
 effectum. Hæc illo ex Ioanne Tritemio in tra-

Stat. de reprobis & maleficis mulieribus, ad
 quæstiones propositas à Maximilia. Cæsare. Si
 quis dicat. An semper inuocati accurrere co-
 gantur; Respondetur quod non. Aliquando
 enim vltro non coacti adueniunt, & suum
 auxilium præstant, vt suos clientulos in sua
 perfidia contineant, & sic magi putant, quod
 inuocationibus & coniurationibus eos cogât,
 sed decipiuntur. Illa enim verba non sunt tam
 efficacia, vt Dæmonem cogant, sed tantum ex
 pacto concurrit. Aliquando ad inuocationem
 Magi siue malefici non fert auxilium, nec coo-
 peratur: quia Deus non permittit. Aliquando
 autem Magus verbis & coniurationibus cogit
 dæmonem in hunc modum, quando habet
 scilicet pactum cum superiori dæmone, cui in-
 ferior morem gerere tenetur: tunc tamen ver-
 ba & coniurationes respectu superioris non
 habent vim coactionis, sed tantum rationem
 signorum & inuocationis. *Hos quoniam natura
 sunt peregrini. feralis pestis absumat.* Merito vocan-
 tur malefici naturæ peregrini: quoniam vitæ
 humanæ insidiantur, & non solum alienæ; sed
 etiam quasi propriæ, dum proprios nonnun-
 quam infantes, qui sunt portio suo substantiæ,
 occidunt, Dæmonibus consecrant, aliquando
 corda eorū comedunt: aliquando autē igne in-
 pulueres, quibus ad nefandos actus abutun-
 tur, redigunt. His accedit, quod destruunt ea,
 quæ ad conseruationem humanæ vitæ necessa-
 ria

ria sunt. Quare meritò ea pœna, quæ hic decernitur, sunt digni, ut scilicet bestiis tradantur ad dilacerandum. Damnatio ad bestias pœna etiã erat in lege diuina. 4. Reg. 2. Pueri illudẽtes Heliseo & dicentes; ascende calue, ascende calue, à duobus vrsis lacerati sunt, qui ex eis 42. lacerauerunt ex diuina iussione. Deut. 32. Dentes bestiarum immittam. Ezech. 5. Cõgregabo super vos, & cõteram baculum panis, & immittam in vos famem, & bestias pessimas. Sic Daniel. 6. & 14. Darius rex Medorũ & Persarum in adorantes Deos alienos statuit bestiarum & leonum obiectionem. Quæ pœna olim familiaris fuit Gentilibus, contra Christianos martyres, ut constat maximè ex Hieronymo. de Scriptoribus Ecclesiasticis ubi vitam S. Ignatii describit, qui ait. De Syria vsque ad Romanam pugno ad bestias, in mari, in terra, nocte dieque ligatus cum decem Leopardis, hoc est, militibus, qui me custodiunt: quibus & cum benefeceris, peiores fiunt. Iniquitas autem eorum mea doctrina est: sed non idcirco iustificatus sum. Utinam fruar bestiis, quæ mihi sunt præparatæ: quas & oro mihi veloces esse ad interitum, & ad supplicia, & allici ad comedendum me: ne sicut & aliorum martyrum, non audeant corpus attingere. In alijs quoque LL. imponitur damnatio ad bestias, ut in L. pœna, ad L. Pompeiam, de parricid. & L. Ad bestias. ff. de pœnis, & alibi. Sed hæc pœna nunc ampliùs

non est in usu, vt docet ex Angel. & Marfil. Iulius Clar. lib. 5. Sentent. 6. fin. pract. Crimin. q. 67. num. 4. & in eius locum successit decapitatione naturalis.

QVAESTIO. I.

An propter multitudinem maleficorum, hoc tempore seueritati legum detrahendum sit, & crimen debeat manere inultum, vt quidam maleficorum aduocati volunt?

VIDERETUR, quod sic: quia detrahendum est seueritati, vbi multorum strages iacet. Glossa in cap. Latores. de cleric. excomm. & in L. Aut facta. de poenis. 6. fin. ff. facit ad idem, can. Vt constitueretur. 50. dist. can. Commensationes. 44. dist. Hinc celebre illud dictum Gloss. in d. cap. Latores. Ob populum multum, crimen pertransit inultum.

In contrarium est L. praesens, quæ multos maleficos siue magos fuisse eo tempore attestatur, & tamen statuit eos seuerissimè puniendos laceratione bestiarum. S. Thomas. 2. 2. q. 108. art. 1. ad 5. quem citat & sequitur Alberic. de Rosato in dictionario iuris, in verb. Correctio. vers. Qualiter attendendum, respondet, quòd quando tota multitudo peccat, de ea vindicta sumenda est, vel quantum ad totam

tam multitudinem, sicut Aegyptij submersi sunt in mari rubro, prosequentes filios Israël, vt habetur Exod. 14. & sicut ob sodomiam Sodomam & Gomorrham vniuersaliter perierunt: vel quantum ad magnam multitudinis partem, sicut patet Exod. 32. in pœnatorum, qui vitulum adorauerunt. Quandoq; verò si spectetur multorum correctio, debet seueritas vindictæ exerceri in aliquos paucos principales, quibus punitis cæteri terreantur. Sicut Dominus Num. 25. mandauit suspendi principes populi, pro peccato multitudinis. Si autem non tota multitudo peccauit, sed pro parte: tunc si possunt mali secerni à bonis, debet in eos vindicta exerceri, si tamen hoc fieri possit sine scandalo aliorum. Alioquin parcendum est multitudini, & detrahendum seueritati. Quando autem peccatum multitudinis est tale, quod magis noceret multitudini vel spiritualiter, vel temporaliter, quàm scandalum, quod exinde oriretur, vindicandum est: hæc ex S. Thoma.

Ad hanc materiam multa adferunt Bartolus in L. Aut facta. §. Nonnunquam. ff. de pœnis. Nicolaus Boërius in tract. de seditiosis, in septimo & vltimo præsupposito. Ioan. de Anania, & Felin. in cap. Dilectus. 2. de Simonia. Alphons. à Castro lib. 2. de iusta hæret. punit. cap. 14. prope finem.

Respondetur nunc ad propositum. In hoc

Tt 5 enor-

enormissimo crimine nihil detrahendum est
 feueritati, propter multitudinem eorum, qui
 immerfi sunt. Probat in primis: propter So-
 domiam in Sodoma & Gomorra nocentes
 cum innocentibus interfecit, & ciuitates igne
 succendit Dominus. Et in cap. d. Exod. 32. ed
 quod populus vitulum conflatilem adoraue-
 rat, & coram eo lusit, & choros duxit, occisa
 sunt triginta tria millia hominum, nec peper-
 cit Dominus in tam enormibus criminibus
 multitudini. Similia exempla non desunt ali-
 bi in veteri testamento. In tam enormibus, vt
 ait Ioann. de Anania in d. cap. Dilectus: ces-
 sant omnes rationes. Ad idem facit expressus
 textus in d. L. Aut facta. §. d. Nonnunquam,
 ait, euenit, vt aliquorum maleficorum sup-
 plicia exacerbantur, quoties nimis multis per-
 sonis grassantibus exemplo opus sit. Hinc,
 quando sunt delicta grassantia, & ad malum
 tendentia, iuxta Glossam ibidem, propter
 multitudinem peccantium poena exacerba-
 tur. Sic Glossa, Bartolus in eadem L. Ioan.
 de Anania loco citato, Nicolaus Boërius. Feli-
 pus vbi supra: & Archidia. in can. Denique.
 d. 4. quando delictum est commissum aut
 committitur à multis, & est dubium ne
 committatur propter multas personas aptas
 ad hoc, & in futurum pendet, non parcutur
 multitudini. Quod multò magis est verum,
 quando crimen est maximum, sicut crimen
 male.

maleficorum, & tendit in corruptionem spiritualem & temporalem multitudinis, & multo maius est nocumentum instans, quàm sic scandalum quod nullum oritur ex vindicta. Quia ut Gloss. & Anthon. à Butr. in d. cap. latores, tradunt, quando non timetur scandalum, sed præsumitur quod populus æquanimiter tolerabit rigorem, propter multitudinem non est tollendus rigor : quod profectò obtinet in pessimo crimine maleficorum. Populus enim cum animadvertat gravitatem huius criminis, & damna, quæ in Rempubl. redundant ex eo, & quomodo malum latius indies serpat, nisi prospiciatur, egerrius fert, si magistratus executionem iustitiæ protrahat, & multum etiam ædificatur ex tanti criminis punitione, velletq; Rempubl. optimè repurgatam à tam exitiali peste, imò multa scandala oriuntur in populo, quando negligentius agitur in extirpatione, ut experientia discimus. Tumenim populus murmurat còtra magistratum, multæ sinistrae suspiciones oriuntur, & plurima peccata murmurando, detrahendo, sinistrè iudicando, & mendacià spargendo committuntur. Quorum alienorum peccatorum magistratus fit particeps, si conniveat, & somnolentius procedat : laudem autem consequitur apud Zelatores iustitiæ, si sine acceptione personarum, habita iustitià & gloria DEI ante oculos, ad puniendum procedat, & ad

& ad purgandum Rempub. à malefactoribus, iuxta L. Congruit. ff. de offic. præsidis, accingatur. In hoc crimine profectò veritatem habet illud Stratoclis, relatum à Damhauder. in pract. crimin. in c. 150. num. 6. Ignoscendo nocentibus, innocentium salutem custodiri non posse. Item illud vulgare Prouerbiū : Qui parcit malis, nocet bonis. Ad ea quę in contrarium allata sunt, respondeo: Seueritati detrahendum est propter multitudinem, in letioribus delictis, quę in futurum non pendent, & quando plus scandali ex punitione oritur, quàm boni sequitur, vtpote cōtingere posset, quando de sceleratis non posset haberi vindicta sine maxima Reipub. perturbatione. Tunc locum habet: Quę emendare non possumus, tolerare necesse est: Ne si quis veliteradicare rixania, euellat & triticum. Alphons. à Castro loc. citat. respondet, parcendum esse multitudini, & mitius cum illa agendum, quando talis multitudo peccatum suum agnoscit, & parata est de illo corrigi, & bona de illius correctione habetur spes: quod in hoc crimine etiā locum habere potest: de membris singulis multitudinis iudico in suo gradu. Alioquin si multitudo ipsa peccans peccatum suum non agnoscit, sed in eo perseveret, aut tãquam rem bene gestam velit defendere: tunc seuera punitione est coercenda, vt à suo errore discedat, ne nimia indulgentia obstinationis ansam
illi

illi præbeat, præsertim si ipsa multitudo in potentia sua confidens, inde ad peccatum audacior fiat.

QVÆSTIO II.

An magi & malefici infantium, maxime infantium vitæ insidientur, ut præsens L. significat?

PRO huius Legis maiori elucidatione pro certo habendum est, quod Dæmones feruntur delectari sanguine humano. 26. q. 5. c. Nec mirum. Sic omni tempore suos cultores sollicitauerunt ad effundendum sanguinem, & ad immolandum homines. Psal. 105. Immolauerunt filios suos & filias suas Dæmonijs, & effuderunt sanguinem innocentem filiorum suorum & filiarum, quas sacrificauerunt sculptilibus Capaan. Vbi benè annotat Arnobius. Primò enim dixit. Effuderunt sanguinem innocentem. Et ne putarentur extranei, addidit, filiorum suorum, & filiarum suarum, quorum salus in humana conuersatione dulcissima est, ut illis non parcerent, pro quibus pij parentes etiam interfici non recusant. Et ut colligitur ex 4. Reg. cap. 23. & Hierem. 33. & Leuit. 18. & alibi: Idolo Moloch pueros immolabant, qui & supposito igne comburebantur. Sic etiam Iulianus Imperator postquam Christum

flum abnegavit, & vacauit Dæmonum incantationibus, ita crudeliter magiæ operam dedit, quod post mortem eius corpora & capita hominum iugulatorum multa in cistis, in puteis, & locis secretioribus Imperatoriæ aulae Antiochiæ fuerint reperta, quos mactauerat clam futura inquirens, vt tradunt Niceph. lib. 10. Ecclesiast. histo. cap. 36. Socrates lib. 6. hist. tripartitæ cap. vlt. Similia sunt & magis horrenda, quæ referuntur contigisse in Huketan, siue noua Hispania, vbi in maxima ciuitate Temixtitan Dijs suis annuatim vltra vigintimilia puerorum puellarumq; corda sacrificare solebant, quæ nunc non Dæmonibus, sed altissimo Deo per doctrinam Evangelij & verum cultum Dei offeruntur. Hæc Episcopus illius ciuitatis, in Epistola data Anno Domini 1531. in mense Iunio, ad Capitulum generale Fratrum minorum regularis obseruantia, celebratum Tholosæ Anno Domini 1532. de profectu & animarum lucro significauit. Laurentius Surius in commentario breui rerum in orbe gestarum pag. 515. in impressione de Anno 1574. refert ex Archiuis Caroli Cæsaris inter reliqua, quod horrendum dictu est, mille plerumq; homines vno die in ciuitate Mexicana fuisse immolatos idolis, quæ nunc per gratiam Dei exturbata sunt, & Dæmonibus silentium indictum. Doctores mallei maleficarum in 2. p. q. 1. c. 13. narrant, in
diocæsi

diocœsi Basileensi & oppido Dan maleficam
obstetricem incineratam, quæ confessa est se
vlt̃ra quadraginta pueros necasse. Nicol. Ia-
quer. in flagello hæret. fascinariorum cap. 15.
attestatur, in Gallijs repertum fuisse suis tem-
poribus Magum Baronem, qui clam iugula-
set circiter viginti pueros, vt decorum sangui-
ne quẽdam librum conscriberet, in obsequiũ
Dæmonum, qui depræhensus fuit, & publicẽ
pœnam tantis sceleribus debitam persoluit.
Quomodo olim homines dẽmonibus sacrifi-
cabantur apud varias nationes & gentes, mul-
tis ostendit Euseb. lib. 4. de præparat. Euange.
c. 7. Nostri malefici & sagæ plurimos infantes
interfecerunt, vt passim ex processibus apud
Iudices cõstat: imò, quod plurimũ à natura
alienum est: corda infantium exscindũt, & co-
medunt, hac persuasione à diabolo inducti, q̃
tunc, si ad manus iustitiæ deueniant, non pos-
sint veritatem fateri, vt apertum est ex proces-
su Annę de Rouer, cuius suprà mentionem fe-
cimus, & aliorum. Imò multum insidiantur
puerulis nondum baptizatis. Corpora autem
infantium comburunt, & in cineres redigunt,
quibus abutũtur in suis maleficijs. Imò, quod
multò horribilius est, quandoq; parentes con-
sensum & auxilium præbent, vt propria eo-
rum caro sic tractetur, ipsis præsentibus, vt
exemplis docere possem, si expediret: quæ
caussa rectẽ quendam Iudicem superiori

anno

anno mouit, ut patrem maleficum, aliàs in pri-
 mis strangulandum, viuum flammis traden-
 dum iusserit, eò quòd præsens & fautor fuisse
 cùm sua proles à maleficis combureretur. Sæ-
 pè enim, ut experientia cognoscimus, malefi-
 ci & sagæ sunt etiam parricidæ. Quod profe-
 ctò si quis penitus introspicere velit, prædicta
 L. 6. significat, quãdo eos appellat peregrinos
 naturæ: quum ipsa natura auditis tam horren-
 dis factis, horrorem intra se concipiat, & quasi
 contremiscat. Nemo tamen miretur, quod
 homines aliàs bonæ naturæ & conuersationis
 in tam detestabilia scelera cõsentiant, ut (proh
 dolor) indies præter opinionem conspici-
 mus. Sicut enim qui Christum imitatur, Deo-
 quæ adhæret, diuinæ fit consors naturæ clemẽ-
 tiæq; , ac alia fit creatura: Ita qui Dæmonem se-
 quitur, & in eius castra transit, propriam quasi
 naturam exuit, & participat quãdam proprie-
 tatem ferocitatis & truculentia Diabolicæ.
 Quod autem Dæmon maximè insidietur in-
 fantibus necdum baptizatis, id accidit ex inui-
 dia maxima. Inuidet enim illis æternam fœli-
 citatem, quam ipse amisit: & infantes, si Baptis-
 mo abluerentur, consequerentur. Baptizatis
 autem struit insidias propter insigne odium
 nominis Christi, quod præcipuè relucet in ef-
 fectu Baptismi, quo mediante Christum in-
 duunt, & eius nomen participant, ut dicantur
 Christiani, nec non innocentiam per Ada-
 mum

num & Euam primos parentes perditam, infantes baptizati de nouo adhuc retinent, quā molestissimè fert. Quare eorum vitæ (cum animæ salutis adhuc nihil damni, ob infantilem ætatem, inferre possit) nocere studet. Optimum autem remedium est contra Diabolicas artes in hoc studio nocendi, vt parentes pij sint, bonam curam puerorum habeant, eos conseruent, ne personæ iustis ex causis suspectæ eos propiùs accedant, vespere & manè salutem infantium Domino Deo commendent, ac eos signo Crucis muniant. Nam sæpius sagarum iudicialibus cōfessionibus cognitum est, quod infantibus signo Crucis munitis nihil nocumenti inferre potuerūt. Quod autem Deus concedat potestatem Dæmonibus nocendi pueris innocentibus, id ad prouidentiam Dei, quæ omnia in iustissimum finē dirigit, referendum est: quamuis sæpè contingat, vt doctissimi viri tradiderunt, infantes, iusto Dei iudicio, sed non omnibus noto, puniri ob peccata parentum.

QVAESTIO III.

Quid de imaginibus, quibus magi siue malefici vtuntur, sentiendum?

IN primis aduertendum ex Doctōribus tam Theologis quam Iuris peritis, duplices reperi

V u riri

partem, in qua cupiunt malum aliquod oriri in persona, cui nocere intendunt. Quibus sic peractis sæpè contingit, quod persona, cuius nocumentum maleficus desiderat, grauius torqueatur in illa parte corporis, quam maleficus pupugit, aut transfixit. Qui effectus non ex imagine, aut figura, sed ex operatione latentis diabolica proficiscitur, Maleficus enim habet pactum cum Dæmone, qui operatur circa corpus maleficiandi, quando imaginem maleficus pungit: Adhibet autem applicatq; demon naturalia venena & alia, quæ sunt apta ex sua natura inferre dolorē & infirmitatē. Ipse enim subtilissimè & inuisibiliter applicat. Et maleficus quando animaduertit morbum, aut malum productum in corpore maleficiati, persuadet sibi talem vim inesse imaginibus & figuris, cum tamen Dæmon alijs causis naturalibus applicatis efficiat infirmitatem. De hac materia memorabile est exemplum, quod referunt Ioan. Bodinus lib. 2. de magorum dæmon. cap. 8. Cosmus Philarchus Theologus Florent. lib. 3. 2. part. de officio Sacerdotis, cap. 8. in primo præcepto, & alij alibi, ex Hectore Boëtio lib. 2. historiæ Scoticæ, qui attestatur in tota Scotia notissimum esse. Duffus rex Scotiæ noctu sub perpetua vigilia decumbens, in sudorem sine modo soluebatur, corpus lenta conficiebatur tæbe, effæto simillimum, hærebat cutis rigida, venas, neruos, & qua forma, & situ ossa essent
huma-

humana ostendens, & tamen medici in ea omnia signa sanitatis inueniebant. Obortus est rumor incerto auctore, Regem à quibusdam mulieribus maleficiatum esse, quæ apud Forres oppidum Morauix manebant. Rex statim sub specie ineundæ pacis inter eum & coniuratos Morauos mittit, qui rei veritatem inquirant, missi Forres adiere & arcem ingressi (quæ adhuc erat in regis fide) Denoualdo arcis præfecto, quare venerint, exponunt: quo audito quidam miles, qui erat in artis præsidio, significauit Denoualdo quandam meretricem (cuius mater erat sortilega) dum blandiusculè eam tractaret, locutam ei fuisse de regis infirmitate, & morte: erat tunc illa meretrix in arce, quæ tormentis exposita, veritatem aperuit. Denoualdus in ipsa nocte milites ad sortilegarum ædes mittit, qui vnâ veneficarum, simulacrum ad Regis Duffi imaginem ex cera confectum, ligneo veru affixum, ante ignem torrentem, alteram carminibus recitatis liquorem quendam fundentem sensim supra statuat, inuenerunt: & ductæ cum simulacris in arcem, interrogatæ dixerunt, dum simulacrum igni adhibitum torreretur, Duffum regem in sudorem solui, carminibus autem recitatis perpetua teneri vigilia, & ad liquecentem ceram macie confici, consumpta cera mortem regis continuò secuturam: ita se Demones docuisse, & ad facinus exequendum

non est in usu, ut docet ex Angel. & Marfil. Iulius Clar. lib. 5. Sentent. §. fin. pract. Crimin. q. 67. num. 4. & in eius locum successit decapitatione naturalis.

QVAESTIO. I.

An propter multitudinem maleficorum, hoc tempore seueritati legum detrahendum sit, & crimen debeat manere inultum, ut quidam maleficorum aduocati volunt?

VIDERETUR, quod sic: quia detrahendum est seueritati, ubi multorum strages iacet. Glossa in cap. Latores. de cleric. excomm. & in L. Aut facta. de poenis. §. fin. ff. facit ad idem, can. Ut constitueretur. 50. dist. can. Commensationes. 44. dist. Hinc celebre illud dictum Gloss. in d. cap. Latores. Ob populum multum, crimen pertransit inultum.

In contrarium est L. praesens, quæ multos maleficos siue magos fuisse eo tempore attestatur, & tamen statuit eos seuerissime puniendos laceratione bestiarum. S. Thomas. 2. 2. q. 108. art. 1. ad 5. quem citat & sequitur Alberic. de Rosato in dictionario iuris, in verb. Correctio. vers. Qualiter attendendum, respondet, quòd quando tota multitudo peccat, de ea vindicta sumenda est, vel quantum ad totam

tam multitudinem, sicut AEgyptij submersi sunt in mari rubro, prosequentes filios Israëli, vt habetur Exod. 14. & sicut ob sodomiam Sodomam & Gomorrham vniuersaliter perierunt: vel quantum ad magnam multitudinis partem, sicut patet Exod. 32. in pœnacorum, qui vitulum adorauerunt. Quandoq; verò si spectetur multorum correctio, debet seueritas vindictæ exerceri in aliquos paucos principales, quibus punitis cæteri terreantur. Sicut Dominus Num. 25. mandauit suspendi principes populi, pro peccato multitudinis. Si autem non tota multitudo peccauit, sed pro parte: tunc si possunt mali secerni à bonis, debet in eos vindicta exerceri, si tamen hoc fieri possit sine scandalo aliorum. Alioquin parcendum est multitudini, & detrahendum seueritati. Quando autem peccatum multitudinis est tale, quod magis noceret multitudini vel spiritualiter, vel temporaliter, quàm scandalum, quod exinde oriretur, vindicandum est: hæc ex S. Thoma.

Ad hanc materiam multa adferunt Bartolus in L. Aut facta. §. Nonnunquam. ff. de pœnis. Nicolaus Boërius in tract. de seditiosis, in septimo & vltimo præsupposito. Ioan. de Anania, & Felin. in cap. Dilectus. 2. de Simonia. Alphonf. à Castro lib. 2. de iusta hæret. punit. cap. 14. prope finem.

Respondetur nunc ad propositum. In hoc

enormissimo crimine nihil detrahendum est
 feueritati, propter multitudinem eorum, qui
 immerfi sunt. Probat in primis: propter So-
 domiam in Sodoma & Gomorra nocentes
 cum innocentibus interfecit, & ciuitates igne
 succendit Dominus. Et in cap. d. Exod. 32. ed
 quod populus vitulum conflatilem adoraue-
 rat, & coram eo lusit, & choros duxit, occisa
 sunt triginta tria millia hominum, nec peper-
 cit Dominus in tam enormibus criminibus
 multitudini. Similia exempla non desunt ali-
 bi in veteri testamento. In tam enormibus, vt
 ait Ioann. de Anania in d. cap. Dilectus: ces-
 sant omnes rationes. Ad idem facit expressus
 textus in d. L. Aut facta. §. d. Nonnunquam,
 ait, euenit, vt aliquorum maleficorum sup-
 plicia exacerbantur, quoties nimis multis per-
 sonis grassantibus exemplo opus sit. Hinc,
 quando sunt delicta grassantia, & ad malum
 tendentia, iuxta Glossam ibidem, propter
 multitudinem peccantium poena exacerba-
 tur. Sic Glossa, Bartolus in eadem L. Ioan.
 de Anania loco citato, Nicolaus Boërius. Feli-
 pus vbi supra: & Archidia. in can. Denique.
 d. 4. quando delictum est commissum aut
 committitur à multis, & est dubium ne
 committatur propter multas personas aptas
 ad hoc, & in futurum pendet, non parcutur
 multitudini. Quod multò magis est verum,
 quando crimen est maximum, sicut crimen
 mala

Maleficorum, & tendit in corruptionem spirituali & temporali multitudinis, & multo maius est nocumentum instans, quàm sit scandalum quod nullum oritur ex vindicta. Quia ut Gloss. & Anthon. à Butr. in d. cap. latores, tradunt, quando non timetur scandalum, sed præsumitur quod populus æquanimiter tolerabit rigorem, propter multitudinem non est tollendus rigor : quod profectò obtinet in pessimo crimine maleficorum. Populus enim cum animaduertat gravitatem huius criminis, & damna, quæ in Rempubl. redundant ex eo, & quomodo malum latius indies serpat, nisi prospiciatur, egerrius fert, si magistratus executionem iustitiæ protrahat, & multum etiam ædificatur ex tanti criminis punitione, velletq; Rempubl. optimè repurgatam à tam exitiali peste, imò multa scandala oriuntur in populo, quando negligentius agitur in extirpatione, ut experientia discimus. Tum enim populus murmurat cōtra magistratum, multæ sinistrae suspiciones oriuntur, & plurima peccata murmurando, detrahendo, sinistrè iudicando, & mendaciâ spargendo committuntur. Quorum alienorum peccatorum magistratus sit particeps, si conniveat, & somnolentius procedat : laudem autem consequitur apud Zelatores iustitiæ, si sine acceptione personarum, habita iustitia & gloria DEI ante oculos, ad puniendum procedat, & ad

& ad purgandum Rempub. à malefactoribus, iuxta L. Congruit. ff. de offic. præsidis, accingatur. In hoc crimine profectò veritatem habet illud Stratoclis, relatum à Damhauder. in pract. crimin. in c. 150. num. 6. Ignoscendo nocentibus, innocentium salutem custodiri non posse. Item illud vulgare Prouerbiū : Qui parcit malis, nocet bonis. Ad ea quę in contrarium allata sunt, respondeo: Seueritati detrahendum est propter multitudinem, in letioribus delictis, quę in futurum non pendent, & quando plus scandali ex punitione oritur, quàm boni sequitur, vtpote cōtingere posset, quando de sceleratis non posset haberi vindicta sine maxima Reipub. perturbatione. Tunc locum habet: Quę emendare non possumus, tolerare necesse est: Ne si quis velit eradicare zizania, euellat & triticum. Alphons. à Castro loc. citat. respondet, parcendum esse multitudini, & mitius cum illa agendum, quando talis multitudo peccatum suum agnoscit, & parata est de illo corrigi, & bona de illius correctione habetur spes: quod in hoc crimine etiā locum habere potest: de membris singulis multitudinis iudico in suo gradū. Alioquin si multitudo ipsa peccans peccatum suum non agnoscit, sed in eo perseveret, aut tāquam rem bene gestam velit defendere: tunc seuera punitione est coercenda, vt à suo errore discedat, ne nimia indulgentia obstinationis ansam
illi

illi præbeat, præsertim si ipsa multitudo in potentia sua confidens, inde ad peccatum audacior fiat.

QVÆSTIO II.

An magi & malefici infantium, maxime infantium vitæ insidientur, ut præsens L. significat?

PRO huius Legis maiori elucidatione pro certo habendum est, quod Dæmones feruntur delectari sanguine humano. 26. q. 5. c. Nec mirum. Sic omni tempore suos cultores sollicitauerunt ad effundendum sanguinem, & ad immolandum homines. Psal. 105. Immolauerunt filios suos & filias suas Dæmonijs, & effuderunt sanguinem innocentem filiorum suorum & filiarum, quas sacrificauerunt sculptilibus Capaan. Vbi benè annotat Arnobius. Primò enim dixit. Effuderunt sanguinem innocentem. Et ne putarentur extranei, addidit, filiorum suorum, & filiarum suarum, quorum salus in humana conuersatione dulcissima est, ut illis non parcerent, pro quibus pij parentes etiam interfici non recusant. Et ut colligitur ex 4. Reg. cap. 23. & Hierem. 33. & Leuit. 18. & alibi: Idolo Moloch pueros immolabant, qui & supposito igne comburebantur. Sic etiam Iulianus Imperator postquam Christum

stum abnegauit, & vacauit Dæmonum incantationibus, ita crudeliter magiæ operam dedit, quod post mortem eius corpora & capita hominum iugulatorum multa in cistis, in puteis, & locis secretioribus Imperatoriæ aulae Antiochiæ fuerint reperta, quos mactauerat clam futura inquirens, vt tradunt Niceph. lib. 10. Ecclesiast. histo. cap. 36. Socrates lib. 6. hist. tripartitæ cap. vlt. Similia sunt & magis horrenda, quæ referuntur contigisse in Huketan, siue noua Hispania, vbi in maxima ciuitate Temixtitan Dijs suis annuatim vltra vigintimilia puerorum puellarumq; corda sacrificare solebant, quæ nunc non Dæmonibus, sed altissimo Deo per doctrinam Evangelij & verum cultum Dei offeruntur. Hæc Episcopus illius ciuitatis, in Epistola data Anno Domini 1531. in mense Iunio, ad Capitulum generale Fratrum minorum regularis obseruantia, celebratum Tholosæ Anno Domini 1532. de profectu & animarum lucro significauit. Laurentius Surius in commentario breui rerum in orbe gestarum pag. 515. in impressione de Anno 1574. refert ex Archiuis Caroli Cæsaris inter reliqua, quod horrendum dictu est, mille plerumq; homines vno die in ciuitate Mexicana fuisse immolatos idolis, quæ nunc per gratiam Dei exturbata sunt, & Dæmonibus silentium indictum. Doctores mallei maleficarum in 2. p. q. 1. c. 13. narrant, in diocæsi

diocœsi Basileensi & oppido Dan maleficam
obstetricem incineratam, quæ confessa est se
vltâ quadraginta pueros necasse. Nicol. Ia-
quer. in flagello hæret. fascinariorum cap. 15.
attestatur, in Gallijs repertum fuisse suistem-
poribus Magum Baronem, qui clam iugula-
set circiter viginti pueros, vt de eorum sangui-
ne quædam librum conscriberet, in obsequiũ
Dæmonum, qui depræhensus fuit, & publicè
pœnam tantis sceleribus debitam persoluit.
Quomodo olim homines dæmonibus sacrifi-
cabantur apud varias nationes & gentes, mul-
tis ostendit Euseb. lib. 4. de præparat. Euange-
l. c. 7. Nostri malefici & sagæ plurimos infantes
interfecerunt, vt passim ex processibus apud
Iudices cõstat: imò, quod plurimũ à natura
alienum est: corda infantium exscindũt, & co-
medunt, hac persuasione à diabolo inducti, q-
tunc, si ad manus iustitiæ deueniant, non pos-
sint veritatem fateri, vt apertum est ex proces-
su Annæ de Rouer, cuius suprà mentionem fe-
cimus, & aliorum. Imò multum insidiantur
puerulis nondum baptizatis. Corpora autem
infantium comburunt, & in cineres redigunt,
quibus abutũtur in suis maleficijs. Imò, quod
multò horribilius est, quandoq; parentes con-
sensum & auxilium præbent, vt propria eo-
rum caro sic tractetur, ipsis præsentibus, vt
exemplis docere possem, si expediret: quæ
caussa rectè quendam Iudicem superiorẽ
anno

anno mouit, vtpatrem maleficum, aliàs in primis strangulandum, viuum flammis tradendum iusserit, eò quòd præsens & fautor fuisset cùm sua proles à maleficis combureretur. Sæpè enim, vt experientia cognoscimus, malefici & sagæ sunt etiam parricidæ. Quod profectò si quis penitus introspicere velit, prædicta L. 6. significat, quãdo eos appellat peregrinos naturæ: quum ipsa natura auditis tam horrendis factis, horrorem intra se concipiat, & quasi contremiscat. Nemo tamen miretur, quod homines aliàs bonæ naturæ & conuersationis in tam detestabilia scelera cõsentiant, vt (proh dolor) indies præter opinionem conspiciamus. Sicut enim qui Christum imitatur, Deoque adhæret, diuinæ fit consors naturæ clementiæq; , ac alia fit creatura: Ita qui Dæmonem sequitur, & in eius castra transit, propriam quasi naturam exuit, & participat quãdam proprietatem ferocitatis & truculentiae Diabolicæ. Quod autem Dæmon maximè insidiatur infantibus necdum baptizatis, id accidit ex inuidia maxima. Inuidet enim illis æternam felicitatem, quam ipse amisit: & infantes, si Baptismo abluerentur, consequerentur. Baptizatis autem struit insidias propter insigne odium nominis Christi, quod præcipuè relucet in effectu Baptismi, quo mediante Christum induunt, & eius nomen participant, vt dicantur Christiani, nec non innocentiam per Adamum

mum & Euam primos parentes perditam, infantes baptizati de nouo adhuc retinent, quā molestissimè fert. Quare eorum vitæ (cum animæ salutis adhuc nihil damni, ob infantilem ætatem, inferre possit) nocere studet. Optimum autem remedium est contra Diabolicas artes in hoc studio nocendi, vt parentes pij sint, bonam curam puerorum habeant, eos conseruent, ne personæ iustis ex causis suspectæ eos propius accedant, vespere & manè salutem infantium Domino Deo commendent, ac eos signo Crucis muniant. Nam sæpius sagarum iudicialibus cōfessionibus cognitum est, quod infantibus signo Crucis munitis nihil nocimenti inferre potuerūt. Quod autem Deus concedat potestatem Dæmonibus nocendi pueris innocentibus, id ad prouidentiam Dei, quæ omnia in iustissimum finē dirigit, referendum est: quamuis sæpè contingat, vt doctissimi viri tradiderunt, infantes, iusto Dei iudicio, sed non omnibus noto, puniri ob peccata parentum.

QVAESTIO III.

Quid de imaginibus, quibus magi siue malefici vtuntur, sentiendum?

IN primis aduertendum ex Doctōribus tam Theologis quam Iuris peritis, duplices repe-

Vu

riri

riri imagines in exercitio apud eos, qui diabolica potestate vtuntur. Quædam enim dicuntur Astronomicæ siue Astrologicæ, quibus vè plurimum vtuntur ij, qui vacant magiæ diuinatrici, ad inuestigationem rerum occultarum, & futurarum. Aliæ sunt, quibus malefici vtuntur ad inferendum malum aliquod hominibus, aut bestiis. De postremis loquitur Glossa, Salycetus, Angelus & alij in præfenti L. Multi vbi loquuntur de imaginibus maleficorum & incantatorum. Deinde iterum obseruandum est: nomine imaginum in hac materia intelliguntur non solum imagines sic dictæ secundum communem vsum, sed multo magis figuræ, characteres, signa aut instrumenta, quibus superstitiosum genus hominum vtitur, ad inuocationem tacitam aut expressam Dæmonum, pro ferendo auxilio. De posterioribus imaginibus Glossa & DD. in hac L. loquuntur, vbi Angelus sic ait. Nota benè contra facientes imagines ceræ, quæ pungendo eas, vitas hominum labefactant, & ideo non derideas ista. Earundem etiam mentionem faciunt Paulus Grillandus de sortileg. cap. 5. Oldratus de ponte consil. 210. incip. Regularis habet traditio. Damhaud. in cap. 61. num. 116 & alij alibi. Quibus consentiunt Theologi, Ioan. Gerson in 1. part. in tract. de erroribus circa artem magicam, in litera O. Malleus 1. par. q. 5. Alphons. Castrensis lib.

sis lib.1. de iusta hæret. punit.cap. 15. Sylueſt.in
verbo. Maleficium. Martinus Arles in tract.de
superſtitionibus. Vniuerſitas Pariſienſis in ar-
ticulis determinatis contra ſuperſtitiones, in
art.21.his verbis. Quod imagines de ære, plum-
bo, vel auro, de cera alba, vel rubea, vel alia ma-
teria baptizatæ, exorcizatæ, & conſecratæ, ſeu
potius execratæ, ſecundū prædictas artes, & ſub
certis diebus, habent virtutes mirabiles, quæ
in libris talium artium recitantur. Error in
fide, & philoſophia naturali, & Aſtronomia
vera. Cuius articuli ſenſus eſt, quod tales res &
imagines ex ſua natura non habent naturalem
vim ad effectum, ſed effectus ſequitur ex mi-
niſterio Dæmonum, prout definitum eſt, in
art.18. Uſum huiusmodi imaginum apud ma-
leſicos ſic deſcribunt probati doctores. Male-
fici imagines quaſdam, certis temporibus ob-
ſeruatis & determinatis carminibus, & ritibus
quibuſdam & ſignis, conficiunt, quas in nomi-
ne Beelzebub, principe Dæmoniorum bapti-
zant, adhibitis & expreſſis quibuſdam alijs
verbis, quæ ob horrorem non ſunt referenda.
His ſic peractis prædictas imagines ad ignem
applicant, & ibi petunt infirmitates, aut alia
mala, quæ in perſona illa, cuius imaginem con-
fecerunt, euenire optant. Quandoque etiam
acubus, aut alijs acutis ferris perforant, aut
pungunt illius imaginis caput, aut pectus,
aut ventrem, aut ſcœmora, aut aliam corporis

partem, in qua cupiunt malum aliquod oriri in persona, cui nocere intendunt. Quibus sic peractis sæpè contingit, quod persona, cuius nocumentum maleficus desiderat, grauius torqueatur in illa parte corporis, quam maleficus pupugit, aut transfixit. Qui effectus non ex imagine, aut figura, sed ex operatione latenti diabolica proficiscitur, Maleficus enim habet pactum cum Dæmone, qui operatur circa corpus maleficiandi, quando imaginem maleficus pupugit: Adhibet autem applicatq; demon naturalia venena & alia, quæ sunt apta ex sua natura inferre dolorē & infirmitatē. Ipse enim subtilissimè & inuisibiliter applicat. Et maleficus quando animaduertit morbū, aut malum productum in corpore maleficiati, persuadet sibi talem vim inesse imaginibus & figuris, cū tamen Dæmon alijs causis naturalibus applicatis efficiat infirmitatem. De hac materia memorabile est exemplum, quod referunt Ioan. Bodinus lib. 2. de magorum dæmon. cap. 8. Cosmus Philarchus Theologus Florent. lib. 3. 2. part. de officio Secerdotis, cap. 8. in primo præcepto, & alij alibi, ex Hectore Boëtio lib. 2. historiæ Scoticæ, qui attestatur in tota Scotia notissimum esse. Duffus rex Scotiæ noctu sub perpetua vigilia decumbens, in sudorem sine modo soluebatur, corpus lenta conficiebatur tabe, effœto simillimum, hærebat cutis rigida, venas, neruos, & qua forma, & situ ossa essent huma-

humana ostendens, & tamen medici in ea omnia signa sanitatis inueniebant. Obortus est rumor incerto auctore, Regem à quibusdam mulieribus maleficiatum esse, quæ apud Forres oppidum Morauix manebant. Rex statim sub specie ineundæ pacis inter eum & coniuratos Morauos mittit, qui rei veritatem inquirant, missi Forres adiere & arcem ingressi (quæ adhuc erat in regis fide) Denoualdo arcis præfecto, quare venerint, exponunt: quo audito quidam miles, qui erat in artis præsidio, significauit Denoualdo quandam meretricem (cuius mater erat sortilega) dum blandiusculè eam tractaret, locutam ei fuisse de regis infirmitate, & morte: erat tunc illa meretrix in arce, quæ tormentis exposita, veritatem aperuit. Denoualdus in ipsa nocte milites ad sortilegarum ædes mittit, qui vnam veneficarum, simulacrum ad Regis Duffi imaginem ex cera confectum, ligneo veru affixum, ante ignem torrentem, alteram carminibus recitatis liquorem quendam fundentem sensim supra statuatam, inuenerunt: & ductæ cum simulacris in arcem, interrogatæ dixerunt, dum simulacrum igni adhibitum torreretur, Duffum regem in sudorem solui, carminibus autem recitatis perpetua teneri vigilia, & ad liquecentem ceram macie confici, consumpta cera mortem regis continuò secuturam: ita se Demonos docuisse, & ad facinus exequendum

mercede à Morauorum primoribus conductas. Simulacrum effractū fuit, & in eadem nocte rex absq; sudore quieuit, & postridie redeuntibus viribus, ita sanitati restitutus est, ac si nulla aduerſa valetudine antea fuisset detentus. Sagæ viux crematæ sunt. Gerson loco citato narrat, quod Philippus quondam rex Francorum, cum perciperet de quadam cerea imagine, quam dicebant baptizatam, aut exocratam taliter nomine suo, quod ea destructa rex moretur: Rex fide plenus, videbimus, inquit, si potentior erit Dæmon ad perdendum me quam Deus ad sanandum, & hæc dicens ceram proiecit in ignē. Petrus Gregorius Tholosanus in Syntagm. iuris vniuersi. lib. 34. cap. 11. narrat ex Gagrino lib. 7. histor. in vita Philippi Huttini, vxorem cuiusdam Enguerani quæstoris Gallici, qui expilauerat ærarium Gallia, cum de mariti carcere conclusi liberatione desperaret, ad magiā & diuinationem se cōuertisse, Pauoto quodā malefico & Clauda muliere ad id facinus opem ferentibus: atq; ceræ quædā simulacra, ad regis Caroli Valesiensis Formā, Dæmoniaca arte cōfecisse, quæ languentium speciem præferrent, ad quorum similitudinē, nisi mala sors prodita fuisset, Rex & ipse Carolus conficiendi macie sensim erant, & definita ad tempus morte consumendi. Quo cognito, suspensus fuit Engueranus: Pauotus & Clauda vxor Enguer-

rani flammis consumpti. Pro d. L. ampliori elucidatione, attendendū est, quod malefici opera diaboli nō solūm mediantibus imaginibus vitæ hominū insidiantur, sed etiā possunt aërem morbidū reddere, vt homines eum attrahentes inficiantur, aut pestē seminare. Sic Philostratus li. 4. de vita Appollonij Tyanæi narrat, Ephesi Dæmoniacum quoddam spectrum pestem disseminasse, idēque in forma & specie senis mendici peram gestantis, panniceis frustis refertam, laceram & sordidam vestem gerentis, quē Appollonius ad expiandam ciuitatem, cū detexisset, iussit lapidibus obrui; quod factum est, & sublati deinde aceruis lapidum, ait in eius loco inuentum esse canem tanquam molossum magnitudine tanta quanta maximi leonum esse solent, quasi rabidi canis spumam emittentem, & ita liberatam à peste ciuitatem. Familiare est etiam, magis, teneros ad huc infantes fascinare.

LEX VII.

Et si excepta tormentis sunt corpora honoribus præditorum, præter illa videlicet crimina, quæ legibus demonstrantur: Et si homines magi in quacunque sint parte terrarum, humani generis inimici credendi sunt:

Vu 4

tamen

tamen quoniam qui in comitatu nostro sunt ipsam pulsant propemodum maiestatem: Si quis magus, vel magicis certaminibus assuetus, qui maleficus vulgi consuetudine nuncupatur, aut aruspex, aut ariolus, aut certe augur, vel etiam mathematicus, aut narrandis somnijs occultas artem aliquam diuinandi, aut certe aliquid simili horum exercens; in comitatu meo vel Cesaris deprehensus fuerit, praesidio dignitatis exutus, & cruciatus & tormenta non effugiat. Si vero conuictus fuerit, & ad proprium facinus detegentibus repugnauerit dene-gando, si eculeo deditus: ungulisq. sulcantibus latera, perferat poenas dignas facinore proprio. Hac L. etiam est Constantini.

PRIVILEGIO à tormentis excepti, de crimine maleficij & magicæ accusati, possunt sine præiudicio torqueri, & culpabiles inuenti puniuntur. De lege communi excusantur à tormentis personæ in dignitate constitutæ, vt sunt Doctores, Equites aurei velleris, Decuriones, & Capitanei militum, Officiarij Principum, Rectores Ciuitatum, & similes dignitate fulgentes. De quibus legendi Franciscus Brunus de indicatijs & tortura 2. part. q. 3. Gaudinus

dinus in tract. de maleficijs in tit. de quæstio-
 nib. Marfil. in practica crimin. in §. Expedita, à
 nu. 27. Damhaud. in pract. crim. cap. 41. Iul.
 Clar. lib. 5. Sentent. §. fin. pract. crim. q. 64. &
 alij alibi. Excipiuntur tamen aliqua crimina,
 in quibus dignitas non excusat à tormentis:
 crimen læsæ maiestatis. L. Nullus. C. ad legem
 Iul. Maiest. Eadem est ratio proditionis patriæ,
 Ciuitatum aut principium & similium. L. Do-
 fertorem. §. His. qui ad hostes. & L. proditores.
 ff. de re militari. crimen maleficorum & ma-
 thematicorum in præsentī L. Secundum com-
 munem Doctorum sententiam. falsi L. Si quis
 decurio C. de falsis. Priuati carceris. L. i. C. de
 priuatis carcerib. & Gloss. hic. Consideran-
 dum etiam in hac L. quam seuerè animadu-
 erendum Imperator statuatur in maleficos auli-
 cos, vt bene Bodinus lib. 4. de magorum Dæ-
 monom. cap. 5. notauit. Vnus enim, (inquit) in
 comitatu magus omnibus viris fæminisq;
 principibus corrumpendis sufficit, qui sequū-
 tur aulam. Pessimī enim sunt tales, qui & prin-
 cipes non rarò in suam sententiam pertrahunt,
 vt horum fauore & patrociniū conseruentur,
 imo etiam similes sibi aliquando principes ef-
 ficiunt. Sic Licinius, Valerianus Cæsar, succes-
 sor Galli in Imperio, primis temporibus pius
 in Christianos fuit, sed magorum Aegyptio-
 rum princeps eum præstigias & imposturam
 docens magicam persuasit ei, vt sanctos viros

domo eijceret, longè à se repelleret, ferro etià tolleret, si malis artibus obstarent. Sic quoq; Iulianus Imperator pietatem Christianam primum ariolorum consuetudine adductus abiecit, tandem aperte Christum abnegauit, ac Dæmonum incantationibus vacauit, vt ex Nicephoro alijsque constat. Quod rectè deducit Petrus Gregorius in Syntagam. Iuris lib. 34. cap. 21. Ab his malis se liberare voluit Constantinus, dum seuerè præcipit animaduertendum in eos, si qui in suo comitatu reperiuntur etiam nulla obstante dignitate.

Ex hac L. eruitur, quod in honore constituti, antequam tormentis subijciantur, debent exui insignijs dignitatis. Tandem si quis de hoc crimine testibus conuictus fuerit, & nihilominus obstinato animo steterit in negando, etiam præsentibus testibus, qui illius facinus detexerunt, traditur viuus bestijs vorandus in eculeo, id est, sacco, ac dentibus vngulisque lacerandus.

QVAESTIO. I.

Quis modus deueniendi ad torturam, & in eadem procedendi in hoc maleficorum crimine?

Quoniam in hac L. mentio fit torturæ, paucis aliquid tractandum.

Prima

Prima Conclusio. *Ad torturam nunquam procedendum sine legitimis & sufficientibus indicijs.*

PROBATVR ex L. Vnius. §. in ea. & L. fin. ff. de quæstionib. Bartol. & Marfil. ibidem, & idem in pract. Criminali. §. Constante. num. 27. & alibi. Iason in L. Si sic legatum. num. 24. ff. de legat. 1. Guido de Suzar. de indicijs & tortura. num. 28. & ibid. in addit. Ludou. Bologn. Paulus Grilland. in tract. de quæstion. & tortura. q. 6. Panormitan. in cap. Cùm in contemplatione. de reg. iuris. Iulius Clarus lib. 5. sententiarum. §. fin. q. 64. num. 9. Menoch. de arbitrar. iud. qq. 84. & alij communiter.

Atq; hæc Conclusio etiam obtinet in criminibus exceptis, vt in crimine læsæ maiestatis diuinæ & humanæ, &c. Gloss. cum text. in L. Si quis alicui. C. Ad Legem Iul. Maiest. Cyn. Bald. & Salycet. ibidem. Marfil. in L. penult. ff. de quæstionib. Brun. de indicijs & tortura q. 2. partis, Menoch. & Clar. loco citat. Ioseph. Mascard. de probat. vol. 3. Conclus. 1385. & hæc est communis sententia, vt post Brunum recentiores sentiunt. Quare & in hoc nostro crimine cõmunis regula fundata in L. 1. ff. de quæstionib. & in L. Maritus. ibid. à tortura non esse inchoandum, habet locum. Quæ autem, & quot, & qualia indicia requirantur, partim in superiori tractatu, secunda parte dictum

Secunda Conclusio. Si reus torquetur sine legitimis inditijs precedentibus, & crimen confiteatur, confessio talis non est efficax ad condemnationem, nec confitenti praiudicat.

BARTOL. in L. penult. ff. de quæstion. DD. in addit. ibid. Angel. & Paulus Castrenf. in L. Qui in aliena. §. Celsus. ff. de acquirend. hæred. Ludouic. Bologn. post alios plures in addit. ad Guidon. de Suzar. de inditijs & tortu. num. 29. Roland. à Valle consil. 31. Mascard. loco cit. num. 5. Emanuel Soarez in thesauro recept. sent. verb. Confessio. Iul. Clar. lib. 5. §. fin. q. 55. & alij alibi. Quam sententiam etiam amplectitur Constitutio Criminalis Carolina in cap. 20. Dictum in conclusione (sine legitimis inditijs precedentibus.) Quia etiam si postea legitima indicia superuenirent, non tamen confessio ea tortura antecedenti indicia indebitè extorta, valida redderetur, & legitimaretur. Gloss. & Bartol. in L. Maritus. ff. de quæstion. Alberic. ibid. qui dicit, quod ita tenent communiter DD. & aduocati. Ludouic. Roman. in consil. 167. incip. Antonius accusatus. Bald. in L. fin. C. de accusat. Decius in cap. At si clerici. col. 3. de iudic. Iul. Clar. lib. 5. §. 64. nu. 9. & alij passim alibi. Ratio, quia quod ab initio
non

non valuit, ex post facto conualescere non potest. L. Quod ab initio. ff. de reg. iuris.

Tertia Conclusio. Regulariter, quando per testes, aut confessionem, aut alias de delicto constat, non est deueniendum ad torturam,

ANGEL. in L. fin. C. de quæst. Alberic. in Rubric. ibid. Marfil. in L. 1. in princip. ff. eod. & in præct. Crimin. §. Nunc videndum. à num. 25. & attestatur communem esse opinionem. Angel. Aretin. in tract. maleficiorum, in verb. Fama publica. Boërius in decis. 163. num. 1. & alij ab eo allegati. Iulius Clar. lib. 5. §. fin. præct. Crim. q. 64. num. 5. Damhauder. in praxi rerum criminal. cap. 35. & hæc opinio communis est, vt post Marfil. & alios Didac. Couarr. præct. quæst. cap. 23. num. 5. & Antonius Gomez. variar. resolut. tom 3. cap. 13. num. 20. docent. Atq; hæc sententiâ probatur per text. in L. Diuus Pius. & L. Edictum. ff. de quæst. in hac L. Edictum. sic tex. habet: Quæstiones nec semper in omni causa, & persona desiderari debere arbitror, sed cum capitalia & atrociora maleficia non aliter explorari, & inuestigari possunt, quàm per seruorum quæstiones. Ratio etiam pro Conclusionem à DD. assignatur. Tortura est remedium quoddam subsidium eruendæ veritatis. Ergo non est deueni-

niendum ad eam, nisi deficientibus alijs probandi modis. Occasione huius Conclusionis orta est controuersia inter DD. An si reus torquatur super delicto confesso, vel probato, & neget in tortura, veræ & legitimæ probationes elidantur & eneruentur, ita vt non possit virtute earum condemnari? Pro affirmante parte, & etiam negante sunt celebres DD. Et quia ex professo materiam torturæ non hoc loco tractamus, sed tantum attingimus, lectorem remitto ad Didac. Couarr. Gomezium, & Iulium Clarum locis allegatis, qui pro vtraque parte ad longum sententias, & eorum auctores allegant. Sed hæc relinquendo, quantum ad nostrum propositum, reus confessus, aut testibus plenè conuictus, césura prudentium & doctorum iudicum non torquetur super crimine de quo per probationem, aut confessionem constat, sed super alijs, de quibus indicia habentur; aut super socijs & complicibus. Itaque quando Iudex in hoc casu torturam super confessione sociorum, aut alijs criminibus instituit, prius debet protestari, quod id faciat sine præiudicio criminis confessi, aut probati, vt communis Doctorum in praxi obseruantia habet, teste Cæpoll. in cons. 32. Qua de causa Alberic. in Rubr. C. de quæst. num. 9. dicit, quod fatuus esset Iudex, qui torqueret aliquem, contra quem esset plenè probatum, nisi id faceret cum protestatione, quod non intendat

dateum torquere super probatis, debetq; facere, vt talis protestatio appareat in actis.

Quarta Conclusio. Tortura non est adhibenda in omni causa & delicto, sed tantum in atrocibus & grauibus criminibus, pro quibus de iure vel consuetudine, aut statuto pœna mortis, aut corporalis notabiliter affligens infertur.

DOCTORES in d. L. Edictum. cum textu quando ait: Quæstiones nec semper in omni causa & persona desiderari, &c. sed cum capitalia & atrociora maleficia, &c. Marfil. in Rub. de quæstionib. & ibidem Salycet. & alij. Francisc. Brunus in tract. de indicatijs & tortur. 2. part. 3. q. Paul. Grilland. de eadem materia q. 5. princip. Iul. Clar. in d. q. 64. num. 4. & post alios Gomez. in d. c. 13. num. 2. Ratio redditur: Quandoquidem tortura est grauis afflictio, ideo non debet maior pœna inferri reo nec conuicto, nec condemnato, quàm esset inferenda ex ipsa condemnatione, si reus crimen esset confessus, aut de eo conuictus probationibus.

Quinta Conclusio. Tortura debet adhiberi cum moderamine secundum qualitatem personæ, delicti, indiciorum & temporis, ita vt moraliter & verisimiliter reus
tortus

tortus remaneat saluus & illæsus in vita & membris.

CONCLUSIONEM tradunt Bartol. Alberic. Marli. & alij in L. quæstionis modum. ff. de quæstionib. latè Marli. in præct. crimin. §. Expedita, à num. 85. Bald. in L. i. C. de confess. Gandin. in tractat. malefic. in princip. in vers. Quintò nota. Ioan. Andreas in cap. Cùm in contemplatione, de reg. iuris. Anthon. Gomez. vbi supra num. 5. & alij alibi. Conclusio probatur ex d. L. Quæstionis modum. quæ sic habet: Quæstionis modum magis iudices arbitrari oportere, itaq; quæstionem haberi oportet, vt seruus saluus sit vel innocentia, vel supplicio. & ibidem in L. de minore. §. tormenta. vers. Sed vt moderatæ rationis temperamenta desiderant. Hinc iustè secundum DD. receptam sententiam repræhenduntur iudices seueri & crudeles, qui nec rationem, nec modum tormentis adhibent, sed voluntatem propriam sequètes, conscientiam rectam, & ordinatam prudentiam relinquentes, ac vanam gloriam affectantes, hominibus non magis in tormentis parcentes, quàm deliris & furiosis bestiis: ita vt rei sæpè vitam aut amittant, aut tam miseram seruent, vt magis mori quàm viuere saniori iudicio exoptandum foret: cùm ita tormentis aut membra dilacerentur, aut certè debilitentur, vt in perpetuum inutiles sint

Sunt homines laboribus, & nunquam quàm diu vita agitur, tormenta desinant.

Sexta Conclusio. Iudex in torquendo non debet adhibere modos exquisitos & non consuetos, sed solitos, & à consuetudine approbatos.

BRUNVS in tract. de indicatijs & tort. Dam-
hauder. in rerum Criminalium praxi, cap.
87. à num. 17. Franciscus Pegna in 3. par. direct.
commento 110. Gomez. loco cit. Iulius Clarus
lib. 3. §. fin. pract. crim. q. 64. n. 36. & alij passim
alibi. Est autem generaliter vsu frequentior
in multis prouincijs modus fune torquendi,
qui etiam solus videtur ex iure colligi. L. Nul-
lus. C. ad L. Iul. Maiest. Hinc DD. Iudices no-
uos & inusitados torquendi modos inuenien-
tes, aut inuentis vtentes, carnificibus compa-
rant. Et sanè in hoc maleficij crimine durum
& inhumanum, imò ab omni humanitate alie-
num est, quod quandoq; Iudices non memi-
nerint, se agere cum hominibus, quando diros
& omni tyrannide & crudelitate plenos tor-
quendi modos adhibent, vt candelas ardentes
carni apponentes, aut oleum calidum infun-
dentes, &c. Iudicis enim officium est, iudicio,
ratione & discretionem uti in his, quæ circa reū
agenda sunt, & carnifici torquenti modum &
regulam præscribere, ne quid nimis fiat, &

Septima Conclusio. *In hoc crimine maleficij nemo aut ratione dignitatis, aut prae textu priuilegij excipitur à tormentis.*

HAEC Conclusio clara est ex L. presenti, & communi sententia. Dictum, ratione dignitatis & priuilegij: quia ob corporis infirmitatem, & partus periculū, nec in hoc crimine nec in alijs exceptis quispiam torquendus est, vt post alios Gomez. in d. cap. 13. num. 3. ostendit. Mulier autem prægnans, propter periculum partus nec terreri debet, vt rectè obseruauit Franciscus Pegna in 3. part. directorij, comment. 39. in lit. D. Quoniam etiam ex terrore & comminatione possit sequi abortus. Expectandum ergo est cum prægnante donec pepererit, & integram valetudinem post partum recuperauerit.

Octaua Conclusio. *Quando ex sententia & decreto Iudicis reus torquendus est, & tortura veritas eruenda, id faciendum in presentia iudicis, & ad minus duorum scabinorum, nec non scribae iudicij, aut notarij.*

HANC Conclusionem satis comprobatur Constitutio Carolina in art. 47. & usus omnium

omnium iudiciorum rectè constitutorum. Cum enim tortura res sit magni momenti, & possit esse maximi præiudicij, Iudex non debet carere hominibus fide dignis, qui testimonium perhibeant veritati in casu necessitatis, de rebus gestis. Quare aliquando valde suspecta est aliquorum tortura: Vbi quidam Iudices sunt valdè imperiti, qui soli, adiuncto aliquo scriba, vt audio, pro sua imperitia, aut voluntate, tantum homines torquent, vt non mirum sit, si sæpè fateantur, quæ nunquam cogitauerunt.

Nona Conclusio. *Quando plures torquendi, ab eo incipiendum, à quo verisimile est, veritatem facilius eruendam fore.*

BARTOL. in L. i. ff. de quæst. Gandin. in tractat. malefic. in Rubr. de quæst. & tormen. Marsil. in pract. crimin. 6. Expedita. num. 49. Angel. ab Aretio in tract. malefic. in Glossa in verb. Fama publica præcedente. Damhauder. in rerum crimin. praxi, cap. 37. num. 14. & alij alibi. Vnde hanc Gandinus ponit regulam, Quando de pluribus habenda est tortura, sagax Iudex debet considerare, à quo facilius veritas erui potest, & ab illo debet quæstionem incipere tanquam à timidiore & magis suspecto, & debet incipere à viliori, & non à fortiori.

ri vel digniori. Huius Conclusionis doctrina maximè seruanda est in hoc crimine maleficorum, vbi vt plurimum primi rei confessio præbet occasionem latiore inquirendi circa alios, & aperit quasi viam alijs indicijs: cum ferè semper accidat, quod malefici vnus loci societatem, & vnum conuentum inuicem habeant. Quando autem non est magis verisimile de vno quàm de altero, quod veritas facilius eruetur, tunc incipiendum à magis suspecto. arg. L. 1. in principio. ff. de quæstion. Bartol. ibidem, & Marfil. loc. cit. Is autem semper iudicatur magis suspectus de maleficio, qui pluribus, & vrgentioribus laborat indicijs & suspicionibus. Indicia enim & argumenta reddunt aliquem suspectum: & quo ea sunt grauiora & vehementiora, eò magis reddunt suspectum.

Decima Conclusio. *Iudicis arbitrio relinquitur, an tortura semel illata possit iterum repeti.*

BALD. in L. 2. C. Quod metus causa. Bartol. in L. Vnius. §. reus. ff. de quæstion. Marfil. in L. quæstionis modum. ff. cod. Salycet. in L. 2. C. de custod. reor. Menoch. lib. 2. de arbitrar. iudic. qq. casu 272. & alij alibi. Sed quia hæc Conclusio satis generalis, & Iudex suum iudicium latius extendere potest, quàm ratio patitur,

tiatur, ideò distinctius res explicanda est. Sit
ergò

Vndecima Conclusio. *Semel teni-
ter tortus potest repeti in tortura, ut suffi-
cienter torqueatur.*

BALD. in L. 2. C. Quorum appell. non recip.
Marfil in L. Repeti. de quæstio. & in pract.
crim. §. Quoniam. num. 3. Alberic. in Rubr. C.
de quæst. num. 8. & post alios plures Iulius
Clar. lib. 5. §. fin. q. 64. num. 46. Franciscus Peg-
na in 3. par. Directo. commen. 39. Menoch. ubi
supra. Ratio à quibusdam redditur, quoniam
levis tortura non dicitur tortura, sicut nec fe-
bricula, id est, parua febris dicitur febris. Pro
huius Conclusionis meliori intelligentia no-
tandum, quod plures sunt gradus torturæ de
quibus Iulius Clar. in d. q. & alijs clarius Pau-
lus Grilland. in tract. de quæst. & tortu. q. 4. &
ita à leuioribus tormentis incipiendum est,
quibus si reus tortus veritatem fateatur, cessan-
dum est à tortura. Cùm enim torturæ locus sit,
quoties veritas aliter haberi non potest, à reo
indicijs grauato: sicuti non habet locum quā-
do reus sine tormentis veritatem purè & sim-
pliciter confitetur: Ita etiam ab ea cessandum,
quando reus fatetur crimē, sicuti necessarium
est. Habito enim sine, cessat motus. In casu hu-
ius conclusionis, vt notant DD. periti Iudices,

quando iubent reum deponi à prima tortura, solent curare, vt notarius scribat in actis, se eum deponere animo repetendi tormenta. Hæc tamen repetitio torturæ verius dicitur continuatio torturæ, quàm eisdem repetitio, licet etiam interpolatis & diuersis diebus id fiat.

Duodecima Conclusio. Quando reus sufficienter fuit tortus, ita quod priora indicia diluerit & purgauerit, & tamen nihilominus nihil confessus est, sed in negatiua persistit, tunc regulariter non possunt repeti tormenta, nisi noua indicia superueniant.

HANC docent DD. communiter in locis allegatis in Conclus. II. & alij in d. L. Repeti, & alij multi, quos ad longum allegant Boerius in decis. 163. & Anton. Gomez. tom. 3. vatiar. resolut. num. 26. Dictum in Conclusione (regulariter non possunt repeti.) Quia quando prima indicia sunt multum vrgentia & manifesta; tunc licet de iure tortura non possit repeti, nihilominus de consuetudine tormenta repetuntur, & ita practicatur, vt post Bartol. in L. vnus. §. reus. ff. de questionib. docent Alexand. lib. 1. consil. 5. incip. In casu inquisitionis formatæ. Alberic. Iulius Clar. Menoch. Gomez. loc. cit. & alij alibi. Quod à fortiori verum est in grauissimis exceptis criminibus,

nibus, quæ tendunt contra communem spiritua-
 lelem, aut corporalem reipublicæ salutem,
 cuiusmodi sunt veneficium, proditio, crimen
 læsæ maiestatis tam diuinæ quàm humanæ,
 &c. In eis enim quando vrgentia, manifesta-
 que sunt indicia priora, & reus est robustus corpo-
 re, solet repeti tortura virtute priorum indi-
 ciorum. Monent tamen aliqui DD. rectè circa
 hanc doctrinam, cauendum esse ne quid ni-
 mis seuerum ratione huius doctrinæ intente-
 tur. Sæpè enim contingit ob sæuitiam Iudi-
 cum, & tormentorum acerbiter multos cõ-
 fiteri, quæ nec committere cogitârunt. Etenim
 tortura res est fragilis & periculosa, & quæ ve-
 ritatem fallat, vt ait Vlpian. L. 1. §. Quæstioni fi-
 dem. ff. de quæst. Nam pleriq; patiëntia siue du-
 ritia tormentorû ita tormenta contemnunt, vt
 exprimi ab eis veritas nullo modo possit. Alij
 tanta sunt impatientia, vt quoduis mentiri,
 quàm pati tormenta velint, ita fit, vt etiam va-
 rio modo fateantur: vt non tantum se, verùm
 etiam alios criminantur. Hæc in d. L. Hinc ab
 oratoribus, Cicerone lib. 2. de inuentione, &
 Quintiliano lib. 5. orator. institut. assignatur
 locus communis à quæstionibus contra quæ-
 stiones. Vnde infertur, quod non omnis inno-
 cens est apud Deum, & in veritate, qui purga-
 ris per torturâ indicij, absoluitur, nec omnis
 sceleris reus, qui ad confessionem tormentis
 extortam condemnatur. Apud historiarum

scriptores non desunt exempla multorum, qui nulla tormentorum sæuitia, multitudine & magnitudine cogi & impelli potuerunt, vt veritatem confiterentur. In primis memorabile est illud de Zenone Philosopho, dialecticæ primo inuentore, qui cum Phalaridem tyrannum plus æquo, & crudeliter dominari animaduertisset, incensus cupiditate liberandæ patriæ cum nobilissimis adolescentibus conspirauit in mortem Tyranni. At arcanum eorum consilium detectum fuit, & machinatio Zenonis patefacta Phalaridi, à quo eã ob causam captus, & ad quæstiones raptus, conuocato in forum populo: cumq; acerbissimis tormentis laceraretur, vt consilij & machinationis participes reuelaret, nullatormentorum vi & terrore adduci potuit, vt conscios facti proderet, sed vultu imperterritito, & magna constantia in sua sententia persistens, etiam Tyranno intimos & fidissimos familiares, quanquam insentes, tanquam coniurationis capita, suspectos reddidit: quibus sublatis, Agrigentinæ vrbs multitudinem sæuientem, eorum ignauiam & timiditatem increpando, effecit, & oratione magnifica impulit, vt facto impetu Phalaridem lapidibus prosternerent, vt post alios posteritati tradiderunt Valerius Maximus lib. 3. cap. 3. & Alexand. ab Alexandro genialium dierum lib. 1. cap. 30. Simile referunthi auctores de Theodoro viro grauif-

time.

fimo. Sed & in muliebri sexu non deest exemplum; Leæna cum per omnes cruciatus & artus à tyrannis torqueretur, nunquam cogit potuit ut consilia Harmodij, & Aristogitonis tyrannicidarum, manifestaret. Qua de causa ad perpetuam rei memoriam Athenienses illi erexerunt simulacrum videlicet leenam æneam, cui ob insignem & memorabilem taciturnitatem linguam addi vetuerunt. Huius Leænæ meminerunt Tertullianus in Apologetico, cap. ultimo. Lactantius diuin. institut. lib. 1. ca. 2. Plinius histo. natural. lib. 7. cap. 23. Pausanias lib. 1. & Alexand. ab Alexand. loco cit. Alia plura ad eundem effectum colligit Valerius Maximus loco cit. & lib. 8. cap. 4. Ex alia parte quidam ita impatientes, ut metu tormentorum fateantur, quæ non fecerunt. Sic Magri argentarij seruus Alexandri Rafani seruū occidisse insimulatus est, & eam ob causam tortus à domino se id facinus admisisse, cōstanter confessus est, & Fannio deditus, supplicio affectus est. Paulo post ille de cuius nece agebatur, domum redijt, referente Valerio in d. cap. 4. Sic etiam Iulius Clarus ubi supra num. 46. testatur se intellexisse suo tempore de duobus, qui in tortura confessi fuerunt se occidisse quēdam nobilem eorum inimicum, qui deinde post multos annos repertus fuit viuus in quodam castro carcē-ratus a magno quodam Domino. Ipsitamen

propter confessionem vi tormentorum factam, fuerunt ultimo supplicio affecti. Ex his alijsq; quæ adferri possent, latis clarum redditur id quod in d. 6. Questioni fidem, à Iuriconsulto dicitur, quod tortura res sit fragilis, & periculosa, & quæ veritatem fallat: idque vt ex sequentibus liquidum est, nascitur ex diuersa & varia hominum constitutione.

Decima tertia Conclusio. Quando reus in tortura crimen contra se confessus est, potest repeti ad torturam ad detegendum socios criminis, in casibus, quibus de sceleris participibus interrogatio iure institui potest.

In fin. C. de accusat. & in script. DD. ibidem. Marfil. in practica. 6. Diligenter. Damhauder. in rerum crimin. praxi, cap. 38. num. 14. & alij communiter in hac materia: hoc enim omnium iudicum praxis recepta attestatur. In quibus autem casibus quis de socijs iure interrogetur, demonstratum est in secundo membro superioris tractatus.

Decima quarta Conclusio. Quando reus in tortura confessus fuerit crimen & deinde ductus ad ratificandum confessionem
can.

eandem reuocauerit, potest repeti in tortura etiam si alia indicia non superuenerint.

Bart.in L.vnius. §. reus, in fine. ff. de quæstionib. Bald. in L. Bonæ fidei C. de reb. cred. col. 2. in fine Marfil. in L. Repeti. ff. de quæst. & in practica. §. Quoniam. à num. 4. Gomez. tomo 3. variarum resolutionum cap. 13. num. 26. & hæc est communis opinio vt post Blanc. de indicijs num. 219. & Bossium in tit. de tortura, num. 34. attestatur Iulius Clarus lib. 5. §. fin. q. 21. num. 36. Ratio pro hac Conclusionè à DD. redditur, quia indicia non videntur sufficienter purgata ratione negationis subsequenti. Deinde talis variatio & vacillatio rei nouum exhibet indicium ad torturam. arg. in L. De minore. §. Plurimum. ff. de quæstionib. Vnde vbiq; locorum receptum est, vt in hoc casu fiat repetitio torturæ. Circa doctrinam huius Conclusionis Iulius Clarus, & post eum Franciscus Pegna in 3. part. Director. comment. 39. admonent, vitandam iudicum quorundam crudelitatem, & immanem plusquam carnificum sæuitiam, qui tam diu reum detinent in tormentis, donec perseueret. Sed dubium esse potest. Quoties repeti possit tortura ob reuocata confessionem, exempli gratia, vt casus melius intelligatur, reus fuit præcedentibus indicijs in caussa maleficij & veneficij tortus, & confessus crimen, deinde tempore statuto ductus,

ductus ad locum ordinatum, siue banchum iuris, ad ratificandum confessionem priorem, negat eandem atq; reuocat tanquam metu tormentorum factam: sic iterum reducitur ad locum tormentorum, tortus denuò confitetur, & ita iterum congruo tempore ad banchum iuris producitur: secūddò negat. Postea iterum torturæ subijcitur, denuò confitetur: Verū tertio ducitur ad banchum iuris, & iterum recantat, &c. Hic casus solet in facto occurrere, & quæritur quoties ob talem confessionem negatam possint tormenta repeti. Casus non est in iure decisus, vt fatetur Gomez. loc. cit. num. 27. Conueniunt DD. & meritò, quod in infinitum non est procedendum in repetitione talis torturæ, quoniam infinitas est euitanda, maximè in actu tam odioso & pœnali. arg. textus in L. qui bona fide. §. fin. ff. de damno infecto. & in L. fidei commissi. §. Si quis decem. ff. de legat. 3. & cap. Licet dilectus, de testibus. Vnde aliquando deueniendum est ad absolutionem & relaxationem: cū virtute talis confessionis, in qua non perseuerat, sed eam semper reuocat ad banchum iuris, non possit cōdemnari, vt communiter DD. tradunt in praxi receptum. Nunc ad dubium respondetur, quod in hoc casu ter ob talem negationem possit repeti tortura, & post tertiam talem negationem non repetitur tortura. Sic sentiunt Paris de Puteo in tract. Syndicatus, in verbo,

Tortu-

Tortura. cap. Viso de repetitione torti, quem refert & sequitur Marfil. in L. Repeti. ff. de quaestionibus. colu. 4. Carerius in pract. criminal. numer. 194. Boërius in decis. 163 incip. Dico præmittendo primò. num. 20. & dicit, quod ita seruatum fuit in Curia contra Heliotum de Chinal de Riberaco appellantem, qui trina vice ob variationem fuit sine nouis indicijs positus in tortura, in qua confitebatur, sed postea in crastinum negabat, dicendo, formidine tormentorum confessum fuisse. Anton. Gomez. loc. cit. Idl. Clar. lib. 5. §. fin. pract. Crim. q. 21. num. 36. & alij alibi, & hæc est communior sententia. In cuius confirmationem adducitur sententia Baldi notabilis in cap. Olim, ex literis, de rescriptis. & in cap. fin. de consuetud. n. 29. quod arbitri, quibus est data potestas prorogandi compromissum quoties velint, non possunt prorogare vltra tertiam vicem. Quod etiam amplectitur Ias. in L. fin. C. de sacrosanct. eccles. num. 17. & facit etiam illud Angel. in L. fin. C. de quaest. quod si testis examinatus & varius, & tortus dicit vnum, deinde repetitus dicit aliud, quod debet tertio examinari, & stabitur illi tertio dicto.

Verum quibusdam alijs placet, quod tantum bis hæc repetitio fieri debeat. Sic Damhauder. in rerum criminal. practi. cap. 38. num. 12. qui in eum finem allegat Hyppol. de Marfil. in practi. §. Nunc videndum. num. 26. vbi
tamen

tamen in eo saltem libro nihil ad propositum dicit. Imò loco cit. & in eadem practica, §. Quoniam. à num. 6. tenet cum alijs, vt eum etiam intelligit Gomez. loc. cit. Opinionem tamen hanc etiam amplectuntur Iacobus Simeas in Cathol. instit. tit. 65. num. 82. & eo allegato Franciscus Pegna in 3. part. direct. comm. 39. Receptor ergo sententia est, quod tertia vice sit torquendus, & postea relaxandus, si in negatione iterum persistat modo prius dicto. Lepidum ad hoc propositum refert exemplum Marfil. in d. L. Repet. quod accidit ipso agente Officiali Ducis Mediolani. Habui, inquit, quendam ribaldum (id est, nebulonem) in manibus pro furto, qui in tortura confitebatur: postea ad banchum iuris omnia negabat, & ego semel dixi sibi, quare decreuisti velle totiens repeti in tormētis? nonne esset tibi melius affirmare illud quod confiteris in tortura, quàm velle totiens affligi in tormentis? Qui ribaldus respondit mihi & dixit: Domine, melius est mihi milies torqueri in brachijs quàm semel in gula (id est, gutture) Nam multi inueniuntur medici, qui sciunt aptare ossa brachiorum, & illa ad pristinum locum reducere: sed nullus inuenitur medicus qui sciat aptare gulam & eius ossa: ideo ego malo altiari (id est, eleuari) à milite vestro in tortura, quàm pedibus meis ascendere scalam furcarum. Item dicebat, quare non possum ad banchum iuris,

vbi

ubi est periculum & importantia vitæ meæ, sic vertere mihi linguam ad dicendum, non, sicut ad dicendum sic, cum tantus sit mihi labor, dicendo non, sicut dicendo sic, & tot literæ sunt in vno verbo, sicut in alio. Profecto erat ribaldus in excellentia : attamen fuit mihi necesse eum liberare : quia nunquam voluit ad banchum iuris ratificare illud, quod dicebat in tortura. Sic Marcellius.

Decimaquinta Conclusio. *Quod tam malefici, quàm rei in alijs criminibus, non confiteantur etiam in tortura veritatem, quando q̃ contingit ex incantationibus & maleficijs.*

HANC Conclusionem communiter DD. amplectuntur. Marfil. in d. L. Repeti. Paul. Grilland. in tract. de quæstio. & tort. in q. 4. à num. 12. Damhaud. in rerum criminal. praxi, cap. 37. à num. 21. Eymericus in 3. par. director. Inquisitorum, in cap. De tertio modo terminandi processum in causa fidei per tormenta, & Commentator eius Francisc. Pegna ibidem, comment. 39. in litera F. Malleus malef. in 3. par. q. 15. Frater Hieronym. Menchi in compendio de arte exorcistica, & stupendis operationibus Dæmonum, lib. 2. cap. 18. & lib. 3. cap. 11. huius D. libri, qui tractant de omnibus operationibus Dæmonum & maleficorum, sunt scripti

scripti in lingua vulgari Italica, & sunt in-
 pre in Bononiæ, Anno Dom. 1590. & nouissi-
 mè Nicolaus Remigius lib. 3. cap. 8. & 9. De-
 monolatriæ, & in hac re non potest esse do-
 bium. Valde enim familiaris est hæc ars ma-
 faciendi in crimine maleficorum, quod tam
 ex parte Dæmonis artificio instruitur: Atq; vt
 scelus scelere cumuletur, solet illis suggerere,
 vt infanticidia innocentum infantum, aut et-
 iam sæpè non baptizatorum committant, &
 deinde in cineres igne resoluant illa tenera
 corpuscula, aut corda excipiant, & huiusmo-
 di rebus abutantur ad inducendum taciturni-
 tatem in tormentis. Non desunt autem mul-
 ti modi Dæmonibus inducendi huiusmodi
 taciturnitatem in tormentis. Ex quibus,
 quantum nobis nunc occurrit, placet aliquos
 ad huius materiæ clariorem intelligentiam
 subiungere. Primus modus potest esse per ap-
 plicationem rerum naturalium, quæ vim ha-
 beant efficiendi insensibilitatem in doloribus
 & tormentis, aut saltem leniendi & minuendi
 dolorem. Est enim Dæmon, vt suprà etiam si-
 gnificatum est, peritissimus, acutissimusq; reru
 naturalium perscrutator, vnde exactè cogno-
 uit herbarum, lapidum, aliarumq; rerum, quæ
 naturæ ordinem non transcendunt, vires & ef-
 fectus. Scribit enim Albert. Magnus in lib. de
 secretis naturalium, vt eum allegant Paris de
 Puteo, in tract. Syndicatus, in c. 2. de tortura, &
 Gril.

Grilland. in d. q. 4. nu. 13. quod lapis quidam
 Mesites dictus, eo quòd oriatur in ciuitate ap-
 pellata Mesis in partibus orientalibus, in AE-
 gypto, contritus, & aqua, aut vino mixtus, da-
 tusq; ad potandum illi, qui torquendus est,
 inducat insensibilitatem pœnæ & cruciatu.
 Hunc lapidem rectius cum Dioscoride lib. 5.
 pharmacorum simplicium, cap. 149. & alijs,
 Memphitem appellaueris, à Memphi ciuitate.
 Secundus modus est per leuationem corporis.
 Dæmon enim, cùm inuisibilis & spiritualis sit,
 etiam inuisibiliter operatur, & sic potest sua
 virtute corpus malefici, aut strygis in altum e-
 leuare, vt tortura nullum dolorem inferat. Et
 sicut corpus potest in altum tollere, sic etiam
 non est eidem Dæmoni difficile pondera ele-
 uare, ita vt nequaquam corpus & eius mem-
 bra extendant. Tertium modum taciturnita-
 tem inducendi considerare possumus, per as-
 sistentiam dæmonis interius in faucibus & ore
 malefici, & eum impediens ne possit loqui.
 Nouimus enim ex Euangelio, dæmonem pos-
 se hominem reddere mutum. Hoc congruit
 illi confessioni Annæ Xallæ, quæ Blainuillæ
 in Lotharingia Anno Domini 1587. 5. Calend.
 Mart. supplicio affecta est, referente Nicolao
 Remigio in d. cap. 8. Hæc Anna dixit, se imis
 faucibus Dæmonem suum, cùm torqueretur,
 occlusum habuisse, quòd facilius locuturæ vō-
 cem inhiheret, n̄ fortè per doloris impatien-
 tiam

Math. 9.
 & Luc. 11.

tiam ad fatendum vrgeretur. Sic qui torturæ
 assistebant, aduerterunt torturæ fauces in eum
 tumorem excedere, vt mentum ipsum sua elu-
 tione ferè adæquare viderentur. Haud multū
 dissimile, vt Grillaudus narrat, accidit eo iudi-
 ce Romæ. Malefica quædam antequam in tor-
 tura eleuaretur, verba quædam submissa voce
 dicebat: deinde eleuata silebat penitus velut
 mortua, & nigrior apparebat in vultu carbo-
 ne extincto, oculos extra caput valdè tremen-
 dos more illorum qui strangulantur, emittēs,
 & nihil penitus loquebatur neq; boni, neque
 mali. Eandem silentij necessitatem sibi De-
 mone illatam confessa est Francisca Feliza,
 morte mulctata Pangæij, Anno Domini 1584.
 5. id. Nouembr. Nicolao Remigio teste, quæ
 præterea ita occlusas ad vocem Iudicis aures se
 habuisse dixit, vt quàm primum is interroga-
 ret, nihilo plus audiret, quàm si is nihil omni-
 nò loqueretur. Erat ergo huius scemine malus
 spiritus non solum mutus, sed etiam surdus,
 id est, sua præsentia mutum & surdum pro sua
 voluntate efficiebat. Quemadmodum Marc.
 9. Spiritus à Christo eiectus erat surdus & mu-
 tus quantum ad effectum. Quarto modo in-
 ducit taciturnitatem malus spiritus per assi-
 stentiam exteriorem aut suggerendo ei, qui
 torquetur, ne loquatur, aut eum confortan-
 do, vt breuem quidem torturam fortiter per-
 ferat, spe vitæ longioris: aut etiam minando
 verbe-

verbera, si delictum confiteatur. Atq; hic mo-
 dus vt puto, maximè locum habet in eis, qui
 duritia mentis, & fortitudine corporis valent,
 de quibus ab Vlpiano in L. i. §. Quæstioni fi-
 dem. ff. de quæst. dicitur, quod pleriq; pa-
 tientia siue duritia tormentorum ita tormenta cō-
 temnunt, vt ab eis veritas exprimi nullo mo-
 do possit. Sed existimo quod hic modus mi-
 nus sit perniciosus, imò & facilius vincatur
 torturæ applicatione, & eius lenta moderataq;
 continuatione: si tamen tormenta ita adhibeā-
 tur, vt plus corpori molestiæ, quàm doloris &
 læsionis inferat. Notabile est ad hoc propo-
 situm tormenti genus, de quo Marsil. in d. L. i.
 col. 12. testatur, se experientiam sumpsisse in
 duabus fœminis maleficis, dum esset Capita-
 neus vallis Lugani, quæ tormenta alia non ti-
 muerant & vicerant, sed adhibito hoc in spa-
 cio quadraginta horarum, omnia plenè deli-
 cta confessæ fuerunt. Est autem huiusmodi
 tormenti genus, quod non lædit corpus, & est
 maximæ potentiæ ad confessionem eruedam.
 Reus ponitur super scamno ad sedendum, &
 ibi adsunt duo qui eum custodiunt, vt non
 dormiat, nec de die nec de nocte: & cum ipse
 reus inclinat caput in vnā partem, propter
 somnum, famulus qui est ab illa parte, dat cū
 manu sibi in capite, & excitat eum, & eleuat ca-
 put: Idem facit alter famulus, quando caput
 inclinat versus suā partem, & quando illi

duo sunt defessi, & volunt dormire, alij d'no noui subrogantur in locum illorum, & non permittunt vnquam dictum reum dormire, & quiescere, donec omnia confiteatur, promittit sibi quiete, & in duab' noctibus & vno die huius modo defatigabitur, & conuincitur. Fateri Marfil. se p' se vsum hoc tormento contra rebellatos & nō timentes tormēta, & ait: Vere nemo tā ferox inuenitur, qui huic tormento possit resistere. Quando aut' suspicio oritur maleficā penes se habere aliquid maleficij ad inducendam taciturnitatem, solent curare iudices, vt proprijs vestibus exuatur, ne aliquod maleficium insutum habeat. Eādem ob causam pueros vndique iubent abradi, vt DD. mellei, maleficarum, Dant. Auerius, Ioannes Bodinus, & post eos alij iuniores obseruauerunt.

Decima sexta Conclusio. *Reus sufficiens tortus, si nihil confessus fuerit, seu in negatiua perseuerauerit, liber dimittendus & relaxandus est.*

HANC tenent Eymericus in 3. part. direct. in cap. de tertio modo terminandi processum in causa fidei per tormenta. Francisc. Pegna ibid. in comment. 39. Paulus Grilland. de questionib. & tort. q. 7. num. 11. Marfil. in d. L. Repet. Iacob. de Bellouiso in tract. crimin. in tit. de quaest. inib. Marfil. & Alberic. in L.

Edi-

Edictum. ff. de quæst. Anton. Gomez. in d. ca. 13. num. 28. & alij alibi. Ratio est, quoniam per torturam indicia purgantur, vt communiter Doctores loquuntur, quasi sufficienter tortus ipsam veritatem dixisse videatur, iuxta illud Ciceron. in Topicis ad Trebatium, allegatum in d. L. Edictum: Verberibus torti, & igni fatigati, quæ dicunt, ea videtur veritas ipsa dicere, &c. & dicit Alberic. in d. L. Edictum, & post eum alij, quod communiter totus mundus ita tenet & seruat.

Verum hoc loco incidit dubium apud DD. An talis qui per dura tormenta se purgauit, & nihil confessus est. absolutè sit dimittendus, & plenè absoluendus: An verò causa indecisa sit relinquenda, & sic tortus si relaxandus sub fideiussoribus.

Simpliciter absoluendum arbitratur Eymericus, Francisc. Pegna, Iacob. de Bellouiso, Bartol. in L. fin. num. 1. de quæst. Angel. in tractat. malefic. in verb. Fama publica, &c. prope finem. Cepol. in cons. crimi. 32. incip. Quidam rustici Vicentini. Anton. Gomez. loco cit. Hanc sententiam de iure etiam tenendam, videtur sentire Iulius Clarus lib. 5. §. in. pract. crim. q. 62. num. 2. & q. 64. num. 38. & ita etiam de iure plenè absoluendum censet Damhauder. in rerum criminal. praxi. cap. 40. & alij alibi. Alij contendunt in talibus reum relaxandum & absoluendum sub fideiussoribus, &

causam indecisam relinquendam. Pro hac
sententia sunt Salycet. in L. Si qui adulteri. C.
de adult. & in L. Ea quidem. C. de accusat. col.
penult. & in L. Quisquis. C. ad L. Iul. Maiest. &
ibidem Angelus Perusinus. Paris de Puteo in
tractat Syndicatus, in parte, Viso de repetitio-
ne torturæ. Alberic. in L. Diuus Marcus. ff. de
offic. præsid. Marsil. in L. Repeti. colum. 8. &
in pract. crim. §. Quoniam. num. 49. qui dicit,
quod communis practica totius Italiæ est, a-
pud peritos ius dicentes, vt in tali casu accipiat
Iudex fideiussores à reo de se repræsentando
ad mandatum Curix. Boërius in decis. 105. nu.
15. & 16. & dicit etiam Caraita super rini mag-
no Curix, 48. num. 18. vteum allegat Iulius
Clarus in d. q. 62. num. 2. communiter obser-
uari, quod hoc casu inquisitus præstet fideiuf-
sores de stando iuri, & se præsentando iuribus,
quoties fuerit requisitus. Iulius Clarus re-
statutur in hoc casu in Ducatu Mediolanensi
reum non absolui definitiuè, sed stantibus re-
bus prout stant, & tunc si deinde superueniât
noua indicia, de nouo contra eum proceditur
non obstant tali sententia, & alibi etiam talis
obseruantia viger. Damhaud. dicit apud eos
receptum esse in practica, vt si noua indicia in-
tra aliquod tempus pro Iudicis prudētia, quo
in carcere post purgationem indiciorum per
torturam reus conseruatur, non superuene-
rint, reus ex omnibus vinculis liberetur, pri-
stinæq;

stinæq; libertati, qua ante capturâ fruebatur, restituatur. Quousq; hoc est, donec denuð in iudiciũ accersetur: sine ampliori & plenaria absolutione. Vt varietas sententiarum melius perspiciatur, & quantum fieri potest, concilietur, quid rectius & tutius sentiendum ex omnibus, quantum consequor, distinctè resoluã, præmissis aliquibus, quorum primum sit: In Iudicis arbitrio & prudentia consistere, quando indicia per torturam sufficienter censeantur purgata. Ioan. Andr. in cap. Cũ in contemplatione, de regul. iuris. Augustin. de Arimino in addit. ad Angel. in tract. malefic. in verb. Comparent dicti inquisiti. Marsil. in L. quæstionis modum. ff. de quæstionib. & post hos Menoch. lib. 2. de arbitrar. Iudic. qq. casu 273. Secundum, cum casus præsens clarè à iure non sit decisis, ut Gomez. rectè fatetur in d. num. 28. à principio, atq; notabilis, & in praxi quotidianus etiam sit, optimum est obseruare, quæ sit praxis summarum curiarum, quibus solent præesse viri eruditione & prudentia conspicui: Hi enim iudicium ferunt secundum æquitatem & rectam rationem, & certè talis practica in loco pro lege habenda, ubi recepta est. Tertium: Circa talem tortum considerandum, quod fideiussio potest concernere, seu pro obiecto habere: aut pœnam aliquã pecuniariam: aut expensas iustè caussatas ratione ipsius rei: aut corporalem aliquam criminis

minis pœnam. Nunc pro resolutione dico in primis iuri conformiorem esse primam opinionem, quod purgatis indicijs, reus simpliciter & definitiuè absoluendus sit. Hanc tenent ut plurimum DD. primæ sententiæ, & probatur primò per regulam illam, Actore, vel Accusato non probante, reus debet absolui. L. Actor quod esse. C. de probat. L. Qui accusare C. de edendo. & hæc regula intelligenda de plena absolutione. Deinde per text. in L. si uil. de calumniatorib. seruus tortus præcedentibus indicijs, & non confessus plenè absoluitur. Bald. ibid. notat expressè, & alij, & in cap. Quotiens. & cap. fin. de purgat. canon. qui stantibus indicijs cum purgatus fuerit, definitiuè statim absoluendus. Rationem huiusmodi fundamentalem adfert Gomezius. Si talis causâ remaneret indecisa, reus accusatus, vel inquisitus remaneret in maximo damno & periculo, cum esset aperta via inimicis & sibi odiosis, ut possint quotidie super illo delicto inquietare & molestare, quod non est permittendum, imo malitijs hominum obuiandum. L. 1. §. Cum quis latrones, ff. de quæstionib. & in L. 2. ff. solut. matrim. Alia adfert Gomez. & soluit fundamenta alterius partis. Dico secundo, quando indicia per torturam pro iudicis, aut iudicum prudentia & matura censura sufficienter non essent purgata, licet pro tempore veritas

non

non possit haberi, tunc Iudex possit reum relaxare, & absoluerestantibus rebus, prout nunc, cum fideiussione de se repræsentando ad requisitionem & mandatum Iudicis, toties, quoties requisitus fuerit, & in tali casu, meritò Iudicis sententia potest suspendi, & reus cum fideiussione relaxari, si fortè breui alia indicia superuenirent: & sic practica alterius sententię optimè locum habet. Tertiò, quando indicia multum sunt vrgentia, & quasi indubitata, tunc etiam post grauem torturam, & perseuerantiam in negatione potest reus condemnari ad pœnam aliquam extraordinariam, vt post Bossum in tit. de inquisitione, num. 30. Iulius Clar. in d. q. 64. num. 38. & alij docent. Et dicit Clarus apud eos obseruari, vt in tali casu, si indicia sint valdè vrgētia senatus reos condemnet ad pœnam extraordinariam, puta trirēmium ad tempus, & aliquando etiam in perpetuū, præsertim quando reus est valdè famosus. Quartò, quando agitur criminalitèr, reus pro criminis pœna corporali non dimittitur cum fideiussione. per tex. in l. 3. ff. de cust. & exhib. reor. vbi dicitur: Nisi tam graue scelus ipsum commisisse constet, vt nec fideiussoribus, nec militibus committi debet, &c. DD. communiter ibidem. Gloss. in cap. Cùm homo. 23. q. 5. Bald. in L. Neq; C. Ne fil. pro patr. & in L. Nullus. C. de exhib. reis. Angel. ab Aretio in tractat. malef. in verb. Pro quibus Antonius

fideiussit. Salycet. in L. Ad commentarienses.
 ff. de custod. reor. Petrus Ancharan. & Ioann.
 Imolen. in Rubr. de fideiuss. Marfil. in pract.
 Examinanda. num. 12. & in §. Attingam. nu. 2.
 Anton Gomez. tom. 3. variar. resolut. cap. 9.
 num. 8. Couarru. lib. 2. variar. resolut. cap. 8. n.
 8. Iul. Clar. lib. 5. §. fin. practi. crimin. q. 46. nu.
 7. & hoc est communis opinio. Ratio à DD.
 redditur, quia nemo est dominus membro-
 rum suorum, nec vitæ propriæ. cap. Contingit.
 de sent. excomm. & L. Liber homo. ff. ad L.
 Aquil. Hinc nemo potest se obligare, aut fidei-
 iubere ad pœnam corporalem, exempli gra-
 tia, ad iubendam pœnam mortis, aut muti-
 lationis, &c. pro suo principali. Nectalis obli-
 gatio, aut fidei iussio valeret, aut aliquam vim
 haberet, in c. Gloss. in d. cap. Cùm homo, in
 verbis supplicum. quæ Glossa ab omnibus re-
 cepta est, vt ait Couarru. loco cit. & videre est
 ex Folino cap. 2. de constit. & Marfil. in Rub. de
 fideiuss. q. 29. & Iulio Claro in d. q. 46. num. 18.
 Quinò, si reus absoluitur cum fideiussione,
 intelligitur, quod teneatur consignare, aut si-
 sterere cum ad iudicis requisitionem sub pœna
 pecuniaria certa, si sub certa conuentum sit: si
 autem certa non sit promissa tunc pœna pecu-
 niaria iudicis arbitrio decernitur, nisi sit stu-
 tum aut consuetudo pœnam certam habeat.
 per text. in L. 4. ff. de custod. reor. Bart. & DD.
 ibidem. Salyc. & alij in L. penult. C. de custod.
 reor.

reor. Gloss. Archid. & alij in d. cap. Cùm homo. Abbas & Anchar. in Rub. de fideiuss. Felin. in cap. fin. de accusat. & post alios plures Gomez. loco cit. Vnde sæpè contingere solet, quod reus absoluat sub fideiussione de soluendo certam summam, e.g. 200. aureos, quā summam fideiussor soluere tenetur, nisi reum & suum principalem consignet. Eadem ratione potest fideiussio tendere ad solutionem expensarum, & interesse, quando iustæ expensæ fiunt in causa rei.

Decima septima Conclusio. Tortus ad eruendam veritatem, si in negatione persistit, & indicia precedentia tortura sufficienter purgavit, & absolutus est, non infamatur per torturam.

BARTOL. in L. Nullam. C. Ex quibus causis infamia irrogetur. Addit. ibid. Bald. Salycet. Jacob. Butr. & Paul. Castrenf. in ead. L. per text. ibid. Francisc. Brunus de indicij & tort. q. 8. secundæ partis, num. 3. Berthachinus in Repertorio, in verb. Tortura, num. 70. Vnde ait Jacob. de Bellouiso in tract. crimina. de quæst. fol. 88. col. 3. vers. Et sic ex prædictis colligo, &c. quod beatus homo, qui se omnino tenere potuit in tormentis, quoniam absoluetur, & melior quàm ante accusationem reputabitur, cùm prosperè & feliciter se purgaue-
rit à

rit à sibi impositis, arg. Authent. Quomodo oporteat Episcop. & cleric. §. Si nemo accusauerit. Quod dictum allegat, nec improbat Buerius in decisione 163. num. 14. Hinc si quis alicui obijceret aliquod crimen etiam magis, super quo se tortura purgauit, & absolutus extitit, possit talis contra obijcientem & exprobrantem agere iniuriarum.

Decima octaua Conclusio. Tortura etiam inferri potest die feriato & festo, etiam paschalis diebus in maioribus & atrocioribus criminibus, in honorem Dei.

HANC Conclusionem probant L. Nemo. C. de Episcop. audientia. & L. Prouinciarum. C. de clerics, & eam tradunt Bald. in d. L. Nemo. Francisc. Brunus de indicijs & tort. q. 5. 2. §. 2. Martil. in pract. crimin. 106. Expeditio 81. Iul. Clarus lib. 5. §. fin. pract. crimin. q. 6. num. 34. & hoc obseruatur in multis Italiae locis, & laudat Clarus fieri in delictis capitalibus in honorem Dei. Reprehendunt autem idem auctor & Brunus in minoribus delictis id obseruari. Ratio hæc Conclusionis à Bruno redditur. Tortura est quædam examinatio extraiudicialis, vnde si præcessit iudicialis cognitio indiciorum, potest fieri postea examinatio quolibet tempore: exemplo testis qui iudicialiter iurauit, potest examinari quo-

quolibet tempore, etiam feriato, in honorem Dei, vt tenet Specul. in tit. de fer. §. 2. vers. Quid si tunc testis. Barto. in L. Damni. §. Sab. i. ff. de damn. infect. & Bald. in L. Si quando. C. de testib. & Gloss. in Clem. 1. Maiora & atrociora crimina, in quibus diebus feriatis in honore Dei potest inferri tortura, sunt: raptus virginum, adulterium, incestus, homicidium, parricidium, veneficium, maleficium, & similia, quorum mentio fit in d. L. Nullam. vbi Bald. dicit specialiter locum habere in delictis, quæ clam committuntur, sicut est, aliquem incantare, vel incantationem facere, adulterium committere, &c.

Et hanc Conclusionem maximè puto habere locum in sceleratissimo crimine maleficorum, in quo communiter plurima enormissima peccata concurrunt, quod etiam ferè semper clam committitur, summeq; Deus eodem offenditur, & periculum semper est in mora. Hoc certum est, & experientia compertissimum, periculosissimum esse maleficos diu in carcere tenere, expeditionem protrahere, & moram procedendi nimiam seruare: Cum Dæmon tum in carcere varijs tentationibus hoc hominum genus adoriatur, vel vt veritatem taceant, vel vt confessam reuocent, vel vt sibiipsis vitam eripiant, atque in desperationem perducant, &c. Quâdoquidem in hoc maleficij crimine diaboli

bolipotestas coniungitur hominis operatio-
ni, & quoddam scædus accessit, semper in illis
vexationibus & molestijs, vt hominem, quem
tam immani scelere perstrinxit, in perpetua
captiuitate retineat. Ea de caussa, cum nec mi-
ris, nec claustris impediatur, quo minus suos
clientulos accedere, instigare, & magis decipê-
re valeat, etiam in vinculis, tormentis, & ma-
nibus iudicum præstò est, & suam opem quã-
tum fieri potest, salua Diuina permissione
semper, promittit & præstat, vt plurimorum
Iudicum processibus notissimum est. Quan-
doquidem ergo periculosissimum & perni-
ciosissimum est: tum respectu animarum quæ
periclitantur: tum intuitu salutis multorum,
quibus periculû imminet, ab hoc scelesto ho-
minum genere: tum quod maximû, & omnib⁹
præponendû ratione diuinæ maiestatis, quæ
grauissimè læditur, & quãdoq; maximè offen-
ditur, quod non maior zelus est expediendi
iustitiam, iudices meritò ad hoc propositum
commendatum habere debent illud Impera-
torum in d. L. Prouinciarum. C. de Ferijs. Pro-
uinciarum præfides, ait Lex, moneantur, vt in
quæstionibus latronum, & maximè Hysauro-
rum (latrones enim de Hysauria perniciores
erant alijs iuxta Gloss. ibidem) nullum qua-
dragesimarum, vel venerabilem Pascharum
diem existiment excipiendum, ne differatur
proditio consiliorum, quæ per latronum tor-
menta

menta quærenda est: Cùm facilimè in hoc summi numinis speratur venia, per quod multorum salus & incolumitas procuratur. Sic Lex. Per hæc tamen non intendo laudare & promouere quorundam Iudicum præcipitatum potius furorem, quàm moderatum, & prudentiæ sale conditum zelum, qui in hoc crimine, vt intelligo, nimis præcipitanter procedunt, & vix vllam dantes dilationem reis, vt maturè considerare valeant necessaria ad statum suæ conditionis & salutis, sed manè reos apprehendunt, carceri statim tradunt, mox sine mora ad quæstionem rapiunt, & confesos aut eodem die, aut quàm primum sequenti ad sententiam audiendam, & executionem quæ statim subiungitur, faciendam rapiunt. Hic enim furor, non zelus iudicandus est. Res humanæ, vbi agitur de salute mentis & corporis, & vertitur periculum animarum, agendæ cum maturitate iudicij, & grauitate coniuncta moderatione. Grauisimè enim iudices peccant, quando modum excedunt in tortura, & tenentur ad restitutionem omnium damnorum in foro conscientiæ, si quæ sequantur ex eorum culpa. Et in foro exteriori pro ratione culpæ, damni, & excessus, sunt pœna afflicendi. Quomodo autem sint tales puniendi, docent Gomez. in d. cap. 13. num. 6. Iulius Cæsar in d. q. 64. num. 37. & Menoch. post alios l. 2. de arbitrar. Iud. q. q. casu 349.

QVAE

QV AESTIO II.

An in dignitate, aut honore constitutus possit puniri pena mortis, absq̃, ex auctoritate siue degradatione?

VIDEtur quod non, ex hac L. in verb. praesidio dignitatis tutus & cruciatus & tormento non effugiat. Ad idem facit Glossa singularis in L. Omnes, in verb. amissionem C. de Episc. & cleric. Nemo in dignitate mori debet. Angelus hic: quem citat & sequitur Ioan. de Anania in cap. i. de Sortileg. Et dicit quod non licet Doctorem ad torturam ponere, antequam insignijs Doctoralib. exuatur. Ad idem accedunt Bartolus in L. Quod ait Praetor §. Ignominia. ff. de his, qui notantur infamia. Petrus Lenauderius in tract. de Doctoribus 4. part. q. 26. Iul. Clar. lib. 5. Sentent. §. fin. pract. crimin. q. 73. num. 2. & q. 74. num. 5. & alij alibi. in d. L. Quod ait. §. Sed & si. L. vocat exauctorare, id est, insignia militaria detrahere. Et quia Lex dicit de milite non simplici, sed fulgente dignitate siue honore militari, argumentum etiam, trahitur ad Doctores. In exauctoratione doctor priuatur cingulo doctorali, & miles exuitur cingulo militiae. Locum exauctorationis secularibus constitutis in dignitate subit degradatio in clericis. Sed vt ad propositum redeamus, solemnitas exauctorandi in desue-

desuetudinem abiit, vt benè attestatur illust-
 ris Iurisconsultus Andræus Gaill lib. I. de pace
 publica cap. I. num. 30. Quod præsertim in a-
 trocioribus delictis & enormissimis locum ha-
 bet, in quibus licitum est iura transgredi. Bald.
 in Authen. Sed nouo iurè. C. de seruis fugit,
 Marsil. in L. Vnius. §. Cognituum. ff. de quæst.
 & in singulari 601. Barbatius in c. I. de consti-
 tut. à. num. 155. & alij alibi. Confirmatur hoc
 Latius: in atrocissimis criminibus clericus
 etiam quandoq; sine degradatione reali puni-
 tur extremo supplicio, vt in clerico assassino est
 text. in c. I. de homicidio in 6. Dominicus Ge-
 minian. ibidem. Ioan. Andr. in ca. Cùm non
 ab homine, de iudicijs. Petrus Ancharan. in
 consil. 158. num. 5. incip. ex narratis in facto.
 Marsil. in d. §. Cognituum, & in Practic. cri-
 min. §. Diligenter. numero 160. & alibi. Barbat.
 in cap. At si clerici. de iudic. Menoch. lib. 2 de
 arbitr. Iudic. quæstionibus casu 415. num. 28.
 Andræus Gaill, loco citato. Et hanc sententiam
 ex alijs esse communem ostendunt, Iul. Clar.
 in d. §. q. 36. num. 30. & 33. Couarr. lib. 2. variar.
 resolut. cap. 20. num. II. & practic. quæst. cap. 32.
 Alios ad idem allegat. Felicianus Episco. Sca-
 lenf. in Enchiridio de censuris, in tractat.

de deposit. & degradat.

cap. 14.

Zz

QVAE-

QVAESTIO III.

*An, quando quis probatur maleficus,
vel magis duobus vel tribus testibus idoneis,
etiamsi neget delictum, & in negatione per-
sistat, possit condemnari?*

QUIDAM DD. voluerunt ad condemna-
tionem requiri vtrunque, & reum con-
uictum, & illud confessum esse. Sed hac sen-
tentia tanquam falsa reiecta, dicendum conui-
ctum testibus idoneis de crimine, etiamsi in
negatione persistat, condemnatum fore etiam
in hoc crimine, vel in alijs. Pro hac doctrina
sunt Alexand. in addit. ad Bartol. in L. Vnius.
§. reus. ff. de quæst. Alberic. in L. Obseruare. C.
Quorum appell. non recip. Marsil. in sing. 108.
Bald. num. 4. & Felin. nu. 1. in cap. Ad nostram
de probat. Andr. ab Isernia in cap. vnic. §. pu-
blici latrones, de pace tenenda, & post alios
plures Didacus Couarruu. practic. quæstion.
cap. 23. num. 5. conclus. 1. non longe à fine, & in
hac materia recentiores Ioannes Bodin. de ma-
gor. dæmonomania lib. 4. cap. 2. Godelman-
nus de magis & veneficis. lib. 3. cap. 8. num. 16.
Theodericus Graminæus in inductione siue
directione iudicis in causa criminali malefi-
corum & sagarum, pag. 149. & alij alibi. & pro-
batur hæc sententia ex 2. q. 1. cap. Nos in quen-
quam sententiam ferre non possumus, nisi aut
in con.

in conuictum, aut confessum, & L. Qui sententiam. C. de pœnis. & d. L. Obseruare. Constitutio etiam Carolina in art. 22. in hanc tendit sententiam, dum ad condemnationis effectum requirit propriam confessionem, vel criminis probationem disiunctiuè. Hinc in tali casu iudex exactè debet expendere probationes, & earum vim, quæ si plenè & legitimè probent, poterit reus condemnari etiam si in tormentis, aut extra ea crimen negauerit, de quo conuictus & accusatus est, quod maximè veritatè habere videtur in criminibus homicidij, veneficorum, maleficorum siue incantatorum & magorum, & aliorum, de quibus fit mentio in d. L. Obseruare. Ex his concluditur quod etià Bodin. & Godelman. tradunt, si duo vel tres testes idonei deposuerint veneficij suspectum ipsis videntibus sub limen stabuli posuisse ollam sortilegiorum, quæ inuenta, & pecudes mortuæ sint, etiam si talis neget crimen maleficij poterit condemnari, ad pœnam ordinariam virtute legitimæ probationis & de similibus simile est iudicium. Quod & confirmatur per text. in præsentī L. dum ait. Si vero conuictus & ad proprium facinus detegentibus repugnauerit denegando, sit eculeo deditus: ungulisq; sulcantibus latera perferat pœnas dignas facinore proprio: Quorum verborum sensus manifestus est ad huius quæstionis dissolutionem, licet quidam verbis non bene

perpensis eum inuertant vt innuit Alberic. in
hac L. Etsi excepta.

LEX VIII.

*Culpa similis est, tam prohibita discere
quàm docere.*

Q VANTVM ad libros magicos attinet, om-
nes eiusmodi libri sunt comburendi, &
à nullo Christiano conseruandi. Actor. 19.
Ephesi multi ex eis, qui fuerant curiosa secta-
ti, contulerunt libros, & combusserunt eos co-
ram omnibus, & computatis pretijs illorum
inuenerunt pecuniam denariorum quinquaginta milium. Ita fortiter crescebat verbū Dei,
& confirmabatur. Et Index librorum prohibi-
torum editus auctoritate Concilij Trident. in
Regula nona his verbis: Libri omnes, & scripta
Geomantiæ, Hydromantiæ, Aëromantiæ, Py-
romantiæ, Onomantiæ, Chiromantiæ, Nicro-
mantiæ, siue in quibus continentur sortilegia,
veneficia, auguria, auspicia, incantationes artis
magicæ prorsus reijciuntur. Consonant leges
ciuiles in hac L. & in L. Mathemat. C. de Epis-
copali audient: mandatur, Mathematicorum
& improbatæ lectionis codices esse concre-
mandos in conspectu Episcopi: & in L. Cæteræ
ff. familiæ Herciscendæ, statuitur magicos li-
bros esse corrumpendos. His adiungitur illa
lex

lex apud Iulium Paulum lib. 5. Receptarum Sentent. tit. 25. ad L. Cornel. de Sicar. & venefic. Libros, ait, magicæ artis apud se neminem habere licet: At penes quoscunque reperti sint, bonis adēptis, ambustisq; his publicè, in Insulam deportantur: Humiliores capite puniuntur. Non tantum huius artis professio, sed etiā scientia prohibita est. Sic Nicephorus lib 20. histor. narrat, quendam iuuenem Lollianum missum in exilium, & bona eius publicata, eò quod librum magicum descripsisset. Titus Livius li. 5. Decade 3. docet, quomodo de utilitate Reipub. sit quod mali libri corrumpantur & comburantur. Dum enim diutiùs bellum Punicum, inquit, secundum traheretur, & passim à ritu sacrificandi mōre patrio discederetur, & sacrificuli & vates cœpissent hominum mentes, read patres, & ad publicam quærimoniam delata, incusati sunt primum grauitè à senatu ædiles, triumviriq; capitales, quod non prohiberent: datumq; negotium M. Aemelio urbis prætori, qui senatusconsultum renunciavit, & edixit, vt quiscunq; libros vaticinios, precesionesq; haberet, aut artem sacrificandi conscriptam, ad se deferret, quæ ipse combussit.

Et tempore Valentis Imperatoris circa annum Christi 370 magna & acris fuit facta inquisitio codicum artium vetitarum: & ad eū finem rectius consequendum, cuiusq; fermè

domus penetralia accuratè perlustrata fuerunt, & innumeris codices, imo multi voluminum acerui congesti, atque in conspectu iudicum concremati, vt post Ammianum libro 29 prodit Baronius tomo 4. annalium sub anno Christi 370 pag. 226. in impressione Antuerpien. de Anno 1594. Ea de causa innocenter etiam D. Chrysostomus in discrimen, à quo tamen diuino præsidio liberatus extitit, deuenerat, vt ipse testis est in hom. 39 in acta Apost. vbi sic loquitur: Mota est olim, me adhuc adolescentulo, magna tyrannorum hostilitas: militibus etiam foris extra ciuitatem ad insidias positis, forte fortuito libellos quærebant incantatorios & magicos. Et qui scripserat librum, nondum perfectum in flumen abiecerat, & captus, cum postularetur à eo, reddere non poterat, sed ducebatur per totam ciuitatem victus: & cum ita accusaretur, dedit pœnam. Tunc ego ad martyris ædem proficisci volens, transibam per hortos iuxta flumen cum alio quodam. Ille autem viso libro qui in superficie fluebat: primum quidem putabat linteum esse: prior autem factus, agnouit esse librum, & descendens recepit. Ego aut cōtendebam, vt de communi inuento, & ridebā. Sed videamus, inquit, quid nam hoc sit. Reuoluit partem paginæ, & inuenit scripta magica. Accidit aut eodem tempore, militem transire: qui hoc animaduertens abiit, & timere nos fecit.

et. Quis enim credidisset, quod è flumine sumptum sustulisset, cum omnes tunc etiam qui non suspecti essent, detinerentur? & abijcere non audebamus, ne videremur: idem erat periculum si scinderemus. Concessit igitur Deus & abiecimus, & postea à periculis liberati sumus. Hinc clarum redditur quam illis temporibus fuerit periculosum & infame habere libros magiæ: Quod tamen hoc tempore impune dissimulatur maximèq; apud corrupta iuventutem in abusu est.

Ex dicta L. comprobatur non solum magorum, sed etiam hæreticorum libros esse comburendos, & non conseruandos. Leo Papa primus in Epistola quadam ad Toribium Astoricensis Episcopum, cap. 15. sic ait. Curandum est & sacerdotali diligentia maximè providendum, ut falsati codices & à sincera veritate discordes, in nullo usu lectionis habeantur. Apocriphæ autem scripturæ, quæ sub nominibus Apostolorum, multorum habent seminarium falsitatum, non solum interdicendæ, sed etiam penitus auferendæ sunt, atq; ignibus concremandæ. Quamuis enim sunt in illis quædam, quæ videantur habere speciem pietatis, nunquam tamen vacua sunt venenis, sed per fabularum illecebras hoc latenter operantur, ut mirabilium narratione seductos, laqueis cuiuscunq; erroris inuoluant, Huius Epistolæ meminit Alphons. Castr. li. 2. de iusta hæret.

Libri hæreticorum comburendi.

punit. c. 5. qui hanc materiam omnibus latiùs
discutit. Super hoc articulo digna lectione est
Epist. Victoris Constantini ad Episc. & popu-
lum ex Socrate, de Ario & eius scriptis. lib. 2
cap. 15. histor. tripartitæ, in hæc verba. Malignos
& impios Arius imitatus, dignum est vt illo-
rum quoque suscipiat ultionem. Sicut ergo
Porphyrius diuinæ pietatis inimicus, iniqua
volumina contra religionem proferens, dig-
nam promeruit inuenire mercedem, & talem,
per quam in posterum esset opprobrium, &
plurima compleretur infamia, & nunc placuit
Arium & consecutores eius vocari Porphyri-
anos, vt quorum mores imitati sunt, eorum
vocabulo perfruantur. Super hæc autem si qua
conscriptio ab Ario facta reperitur, igni trada-
tur, vt non solum praua eius doctrina depe-
reat, sed neq; vlla eius possint remanere com-
menta. Hoc etiam præcipio, si quis cōscriptio-
nes Arii cælasse comperitur, & non repente
proferens igne consumpserit, mortis supplicio
subiacebit. Mox enim vt in hoc fuerit captus,
capitalem suscipiet ultionem. Deus vos custo-
diat. Hæc est Constantini Epistola. His acce-
dunt aliæ Christianorum Imperatorum leges
in C. de hæret. L. Omnes vetitæ legibus diuinis
& imperialibus constitutionibus hæreses per-
petuo quiescant, & nemo vltius conetur,
quæ reperit prophana præcepta, vel docere, vel
discere, nec antistites eorundem audeant fidē
infi-

Infinuare, quam non habeant; &c. Et L. Dam-
nato. §. Nec non impios, ait Lex libros nefandi
& sacrilegi Nestorij aduersus venerabilem Or-
thodoxorum sectam, decretaq; sanctissimi cœ-
tus Antistitum Ephesi habiti scriptos habere,
vel legere, aut describere quisquam audeat:
quos diligenti studio requiri, ac publicè com-
buri decernimus, &c. Et in fin. L. Scientibus
vniuersis violatorem huius legis publicatione
bonorum esse coercendum. Vbi optimè notat
Salyc. quod non est licitum libros improbatæ
fidei legere, aut describere, sed debent combu-
ri in præsentia Episcopi, iuxta d. L. Mathem. &
in L. Quicumq; §. Nulli etiam contra venerabi-
lem Câlcedonensem Synodum liceat, vel ali-
quid dictare, vel scribere, vel ædere, atque
emittere; aut aliorum dicta vel scripta super
eadem re proferre. Nemo huiusmodi habere
libros, & sacrilega scriptorum audeat monu-
menta seruare. Quod si qui in his criminibus
fuerint deprehensi, perpetua deportatione
damnentur. & in §. Omnes verò huiusmodi
chartæ ac libri, qui funestam Euthicetis, hoc
est, & Apollinarij complexi fuerint dogmata,
incendio concrementur, vt facinorosæ per-
uersitatis vestigia flammis combusta pereant:
æquum namque est, vt immanissima sacrile-
gia par pœnæ magnitudo percellat, scienti-
bus moderatōribus etiam prouinciarum, ea-
rumq; apparitoribus, defensoribus etiam ciui-

tatum, quod si ea, quæ legis huius religiosissima sanctione custodienda decernimus, aut neglexerint, aut aliqua permiserint temeritate violari: denarum librarum auri multam fisco nostro inferre cogantur: Insuper etiam æstimationis suæ periculum sustinebunt. Ad idem facit illud, quod Iurisperiti tradunt, quod quis præsumatur hæreticus, & de hæresi possit condemnari eo ipso, quod libri hæresis penes aliquem reperiuntur. Ludouicus Romanus in singulari 323. incip. Eo ipso, quod libri hæresis, &c. Alberic. in L. Quicumq; C. de hæret. Hippol. Marsil. in pract. crim. §. diligenter. num. 92. Idem in cons. 52. incip. Misericordia domini, num. 34. Archid. & Ioan. Andr. in cap. Filij, de hæret. lib. 6. Carrer. in tract. de hæret. num. 135. & alij alibi. Et lex Pontificia in bulla cœnæ Domini, excommunicatione prima etiam prohibet legere, & retinere libros hæreticorum publicè vel occultè, quouis ingenio vel colore, sine auctoritate & licentia sedis Apostolicæ, sub pœna excommunicationis ipso facto incurrendæ, cuius absolutio reservata est summo pontifici. De qua re Martin. Nauar. tractat lib. 5. consiliorum in tit. de Hæreticis consil. 3. num. 1. & cons. 8. Si quis autem ignoranter incideret in librum hæreticum, existimans bona fide Catholicum & legeret, non incideret: Quia bulla excommunicat scienter legentes & retinentes. Nec etiam Episcopi & ordinarij possunt

possunt suis subditis dare licentiam legendi
aut retinendi libros hæreticos, nisi ex spe-
ciali delegatione pontificis, vt idem Nauar-
rus docet lib. 1. Consil. de Constitut. consil. 1.
numero 75. Quia inferior non potest legem
superioris tollere, c. Cum inferior. de maior.
& Clem. Ne Romani. de elect. Neq; absolue-
re à reseruatis Papæ. cap. Ad eminentiam, de
sent. excommu. & id etiam litera d. Bullæ Cœ-
næ ostendit, cum dicit. (Sine auctoritate
nostra, & sedis Apostolicæ.) Omni enim tem-
pore, quando Religio viguit, vt ex dictis con-
stat, curæ fuit non solum Episcopis, sed etiam
Imperatoribus, vt libri à Catholica fide alieni
comburerentur, & non impunè retineren-
tur, nec venderentur. Cuius nunc (proh do-
lor) in multis locis contrarium videmus, cum
maxima Christianæ reigionis perniciæ, & ani-
marum interitu. Si enim Apostolus Paulus,
Prophana & vaniloquia hæreticorum deu-
ta pronunciat, eo quod multum profi-
cient ad impietatem, & eorum sermo, vt cancer
serpat: multo magis profecto librorum lectio
lauenda, scriptura enim manet, & vox perit,
& ea quæ permanent fortius imprimunt in
animum, magisq; mouët. Hinc vt ex illo Acto.
19. citato constat, sicut testimonium & signi-
ficatio apertissima veræ fidei & conuersionis
est, libros curiosos, & à fide Catholica alienos
incendio tradere, vt patet ex illis verbis sub-
iectis

iectis. Ita fortiter crescebat verbum Dei, & confirmabatur: Sic infirmæ fidei & fictæ charitatis argumentum est, legere, retinere, & non velle Vulcano consecrare huiusmodi libros. Quare rectissimè secundum Iuris peritorum sententiam, contra tales est vehementissima præsumptio hæresis.

Contra dicta, obijciunt quidam Catholici etiam scioli, hæreticorum lectionem esse licitam & admittendam, ex illo S. Pauli 1. ad Thessalonicenses 5. Omnia probate, quod bonum est tenete. Ergo potest aliquis hæreticorum libros legere, cum etiam aliqua bona in eis contineantur, & ad effectum bonum, maximè ut eorum errores melius cognoscat, ac rectius eis respondere queat. Respondetur; hoc argumentum probat, quod si nullum præceptum Ecclesiæ esset, licitum fore legere huiusmodi libros eis, qui dignoscere & discernere bonum à malo possunt, ita ut eis nullum immineat periculum subuersionis, quod qui amat, peribit in illo. Ad huius rei illustrationem pulchrum adfert exemplum Eusebii lib. 7. historiæ Ecclesiast. cap. 6. de Dionysio Alexandrino, cuius verba adfert ex eiusdem li. 3. de Baptismate ad Philomenem Presbyterum urbis Romæ. Sic enim scribit Dionysius. Ego & tractatus hæreticorum lego, & traditiones eorum perscrutor, etiamsi videar ad horam verbis illorum pollui. Sed multum mihi confert hoc ipsum, quod ex ipsorum
verbis

verbis arguere eos possum. Denique cum ali-
 quis ex fratribus & compresbyteris prohibe-
 ret me, ne heretica lectione tanquam cœni ali-
 cuius fœtore polluerer, visio mihi quædam à
 Deo ostenditur, quæ me confirmaret, & ser-
 mo ad me factus est, hæc mihi euidenter pro-
 loquens. Lege omnia quęcunq; in manus tuas
 venerint: quia probare singula quęcunque &
 discernere potes. Quandoq; ex initio hæc tibi
 caussa fuit credēdi. Amplexus sum visionem:
 quia & Apostolicę sententię concordabat, di-
 centi: Omnia probate, quod bonum est tene-
 te. Hæc Euseb. Ex qua historia patet, eo tem-
 pore etiam habitam esse tanquam rem pericu-
 losissimam, lectionem hæreticorum, nec de-
 bere sibi vnumquemq; tribuere, quod possit
 discernere, sed tale iudicium à superiori pote-
 stato conferendum, præsertim cum Scriptura
 nos in contrarium moneat in Evangelio. At-
 tendite à falsis Prophetis, qui veniunt ad vos
 in vestimentis ouium: & iterum: Cauete vobis
 à fermento Phariseorum: & iterum Ioannes. *1. Ioan. 4.*
 Nolite omni spiritui credere. Qui ergo sim-
 plices & ignari sunt, deberent abstinere, etiam-
 si nulla prohibitio esset, propter imminens &
 euidens periculum. Nec mouet, quod etiam
 aliquid boni in eorum scriptis inueniatur.
 Quia, vt S. Gregorius lib. 5. moralium cap. 11.
 ait. Habent quippe hoc hæretici proprium, vt
 malis bona permisceant, quatenus facilè sen-
 sui au-

sui audientes illudant : Si enim semper praua dicerent, citius in sua prauitate cogniti, quod vellent minimè persuaderent. Rursum si semper recta sentirent, profecto hæretici non fuissent: sed dum fallenti arte ad vtraque deferuiunt, & ex malis bona inficiunt, & ex bonis mala abscondunt. Sicut qui veneni poculum porrigit. ora poculi dulcedine mellis tangit, dumq; hoc quod dulce est, primo attractu delibatur, etiam illud quod est mortiferum, indubitanter absorbetur. Itaque hæretici permiscet recta peruersis vt ostendendo bona, auditores ad se trahant, & exhibendo mala latentis eos peste corrumpant. Et si quid boni in libris hæreticorum inueniatur, id etiam ex Catholicis haberi potest. Nihil enim dicitur, quod non prius dictum sit. Nec etiam Deus aliquid singulare boni per peruersos diffundit, quod non multo vberius per organa Spiritus sancti communicet, iuxta illud, Ioannis : Paracletus Spiritus sanctus quem mittet Pater in nomine meo, ille vos docebit omnia, & suggeret vobis omnia, quæcunque dixerò vobis. Cum ergo lectio hæreticorum librorum & alienorum à fide Catholica semper sit damnata, vt res perniciofa, nemini dubium esse potest, quod summus in Ecclesia monarcha eam non potuerit sub culpa & pœna prohibere. Atque hoc præceptum operatur, vt quod antea ex suo genere erat periculosum,

& li.

& licitum eis, qui sine periculo poterant legere & approbare, postea omnibus vi præcepti fiat illicitum, nisi licentia sedis Apostolicæ accedat, cuius etiam est ante licentiam cognoscere & iudicare, an sine periculo & cum fructu licentiam petens legere possit. Nemo enim iudex in propria causa esse potest. Si quis autem legerit, aut habuerit sine licentia libros Catholicorum, quibus annotationes, elucidationes, aut commentaria hæretici inseruerunt, non incidit quidem in pœnas Bullæ cœnæ Domini, sed in censuram latam à Pio Quarto Anno Domini 1564. 14. Martij super approbatione Indicis librorum prohibitorum, quæ bulla indici præfigitur: & talis etiam reatus peccati mortalis incurrit, iuxta ea, quæ bene dicit Nauarrus in manuali confessariorum, cap. 27. num. 56. & Ipsa bulla decernit. Si quis autem in dubium trahere velit, an Pontifex rectè prohibere possit lectionem & conseruationem librorum hæreticorum sub pœnis & censuris, is etiam vertat in controuersiam, an Catholici & pij Imperatores in legibus ciuilibus, sub pœnis capitalibus & temporalibus prohibere potuerint, & reuocet in litem, an potestati iusta præcipienti, sub reatu mortalis peccati sit obediendum, iuxta illud Lucæ. Qui vos spernit, me spernit: & al- Luc. 10.
liud Apostoli. Omnis anima potestatibus sub- Rom. 13.
iunioribus subdita sit, Non est enim potestas,
nisi

nisi à Deo. Quæ autem sunt à Deo, ordinata sunt. Itaq; qui resistit potestati, Dei ordinationi resistit. Qui autem resistunt, ipsi sibi damnationem acquirunt.

LEX IX. & finalis.

Quicumque maleficorum labe pollutum audierit, deprehenderit, occupauerit: ilico ad publicum pertrahat, & iudicum oculis communis hostem salutis ostendat. Si quisquam ex agitatores, id est aurigis, seu ex quolibet alio genere hominum contra hoc edictum venire tentauerit, aut clandestinis supplicijs etiam manifestum reum maleficæ artis oppresserit: ultimum supplicium non euadat, gemina suspitionis obnoxius, quod aut publicum reum, ne facinoris socios publicaret, seueritati legum, & debite subtraheret questionem: Aut proprium fortassis inimicum sub huiusmodi vindictæ nomine, consilio atrociorē confecerit.

CIRCA hanc L. notandum est ex Doctores, qui in hanc, sicut in alias leges huius tituli, breuissimè commentati sunt, quod maleficum licet cuilibet propria auctoritate capere.

pere, & Iudici præsentare. Quod singulare est, sed ita intelligendum, (quamuis Doctores generaliter loquantur) quando in manifesto crimine depræhenditur. Regulariter autem in alijs criminibus prohibitum hoc est. Commune autem est in hoc crimine & in alijs, quod nemini licet maleficum etiam manifestum, propria auctoritate occidere. Deinde ex hac lege in illis verbis (*Ne facinoris socios publicare, &c.*) colligunt DD. crimen maleficij esse de genere exceptorum. Alberic. hîc & Godefrid. Glossa & Salycet. in L. fin. C. de accusat. Barto. in L. Repeti. de quæst. Marfil. ibid. Bald. lib. 1. consil. 95. incip. Regula iuris. Panormitan. Ioan. Imol. & Anthon. à Butr. in cap. 1. de confess. & alij, quos citavi ad longum in 2. memb. tractat. de confes. malef. conclus. 1. ratione 3. Quare consequenter tradunt, confessum de se in hoc crimine super aliorum scilicet sociorum criminis conscientia, posse & debere interrogari, & interrogatus in conscientia, sub pœna peccati mortaliter tenetur facinoris socios iudici publicare, vt in 2. memb. d. tract. ostensum latius est. Vnde communis regula eruitur, quam ponunt Glossa cum text. in cap. 2. de confessis. Panorm. Anthon. Ioan. Imol. Cardinal. Zabarella, Hostiensis, & omnes Doctores ibidem, cum Iurisperitis. in L. fin. C. de accusatio. quod in criminibus exceptis de se confesso, credendum est contra socios criminis, non

quidem quantum ad condemnandum, sed ad
præsumendum. Aliàs profectò non est inue-
nire discrimen inter crimina excepta, & non
excepta, secundum mentem canonum & le-
gum, ac Doctorum. Maximè autem inqui-
rendum in hoc crimine de socijs, quia malefi-
ci communiter, vt experientia docet, habent
socios, & credo haud ex multis repertum v-
num, qui solus sine socijs hoc scelus commise-
rit. Præterea cum malefici sint hostes commu-
nis salutis, iuxta præsentem L. contra socios
inquirere etiam tendit ad communem salutē
omnium. Quia nisi maleficorum crimen radi-
citus extirpetur, salus communis non habebi-
tur. Præterea cum DD. aduertēdum est, quod
si quis propria auctoritate notorium malefi-
cum interfecerit, duplicem suspicionem ex
hac L. incurrit, tum quod conscius sit malefi-
cij, timueritq; ne socios detegeret, si tortura
adhibeatur; tum quod ratione vindictæ for-
tassis fecerit. Circa hunc articulum notat Bald.
singulariter, quod non licet subtrahere aliquē
reum quæstioni, vel torturæ, nec facere, quod
veritas non possit apparere. Ex dictis mala
præsumptio sumitur contra eos, qui aliquan-
do maleficis consulunt, aut eos admonendo
instruunt, vt fugiant, quando grauib; indicijs
laborāt: Hi incurrunt suspicionem, aut quod
socij criminis sint, aut quod veritatem velint
latere & iustitiam impedire; aut quod magis
amene

ament corporis & famæ æstimationem rei contra ordinem charitatis, quàm eius animæ salutem, quæ præstat omnibus rebus in hoc mundo habitis.

Circa hanc L. cùm Doctores ex ea colligant, nominationē malefici facere præsumptionem contra socium facinoris, breuiter tractandum est de indicijs, ex quibus crimen maleficorum deprehendi potest.

DE INDICIIS CRIMINIS maleficij.

NOTANDVM in primis, quod diuersus est gradus indiciorum. Quædam enim sunt remota: quædam propinqua: alia propinquissima.

Deinde in matèria indiciorum multum valet omnium iudicio arbitrium iudicis: falluntur tamen aliqui in intelligentia huius nominis, aut saltem in iudicio, qui putant, quod arbitrium iudicis sonet, quod ipsi ex suo capite & voluntate possint definire, & quod eorum propria prudentia debeat formare iudicium. Iudicis arbitrium formandum est ita, vt sit iuri & æquitati consonum, & in hoc non debet sequi propriam conscientiam, sed publicam scientiam, vt multis allegationibus ostendunt Andreas Barbatius

in cap. Canonum statuta. de constitut. à num. 167. Marfil. in pract. crimin. §. Diligenter. à num. 24. & Menoch. lib. i. de arbitr. Iud. quæstion. q. 13. num. 15. Quando ergò iudex formare rectū vult arbitrium, debet sequi canones, leges, cōsiliū peritorum, & praxim doctissimorum & proborum virorum. In materia indiciorum semper hæc doctrina ante oculos habenda est, vt quoniam variæ in casibus occurrentibus circumstantiæ occurrere possunt, Iudex si sibi non sit sufficiens, peritorum consiliū adhibeat. Præterea reducendum est in memoriam pro varietate criminum, varia etiam esse indicia. Quædam communia, quæ omnibus criminibus accommodantur: quædam propria particularibus sceleribus, vt adulterio, furto, homicidio.

Cū autem latus sit indiciorum campus, & magnus numerus, vt patet ex Doctoribus, qui integros tractatus scripserunt, & ex dicendis manifestum erit, hīc tantum proponentur, quæ huic materiæ conuenient: in reliquis remittitur lector ad Doctores.

Primum indicium: lumptum ex hac L. finali:

Indicia perpendenda in hoc malefactorum crimine. Denunciatio siue denominatio malefici contra facinoris socios, secundum communem Doctorum sententiam, quos suprà ad longum adduximus. Quomodo & in quem sensum hoc verum sit, remitto lectorem ad ea, quæ

quæ multis declarata sunt in 1. membro superioris tractatus.

Secundum indicium: maxime proprium huic materiæ, est superstitio cum suis varijs speciebus, de quibus ad longum in 1. membro superioris tractatus. Cum enim superstitio procedat ut plurimum ex pacto implicito, vel expresso cum Dæmone, verum religionis cultum lædit, fidem Christianam labefactat, ac viam sternit ad maleficorum impietatem. Ad hoc facit etiam Constitutio Criminalis Caroli V. in articul. 44. ubi indicia maleficij ponit, dum ait. Si quis res suspectas, verba, & opera, quæ incantationem sapiunt, usurpauerit.

Tertium: Si quis alios artem magicam siue maleficium docere voluerit: ex eadem Constitutione.

Quartum: Si quis minatus sit alicui maleficia inferre, & effectus sequutus fuerit: ibidem. Ex minis enim præcedentibus oritur indicium ad maleficium, quando fuerunt præsertim factæ ab eo, qui consuevit eas exequi. Gandinus in tractat. de malef. in tit. de indicatijs dubitatis. Hyppol. Marfil. in pract. crim. §. Diligenter, à nu. 85. Bald. in L. Metum. C. Quod metus causæ. Francisc. Brun. de indicatijs & tort. part. 1. q. 3. Decius in cons. 189. num. 17. & alij multi, quos allegant Iulius Clarus lib. 5. senten §. fin. pract. crimin. q. 21. nu. 37. & Iacob. Menoch. lib. 1. de præsumpt. q. 89. à num. 60.

Quintum: Singularis familiaritas, & frequens conuersatio cum maleficis & incantatoribus: ex eadem Constitut. in d. art. 44.

Omniū enim Iurisperitorum sententia, ex mala conuersatione oritur indicium ad torturam, si modò aliud adminiculum concurrat, vel alia indicia adiuuent. Qualis enim quisq; est, tali socio delectatur. Similis gaudet simili. *Prouerb. 13.* Qui cum sapientibus graditur, sapiens erit: amicus stultorum similis efficitur. Et in *Psal. 17.* Cum sancto sanctus eris, & cum viro innocente innocens eris, & cum peruerso peruerteris. Sic sentiunt Angelus in tractat. maleficiorum, in §. Fama publica. vers. Quæro an indicium. Guido de Suzar. de indicatijs & tort. num. 32. Marfil. in pract. §. Expedita. num. 91. Bald. in tract. de quæst. num. 10. Albert. Gandin. in tract. de malef. in Rub. de quæst. Ioseph. Mascard. vol. 1. de probation. Concl. 451. Menoch. in d. q. nu. 125. & alij alibi. Amicitia enim reproborum, ait Salyce. in L. Nullus, supra eod. tit. est repellenda. Ex hac causa prouenit, quod aliquando in vno pago, aut loco tam multæ sint sagæ & malefici, vt (proh dolor) experiētia discimus, imò etiam si aliæ accedant, ex cohabitatione inficiuntur. Vna enim malefica aliam inficit, præfertim ad voluntatem & imperium Dæmonis, qui nihil magis appetit, quàm vt numerus suorum augeatur, & regnum CHRISTI diminuat.

tur. Quamuis etiam exultem ob magnitudinem scelerum, quæ malefici, ubi in vno loco ita morantur, committunt, cum nolint benedictionem, accipiant maledictionem, & relinquatur Dæmoni maior potestas in commorantes in tali loco, ubi notabilis est numerus maleficorum.

Sextum: Est fama vehemens cum alijs adminiculis, contra multorum doctorum sententiam, quos Menoc. in d. q. num. 32. adducit, qui volunt famam vehementem per se sufficere. Sed communior & tutior doctrina est, quod non sine alijs adminiculis, ut ostendit Iulius Clar. loco citato, num. 1. Quia fama est indicium valdè remotum à delicto & fallax facilè, & sic ex nuda fama durum esset hominem tormentis subijcere, nisi esset delictum difficilis probationis, & persona vilis alijs criminibus conspersa. Vnum tamen in hoc crimine est singulare, quod (ut experientia quotidie docet) multi homines, quorum conuersatio in exterioribus omni repræhensione caret, depræhenduntur hoc nefandissimo scelere coinquinati. Quia huius criminis exercitium est occultissimum, cum dependeat à cooperatione Principis tenebrarum, qui amat noctem, & odit lucem. Qua occasione aut impossibilis, aut saltem difficilis potest esse purgatio canonica in hoc crimine: Cum hæc fundetur in conscientia bonorum virorum,

qui nocte dormiunt, quando malefici sua negotia expediunt, & sic non possunt de secretis & ignotis in sua conscientia maleficij aliquem innocentem pronunciare. In probatione autem famæ non satis est dicere & probare famam, sed oportet etiam eius originem ostendere. Quia fama debet originem habere ab honestis personis & fide dignis, non à maleuolis & vilibus, ut probatur ex c. Qualiter & Quando. 2. de accusat. Bart. in L. de minore. §. Plurius. de quæst. Marfil. ibid. Abb. in cap. Veniens. num. 8. de testib. & alijs alibi.

Quare quidam arbitrantur, & hoc argumento probant, quod ea fama, quæ in hoc maleficorum crimine originem ducit à maleficorum & complicum iudiciali denunciatione, non habeat locum. Sed aduertendum est, dictum hoc commune iuxta diuersitatem rerum & circumstantiarum aliter atq; aliter esse intelligendum, in hunc sensum, quod fama debet habere originem à viris bonis & honestis, quando qualitas personæ, natura rei, ac circumstantiæ hoc admittunt, & sic subintelligendum, nisi agatur de re turpi. Nam tunc non est contemnenda fama, quæ ortum habet à turpibus personis, exempli gratia, si agatur de peccato commisso in lupanari, poterit oriri fama à meretricibus, & lenonibus, non autem à Doctoribus, aut alijs personis honestis, quæ non solent ibidem conuersari, & similiter si

aga-

agatur de chartarum, vel taxillorum ludo, fama ortum trahit à lusoribus, & sic in hoc crimine maleficorum & sagarum, boni honestiq; viri non intersunt eorum ludis, choreis, maleficijs & coniurationibus, in profunda nocte, in abditis, remotis, agrestibus, secretisq; locis. Quare fama etiam à talibus originem trahere non potest, sed à consortibus, qui tam turpibus sceleribus præsentes sunt. Hanc expositionem docent Salycet. in L. Ea quidem. C. de accusat. non longè à fine, vlt. q. principali, & Iul. Clar. lib. 5. §. fin. pract. crim. q. 6. nu. 17. Et hoc est quod Bartol. in d. L. de minore. Iustinus Amedæus in tract. de Syndicatu, nu. 51. & 55. Panorm. in cap. Qualiter & quando, secutus Bartol. & alij alibi tradunt, famam debere habere initium ex probabilibus coniecturis & causis, vel iusta causa, sicut etiam ex delicto aliquando docent sumere originem.

Septimum: Fuga est etiam indicium ad torturam, quando aliquis præsertim fugit ante accusationem, vel inquisitionem contra eum formatam, vel antequam ad aliquem actum sit processum. Bart. in L. i. ff. de bonis eorum, qui ante sententiam sibi mortē consciuerunt. Angel. in tract. malef. in verb. Fama publica. vers. An fuga sit sufficiens. Marfil. in d. §. Diligēter. num. 41. & alij multi: quos allegant Menoch. & Clar. loc. cit. 21. & Andreas Gaill pract. obseruat. lib. 2. obseruat. 109. Addit. Marfil. etiam

habere locum, quando fugit, dum habet suspicionem, quod contra eum formabitur inquisitio. Malefici sæpè fuga solent sibi consulere. Alia tamen est ratio; quando quis fugit post inquisitionem, & citatus redit, vel causas probabiles absentiae & fugæ allegat.

Octauum: Si aliquod opus magiæ, aut maleficij inueniatur, aut quod sapiat incantationem, vt olla plena vnguentis variarum rerum magicarum, aut alia instrumenta in ædibus diffamata & suspecta inueniantur. Aut etiam liber magiæ penes aliquem reperiatur, qualis ante tres septimanas mihi oblatus à quodam amico, qui eum post mortem cuiusdam, qui eo usus fuerat, repperat. Qui tam charus suo domino fuerat, quod eum emerat 15. daleris, secundum scriptionem in libro annotatam, & tam pestilens erat, (vt primo aspectu animaduerti) vt legere non vellem, sed statim in præsentia amici tradentis Vulcano, cui cum auctore debebatur, cōsecrarem. Nescio quot miriades Dæmonum in eo continebantur, & horredæ execrationes cum diris nominibus. Hoc indicium sumitur etiam ex d. Constit. Carolina in art. 44. Ad idem facit si liber hæreticus penes aliquem reperiatur, suspectus vehementissimè habetur, vt condemnari possit, si aliæ coniecturæ accedant, modò non habeat cum auctoritate superioris, potestatem habentis & concedentis ad bonum finem. Ludouic. Roman.

man. in singul. 323. incip. Eo ipso, quod libri hæresis reperiuntur. Marsil. in d. 6. Diligenter. num. 92. Menoch. lib. 2. de arbitr. Iud. qq. casu 374. num. 12. & alij ab eo citati. Huic congruit L. Maiorem. C. de fals. qui habet penes se instrumentum falsum, præsumitur falsarius, nisi ostendat vnde habuerit. Dictum indicium ponit etiam Bodinus lib. 4. cap. 4. quod puto esse tam vehemens, vt si quæ alia leuissima adsint, reus possit torqueri. Huic adiungere possumus, si de maleficio suspectus inueniatur in domo, aut stabulo alterius, aut loco & tempore, vbi & quando non debet, & sequatur effectus aliquis, vt mors, mutilatio, aut morbus. Eadem est ratio, si duobus testibus legitimis probetur reum exercuisse aliquem actum superstitiosum, qui ex communi maleficorum praxi ad aliquod maleficiũ dirigitur. Exempli gratia: Si duo viri viderint mulierem in aqua stantem, & aquam à tergo proijcientem in aërem, vel virum etiam tempore æstatis, dum tempestas instare animaduertitur, lapidem percutientem, aut mulierem flores de varijs arboribus colligentem, & ollæ imponentem, & de similibus simile est iudicium: hæc sunt indicia vrgentissima, quorum vnumquodq; per se sufficit ad torturam. Eadem est ratio, si vnus testis omni exceptione maior deponat de ipso crimine, vtpote qd viderit sagā equo infundentem potionem, qui mortuus

repe

reperitur. Ad dictum enim vnus testis omni exceptione maioris, deponentis de ipso maleficio, potest quis rapi ad torturam, secundum communem Iuris peritorum sententiam, cui astipulatur Carolina Constitutio in artic. 30.

Nonum : Confessio extraiudicialis rei siue accusati, si duobus testibus probetur, facit sufficiens indicium ad torturam, secundum communem DD. sententiam, quam communem attestantur Felinus in cap. Olim, de rescriptis. Decius in c. At si clerici. de indicatijs. Menoch. lib. 1. de præsumpt. q. 89. num. 14. Ioseph. Mascard. vol. 1. de probat. Conclu. 349. Iul. Clar. in d. q. 21. nu. 31. & alij ab eo citati. Et quamuis, vt ipse Clarus doctè dicit, quidam Doctores teneant, quod huiusmodi confessio possit reuocari, ad euitandum torturam, licet de errore non doceatur: hoc tamen nullo modo est tenendum. Nam si sola reuocatio hoc operaretur, nunquam esset locus communi Conclus. Propter hoc enim deuenitur ad torturam, quia reuocatur confessio, quia si reus in ea persisteret, non esset opus tortura. Semper ergo confessio extraiudicialis facit indicium ad torturam, nisi error probetur. Bodinus lib. 4. cap. 4. plus videtur in hoc crimine tribuere confessioni extraiudiciali, sed à communi sine euidenti ratione, aut lege non est recedendum. Ad hoc indicium reduco verba maleficorum & sagarum, quæ aliquando proferunt, quan-

quando capiuntur, quibus quasi implicite confitentur; vt si dicant, actum est de me, aut: ne me morte afficiatis, rei veritatem libenter fatebor. Vel quando abducitur ab habitatione, valedicit domesticis, & propinquis, petendo veniam, & de similibus simile est iudicium: de his etiam Bodinus loco citato.

Decimum indicium commune etiam alijs criminibus, tamen in hoc maxime sibi vendicat locum, est taciturnitas rei, quando scit, vel ex literis amicorum, vel eorundem admonitione, vel etiam ex aliorum obiectione siue opprobrio, se haberi pro malefico, aut mago, & tamen non contradicit, nec opponit, sed sedata mente transit, quasi non curaret. Marsil. in pract. Criminali. §. Diligenter. num. 137. Ludouicus Carrer. in pract. pag. 55. in 28. indicio. Menoch. loco cit. num. 129. Quisquis enim innocens est, ægerrime fert infamiam sibi imponi de tanto scelere. Et vt ait Bodinus, Qui purus ab isto crimine est, calumnias à quibus in alijs criminibus metuitur, nunquam pertimescet. Dictum tamen indicium alijs ad miniculis debet iuuari.

Vndecimum: Si quis scelerata iuramenta, execrabiles blasphemias, & verba impudicissima frequentet, aut Dæmonis nomen semper effutiat ore, aut pueros proprios, siue alienos, aut etiam bestias in nomine Diaboli execrari solitus sit: vt, exempli gratia, rapiat te
Dia-

Diabolus: ex eas in nomine ipsius: vellem te haberet Dæmon; & de similibus similis est censura. Qui enim talia iuramenta & execrabiles blasphemias assidue exercent, de hæresi suspecti sunt, vt docet Iacobus Simancas in comment. Catholicarum Institut. tit. 8. de blasphemis. Carrerius in tract. de hæret. quos allegat & sequitur Menoch. lib. 5. de præsumption. præsumpt. 6. & lib. 1. q. 10. à nu. 8. Alphons. Castrensis. lib. 1. de iusta hæretic. punitione. cap. 12. Quomodo ergò meritò non possunt esse tales blasphemii, & immundi execratores vehementer suspecti de maleficij crimine, in quo Deus in summo gradu læditur, relinquitur & abiuratur: & Dæmon colitur, honoratur, & patronus assumitur. Quare in præludijs superioris tractatus inter causas dispositiuas ad hoc infœlicissimum exercitium posuimus execrationem & maledicendi siue imprecandi rabiem. Huic annuere possumus, si quis commiserit etiam alia grauissima scelera distantia à maleficio, vt Menoch. d. lib. 1. ex Simanca etiam de hæresi allegat. Nam vix fieri potest, vt homo, qui Deo adhæret, & ad Diaboli partes non declinauit, horrenda scelera perpetret. Qui autem Deo valedixit, & Dæmoni fidem addixit, portam iam omnibus sceleribus etiam fœdissimis aperuit.

Duodecimum ponunt Doctores mallei maleficarum, Grilland. & Bodinu, quod sagælachry.

chrymas emittere non possint. Quod si intelligent lachrymas ex dolore peccatorum, aut oleo diuinæ suauitatis prodeuntes, facile assentior: aliàs quod non possint excutere guttas aquarum & lachrymarum, parum fidei attribuo. Quia verum est de mulieribus, quod quidam cecinit.

Vt flerent, oculos erudière suos.

Imò sæpè ex pusillanimitate, tristitia, aut dolore corporali lachrymas emittunt.

Decimum tertium. Quidam indicium sumunt ex facie de maleficis, vt si oculos in terram defigant, aut terribiles deformesq; vultus habeant. Quare cõmuniter dici solet. Deformis, vt saga. Huic concordat Bodin. lib. 3. c. 3. ex Hieronym. Cardano lib. 20. de subtilitate. & Martin. Arles ex alijs in tract. de superstit. à n. 100. Sicut enim qui in fodina auri sequitur ipsũ minerale, pallidus efficitur, & tremulus fit, qui tractat venã argenti viui: Ita qui sequitur, & inspicit horribilem & turpem visionem Dæmonis, deformis & horribilis in facie redditur. Pro his est etiam Direct. inquisitorum in 3. par. in c. de signis exterioribus, per quæ necromantici hæretici dignoscuntur & magi hereticætes, vt loquitur. Habent enim, ait, vt cõmunius, ex visione & apparitione, ac colloctione malorum spirituum toruum visum & obliquũ. Pro hac sententia facit, quod Iurisperiti tradũt, indicium ad torturam sumi ex mala physiognomia. Marsil. in pract.
§. Ex.

§. Expedita. num. 53. ex Baldo L. 2. C. Quorum appellat. non recip. Carrer. in praef. pag. 55. in 29. indicio. Menoch. lib. 1. de prob. q. d. num. 13 & alij ab eo allegati. Quomodo de moribus hominum ex physionomia iudicari possit, supra ostensum est. Et si non sit improbabile, quod a seclæ Dæmonum deformitatem in facie contrahant, tamen cum deformitas ex multis alijs causis originem sumere possit, valde infirmum & leue indicium hinc desumitur.

Decimumquartum ponitur à Lamberto Dano, in Dialogo de sortiarijs, & Ioanne Bodino lib. 2. cap. 4. & lib. 4. cap. 4. & est stigma siue nota, quam Dæmon imprimit eis maleficis & sagis in aliqua parte corporis, quos timet sibi non fore fideles: vnde principes quique magi tale signum non habent. Memini me etiam audiuisse, quibusdam nostris maleficis & sagis signa impressa fuisse. Triscalanus Magus, Bodino referente, dicebat signatis magis inesse quam vestigium leporis, & quamuis ad ossa indatur quasi acus, locum tamē sensus expertem esse. Sed quicquid sit, non puto tale signum magni faciendum esse. Facile enim, si quis querat huiusmodi signa, finget aut putabit esse, quod non est. Quod enim Patrum documentum sancitum non est, superstitiosa adinventionem non est præsumendum. 2. q. 5. cap. Consultasti. Imò si Dæmon cognosceret suos ex tali signo

signo cognosci, non imprimeret: Sicut etiam Bodin. exempla refert, in quibus postera die, post depræhensionem signi, fuit nota deleta. Similiter admodum superstitiosum est, quod prædicto affine est, quod quidam in fronte ex eradicatione Chrismatis sagas cognoscere volunt.

Decimum quintum. Referunt quidam in hunc ordinem indiciorum, quibus sagæ cognoscuntur, probationem aquæ frigidæ, sed hæc in canonibus, expressè reprobatur 2. q. 5. can. Mennam & in cap. Tuarum, de purgat. canonica. Sed de hac materia latius actum est in 2. memb. superioris tractatus, dub. 1. principali.

Decimum Sextum. Firmum putat esse Bodinus lib. 4. cap. 4. indicium in diffamata, si nata sit ex parentibus maleficis, aut altero tantum. Vnde putat hanc amplissimam esse regulam, & paucissimas exceptiones admittere. Si saga est mater, est etiam filia. Sed hæc consequentia quomodo tam necessariò cohæreat, ut Bodinus infert, non video. Sicut enim ex bonis parentibus nonnunquam oriuntur filij mali: ita ex malis quandoq; etiam boni nascuntur, sicut è spinis rosæ producuntur. Sic ex Achaz pessimo rege & idololatra natus est sanctus rex Ezechias ut in libro. Reg. est videre. Sic etiam Iosias, rex pius, qui tulit abominaciones impietatis, cuius memoria secundum Ecclesiasticum quasi mel indulcabitur, *Eccles. 49.*

Bbb

filius

filius fuit impij Idololatræ Amon. Quamuis
 enim in filijs paterni criminis exempla me-
 tuantur. can. Si quis. 6. q. 1. non tamen necessa-
 riò ita contingit. Mores enim multum iuuan-
 tur gratia Dei, in instructione, bona cõuersatio-
 ne, ac regimine. Quando autem filia alijs in-
 dicijs grauatur, auget præsumptionem, si pa-
 rens alter, vel aliqui de cognatione & familia
 fuerint magi & malefici. Hoc tamen refertur
 ad indicium malæ conuersationis & cohabi-
 tationis: Qui enim tãgit picem, coinquinatur
 ab ea. Expetit tamen non rarò malus spiri-
 tus à sagis, vt filios, aut filias sibi in obsequium
 deuoueant. Quare aliquando tam malas in-
 ueneris matres in hac arte, vt prolem necdum
 natam Dæmoni in abominabile offerant ob-
 sequium.

Decimum septimum. Est singularitas quædam
 notabilis in actibus religionis. Cùm sint su-
 perstitiosi, gaudent singularitate, & in actibus
 exterioribus non rarò incedunt in vestimen-
 tis ouium, more magistri sui, qui se etiam trãs-
 figurat in angelum lucis, intrinsecus autem
 sunt lupi rapaces.

Decimum octauum. Est mutatio loci, cur-
 runt huc atq; illuc, præsertim quando sibi ti-
 ment, vtpote quum iam sunt diffamati, vel in
 proximo sunt, vt deprehendantur: aut iam
 sciunt socios sui facinoris deprehensos, à qui-
 bus metuunt se denunciandos. Tunc enim ti-
 ment,

ment, & mirabiliter in animo discruciantur propter pœnam, quam ratione conscientia sceleris animus quasi præfagit, iuxta illud quod Sapiens attribuit magicæ artis peritis in lib. Sapientia. Frequenter enim, ait, præoccupant pessima, redarguente conscientia. Cùm sit enim timida nequitia, dat testimonium condemnationis: semper enim præsumit seua perturbata conscientia, id est, conscius sui sceleris remorsu conscientia mouetur, vt seipsum cõdemnet, & suspicetur pœnam promeritam, instare antequam etiam præfens sit, & sic nequitia efficit timidum, cùm semper propinqua esse & ante oculos versari timeat tormenta. Id quod Cicer. breuibus verbis in Orat. pro Milone significat, cùm dicit: Magna est vis conscientia in vtramq; partem, vt nec timeant, qui nihil commiserunt, & pœnam semper ante oculos versari putent qui peccauerunt. Alia est etiam huius inconstantia & mutationis de loco in locum causa. Cùm enim tam magna sit inter spiritum bonum & malum pugna, quando conscientia iam incipit remordere, mota ex tribulatione & timore extrinseco aduenienti, ob pericula & tormenta imminencia, magna nascitur etiam in animo malefici perturbatio. Quare currit de loco ad locum, quærit requiem, & non inuenit, idq; in multis obseruatum est.

Decimum nonum est inconstantia & contra-

quā nocte dormiunt, quando malefici sua negotia expediunt, & sic non possunt de secretis & ignotis in sua conscientia maleficij aliquem innocentem pronunciare. In probatione autem famæ non satis est dicere & probare famam, sed oportet etiam eius originem ostendere. Quia fama debet originem habere ab honestis personis & fide dignis, non à maleuolis & vilibus, ut probatur ex c. Qualiter & Quando. 2. de accusat. Bart. in L. de minore. §. Pluriū. de quæst. Marfil. ibid. Abb. in cap. Veniens. l. num. 8. de testib. & alijs alibi.

Quare quidam arbitrantur, & hoc argumento probant, quod ea fama, quæ in hoc maleficorum crimine originem ducit à maleficorum & complicum iudiciali denunciatione, non habeat locum. Sed aduertendum est, dictum hoc commune iuxta diuersitatem rerum & circumstantiarum aliter atq; aliter esse intelligendum, in hunc sensum, quod fama debet habere originem à viris bonis & honestis, quando qualitas personæ, natura rei, ac circumstantiæ hoc admittunt, & sic subintelligendum, nisi agatur de re turpi. Nam tunc non est contemnenda fama, quæ ortum habet à turpibus personis, exempli gratia, si agatur de peccato commisso in lupanari, poterit oriri fama à meretricibus, & lenonibus, non autem à Doctoribus, aut alijs personis honestis, quæ non solent ibidem conuersari, & similiter si
aga-

agatur de chartarum, vel taxillorum ludo, fama ortum trahit à luforibus, & sic in hoc crimine maleficorum & fagarum, boni honestiq; viri non interfunt eorum ludis, choreis, maleficijs & coniurationibus, in profunda nocte, in abditis, remotis, agrestibus, secretisq; locis. Quare fama etiam à talibus originem trahere non potest, sed à consortibus, qui tam turpibus sceleribus presentes sunt. Hanc expositionem docent Salycet. in L. Ea quidem. C. de accusat. non longè à fine, vlt. q. principali, & Iul. Clar. lib. 5. §. fin. pract. crim. q. 6. nu. 17. Et hoc est quod Bartol. in d. L. de minore. Iustinus Amedæus in tract. de Syndicatu, nu. 51. & 55. Panorm. in cap. Qualiter & quando, secutus Bartol. & alij alibi tradunt, famam debere habere initium ex probabilibus coniecturis & causis, vel iusta causa, sicut etiam ex delicto aliquando docent sumere originem.

Septimum: Fuga est etiam indicium ad torturam, quando aliquis præsertim fugit ante accusationem, vel inquisitionem contra eum formatam, vel antequam ad aliquem actum sit processum. Bart. in L. i. ff. de boniseorum, qui ante sententiam sibi mortē consciuerunt. Angel. in tract. malef. in verb. Fama publica. vers. An fuga sit sufficiens. Marfil. in d. §. Diligēter. num. 41. & alij multi: quos allegant Menoch. & Clar. loc. cit. 21. & Andreas Gaill pract. obseruat. lib. 2. obseruat. 109. Addit. Marfil. etiam

habere locum, quando fugit, dum habet suspensionem, quod contra eum formabitur inquisitio. Malefici sæpè fuga solent sibi consulere. Alia tamen est ratio; quando quis fugit post inquisitionem, & citatus redit, vel causas probabiles absentiae & fugæ allegat.

Octauum: Si aliquod opus magiæ, aut maleficij inueniatur, aut quod sapiat incantationem, vt olla plena vnguentis variarum rerum magicarum, aut alia instrumenta in ædibus diffamata & suspecta inueniantur. Aut etiam liber magiæ penes aliquem reperiatur, qualis ante tres septimanas mihi oblatus à quodam amico, qui eum post mortem cuiusdam, qui eo usus fuerat, repererat. Qui tam charus suo domino fuerat, quod eum emerat 15. daleris, secundum scriptionem in libro annotatam, & tam pestilens erat, (vt primo aspectu animaduerti) vt legere non vellem, sed statim in præsentia amici tradentis Vulcano, cui cum auctore debebatur, cōsecrarem. Nescio quot miriades Dæmonum in eo continebantur, & horrēdæ execrationes cum diris nominibus. Hoc indicium sumitur etiam ex d. Constit. Carolina in art. 44. Ad idem facit si liber hæreticus penes aliquem reperiatur, suspectus vehementissimè habetur, vt condemnari possit, si aliæ coniecturæ accedant, modò non habeat cum auctoritate superioris, potestatem habentis & concedentis ad bonum finem. Ludouic. Roman.

man. in singul. 323. incip. Eo ipso, quod libri hæresis reperiuntur. Marfil. in d. 6. Diligenter. num. 92. Menoch. lib. 2. de arbitr. Iud. qq. casu 374. num. 12. & alij ab eo citati. Huic congruit L. Maiorem. C. de fals. qui habet penes se instrumentum falsum, præsumitur falsarius, nisi ostendat vnde habuerit. Dictum indicium ponit etiam Bodinus lib. 4. cap. 4. quod puto esse tam vehemens, vt si quæ alia leuissima adsint, reus possit torqueri. Huic adiungere possumus, si de maleficio suspectus inueniatur in domo, aut stabulo alterius, aut loco & tempore, vbi & quando non debet, & sequatur effectus aliquis, vt mors, mutilatio, aut morbus. Eadem est ratio, si duobus testibus legitimis probetur reum exercuisse aliquem actum superstitiosum, qui ex communi maleficorum praxi ad aliquod maleficio dirigatur. Exempli gratia: Si duo viri viderint mulierem in aqua stantem, & aquam à tergo proijcientem in aërem, vel virum etiam tempore æstatis, dum tempestas instare animaduertitur, lapidem percutientem, aut mulierem flores de varijs arboribus colligentem, & ollæ imponentem, & de similibus simile est iudicium: hæc sunt indicia vrgentissima, quorum vnumquodq; per se sufficit ad torturam. Eadem est ratio, si vnus testis omni exceptione maior deponat de ipso crimine, vtpote qd viderit sagæ equo infundentem potionem, qui mortuus repe-

reperitur. Ad dictum enim vnus testis omni exceptione maioris, deponentis de ipso maleficio, potest quis rapi ad torturam, secundum communem Iuris peritorum sententiam, cui stipulatur Carolina Constitutio in artic. 30.

Nonum : Confessio extraiudicialis rei siue accusati, si duobus testibus probetur, facit sufficiens indicium ad torturam, secundum communem DD. sententiam, quam communem attestantur Felinus in cap. Olim, de rescriptis. Decius in c. At si clerici. de indicijs. Menoch. lib. I. de præsumpt. q. 89. num. 14. Joseph. Mascard. vol. I. de probat. Conclu. 349. Iul. Clar. in d. q. 21. nu. 31. & alij ab eo citati. Et quamuis, ut ipse Clarus doctè dicit, quidam Doctores teneant, quod huiusmodi confessio possit reuocari, ad euitandum torturam, licet de errore non doceatur: hoc tamen nullo modo est tenendum. Nam si sola reuocatio hoc operaretur, nunquam esset locus communi Conclus. Propter hoc enim deuenitur ad torturam, quia reuocatur confessio, quia si reus in ea persisteret, non esset opus tortura. Semper ergo confessio extraiudicialis facit indicium ad torturam, nisi error probetur. Bodinus lib. 4. cap. 4. plus videtur in hoc crimine tribuere confessioni extraiudiciali, sed à communi sine euidenti ratione, aut lege non est recedendum. Ad hoc indicium reduco verba malefactorum & sagarum, quæ aliquando proferunt, quan-

quando capiuntur, quibus quasi implicite confitentur; ut si dicant, actum est de me, aut: ne me morte afficiatis, rei veritatem libenter fatebor. Vel quando abducitur ab habitatione, valedicit domesticis, & propinquis, petendo veniam, & de similibus simile est iudicium: de his etiam Bodinus loco citato.

Decimum indicium commune etiam alijs criminibus, tamen in hoc maxime sibi vendicat locum, est taciturnitas rei, quando scit, vel ex literis amicorum, vel eorundem admonitione, vel etiam ex aliorum obiectione siue opprobrio, se haberi pro malefico, aut mago, & tamen non contradicit, nec opponit, sed sedata mente transit, quasi non curaret. Marfil. in pract. Criminali. §. Diligenter. num. 137. Ludouicus Carrer. in pract. pag. 55. in 28. indicio. Menoch. loco cit. num. 129. Quisquis enim innocens est, ægerrime fert infamiam sibi imponi de tanto scelere. Et ut ait Bodinus, Qui purus ab isto crimine est, calumnias à quibus in alijs criminibus metuitur, nunquam pertimescet. Dictum tamen indicium alijs adminiculis debet iuari.

Vndecimum: Si quis scelerata iuramenta, execrabiles blasphemias, & verba impudicissima frequentet, aut Dæmonis nomen semper effutiat ore, aut pueros proprios, siue alienos, aut etiam bestias in nomine Diaboli execrari solitus sit: ut, exempli gratia, rapiat te Dia-

Diabolus: excas in nomine ipsius: vellem te haberet Dæmon; & de similibus similis est censura. Qui enim talia iuramenta & execrabiles blasphemias assidue exercent, de hæresi suspecti sunt, vt docet Iacobus Simancas in comment. Catholicarum Institut. tit. 8. de blasphemis. Carrerius in tract. de hæret. quos allegat & sequitur Menoch. lib. 5. de præsumption. præsumpt. 6. & lib. 1. q. 10. à nu. 8. Alphons. Castrensis. lib. 1. de iusta hæretic. punitione. cap. 12. Quomodo ergò meritò non possunt esse tales blasphemii, & immundi execratores vehementer suspecti de maleficij crimine, in quo Deus in summo gradu læditur, relinquitur & abiuratur: & Dæmon colitur, honoratur, & patronus assumitur. Quare in præludijs superioris tractatus inter causas dispositiuas ad hoc infœlicissimum exercitium posuimus execrationem & maledicendi siue imprecandi rabiem. Huic annuere possumus, si quis commiserit etiam alia grauissima scelera distantia à maleficio, vt Menoch. d. lib. 1. ex Simanca etiam de hæresi allegat. Nam vix fieri potest, vt homo, qui Deo adhæret, & ad Diaboli partes non declinauit, horrenda scelera perpetret. Qui autem Deo valedixit, & Dæmoni fidem addixit, portam iam omnibus sceleribus etiam fœdissimis aperuit.

Duodecimum ponunt Doctores mallei maleficarum, Grilland. & Bodinu, quod sagæ lachry.

chrymas emittere non possint. Quod si intelligant lachrymas ex dolore peccatorum, aut oleo diuinæ suauitatis prodeuntes, facile assentior: aliàs quod non possint excutere guttas aquarum & lachrymarum, parum fidei attribuo. Quia verum est de mulieribus, quod quidam cecinit.

Vt flerent, oculos erudiere suos.

Imò sæpè ex pusillanimitate, tristitia, aut dolore corporali lachrymas emittunt.

Decimum tertium. Quidam indicium sumunt ex facie de maleficis, vt si oculos in terram defigant, aut terribiles deformesq; vultus habeant. Quare cõmuniter dici solet. Deformis, vt saga. Huic concordat Bodin. lib. 3. c. 3. ex Hieronym. Cardano lib. 20. de subtilitate. & Martin. Arles ex alijs in tract. de superst. à n. 100. Sicut enim qui in fodina auri sequitur ipsū minerale, pallidus efficitur, & tremulus fit, qui tractat venā argenti viui: Ita qui sequitur, & inspicit horribilem & turpem visionem Dæmonis, deformis & horribilis in facie redditur. Pro his est etiam Direct. inquisitorum in 3. par. in c. de signis exterioribus, per quæ necromantici hæretici dignoscuntur & magi hereticætes, vt loquitur. Habent enim, ait, vt cõmunius, ex visione & apparitione, ac colloctione malorum spirituum torturum visum & obliquū. Pro hac sententia facit, quod Iurisperiti tradūt, indicium ad torturam sumi ex mala physiognomia. Marsil. in pract.

§. Ex.

§. Expedita. num. 53. ex Baldo L. 2. C. Quorum appellat. non recip. Carrer. in praed. pag. 55. in 29. indicio. Menoch. lib. 1. de prob. q. d. num. 13 & alij ab eo allegati. Quomodo de moribus hominum ex physiognomia iudicari possit, supra ostensum est. Etsi non sit improbabile, quod a seclæ Dæmonum deformitatem in facie contrahant, tamen cum deformitas ex multis alijs causis originem sumere possit, valde infirmum & leue indicium hinc desumitur.

Decimumquartum ponitur à Lamberto Dano, in Dialogo de sortiarijs, & Ioanne Bodino lib. 2. cap. 4. & lib. 4. cap. 4. & est stigma siue nota, quam Dæmon imprimit eis maleficis & sagis in aliqua parte corporis, quos timet sibi non fore fideles: vnde principes quique magi tale signum non habent. Memini me etiam audiuisse, quibusdam nostris maleficis & sagis signa impressa fuisse. Triscalanus Magus, Bodino referente, dicebat signatis magis inesse quam vestigium leporis, & quamuis ad ossa indatur quasi acus, locum tamē sensus expertem esse. Sed quicquid sit, non puto tale signum magni faciendum esse. Facile enim, si quis querat huiusmodi signa, finget aut putabit esse, quod non est. Quod enim Patrum documentum sanctum non est, superstitiosa adinventionem non est præsumendum. 2. q. 5. cap. Consulti. Imò si Dæmon cognosceret suos ex tali signo

signo cognosci, non imprimeret: Sicut etiam Bodi. exempla refert, in quibus postera die, post depræhensionem signi, fuit nota deleta. Similiter admodum superstitiosum est, quod prædicto affine est, quod quidam in fronte ex eradicatione Chrismatis sagas cognoscere volunt.

Decimum quintum. Referunt quidam in hunc ordinem indiciorum, quibus sagæ cognoscuntur, probationem aquæ frigidaë, sed hæc in canonibus, expressè reprobatur 2. q. 5. can. Mennam & in cap. Tuarum, de purgat. canonica. Sed de hac materia latius actum est in 2. memb. superioris tractatus, dub. 1. principali.

Decimum Sextum. Firmum putat esse Bodinus lib. 4. cap. 4. indicium in distamata, si nata sit ex parentibus maleficis, aut altero tantum. Vnde putat hanc amplissimam esse regulam, & paucissimas exceptiones admittere. Si saga est mater, est etiam filia. Sed hæc consequentia quomodo tam necessariò cohæreat, ut Bodinus infert, non video. Sicut enim ex bonis parentibus nonnunquam oriuntur filij mali: ita ex malis quandoq; etiam boni nascuntur, sicut è spinis rosæ producuntur. Sic ex Achaz pessimo rege & idololatra natus est sanctus rex Ezechias ut in libro. Reg. est videre. Sic etiam Iosias, rex pius, qui tulit abominaciones impietatis, cuius memoria secundum Ecclesiasticum quasi mel indulcabitur, *Eccles. 49.*

filius fuit impij Idololatræ Amon. Quamuis enim in filijs paterni criminis exempla metuantur. can. Si quis. 6. q. 1. non tamen necessario ita contingit. Mores enim multum iuuantur gratia Dei, instructione, bona cōuersatione, ac regimine. Quando autem filia alijs indicijs grauat, auget præsumptionem, si parens alter, vel aliqui de cognatione & familia fuerint magi & malefici. Hoc tamen refertur ad indicium malæ cōuersationis & cōhabitationis: Qui enim tãgit picem, coinquinatur ab ea. Expetit tamen non rarò malus spiritus à sagis, vt filios, aut filias sibi in obsequium deuoueant. Quare aliquando tam malas inueneris matres in hac arte, vt prolem necdum natam Dæmoni in abominabile offerant obsequium.

Decimum septimum. Est singularitas quædam notabilis in actibus religionis. Cùm sint superstitiosi, gaudent singularitate, & in actibus exterioribus non rarò incedunt in vestimentis ouium, more magistrî sui, qui se etiam trãsfuratur in angelum lucis, intrinsecus autem sunt lupi rapaces.

Decimum octauum. Est mutatio loci, currunt huc atq; illuc, præsertim quando sibi timeant, utpote quum iam sunt diffamati, vel in proximo sunt, vt deprehendantur: aut iam sciunt socios sui facinoris deprehensos, à quibus metuant se denunciandos. Tunc enim timeant,

ment, & mirabiliter in animo discruciantur propter pœnam, quam ratione conscientia sceleris animus quasi præfagit, iuxta illud quod Sapiens attribuit magicæ artis peritis in lib. Sapientia. Frequenter enim, ait, præoccupant pessima, redarguente conscientia. Cùm sit enim timida nequitia, dat testimonium condemnationis: semper enim præsumit seua perturbata conscientia, id est, conscius sui sceleris remorsu consciëntia mouetur, vt seipsum cõdemnet, & suspicetur pœnam promeritam, instare antequam etiam præsens sit, & sic nequitia efficit timidum, cùm semper propinqua esse & ante oculos versari timeat tormenta. Id quod Cicer. breuibus verbis in Orat. pro Milone significat, cùm dicit: Magna est vis conscientia in vtramq; partem, vt nec timeant, qui nihil commiserunt, & pœnam semper ante oculos versari putent qui peccauerunt. Alia est etiam huius inconstantia & mutationis de loco in locum causa. Cùm enim tam magna sit inter spiritum bonum & malum pugna, quando consciëntia iam incipit remordere, mota ex tribulatione & timore extrinsecoaduenienti, ob pericula & tormenta imminencia, magna nascitur etiam in animo malefici perturbatio. Quare currit de loco ad locum, quærit requiem, & non inuenit, idq; in multis obseruatum est.

Decimum nonum est inconstantia & contra-

qui nocte dormiunt, quando malefici sua negotia expediunt, & sic non possunt de secretis & ignotis in sua conscientia maleficij aliquem innocentem pronunciare. In probatione autem famæ non satis est dicere & probare famam, sed oportet etiam eius originem ostendere. Quia fama debet originem habere ab honestis personis & fide dignis, non à maleuolis & vilibus, vt probatur ex c. Qualiter & Quando. 2. de accusat. Bart. in L. de minore. §. Plurius. de quæst. Marfil. ibid. Abb. in cap. Veniens. l. num. 8. de testib. & alijs alibi.

Quare quidam arbitrantur, & hoc argumento probant, quod ea fama, quæ in hoc maleficorum crimine originem ducit à maleficorum & complicum iudiciali denunciatione, non habeat locum. Sed aduertendum est, dictum hoc commune iuxta diuersitatem rerum & circumstantiarum aliter atq; aliter esse intelligendum, in hunc sensum, quod fama debet habere originem à viris bonis & honestis, quando qualitas personæ, natura rei, ac circumstantiæ hoc admittunt, & sic subintelligendum, nisi agatur de re turpi. Nam tunc nõ est contemnenda fama, quæ ortum habet à turpibus personis, exempli gratia, si agatur de peccato commisso in lupanari, poterit oriri fama à meretricibus, & lenonibus, non autem à Doctoribus, aut alijs personis honestis, quæ non solent ibidem conuersari, & similiter si
aga-

agatur de chartarum, vel taxillorum ludo, fama ortum trahit à luforibus, & sic in hoc crimine maleficorum & fagarum, boni honestiq; viri non interfunt eorum ludis, choreis, maleficijs & coniurationibus, in profunda nocte, in abditis, remotis, agrestibus, secretisq; locis. Quare fama etiam à talibus originem trahere non potest, sed à consortibus, qui tam turpibus sceleribus presentes sunt. Hanc expositionem docent Salycet. in L. Ea quidem. C. de accusat. non longè à fine, vlt. q. principali, & Iul. Clar. lib. 5. §. fin. pract. crim. q. 6. nu. 17. Et hoc est quod Bartol. in d. L. de minore. Iustinus Amedæus in tract. de Syndicatu, nu. 51. & 55. Panorm. in cap. Qualiter & quando, secutus Bartol. & alij alibi tradunt, famam debere habere initium ex probabilibus coniecturis & causis, vel iusta causa, sicut etiam ex delicto aliquando docent sumere originem.

Septimum: Fuga est etiam indicium ad torturam, quando aliquis præsertim fugit ante accusationem, vel inquisitionem contra eum formatam, vel antequam ad aliquem actum sit processum. Bart. in L. i. ff. de bonis eorum, qui ante sententiam sibi mortē consciuerunt. Angel. in tract. malef. in verb. Fama publica. vers. An fuga sit sufficiens. Marfil. in d. §. Diligenter. num. 41. & alij multi: quos allegant Menoch. & Clar. loc. cit. 21. & Andreas Gaill pract. obseruat. lib. 2. obseruat. 109. Addit. Marfil. etiam

habere locum, quando fugit, dum habet suspicionem, quod contra eum formabitur inquisitio. Malefici sæpè fuga solent sibi consulere. Alia tamen est ratio, quando quis fugit post inquisitionem, & citatus redit, vel causas probabiles absentia & fugæ allegat.

Oratium: Si aliquod opus magiæ, aut maleficij inueniatur, aut quod sapiat incantationem, vt olla plena vnguentis variarum rerum magicarum, aut alia instrumenta in ædibus diffamata & suspecta inueniantur. Aut etiam liber magiæ penes aliquem reperiatur, qualis ante tres septimanas mihi oblatus à quodam amico, qui eum post mortē cuiusdam, qui eo vsus fuerat, repperat. Qui tam charus suo domino fuerat, quod eum emerat 15. daleris, secundum scriptionem in libro annotatam, & tam pestilens erat, (vt primo aspectu animaduerti) vt legere non vellem, sed statim in præsentia amici tradentis Vulcano, cui cum auctore debebatur, cōsecrarem. Nescio quot miriades Dæmonum in eo continebantur, & horredæ execrationes cum diris nominibus. Hoc indicium sumitur etiam ex d. Constit. Carolina in art. 44. Ad idem facit si liber hæreticus penes aliquem reperiatur, suspectus vehemētissimè habetur, vt condemnari possit, si aliæ coniecturæ accedant, modò non habeat cum auctoritate superioris, potestatem habentis & concedentis ad bonum finem. Ludouic. Roman.

man. in singul. 323. incip. Eo ipso, quod libri
 hæresis reperiuntur. Marsil. in d. 6. Diligenter.
 num. 92. Menoch. lib. 2. de arbitr. Iud. qq. casu
 374. num. 12. & alij ab eo citati. Huic congruit
 L. Maiorem. C. de fals. qui habet penes se in-
 strumentum falsum, præsumitur falsarius, nisi
 ostendat vnde habuerit. Dictum indicium
 ponit etiam Bodinus lib. 4. cap. 4. quod puto
 esse tam vehemens, vt si quæ alia leuissima ad-
 sint, reus possit torqueri. Huic adiungere pos-
 sumus, si de maleficio suspectus inueniatur in
 domo, aut stabulo alterius, aut loco & tempo-
 re, vbi & quando non debet, & sequatur effe-
 ctus aliquis, vt mors, mutilatio, aut morbus.
 Eadem est ratio, si duobus testibus legitimis
 probetur reum exercuisse aliquem actum su-
 perstitiosum, qui ex communi maleficorum
 praxi ad aliquod maleficium dirigitur. Exē-
 pli gratia: Si duo viri viderint mulierem in a-
 qua stantem, & aquam à tergo proijcientem
 in aërem, vel virum etiam tempore æstatis,
 dum tempestas instare animaduertitur, lapi-
 dem percutientem, aut mulierem flores deva-
 rijs arboribus colligentem, & ollæ imponen-
 tem, & de similibus simile est iudicium: hæc
 sunt indicia vrgentissima, quorum vnum-
 quodq; per se sufficit ad torturam. Eadem est
 ratio, si vnus testis omni exceptione maior de-
 ponat de ipso crimine, vtpote q̃ viderit sagā
 equo infundentem potionem, qui mortuus
 repe-

reperitur. Ad dictum enim vnus testis omni exceptione maioris, deponentis de ipso maleficio, potest quis rapi ad torturam, secundum communem Iuris peritorum sententiam, cui astipulatur Carolina Constitutio in artic. 30.

Nonum : Confessio extraiudicialis rei siue accusati, si duobus testibus probetur, facit sufficiens indicium ad torturam, secundum communem DD. sententiam, quam communem attestantur Felinus in cap. Olim, de rescriptis. Decius in c. At si clerici. de indicatijs. Menoch. lib. 1. de præsumpt. q. 89. num. 14. Ioseph. Mascard. vol. 1. de probat. Conclu. 349. Iul. Clar. in d. q. 21. nu. 31. & alij ab eo citati. Et quamuis, ut ipse Clarus doctè dicit, quidam Doctores teneant, quod huiusmodi confessio possit reuocari, ad euitandum torturam, licet de errore non doceatur: hoc tamen nullo modo est tenendum. Nam si sola reuocatio hoc operaretur, nunquam esset locus communi Conclus. Propter hoc enim deuenitur ad torturam, quia reuocatur confessio, quia si reus in ea persisteret, non esset opus tortura. Semper ergo confessio extraiudicialis facit indicium ad torturam, nisi error probetur. Bodinus lib. 4. cap. 4. plus videtur in hoc crimine tribuere confessioni extraiudiciali, sed à communi sine euidenti ratione, aut lege non est recedendum. Ad hoc indicium reduco verba malefactorum & sagarum, quæ aliquando proferunt, quan-

quando capiuntur, quibus quasi implicite confitentur; vt si dicant, actum est de me, aut: ne me morte afficiatis, rei veritatem libenter fatebor. Vel quando abducitur ab habitatione, valedicit domesticis, & propinquis, petendo veniam, & de similibus simile est iudicium: de his etiam Bodinus loco citato.

Decimum indicium commune etiam alijs criminibus, tamen in hoc maxime sibi vendicat locum, est taciturnitas rei, quando scit, vel ex literis amicorum, vel eorundem admonitione, vel etiam ex aliorum obiectione siue opprobrio, se haberi pro malefico, aut mago, & tamen non contradicit, nec opponit, sed sedata mente transit, quasi non curaret. Marfil. in pract. Criminali. §. Diligenter. num. 137. Ludouicus Carrer. in pract. pag. 55. in 28. iudicio. Menoch. loco cit. num. 129. Quisquis enim innocens est, ægerrime fert infamiam sibi imponi de tanto scelere. Et vt ait Bodinus, Qui purus ab isto crimine est, calumnias à quibus in alijs criminibus metuitur, nunquam pertimescet. Dictum tamen indicium alijs adminiculis debet iuuari.

Vndecimum: Si quis scelerata iuramenta, execrables blasphemias, & verba impudicissima frequentet, aut Dæmonis nomen semper effutiat ore, aut pueros proprios, siue alienos, aut etiam bestias in nomine Diaboli execrari solitus sit: vt, exempli gratia, rapiat te Dia-

Diabolus: ex eas in nomine ipsius: vellem te haberet Dæmon; & de similibus similis est censura. Qui enim talia iuramenta & execrabiles blasphemias assidue exercent, de hæresi suspecti sunt, vt docet Iacobus Simancas in comment. Catholicarum Institut. tit. 8. de blasphemis. Carrerius in tract. de hæret. quos allegat & sequitur Menoch. lib. 5. de præsumption. præsumpt. 6. & lib. 1. q. 10. à nu. 8. Alphons. Castrensis. lib. 1. de iusta hæretic. punitione. cap. 12. Quomodo ergò meritò non possunt esse tales blasphemi, & immundi execratores vehementer suspecti de maleficij crimine, in quo Deus in summo gradu læditur, relinquitur & abiuratur: & Dæmon colitur, honoratur, & patronus assumitur. Quare in præludijs superioris tractatus inter causas dispositiuas ad hoc infœlicissimum exercitium posuimus execrationem & maledicendi siue imprecandi rabiem. Huic annuere possumus, si quis commiserit etiam alia grauissima scelera distantia à maleficio, vt Menoch. d. lib. 1. ex Simanca etiam de hæresi allegat. Nam vix fieri potest, vt homo, qui Deo adhæret, & ad Diaboli partes non declinauit, horrenda scelera perpetret. Qui autem Deo valedixit, & Dæmoni fidem addixit, portam iam omnibus sceleribus etiam fœdissimis aperuit.

Duodecimum ponunt Doctores mallei maleficarum, Grilland. & Bodinu, quod sagælachry.

chrymas emittere non possint. Quod si intelligent lachrymas ex dolore peccatorum, aut oleo diuinæ suauitatis prodeuntes, facile assentior: aliàs quod non possint excutere guttas aquarum & lachrymarum, parum fidei attribuo. Quia verum est de mulieribus, quod quidam cecinit.

Vt flerent, oculos erudière suos.

Imò sæpè ex pusillanimitate, tristitia, aut dolore corporali lachrymas emittunt.

Decimum tertium. Quidam indicium sumunt ex facie de maleficis, vt si oculos in terram defigant, aut terribiles deformesq; vultus habeant. Quare cõmuniter dici solet. Deformis, vt saga. Huic concordat Bodin. lib. 3. c. 3. ex Hieronym. Cardano lib. 20. de subtilitate. & Martin. Arles ex alijs in tract. de superstit. à n. 100. Sicut enim qui in fodina auri sequitur ipsũ minerale, pallidus efficitur, & tremulus fit, qui tractat venã argenti viui: Ita qui sequitur, & inspicit horribilem & turpem visionem Dæmonis, deformis & horribilis in facie redditur. Pro his est etiam Direct. inquisitorum in 3. par. in c. de signis exterioribus, per quæ necromantici hæretici dignoscuntur & magi hereticætes, vt loquitur. Habent enim, ait, vt cõmunius, ex visione & apparitione, ac colloctione malorum spirituum toruum visum & obliquũ. Pro hac sententia facit, quod Iurisperiti tradũt, indicium ad torturam sumi ex mala physiognomia. Marfil. in pract.

§. Ex.

§. Expedita. num. 53. ex Baldo L. 2. C. Quorum appellat. non recip. Carrer. in praef. pag. 55. in 29. indicio. Menoch. lib. 1. de prob. q. d. num. 13 & alij ab eo allegati. Quomodo de moribus hominum ex physognomia iudicari possit, supra ostensum est. Et si non sit improbabile, quod a seclæ Dæmonum deformitatem in facie contrahant, tamen cū deformitas ex multis alijs causis originem sumere possit, valde infirmum & leue indicium hinc desumitur.

Decimumquartum ponitur à Lamberto Dano, in Dialogo de sortiarijs, & Ioanne Bodino lib. 2. cap. 4. & lib. 4. cap. 4. & est stigma siue nota, quam Dæmon imprimit eis maleficis & sagis in aliqua parte corporis, quos timet sibi non fore fideles: vnde principes quique magi tale signum non habent. Memini me etiam audiuisse, quibusdam nostris maleficis & sagis signa impressa fuisse. Triscalanus Magus, Bodino referente, dicebat signatis magis inesse quam vestigium leporis, & quamuis ad ossa indatur quasi acus, locum tamē sensus expertem esse. Sed quicquid sit, non puto tale signum magni faciendum esse. Facile enim, si quis querat huiusmodi signa, finget aut putabit esse, quod non est. Quod enim Patrum documentum sancitum non est, superstitiosa adinventionē non est præsumendum. 2. q. 5. cap. Consulti. Imò si Dæmon cognosceret suos ex tali signo

signo cognosci, non imprimeret: Sicut etiam Bodin. exempla refert, in quibus postera die, post depræhensionem signi, fuit nota deleta. Similiter admodum superstitiosum est, quod prædicto affine est, quod quidam in fronte ex eradicatione Chrismatis sagas cognoscere volunt.

Decimum quintum. Referunt quidam in hunc ordinem indiciorum, quibus sagæ cognoscuntur, probationem aquæ frigidæ, sed hæc in canonibus, expressè reprobatur 2. q. 5. can. Mennam & in cap. Tuarum, de purgat. canonica. Sed de hac materia latius actum est in 2. memb. superioris tractatus, dub. 1. principali.

Decimum Sextum. Firmum putat esse Bodinus lib. 4. cap. 4. indicium in diffamata, si nata sit ex parentibus maleficis, aut altero tantum. Vnde putat hanc amplissimam esse regulam, & paucissimas exceptiones admittere. Si saga est mater, est etiam filia. Sed hæc consequentia quomodo tam necessariò cohæreat, ut Bodinus infert, non video. Sicut enim ex bonis parentibus nonnunquam oriuntur filij mali: ita ex malis quandoq; etiam boni nascuntur, sicut è spinis rosæ producuntur. Sic ex Achaz pessimo rege & idololatra natus est sanctus rex Ezechias ut in libro. Reg. est videre. Sic etiam Iosias, rex pius, qui tulit abominaciones impietatis, cuius memoria secundum Ecclesiasticum quasi mel indulcabitur, 4. Reg. 18.
Eccles. 49.

filius fuit impij Idololatræ Amon. Quamuis enim in filijs paterni criminis exempla metuantur. can. Si quis. 6. q. 1. non tamen necessario ita contingit. Mores enim multum iuuantur gratia Dei, instructione, bona cōuersatione, ac regimine. Quando autem filia alijs indicijs grauatur, auget præsumptionem, si parens alter, vel aliqui de cognatione & familia fuerint magi & malefici. Hoc tamen refertur ad indicium malæ cōuersationis & cōhabitationis: Qui enim tãgit picem, coinquinatur ab ea. Expetit tamen non rarò malus spiritus à sagis, vt filios, aut filias sibi in obsequium deuoueant. Quare aliquando tam malas inueneris matres in hac arte, vt prolem necdum natam Dæmoni in abominabile offerant obsequium.

Decimum septimum. Est singularitas quædam notabilis in actibus religionis. Cùm sint superstitiosi, gaudent singularitate, & in actibus exterioribus non rarò incedunt in vestimentis ouium, more magistri sui, qui se etiam trāsfigurat in angelum lucis, intrinsecus autem sunt lupi rapaces.

Decimum octauum. Est mutatio loci, currunt huc atq; illuc, præsertim quando sibi timent, vtpote quum iam sunt diffamati, vel in proximo sunt, vt deprehendantur: aut iam sciunt socios sui facinoris deprehensos, à quibus metuunt se denunciandos. Tunc enim ti-

ment,

ment, & mirabiliter in animo discruciantur propter pœnam, quam ratione conscientia sceleris animus quasi præfagit, iuxta illud quod Sapiens attribuit magicæ artis peritis in lib. Sapientia. Frequenter enim, ait, præoccu- *Sapient. 17.* pant pessima, redarguente conscientia. Cùm sit enim timida nequitia, dat testimonium condemnationis: semper enim præsumit seu perturbata conscientia, id est, conscius sui sceleris remorsu conscientia mouetur, vt se ipsum cõdemnet, & suspicetur pœnam promeritam, instare antequam etiam præfens sit, & sic nequitia efficit timidum, cùm semper propinqua esse & ante oculos versari timeat tormenta. Id quod Cicer. breuibus verbis in Orat. pro Milone significat, cùm dicit: Magna est vis conscientia in vtramq; partem, vt nec timeant, qui nihil commiserunt, & pœnam semper ante oculos versari putent qui peccauerunt. Alia est etiam huius inconstantia & mutationis de loco in locum causa. Cùm enim tam magna sit inter spiritum bonum & malum pugna, quando conscientia iam incipit remordere, mota ex tribulatione & timore extrinseco aduenienti, ob pericula & tormenta imminencia, magna nascitur etiam in animo malefici perturbatio. Quare currit de loco ad locum, quærit requiem, & non inuenit, idq; in multis obseruatum est.

Decimum nonum est inconstantia & contra-

rietas in verbis. Facit enim conscientia sceleris timorq; quo concutiuntur, vt parum sibi consent. Hæc autem indicium facere ad torturam tradunt Doctores. Marfil. in d. §. Diligenter. num. 74. Francis. Brunus de indicij & tortura par. 1. q. 3. Angel. ab Aretio in tract. malefic. verb. Fama publica. Bartol. in L. fin. ff. de quæst. & alij multi, quos refert Menoch. in d. q. 89. lib. 1. de præsumpt. hoc tamen indicium non est tantum, vt ex eo quis debeat subijci tormentis, nisi alia, magis mouentia accedant. Habent tamen hoc proprij sagæ & malefici, vt vix respondeant ex proposito ad interrogata, sed nutant in responsionibus, vt obseruandum statuit Bodinus in d. c. 4. lib. 4.

Vigesimum indicium, efficere possunt titubatio & animi trepidatio, quando reus examinatur, & interrogatur. Marfil. loco cit. Bartol. in L. de minore, §. Plurimum. Angel. in d. verb. Fama publica. Menoch. vbi supra. num. 72. Iul. Clar. in d. q. 21. lib. 5. num. 39. & alij communiter. Huc facit illud Ciceronis lib. 2. ad Herennium. Titubatio, inquit, mutatio coloris, oratio inconstans, tremor & id genus alia: nempe si constiterit reum, cum ad eum ventum est, erubuisse, titubasse, expalluisse, inconstanter locutum esse, concidisse, pollicitum esse aliquid. Et illud Prouerb. 10. Pauor his, qui operantur malum. Postremò, quoniam Iudices aliquando ad inquirendam veritatem

tatem maleficos captiuos duos in conspectu opponunt, vel ut aliqui vocant confrontant, summatum adhibenda est iudici prudētia, vt bene dicta examinet, quid opponatur, quomodo ab altero respondeatur, an alter taceat an neget, qua animi constantia, qua verborum arte, quia quosdam honoratiores & prudentiores instruit Diabol. vt valde callidē loquātur. Hic etiam valde bene notanda duo illa vltima indicia. Hoc loco de confrontatione maleficorum aduertendum est quando alter eorum tantum in vinculis, & vult alteri necdum vinculis constituto crimen in frontem dicere, in quo sibi socius fuit, vt hoc non fiat temerē, nisi alia indiciataalia præcedant, vt, si testis in frontem deponens constanter in confessione & obiectione perseueret, cum probabili circumstantiarum declaratione, in custodia detineri possit, si rationibus legitimis opponentis dicta non elidat, sed potius indicia facinoris præbeat. Quia magna est infamia ei, qui pro bono viro habetur, confrontari cum homine reo tanti sceleris, quasi socius criminis sit, quam non licet vlli iudici alicui inferre, nisi alia sufficientia indicia præcedant, quæ loco diffamationis sint. Etenim indicia propinqua siue semiplena suppleant locum diffamationis, vt multis allegationibus declarat. Marsil. in practica crimin. 6. Constante. à num. 19. Si autem confrontatus

EXTRA VAGAN-

TES ET BVLLÆ APO-

STOLICAE DIVERSORVM PON-

*tificum edita contra Magos, Incanta-
tores, Sortilegos, aliosq; Su-
perstitiosos.*

EXTRA VAGANS

IOANNIS XXII. CONTRA

Magos, magicasque super-
stitutiones.

SUPER illius specula, quamvis im-
meriti, eius fauente clementia, qui
primum hominem humani generis
generis protoplasti, terrenis praelatum, diui-
nis virtutibus adornatum, conformem &
consimilem imagini suae fecit, reuocauit pro-
fugum legem dādo, ac demum liberauit cap-
tiuum, reinuenit perditum, & redemis ven-
ditum merito suae passionis, ut contemplare-
mur ex illa super filios hominum, qui Chri-
stianae religionis cultu Deum intelligunt &
requirunt: dolenter aduertimus, quod etiam
cum nostrorum turbatione viscerum cogita-
mus, quamplures esse solo nomine Christia-

nos, qui relicto primo veritatis lumine, tanta erroris caligine obnubilantur, quod cum morte fœdus ineunt, & pactum faciunt cum inferno: demonibus namque immolant: hos adorant, fabricant, ac fabricari procurant imagines: annulum, vel speculum, vel phialam, vel rem quamcunq̃, aliam magicè ad demones inibi alligandos, ab his petunt, responsa ab his recipiunt, & pro implendis prauis suis desiderijs auxilia postulant, pro re fœtidissima fœtidam exhibent seruitutem (proh dolor) huiusmodi morbus pestifer, nunc per mundum solito amplius conualescens, successiue grauius inficit Christi gregem. Cum igitur ex debito suscepti pastoralis officij, oues oberrantes per deuia, teneamur ad caulas Christi reducere, & excludere à grege Dominico morbidas, ne alias corrumpant: Hoc edicto in perpetuum valituro, de consilio fratrum nostrorum, monemus omnes & singulos renatos fonte Baptismatis, in virtute sanctæ obedientiæ, & sub interminatione anathematis precipientes eisdem, quod nullus ipsorum, aliquid de peruersis dictis dogmatibus docere ac addiscere audeat: vel, quod execrabilius est, quomodo libet alio in aliquo illis uti. Et quia dignum est, quod
 hi,

hi, qui per sua opera peruersa spernunt Altissimum, pœnis suis pro culpis debitis percellantur: Nos in omnes & singulos, qui contra nostra saluberrima monita & mandata facere de prædictis quicquam præsumpserint, excommunicationis sententiam promulgamus, quam ipsos incurrere volumus ipso facto: statuentes firmiter, quod præter pœnas prædictas, contra tales, qui admoniti de prædictis, seu prædictorum aliquo infra octo dies à monitione computandos præfata, à præfatis non se correxerint, ad infligendas pœnas omnes & singulas, præter bonorum confiscationem dumtaxat, quas de iure merentur hæretici, per suos competentes Iudices procedatur. Verùm cum sit expediens, quod ad hęc tam nefanda omnis via, omnisq; occasio præcludantur, de dictorum nostrorum fratrum consilio vniuersis præcipimus & mandamus, quod nullus eorum libellos, scripturas quas cunq; de præfatis damnatis erroribus quicquam continentes, habere, aut tenere, vel in ipsis studere præsumat; quin potius volumus, & in virtute sanctæ obedientiæ cunctis præcipimus, quod quicunq; de scripturis præfatis vel libellis quicquam habuerint, infra octo dierum spacium ab huiusmodi edicti nostri

notitia computandum, totum, & in toto, &
in qualibet sui parte abolere, & comburere
teneantur: alioquin volumus, quod incur-
rant sententiam excommunicationis ipso
facto, processuri contra contemptores huius-
modi (cūm constiterit) ad pœnas alias gra-
uiore. Datum Avinione.

SIXTVS QVARTVS. DILECTO FILIO VICARIO

Venerabilis Fratris nostri Episcopi
Bononiensis in Spirituali-
bus generali.

Dilecte fili, salutem & Apostolicam be-
nedictionem.

Nunciatum est nobis, nonnullos ordinis
S. Maria de monte Carmeli fratres, tantū
fuisse temeritatis, ut veriti non sint dispu-
tando & predicando in nostra ciuitate Bo-
noniensi eiusq. comitatu asserere, nō esse ha-
reticū, & à puritate fidei alienum, damo-
num excoſtare responsa: ob quod aduersus
Dei puritatem scandala multa exor-
itur. Quis id indignè molesteq. feren-
tes, & de promissis certam notitiam non ha-
bentes, diſ. regioni tuæ per presentes com-
mitti-

mittimus & mandamus, ut omni oportuna
 adhibita diligentia & industria. veram no-
 titiam habere cures? an sit, qui fuerint hu-
 iusmodi assertores, & quæ scandala propter
 ea sint exorta. Quicquid autem in præmissis
 inueneris, in scriptis authenticè redactum,
 ad dilectum filium Franciscum de Toletò,
 Notarium & Datarium nostrum domesti-
 cum, sub tuo sigillo transmittas: ut ab eo de
 omni re certiores facti, quid agi conveniat,
 auctore Domino statuere valeamus. Da-
 tum Romæ apud S. Petrum, sub annulo piscato-
 ris, die 17. Iunij. M. CCCC. LXXIII.
 Pontificatus nostri anno secundo.

INNOCENTIVS VIII.

Inquisitoribus Germaniæ.

INNOCENTIVS EPISCOPVS

Seruus seruorum Dei, Ad futuram
 rei memoriam,

Svmmis desiderantes affectibus, prout pa-
 storalis sollicitudinis cura requirit, ut fi-
 des Catholica nostris potissimè temporibus
 ubi q̃ augeatur, & floreat, ac omnis hereti-
 ca prauitas de finibus fidelium procul pella-
 tur, ea libenter declaramus, ac etiam de no-

uo concedimus, per quæ huiusmodi pium desiderium nostrum votiuum sortiatur effectū, cunctisq; propterea per nostræ operationis ministerium, quasi per prouidi operatoris sarculum erroribus extirpatis, eiusdem fidei zelus & obseruantia in ipsorum corda fidelium fortius imprimatur. Sanè nuper ad nostrum non sine ingenti molestia peruenit auditum, quod in nonnullis partibus Alemania superioris, nec non in Moguntinen. Coloniën. Treueren. Saltzburgen. & Bremen. prouincijs, ciuitatibus, terris, locis, & diæcesibus, complures utriusq; sexus personæ, propria salutis immemores, & à fide Catholica deuiantes, cum Daemonibus incubis & succubis abuti, ac suis incantationibus, carminibus, & coniurationibus, alijsq; nephandis superstitionibus & sortilegijs, excessibus, criminibus & delictis, mulierum partus, animalium fœtus, terræ fruges, vinearum uuas & arborum fructus, nec non homines, mulieres, pecora, pecudes, & alia diuersorum generum animalia; vineas quoq; pomeria, prata, pascua, blada, frumenta, & alia terræ legumina perire, suffocari & extinguere facere, & procurare, ipsosq; homines, mulieres, iumenta, pecora, pecudes, & animalia diris tam
 intrin-

intrinsecis quàm extrinsecis doloribus &
 tormentis afficere, & excruciare, ac eosdem
 homines ne gignere, & mulieres ne concipe-
 re, virosq; ne vxoribus, & mulieres ne viris
 actus coniugales reddere valeant, impedire:
 fidē praterca ipsam, quā in sacri susceptione
 Baptismi susceperunt, ore sacrilego abnega-
 re: Aliaq; quamplurima nefanda, excessus
 & crimina, instigante humani generis ini-
 mico, committere & perpetrare non veren-
 tur, in animarum suarum periculum, diui-
 na maiestatis offensam, ac perniciosum exē-
 plum ac scandalum plurimorum. Quodq; li-
 cet dilecti filij, Henricus Institoris, in predi-
 ctis partibus Alemania superioris, in quibus
 etiam prouincia, ciuitates, terra, diæceses,
 & alia loca huiusmodi comprehensa fore cē-
 sentur: nec non Iacobus Sprenger, per certas
 partes lineæ Rheni, Ordinis Prædicatorum,
 & Theologiae Professores, hæretica prauita-
 tis Inquisitores per literas Apostolicas de-
 putati fuerunt, prout adhuc existunt, tamē
 nonnulli clerici & laici illarum partium,
 quærentes plura sapere, quàm oporteat, pro
 eo quod in literis deputationis huiusmodi
 prouincia, ciuitates, diæceses, terra, & alia
 loca prædicta, illarumq; persona ac excessus
 huius-

huiusmodi nominatim & specificè expressa non fuerunt, illa sub eisdem partibus minime contineri, & propterea præfatis Inquisitoribus in Prouincijs, ciuitatibus, diocesis, terris & locis prædictis huiusmodi Inquisitionis officium exequi non licere, & ad personarum earundem super excessibus & criminibus antedictis, punitionem, incarcerationem, & correctionem admitti non debere, pertinaciter asserere non erubescunt. Propter quod in Prouincijs, ciuitatibus, diocesis, terris & locis prædictis excessus & crimina huiusmodi non sine animarum earundem euidenti iactura, & æternæ salutis dispendio remanent impunita. Nos igitur impedimenta quælibet, per quæ ipsorum Inquisitorum officij executio, quomodolibet retardari posset, de medio submouere, & ne late hæreticæ prauitatis, aliorumque excessuum huiusmodi in perniciem aliorum innocentium sua venena diffundat, opportunis remedijs, prout nostro incumbit officio, providere volentes, fidei zelo ad hoc maxime nos impellente, ne propterea contingat, Prouincias, ciuitates, dioceses, terras, & loca prædicta sub eisdem partibus Alemania superioris debito Inquisitionis officio carere, eisdem Inquisitori-

teribus in illis officium Inquisitionis huius-
 modi exequi licere, & ad personarum earū-
 dem, super excessibus & criminibus pradi-
 ctis correctionem, incarcerationem, & pu-
 nitionem admitti debere, perinde in omni-
 bus & per omnia, ac si in litteris pradi-
 ctis Provinciae, ciuitates, dioceses, terra, & loca
 ac persone, & excessus huiusmodi nomina-
 tim, & specificè expressa forent, auctoritate
 Apostolica, tenore presentium statuimus.
 Proq. potiori cautela litteras & deputatio-
 nem pradi-
 ctas ad prouincias, ciuitates, dia-
 ceses, terras, & loca, nec non personas, & cri-
 mina huiusmodi extendentes, prafatis In-
 quisitoribus, quod ipsi & alter eorum ascer-
 fito secum dilecto filio, Ioanne Gremper Cle-
 rico Constantien. diocesis magistro in arti-
 bus eorum moderno, seu quouis alio notario
 publico, per ipsos, & quemlibet eorum pro tē-
 pore deputando in Prouincijs, ciuitatibus,
 diocesibus, terris, & locis pradi-
 ctis contra
 quascunq. personas cuiuscunq. conditionis
 & prae-
 eminentia fuerint, huiusmodi Inqui-
 sitionis officium exequi, ipsasque personas,
 in quas pramissis culpabiles reperierint,
 iuxta earum demerita corrigere, incarcere-
 rare, punire & mulctare. Nec non in singu-
 lis

lis Prouinciarum huiusmodi parochialibus Ecclesiis, verbum Dei fideli populo, quotiens expedierit, ac eis visum fuerit, proponere & predicare, omniaq; alia & singula in praemissis & circa ea necessaria & oportuna facere, & similiter exequi liberè & licitè valeant, plenam ac liberam, eadem auctoritate de nouo concedimus facultatem. Et nihilominus venerabili fratri nostro Episcopo Argentinensi, per Apostolica scripta mandamus, quatenus ipse per se, vel per alium, seu alios praemissa ubi, quando, & quotiens expedire cognouerit, fueritq; pro parte Inquisitorum huiusmodi seu alterius eorum legitime requisitus, solemniter publicans, non permittat eos per quoscunq; super hoc contra praedictarum & praesentium litterarum tenorem, quauis auctoritate molestari seu alias quomodolibet impediri: molestatores & impedientes, & contradictores quoslibet & rebelles cuiuscunq; dignitatis, status, gradus, praecminentiae, nobilitatis, & excellentiae, aut conditionis fuerint, & quocunq; exemptionis privilegio sint muniti, per excommunicationis, suspensionis, & interdicti, ac alias etiam formidabiliores, (de quibus sibi videbitur) sententias, censuras & poenas, omne

omni appellatione postposita, compescendo,
 & etiam legitimis super his per eum seruandis
 processibus, sententias ipsas, (quoties opus
 fuerit) aggravare, & reaggravare, auctori-
 tate nostra procuret, inuocato ad hoc, si opus
 fuerit, auxilio brachij secularis. Non obsta-
 tibus prænissis ac Constitutionibus & ordi-
 nationibus Apostolicis cōtrarijs quibuscunq̃.
 Aut si aliquibus communiter vel diuissim ab
 Apostolica sit sede indultum, quod interdici,
 suspendi, vel excommunicari non possint, per
 litteras Apostolicas non facientes plenam &
 expressam, ac de verbo ad verbum, de indul-
 to huiusmodi mentionem, & qualibet alia
 dictæ sedis indulgentiæ generali vel speciali,
 cuiuscunq̃ tenoris existat, per quam presen-
 tibus non expressam, vel totaliter non inser-
 tam, effectus huiusmodi gratiæ impediri
 valeat, quomodolibet vel differri, & de qua-
 runq̃ toto tenore habenda sit in nostris litte-
 ris mentio specialis.

Nulli ergo omnino hominum liceat hanc
 paginam nostræ declarationis, extensionis,
 concessionis, & mādati infringere, vel ei au-
 sū temerario contraire. Si quis autem hoc
 attentare presumpserit, indignationem om-
 nipotentis Dei, ac Beatorum Petri & Pauli

Apostolorum eius se nouerit incursum.
Datum Roma apud S. Petrum, Anno in-
carnationis Dominica 1484. Non. Decembr.
Pontificatus nostri anno primo.

ALEXANDER VI.
DILECTO FILIO ANGELO
 de Verona, Ordinis Prædicatorum, Sa-
 cræ Theologiæ Professori, in Prouin-
 cia Lombardiæ hæreticæ prauita-
 tis Inquisitori.

Dilecte fili, Salutem & Apostolicam be-
 nedictionem.

Cum acceperimus in Prouincia Lom-
 bardia, diuersas utriusq; sexus personas, di-
 uersis incantationibus, & diabolicis super-
 stitionibus operam dare: suisq; veneficijs, &
 vanis obseruationibus multa nefanda sce-
 lera procurare, homines & iumenta, ac cam-
 pos destruere, & diuersos errores inducere,
 magnaq; inde scandala exoriri: decreuimus
 pro pastoralis officij nobis ex alto commissi
 ministerio, scelera huiusmodi compescere: ac
 scandalis & erroribus præmissis, quantum
 cum Deo possumus, occurrere. Ea propter tam
 tibi: quàm etiam successoribus tuis, per Lom-
 bar-

Cardiam constitutis, de quibus in his & alijs plenam in Domino fiduciam obtinemus, committimus & mandamus; ut etiam soli, honesto tamen comitatu per vos eligendo associati, contra easdem utriusque sexus personas diligenter inquiratis; easque iustitia mediante puniatis, & compescatis. Et ut melius commissionem huiusmodi exequi possitis, contra illas vobis plenam & omnimodam harum serie concedimus facultatem. Constitutionibus, & ordinationibus Apostolicis, nec non indultis & concessionibus, ordinarijs forsitan pro tempore factis, ceterisque contrarijs quibuscunque non obstantibus. Datum Roma apud Sanctum Petrum, sub annulo Piscatoris, die, & c.

LEO PAPA X.

UNIVERSIS ET SINGVLIS
 locorum Ordinarijs, ac hæreticæ prauitatis Inquisitoribus in dominio Venetorum consistentibus, Salutem &
 Apostolicam benedictionem.

Honestis petentium votis libenter annuimus, eaque fauoribus persequimur oportet.

portunis. Alias ad petitionem dilectorum fra-
 liorum nobilium virorum Ducis & Dominū
 Venetorum, cum in Brixienſi & Pergamenſi
 ciuitatibus & diœceſibus, quoddam hominū
 genus pernicioſiſſimum ac damnaſiſſimum
 late hæretica, per quam ſuſceptorennuncia-
 batur Baptiſmatis Sacramento, Dominum
 abnegabant, & Satana, cuius conſilio ſedu-
 cebantur, corpora & animas conferebant,
 & ut illi rem gratam facerent, in necandis
 infantibus paſſim ſtudebant, & alia maleſ-
 cia & ſortilegia exercere non verebantur,
 quod ita factum eſſe videbatur, ut ad eorum
 errorem extirpandum opportuna adhiberē-
 tur remedia. Volentes etiam eiufdem gene-
 ris nonnullos indicibili pœna obſtinatē vi-
 tam potius perfidē amittere, quàm errorem
 ſuum cognoscere maluiſſe, & propterea de ri-
 goroso nimium (ut dicebatur) veſtri ordina-
 riorum contra tales proceſſu, dubitātes, Ve-
 nerabilem fratrem Episcopum Polenſem no-
 ſtrum & Apoſtolice ſedis apud eoſdē Ducem
 & dominium Nuncium vobis adiungēdum
 duximus, cum facultate per ſe vel alium, ſeu
 alios proceſſus per vos habitos, ſeu factos ex-
 aminandi, & reuidendi: & ſi vos Inquiſito-
 res proceſſus prædictos rite & rectē, ac iuxta
 for-

formam iuris habitos fecissetis contra tale
 hominum damnatorum genus unà vobiscū
 procedendi & inquirendi; nec non procura-
 tores & advocatos, scribas, ceterosq; ad In-
 quisitionis præfatæ exercitium necessarios
 & opportunos, officiales & ministros cum
 competentibus salarijs deputandi, & homi-
 nes prædictos (quod redire ad Ecclesie uni-
 tatem vellent) clementer suscipiendi, eisq;
 penitentiam salutarem iniungendi, & eos
 absolviendi, etiam in utroq; foro, & incorri-
 gibiles condemnandi, & brachio seculari tra-
 dendi, ceteraq; quæ vos de iure, vel consue-
 tudine facere possitis, & deberetis faciendi,
 gerendi, exercendi, & exequendi, prout in
 litteris desuper confectis continetur.

Cū igitur commissionis huiusmodi vi-
 gore præfatus Nuncius, venerabilem fratrem
 Episcopum Iustinopolitanum in partibus il-
 lis commorantem, ad præmissa unà vobiscū
 pertractanda & exequenda subdelegaverit,
 vosq; & ipse subdelegatus in valle Commu-
 nica Brixienfis diocesis, ubi maxime huius-
 modi damnati generis homines vigent &
 pullulant, processeritis; ac nonnullos culpabi-
 les repertos, & curia seculari tradendos, nec-
 non iam condemnatos habueritis, videtur,

quod per Venetorum Collegium Pratori Brixiensi mandatum fuerit, ne sententias huiusmodi exequeretur, & vobis & eidem subdelegato, ne ad executionem illarum procederetis in hiberet, prout inhibitum fuit: ac expensas & salaria pro huiusmodi Inquisitionis negotia necessaria submoueret, & retraheret: nec non processus contra culpabiles prædictos habitos & factos eis transmitteret, seu transmitti faceret: & quod deterius est, subdelegatum prædictum ad coram eis in ciuitate Venetiarum comparendum, cogeret & cōpelleret, prout coactus & cōpulsus fuit. Et quia propter dictas litteras, in quib. dictus Nuncius adiunctus fuit, ab aliquibus hæsitatur, an propter hoc facultas vestra diminuta existat, ita quod prout ante datas huiusmodi litteras potuissetis, procedere non possitis: inde censuræ & contra iuris & sacrorum canonum dispositionem, ac Ecclesiasticam libertatem existat, laicos de personis & causis ecclesiasticis se intromittere, nolle quod iniuncta à vobis executionem adimplere, nisi processibus, ac sententijs per eos visis & examinatis, ac si ipsi in clericos causasque ecclesiasticas superioritate & iurisdictionem haberent: cum tamē in clericos causasque huiusmodi, laicis nulla

facult.

facultas attributa sit, quos obsequēdi & exe-
quendi manet necessitas, non auctoritas im-
perandi, propter quod inter Christi fideles nō
modicum surgit scandalum. Nos igitur, ne
quod ad salutem animarum, & dictarum
causarum faciliorem expeditionem intro-
ductum est, in damnum & percellationem
conuertatur, & propterea ob diuturnitatem
tēporis infēlices anima huiusmodi peccatis
magis grauētur, & ad omne circa hoc dubiū
tollēdum, vos prout ante datas dictas literas
de iure & cōsuetudine seu priuilegio procede-
re poteratis, nec non etiā contra maleficos &
sortilegos ac à fide apostatātes, prout crimi-
nis postulauerit qualitas, procedere posse &
debere, auctoritate Apostolica, tenore præsē-
tiū decernimus & declaramus; vobis cōmit-
tentes & mandātes, ut eosdē Venetos, & illo-
rū Ducē, ac officiales suos, ne ipsi ulterius in
huiusmodi causis se intromittant, sed quod
iniunctas sibi executiones, & fortē iniungē-
das, postquā requisiti fuerint, sine aliqua pro-
cessuū, p̄ dictos ecclesiasticos iudices factorū
uisione, uel examinatione prōptē exequātur
moneatis & hortēmini. Et si hoc facere neg-
lexerint, uel retuserint, vos eos p̄ cēsuras
ecclesiasticas & alia iuris opportuna remedia

appellatione postposita compellatis. Premissis
ac constitutionibus & ordinationibus Apo-
stolicis, statutisq; & consuetudinibus ciuita-
tum & diocesum predictarum, iuramento,
firmatione Apostolica, vel quauis firmitate
alia roboratis, ceterisq; contrarijs non ob-
stantibus quibuscunq;.

Datum Romæ apud S. Petrum, sub an-
nulo Piscatoris, die 15. Februarij. M. D. XXI.
Pontificatus nostri anno octauo.

ADRIANVS VI.

Inquisitori Comensi.

Dilecte fili, Salutem & Apostolicam be-
nedictionem.

Dudum, uti nobis exponi fecisti, per fæli-
cis recordationis Iulium Papam II. prede-
cessorem nostrum, non sine magnatunc ani-
mi sui displicentia accepto, quod per quendam
Georgium de Casali, ordinis fratrum Predi-
catorum professorem, & in ciuitate Cremo-
nensi hæretica prauitatis Inquisitorem de-
putatum, in nonnullis Lombardia partibus,
& præsertim in locis, in quibus dictus Geor-
gius Inquisitor deputatus erat, reperta fue-
runt

runt quamplures utriusq. sexus persona, propria salutis immemores, & à fide Catholica deviantes, certam sectam facientes, fidem. quam in sacri susceptione Baptismatis susceperant, abnegantes, sanctam Crucem pedibus conculcantes, & opprobria super eam perpetrantes, ecclesiasticis & præsertim Eucharistia sacramentis abutentes, diabolum in suum dominum & patronum assumētes, ei q. obedientiam & reuerentiam exhibentes, & suis incantationibus, carminibus, sortilegijs, alijsq. nefandis superstitionibus, iumenta & fructus terra multipliciter ladentes, aliaq. quàm plurima nefanda, excessus, & crimina eodem diabolo instigante committentes, & perpetrantes, in animarum suarum periculum, diuina maiestatis offensam, perniciosumq. exemplum, & scādalum plurimorum. Contra quas cum dictus Georgius tunc (vb. asserēbat) in dictis locis sue Inquisitioni deputatis, prout ipsius Georgij incumbēbat officio, ipse Georgius processisset: nonnulli autē tam clerici quàm laici illarū partium, quærentes plus sapere quàm oportet, præmissa delicta, ad eiusdem Georgij Inquisitionis officium non pertinere temerè asserentes, præsumētes in populo errores & scandala semi-

nauerunt: sicq̃ eundem Georgium in populo
 odiosum reddere, & dicti Georgij officium im-
 pedire conati fuerunt, prout etiam tunc im-
 pediebāt: ita quod propter præmissa, personæ
 prædictæ delicta huiusmodi perpetrantes,
 remanebant impunita, & alia eorum exem-
 plo ad similia perpetranda quotidie induce-
 bantur, in non modicum fidei opprobrium, a-
 nimarum periculum, & scandalum pluri-
 morum. Dictus prædecessor volens (ne inqui-
 sitionis officij executio quomodolibet retar-
 daretur, & labes heretica prauitatis lōgius
 venena diffunderet) providere, dicto Georgio
 per quasdam suas in forma brevis litteras,
 commisit & mādauit quatenus in locis eius-
 dem Georgij inquisitioni deputatis, - de ex-
 cessibus huiusmodi cognoscere, & cōtra quas-
 cunq̃ personas, cuiuscūq̃ conditionis & præ-
 eminentia forent, inquisitionis officium ex-
 exercere & exequi: ipsasque personas, quas in
 præmissis culpabiles reperiret, vnā cum lo-
 corum ordinariis Vicarijs, quatenus vo-
 luissent interesse, iuxta dictarum persona-
 rum demerita, corrigere & punire deberet,
 secundum modum contra alios hereticos à
 iure ex sacris canonibus statutum: cōtradi-
 ctōres quoscunq̃, per censuram ecclesiasticā,

& alia iuris opportuna remedia compescendo. Eos verò qui in pramissis, cōsiliū, auxiliū, vel fauorem præsarent, præsatus prædecessor noster, eisdē indulgentiis uti & gaudere decreuit, quibus cruce signati contra alios hereticos, ex indulto Apostolico eis concesso, tunc gaudebant & utebantur, prout in dictis literis plenius cōtineri dicitur. Et sicut eadē expositio subiungebat, nō solum delicta & crimina huiusmodi contra fidem Catholicam, & Christianā religionem, sub iurisdictione inquisitoris Cremonensis committuntur, & perpetrantur; sed in omnibus alijs locis & diocesibus, sub iurisdictione aliorū inquisitorum dicti ordinis congregationis Lombardie, indies perpetrantur & cōmittuntur. Et cū eadem sint delicta, eadem profectō prouisione & castigatione eis est earundē litterarū tenore prouidendum. Quare tu, sicut asseris, in ciuitate Comēsi, ubi dicta prauitatis Inquisitor existis, tā tuus, q̄ omnium aliorum dictorum ordinis & congregationis hereticæ prauitatis Inquisitorū ubilibet consistēt iū & deputatorū nominib⁹, fecisti nobis humiliter supplicari, ut litteras prædictas ad vos extendere & ampliare, aliasq̄, de super opportunè dignaremur puidere. Nos igitur huiusmodi
 sup-

Supplicatione inclinati, litteras prædictas, cum omnibus in eis cōtēntis clausulis, in omnibus & per omnia, prout in eisdem litteris continetur, ad te & ad alios ordinis congregationis huiusmodi Inquisitores, tam in præsentiarum deputatos, quàm in futurū perpetuis futuris tēporibus deputādos, ac si tibi, & cuilibet Inquisitorum prædictorum dirigeretur, & directæ fuisset, Apostolica auctoritate tenore præsentium extēdimus. Ipsasq; litteras tibi & illis, ut præmittitur, eisdem auctoritate & tenore concedimus. Non obstantibus omnibus illis, quæ idem Iulius prædecessor voluit non obstare, cæterisq; contrarijs quibuscunq;. Et quia difficile foret præsentēs litteras, ad singula loca, in quibus de eis fides forsā fuerit faciēda, deferre: volumus & Apostolica auctoritate decernimus, quod ipsarum transumptis, manu cuiuscunq; notarj publici subscriptis, & sigillo alicuius Curia, seu personæ in dignitate Ecclesiastica constitutæ munitis: in iudicio & alibi, ubi opus fuerit, eadem prorsus fides adhibeatur, quæ adhiberetur eisdem præsentibus, si foret exhibita vel ostēse. Datum Romæ apud S. Petrum, sub annulo Piscatoris die XX. Iulij. M.D.XXIII. Pontificatus nostri anno I.

SIXT. V. PROHIBITIO
CONTRA IVDICIARIAE ASTRO-
logia artem, incantationes, diuinationes,
& sortilegia, & libros, in quibus
huiusmodi continentur, &c.

SIXTVS EPISCOPVS,
 Seruus seruorum Dei, Ad perpetuam
 rei memoriam.

Celi & Terra Creator Deus, quem vnũ
 Omnipotentem corde credimus ad iusti-
 tiam, & ore confitemur ad salutem, et si ho-
 mini, quem ad imaginem, & similitudinem
 suam creauit, mentem dederit, quæ non solũ
 diuino fidei lumine illustrata, mysteria illa
 cognosceret, quæ humanam intelligentiam
 superant, sed etiam natura sua vi, magno li-
 cet cum labore, præclara multa inuestigaret,
 atq; intelligeret, Tamen, vt superbum ani-
 mal homo non altum saperet, sed timeret, &
 immensam conditoris sui maiestatem, humi-
 stratus veneraretur, sibi soli eorum, quæ euen-
 tura sunt, scientiam, & futurarum rerum
 cognitionẽ reſeruauit. Solus enim ipse, cuius
 oculis omnia nuda, & aperta sunt, & ad inti-
 mas hominum cogitationes penetrat, & cõ-
 sequẽtes eorum actiones intuetur, solus ipse,
 qui

qui vocat ea, quæ non sunt, tanquã ea, quæ sunt, omnia præsentia, & ante oculos posita habet, solus deniq; omnia, & singula quacũq; totius temporis decursu, & seculorum ætatibus futura sunt, ab omni æternitate nouit, & admirabili prouidentia disposuit, quæ non modo humana mentis imbecillitas ignorat, sed nec Dæmones ipsi præsentire possunt. Quare Idolorum in futuris annunciandis falsitatem & imbecillitatem, & eorum qui eis cultum adhibebant, vanitatem irridet Spi-

Isaie 41. ritus S. apud Isaiam illis verbis. Annunciate quæ ventura sunt in futurum, & sciemus, quia Dij estis. & in nouo Testamento Christus Dominus discipulorum suorum de futuris euentis paulò cupidius inquirētium, interrogationem graui illa responsione retulit, quæ etiã omnium fidelium suorum curiositatem coercuit. Non est vestrum scire tēpora, vel momenta, quæ Pater posuit in sua potestate. Nec verò ad futuros euentus, & fortuitos casus prænoscendos (futuris euentibus ex naturalibus causis necessario, vel frequenter prouenientibus, quæ ad diuinationem non pertinent, dumtaxat exceptis) vllæ sunt veræ artes, aut disciplinae, sed fallaces, & vana improborum hominum astutia.

stutia, & Daemonum fraudibus introducta, ex quorum operatione, consilio, vel auxilio omnis diuinationo dimanat, siue quod expressè ad futura manifestanda inuocentur, siue quod ipsi prauitate sua, & odio in genus humanum, occultè, etiam prater hominis intentionem se ingerant, & intrudent vanis inquisitionibus futurorum, ut mentes hominum perniciosis vanitatibus, & fallaci contingentium prænunciatione implicentur. & omni impletatis genere deprauentur. Quæ quidem ipsis cognita sunt, nō diuinitate aliqua, nec uera futurarum rerum sciētia, sed natura subtilioris acumine, & alijs quibusdam modis, quos hominum obtusior intelligentia ignorat. Quamobrem dubitandum nō est, in huiusmodi futurorum, contingentium, & fortuitarum euentuum inquisitione, & præcognitione, diaboli operationem se fallaciter immiscere, ut sua fraude ac dolis, miseros homines à uia salutis auertat, & laqueo dānationis inuoluat. Quæ cum ita sint, nonnulli hæc fideliter, & religiosè, ut debent, non attendentes, sed curiosa sectantes, grauiter Deum offendunt, errantes ipsi, & alios in errorem mittentes; tales in primis sunt, Astrologi olim Mathematici,

Cena

Genethliaci, & Planetarū vocati, qui vanā, falsamque syderum, & astrorum scientiam profitentes, diuinā q̄ dispositionis ordinatorem, suo tempore releuandam praeuenire audacissimè satagentes, hominum natiuitates, seu genituras ex motu syderum, & astrorum cursu metiuntur, ac iudicant futura, siue etiam praesentia & praeterita occulta, atq̄ ex puerorum ortu, & natali die, siue quauis alia temporū & momentorum vanissimā observatione, & notatione, de vniuscuiusq̄ hominis statu, cōditione, vite cursu, honoribus, diuitijs, sobole, salute, morte, itinēribus, certaminibus, inimicitijs, carceribus, cadibus, varijs discriminibus, alijsq̄ prosperis & aduersis casibus, & euentibus praecognoscere, indicare, & affirmare temerè praesumunt, non sine magno periculo erroris, & infidelitatis, cum S. Augustinus praecipuum Ecclesiae lumē, eum, qui haec obseruat, qui attendit, qui credit, qui in domum recipit, qui interrogat, Christianam fidem, & Baptismum praeuaticasse affirmet, ut illos meritò Apostolus arguat, atq̄ increpet illis verbis: Dies obseruat, & mēies, & tempora, & annos, timco vos, ne fortè sioe caussa laboraucrim in vobis.

Galat. 4.

Hi igitur leuissimi, & temerarij homines in miserandam animarum suarum ruinam, graue fidelium scandalum, & Christianae fidei detrimentum, futuros rerum euentus, & quaecūq; prosperè, vel aduersè obuentura sunt, ac actus humanos; ea deniq; quae ex libera hominum voluntate proficiscuntur, astris, syderibusq; ascribunt, eisque eam facultatem, vim seu virtutem, & efficaciam tribuunt significandi futura, & ad praecognita ita inclinandi, ut sic omninò, nec aliter euentura sint, atq; ob eam causam de ijs rebus omnibus iudicia facere, prognostica, praedictiones, & praecognitiones sibi assumere, & palam venditare non dubitant, quibus non pauci rudes, & imperiti, alijq; nimis creduli, & imprudentes tantam fidem praestant, ut ex huiusmodi iudiciorum, & praedictionum praescripto, aliquid certè esse credant, aut sperent, quorum sanè, & mendacium magistrorum temeritas, & infelicitum discipulorum credulitas magnopere deploranda est, qui vel diuinis literis admoniti non intelligunt hominis praestantiam, cui cæli & Stella, & clarissima Cæli sydera Sol, & Luna, Deo ita disponente, non imperant, sed inserviunt, sic enim Moyses populum Dei,

Deut. 10.

et hunc errorem cauere, pramonebat. Ne fortè eleuatis oculis ad cælum, videas Solem, & Lunam, & omnia astra cæli, & errore deceptus adores ea, & colas, quæ creauit Dominus Deus tuus in ministeriū cunctis gentibus, quæ sub cælo sunt. Sed quid sydera mirandum est homini seruire? nonne nobilissima intelligentiæ Angeli ipsi, omnes sunt ad ministratoriū spiritus, in ministerium missi propter eos, qui hereditatem capiunt salutis? nam rationales oues ita diligit Deus, ut

Li. 2. in Lu.

non solum Episcopos, quemadmodū à S. Ambrosio scriptum est, ad tuendum gregem ordinauerit, sed etiam Angelos destinauerit.

Lib. 3. in Matth.

Præclarè etiam S. Hieronymus: Magna dignitas animarum, ut unaquæq; habeat ab ortu natiuitatis in custodiam suū Angelum delegatum. Quod si Angeli homines custodiunt, quid aduersus Angelorum custodiam, & tutelam astra moliri, aut efficere poterunt, quæ cum ipsis Angelis nullo modo sunt comparanda? Nec sanè hoc loco prætereunda est, eximij Ecclesiæ Doctōris, & Beatissimi

Homil. 20. in Euang.

Pontificis Magni Gregorij sententiā, qui Priscillianistas hereticos unumquemq; hominem sub constitutionibus stellarum nasci putantes, magnorum rerum, & verborum pon-

dere confutat. Absit (inquit) à fidelium cordibus; ut aliquid esse fatum dicant, vitam quippè hominū solius hanc conditor, qui creavit administrat; neq̃, enim propter stellas homo, sed stella propter homines facta sunt, etsi stella fatum hominis esse dicitur, ipsis suis ministerijs subesse homo perhibetur. Vt nam insani homines hæc saperent, & intelligerent, ac Dei monitis obtemperarent in Leuitico dicentis. Non declinetis ad Magos, Leui. 20. nec ab Ariolis aliquid sciscitemini, ut polluantur per eos: Neq̃, enim quæ Christiana, & vera pietas repellit, ac damnat, tanto studio inuestigarent, iisdem miserè se decipi, atque irretiri paterentur. Sunt etiam inanes quidam homines, & curiosi, vel impij, & irreligiosi, qui futurarum, & occultarū aliarum rerum notitiam adeò anxie habere student, ut ob eadem prænoscentia, & inuestiganda in diuinæ legis offensionem multipliciter incurrant. Alij enim Geomantie, Hydromantie, Aeromantie, Pyromantie, Onomantie, Chiromantie, Necromantie, alijsq̃ sortilegijs, & superstitionibus, non sine Demonum saltem occulta societate, aut tacita pactione, operam dare, seu illis, ac sortibus illicitis taxillorum, granorum triticeo-

rum, vel fabarum iactu uti non verentur. Alij verò aliquas pristina, & antiquata, ac per crucis victoriam prostrata Idololatria reliquias, retinentes, quibusdam augurys, auspicijs, similibusue signis, & vanis observationibus ad futurorum diuinationem intendūt. Alij item sunt, qui cum morte fœdus ineunt, & pactū faciunt cū inferno, qui similiter ad occultorū diuinationē adinueniendos thesauros, vel ad alia facinora perpetranda, etiam expressa cum Diabolo pactione facta, in manifestam suarum perniciem animarū, nefarias magicæ artis incantationes, instrumenta, & veneficia adhibent circulos, & diabolicos characteres describunt, Demones inuocant, aut consulunt, ab eis responsa petunt, aut accipiunt, eis preces, & thuris, aut aliarum rerum suffimenta, seu fumigationes, aliaue sacrificia offerunt, candelas accendunt, aut rebus sacris, vel sacramentis, aut sacramentalibus sacrilegè abutuntur, adorationis, genuflexionis, aut quacuis alia impietatis obsequia præstāt, cultū venerationēue tribuunt, aut annulū, vel speculū, aut paruas phyalas sibi fabricāt, aut fabricari curant ad demones in eis alligandos, seu includēdos, ut putāt, ad responsa ab ip-

ab ipsis inde petenda, aut habenda. Alij præterea etiam in corporibus obsessis, vel lymphaticis & phanaticis mulieribus Demones de futuris, vel occultis rebus, aut factis exquirunt, ut meritò ab eis, quos Dominus in Euangelio tacere imperauit, vanas, mendacesq; referant responsiones. Alij quoq; prestigiatore, frequentius verò muliercula quædam superstitionibus dedita in phyalis, seu vasculis vitreis aqua plenis, vel in speculo accensis candelis, etiam benedictis sub nomine Angeli Sancti, & albi, Diabolum omnium malorum satorem supplices adorantes, vel in vnguibus, aut palma manus, quædoq; etiam oleo perunctis eundem omnium fallaciarum architectum orant, ut similiter futura, vel occulta quævis per spectra, & apparentes imagines, seu phantasticas visiones sibi ostendat, aut ab eodem patre. Mandatq; Diabolo alijs incantationibus, aut varijs superstitionis observationibus, futurorū; & occultorum huiusmodi veritatem quærunt, & hominibus prædicere contendunt. Quorum omnium, quos supra enumerauimus consimilis impietas parem exitum habet, nimirum, quod Demonis prestigij, ac dolis, tum qui diuinant, tum qui diuinationem

nem expetunt illusi, ac delusi miserrimè reperiuntur. Itaq; cum futuros euentus in seipsis considerare, antequam fiant, sit Dei proprium, illud necessario consequitur, ut Astrologi, & alij prædicti, qui huiusmodi futura prænuntiare, aut prænoscere quocūq; modo, nisi Deo reuelante audent: iniuste atq; impudenter, quod Dei est sibi assumāt, & usurpent. Sic fit, ut dū ab eis, quod solius est creatoris perperam creaturis tribuitur, diuina Maiestas grauiter ledatur, fidei integritas violetur, & animabus pretioso Christi sanguine redemptis, pestis, atq; exitium importetur. Et licet iam pridem regulis indicis librorum prohibitorum ex decreto sacri Generalis Trid. Concil. confecti, illud inter cætera constitutum fuerit, ut Episcopi diligenter prouiderent, ne huiusmodi Astrologia iudiciaria libri, tractatus, & indices legerentur, vel haberentur, qui de futuris contingentibus, successibus, fortuitis siue casibus, aut ijs actionibus, quæ ab humana voluntate pendent, certo aliquid euenturum affirmare audent, permissis tamen iudicijs, & naturalibus obseruationibus, quæ nauigationis, agriculturæ, siue medicæ artis iuuanda gratia conscripta fuissent. Libros vero omnes,

& scrip-

& scripta Geomantia, Hidromantie, Chi-
 romantie, Necromantie, siue in quibus con-
 tinentur sortilegia, veneficia, auguria, aus-
 picia, incantationes artis magicæ, prorsus
 reijci, & aboleri curarent. Non tamen er-
 rorum, corruptelarum, delictorum, & ab u-
 suum prædictorum extirpationi usq̃, adeo
 prouisum est, quin etiã adhuc in nonnullis lo-
 cis, & apud plurimos curiosius vigeant, cum
 valde frequenter, detectis Diaboli insidijs,
 diuinationum, sortilegiorum, & variarum
 superstitionum omnia plena esse in dies de-
 tegantur. Nos igitur, qui pro nostropastora-
 lis officij munere fidei integritatem inui-
 olatam conseruare debemus, & animarũ sa-
 luti prospicere, quantum diuina gratia ad-
 iutrice possumus, ex paternæ charitatis vis-
 ceribus optamus, damnantes, & reproban-
 tes omne genus diuinationum, quæ Diabolo
 auctore ad fidelium deceptionem à prædictis
 curiosis, vel perditis hominibus fieri solent.
 Cupientes præterea Sanctã illam Christia-
 na Religionis simplicitatem, præsertim ubi
 agitur de summa Creatoris Dei potestate, sa-
 pientia, & prouidentia ab omni erroris labe
 integram, atq̃ incorruptam, ut par est, reti-
 neri: Volentes quoq̃, prædicta falsæ creduli-

tati, ac huiusmodi illicitarū diuinationum
& superstitionum, detestabili studio, & exe-
crandis flagitijs atq; impuritibus occur-
rere, ut de Christiano populo meritò dici pos-
sit quod de antiquo Dei populo scriptum est.

Num. 23.

Non est augurium in Iacob, neq; diuinatione
in Israel. Hac perpetuo valitura constitutio-
ne, Apostolica auctoritate statuimus, & mā-
damus, ut tam contra Astrologos, Mathe-
maticos, & alios quoscunq; dicta iudiciaria
Astrologia artem, praterquam circa agri-
culturam, nauigationem, & rem medicam
in posterum exercentes, aut facientes iudi-
cia, & natiuitates hominum, quibus de fu-
turis, contingentibus successibus, fortuitisq;
casibus, aut actionibus, ex humana volun-
tate pendentibus aliquid euenturum affir-
mare audent, etiam si id se non certo affir-
mare asserant, aut protestantur, quam con-
tra alios utriusq; sexus, qui supradictas dam-
natas, vanas, fallaces, & perniciosas diui-
nandi artes, siue scientias exercēt, profiten-
tur, & docent, aut discunt, qui se huiusmodi
illicitas diuinationes, sortilegia, superstitiones,
veneficia, incantationes, ac premissa
detestanda scelera, & delicta, ut praefertur
faciunt, aut in eis se quomodolibet intromit-
tunt,

tunt, cuiusq; dignitatis, gradus, & conditionis existant, tam Episcopi, & Prælati, superiores, ac alij ordinarij locorum, quam Inquisitores hæreticæ prauitatis ubiq; gentium deputati, etiamsi in plerisq; ex his casibus antea non procedebant, aut procedere non valebant, diligentius inquirant, & procedant, atq; in eos seuerius Canonicis pænis, & alijs eorum arbitrio animaduertant.

Prohibentes omnes, & singulos libros, opera, & tractatus huiusmodi iudiciaria Astrologiæ, Geomantiæ, Hydromantiæ, Pyromantiæ, Onomantiæ, Chiromantiæ, Necromantiæ, artis Magicæ, aut in quibus sortilegia, veneficia, auguria, auspicia, execrabiles incantationes ac superstitiones continetur, ac ut supra in memorato indice interdictos sub censuris, & pænis in eo contentis à quibuscunq; Christi fidelibus legi, aut quomolibet retineri, sed illos Episcopis, & ordinarijs locorū, vel Inquisitoribus prædictis præsentari, & consignari debere.

Et nihilominus eadem auctoritate, statuimus & mandamus, ut contra scienter, legentes, aut retinentes libros, & scripta huiusmodi, seu in quibus talia continentur, similiter ydem Inquisitores liberè, & licitè

Ddd s pro-

procedant, ac procedere, & pœnis condignis punire, & coërcere possint.

Non obstantibus constitutionibus, & ordinationibus Apostolicis, ceterisque contrariis quibuscumque.

Vt autem presentes nostræ litteræ ad communem omnium notitiam facilius deducantur: Iubemus illas in valuis Basilicarum S. Ioannis Lateranensis, & Principis Apostolorum de Vrbe, ac in acie Campi Floræ affigi, seu appendi, eisque detractis ipsarum exempla, etiam impressa eisdem in locis affixa relinqui. Et insuper vniuersis, & singulis venerabilibus Fratribus nostris Patriarchis, Primatibus, Archiepiscopis, Episcopis, locorum ordinariis, & praelatis, necnon Inquisitoribus hæreticæ prauitatis ubique constitutis, per hac committimus, & in virtute sanctæ obedientiæ districtè præcipiendo mandamus, ut per se vel alium, seu alios easdem presentes litteras, postquam eas receperint, seu earum notitiam habuerint, in suis, & singulis parochialibus Ecclesijs, dum in eis populi multitudo ad diuinam conuenerit, deinde vero semel in anno, & quoties eis expedire videbitur, vulgari sermone publicent, aut publicari faciant.

Quin

Quia vero difficile foret presentes litteras ad singula quæq; loca, in quibus de eis fides facienda erit deferri. Volumus, ut earum transumptis, etiam impressis, manu Notarij publici subscriptis, ac paruo sigillo Sanctæ Romanæ, & vniuersalis Inquisitionis, aut alicuius prælati, vel Curie Ecclesiæ munitis, eadem prorsus fides in iudicio, & extra ubique locorum adhibeatur, quæ eisdem originalibus litteris adhiberetur, si essent exhibitæ, vel ostensæ. Nulli ergò omnino hominū liceat hanc paginam nostrorum statutorū, mandatorum, prohibitionis, iussionis, commissionis, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius se nouerit incursum. Datum Romæ, apud S. Petrum, Anno Incarnationis, 1585. Nonis Ianuar. Pont. nostri.

Anno 1.

INDEX

INDEX RERVM PRÆCIPVARVM IN *hoc libro contentarum.*

A.

- A**CHILLEVM Bonzinibij argumentū cōtra
realē maleficorū delationē soluitur. fol. 266.
- Adorans Dæmonē sub specie Christi quomo-
do peccet. fol. 82.
- Aëromantia diuinationis species, & vnde dicta. 419.
- Alehimia scripto à nullo traditur. 484. potest habere
verum effectum. 486. Non est ex natura rei illicita.
ibidem. Vana est, stulta est. 489. & 491. Coniuncta
ve plurimum magiæ. 495. Multos homines depau-
perauit. 485.
- Angeli sunt incorporei. 72.
- Angelus & Dæmon mouent per voluntatem. 113.
- Angeli & Dæmonis voluntas ad plura se extendit vo-
lendo quam mouendo. 114. & 115.
- Angelus capillo Abacuc portauit, sed totum corpus
mouit. 116.
- Angelos bonos apparuisse in specie exercitus. 118.
- Angelos malos, Deo permittente, sub forma exercitus
posse apparere. ibidem. Milites arte malefica appa-
rentes, aut sunt præstigiæ, aut Dæmones sub forma
militum. 119. Incampum educti, nec vulnerant,
nec vulnerantur. ibidem.
- Angelus bonus unicuique homini ad tutelam. 186.
- Angelicæ custodiæ tres effectus generales, plures autem
particulares. 188.
- Angeli boni cur dæmones à tentationibus non prohi-
bent. ibidem.
- Angelus malus an unicuique ad exercitium designatus.
189. & loco mutato, mutetur. 190. & in opera ma-
leficij quidnam procuret. 191.
- Animalia imperfecta, vt ranas & serpentes, magi faciūt,
quomodo. 211.

Anima-

I N D E X

- Animalia signa futurorum. 506.
- Animarum reuocatio à magis attentatur. 97.
- Animæ beatorum operibus magorum non se immisc-
cent. 98. Nec qui igne purgatorio detinentur. 99.
- Animæ damnatorū gehennæ addictæ se operibus ma-
gorum non admiscunt. ibid.
- Anima Samuelis vi magiæ euocata non fuit. 100.
- Anima Samuelis an reuera, vel spectrum tantum appa-
ruerit, vtrumq; probabile. ibidem.
- Animæ separatæ reuio, vt verè informet, Dæmonis na-
turalem vim excedit. 101.
- Apparitiones nocturnæ aliquando fiunt à sagis. 102.
- In apparitionibus ad orationem confugiendū. 83.
- Apostata recedit à Deo, Quomodo. 631.
- Aqua benedicta contra Magicas artes & operationes
efficax. 35.
- Aquæ frigidæ probationem adhibens in cognoscenda
malefica, peccat mortaliter. 357. Quo sensu dicitur
vulgaris. 358. Pactum implicitum habet cum Dæ-
mone. 359. Credentes ei vim in esse ad manifestan-
dam innocentiam vel culpam, mortaliter peccant,
nisi ignorantia excuset. 360.
- Aquæ frigidæ, vel calidæ, aut ferri candentis prolatione,
postmodū intormentis extorta cōfessio, nullius
est roboris, nec Reus ex ea potest condemnari. 360.
- Arma ad euertendas potestates aëreas oportuna. 9.
- Ars magica quæ. 527.
- Artes magicæ alię diuinatrices aliæ operatrices. 433.
- Artium magicarum primus apud Persas inuentor Zo-
roastres Pactrianorum Rex. 407, 410.
- Artes magicæ veris Christi cultoribus nihil obstant. 396.
367. Per artem magicam puella rebus diuinis non
vacans, omnibus equa videbatur. 210.
- Arbitrium hominis Diabolus incitare, cogere præter
voluntatem non potest. 20. Ad maleficium necessa-
riò debet accedere. ibidem.
- Arbitrio iudicis relinqui, quo sensu. 107.
- Altera

I N D E X.

- A**stra voluntatem hominis non cogunt. 447. hominū
mores astris ascribere, superstitiosum. 448.
Astrologiæ species duæ, quæ licita, quæ damnata. 449
effectus de quib⁹ iudicat Astrologus varij sunt. 450.
De quibus infallibiliter possit prognosticare. 451.
Vnde fiat vt de futuris euentibus vera sæpè prædi-
cat. 453
Astrolabij inspectione furtum Ecclesiæ recuperare cu-
pientis presbyteri peccatum. 455
Auaritia multis maleficij & magiæ causa. 473
Auaritia facit mammonæ nummorum Deo sacrificare,
vt diuites fiant. 471
Aurum verum per Alchimiā fieri manet dubiū. 483
Sophisticatum vendere non licet. 494
Aruspex vnde dicatur. 500. Augures qui sint, 501. Aru-
spicum & Augurum pœna. 503

B.

- Bona** Maleficorum quare non confiscantur. 148
Bonorum testimonium in negotio maleficij ex natura
rei & actus haberi non potest. 321. & 323
Bullæ Pontificum contra maleficos. 767. & sequentib.

C.

- Campanarum** apud Christianos primus inuentor. 380.
Vfus earum. 381. Figuræ in veteri testamento tubæ
argenteæ. ibidem. Non baptizari campanas sed be-
nedici. 382. Non ex virtute quæ insit campanæ, sed
omnipotentis potestate ac voluntate maleficorum
conatus impedit. 383. exempla. 384. 385.
Cap. Episcopi, non damnat sectam maleficarum, sed
aliā longè diuersam. 388. Mulieres illius. cap. in
quibus à nostris Sagis differant. 389
Cap. Episcopi, non intendebat corporalem sagarum
delationem improbare, sed quæ fidei erant contra-
ria. 390
Casus excepti à regula confessorum de se. 274
Casu quo testes integri non possunt haberi, vt in male-
ficio, admittendi non integri. 320. & 323
Ceduntur

I N D E X.

- Ceduntur maleficæ si nil mali fecerint. 66. & maxime si ad Deum redire voluerint. 231. & 236.
- Chrisma non eraditur vnguibus Diaboli. 49. ritum erasionis cur fingat. ibidem. Signum erasionis in quibus potissimum adhibeat. 50
- Cyprianus martyr, An magus fuerit. 33
- Cometæ materia, & causa efficiens. 459. In triplici figura apparet. 460. Cometæ color. 461. Ex causa vel naturali vel supernaturali ortum potest habere. 462. Vtriusque significationes. 463. Exempla. 465.
- Confessarius maleficorum de quibus eos admonere debeat. 285. & 312
- Confessione maleficorum contra socios & participes criminis, An habenda sit fides. 272. & 282.
- Confessio malefici contra socium, quando sufficiens indicium ad torturam. 297. & 299.
- Confessio duorum vel trium contra participes in maleficio, regulariter facit indicium ad torturam. 316. & sequentib. Casus in quo tam pauca denuntiationes non sufficerent. 317.
- Confessio in extremis facta, An elidat primam confessionem in tortura & iudicio factam. 308. & sequent. Et cum varij sint in confessione denuntiantes, cui confessioni standum. 314
- Confessi de se crimen maleficij, quamvis infames, testes tamen esse possunt; & quare. 331. & sequentib.
- Confessio à iudice extorta promissione impunitatis, An sit valida, vt quis ex ea possit condemnari. 372. 373.
- Conuentus maleficorum in tres distinctus ordines. 71. Morum censorem habet, eiusq; officium. ibidem.
- Conuentui maleficorum non raro vnus superior Dæmon præsidet. 192. Quibus anni temporibus solenniores conuentus fiunt. 43. 70. 71. Quare de nocte, & in locis desertis. 324
- Conuentui an in persona, vel representatione per suū Diabolum intersint, vnde cognoscatur. 83. & 87.
- Conuentus ad nomen D E I, I E S V, & signum crucis

I N D E X.

- crucis quandoq; disparuerūt. 259. 262. 263. In conuentu quam diu disciplinam tenere debeant. 67. Impeditus ne in conuentum possit apparere, Diabolum suum cum pleno consensu substituit. 70.
- Corpora Dæmonum quomodo sint vera, quomodo non. 91.
- Corporaliter de loco ad locum, & suus conuentus scilicet Magi transferuntur. 330.
- Corporalis translationis exempla. 252. & sequentib.
- Corporalis translatio fit virtute Diaboli, nec vlla virtus in est vnguentis. 269. In ea sicut etiam in conuentu, honoratiores scilicet vultu & forma teguntur. 365.
- Obiectio ex historia. S. Germani refutatur. 401. & sequentib.
- Crucis Christi & nominis Iesu efficacia. 65. & 67.
- Curiositas quæ est libido sciendi non necessaria plerisque; causa maleficij. 170. hanc quidam animarum suarum commercio à Dæmonibus mercati. 176.

D.

- Damnato ex indicijs & coniecturis non imponenda vera pœna delicti, sed alia mitior. 366.
- Dammati ad ignem, an viui sint comburendi. 373.
- Apud Christianos mos prius strangulandi. ibidem.
- Impœnitentibus tamen hunc morem non suffragari. ibidem.
- Damnatis ad mortem & pœnitentibus sacramentum Eucharistiæ non denegandum. 376. Ipso executionis die non dandum, nisi moram executio non patitur. 377. Pro eis sacrificium offerri potest, non tamen solemnes exequiæ fieri debent. 379.
- Dæmones esse, fidei est. 88.
- Dæmones plura non possunt quàm illis permittantur. 10.
- Dæmonis potestas humanæ naturæ vi perfecte sciri nō potest. 51. Acquæ potestas eorum ac angelorum vira habet in corpora inferiora. 52. Et dona naturæ in se ipsa in eis permanserunt, ibidem.

Dæmon

I N D E X.

- Dæmon** primò ligatus à Christo 13. Quomodo ligatus, qui tantum adhuc præualeat 11. & sequ. **Dæmones** etiam in sanctos suam potestatem exercere permittuntur 9. aliter longè in sanctos quàm maleficos 18
- Dæmoni** leuis sæpè occasio viam aperit, sed quæ grauiora peccata præsupponat 16. vt animam inuadat diabolus, quæ se non prius gratiâ Dei priuarit prouidentia Dei non permittit 17. & 393
- Dæmonem** Christo potentiores faciunt, qui negant maleficum posse conuerti. 21
- Dæmoni** hominem deuotum B. Basil. Christo reconciliauit. 28. intercessione B. Mariæ Virginis, Theophilus qui se dæmoni deuouerat, poenitens ad Deum redit. 29
- Dæmones** in promissis aliquando fallunt 36. Diuitias & gloriam promittentes, ex se tradere non possunt 37. Pro pecunia dant stercora; & tamen veras quandoque pecunias, quare. 37. & 40.
- Dæmones** possunt assumere corpora, & apparere hominibus, exempla. 74. & 79.
- Dæmones** posse in hac vita videri in sua natura, error tam fidei quàm rectæ rationi contrarius. 78
- Dæmones** varias formas pro negotiorum varietate assumunt. So. Nunquam ouium & columbarum; At hircorum, coruorum, & canum formas assumunt sæpius. 81. In corporibus apparent mortuorum, sed non bonorum. ibidem.
- Dæmones** vnde in corpore assumpto cognoscantur. 85. & in corporibus assumptis num verè loquantur. 90
- Fœtorem** producant. 92. Aliquando à Sagis in loco torturæ videntur 93. quomodo videantur ab vno & non altero 95. **Simulant se animas** esse defunctorum 96
- Dæmones** sibi subordinatos esse, idq; naturale ipsis esse. 55. & 58. quomodo sibi sint concordēs. 56. Secundū scientiæ magnitudinem, habent amplitudinem præfidentia. 59. Præfidentia Dæmonum, est locorum, personarum, & vitiorum. 59. & 61
- Ecc
- Dæmones**

Dæmones ad fraudem & tentationem segnes, à superioribus flagellantur; industrij coronantur & laudantur
62. & 63

Dæmonum quisq; ad illud maximè peccatum conatur inducere cui præsidet 59. vnus fornicationis spiritus, an seducat eum qui in Britannia, & eum qui fornicatur in India ibid.

Dæmonum diuersitas colligitur ex diuersitate animalium, quibus in sacris literis comparatur, aut quorum nomine significantur 60 & 61

Dæmones in operationibus suis scismata lunæ obseruant, quare 5. & 132. in maleficijs diuinorum operum imitationem affectant, & per quæ 20. & 53

Dæmon cur Onocentaurus & Lamia dictus à Propheta 88. quandoq; etiam ad longum tempus sic conuersatur, vt verus homo putetur; lepida historia ibid.

Dæmon qui 249. annis in templo Dianæ habitauerat à quo, & quibus verbis expulsus 124

Dæmones à suis adorationem & sacrificia expetunt, & sine negligatur, irascuntur. 184

Dæmones cum maleficijs rem veneream exercent, & singulæ singulos habent Amasios 212. modus dæmoniaci coitus explicatur 215. & sequent. cuiusmodi semē infundat 229. Dæmoniaco coitu forsan natus, cuius erit filius 220. cum Dæmone coeuntes, an delectationem percipiant 223 & 225

Dæmon in forma merulæ B. Benedictum infestans, & crucis signo fugatus, quantam carnis tentatione in iaco reliquerit 224

Dæmon proprio adiacente marito quauoque muliere abusus 231. à B. Bernardo anathematizatur 239

Dæmon non semper operatur, à malefico inuocatus 362. delectatur libidine 222. Libido eius pulchritudine capillorum muliebrium prouocatur. 229.

Dæmones incubi mulieribus pulchros crines habentibus maximè infesti ibid.

Dæmones delectantur sanguine humano 669. possunt grandi-

I N D E X.

grandines facere 553. possunt occidere 555. possunt
imbribus intempestiuis mouere cœluta & terram;
exempla 563. & 364

Dæmones vitam hominis ad 800. vel 900. annos sicut
olim viuebant homines, non possunt protrahere 248

Dæmones triplici vigent acumine scientiæ. 421. cog-
nitionem Dæmonis nihil rerum naturalium effu-
git, cordium cogitationibus exceptis. ibidem. cog-
nitio & experientia dæmonis indies augetur &
crescit 422. & 424. minores à maioribus addiscunt
astutias quas ignorant. 423. Reuelatione supernorum
spirituum aliqua præsciunt, quomodo 426. futura
in seipsis, nisi à bonis angelis reueletur, non cog-
noscunt. 428. futura quandoque prædicunt, quæ
ipsimet facturi sunt 428. ab alijs hominibus intel-
ligunt, quæ facere velint, & suis maleficis prædi-
cunt ibidem. futura merè contingentia, hæc cog-
noscunt 430. Thesauros absconditos, fusta secreta,
& deperdita norunt. 433

Dardanarij qui sint, ad restitutionem eos, & eorum hæ-
redes obligari 143. 144. 145. Dardanarij poena ar-
bitraria pro damni quantitate, & exercitij frequen-
tia 144

Denuntiatio malefici contra socium, facit indicium
graue 298

Denuntiatio socij vt faciat indicium, an fieri debeat
cum iuramento. 303

Denuntiatio hunc in cursu fuisse, magis meretur fidem
quàm si diceret, ipsum hominem aut equum occi-
disse 333. in denuntiationibus maleficorum error
fortè contingens, non adimit eis omnem fidem.
204. Denuntiationibus maleficorum, aut semper,
aut ferè semper veritas adest 298. Denuntiationi-
bus maleficorum contra socios fides habenda, et-
iamsi noctu ea conuenticula fiant 403. efficere dæ-
mon potest lumen ad videndum, quod non faciliè à
vento exstinguitur. 404

Ecc a

Denun-

I N D E X.

- Denuntiationibus incantatorum aut diuinorum non
licet ad capturam vel torturam deuenire 363. 364
- Denuntiationes incantatorum aut diuinorum quare
reijciantur, & maleficorum admittantur. 365. 366
- Denuntiationibus confortum in crimine maleficorum
si non detur fides, non est via extirpandi hoc crimen,
nec inquirendi 328
- Diuinatio quid, & ad eam quæ pertineant 161. diuina-
tio omnis utitur ad præcognoscendum futuros euen-
tus Dæmonum auxilio 417. Diuinationis variæ spe-
cies 419. & sequent.

E

- Ecclesia malignantium amula est Ecclesiæ Christi &
Sanctorum 62
- Emanatio sanguinis de corpore occisi ad præsentiam
occisoris, diuino tribuenda miraculo 126
- Emanatio huiusmodi sanguinis, An indicium suffici-
ens ad torturam ibid.
- Emens aut præbens venenum ad occidendum, an pœna
ordinaria teneatur, si nō sit subsecutus effectus. 442
- Execratio sui & suorum, sæpè maleficij occasio. 175
- Exorcismi pellunt Dæmones, sed non semper habent
certam vim. 126
- Expelli Dæmon herba vel melodia non potest. 130. Per
melodiam cytharæ, & iecur piscis non est Dæmon
expulsus, sed per orationem Tobie & meritum Da-
uidis. 133
- Exempla eorum qui abnegarunt Deum. 27. 28. 29. 30.

F.

- Fiscus aut Dominus succedens in acquisitione bonorū,
tenetur de damno dato satisfacere. 139. 140.
- Fistulatores in conuentu maleficorum, lucrantur pec-
uniam. 71
- Futura in seipsis considerata à solo Deo cognosci pos-
sunt. 427

G.

- Gigantes ante diluuium ex quibus nati. 216
- Grego.

I N D E X.

Gregor. Nazianzen. Iulianum Athenis conspiciens, ex
Physiognomia quale tulerit de eo iudicium 466

H.

Heredes tam malefici quàm alterius Rei, tenentur dam-
num ab illis illatum resarcire 139.

Heredes ad huiusmodi damnorum restitutionem à iu-
dice Ecclesiastico compelli possunt 141.

Heredes protrahentes damnum & iniuriam passos, ut
prius Legatarijs satisfaciant, in foro conscientie non
absoluuntur 142.

I.

Indebitus Dei cultus duplex: falsus, & superfluous 161.

Idololatria quid, & quomodo malefici exerceant 160.

Idololatria non est Sanctis cum Christo regnantibus,
debitum honorem impendere ibid.

Inscitia ministrorum Ecclesie, multis occasio male-
ficij 152.

Inscitia sacerdotum, stratagema diaboli in Philistæis
præfiguratum 155.

Indicia quot requirantur ad torturam 306. in crimini-
bus exceptis, quale est maleficium, sufficiunt suspi-
ciones leuiiores, quàm in non exceptis 306. 308.

Inimicitia capitalis à testimonio repellit 344.

Inimicitia capitalis ex quibus nascatur 345. 346.

Inimicus reconciliatus, quando poterit esse testis 349.

Iudex Reum de se confessum interrogare tenetur de so-
cijs, in casibus exceptis 276. 277. 282. omittens d i-
plici ratione peccat 281. Iudici quid cauendum,
quãdo facienda est de compliceibus interrogatio 283.
Quando licitum sit iudici in specie interrogare, Est-
ne hic tibi socius 286.

Iudici de socijs interroganti tenetur maleficus respon-
dere 282. aliàs non absolueudus 283. de se confessus,
si nouerit aliquem de sua societate conuersum, non
tenetur eum iudici interroganti denunciare 283. Iu-
dici obseruandum, An reus confessionem contra alios
sepius reiteret 316.

Ecc 3

Iudi-

I N D E X.

- Iudici non licet à magis veritatem mendacijs erueret 337
 omne mendacium diuino & humano iure prohibi-
 tum 368. maximè autem in iudice 369. argumenta
 Bodini soluuntur 370. 371
- Iudex non sepeliens eum qui ante confessionem aut
 probationem criminis mortuus est, peccat 652. In cor-
 pus defuncti in carcere szuire illi de iure nō licet, sed
 praxis habet 655. per denuntiationes ad inquisitionē
 & torturā procedens, æquissimè facit 340. Ipsius glo-
 ria est, indifferenter sine exceptione personarum om-
 nes punire, nisi Reipub. perturbatio esset sequutura
 668. expectans non conuersos maleficos ad pœnitē-
 tiam, vt eos liberet, crudelis 634
- Innocentes Dæmon in nocturnis conuentibus repræ-
 sentare non potest 393. Nec enim potest operari nisi
 ex permissione diuina, & tantum saltem, & non plus
 ibid. Multa potest ex suæ naturæ potentia, quantum
 ad actum primum, quæ non potest, quantum ad se-
 cundum 394. nec appetit quidem diabolus talem in-
 storum repræsentationem, & quare 400
- Innocentem extraordinaria potentia si repræsentari
 permittat Deus in conuentibus nocturnis; innocen-
 tia eius manifestabitur; exempla 396
- Innocentes posse à Demone repræsentari in conuen-
 tu maleficorum ad infamandum eos, qui dicunt;
 Latronibus, homicidis, & similibus patrocinium
 præstant 397. 398
- Iudex quando possit reum tortum relaxare 372
- Iudex sibi non sufficiens, adhibeat peritorū iudiciū 740
- Indicia ad crimen maleficij cognoscendum assignantur
 viginti ibidem

L. 329

- Lamiæ cur vocentur malefici. 412
- L. Plus est hominem veneno extinguere, quàm occide-
 re gladio, duplex sensus 435. quid venenum 437. ad
 interpretationem L. verba Philonis 438

Libe-

I N D E X.

Liberare maleficos è manibus iustitiæ & custodia publicæ potestatis cur dæmon non possit	399
Luxuria non solum vt incidant, sed vt etiam in maleficio perseuerent, causa est	174
Libri magorum & hereticorum comburendi	724. 727.

M.

Maleficia fieri certum est	2
Maleficia negare hereticum	3
Maleficij varieg significationes 2. Per Antonomasiam	
Magis & sagis attribuitur	413
Maleficium vt fiat, tria necessaria	8
Maleficia Deus quare permittat	9
Malefici instrumenta Diaboli	20
Malefici aut Magi effectus portentosos qui sint supra diaboli vires, non edunt	51
Maleficorum operationes effectum sortiuntur, vel ex applicatione naturalium agentium, vel occulto pacto cum Dæmone	53
Maleficorum operationes quæ ex occulto pacto dæmonis per signa procedunt, eæ potius per Reliquias Sanctorum, & sacramentalia impediuntur, quàm alię operationes in quibus rebus naturalibus vtuntur	54
Malefici multa faciunt ope diabolica, quæ imperitis videntur impossibilia 51. 195 possunt vim generatiuam inter coniuges impedire 237. 238. possunt ad amores mouere 531. <u>Exempla</u> ibid. possunt morbos inferre, homines & pecora interficere 243. venationem ferarum impedire. 600. possunt tempestates mouere. sterilitatem procurare. 248. 249. possunt multos curare morbos, quibus nulla medicorum scientia moderari valet 245. Exemplum 240. omnia procurare possunt quæ Dæmon	552
Malefici nostri nihil consententur noui, quod olim non fuerit à Dæmone factum	235
Malefici quando nocte domos ingrediuntur, quomodo iuuat & concurtat Dæmon	591
Ecc. 4.	Male.

I N D E X

- Malefici sunt Rei læsæ maiestatis diuinæ 291. 336. sine
 sacrilegi 292. maleficorum crimen multa grauissi-
 ma & horrenda in se scelera continet 326. 604
- Malefici opera diaboli ad conuentum feruntur, sed in
 eo faciunt opera humana, & functione sensuum cor-
 poreorum vtuntur 355
- Maleficorum principes cum Dæmoniorum Principe
 cōcludunt, & inferioribus executionem mādant 329
- Maleficorum competens forum 147. 339. maleficium
 quando manifestam sapiat hæresim. 148
- Malefici morte puniendi sunt, etiam si tantum in cursu
 fuerint 630. Cur morte puniatur, tres causæ generales
 528. Iuste puniuntur pœna ignis 630. Quod puniri pos-
 sint, iudicibus à Deo potestas data est, & mandatū 643.
 Net illis parcendū quia multi, sed indifferenter puni-
 re sine personarum acceptione, iudicis gloria est 663.
 668 in carcere, moriens ante criminis confessionē aut
 probationem, in loco sacro sepeliendus 651. malefi-
 cium confessus sed pœnitens, si moriatur in carcere,
 regulariter non est sepultura priuandus 653
- Maleficorum opera in tollendis maleficijs vti non licet,
 etiam si parati fuerint 247
- Maleficus non potest semper dissoluere maleficium ab
 alio inductum 573. & 576. Superior potest inferioris
 curare ibid. potest dæmonem suum cogere per supe-
 riorem 71. expellunt malefici aliquando Dæmones,
 & quomodo 128
- Malefici sæpè violant sepulchra, & mortuorum, præser-
 tim infantium corporibus abutuntur 136
- Malefici tenentur damna illata restituere 139
- Magiæ, in eam quæ sit, ministerio substantiæ separatae,
 & naturalem; diuisio 195
- Magia naturalis, quæ sit, & quando fiat vitiosa 195. & 196
 exempla magiæ naturalis 195. & 197
- Magi vera miracula nō faciunt 194. Magi Pharaonis 194
 veros serpentes & ranas fecerunt, non tamen miraculū
- Magi ope dæmonis mirabilia faciunt, tribus modis 198
- Magi

I N D E X

Magi seu malefici nec se nec alios realiter possunt in lupos transformare	200.
B. Augustini de transformationibus hominum in bestias sententia	204.
transformationes huiusmodi cum verè non fiant, quomodo appareant	209
Magistratus peruersus instinctu dæmonum præficitur, bonus deijcitur	61
Magistratus negligentia non minima tot maleficorum causa	156
Mandatarius quis sit, & mandatarij dictum solum sine alijs indicijs, an faciat indicium ad torturam contra mandantem	304
Minorennēs an contra maleficos testari possint	350
N.	
Nabuchodonosor non verè mutatus in bouem, sed in amentiam versus	207
Necromantia quæ diuinationis species	419
O.	
Observantia vana absque tacita Dæmonis inuocatione non est.	161
Operis diuisio	1
Opera magica scripturis prohibita & legibus	3
Operationum mirabilium circa mortuorum corpora, quædam species	134
Operationes huiusmodi mirabiles qua virtute fiant	134. 135
Occultas hominum cogitationes non cognoscunt Dæmones	431.
indirectè & cognitione coniecturali quandoq; cognoscunt.	432
Opera maleficorum fiunt ex pacto cum dæmone.	22
P.	
Pactum de facto interuenire in magorum operibus doctrina Catholica.	23
Pacti forma in verbis diaboli: Si cadēs adoraueris me	23
similis formæ pacto sagas & maleficos diabolus aggredditur	24.
Pactorum explicitorum exempla	27. &
sequent. Doctoris cuiusdam, pactum cum Dæmone fieri	

I N D E X.

- fieri posse negantis, argumenta solvuntur 43 & seq.
- Pacisci cum spiritu potest homo, nec impedit naturarum disparitas 47
- Pacti non tam essentia quàm manifestatio requirit membra corporea. 48
- Pactum non impedit, quod per dolum & astutiam malefici decipiantur ibid.
- Pactum cum Demonibus multi passim non dormientes, sed vigilantes & solutis sensibus incunt 49
- Persecutione in maleficii scelere, quenam sit causa 177
- figura Philistegorum Samsonem captum excequantium 177
- sub maxima poena demones imperant ne cui extra societatem consilia sua detegant 178
- Physiognomia an ad indicia pertineat, ut quidem bona prosit, mala Reo noceat 467. Physiognomo quæ observandæ regulæ 469. propter signa exteriora non statim iudicandum de moribus hominum 470.
- Physiognomia de quibus iudicare non debeat 470.
- Physiognomiæ cura præcipua consistit in vultu & oculis 471
- Planetas quosdam efficaciter inclinare ad furta, alios ad luxuriam, impium est asserere. 454. planetarum nomina cum diebus septimanæ, gentiles assignarunt ibidem.
- Pusillanimitas præsertim mulieribus, plerumque causa maleficii 176
- Pater, An filium maleficum teneatur denuntiare, & filius patrem 278.
- Pueram signo crucis à parentibus munitum, malefica occidere non potuit, quinquagesies ad hoc à diabolo deportata 261
- Pueri quando & quomodo puniendi maleficio obnoxii 644.

R.

- Remedia contra desperationis errorem, & quod deceptus à diabolo redire possit in gratiam. 179

Reme-

I N D E X.

- Remedium optimum, vt homo se delusum cognoscens
statim confiteatur 180. & 183
- Resistentibus vt formica debilis, timidis vt leo crudelis,
diabolus 181. constantis animi continuatione, diabo-
li vis deijcitur, exemplo S. Anthonij 182
- Reus crimen de se confessus, non potest interrogari de
alijs, de quibus nulla sunt legitima indicia 287
- Reuelatio duobus fit modis: illustratione mentis, & so-
la predictione 426
- Reus in authoritate constitutus potest puniri morte si-
ne degradatione 720

S.

- Sage diaboli asini. 19
- Sage insidentes scopis per campum euolant, & ab hir-
cis transferuntur 69
- Socius de socio criminis quando interrogandus 274. 288
- Socij criminis in testes admittuntur, non ad condem-
nandum, sed ad torturam tantum 352
- Sociorum denuntiationibus & testimonijs multiplica-
tis, An quis possit condemnari. 383
- Somniorum duplex causa 550. non sunt omnino con-
temnenda 513. Licet eis aliquando intendere 513. ex
ijs predicere futura contingentia, quomodo malum,
sit 514
- Sors quid 518. quotuplex ibid. Diuisoria licita 519. Di-
uinatoria damnata 524. consultoria quomodo licita
521. vti licet in officijs secularibus, 523. vti non licet in
Ecclesiasticis electionibus 520
- Sortilegorum professio alia tacita, alia expressa 42
- Sortilegæ professionis tam tacite q̃ expressæ modus 43
- Sortilegorum professio solennis, vbi, quando, & quo-
modo fiat 43
- Superstitio dispositio ad maleficium 359. Superstitio
quid, & quot eius species 160. Superstitionum exem-
pla 162. & sequen. Superstitiosi sunt, non solum exer-
centes eas, sed fidem etiam habentes, & interrogantos
168. Superstitioes tanto periculosiores, quanto plures
adhi-

INDEX.

- adhibentur res sacrae 167. Superstitiosum non est, ex auro vel alia materia, vt signa adeptę sanitatis, imagines in templo suspendere 164. Superstitiones & obseruantia vana, effectum quare nonnunquam consequantur 167. Superstitiosa à non superstitiosis discernendi quinque regulæ 168.
- Striges quare vocentur malefici 321. 412.
- T.
- Testes singulares qui sint; An probent, ita vt quis possit ad eorum denominationes torqueri 331.
- Tortura modicè adhibenda 660. adhibenda tantum in atrocioribus criminibus. 687. Non adhibenda regulariter, quando 681. & 682. adhiberi potest maleficis, etiam si sint personæ exceptæ 680. In tortura confessus non habet legitimis iudicijs, sibi non præiudicat 686.
- in Tortura sunt soliti modi, nō exquisiti adhibendi 689.
- à Tortura nemo excipitur ratione dignitatis 690.
- Tortura in præsentia iudicis fieri debet 691.
- Tortus leniter potest postea plenè torqueri 693.
- Tortus & nihil confessus, sine iudicijs nouis torqueri iterum non debet 694.
- Tortus & crimen confessus potest iterum torqueri ad detegendum socios 698.
- in Tortura crimen confessus & postea reuocans, potest repeti in tortura 699.
- Taciturnitas in tormentis à Dæmone quomodo procuratur 705.
- Tortus sufficienter & nil confessus, dimittendus est 709.
- Tortus quando non infamatur per torturam 713.
- Tortura potest adhiberi etiam die festo 716.
- Tumultus & perturbationes nocturnæ vt plurimum à Dæmonibus fiunt 104.
- Tumultus nocturnos certis quibusdam in locis contingere, exempla. 104. & seq. cur in his & non in alijs locis fiant, haud certa semper ratio 110. conductor domum conductitiam potest propter spectra relinquere ibid.
- Tumul-

I N D E X

Tumultus & vexationes nocturnæ, nunc sine villo damno, nunc minori, nunc maiori cum damno atque molestia 111. & 112. Sunt dæmones ioculatores, qui fatigare potius quàm nocere student 111. Contra locorum infestationes, remedia; Sacrificium corporis Christi, Reliquiæ Sanctorum, Exorcismi 120. & seq. V.

Vetularum remedia in curandis morbis & maleficijs valdè suspecta 577. Maleficijs vetulis familiare, vt infantes fascinent, & modus 244. Maleficium in mulieribus quàm in viris frequentius 419. eius aliquot rationes 416

Visiones non facillè admittendæ, & probandi modus 83 & 84. Visionibus non statim credendum, exempla. 83. Visionibus occurrentibus, cor signo crucis muniendum, & nomen Iesu inuocandum 84

Vxor Lorch non creata, sed diuina potestate in statuam salis conuersa 208. cux potius in statuam salis, quàm aliam substantiam conuersa 208

F I N I S.

